

Samantapāsādikāya Vinayaṭṭhakathāya

Atthavaṇṇanābhūtā

Bhadantasāriputtattherena katā

Sāratthadīpanīkā

(Tatiyo bhāgo)



Romanized from Myanmar version published in 1960

© Buddhasāsana Society

Ṭikā Series 03

First published in 2008 by Ministry of Religious Affairs

Yangon, Myanmar

THE PĀLI ALPHABET
IN BURMESE AND ROMAN CHARACTERS

VOWELS

အ a အာ ā ဣ i ဤ ī ဥ u ဦ ū ဧ e ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṇa
ဋ ta	ဌ tha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya ရ ra လ la ဝ va သ sa တ ha ဠ ḷa ၵ ṁ

VOWELS IN COMBINATION

-၁ ၵ = ā ၵ = i ၵ = ī ၵ - ၵ = u ၵ - ၵ = ū - = e -၁ ၵ = o

က ka	ကာ kā	ကိ ki	ကီ kī	ကု ku	ကူ kū	ကေ ke	ကော ko
ခ kha	ခါ khā	ခိ khi	ခီ khī	ခု khu	ခု khū	ခေ khe	ခေါ kho ...

CONJUNCT-CONSONANTS

ကက kka	ဃ န္ဂha	ဏ န္ဍtha	ဈ သhya	ဠ pla	ဣ lla
ကွ kkha	ဠ cca	ဏ္ဍ ṇḍa	ဠ dhva	ဠ pba	လျ lya
ကျ kya	ဠ ccha	ဏ္ဍ ṇṇa	ဠ nta	ဠ bbha	လှ lha
ကြ kri	ဠ jja	ဏ္ဍ ṇha	ဠ ntva	ဠ bya	ဂှ vha
ကလ kla	ဠ jjha	တ္တ tta	ဠ ntha	ဠ bra	တ္တ sta
ကွ kva	ည ṇṇa	တ္တ ttha	ဠ nda	ဠ mpa	တ္တ strā
ချ khya	ည ṇha	တွ tva	ဠ ndra	ဠ mpha	သ္မ sna
ခွ khva	ည ṇca	ကျ tya	ဠ ndha	ဠ mba	သျ sya
ဂွ gga	ဠ ṇcha	တြ tra	ဠ nna	ဠ mbha	သ ssa
ဠ ggha	ည ṇja	ဠ dda	ဠ nya	ဠ mma	သ္မ sma
ချ gya	ည ṇjha	ဠ ddha	ဠ nha	ဠ mya	သ္မ sva
ဂြ gra	ဠ ṭta	ဠ dya	ဠ ppa	ဠ mha	တွ hma
ကံ ṅka	ဠ ṭtha	ဠ dra	ဠ ppha	ဠ yya	တွ hva
ခံ ṅkha	ည ḍḍa	ဠ dva	ဠ pya	ဠ yha	ဠ ḷha
ဂံ ṅga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

Sāratthadīpanītikā

Tatīyabhāga

Mātikā

Piṭṭhanka

5. Pācittiyakaṇḍa

1. Musāvādavagga

1. Musāvādasikkhāpadavaṇṇanā	1
2. Omasavādasikkhāpadavaṇṇanā	3
3. Pesuññasikkhāpadavaṇṇanā	4
4. Vadasodhammasikkhāpadavaṇṇanā	5
5. Sahaseyyasikkhāpadavaṇṇanā	6
6. Dutiyasahaseyyasikkhāpadavaṇṇanā	10
7. Dhammadesanāsikkhāpadavaṇṇanā	11
8. Bhūtārocanasikkhāpadavaṇṇanā	12
9. Duṭṭhullārocanasikkhāpadavaṇṇanā	13
10. Pathavīkhaṇanasikkhāpadavaṇṇanā	14

2. Bhūtagā mavagga

1. Bhūtagāmasikkhāpadavaṇṇanā	16
2. Aññavādakasikkhāpadavaṇṇanā	23
3. Ujjhāpanakasikkhāpadavaṇṇanā	24
4. Paṭhamasenāsanāsikkhāpadavaṇṇanā	25
5. Dutiyasenāsanāsikkhāpadavaṇṇanā	29
6. Anupakhajjasikkhāpadavaṇṇanā	30
7. Nikkaḍḍhanāsikkhāpadavaṇṇanā	31
8. Vehāsakuṭisikkhāpadavaṇṇanā	31

Mātikā		Piṭṭhaṅkā
9. Mahallakavīhārasikkhāpadavaṇṇanā	...	32
10. Sappāṇakasikkhāpadavaṇṇanā	...	33

3. Ovādavagga

1. Ovādasikkhāpadavaṇṇanā	...	34
2. Atthaṅgatasikkhāpadavaṇṇanā	...	46
3. Bhikkhunupassayasikkhāpadavaṇṇanā	...	48
4. Āmisasikkhāpadavaṇṇanā	...	48
6. Cīvarasibbāpanasikkhāpadavaṇṇanā	...	49
7. Saṃvidahanasikkhāpadavaṇṇanā	...	50
8. Nāvābhiruhanasikkhāpadavaṇṇanā	...	51
9. Paripācitasikkhāpadavaṇṇanā	...	52
10. Rahonisajjasikkhāpadavaṇṇanā	...	52

4. Bhojanavagga

1. Āvasathapiṇḍasikkhāpadavaṇṇanā	...	53
2. Gaṇabhojanasikkhāpadavaṇṇanā	...	53
3. Paramparabhojanasikkhāpadavaṇṇanā	...	56
4. Kāṇamātāsikkhāpadavaṇṇanā	...	57
5. Paṭhamapavāraṇāsikkhāpadavaṇṇanā	...	58
6. Dutiyapavāraṇāsikkhāpadavaṇṇanā	...	65
7. Vikālabhojanasikkhāpadavaṇṇanā	...	65
8. Sannidhikāraśikkhāpadavaṇṇanā	...	66
9. Paṇītabhojanasikkhāpadavaṇṇanā	...	68
10. Dantapōnasikkhāpadavaṇṇanā	...	70

5. Acelakavagga

1. Acelakasikkhāpadavaṇṇanā	...	75
2. Uyyojanasikkhāpadavaṇṇanā	...	76

Mātikā	Piṭṭhaṅka
3. Sabhojanasikkhāpadavaṇṇanā	76
6. Cārittasikkhāpadavaṇṇanā	77
7. Mahānāmasikkhāpadavaṇṇanā	77
8. Uyyuttasenāsikkhāpadavaṇṇanā	78
9. Senāvāsasikkhāpadavaṇṇanā	78
10. Uyyodhikasikkhāpadavaṇṇanā	78

6. Surāpānavagga

1. Surāpānasikkhāpadavaṇṇanā	79
2. Aṅgulipatodakasikkhāpadavaṇṇanā	79
3. Hasadhammasikkhāpadavaṇṇanā	80
4. Anādariyasikkhāpadavaṇṇanā	80
5. Bhimsāpanasikkhāpadavaṇṇanā	80
6. Jotisikkhāpadavaṇṇanā	81
7. Nahānasikkhāpadavaṇṇanā	81
8. Dubbaṇṇakaraṇasikkhāpadavaṇṇanā	82
9. Vikappanasikkhāpadavaṇṇanā	82
10. Cīvara-apanidhānasikkhāpadavaṇṇanā	82

7. Sappāṇakavagga

1. Sañciccasikkhāpadavaṇṇanā	83
2. Sappāṇakasikkhāpadavaṇṇanā	83
3. Ukkoṭanasikkhāpadavaṇṇanā	83
4. Duṭṭhullasikkhāpadavaṇṇanā	84
5. Ūnavīsativassasikkhāpadavaṇṇanā	84
6. Theyyasatthasikkhāpadavaṇṇanā	86
8. Ariṭṭhasikkhāpadavaṇṇanā	86
9. Ukkhittasambhogasikkhāpadavaṇṇanā	88
10. Kaṇṭakasikkhāpadavaṇṇanā	89

Mātikā		Piṭṭhaṅka
8. Sahadhammikavagga		
1. Sahadhammikasikkhāpadavaṇṇanā	...	89
2. Vilekhanasikkhāpadavaṇṇanā	...	90
3. Mohanasikkhāpadavaṇṇanā	...	93
4. Pahārasikkhāpadavaṇṇanā	...	93
5. Talasattikasikkhāpadavaṇṇanā	...	93
6. Amūlakasikkhāpadavaṇṇanā	...	94
7. Sañcicasikkhāpadavaṇṇanā	...	94
8. Upassutisikkhāpadavaṇṇanā	...	94
9. Kammaṭṭhānaṭṭhānasikkhāpadavaṇṇanā	...	95
10. Chandaṃ adatvā gamanasikkhāpadavaṇṇanā	...	95
11. Dubbalasikkhāpadavaṇṇanā	...	96
9. Rājavagga		
1. Antepurasikkhāpadavaṇṇanā	...	96
2. Ratanasikkhāpadavaṇṇanā	...	97
3. Vikālagāmappavisanasikkhāpadavaṇṇanā	...	98
4. Sūciḥarasikkhāpadavaṇṇanā	...	100
5. Mañcapīṭhasikkhāpadavaṇṇanā	...	101
6. Tūlonaddhasikkhāpadavaṇṇanā	...	101
7. Nisīdanasikkhāpadavaṇṇanā	...	102
6. Pāṭidesanīyakaṇḍa		
Pāṭidesanīyasikkhāpadavaṇṇanā	...	103
7. Sekhiyakaṇḍa		
1. Parimaṇḍalavaggavaṇṇanā	...	104
2. Ujjagghikavaggavaṇṇanā	...	105
3. Khambhakatavaggavaṇṇanā	...	105

Mātikā		Piṭṭhaṅka
4. Sakkaccavaggavaṇṇanā	...	106
5. Kabaḷavaggavaṇṇanā	...	107
6. Surusuruvaggavaṇṇanā	...	107
7. Pādukavaggavaṇṇanā	...	108

Bhikkhunīvibhaṅgavaṇṇanā

1. Pārājikakaṇḍa

1. Paṭhamapārājikasikkhāpadavaṇṇanā	...	111
2. Dutiyapārājikasikkhāpadavaṇṇanā	...	114
4. Catutthapārājikasikkhāpadavaṇṇanā	...	115

2. Saṃghādisesakaṇḍa

1. Paṭhamasaṃghādisesasikkhāpadavaṇṇanā	...	116
2. Dutiyasaṃghādisesasikkhāpadavaṇṇanā	...	117
3. Tatiyasaṃghādisesasikkhāpadavaṇṇanā	...	117
4. Catutthasaṃghādisesasikkhāpadavaṇṇanā	...	118
5. Pañcamasaṃghādisesasikkhāpadavaṇṇanā	...	119
6. Chaṭṭhasaṃghādisesasikkhāpadavaṇṇanā	...	119
7. Sattamasāṃghādisesasikkhāpadavaṇṇanā	...	120
9. Navamasāṃghādisesasikkhāpadavaṇṇanā	...	120

3. Nissaggiyakaṇḍa	...	121
--------------------	-----	-----

4. Pācittiyakaṇḍa

1. Lasuṇavaggavaṇṇanā	...	123
2. Andhakāravaggavaṇṇanā	...	124
3. Naggavaggavaṇṇanā	...	125
5. Cittāgāravaggavaṇṇanā	...	126

Mātikā		Piṭṭhaṅka	
8. Kumāribhūtavaggavaṇṇanā	127
9. Chattupāhanavaggavaṇṇanā	128
5. Pāṭidesanīyakaṇḍa			
Pāṭidesanīyasikkhāpadavaṇṇanā	129

Mahāvagga

Mātikā

Piṭṭhaka

1. Mahākhanda

Bodhikathāvaṇṇanā	131
Ajapālakathāvaṇṇanā	143
Mucalindakathāvaṇṇanā	148
Rājāyatanakathāvaṇṇanā	150
Brahmayācanakathāvaṇṇanā	150
Pañcavaggiyakathāvaṇṇanā	160
Dhammacakkappavattanasuttavaṇṇanā	168
Anattalakkhaṇasuttavaṇṇanā	183
Yasassa pabbajjākathāvaṇṇanā	191
Catugihisahāyapabbajjākathāvaṇṇanā	198
Paññāsagihisahāyapabbajjākathāvaṇṇanā	198
Mārakathāvaṇṇanā	199
Pabbajjūpasampadākathāvaṇṇanā	201
Dutiyamārakathāvaṇṇanā	203
Bhaddavaggiyakathāvaṇṇanā	203
Uruvelapāṭihāriyakathāvaṇṇanā	204
Ādittapariyāyasuttavaṇṇanā	208
Bimbisārasamāgamakathāvaṇṇanā	213
Sāriputtamoggallānapabbajjākathāvaṇṇanā	224
Upajjhāyavattakathāvaṇṇanā	231
Nasammāvattanādikathāvaṇṇanā	233
Rādhabrahmaṇavatthukathāvaṇṇanā	234
Ācariyavattakathāvaṇṇanā	235
Paṇāmanākhamāpanākathāvaṇṇanā	237

Mātikā	Piṭṭhaṅka
Nissayappaṭippassaddhikathāvaṇṇanā	... 238
Upasampādetabbapañcakakathāvaṇṇanā	... 239
Aññatitthiyapubbavatthukathāvaṇṇanā	... 241
Pañcābādhavatthukathāvaṇṇanā	... 241
Rājabhaṭādivatthukathāvaṇṇanā	... 243
Nissayamuccanakakathāvaṇṇanā	... 244
Rāhulavatthukathāvaṇṇanā	... 244
Sikkhāpadadaṇḍakammavatthukathāvaṇṇanā	... 250
Anāpucchāvaraṇavatthu-ādikathāvaṇṇanā	... 255
Paṇḍakavatthukathāvaṇṇanā	... 256
Theyyasaṃvāsakavatthukathāvaṇṇanā	... 257
Titthiyapakkantakakathāvaṇṇanā	... 259
Mātughātakādivatthukathāvaṇṇanā	... 259
Ubhatobyañjanakavatthukathāvaṇṇanā	... 262
Anupajjhāyakādivatthukathāvaṇṇanā	... 263
Apattakādivatthukathāvaṇṇanā	... 264
Hatthacchinnādivatthukathāvaṇṇanā	... 264
Alajjīnissayavatthukathāvaṇṇanā	... 265
Gamikādinissayavatthukathāvaṇṇanā	... 265
Gottena anussāvanānujānanakathāvaṇṇanā	... 266
Dve-upasampadāpekkhādivatthukathāvaṇṇanā	... 267
Upasampadāvidhikathāvaṇṇanā	... 267
Cattāronissayādikathāvaṇṇanā	... 267

2. Uposathakkhandhaka

Sannipātānujānanādikathāvaṇṇanā	... 269
Simānujānanakathāvaṇṇanā	... 270
Uposathāgārādikathāvaṇṇanā	... 273

Mātikā	Piṭṭhaṅka
Avippavāsaṁānujānanakathāvaṇṇanā	273
Gāmasīmādīkathāvaṇṇanā	274
Uposathabhedādīkathāvaṇṇanā	276
Pātimokkhuddesakathāvaṇṇanā	276
Pātimokkhuddesaka-ajjhesanādīkathāvaṇṇanā	277
Pakkhagaṇanādi-uggahaṇānujānanakathāvaṇṇanā	277
Disaṁgamikādivatthukathāvaṇṇanā	278
Pārisuddhidānakathāvaṇṇanā	278
Chandadānakathāvaṇṇanā	278
Samghuposathādīkathāvaṇṇanā	278
Āpattiṭṭhikammavidhikathāvaṇṇanā	280
Liṅgādidassanakathāvaṇṇanā	281
Nagantabbagantabbavāarakathāvaṇṇanā	281
Vajjanīyapuggalasandassanakathāvaṇṇanā	281

3. Vassūpanāyikakkhandhaka

Vassūpanāyikānujānanakathāvaṇṇanā	282
Vassāne cārikāpaṭikkhepādīkathāvaṇṇanā	282
Sattāhakarāṇīyānujānanakathāvaṇṇanā	282
Pahiteyeva anujānanakathāvaṇṇanā	282
Antarāye anāpattivassacchedakathāvaṇṇanā	283
Vajāḍīsu vassūpagamanakathāvaṇṇanā	283
Vassaṁ anupagantabbatṭhānakathāvaṇṇanā	283
Adhammikakatīkathāvaṇṇanā	284
Paṭissavadukkaṭāpattīkathāvaṇṇanā	285

4. Pavāraṇakkhandhaka

Aphāsukavīhāarakathāvaṇṇanā	287
Pavāraṇābhedaḍḍakathāvaṇṇanā	288

Mātikā	Piṭṭhaṅka
Pavāraṇādānānujānanakathāvaṇṇanā	288
Anāpattipannarasakakathāvaṇṇanā	288
Pavāraṇāṭhapanakathāvaṇṇanā	288
Bhaṇḍanakārakavatthukathāvaṇṇanā	289
Pavāraṇāsaṅgahakathāvaṇṇanā	289

5. Cammakkhanda

Soṇakoḷivisavatthukathāvaṇṇanā	290
Soṇassa pabbajjākathāvaṇṇanā	290
Sabbanīlikādīpaṭikkhepakathāvaṇṇanā	294
Ajjhārāme upāhanapaṭikkhepakathāvaṇṇanā	294
Kaṭṭhapādukādīpaṭikkhepakathāvaṇṇanā	294
Yānādīpaṭikkhepakathāvaṇṇanā	294
Uccāsayanamahāsayanapaṭikkhepakathāvaṇṇanā	294
Gihivikatānuññātādīkathāvaṇṇanā	296
Soṇakuṭikaṇṇavatthukathāvaṇṇanā	296

6. Bhesajjakkhanda

Pañcabhesajjādīkathāvaṇṇanā	304
Guḷādi-anujānanakathāvaṇṇanā	304
Yāgumadhugolaḷakādīkathāvaṇṇanā	305
Pāṭaligāmvatthukathāvaṇṇanā	306
Sunidhavassakāravatthukathāvaṇṇanā	317
Koṭigāme saccakathāvaṇṇanā	320
Ambapālīvatthukathāvaṇṇanā	321
Licchavīvatthukathāvaṇṇanā	321
Sihasenāpativatthukathāvaṇṇanā	322
Kappiyabhūmi-anujānanakathāvaṇṇanā	328

Mātikā		Piṭṭhaṅka	
Keṇiyajaṭilavatthukathāvaṇṇanā	329
Rojamallavatthukathāvaṇṇanā	331
Vuḍḍhapabbajitavatthukathāvaṇṇanā	332
Catumahāpadesakathāvaṇṇanā	333

7. Kathinakkhandhaka

Kathinānujānanakathāvaṇṇanā	335
Ādāyasattakādikathāvaṇṇanā	336

8. Cīvarakkhandhaka

Jīvakavatthukathāvaṇṇanā	339
Pajjotarājavatthukathādivaṇṇanā	339
Varayācanakathāvaṇṇanā	339
Kambalānujānanādikathāvaṇṇanā	339
Cīvarapaṭiggāhakasammuti-ādikathāvaṇṇanā	339
Cīvararajanakathāvaṇṇanā	340
Ticīvarānujānanakathāvaṇṇanā	340
Atirekacīvarādikathāvaṇṇanā	340
Visākhāvatthukathāvaṇṇanā	340
Nisīdanādi-anujānanakathāvaṇṇanā	341
Pacchimavikappanupagacīvarādikathāvaṇṇanā	341
Samghikacīvaruppādakathāvaṇṇanā	341
Upanandasakyaputtavatthukathāvaṇṇanā	343
Gilānavatthukathāvaṇṇanā	343
Matasantakakathāvaṇṇanā	343
Samghe bhinne cīvaruppādakathāvaṇṇanā	343
Aṭṭhacīvaramātikākathāvaṇṇanā	344

Mātikā

Piṭṭhaṅka

9. Campeyyakkhandhaka

Kassapagottabhikkhuvatthukathāvaṇṇanā	346
Ñattivipannakammādikathāvaṇṇanā	346
Catuvaggakaraṇādikathāvaṇṇanā	346
Dvenissāraṇādikathāvaṇṇanā	346

10. Kosambakakkhandhaka

Kosambakavivādakathāvaṇṇanā	348
Dīghāvuvatthukathāvaṇṇanā	349
Bālakaloṇakagamanakathāvaṇṇanā	353
Pācīnavamsadāyagamanakathāvaṇṇanā	353
Pālileyyakagamanakathāvaṇṇanā	360
Aṭṭhārasavatthukathāvaṇṇanā	362
Upālisaṅghasāmaggīpucchāvaṇṇanā	362

Cūlavagga

Mātikā

Piṭṭhāṅka

1. Kammakkhandhaka

Tajjanīyakammakathāvaṇṇanā	365
Adhammakammadvādasakakathāvaṇṇanā	365
Nappaṭippassambhetabba-aṭṭhārasakakathāvaṇṇanā	366
Niyassakammakathāvaṇṇanā	366
Pabbājanīyakammakathāvaṇṇanā	366
Paṭisāraṇīyakammakathāvaṇṇanā	366

2. Pārivāsikkhandhaka

Pārivāsikavattakathāvaṇṇanā	369
-----------------------------	-----	-----	-----

3. Samuccayakkhandhaka

Sukkavissaṭṭhikathāvaṇṇanā	371
Parivāsakathāvaṇṇanā	371
Paṭicchannaparivāsakathāvaṇṇanā	373
Agghasamodhānaparivāsakathāvaṇṇanā	374
Dvebhikkhuvāra-ekādasakādīkathāvaṇṇanā	374

4. Samathakkhandhaka

Sammukhāvinayakathāvaṇṇanā	375
Sativinayādīkathāvaṇṇanā	375
Adhikaraṇakathāvaṇṇanā	375
Adhikaraṇavūpasamanasamathakathāvaṇṇanā	380

5. Khuddakavatthukkhandhaka

Khuddakavatthukathāvaṇṇanā	381
----------------------------	-----	-----	-----

Mātikā

Piṭṭhaṅka

6. Senāsanakkhandhaka

Vihārānujānanakathāvaṇṇanā	392
Mañcapīṭhādi-anujānanakathāvaṇṇanā	395
Iṭṭhakācayādi-anujānanakathāvaṇṇanā	395
Anāthapiṇḍikavatthukathāvaṇṇanā	396
Aggāsanādi-anujānanakathāvaṇṇanā	399
Āsanappaṭibāhanādikathāvaṇṇanā	400
Senāsanaggāhāpakasammutikathāvaṇṇanā	401
Upanandavatthukathāvaṇṇanā	403
Avissajjiyavatthukathāvaṇṇanā	404
Navakammadānakathāvaṇṇanā	405
Aññatraparibhogapaṭikkhepādikathāvaṇṇanā	405
Samghabhattādi-anujānanakathāvaṇṇanā	406
Uddesabhattakathāvaṇṇanā	406
Nimantanabhattakathāvaṇṇanā	407
Salākabhattakathāvaṇṇanā	407
Pakkhikabhattādikathāvaṇṇanā	409

7. Saṃghabhedakakkhandhaka

Chasakyapabbajjākathāvaṇṇanā	410
Pañcasatthukathāvaṇṇanā	414
Nāḷāgiripesanakathāvaṇṇanā	414
Pañcavatthuyācanakathāvaṇṇanā	415
Samghabhedakathāvaṇṇanā	416
Upālīpañhakathāvaṇṇanā	421

8. Vattakkhandhaka

Āgantukavattakathāvaṇṇanā	423
Āvāsikavattakathāvaṇṇanā	423

Mātikā		Piṭṭhaṅka
Anumodanavattakathāvaṇṇanā	...	423
Bhattaggavattakathāvaṇṇanā	...	423
Piṇḍacārikavattakathāvaṇṇanā	...	424
Āraññikavattakathāvaṇṇanā	...	424
Senāsanavattakathāvaṇṇanā	...	424
Vaccakuṭivattakathāvaṇṇanā	...	424

9. Pātimokkhaṭṭhapanakkhandhaka

Pātimokkhuddesayācanakathāvaṇṇanā	...	426
Mahāsamudde aṭṭhacchariyakathāvaṇṇanā	...	428
Imasmimḍhammavinaye aṭṭhacchariyakathāvaṇṇanā	...	430
Pātimokkhasavanārahakathāvaṇṇanā	...	433
Dhammikādhammikapātimokkhaṭṭhapanakathāvaṇṇanā	...	434
Dhammikapātimokkhaṭṭhapanakathāvaṇṇanā	...	434
Attādāna-aṅgakathāvaṇṇanā	...	435
Codakena paccavekkhitabbadhammakathāvaṇṇanā	...	435
Codakena upaṭṭhāpetabbadhammakathāvaṇṇanā	...	435
Codakacuditakapaṭiṣaṃyuttakathāvaṇṇanā	...	435

10. Bhikkhunikkhandhaka

Mahāpajāpatigotamīvatthukathāvaṇṇanā	...	436
Aṭṭhagarudhammakathāvaṇṇanā	...	438
Bhikkhunī-upasampannānujānanakathāvaṇṇanā	...	444

11. Pañcasatikakkhandhaka

Saṅgītinidānakathāvaṇṇanā	...	446
Khuddānukhuddakasikkhāpadakathāvaṇṇanā	...	448
Brahmadaṇḍakathāvaṇṇanā	...	451

12. Sattasatikakkhandhaka

Dasavatthukathāvaṇṇanā	...	452
------------------------	-----	-----

Parivāra

Soḷasamahāvāra

Mātikā		Piṭṭhaṅka	
Paññattivāraṇṇanā	455
Samuṭṭhānasīsavaṇṇanā	457

Antarapeyyāla

Katipucchāvāraṇṇanā	458
Cha-āpattisamuṭṭhānavāraṅkathāvaṇṇanā	465

Samathabheda

Adhikaraṇapariyāyavāraṅkathāvaṇṇanā	466
Tabbhāgiyavāraṅkathāvaṇṇanā	466
Samathā samathassa sādharmaṇavāraṅkathāvaṇṇanā...	466
Vinayavāraṅkathāvaṇṇanā	467
Kusalavāraṅkathāvaṇṇanā	467
Samathavāravissajjanāvāraṅkathāvaṇṇanā	467
Samāsaṭṭhavāraṅkathāvaṇṇanā	468
Samathādhikaraṇavāraṅkathāvaṇṇanā	468
Samuṭṭhāpanavāraṅkathāvaṇṇanā	469
Bhajativāraṅkathāvaṇṇanā	469

Khandhakupucchāvāra

Pucchāvissajjanāvaṇṇanā	470
-------------------------	-----	-----	-----

Ekuttarikanaya

Ekakavāraṇṇanā	471
Dukavāraṇṇanā	471

Mātikā		Piṭṭhaṅka
Tikavāraṇṇanā	...	472
Catukkavāraṇṇanā	...	473
Pañcakavāraṇṇanā	...	474
Chakkavāraṇṇanā	...	475
Sattakavāraṇṇanā	...	476
Aṭṭhakavāraṇṇanā	...	477
Navakavāraṇṇanā	...	479
Dasakavāraṇṇanā	...	481
Ekādasakavāraṇṇanā	...	482
Uposathādīpucchāvissajjanāvaṇṇanā	...	483
Atthavasapakaraṇavaṇṇanā	...	483

Paṭhamagāthāsāṅgaṇika

Sattanagaresu paññattasikkhāpadavaṇṇanā	...	485
Catuvipattivaṇṇanā	...	486
Asādhāraṇādīvaṇṇanā	...	486
Adhikaraṇabhedaṇṇanā	...	487

Dutiyagāthāsāṅgaṇika

Saṅgāmadvayaṇṇanā	...	488
Kathinabhedaṇṇanā	...	488
Upālīpañcakavaṇṇanā	...	488
Vohāravaggavaṇṇanā	...	488
Diṭṭhāvīkammavaggavaṇṇanā	...	489
Musāvādavaggavaṇṇanā	...	489
Bhikkhunovādavaggavaṇṇanā	...	489
Adhikaraṇavūpasamavaggavaṇṇanā	...	489
Kathinatthāravaggavaṇṇanā	...	489
Samuṭṭhānavaṇṇanā	...	490

Mātikā			Piṭṭhaṅka
Aparadutiyagāthāsāṅgaṇika			
Kāyikādi-āpattivaṇṇanā	490
Desanāgāminiyādivaṇṇanā	490
Pācittiyavaṇṇanā	490
Sedamocanagāthā			
Avippavāsādīpaṅhavaṇṇanā	491
Pārājikādīpaṅhavaṇṇanā	491
Pañcavagga			
Kammavaggavaṇṇanā	492
Apalokenakammakathāvaṇṇanā	493
Apaññatte paññattavaggavaṇṇanā	494
Nigamanakathāvaṇṇanā	495
Nigamanakathā	496

Sāratthadīpanīṭikāya tatiyabhāge mātikā niṭṭhitā.

Vinayapiṭaka

Sāratthadīpanīṭikā

(Tatiyo bhāgo)

Namo tassa Bhagavato Arahato Sammāsambuddhassa.

5. Pācittiyakaṇḍa

1. Musāvādavagga

1. Musāvādasikkhāpadavaṇṇanā

1. Musāvādavaggassa paṭhamasikkhāpade **khuddakānanti** ettha “**khuddaka**-saddo bahu-saddapariyāyo. Bahubhāvato imāni khuddakāni nāma jātāni”ti vadanti. **Tatthāti** tesu navasu vaggesu, tesu vā khuddakesu. Kāraṇena kāraṇantarapaṭicchādāna meva vibhāvetum “**rūpaṃ aniccan**”ti-ādimāha. Rūpaṃ aniccanti paṭijānitvā tattha kāraṇaṃ vadanto “**jānitabbato**”ti āha. “Yadi evaṃ nibbānassapi aniccatā āpajjati”ti parena vutto taṃ kāraṇaṃ paṭicchādetum puna “**jātidhammato**”ti aññaṃ kāraṇaṃ vadati.

“Sampajānaṃ musā bhāsati”ti vattabbe **sampajāna musā bhāsati**ti anunāsikalopena niddesoti āha “**jānanto musā bhāsati**”ti.

2. **Jānitvā jānantassa ca musā bhaṇaneti** pubbabhāgepi jānitvā vacanakkhaṇepi jānantassa musā bhaṇane. Bhaṇanañca nāma idha abhūtassa vā bhūtataṃ bhūtassa vā abhūtataṃ katvā kāyena vā vācāya vā viññāpanapayogo. **Sampajānamusāvādeti** ca nimittatthe bhummavacanāṃ,

tasmā yo sampajāna musā vadati, tassa taṃnimittam taṃhetu tappaccayā pācittiyam hotīti evamettha aññesu ca īdisesu attho veditabbo.

3. Visamvādentī etenāti **visamvādanam**,

vañcanādhippāyavasappavattam cittam. Tenāha “**visamvādanacittam purato katvā vadantassā**”ti. Vadati etāyāti **vācā**, vacanasamuṭṭhāpikā cetanā. Tenāha “**micchāvācā -pa- cetanā**”ti. **Pabhedagatā vācā**ti anekabhedabhinnā. **Evam paṭhamapadena suddhacetanā -pa- kathitāti veditabbāti** iminā imam dīpeti—suddhacetanā vā suddhasaddo vā suddhaviññatti vā musāvādo nāma na hoti, viññattiyā saddena ca sahitā taṃsamuṭṭhāpikā cetanā musāvādoti. **Cakkhavasena aggahitārammaṇanti** cakkhusannissitena viññāṇena aggahitamārammaṇam. Ghānādīnam tiṇṇam indriyānam sampattavisayaggāhakattā vuttam “**tīhi indriyehi ekābaddham viya katvā**”ti. “Dhanunā vijjhatī”ti-ādīsu viya “cakkhunā diṭṭhan”ti ayam vohāro loke pākaṭoti āha “**oḷārikeneva nayenā**”ti.

11. **Avīmaṃsitvā**ti anupaparikkhitvā. **Anupadhāretvā**ti avinicchinitvā.

Jaḷattāti aññānatāya. **Dārusakaṭam yojetvā gatoti** dārusakaṭam yojetvā tattha nisīditvā gatoti adhippāyo. **Gato bhavissatī**ti tatheva sanniṭṭhānam katvā vuttattā musāvādo jāto. Keci pana “keḷim kurumānoti vuttattā evam vadanto dubbhāsitaṃ āpajjati”ti vadanti, tam na gahetabbam. Jāti-ādīhiyeva hi dasahi akkosavatthūhi davakamyatāya vadantassa dubbhāsitaṃ vuttam.

Vuttañhetam—

“Hīnukkaṭṭhehi ukkaṭṭham, hīnam vā jāti-ādīhi.

Ujum vāññāpadesena, vade dubbhāsitaṃ davā”ti.

Cittena thokatarabhāvaṃyeva aggahetvā bahubhāvaṃyeva gahetvā vuttattā “gāmo ekatelo”ti-ādīnāpi musāvādo jāto. **Cāresunti**¹ upanesum. Visamvādanapurekkhātā, visamvādanacittena yamattham vattukāmo, tassa puggalassa viññāpanapayogo cāti imānettha dve

1. Haresunti (Syā)

aṅgāni. Uttarimanussadhammārocanatthaṃ musā bhaṇantassa pārājikaṃ, amūlakena pārājikena anuddhamśanatthaṃ saṃghādiseso, saṃghādisesena anuddhamśanatthaṃ pācittiyaṃ, ācāravipattiyā dukkaṭaṃ, “yo te vihāre vasati”ti-ādipariyāyena uttarimanussa dhammārocanatthaṃ paṭivijānantassa musā bhaṇite thullaccayaṃ, appaṭivijānantassa dukkaṭaṃ, kevalaṃ musā bhaṇantassa idha pācittiyaṃ vuttaṃ.

Musāvādasikkhāpadavaṇṇanā niṭṭhitā.

2. Omasavādasikkhāpadavaṇṇanā

12. Dutiye kaṇṇakaṭukatāya amanāpaṃ vadantā kaṇṇesu vijjhantā viya hontīti āha “omasantīti ovijjhantī”ti. **Padhamśentīti** abhibhavanti.

13. **Bodhisatto tena samayena hotīti** tena samayena bodhisatto nandivīsālo nāma ahoṣīti attho. Atītatthe vattamānavacanaṃ, kiriyākālavacanicchāya vā vattamānap payogo saddantarāsannidhānena bhūtataṅgavagamo¹ siyāti. **Paccesīti** “amanāpaṃ idan”ti aññāsi. **Heṭṭhārukke datvāti** upatthambhake datvā. **Pubbe patiṭṭhitārappadesaṃ puna are patteti** pubbe ujukaṃ heṭṭhāmukhaṃ patiṭṭhita-arassa bhūmippadesaṃ² puna tasmim̐ yeva are parivattetvā heṭṭhāmukhabhāvena sampatte, pathamaṃ bhūmiyaṃ patiṭṭhitānemippadesaṃ parivattetvā puna bhūmiyaṃ patiṭṭhiteti vuttaṃ hoti. **Sithilakaraṇanti** sithilakiriyā.

15. **Pubbeti aṭṭhuppattiyaṃ. Tacchakakammanti** vadḍhakikammaṃ. **Koṭṭakakammanti** vā pāsāṇakoṭṭakakammaṃ. **Hatthamuddāgaṇanāti** aṅgulisaṅko ceneva gaṇanā. Pādasikamilakkhākādayo³ viya navantavasena gaṇanā **acchiddaka gaṇanā. Ādi-saddena** saṅkalanapaṭuppadānavoklanabhāgahārādivasena pavattā piṇḍagaṇanā gahitā. Yassa sā paguṇā hoti, so rukkhampi disvā “ettakāni ettha paṇṇāni”ti jānāti. Yabha methuneti vacanato **ya-kāra bha-kāre** ekato yojite asaddhammavacanaṃ hoti.

1. Bhūtataṅgavagamo (Syā)2. Heṭṭhāmukhaṭṭhita-arassa nemippadesaṃ (Syā)

3. Pārasikamilakkhākādayo (Syā)

16-26. **Āpattiya kāretabboti** pācittiyena kāretabbo upasaggādimattavisiṭṭhānaṃ aticaṇḍālādīpadānaṃ pāliyaṃ āgatesuyeva saṅgahitattā. **Corosīti**-ādīnaṃ pana kenaci pariyāyena pāliyaṃ anāgatattā dukkaṭaṃ vuttaṃ. **Hasādhippāyatāti** purimapadassa atthavivaraṇaṃ. Pāliyaṃ avuttepi “jāti-ādīhi akkosavatthūhi parammukhā akkosantassa vatthūnaṃ anaññabhāvato yathā dukkaṭaṃ, tathā davakamyatāya parammukhā vadantassapi dubbhāsītamevā”ti ācariyā vadanti. **Sabbasattāti** ettha vacanattavijānana pakatikā tiracchānagatāpi gahetabbā.

35. Anusāsanipurekkhāratāya ṭhatvā vadantassa cittassa lahuparivattibhāvato antarā kope uppannepi anāpatti. Yaṃ akkosati, tassa upasampannatā, anaññāpadesena jāti-ādīhi akkosanaṃ, “maṃ akkosatī”ti jānanā atthapurekkhāratādīnaṃ abhāvatāti imānettha cattāri aṅgāni.

Omasavādasikkhāpadavaṇṇanā niṭṭhitā.

3. Pesuññasikkhāpadavaṇṇanā

36. Tatiye bhaṇḍanaṃ jātaṃ etesanti **bhaṇḍanajātā**. **Sammantananti** raho saṃsandanaṃ. Hatthaparāmāsādivasena matthakaṃ patto kalaho jāto etesanti **kalahajātā**. Anāpattigāmiṃkaṃ viruddhavādabhūtaṃ vivādaṃ āpannāti **vivādāpannā**. Viggahasamvattanikā kathā **viggāhikakathā**. Pisatīti pisuṇā, vācā, samagge satte avayavabhūte vagge bhinne karotīti attho. Pisuṇā eva **pesuññaṃ**. Tāya vācāya vā samannāgato pisuṇo, tassa kammaṃ **pesuññaṃ**. **Piyabhāvassa suññakaraṇavācanti** iminā pana “piyasuññakaraṇato pisuṇā”ti niruttinayena atthaṃ vadati.

Idhāpi “dasahākārehi pesuññaṃ upasaṃharatī”ti vacanato dasavidha-akkosavatthu vaseneva pesuññaṃ upasaṃharantassa pācittiyaṃ. Pālimuttakānaṃ coroti-ādīnaṃ vasena pana dukkaṭamevāti veditabbaṃ.

Anakkosavatthubhūtaṃ pana pesuññakaraṃ tassa kiriyaṃ vacanaṃ vā piyakamyatāya upasaṃharantassa kiñcāpi iminā sikkhāpadena āpatti na dissati, tathāpi dukkaṇettha bhavitabban”ti vadanti. Jāti-ādīhi anaññāpadesena akkosantassa bhikkhuno sutvā bhikkhussa upasaṃharaṇaṃ, piyakamyatābhedaḍhippāyesu aññataratā, tassa vijānanāti imānettha tīṇi aṅgāni.

Pesuññasikkhāpadavaṇṇanā niṭṭhitā.

4. Padasodhammasikkhāpadavaṇṇanā

45. Catutthe **ekatoti** anupasampanna saddhiṃ. **Purimabyañjanaena sadisaṃ pacchābyañjananti** “rūpaṃ anicca”ti ettha anicca-saddena sadisaṃ “vedanā aniccā”ti ettha anicca-saddaṃ vadati. **Akkharasamūhoti** avibhattiko akkharasamūho. **Akkharānu byañjanasamūho padanti** vibhatti-antaṃ padamāha. Vibhatti-antameva padaṃ gahetvā “**paṭhamapadaṃ padameva, dutiyaṃ anupadan**”ti vuttam.

Ekam padanti gāthāpadaṃ sandhāya vadati. **Padagaṇanāyāti** gāthāpadagaṇanāya. **Apāpuṇitvāti** saddhiṃ akathetvā. **Runti opātetīti** ettha anunāsiko āgamavasena vutto, saṃyogapubbassa rassattaṃ katanti veditabbaṃ. Tenāha “**rū-kāramattamevā**”ti. Ettha ca “rūpaṃ aniccanti bhaṇa sāmaṇerā”ti vuccamāno sace rū-kāraṃ avatvā ru-iti rassam katvā vadati, aññam bhaṇitaṃ nāma hoti, tasmā anāpatti. Evañca katvā “vedanā aniccā”ti etthāpi anicca-saddamatteneva āpatti hotīti veditabbaṃ. **Esa nayoti** ekamevakkharaṃ vatvā ṭhānaṃ. “Manopubbaṅgamā dhammā”ti vuccamāno hi ma-kāramattameva vatvā tiṭṭhati. “Evaṃ me sutan”ti-ādisuttaṃ bhaṇāpiyamāno e-kāraṃ vatvā tiṭṭhati ce, anvakkharena pācittiyaṃ, aparipuṇṇapadaṃ vatvā ṭhite anubyañjanaena. Padesu¹ ekam paṭhamapadaṃ virajjhati, dutiyena anupadena pācittiyaṃ.

Anaṅgaṇasuttaṃ² **sammādiṭṭhisuttaṃ**³ **mahāvedallaṅca**⁴
dhammasenāpatinā bhāsitaṃ, **anumānasuttaṃ**⁵ mahāmoggallānattherena,
cūḷavedallasuttaṃ⁶

1. Padena (Syā)

4. Ma 1. 365 piṭṭhe.

2. Ma 1. 29 piṭṭhe.

5. Ma 1. 132 piṭṭhe.

3. Ma 1. 57 piṭṭhe.

6. Ma 1. 373 piṭṭhe.

dhammadinnāya theriyā bhāsitaṃ. Paccekabuddhabhāsitaṃpi buddhabhāsīteyeva saṅgahaṃ gacchati. **Aṭṭhakathānissitoti** pubbe magadhabhāsāya vuttaṃ dhamma saṅgahāruḷhaṃ aṭṭhakathaṃ sandhāya vadati. Idānipi “yathāpi dīpiko nāma, niliyitvā gaṇhate mige”¹ evamādikaṃ saṅgahāruḷhaṃ aṭṭhakathāvacanaṃ gahetabbanti vadanti. **Pālinissitoti** “makkaṭi vajjiputtā cā”² evamādinā pāliyaṃyeva āgato. **Vivaṭṭūpanissita** nti nibbānupanissitaṃ. Vivaṭṭanissitaṃ pana sāmāññato gahetabbanti āha “**kiñcāpi**”^{ti}-ādi. **Therassāti** nāgasenattherassa. **Maggakathā**dīni pakaraṇāni. “Akkharena vāceti, akkharakkhare āpatti pācittiyassā”^{ti} vattabbe “**akkharāya vāceti, akkharakkharāya āpatti pācittiyassā**”^{ti} pāliyaṃ vuttaṃ.

48. **Anupasampanna**na saddhiṃ gaṇhantassa anāpattīti anupasampanna saha nisīditvā uddesaṃ gaṇhantassa anāpatti vuttā. **Daharabhikkhu nisinna -pa- bhaṇato anāpattīti** ettha dvīsupi ṭhitesu nisinnesu vā upasampanna bhaṇāmīti bhaṇantassa anāpattiyeva. **Upacāraṃ muñcivāti** parisapariyantato dvādasahatthaṃ muñcivā. “Nisinne vācemi”^{ti} bhaṇantassapi upacāraṃ muñcivā nisinnattā anāpatti. Sace pana dūre nisinnampi vācemiṃ visum sallakkhetvā bhaṇati, āpattiyeva. **Eko pādo na āgacchatīti** pubbe paṇḍoyeva pacchā asarantassa na āgacchati, taṃ “evaṃ bhaṇāhī”^{ti} ekato bhaṇantassa anāpatti. **Opātetīti** saddhiṃ katheti. Sesametta uttānameva. Anupasampannatā vuttalakkaṇadhammaṃ padaso vācanatā, ekato bhaṇanañcāti imānettha tīṇi aṅgāni.

Padasodhammasikkhāpadavaṇṇanā niṭṭhitā.

5. Sahaseyyasikkhāpadavaṇṇanā

49-50. Pañcame **vikūjamānāti** nitthunantā. **Kākacchamānāti** rodantā. Tatridaṃ vatthunidassanaṃ vā. **Tena nu kho pātitaṃ** pucchāvasena kathitattā natthi musāvādo. Keci pana sandehavasena vacanaṃ musā

1. Khu 11. 352 piṭṭhe.

2. Vi 1. 41 piṭṭhe.

nāma na hoti, tasmā evaṃ vuttan”ti vadanti. **Santikam agantvā**ti “yaṃ etesaṃ na kappati, taṃ tesampi na kappati”ti adhippāyena agantvā.

51. **Dirattatirattanti** ettha vacanasiliṭṭhatāmattena **diratta**-ggahaṇaṃ katanti veditabbaṃ. Tirattañhi sahaṃsā labbhamāne diratte vattabbameva natthīti dirattaggahaṇaṃ visuṃ na yojeti. Tenevāha “**uttaridirattatirattanti bhagavā sāmaṇerānaṃ saṅghakaraṇatthāya tirattaparihāraṃ adāsī**”ti. Nirantaraṃ tirattadassanattamaṃ vā dirattaggahaṇaṃ kamaṃ. Kevalaṃhi tirattanti vutte aññattha vāseṇa antarikampi tirattaṃ gaṇheyya, dirattavisiṭṭhaṃ pana tirattaṃ vuccamānaṃ tena anantarikameva tirattaṃ dīpeti. Sayanaṃ **seyyā**, sayanti etthātipi **seyyā**ti āha “**kāyappasāraṇasaṅkhātaṃ**”ti-ādi. **Tasmā**ti yasmā ubhayampi pariggahaṇaṃ, tasmā. **Pañcahi chadanehi**ti iṭṭhakaṣiṭṭhāṇaṇṇasaṅkhātehi pañcahi chadanehi. **Vācuggatavaseṇā**ti paṇṇasaṅkheṇa. **Diyadḍhahatthubbedho** vadḍhahatthena gaḥetabbo. **Ekūpacāro**ti vaḷaṇṇajanadvārassa ekattaṃ sandhāya vuttaṃ. Satagabbhaṃ vā catussālaṃ ekūpacāraṃ hotīti sambandho.

Uparimatalena saddhiṃ asambaddhabhittikassāti idaṃ tulāya abbhantare sayitvā puna teneva susirena nikkhamitvā bhitti-antarena heṭṭhimatalaṃ pavasiṭṭhaṃ yoggepi uparimatalena asambaddhabhittike senāsane anāpattiyā vuttāya tathā pavasiṭṭhaṃ asakkuṇeyye sambaddhabhittike¹ vattabbameva natthīti dassanattamaṃ vuttaṃ, na pana sambaddhabhittike āpattīti dassanattamaṃ vuttaṃ. **Heṭṭhāpāsāde sayitabhikkhussa anāpattī**ti idampi tādise senāsane heṭṭhimatalaṃ sayitasseva āpattippasaṅkā² siyāti taṃnivāraṇatthamaṃ vuttaṃ, na pana uparimatalaṃ sayitassa āpattīti dassanattamaṃ. **Nānupacāreti** yattha bahi nisseṇiṃ katvā uparimatalaṃ ārohani, tādisaṃ sandhāya vuttaṃ. Uparimatalaṃ ākāsaṅgaṇe nipajjantassa āpattiyā abhāvato “**chadanabbha ntare**”ti vuttaṃ.

Sabhāsaṅkhepenāti sabhākāreṇa. **Aḍḍhakuṭṭake senāsane**ti ettha “aḍḍhakuṭṭakaṃ nāma yattha ekaṃ passaṃ muñcitvā tīsu passesu bhittiyō

1. Anāpatti vuttā, yathā pavasiṭṭhaṃ asakkuṇeyya, tathā sambaddhabhittike (Ka)

2. Āpattippasaṅkā (Syā)

baddhā honti, yattha vā ekasmim passe bhittim uṭṭhāpetvā ubhosu passesu upaḍḍham upaḍḍham katvā bhittiyo uṭṭhāpenti, tādissam senāsanan”ti tisupi **ganṭhipadesu** vuttam. **Ganṭhipade** pana “aḍḍhakuṭṭaketi chadanam aḍḍhena asampattakuṭṭake”ti vuttam, tampi no na yuttam. “**Vālasaṅghāto** nāma thambhānam upari vālarūpehi katasāṅghāto vuccatī”ti vadanti.

Parikkhepassa bahigateti ettha yasmim passe parikkhepo natthi, tatthāpi parikkhepārahappadesato bahigate anāpattiyevāti daṭṭhabbam. **Aparicchinna gabbhūpacāreti** ettha majjhe vivaṭaṅgaṇavantaṣu pamukhamahācatussalāsu yathā ākāsaṅgaṇam anotarivā pamukheneva gantvā sabbagabbhe pavisitum na sakkā hoti, evam ekekagabbhassa dvīsu passesu kuṭṭam nīharivā kataṃ **paricchinnagabbhūpacāram** nāma, idaṃ pana tādissam na hotīti “aparicchinnagabbhūpacāre”ti vuttam. **Sabbagabbhe pavisantīti** gabbhūpacārassa aparicchinnattā ākāsaṅgaṇam anotarivā pamukheneva gantvā taṃ taṃ gabbham pavisanti. Atha kuto tassa parikkhepoyeva¹ sabbaparicchannattāti vuttanti āha “**gabbhaparikkhepoyeva hissa parikkhepo**”ti. Idañca samantā gabbhabhittiyo sandhāya vuttam. Catussālavasena sanniviṭṭhepi senāsane gabbhapamukham visum aparikkhittampi samantā ṭhitagabbhabhittīnam vasena parikkhittam nāma hoti.

“Nanu ca 'aparikkhitte pamukhe anāpattī'ti andhakaṭṭhakathāyam avisesena vuttam, tasmā catussālavasena sanniviṭṭhepi senāsane visum aparikkhitte pamukhe anāpattiyevā”ti yo vadeyya, tassa vādaparimocanattam idaṃ vuttam “**yaṃ pana -pa- pāṭekkasannivesā ekacchadanā gabbhapāḷiyo sandhāya vuttan**”ti. Idaṃ vuttam hoti— “aparikkhitte pamukhe anāpattīti yaṃ vuttam, taṃ na catussālavasena sanniviṭṭhā gabbhapāḷiyo sandhāya vuttam, kiñcaraḥi visum sanniviṭṭham ekameva gabbhapāḷim sandhāya. Tādissāya hi gabbhapāḷiyā aparikkhitte pamukhe anāpattī, na catussālavasena sanniviṭṭhāyā”ti. Ekāya ca gabbhapāḷiyā tassa tassa gabbhassa upacāram paricchinditvā antamaso ubhosu passesu khuddakabhittīnam uṭṭhāpanamattenapi pamukham parikkhittam nāma hoti, catussālavasena sanniviṭṭhāsu pana gabbhapāḷīsu ubhosu passesu gabbhabhittīnam vasenapi pamukham parikkhittam nāma hoti.

1. Parikkhepo, yena (?)

Tasmā yaṃ iminā lakkhaṇena parikkhittaṃ pamukhaṃ, tattha āpatti, itarattha anāpattīti idamettha sanniṭṭhānaṃ.

Idāni “aparikkhitte pamukhe anāpattī”ti vatvā tasseva vacanassa adhippāyaṃ pakāsentena yaṃ vuttaṃ “bhūmiyaṃ vinā jagatiyā pamukhaṃ sandhāya kathitaṃ”ti, tassa ayuttatāvibhāvanatthaṃ “**yañca tatthā**”ti-ādi āraddhaṃ. **Bhūmiyaṃ vinā jagatiyā pamukhaṃ sandhāya kathitanti** hi imassa vacanassa ayamadhippāyo—“aparikkhitte pamukhe anāpattī”ti yaṃ vuttaṃ, taṃ vinā vatthuṃ bhūmiyaṃ katagehassa pamukhaṃ sandhāya kathitaṃ. Sace pana uccavattukhaṃ pamukhaṃ hoti, parikkhittasaṅkhyāṃ na gacchatīti. Tenevāha “**dasahatthubbedhāpi hi jagati parikkhepasaṅkhyāṃ na gacchatī**”ti. Heṭṭhāpi idameva manasī sannidhāya vuttaṃ “uccavattukhaṃ cepi hoti, pamukhe sayito gabbhe sayitānaṃ āpattiṃ na karotī”ti. **Tatthāti** andhakaṭṭhakathāyaṃ. **Jagatiyā pamāṇaṃ vatvāti** “sace jagatiyā otarivā bhūmiyaṃ sayito, jagatiyā upari sayitaṃ na passatī”ti evaṃ jagatiyā ubbedhena pamāṇaṃ vatvā. Ekasālādīsu ujukameva dīghaṃ katvā sannivesito pāsādo **ekasālasanniveso**. Dvisālasannivesādayopi vuttānu sārato veditabbā. Sālapphadedadīpanameva cettha heṭṭhā vuttato viseso.

Majjhe pākāraṃ karontīti etthāpi parikkhepassa heṭṭhimaparicchedena diyaḍḍhahatthubbedhattā diyaḍḍhahatthaṃ cepi majjhe pākāraṃ karonti, nānūpacārameva hotīti veditabbāṃ. **Na hi chiddena gehaṃ ekūpacāraṃ nāma hotīti** ettha sace ubbedhena diyaḍḍhahatthabbhantare manussānaṃ sañcārappahonakaṃ chiddaṃ hoti, tampi dvāramevāti ekūpacāraṃ hoti. **Kim parikkhepo viddhastoti** pamukhassa parikkhepaṃ sandhāya vadati. Sabbattha pañcannaṃyeva chadanānaṃ āgatattā vadati “**pañcannaṃ aññatarena chadanena channā**”ti.

53. Pāḷiyaṃ “seyyā nāma sabbacchannā sabbaparicchannā yebhuyyenacchannā yebhuyyenaparicchannā”ti vadantena yebhuyyenacchannayebhuyyenaparicchannasenāsaṇaṃ pācittiyassa avasānaṃ viya katvā dassitaṃ, “upaḍḍhacchanne upaḍḍhaparicchanne āpatti dukkaṭṭassa”ti vadantena ca upaḍḍhacchanna upaḍḍhaparicchanna senāsaṇaṃ dukkaṭṭassa ādim katvā dassitaṃ, ubhinnaṃantarā kena

bhavitabbaṃ pācittiyena, udāhu dukkaṭṭenāti? Lokavajjasikkhāpadasseva anavasesaṃ katvā paññāpanato imassa ca paṇṇattivajjattā yebhuyyenacchannayebhuyenaparcchannassa upaḍḍhacchanna-upaḍḍhaparicchannassa ca antarā pācittiyam anivāritameva, tasmā vinayavinicchaye ca garukeyeva ṭhātabbattā aṭṭhakathāyampi pācittiyameva dassitaṃ. **Satta pācittiyānī**ti pāḷiyam vuttapācittiyam sāmaññato ekattena gahetvā vuttaṃ. Visuṃ pana gayhamāne “sabbacchanne sabbaparicchanne pācittiyam, yebhuyyenacchanne yebhuyenaparcchanne pācittiyam”ti aṭṭheva pācittiyāni honti.

Senambamaṇḍapavaṇṇam¹ hotīti sīhaḷadīpe kira uccavatthuko sabbacchanno sabba-aparcchanno evaṃnāmakko sannipātamaṇḍapo atthi, taṃ sandhāyetaṃ vuttaṃ. Yadi jagatiparikkhepasaṅkhyam gacchati, uccavatthukattā maṇḍapassa sabba aparicchannatā na yujjati āha “**imināpetam veditabban**”ti-ādi. **Cūlakacchannādīni** cettha evaṃ veditabbāni—yassa catūsu bhāgesu eko channo, sesā acchannā, idaṃ **cūlakacchannam**. Yassa tīsu bhāgesu dve channā, eko acchanno, idaṃ **yebhuyyenacchannam**. Yassa dvīsu bhāgesu eko channo, eko acchanno, idaṃ **upaḍḍhacchannam** nāma senāsanam. **Cūlakaparcchannādīni**pi imināva nayena veditabbāni. Sesam uttānameva. Pācittiyavatthukasenāsanam, tattha tattha anupasampanna saha nipajjanam, catutthadivase sūriyatthaṅgamananti imānettha tīni aṅgāni.

Sahaseyyasikkhāpadavaṇṇanā niṭṭhitā.

6. Dutiyasahaseyyasikkhāpadavaṇṇanā

55. Chaṭṭhe “paṭhamasikkhāpade 'bhikkhum ṭhapetvā avaseso anupasampanno nāmā'ti vuttattā 'mātugāmopi anupasampannaggahaṇena gahitoyevā'ti catutthadivase mātugāmena saddhim sayantassa dvīhi sikkhāpadehi dve pācittiyāni hontī”ti vadanti. **Gaṇṭhipadesu** pana tīsupi “imasmim sikkhāpade mātugāmassa visuṃ vuccamānattā paṭhamasikkhāpade 'bhikkhum ṭhapetvā avaseso anupasampanno nāmā'ti purisasseva gahaṇam anucchavikan”ti vuttaṃ, tadeva ca yuttataram.

1. Penambamaṇḍapavaṇṇam. (Syā)

Yañca idha “**paṭhamadivasepī** **pi**-saddena catutthadivasepī vuttaṃ hotī”ti kāraṇaṃ vadanti, tampi akāraṇaṃ **pi**-saddo sampiṇḍanatthoyevāti niyamābhāvato avadhāraṇatthassa ca sambhavato. Sambhāvane vā **pi**-saddo daṭṭhabbo. Tena idha paṭhamadivasepi tāva āpatti, dutiyādidivase kimeva vattabbanti imamatthaṃ dīpeti. Sampiṇḍanatthepe **pi**-sadde gayhamāne imināva sikkhāpadena āpajjitabbāpattiyā aññasmimpi divase āpajjanaṃ dīpeti, na paṭhamasikkhāpadena āpajjitabbāpattiyāti akāraṇameva tanti daṭṭhabbaṃ. “Matitthī pārājikavatthubhūtāpi anupādinnapakke ṭhitattā sahaseyyāpattiṃ na janetī”ti vadanti. “Atthaṅgate sūriye mātugāme nipanne bhikkhu nipajjati”ti vacanato divā sayantassa sahaseyyāpatti na hotiyevāti daṭṭhabbaṃ. Pācittiyavatthukasenāsanam, tattha mātugāmena saha nipajjanaṃ, sūriyatthaṅgamananti imānettha tīṇi aṅgāni.

Dutiyasahaseyyasikkhāpadavaṇṇanā niṭṭhitā.

7. Dhammadesanāsikkhāpadavaṇṇanā

60-64. Sattame gharaṃ nayatīti **gharaṇī**, gharanāyikā. Tenāha “**gharasāminī**”ti. **Suṇhāti** suṇisā. **Na yakkhenāti**-ādīnaṃ “aññatā”ti iminā sambandho. Purisaviggahaṃ gahetvā ṭhitena yakkhena vā petena vā tiracchānena vā saddhiṃ ṭhitāyapi desetuṃ na vaṭṭati. **Akkharāya desetī** ettha “chappañcavācato uttari ‘imaṃ padaṃ bhāsissāmī’ti ekampi akkharaṃ vatvā tiṭṭhati, āpattiyevā”ti vadanti.

66. “**Eko gāthāpādoti** idaṃ gāthābandhameva sandhāya vuttaṃ, aññattha pana vibhatti-antapadameva gahetabbaṃ”ti vadanti. “**Aṭṭhakathaṃ dhammapadam jātakādivatthum vā**ti imināpi porāṇaṃ saṅgīti-ārulhameva aṭṭhakathādi vuttan”ti vadanti. Aṭṭhakathādipāṭhaṃ ṭhapetvā damilādibhāsantarena yathāruci kathetuṃ vaṭṭati. **Padasodhamme vuttappabhedoti** iminā aññattha anāpattīti dīpeti. **Uṭṭhahitvā puna nisīditvāti** iriyāpathaparivattananayena¹

1. Iriyāpathaparivattanadassanena (Syā)

nānā-iriyāpathenapi anāpattīti dīpeti. **Sabbaṃ cepi dīghanikāyaṃ kathetīti** yāva na niṭṭhāti, tāva punadivasepi katheti.

Dutiyassa viññūpurisassa aggahaṇaṃ **akiriya**. Mātugāmena saddhim ṭhitassa ca viññūpurisassa ca upacāro aniyatesu vuttanayeneva gahetabbo. Sesaṃ uttānameva. Vuttalakkaṇassa dhammassa channaṃ vācānaṃ upari desanā, vuttalakkaṇo mātugāmo, iriyāpathaparivattanābhāvo viññūpurisābhāvo, apañhavissajjanāti imāni panettha pañca aṅgāni.

Dhammadesanāsikkhāpadavaṇṇanā niṭṭhitā.

8. Bhūtārocanasikkhāpadavaṇṇanā

77. Aṭṭhame **antarāti** parinibbānasamayato aññasmiṃ kāle. **Atikaḍḍhiyamānenāti** “vadatha bhante, kiṃ tumhehi adhigatan”ti evaṃ nippīḷiyamānena. Anatikaḍḍhiyamānenapi pucchite vā apucchite vā tathārūpe kāraṇe sati ārocetuṃ vaṭṭatiyeva. Teneva aññatarena daharabhikkhunā upavadito aññataro thero “āvuso uparimaggatthāya vāyāmaṃ mā akāsi, khīṇāsavo tayā upavadito”ti āha. Thereṇa ca “atthi te āvuso imasmim sāsane patiṭṭhā”ti vutto daharabhikkhu “āma bhante sotāpanno ahan”ti avoca. “Kārako ayan”ti ñatvāpi paṭipattiyā amoghahāvadassanena samuttejanāya sampahaṃsanāya ca ariyā attānaṃ pakāsentiyeva. **Sutapariyatti sīlaguṇanti** sutaguṇaṃ pariyattiguṇaṃ sīlaguṇaṃca. Ummattakassa idha avacane kāraṇaṃ vadantena khittacittavedanaṭṭhānampi avacane kāraṇaṃ vuttamevāti daṭṭhabbaṃ. **Iti-**saddena vā ādi-atthena khittacittavedanaṭṭe saṅgaṇhāti. Teneva vadati “**cittakkhepassa vā abhāvā**”ti. **Diṭṭhisampannānanti** maggaphaladiṭṭhiyā samannāgatānaṃ. Ariyānameva hi ummattakādibhāvo natthi. Jhānalābhino pana tasmim sati jhānā parihāyanti, tasmā tesam abhūtārocanapaccayā anāpatti vattabbā, na bhūtārocanapaccayā. Tenevāha “**bhūtārocanapaccayā anāpatti na vattabbā**”ti.

Pubbe avuttehīti catutthaparājike avuttehi. Idaṅca sikkhāpadaṃ paṇṇatti-ajānanavasena acittakasamuṭṭhānaṃ hoti. Ariyā cetttha paṇṇattim

jānantā vītikkamaṃ na karonti, puthujjanā pana paṇṇattim jānitvāpi vītikkamaṃ karonti, te ca satthuno āṇāvītikkamacetanāya balava-akusalabhāvato jhānā parihāyantīti daṭṭhabbam, ukkaṭṭhaparicchedena ariyapuggale eva sandhāya “**kusalābyākatacittehi dvicittan**”ti vuttam. Paṇṇattim ajānantā pana jhānalābhī puthujjanā vatthumhi lobhavasena akusalacittenapi na ārocentīti natthi. Idha dukkhavedanāya abhāvato “dvivedanan”ti imassa anurūpaṃ katvā **dvicittanti** idam vuttanti evam vā ettha adhippāyo gahetabbo. Sesam uttānameva. Uttarimanussadhammassa bhūtata, anupasampannassa ārocanam, taṅkhaṇavijānanā, anaññappadesoti imāni panettha cattāri aṅgāni.

Bhūtārocanasikkhāpadavaṇṇanā niṭṭhitā.

9. Duṭṭhullārocanasikkhāpadavaṇṇanā

78. Navame **duṭṭhullasaddatthadassanattanti** duṭṭhullasaddassa atthadassanattam. Atthe hi dassite saddopi “ayam etesu atthesu vattati”ti dassitoyeva hoti. “Yam yaṃ duṭṭhullasaddena abhidhīyati, taṃ sabbam dassetuṃ pārājikāni vuttānī”ti ayañhettha adhippāyo. **Tatrāyam vicāraṇāti** tatra pāḷiyam ayam vicāraṇā, tatra pāḷi-aṭṭhakathāsu vā ayam vicāraṇā. **Tattha bhaveyyāti** tattha kassaci vimati evam bhaveyya. Anupasampannassa duṭṭhullārocane viya dukkaṭena bhavitabbanti āha “**dukkaṭam āpajjati**”ti. **Akkosantopi dukkaṭam āpajjeyyāti** omasavādena dukkaṭam āpajjeyya. Adhippāyam ajānantenapi aṭṭhakathācariyānam vacaneyeva ṭhātabbanti dīpanattam “**aṭṭhakathācariyāva ettha pamāṇan**”ti vuttam. Punapi aṭṭhakathāvacanameva upapattito daḷham katvā patiṭṭhapento “**imināpi cetan**”ti-ādimāha.

80. “Aññatra bhikkhusammutiyā”ti vuttattā sammuti atthīti gahetabbāti āha “**idha vuttattāyevā**”ti-ādi.

82. **Ādito pañca sikkhāpadānīti** pāṇātipātādīni pañca sikkhāpadāni. “**Sesānīti** vikālabhojanādīni pañcā”ti vadanti. Keci

pana “ādito paṭṭhāya pañca sikkhāpadānīti sukkavissaṭṭhi-ādīni pañcā”ti vadanti, taṃ na gahetabbaṃ. Pāṇātipātādīni hi daseva sikkhāpadāni sāmaṇerānaṃ paññattāni. Vuttañhetam—

“Atha kho sāmaṇerānaṃ etadahosi 'kati nu kho amhākaṃ sikkhāpadāni, kattha ca amhehi sikkhitabban'ti. Bhagavato etamattham ārocesum. Anujānāmi bhikkhave sāmaṇerānaṃ dasa sikkhāpadāni, tesu ca sāmaṇerehi sikkhitum, pāṇātipātā veramaṇī adinnādānā veramaṇī”ti-ādi¹.

Tesaṃ paññattesuyeva sikkhāpadesu duṭṭhullāduṭṭhullavicāraṇā kātabbā, na ca sukkavissaṭṭhi-ādīni visum tesaṃ paññattāni atthīti. Atha bhikkhuno duṭṭhullasaṅkhātāni sukkavissaṭṭhi-ādīni anupasampannassa kiṃ nāma honṭīti āha “**sukkavissaṭṭhi -pa- ajjhācāro nāmāti vuttan**”ti. Imināpi cetam siddham “anupasampannassa sukkavissaṭṭhi-ādi duṭṭhullaṃ nāma na hotī”ti. Ajjhācāro nāmāti hi vadanto anupasampannassa sukkavissaṭṭhi-ādi kevalaṃ ajjhācāro nāma hoti, na pana duṭṭhullo nāma ajjhācāroti dīpeti. “Ajjhācāro nāmāti ca aṭṭhakathāyaṃ vuttattā akattabbarūpattā ca anupasampannassa sukkavissaṭṭhi-ādīni daṇḍakammavatthupakkhaṃ bhajanti, tāni ca aññassa anupasampannassa avaṇṇakāmatāya ārocento bhikkhu dukkaṭam āpajjati”ti vadanti. Idha pana **anupasampanna**-ggahaṇena sāmaṇerasāmaṇerīsikkhamānānaṃ gahaṇaṃ veditabbaṃ. Sesamettha uttānameva. Antimavatthum anajjhāpannassa bhikkhuno savatthuko saṃghādiseso, anupasampannassa ārocanam, bhikkhusammutiyā abhāvoti imāni panettha tīṇi aṅgāni.

Duṭṭhullārocanasikkhāpadavaṇṇanā niṭṭhitā.

10. Pathavīkhaṇanasikkhāpadavaṇṇanā

84-86. Dasame **ekindriyanti** “kāyindriyaṃ atthī”ti maññamānā vadanti. **Muṭṭhippamānāti** muṭṭhinā saṅgahetabbappamānā. Ettha kiñcāpi yebhuyyapaṃsum

1. Vi 3. 117 piṭṭhe.

appapaṃsuṅca pathaviṃ vatvā upaḍḍhapaṃsukā pathavī na vuttā, tathāpi paṇṇattivajjasikkhāpadesu sāvasesapaṇṇattiyāpi sambhavato upaḍḍhapaṃsukāyapi pathaviyā pācittiyamevāti gahetabbaṃ. Keci pana “sabbacchannādīsu upaḍḍhe dukkaṭassa vuttattā idhāpi dukkaṭaṃ yuttan”ti vadanti, taṃ na yuttaṃ pācittiyavattukaṅca anāpattivatthukaṅca duvidhaṃ pathaviṃ ṭhapetvā aññissā dukkaṭavattukāya tatiyāya pathaviyā abhāvato. Dveyeva hi pathaviyo vuttā “jātā ca pathavī ajātā ca pathavī”ti. Tasmā dvīsu aññatarāya pathaviyā bhavitabbaṃ, vinayavinicchaye ca sampatte garukeyeva ṭhātābattā na sakkā ettha anāpattiyā bhavituṃ. Sabbacchannādīsu pana upaḍḍhe dukkaṭaṃ yuttaṃ tattha tādīsassa dukkaṭavattuno sabbhāvā.

“**Pokkharāṇiṃ khaṇā**”ti vadati, **vaṭṭatī** “imasmīṃ okāse”ti aniyametvā vuttattā vaṭṭati. “**Imaṃ vallīṃ khaṇā**”ti vuttepi pathavīkhaṇanaṃ sandhāya pavattavohārattā imināva sikkhāpadena āpatti, na bhūtagāmapātabyatāya. **Kuṭehī**ti ghaṭehi. **Tanukakaddamoti** udakamissakakaddamo. So ca udakagatikattā vaṭṭati. **Omakacātumāsanti** ūnacātumāsaṃ. **Ovaṭṭhanti** devena ovaṭṭhaṃ. **Akatapabbhāreti** avaḷañjanaṭṭhānadassanattamaṃ vuttaṃ. Tādise hi vammikassa sabbhāvoti. **Mūsikukkuram** nāma mūsikāhi khaṇitvā bahi katapaṃsurāsi. **Eseva nayoti** omakacātumāsa-ovaṭṭhoyeva vaṭṭatīti attho.

Ekadivasampi na vaṭṭatīti ovaṭṭha-ekadivasātikkantopi vikopetuṃ na vaṭṭati. “Heṭṭhābhūmisambandhepi ca gokaṇṭake bhūmito chinditvā uddhaṃ ṭhitattā¹ accuggatamatthakato chinditvā gahetuṃ vaṭṭatī”ti vadanti. Sakaṭṭhāne atitṭhamānaṃ katvā pādehi madditvā chinditvā āloṭitakaddamampi gahetuṃ vaṭṭati. **Tatoti** tato purāṇasenāsanato. **Iṭṭhakaṃ gaṇhāmīti**-ādi suddhacittaṃ sandhāya vuttaṃ. **Udakenāti** ujukaṃ ākāsatoyeva patanaka-udakena. “Sace pana aññattha paharitvā patitena udakena temitaṃ hoti, vaṭṭatī”ti vadanti. **Uccāletvāti** ukkhipitvā. **Tena apadesenāti** tena lesena.

1. Uggatattā (Syā)

87-88. **Avisayattā anāpattī**ti ettha sacepi nibbāpetum sakkā hoti, paṭhamam suddhacittena dinnattā “dahatū”ti sallakkhetvāpi tiṭṭhati, anāpatti. **Ovaṭṭham channanti** paṭhamam ovaṭṭham pacchā channam. Sesam uttānameva. Jātapathavī, pathavīsaññitā, khaṇanakhāṇāpanānam aññataranti imāni panettha tīṇi aṅgāni.

Pathavīkhaṇanasikkhāpadavaṇṇanā niṭṭhitā.

Niṭṭhito musāvādavaggo paṭhamo.

2. Bhūtagāmaṅga

1. Bhūtagāmasikkhāpadavaṇṇanā

89. Senāsanavaggassa paṭhame **niggahetum asakkontoti** sandhāretum asakkonto. Iminā pana vacanena dārakassa tattha upanītabhāvo tena ca diṭṭhabhāvo vutttoyevāti daṭṭhabbam. Tena hi bhikkhunā tam rukkham chinditum āradde tattha nibbattā ekā taruṇaputtā devadhītā puttam aṅkenādāya ṭhitā tam yāci “mā me sāmi vimānam chindi, na sakkhissāmi puttakam ādāya anāvāsā vicaritun”ti. So “aham aññattha īdisam rukkham na labhissāmī”ti tassā vacanam nādiyi. Sā “imampi tāva dārakam oloketvā oramissatī”ti puttam rukkhasākhāya ṭhapesi. So bhikkhu ukkhittam pharasum sandhāretum asakkonto dārakassa bāham chindi. Evañca sayito vimāne sayito nāma hotīti katvā vuttam “**rukkaṭṭhakadibbavimāne nipannassā**”ti.

Rukkaṭṭhakadibbavimāneti ca sākhaṭṭhakavimānam sandhāya vuttam. Rukkhasa upari nibbattañhi vimānam rukkhaṭṭhakadibbavimānam “**rukkaṭṭhakavimānan**”ti vuccati. Sākhaṭṭhakavimānam pana sabbasākhāsannissitam hutvā tiṭṭhati. Tattha yam rukkhaṭṭhakavimānam hoti, tam yāva rukkhasa mūlamattampi tiṭṭhati, tāva na nassati. Sākhaṭṭhakavimānam pana sākhāsu bhijjamānāsu tattha tattheva bhijjitvā sabbasākhāsu bhinnāsu sabbam bhijjati, idampi ca vimānam sākhaṭṭhakam, tasmā rukkhe chinne tam vimānam sabbaso vinaṭṭham, teneva sā devatā bhagavato santikā laddhe aññasmim vimāne vasi. **Bāhum thanamūleyeva chindīti** amsena

saddhim̄ bāhaṃ chindī. Iminā ca rukkhadevatānaṃ gattāni chijjanti, na cātumahārājjikādīnaṃ viya acchejjānīti daṭṭhabbaṃ. **Rukkhadhammeti** rukkhapakatīyaṃ, rukkhasabhāveti attho. Rukkhānaṃ viya chedanādīsu akuppanaṃhi rukkhadhammo nāma.

Uppatitanti uppannaṃ. **Bhantanti** dhāvantaṃ. **Vārayeti** niggaṇheyya. Idaṃ vuttaṃ hoti—yathā nāma cheko sārathi ativegena dhāvantaṃ rathaṃ niggaṇhetvā yathicchakaṃ peseti, evaṃ yo puggalo uppannaṃ kodhaṃ vāraye niggaṇhituṃ sakkoti, tamahaṃ sārathim̄ brūmi. Itaro pana rāja-uparājādīnaṃ rathasārathijano rasmiggāho nāma hoti, na uttamasārathīti.

Dutiya-gāthāya pana ayamatto—**yoti**¹ yo yādiso khattiyakulā vā pabbajito brāhmaṇakulā vā pabbajito navo vā majjhimo vā thero vā. **Uppatitanti** uddhamuddhaṃ patitaṃ, gataṃ pavattanti attho, uppannanti vuttaṃ hoti. **Kodhanti** “anattaṃ me caratīti āghāto jāyatī”ti-ādīna² nayena sutte vuttānaṃ navannaṃ, “atthaṃ me na caratī”ti-ādīnaṃca tappaṭipakkhato siddhānaṃ navannamevāti aṭṭhārasannaṃ khāṇukaṇṭakādīnaṃ aṭṭhānena saddhim̄ ekūnavīsatiyā āghātavattūnaṃ aññatarāghātavattusambhavaṃ āghātaṃ. **Visaṭanti** vitthataṃ. **Sappavisanti** sappassa visaṃ. **Ivāti** opammavacanaṃ. **I-kāralopaṃ** katvā va-icceva vuttaṃ. **Osadhehīti** agadehi. Idaṃ vuttaṃ hoti—yathā visatikicchako vejjo sappena daṭṭho sabbāṃ kāyaṃ pharitvā ṭhitaṃ visaṭaṃ sappavisāṃ mūlakhandha tacapattapupphādīnaṃ aññatarehi, nānābhesajjehi payojetvā katehi vā osadhehi khippameva vineyya, evameva yo yathāvuttena āghātavattunā uppatitaṃ cittasantānaṃ byāpetvā ṭhitaṃ kodhaṃ vinayanupāyesu tadaṅgavinayādīsu yena kenaci upāyena vineti nādhivāseti pajahati vinodeti byantim̄ karoti, so bhikkhu jahāti orapāraṃ. So evaṃ kodhaṃ vinento bhikkhu yasmā kodho tatiyamaggena sabbaso pahīyati, tasmā orapārasaññitāni pañcorambhāgiyasamyōjanāni jahātīti. Avisesena hi **pāranti** tīrassa nāmaṃ, tasmā orāni ca tāni saṃsārasāgarassa pārabhūtāni cāti katvā “orapāraṃ”ti vuccati.

1. Suttanipātaṭṭha 1. 4, 11 piṭṭhādīsupi passitabbaṃ.

2. Dī 3. 218; Am̄ 3. 208 piṭṭhesu.

Atha vā yo uppatitaṃ vineti kodhaṃ viṣaṭaṃ sappaviṣaṃva osadhehi, so tatiyamaggena sabbaso kodhaṃ vinetvā anāgāmiphale ṭhito bhikkhu jahāti orapāraṃ. Tattha **oranti** sakattabhāvo. **Pāraṃti** parattabhāvo. Oraṃ vā cha ajjhattikāni āyatanāni, pāraṃ cha bāhirāyatanāni. Tathā oraṃ manussaloko, pāraṃ devaloko. Oraṃ kāmādhātu, pāraṃ rūpārūpadhātu. Oraṃ kāmarūpabhavo, pāraṃ arūpabhavo. Oraṃ attabhāvo, pāraṃ attabhāvasukhupakaraṇāni¹. Evametasmim orapāre catutthamaggena chandarāgaṃ pajahanto “jahāti orapāraṃ”ti vuccati. Ettha ca kiñcāpi anāgāmīno kāmarāgassa pahīnattā idhattabhāvādīsu chandarāgo eva natthi, apica kho panassa vaṇṇappakāsanatthaṃ sabbametaṃ orapārabhedam saṅgahetvā tattha chandarāgappahānena “jahāti orapāraṃ”ti vuttaṃ.

Idāni tassatthassa vibhāvanatthāya upamaṃ āha “**urago jīṇṇamivattacaṃ purāṇaṃ**”ti. Tattha urena gacchatīti **urago**, sappassetam adhvacaṇaṃ. So duvidho kāmarūpī ca akāmarūpī ca. Kāmarūpīpi duvidho jalajo thalajo ca. Jalajo jale eva kāmarūpaṃ labhati, na thale **saṅkhapālaṅkake**² saṅkhapālanāgarājā viya. Thalajo thale eva, na jale. So jajjarabhāvena jīṇṇam, cirakālatāya purāṇaṅcāti saṅkhaṃ gataṃ tacam jahanto catubbidhena jahati sajātiyaṃ ṭhito jigucchanto nissāya thāmenāti. Sajāti nāma sappajāti dīghattabhāvo. Uragā hi pañcasu ṭhānesu sajātim nātivattanti upapattiyam cutiyam viṣaṭṭhaniddokkamane sajātiyā methunapaṭisevane jīṇṇatacāpanayane cāti. Tasmā yadā tacam jahati, tadā sajātiyamyeva ṭhatvā jahati. Sajātiyaṃ ṭhitopi ca jigucchanto jahati. Jigucchanto nāma yadā upaḍḍhaṭṭhāne mutto hoti, upaḍḍhaṭṭhāne amutto olambati, tadā nam aṭṭiyanto jahati, evam jigucchantopi ca daṇḍantaram vā mūlantaram vā pāsānantaram vā nissāya jahati. Nissāya jahantopi ca thāmaṃ janetvā ussāhaṃ karitvā vīriyena vaṅkaṃ naṅguṭṭhaṃ katvā passasantova phaṇaṃ karitvā jahati. Evam jahitvā yenakāmaṃ pakkamati.

Evameva ayampi bhikkhu-orapāraṃ jahitukāmo catubbidhena jahati sajātiyaṃ ṭhito jigucchanto nissāya thāmenāti. Sajāti nāma bhikkhuno “ariyāya jātiyā jāto”ti³ vacanato sīlaṃ. Tenevāha “sīle

1. Attabhāvasukhumakaraṇāni (Syā)

2. Khu 6. 16 piṭṭhe Jātake.

3. Ma 2. 306 piṭṭhe.

patiṭṭhāya naro sapañño”ti¹. Evametissaṃ sajātiyaṃ ṭhito bhikkhu taṃ sakattabhāvādibhedam orapāram jīṇapurāṇattacamiva taṃ dukkham janentaṃ tattha tattha ādinavadassanena jigucchanto kalyāṇamitte nissāya adhimattasammāvāyāmasaṅkhātāṃ thāmaṃ janetvā “divasaṃ caṅkamaena nisajjāya āvaraṇīyehi dhammehi cittaṃ parisodheti”ti² vuttanayena rattindivaṃ chadhā vibhajitvā ghaṭento vāyamanto urago viya vaṅkaṃ naṅguṭṭham pallaṅkaṃ ābhujitvā urago viya passasanto ayampi asithilaparakkamatāya vāyamanto uragova phaṇam karitvā ayampi ñāṇavipphāram janetvā uragova tacam orapāram jahati, jahitvā ca urago viya ohitataco yenakāmaṃ pakkamati, ayampi ohitabhāro anupādisesanibbānadhātudisaṃ pakkamatīti.

90. **Bhavantīti** iminā viruḷhamūle nīlabhāvaṃ āpajjitvā vaḍḍhamānake taruṇagacche dasseti. **Ahuvuntī**³ iminā pana vaḍḍhitvā ṭhite mahante rukkhagacchādike dasseti. **Bhavantīti** imassa vivaraṇam “**jāyanti vaḍḍhanti**”ti, **ahuvuntī** imassa “**jātā vaḍḍhitā**”ti. **Rāsīti** suddhaṭṭhakadhammasamūho. **Bhūtānanti** tathāladdhasamaññānam aṭṭhadhammānam. “Bhūtānam gāmo”ti vuttepi avayavavinimuttassa samudāyassa abhāvato bhūtasaññitā teyeva tiṇarukkkhalatādayo gayhanti. “Bhūmiyaṃ patiṭṭhahitvā haritabhāvamāpannā rukkhagacchādayo devatāhi pariḅgayhanti, tasmā bhūtānam nivāsaṭṭhānatāya bhūtānam gāmo”tipi vadanti. **Rukkhādīnanti ādi**-saddena osadhigacchalatādayo veditabbā.

Nanu ca rukkhādayo cittarahitahāya na jīvā, cittarahitatā ca parippchandābhāvato chinnepi ruhanato visadisajātikabhāvato⁴ catuyoni-apariyāpannato ca veditabbā, vuḍḍhi pana pavāḷasilālavaṇānampi⁵ vijjatīti na tesam jīvabhāve⁶ kāraṇam, visayaggahaṇaṅca nesaṃ parikappanāmattaṃ supanam⁷ viya ciñcādīnam⁸, tathā dohaḷādayo, tattha kasmā bhūtagāmassa chedanādipaccayā pācittiyaṃ vuttanti? Samaṇasārubbato

1. Saṃ 1. 13, 167 piṭṭhesu.

3. Ahuvantīti (Syā)

5. Pavāḷasilāsuvaṇṇānampi (Syā)

7. Supīnam (Syā, Ka)

2. Am 1. 112, 349; Abhi 2. 285 piṭṭhesu.

4. Visadisajātikābhāvato (Ka)

6. Jīvābhāve (Ka)

8. Viññāḍīnam (Syā)

tannivāsasattānurakkhaṇato ca. Tenevāha “**jīvasaññino hi moghapurisā manussā rukkkhasmin**”ti-ādi.

91. “Mūle jāyanti”ti-ādīsu attho upari attanā vuccamānappakārena sīhaḷaṭṭhakathāyaṃ vuttoti āha “**evaṃ santepi -pa- na samenti**”ti. **Vijāta-**saddo idha **vi-**saddalopam katvā niddiṭṭhoti āha “**vi-jātānī**”ti. **Vijāta-**saddo ca “vijatā itthī”ti-ādīsu viya pasūtavacanoti āha “**pasūtānī**”ti. Pasūti ca nāmettha nibbattaṇṇamūlatāti āha “**nibbattaṇṇamūlānī**”ti. Iminā imaṃ dīpeti “nibbattaṇṇamūlānī bījānī bhūtagāmasaṅkhameva gacchanti, tesu ca vattamāno bījajāta-saddo ruḷhīvasena rukkhādīsupi vattatī”ti. Purimasmiṃ atthavikappe pana bījehi jātānaṃ rukkkhalatādīnaṃyeva bhūtagāmatā vuttā.

Tāni dassentoti tāni bījāni dassento. Mūlabījanti-ādīsu mūlameva bījam mūlabījam. Sesesupi eseva nayo. **Phaḷubījanti** pabbabījam. Paccayantarasamavāye sadisaphaluppattiyā visesakāraṇabhāvato viruhasamatthe sārāphale niruḷho **bīja-**saddo. Tadatthasaṃsiddhiyā mūlādīsupi kesuci pavattatīti mūlādito nivattanattham ekena bījasaddena visesetvā vuttam “**bījabījan**”ti “rūparūpaṃ, dukkhadukkhan”ti ca yathā. **Bījato nibbattena bījam dassitanti** kāriyopacārena kāraṇam dassitanti dīpeti.

92. **Bīje bījasaññīti** ettha kāraṇūpacārena kāriyaṃ vuttanti dassento “**tattha yathā**”ti-ādīmāha. **Bhūtagāmaparimocanam katvāti** bhūtagāmato mocetvā, viyojetvāti attho. **Yaṃ bījam bhūtagāmo nāma hotīti** bījāni ca tāni jātāni cāti vuttamattham sandhāya vadati. Tattha **yaṃ bījanti** yaṃ nibbattaṇṇamūlam bījam. **Tasmim bījeti** tasmim bhūtagāmasaññite bīje. Ettha ca bījajāta-saddassa viya ruḷhīvasena rukkhādīsu bīja-saddassapi pavatti veditabbā. **Yathārutanti** yathāpāli.

Yattha kattracīti mūle agge majjhe vā. **Sañcicca ukkhipitum na vaṭṭatīti** ettha sacepi sarīre laggabhāvaṃ jānantova udakato uṭṭhahati, “tam uddharissāmi”ti saññāya abhāvato vaṭṭati. **Uppāṭitānīti** uddhaṭāni. **Bījagāme saṅgaham gacchantīti** bhūtagāmato parimocitattā vuttam. **Anantaka-**ggahaṇena sāsapamattikā gahitā. Nāmañhetam tassā

sevālaḷāḷīyā. Mūlapaṇṇānaṃ aṣuṃpuṇṇattā “**asampuṇṇabhūtagāmo nāma**”ti vuttaṃ. **Abhūtagāmamūlattā**ti ettha bhūtagāmo mūlaṃ kāraṇaṃ etassāti bhūtagāmamūlo, bhūtagāmassa vā mūlaṃ kāraṇanti bhūtagāmamūlaṃ. Bījagāmo hi nāma bhūtagāmato sambhavati, bhūtagāmassa ca kāraṇaṃ hoti, ayaṃ pana tādiso na hotīti “abhūtagāmamūlattā”ti vuttaṃ. Tatraṭṭhakattā vuttaṃ “**so bījagāmena saṅgahito**”ti. Idaṅca “abhūtagāmamūlattā”ti ettha paṭhamaṃ vutta-atthasambhavato vuttaṃ. Kiñcāpi hi tālanāḷikerādīnaṃ khāṇu uddhaṃ avaḷḷḷhanato bhūtagāmassa kāraṇaṃ na hoti, tathāpi bhūtagāmasaṅkhyupagatanibbattapaṇṇamūlabījato¹ sambhūtattā bhūtagāmato uppanno nāma hotīti bījagāmena saṅgahaṃ gacchati.

“**Aṅkure harite**”ti vatvā tameva vibhāveti “**nīlapaṇṇavaṇṇe jāte**”ti, nīlapaṇṇassa vaṇṇasadiṣe vaṇṇe jāteti attho. “Nīlavaṇṇe jāte”ti vā pāṭho gahetabbo. **Amūlakabhūtagāme saṅgahaṃ gacchatīti** nāḷikerassa āveṇīkaṃ katvā vadati. “Pāṇīyaghaṭṭādīnaṃ bahi sevālo udake aṭṭhitattā bījagāmānulomattā ca dukkaṭavattḷhū”ti vadanti. **Kaṇṇakampi abbohārikamevāti** nīlavaṇṇampi abbohārikameva. **Seleyyakam** nāma silāya sambhūtā ekā sugandhajāti. “**Rukkhattacaṃ vikopetīti** vuttattā rukkhe jātaṃ yaṃ kiñci chattaḷkaṃ rukkhattacaṃ avikopetvā matthakato chindītvā gahetuṃ vaṭṭatī”ti vadanti. **Rukkhatto muccītvā tiṭṭhatīti** ettha “yadipi kiñcimattaṃ rukkhe allīnā hutvā tiṭṭhati, rukkhatto gayhamāno pana rukkhaḷchaviṃ na vikopeti, vaṭṭatī”ti vadanti. **Allarūkkhatto na vaṭṭatīti** etthāpi rukkhattacaṃ avikopetvā matthakato tacchetvā gahetuṃ vaṭṭatīti veditabbaṃ. Hatthakukkucceṇāti hatthānaṃ asaṃyatabhāvena, hatthacāpallenāti vuttaṃ hoti. **Pāṇīyaṃ na vāsetabbanti** idaṃ attano atthāya nāmitaṃ sandhāya vuttaṃ. Kevalaṃ anupasampannaṣṣa atthāya nāmite pana pacchā tato labhitvā na vāsetabbanti natthi. “**Yesam rukkḷhānaṃ sākḷhā ruhatīti** vuttattā yesam sākḷhā na ruhati, tattha kappiyakaraṇakiccaṃ natthī”ti vadanti.

1. Bhūtagāmasamūpagatanibbattapaṇṇamūlabījato (Syā)

93. **Pañcahi samaṇakappehīti** pañcahi samaṇavohārehi. Kiñcāpi hi bījānaṃ agginā phuṭṭhamattena nakhādīhi vilidhanamattena ca avirulhīdhammatā na hoti, tathāpi evaṃ kateyeva samaṇānaṃ kappatīti aggiparijītādayo samaṇavohārā nāma jātā, tasmā tehi samaṇavohārehi karaṇabhūtehi phalaṃ paribhuñjituṃ anujānāmīti adhippāyo. Abījanibbaṭṭabījanipi samaṇānaṃ kappantīti paññattapaṇṇattibhāvato samaṇavohārā-icceva saṅkhaṃ gatāni. Atha vā aggiparijītādīnaṃ pañcannaṃ kappiyabhāvatoyeva pañcahi samaṇakappiyabhāvasaṅkhātehi kāraṇehi phalaṃ paribhuñjituṃ anujānāmīti evamettha adhippāyo veditabbo. **Aggiparijīnti**-ādīsu “paricitan”tipi paṭhanti. **Abījaṃ** nāma taruṇambaphalādi. **Nibbaṭṭabījaṃ** nāma ambapanasādi, yaṃ bījaṃ nibbaṭṭetvā visuṃ katvā paribhuñjituṃ sakkā hoti. **“Kappiyan”ti vatvāva kātabbanti** yo kappiyaṃ karoti, tena kattabbākārasseva vuttattā bhikkhunā avuttepi kātuṃ vaṭṭatīti na gahetabbaṃ. Puna “kappiyaṃ kāretabban”ti kārāpanassa paṭhamameva kathitattā¹ bhikkhunā “kappiyaṃ karohī”ti vutteyeva anupasampanna “kappiyan”ti vatvā aggiparijītādi kātabbanti gahetabbaṃ. “Kappiyanti vacanaṃ pana yāya kāyaci bhāsāya vattum vaṭṭatī”ti vadanti. “Kappiyanti vatvāva kātabban”ti vacanato paṭhamāṃ “kappiyan”ti vatvā pacchā aggi-ādīnā phusanādi kātabbanti veditabbaṃ. “Paṭhamāṃ aggim nikkhipitvā nakhādīnā vā vijjhītvā taṃ anuddharitvāva 'kappiya'nti vattumpi vaṭṭatī”ti vadanti.

Ekasmim bīje vāti-ādīsu “ekāmyeva kāremīti adhippāye satipi ekābaddhattā sabbaṃ katameva hotī”ti vadanti. **Dāruṃ vijjhatīti** ettha “jānitvāpi vijjhati vā vijjhāpeti vā, vaṭṭatīyevā”ti vadanti. **Bhattasitthe vijjhatīti** etthāpi eseva nayo. **“Taṃ vijjhati, na vaṭṭatīti** rajju-ādīnaṃ bhājanagatikattā”ti vadanti. **Maricapakkādīhi missetvāti** ettha bhattasitthasambandhavasena ekābaddhattā veditabbā, na phalānaṃyeva aññamaññaṃ sambandhavasena. **Bhindāpetvā kappiyaṃ kārāpetabbanti** bījato muttassa kaṭāhassa bhājanagatikattā vuttaṃ.

Nikkhāmetunti taṃ bhikkhuṃ nikkhāmetuṃ. “Sace etassa anuloman”ti senāsanaṃ rakkhāṇatthāya anuññātampi paṭaggidānādīm attanāpi kātuṃ

1. Adhikatattā (Syā)

vaṭṭatīti ettakeneva idampi etassa anulomanti evamadhippāyo siyā. Paṭaggidānaṃ parittakaraṇaṅca attano parassa vā senāsanarakkhaṇatthāya vaṭṭatiyeva. Tasmā sace tassa suttaṃ etaraṃ anulomaṃ siyā, attano na vaṭṭati, aññassa vaṭṭatīti ayaṃ viṣeso kuto labbhatīti āha “**attano na vaṭṭati -pa- na sakkā laddhun**”ti. Sesamettha uttānameva. Bhūtagāmo, bhūtagāmasaññitā, vikopanaṃ vā vikopāpanaṃ vāti imāni panettha tīṇi aṅgāni.

Bhūtagāmasikkhāpadavaṇṇanā niṭṭhitā.

2. Aññavādakasikkhāpadavaṇṇanā

94-98. Dutiye aññaṃ vacananti yaṃ codakena cuditakassa dosavibhāvanavacanaṃ vuttaṃ, taṃ tato aññeneva vacanena paṭicarati. Atha vā **aññenaññaṃ paṭicarati**ti aññena kāraṇena aññaṃ kāraṇaṃ paṭicarati evamettha attho veditabbo, yaṃ codakena cuditakassa dosavibhāvanakāraṇaṃ vuttaṃ, tato aññena codanāya amūlakabhāvadīpakena kāraṇena paṭicarati vuttaṃ hoti. **Paṭicarati**ti ca paṭicchādanavasena carati, pavattatīti attho. Paṭicchādanattho eva vā **carati**-saddo anekatthattā dhātūnaṃ. Tenāha “**paṭicchādeti**”ti. **Ko āpannoti**-ādinā pāliyaṃ codanaṃ avissajjetvā vikkhepāpajjanavasena aññena aññaṃ paṭicaraṇaṃ dassitaṃ. Aparampi pana codanaṃ vissajjetvā bahiddhā kathā-apanāmasena pavattaṃ pāḷimuttakaṃ aññenaññaṃ paṭicaraṇaṃ veditabbaṃ. “Itthannāmaṃ āpattiṃ āpannosī”ti puṭṭho “pāḷaliputtaṃ gatomhī”ti vatvā puna “na tava pāḷaliputtagamaṇaṃ pucchāma, āpattiṃ pucchāma”ti vutte “tato rājagahaṃ gatomhī”ti vatvā “rājagahaṃ vā yāhi brāhmaṇagahaṃ vā, āpattiṃ āpannosī”ti vutte “tatha me sūkaramaṃsaṃ laddhan”ti-ādīni vatvā vā kathāṃ bahiddhā vikkhipantopi hi “aññenaññaṃ paṭicarati”ceva saṅkhaṃ gacchati.

Yadetam aññena aññaṃ paṭicaraṇavasena pavattavacanaṃ, tadeva pucchitamattaṃ ṭhapetvā aññaṃ vadatīti **aññavādakanti** āha “**aññenaññaṃ paṭicaraṇassetam nāman**”ti. **Tuṇhībhūtassetam nāman**ti tuṇhībhāvassetam nāmaṃ, ayameva vā pāḷho. **Aññavādakaṃ āropetū**ti aññavādakakammaṃ āropetu,

aññavādakattaṃ vā idāni kariyamānena kammena āropetūti attho.

Vihesakam āropetūti etthāpi vihesakakammaṃ vihesakabhāvaṃ vā āropetūti evamattho daṭṭhabbo.

Anāropite aññavādake vuttadukkaṭaṃ pāḷiyam āgata-aññenaññampaṭicaraṇavasena yujjati. Aṭṭhakathāyaṃ āgatena pana pāḷimuttaka-aññenaññampaṭicaraṇavasena anāropite aññavādake musāvādena pācittiyam, āropite imināva pācittiyanti veditabbaṃ. Keci pana “āropite aññavādake musāvādena iminā ca pācittiyadvayaṃ hotī”ti vadanti, taṃ vīmaṃsitvā gahetabbaṃ. Yā sā ādikammikassa anāpatti vuttā, sāpi pāḷiyam āgata-aññenaññampaṭicaraṇavasena vuttāti daṭṭhabbā, iminā sikkhāpadena anāpattidassanatthaṃ vā. Sesaṃ uttānameva. Dhammakammena āropitatā, āpattiyā vā vatthunā vā anuyuññijyamānatā, chādetukāmatāya aññenaññam paṭicaraṇam vā tuḥhībhāvo vāti imāni panettha tīṇi aṅgāni.

Aññavādakasikkhāpadavaṇṇanā niṭṭhitā.

3. Ujjhāpanakasikkhāpadavaṇṇanā

103. Tatiye dhātupāṭhe **jhe**-saddo cintāyaṃ paṭhitoti āha “**lāmakato vā cintāpentī**”ti-ādi. Ayameva ca anekatthattā dhātūnaṃ olokanatthopi hotīti daṭṭhabbaṃ. “Akkharāya vāceti”ti-ādīsu¹ viya “chandāyā”ti liṅgavipallāsavasena vuttanti āha “**chandenā**”ti.

105. **Yena vacanenāti** yena “chandāya itthannāmo idaṃ nāma karotī”ti-ādivacanena. **Yena ca khiyyantīti** yena “chandāya itthannāmo”ti-ādivacanena tattha tattha bhikkhūnaṃ savanūpacāre ṭhatvā avaṇṇam pakāsentī.

106. **Aññam anupasampannaṃ ujjhāpetīti** aññena anupasampannena ujjhāpeti. **Tassa vā taṃ santike khiyyatīti** tassa anupasampannassa

1. Vi 2. 26 piṭṭhe.

santike taṃ saṃghena sammatam upasampannam khiyyati, avaṇṇam vadanto vā pakāseti. **Anupasampannam saṃghena sammatanti** ettha sammatapubbo sammatoti vutto. Tenāha “**kiñcāpī**”ti-ādi. Yasmā ujjhāpanam khiyyanañca musāvādaseneva pavattam, tasmā ādikammikassa anāpattīti pācittiyatṭhāne dukkaṭatṭhāne ca imināva anāpattidassanattham vuttanti gahetabbam. Evañca katvā ujjhāpentassa khiyyantassa ca ekakkhaṇe dve dve āpattiyo hontīti āpannam. Atha vā īdisam sikkhāpadam musāvādato paṭhamam paññattanti gahetabbam. Sesamettha uttānameva. Dhammakammena sammatatā, upasampannatā, agatigamanābhāvo, tassa avaṇṇakāmatā, yassa santike vadati, tassa upasampannatā, ujjhāpanam vā khiyyanam vāti imāni panettha cha aṅgāni.

Ujjhāpanakasikkhāpadavaṇṇanā niṭṭhitā.

4. Paṭhamasenāsanāsikkhāpadavaṇṇanā

108-110. Catutthe **himavassenā**ti himameva vuttam. **Apaññā**teti appatīte, appasiddheti attho. “Maṇḍape vā rukkhamūle vāti vacanato vivaṭaṅgaṇepi nikkhipitum vaṭṭatī”ti tīsupi **ganṭhipadesu** vuttam. **Gocarappasutā**ti gocarattṭhānam paṭipannā. “Aṭṭha māse”ti iminā vassānam cātumāsam cepi devo na vassati, paṭikkhittamevāti āha “**aṭṭha māse**’ti vacanato -pa- nikkhipitum na vaṭṭatiyevā”ti. Tattha **cattāro māseti** vassānassa cattāro māse. **Avassikasāṅketeti** iminā anuññātepi aṭṭha māse yattha hemante devo vassati, tattha aparepi cattāro māsā paṭikkhittatī āha “**avassikasāṅketeti vacanato**”ti-ādi. Iminā imam dīpeti “yasmim dese hemante devo vassati, tattha aṭṭha māse paṭikkhipitvā cattāro māsā anuññātā. Yattha pana vassāneyeva vassati, tattha cattāro māse paṭikkhipitvā aṭṭha māsā anuññātā”ti.

Imināva nayena majjhimapadese yattha hemante himavassam vassati, tatthāpi aṭṭheva māsā paṭikkhittatī veditabbā. Tasmā vassānakāle pakati-ajjhokāse ovassakamaṇḍape rukkhamūle ca santharitum na vaṭṭati, hemantakāle pakati-ajjhokāse ovassakamaṇḍapādīsipi vaṭṭati.

Tañca kho yattha himavassena senāsanam na temati, gimhakālepi pakati-ajjhokāsādīsu vaṭṭatiyeva, tañca kho akālameghādassane, kākādīnam nibaddhavāsarukkhamūle pana kadācīpi na vaṭṭatīti evamettha vinicchayo vedītabbo.

Imañca pana atthavisesam gahetvā bhagavatā paṭhamameva sikkhāpadaṃ paññattanti visum anupaññanti na vuttā. Teneva hi **mātikāṭṭhakathāyam**¹ vuttam “iti yattha ca yadā ca santharitam na vaṭṭati, tam sabbamidha ajjhokāsasaṅkhameva gatan”ti. Atha vā avisesena ajjhokāse santharaṇasantharāpanāni paṭikkhipitvā “īdise kāle īdise ca padese ṭhapethā”ti anujānanamatteneva alanti na sikkhāpade visum anupaññanti uddhaṭāti vedītabbā. **Parivāre**² pana imasseva sikkhāpadassa anurūpavasena paññattattā “ekā anupaññanti”ti vuttam.

Navavāyimo sīgham na nassatīti āha “navavāyimo vā”ti. **Onaddhakoti** cammena onaddho. **Ukkaṭṭha-abbhokāsikoti** idam tassa parivittakkadassanamattam, ukkaṭṭha-abbhokāsikassa pana cīvarakuṭi na vaṭṭatīti natthi. **Kāyānugatikkattāti** bhikkhuno tattheva sannihitabhāvam sandhāya vuttam. Iminā ca tasmīnyeva kāle anāpatti vuttā, cīvarakuṭito nikkhamitvā pana aññattha gacchantassa piṇḍāya pavisantassapi āpattiyeva. “Yasmā pana dāyakehi dānakāleyeva sahasagghanakampi kambalam 'pādapuñchanim katvā paribhuñjathā'ti dinnam tattheva paribhuñjitum vaṭṭati, tasmā 'imam mañcapīṭṭhādīsenāsanam abbhokāsepi yathāsukham paribhuñjathā'ti dāyakehi dinnam ce, sabbasmimpi kāle abbhokāse nikkhipitum vaṭṭatī”ti vadanti. **Pesetvā gantabbanti** ettha “yo bhikkhu imam ṭhānam āgantvā vasati, tassa dethā”ti vatvā pesetabbam.

Valāhakānam anuṭṭhitabhāvam sallakkhetvāti iminā ca gimhānepi meghe uṭṭhite mañcapīṭṭhādīm yaṅkiñci senāsanam ajjhokāse nikkhipitum na vaṭṭatīti dīpitanti vedītabbam. “**Pādaṭṭhānābhimukhāti** nisīdantānam pādapatanaṭṭhānābhimukhan”ti keci. “Sammajjantassa pādaṭṭhānābhimukhan”ti apare. “Bahi vālukāya agamananimittam pādaṭṭhānābhimukhā vālikā haritabbāti vuttan”ti

1. Kaṅkhā-Ṭṭha 201 piṭṭhe.

2. Vi 5. 24 piṭṭhe.

eke. **Kacavaram hatthehi gahetvā bahi chaḍḍetabbanti** iminā kacavaram chaḍḍessāmīti vālikā na chaḍḍetabbāti dīpeti.

111. **Anto samveṭhetvā baddhanti** erakapattādīhi veṇim katvā tāya veṇiyā ubhosu passesu vitthataṭṭhānesu bahum veṭhetvā tato paṭṭhāya yāva majjhaṭṭhānam, tāva anto ākaḍḍhanavasena veṭhetvā majjhe saṅkhipitvā tiriyaṃ tattha tattha bandhitvā katam. **Kappam labhitvāti** gacchāti vuttavacanena kappam labhitvā. Therassa hi aṇattiyā gacchantassa anāpatti. **Purimanayenevāti** “nisīditvā sayam gacchanto”ti-ādinā pubbe vuttanayeneva. **Aññattha gacchatīti** tam maggam atikkamitvā aññattha gacchati. Leḍḍupātupacārato bahi ṭhitattā “**pāduddhārena kāretabbo**”ti vuttam, aññattha gacchantassa paṭhamapāduddhāre dukkaṭam, dutiyapāduddhāre pācittiyanti attho. **Pākatikam akatvāti** appaṭisāmetvā. **Antarasannipāte**ti antarantarā sannipāte.

Āvāsikānaṃyeva palibodhoti ettha āgantukehi āgantvā kiñci avatvā tattha nisinnepi āvāsikānaṃyeva palibodhoti adhippāyo. **Mahāpaccarivāde** pana “aññesu āgantvā nisinnesu”ti idam amhākanti vatvā vā avatvā vā nisinnesuṭi adhippāyo. **Mahā-aṭṭhakathāvāde** “āpatti”ti pācittiyameva vuttam. **Mahāpacariyam** pana santharaṇasantharāpane sati pācittiyena bhavitabbanti anāṇattiyā paññattattā dukkaṭam vuttam. “Idam ussarakassa, idam dhammakathikassā”ti visum paññattattā anāṇattiyā paññattepi pācittiyeneva bhavitabbanti adhippāyena “tasmim āgantvā nisinne tassa palibodho”ti vuttam. Keci pana vadanti “anāṇattiyā paññattepi dhammakathikassa anuṭṭhāpaniyattā pācittiyena bhavitabban, āgantukassa pana pacchā āgatehi vuḍḍhatarehi uṭṭhāpetabbattā dukkaṭam vuttan”ti.

112. **Bhūmiyam attharitabbāti** cimilikāya¹ sati tassā upari, asati suddhabhūmiyam attharitabbā. **Sīhacammādīnam parihaṇeyeva paṭikkhepo veditabboti** iminā—

1. Vilimikāya (Syā)

“Na bhikkhave mahācammāni dhāretabbāni sīhacammaṃ byagghacammaṃ dīpicammaṃ, yo dhāreyya, āpatti dukkaṭassā”ti—
 evaṃ vuttāya **khandhakapāliya**¹ adhippāyaṃ vibhāveti. Idaṃ vuttaṃ hoti—
 “antopi mañce paññattāni honti, bahipi mañce paññattāni hontī”ti imasmim
 vatthusmim¹ sikkhāpadassa paññattattā mañcapīṭhesu attharivā
 paribhogoyeva paṭikkhitto, bhūmattharaṇavasena paribhogo pana
 appaṭikkhittoti. Yadi evaṃ “pariharaṇeyeva paṭikkhepo”ti idaṃ tasmā
 vuttanti? Yathā “anujānāmi bhikkhave sabbaṃ pāsādaparibhogaṃ”ti²
 vacanato puggalikepi senāsane senāsanaparibhogavasena niyamitaṃ
 suvaṇṇaghaṭṭadīkaṃ paribhuñjitum vaṭṭamānampi kevalaṃ attano santakaṃ
 katvā paribhuñjitum na vaṭṭati, evamidaṃ bhūmattharaṇavasena
 paribhuñjiyamānampi attano santakaṃ katvā taṃ taṃ vihāraṃ harivā
 paribhuñjitum na vaṭṭatīti dassanatthaṃ “pariharaṇeyeva paṭikkhepo
 veditabbo”ti vuttaṃ. **Dārumayapīṭhanti** phalakamayameva pīṭhaṃ vuttaṃ.
Pādakathalikanti adhotapādaṭṭhapanakaṃ. **Ajjhokāse rajanaṃ pacivā -pa-**
paṭisāmetabbanti ettha theve³ asati rajanakamme niṭṭhite paṭisāmetabbaṃ.

113. “**Bhikkhu vā sāmaṇero vā ārāmiko vā lajji hotīti** vuttattā alajjim
 āpucchivā gantuṃ na vaṭṭatī”ti vadanti. **Otāpento gacchatīti** ettha “kiñcāpi
 'ettakaṃ dūraṃ gantabba'nti paricchedo natthi, tathāpi leḍḍupātaṃ
 atikkamma nātidūraṃ gantabbaṃ”ti vadanti. Sesamettha uttānameva.
 Mañcādīnaṃ saṃghikatā, vuttalakkaṇe dese santharaṇaṃ vā
 santharāpanaṃ vā, apalibuddhatā, āpadāya abhāvo, leḍḍupātāti kkamoti
 imāni panettha pañca aṅgāni.

Mātikāṭṭhakathāyam⁴ pana **anāpuccham vā gaccheyyāti** ettha “yo
 bhikkhu vā sāmaṇero vā ārāmiko vā lajji hoti, attano palibodhaṃ viya
 maññati, tathārūpaṃ anāpucchivā taṃ senāsaṇaṃ tassa aniyyātetvā
 nirapekkho gacchati, thāmamajjhimassa purisassa leḍḍupātaṃ atikkameyya,
 ekena pādena leḍḍupātātikame dukkaṭaṃ, dutiyapādātikkame pācittiyaṃ”ti
 vatvā aṅgesupi nirapekkhatāya saddhim cha

1. Vi 3. 281 piṭṭhe.

3. Deve (Syā, Ka)

2. Vī 4. 320 piṭṭhe.

4. Kaṅkhā-Ṭṭha 201 piṭṭhe.

aṅgāni vuttāni. Pāḷiyam pana aṭṭhakathāyañca “nirapekkho gacchatī”ti ayam viseso na dissati. “Otāpento gacchatī”ti ca otāpanavisaye eva sāpekkhagamane anāpatti vuttā. Yadi aññatthāpi sāpekkhagamane anāpatti siyā, “anāpatti sāpekkho gacchatī”ti avisesena vattabban bhavēyya, tasmā vīmaṁsitvā yuttataram gahetabbanti.

Paṭhamasenāsanāsikkhāpadavaṇṇanā niṭṭhitā.

5. Dutiyasenāsanāsikkhāpadavaṇṇanā

116. Dutiyasenāsanāsikkhāpade **ettakameva vuttanti** aṭṭhakathāsu vuttam. “Idañca aṭṭhakathāsu tathāvuttabhāvadassanattham vuttam, aññampi tādīsam mañcapīṭhesu attharitam paccattharaṇamevā”ti tīsupi **gaṇṭhipadesu** vuttam. **Mātikāṭṭhakathāyam**¹ pana “paccattharaṇam nāma pāvāro kojavoti ettakamevā”ti niyametvā vuttam, tasmā gaṇṭhipadesu vuttam iminā na sameti, vīmaṁsitvā gahetabban. **Senāsanatoti** sabbapacchimasenāsanato. **Yo kocīti** tassa nātako vā aññātako vā yo koci.

117. **Pariveṇanti** ekekassa vihārassa parikkhepabbhantaram. Kurundaṭṭhakathāyam vuttamevattham savisesam katvā dassetuṁ “**kiñcāpi vutto**”ti-ādi āradham. “Aparicchanne maṇḍape”ti visuṁ yojetabban. Teneva **mātikāṭṭhakathāyam**¹ “aparcchannamaṇḍape vā paricchanne vāpi bahūnam sannipātabhūte”ti vuttam. Bhojanasālāyampi ayam viseso labbhatiyeva. **Vattabban natthīti** visesetvā kiñci vattabban natthi. **Palujjatīti** vinassati. **Nasseyyāti** corādīhi vinasseyya.

118. Yena mañcam vā pīṭham vā vinanti, tam **mañcapīṭhakavānam**. **Siluccayaleṇanti** siluccaye leṇam, pabbataguhāti attho. “Senāsanam upacikāhi khāyitan”ti imasmim vatthusmim paññattattā vatthuanurūpavasena aṭṭhakathāyam upacikāsankāya abhāve anāpatti vuttā. **Vattakkhandhake** gamikavattam

1. Kaṅkhā-Ṭṭha 203 piṭṭhe.

paññapentena “senāsanam āpucchitabban”ti vuttattā kevalam itikattabbākāramatta dassanattham “**āpucchanam pana vattan**”ti vuttam, na pana vattabhedena dukkaṭanti dassanattham. Teneva **andhakatṭhakathāyam** “senāsanam āpucchitabban”ti ettha “yam pāsāṇapiṭṭhiyam vā pāsāṇatthambhesu vā katasenāsanam yattha upacikā nārohanti, tam anāpucchantassapi anāpatti”ti vakkhati, tasmā yam vuttam **gaṇṭhipade** “tādise senāsane anāpucchā gacchantassa pācittiyam natthi, gamikavattavasena pana anāpucchā gacchato vattabhedo hoti, tasmā dukkaṭam āpajjati”ti, tam na gahetabban.

Pacchimassa ābhogena mutti natthīti tassa pacchato gacchantassa aññassa abhāvato vuttam. **Ekam vā pesetvā āpucchitabbanti** ettha gamanacittassa uppanaṭṭhānato anāpucchivā gacchato dutiyapādudhāre pācittiyam. Kiñcāpi mañcam vā pīṭham vā ajjhokāse nikkhipivā gacchantassa idha visum āpatti na vuttā, tathāpi akāle ajjhokāse mañcapīṭhāni paññapetvā gacchantassa leḍḍupātātikame purimasikkhāpadena pācittiyam, parikkhepātikkame iminā dukkaṭanti veditabban. “Maṇḍape vā rukkhamūle vā”ti iminā ajjhokāsopi saṅgahitoyevāti tatthāpi dukkaṭam idha vuttamevāti daṭṭhabban. Seyyam pana ajjhokāse santharivā gacchantassa ubhayenapi dukkaṭameva. “Saṅghike vihāre saṅghikāmyeva seyyam santharivā pakkamantassa pācittiyam vuttanti ubhosu ekekasmim saṅghike dukkaṭan”ti vadanti. Sesamettha uttānameva. Vuttalakkhaṇaseyyā, tassā saṅghikatā, vuttalakkhaṇe vihāre santharaṇam vā santharāpanam vā, apalibuddhatā, āpadāya abhāvo, anapekkhassa disāpakkamanam, upacārasīmātikkamoti imāni panettha satta aṅgāni.

Dutiyasenāsanasikkhāpadavaṇṇanā niṭṭhitā.

6. Anupakhajjasikkhāpadavaṇṇanā

119-121. Chaṭṭhe **anupavisitvāti** samīpaṃ pavisitvā. **Bahūpakāratam guṇavisiṭṭhatañca sallakkhentoti** bhaṇḍāgārikassa bahūpakāratam dhammakathikādīnam guṇavisiṭṭhatañca sallakkhento. **Samantā diyadḍho hatthoti** majjhe paññattamañcapīṭham sandhāya vuttam.

122. **Upacāraṃ ṭhapetvā**ti vuttalakkhaṇaṃ upacāraṃ ṭhapetvā. **Ekavihāreti** ekasmim senāsane. **Ekapariveṇeti** tassa vihārassa parikkhepabbhantare. “Gilāno pavisaṭṭi-ādīsu anāpattikāraṇasabbhāvato gilānādītāya pavisissāmīti upacāraṃ pavisantassa satipi sambādhetukāmatāya anāpatti vuttāyevā”ti tīsupi **ganṭhipadesu** vuttaṃ. Evañca sati agilānādibhāvopi visuṃ aṅgesu vattabbo siyā, **mātikāṭṭhakathāyaṃ**¹ pana “saṃghikavihārātā, anuṭṭhāpanīyabhāvajānanam, sambādhetukāmatā, upacāre nisīdanam vā nipajjanam vāti imāni panettha cattāri aṅgāni”ti ettakameva vuttaṃ, tasmā vīmaṃsitabbari.

Anupakhajjasikkhāpadavaṇṇanā niṭṭhitā.

7. Nikkaḍḍhanasikkhāpadavaṇṇanā

126. Sattame **koṭṭhakāni**ti dvāraḥkoṭṭhakāni. “Nikkhamāti vacanam sutvāpi attano ruciyaṃ nikkhamati, anāpatti”ti vadanti.

128. **Alajjīṃ nikkaḍḍhatī**-ādīsu paṭhamam alajjī-ādibhāvena nikkaḍḍhissāmīti cintetvā nikkaḍḍhantassa cittassa lahuparivattitāya kope uppannepi anāpatti. Sesamettha uttānameva. Saṃghikavihāro, upasampannassa bhaṇḍanakārahāvādivinimuttatā, kopena nikkaḍḍhanam vā nikkaḍḍhāpanam vāti imāni panettha tīṇi aṅgāni.

Nikkaḍḍhanasikkhāpadavaṇṇanā niṭṭhitā.

8. Vehāsakuṭṭhisikkhāpadavaṇṇanā

129-131. Aṭṭhame uparimatale padarānam asantharitatā “**upari-acchannatalāya**”ti vuttaṃ. **Pubbe vuttanayenevā**ti anupakhajjasikkhāpade vuttanayeneva. Sesam suviññeyyameva. Saṃghiko vihāro, asīsaghaṭṭā

1. Kankhā-Ṭṭha 204 piṭṭhe.

vehāsakuṭi, heṭṭhā sapaṛibhogatā, apaṭāṇidinne āhaccapādake nisīdanam vā nipajjanam vāti imāni panettha cattāri aṅgāni.

Vehāsakuṭisikkhāpadavaṇṇanā niṭṭhitā.

9. Mahallakavihārasikkhāpadavaṇṇanā

135. Navame “mahallako nāma vihāro sasāmiko”ti vuttattā saññācīkāya kuṭiyā anāpatti. “Aḍḍhateyyahatthampī”ti ukkaṭṭhapaṛicchedena vuttavacanam pāḷiyā sametīti āha “**taṃ suvuttan**”ti. “Pāḷiyam aṭṭhakathāyañca ukkaṭṭhapaṛicchedena aḍḍhateyyahatthappamāṇassa okāsassa dassitattā kavāṭam aḍḍhateyyahatthavitthārato ūnakam vā hotu adhikam vā, aḍḍhateyyahatthappamāṇamyeva okāso”ti vadanti.

Yassa vemajjheti yassa vihārassa vemajjhe. Sā aparipūra-upacārāpi hotīti vivariyamānam kavāṭam yaṃ bhittim āhanati, sā samantā kavāṭavitthārappamāṇa upacārarahitāpi hotīti attho. Ālokaṃ sandheti pidhetīti **ālokasandhi**. “Punappunam chādāpesi, punappunam limpāpesīti imasmim vatthusmim uppanadosena sikkhāpadassa paññattattā lepaṃ anujānantena ca dvārabandhassa samantā aḍḍhateyyahatthappamāṇe yeva padese punappunam lepassa anuññātattā tato aññattha punappunam limpentassa vā limpāpentassa vā bhittiyam mattikāya kattabbakiccam niṭṭhāpetvā puna catutthalepe dinne pācittiyena bhavitabban”ti vadanti. **Gaṇṭhipadesu** pana tīsupi “punappunam lepadānassa vuttappamāṇato aññattha paṭikkhattamattam ṭhapetvā pācittiyassa avuttattā dukkaṭam anurūpan”ti vuttam.

Adhiṭṭhātabbanti saṃvidhātabbam. **Appahariteti** ettha **appa**-saddo “appiccho”ti-ādīsu viya abhāvatthoti āha “**aharite**”ti. **Patanokāsoti** patanokāsattā tatra ṭhitassa bhikkhuno upari pateyyāti adhippāyo. **Sace harite ṭhito adhiṭṭheti, āpatti dukkaṭassāti** vacanena imamattam dīpeti—sace vihārassa samantā vuttappamāṇe paṛicchede pubbaṇṇādīni na santi, tattha vihāro kāretabbo. Yattha pana santi, tattha kārāpentassa dukkaṭanti.

136. Ekekaṃ maggaṃ ujukameva uṭṭhapetvā¹ chādanaṃ maggena chādanaṃ nāma hotīti dassetuṃ “**maggena chādentassā**”ti vuttaṃ. Iminā pana nayena sabbasmim vihāre ekavāraṃ chādite taṃ chadanaṃ ekamagganti gahetvā “**dve magge**”ti-ādi vuttaṃ. “Pariyāyena chādanepi imināva nayena yojetabban”ti tīsupi **gaṇṭhipadesu** vuttaṃ, taṃ “punappunaṃ chādāpesī”ti imāya pāḷiyā “sabbampi cetāṃ chadanaṃ chadanūpari veditabban”ti iminā aṭṭhakathāvacanena ca sameti, tasmā **dve magge adhiṭṭhahitvā tatiyāya maggaṃ āṇāpetvā pakkamitabbanti** ettha dve chadanāni adhiṭṭhahitvā tatiyaṃ chadanaṃ “evaṃ chādechī”ti āṇāpetvā pakkamitabbanti evamattho gahetabbo.

Keci pana “paṭhamāṃ tāva ekavāraṃ aparisesaṃ chādetvā puna chadanadaṇḍake bandhitvā dutiyavāraṃ tatheva chādetabbaṃ, tatiyavāracatutthavāre sampatte dve magge adhiṭṭhahitvā āṇāpetvā pakkamitabban”ti vadanti. Apare pana “paṭhamavāreyeva tayopi magge adhiṭṭhātum vaṭṭati, catutthato paṭṭhāya āpatti pācittiyā”ti vadanti. Tadubhayampi pāḷiyā aṭṭhakathāya ca na sameti. **Tatiyāya maggānti** ettha **tatiyāyāti** upayogathe sampadānavacanaṃ, tatiyaṃ maggānti attho. **Tiṇṇaṃ maggānti** maggavasena chādītānaṃ tiṇṇaṃ chadanānaṃ. **Tiṇṇaṃ pariyaṇanti** etthāpi eseva nayo. **Catutthe magge vā pariyaṇe vāti** ca tathā chādentānaṃ catutthaṃ chādānameva vuttaṃ. Sesāṃ uttānameva. Mahallakavīhārātā, attano vāsāgarātā, uttari adhiṭṭhānti imāni panettha tīṇi aṅgāni.

Mahallakavīhārasikkhāpadavaṇṇanā niṭṭhitā.

10. Sappāṇakasikkhāpadavaṇṇanā

140. Dasame imassa sikkhāpadassa “siñceyya vā siñcāpeyya vā”ti bāhiraparibhogavasena paṭhamāṃ paññattattā “sappāṇakaṃ udakaṃ paribhuñjeyyā”ti sikkhāpadaṃ attano nahānapānādiparibhogavasena paññattanti veditabbaṃ. Tasmim vā paṭhamāṃ paññattepi attano paribhogavaseneva

1. Upaṭṭhapetvā (Syā)

paññattattā puna imaṃ sikkhāpadaṃ bāhiraparibhogavaseneva paññattanti gahetabbaṃ.

Sappānakasaññissa “paribhogena pāṇakā marissantī”ti pubbabhāge jānantassapi siñcanasiñcāpanaṃ “padīpe nipatitvā paṭaṅgādipāṇakāmarissantī”ti jānantassa padīpujjalanaṃ viya vināpi vadhakacetanāya hotīti āha “**paṇṇattivajjan**”ti. Sesam uttānatthameva. Udakassa sappānakatā, “siñcana pāṇakā marissantī”ti jānanaṃ, tādīsameva ca udakaṃ, vinā vadhakacetanāya kenacideva karaṇīyena tiṇḍāḍīnaṃ siñcananti imāni panettha cattāri aṅgāni.

Sappānakasikkhāpadavaṇṇanā niṭṭhitā.

Niṭṭhito senāsanavaggo dutiyo.

Bhūtagāmaṃvaggotipi imasseva nāmaṃ.

3. Ovādavagga

1. Ovādasikkhāpadavaṇṇanā

144. Bhikkhunivaggassa paṭhamasikkhāpade **kathānusārenā**ti “so thero kimsilo kimsamācāro katarakulā pabbajito”ti-ādinā pucchantānaṃ pucchākathānusārena. **Kathetuṃ vaṭṭanti**ti nirāmiseneva cittaṃ kathetuṃ vaṭṭanti. Aniyānikattā saggamokkhamaggānaṃ tiracchānabhūtā kathā **tiracchānakathā**ti āha “**saggamaggagamanepī**”ti-ādi. **Api**-saddena pageva mokkhamaggagamaneti dīpeti. **Tiracchānabhūtanti** tirokaraṇabhūtaṃ, bādīhikanti vuttaṃ hoti. Laddhāsevanā hi tiracchānakathā saggamokkhānaṃ bādīhikāva hoti. **Samiddhoti** paripuṇṇo. **Sahitathoti** yuttattho. Atthagambhīratādiyogato **gambhīro**. **Bahurasoti** attharasādībahuraso. **Lakkhaṇapaṭivedhasaṃyutto**ti aniccādīlakkaṇapaṭivedharasa-āvahanato lakkhaṇa paṭivedhasaṃyutto.

145-147. **Paratoti** parattha, uttarinti attho. **Karontovā**ti paribāhire karontoyeva. **Pātimokkhoti** cārittavārittappabhedam

sikkhāpadasīlam. Tañhi yo nam pāti rakkhati, tam mokkheti moceti āpāyikādīhi dukkhehi, tasmā “pātimokkhan”ti vuccati. Saṁvaraṇaṁ **saṁvaro**, kāyavacīdvārānaṁ pidahanaṁ. Yena hi te saṁvutā pihitā honti, so saṁvaro, kāyikavācasikassa avītikkamassetam nāmaṁ.

Pātimokkhasaṁvarena saṁvutoti pātimokkhasaṁvarena pihitakāyavacīdvāro. Tathābhūto ca yasmā tena samaṅgī nāma hoti, tasmā vuttam “**samannāgato**”ti. **Vattatīti** attabhāvaṁ pavatteti. Viharatīti iminā pātimokkha saṁvarasīle ṭhitassa bhikkhuno iriyāpathavihāro dassito.

Saṅkhepato vuttamattham vitthārato pāḷiyā vibhāvetum “**vuttañhetan**”ti-ādi āraddham. Tattha **vibhaṅgeti** jhānavibhaṅge. **Sīlam patiṭṭhāti**-ādīni pātimokkhasseva vevacanāni. Tattha¹ sīlanti kāmañcetaṁ saha kammavācāpariyosānena ijghanakassa pātimokkhasseva vevacanaṁ, evaṁ santepi dhammato etaṁ sīlam nāma pāṇātipātādīhi vā viramantassa vattaṭṭhāpattim vā pūrentassa cetanādayo dhammā veditabbā. Yasmā pana pātimokkhasīlena bhikkhu sāsane patiṭṭhāti nāma, tasmā tam “patiṭṭhā”ti vuttam. Patiṭṭhahati vā ettha bhikkhu, kusaladhammā eva vā ettha patiṭṭhahantīti **patiṭṭhā**. Ayamatto “sīle patiṭṭhāya naro sapañño”ti² ca “patiṭṭhā mahārāja sīlam sabbesam kusalānaṁ dhammānaṁ”ti³ ca “sīle patiṭṭhitassa kho mahārāja sabbe kusalā dhammā na parihāyanti”ti³ ca ādisuttavasena veditabbo.

Tadetaṁ pubbuppatti-atthena ādi. Vuttampi cetam—

“Tasmātiha tvaṁ uttiya ādimeva visodhehi kusalesu dhammesu. Ko cādi kusalānaṁ dhammānaṁ? Sīlañca suvisuddham diṭṭhi ca ujukā”ti⁴.

Yathā hi nagaravaḍḍhakī nagaram māpetukāmo paṭhamam nagaraṭṭhānaṁ sodheti, tato aparabhāge vithicatukkasiṅghāṭakādiparicchedena vibhajitvā nagaram māpeti, evameva yogāvacarō ādimhi sīlam sodheti, tato

1. Abhi-Ṭṭha 2. 316 piṭṭhādīsipi passitabban.

3. Khu 11. 32 piṭṭhe.

2. Saṁ 1. 13, 167 piṭṭhesu.

4. Saṁ 3. 144 piṭṭhe.

aparabhāge samādhivipassanāmaggaphalanibbānāni sacchikaroti. Yathā vā pana rajako paṭhamam̐ tīhi khārehi vattham̐ dhovivā parisuddhe vatthe yadicchakam̐ raṅgajātam̐ upaneti, yathā vā pana cheko cittakāro rūpam̐ likhitukāmo ādito bhittiparikammam̐ karoti, tato aparabhāge rūpam̐ samuṭṭhāpeti, evameva yogāvacaro āditova sīlam̐ visodhetvā aparabhāge samathavipassanādayo dhamme sacchikaroti. Tasmā sīlam̐ “ādī”ti vuttam̐.

Tadetaṃ caraṇasarikkhatāya **caraṇam̐**. “Caraṇā”ti pādā vuccanti. Yathā hi chinnacaraṇassa purisassa disaṅgamanābhisaṅkhāro na jāyati, paripuṇṇapādasseva jāyati, evameva yassa sīlam̐ bhinnam̐ hoti khaṇḍam̐ aparipuṇṇam̐, tassa nibbānagamanāya nāṇagamanam̐ na sampajjati. Yassa pana tam̐ abhinnam̐ hoti akhaṇḍam̐ paripuṇṇam̐, tassa nibbānagamanāya nāṇagamanam̐ sampajjati. Tasmā sīlam̐ “caraṇam̐”ti vuttam̐.

Tadetaṃ saṃyamanavasena **saṃyamo**, saṃvaraṇavasena **saṃvaroti** ubhayenapi sīlasaṃyamo ceva sīlasaṃvaro ca kathito. Vacanattho panettha saṃyameti vītikkamavipphandanam̐, puggalam̐ vā saṃyameti vītikkamavasena tassa vipphanditum̐ na detīti **saṃyamo**, vītikkamassa pavesanadvāram̐ saṃvarati pidahatīti **saṃvaro**. **Mokkham̐** uttamam̐ mukhabhūtam̐ vā. Yathā hi sattānam̐ catubbidho āhāro mukhena pavisitvā aṅgamaṅgāni pharati, evam̐ yoginopi catubhūmakakusalam̐ sīlamukhena pavisitvā atthasiddhim̐ sampādeti. Tena vuttam̐ “mokkham̐”ti. Pamukhe sādhiṭi **pamokkham̐**, pubbaṅgamaṃ seṭṭham̐ padhānanti attho. **Kusalānam̐ dhammānam̐ samāpattiyāti** catubhūmakakusalānam̐ paṭilābhatthāya pamokkham̐ pubbaṅgamaṃ seṭṭham̐ padhānanti veditabbam̐.

Kāyiko avītikkamoti tividham̐ kāyasucaritam̐. **Vācasikoti** catubbidham̐ vacīsucaritam̐. **Kāyikavācasikoti** tadubhayam̐. Iminā ājivattāmakasīlam̐ pariyādāya dasseti. **Saṃvutoti** pihito, saṃvutindriyo pihitindriyoti attho. Yathā hi saṃvutadvāram̐ geham̐ “saṃvutageham̐ pihitageham̐”ti vuccati, evamidha saṃvutindriyo “saṃvuto”ti vutto. **Pātimokkhasaṃvarenāti** pātimokkhasaṅkhātena saṃvarena. **Upetoti**-ādīni sabbāni aññamaññavevacanāni.

Iriyatīti-ādīhi sattahipi padehi pātimokkhasamvarasīle t̥hitassa bhikkhuno iriyāpathavihāro kathito. Tattha **iriyatīti** catunnam iriyāpathānam aññatarasamaṅgi bhāvato iriyati. Tehi iriyāpathacatukkehi kāyasakaṭavattanena vattati. Ekam iriyāpatha dukkham aparena iriyāpathena vicchinditvā¹ ciraṭṭhitibhāvena sarīrarakkhaṇato **pāleti**. Ekasmiṃ iriyāpathe asaṅṭhahitvā sabba-iriyāpathe vattanato **yapeti**. Tena tena iriyāpathena tathā tathā kāyassa yāpanato **yāpeti**. Cirakālavattāpanato **carati**. Iriyāpathena iriyāpatham vicchinditvā jīvitaharaṇato **viharati**.

Micchājīvapaṭisedhakenāti—

“Idhekacco veḷudānena vā pattadānena vā puppha phala sināna dantakaṭṭhadānena vā cāṭukamyatāya vā muggasūpyatāya vā pāribhaṭu tāya vā jaṅghapesanikena vā aññataraññatarena vā buddhapaṭikuṭṭhena micchā-ājīvena jīvikam kappeti, ayam vuccati anācāro”²—

evam vutta-anācārasaṅkhātamicchājīvapaṭipakkhena.

Na veḷudānādinā ācārenāti—

“Idhekacco na veḷudānena na patta na puppha na phala na sināna na dantakaṭṭha na cāṭukamyatāya na muggasūpyatāya na pāribhaṭyatāya na jaṅghapesanikena na aññataraññatarena buddhapaṭikuṭṭhena micchā-ājīvena jīvikam kappeti, ayam vuccati ācāro”²—

evam vuttena na veḷudānādinā ācārena.

Vesiyādi-agocaram pahāyāti—

“Idhekacco vesiyagocaro vā hoti vidhavathullakumāripañḍaka bhikkhunipānāgāragocaro vā, saṃsaṭṭho viharati rājūhi rājamahāmattehi titthiyehi titthiyasāvakehi ananulomikena saṃsaggena, yāni pana tāni kulāni

1. Chinditvā (Syā), bāhitvā (Ka)

2. Abhi 2. 255 piṭṭhe.

assaddhāni appasannāni anopānabhūtāni akkosakaparibhāsakāni anatta
kāmāni ahitakāmāni aphāsukakāmāni ayogakkhemakāmāni bhikkhūnaṃ
bhikkhunīnaṃ upāsakānaṃ upāsikānaṃ, tathārūpāni kulāni sevati
bhajati payirupāsati, ayaṃ vuccati agocaro”ti¹—

evamāgataṃ vesiyādi-agocaraṃ pahāya.

Saddhāsampannakulādināti ettha **ādi**-saddena upanissayagocarādiṃ
saṅgaṇhāti. Tividho hi gocaro upanissayagocaro ārakkhagocaro
upanibandhagocaroti. Katamo upanissayagocaro?
Dasakathāvattthugūṇasamannāgato kalyāṇamitto, yaṃ nissāya asutaṃ suṇāti,
sutaṃ pariyodapeti, kaṅkhaṃ vitarati, diṭṭhiṃ ujum karoti, cittaṃ pasādeti.
Yassa vā pana anusikkhamāno saddhāya vaḍḍhati, sīlena sutena cāgena
paññāya vaḍḍhati, ayaṃ **upanissayagocaro**. Katamo ārakkhagocaro? Idha
bhikkhu antaragharaṃ pavitttho vīthiṃ paṭipanno okkhittacakkhu
yugamattadassāvī saṃvuto gacchati, na hatthiṃ olokento, na assaṃ, na
rathaṃ, na pattim, na itthim, na purisaṃ olokento. Na uddhaṃ olokento, na
adho olokento, na disāvidisaṃ vipekkhamāno gacchati, ayaṃ
ārakkhagocaro. Katamo upanibandhagocaro? Cattāro satipaṭṭhānā, yattha
cittaṃ upanibandhati. Vuttañhetāṃ bhagavatā “ko ca bhikkhave bhikkhuno
gocaro sako pettiko visayo? Yadidaṃ cattāro satipaṭṭhānā”ti², ayaṃ
upanibandha gocaro. Iti ayaṃ tividho gocaro idha **ādi**-saddena saṅgahitoti
daṭṭhabbo.

Appamattakesu vajjesūti asaṅcicca āpannasekhiya-
akusalacittuppadādibhedesu vajjesu. **Bhayato dassanasīloti** paramāṇumattaṃ
vajjaṃ aṭṭhasaṭṭhiyojanasatasahasu bbedhasinerupabbatasadisāṃ katvā
dassanasabhāvo, sabbalahukaṃ vā dubbhāsitamattaṃ pārājikasadisāṃ katvā
dassanasabhāvo. **Sammā ādāyāti** sammadeva sakkaccaṃ sabbaso vā
ādiyitvā.

1. Abhi 2. 255 piṭṭhe.

2. Saṃ 3. 128 piṭṭhe.

Vaṭṭadukkhaniṣṣaraṇatthikehi sotabbato **sutaṃ**, pariyattidhammo. Taṃ dhāretīti **sutadharo**, sutassa ādhārabhūto. Yassa hi ito gahitaṃ etto palāyati, chiddaghaṭe udakaṃ viya na tiṭṭhati, parisamajjhe ekaṃ suttaṃ vā jātaṃ vā kathetuṃ vā vācetuṃ vā na sakkoti, ayaṃ na sutadharo nāma. Yassa pana uggahitaṃ buddhavacanaṃ uggahitakālasadisameva hoti, dasapi vīsati vassāni sajjhāyaṃ akarontassa na nassati, ayaṃ sutadharo nāma. Tenevāha “**yadassa tan**”ti-ādi. Ekapadampi ekakkharampi avinaṭṭhaṃ hutvā sanniciyatīti sannicayo, suta sannicayo etasminti **sutasannicayoti** āha “**sutaṃ sannicitaṃ asminti sutasannicayo**”ti. Yassa hi sutaṃ hadayamañjusāyaṃ sannicitaṃ silāya lekhā viya suvaṇṇaghaṭe pakkhittā sīhavasā viya ca sādhu tiṭṭhati, ayaṃ sutasannicayo nāma. Tenāha “**etena -pa- avināsaṃ dasseti**”ti.

Dhātā¹ paguṇā vācuggatā. Ekassa hi uggahitabuddhavacanaṃ niccakālikaṃ na hoti, “asukasuttaṃ vā jātaṃ vā kathehi”ti vutte “sajjhāyitvā aññehi saṃsanditvā paripucchāvasena atthaṃ ogāhitvā jānissāmi”ti vadati. Ekassa paguṇaṃ pabandhavicche dābhāvato gaṅgāsotasadisāṃ bhavaṅgasotasadisāṅca akittimaṃ sukhappavatti hoti, “asukasuttaṃ vā jātaṃ vā kathehi”ti vutte uddharitvā tameva katheti. Taṃ sandhāya vuttaṃ “**dhātā**”ti. **Vācāya paguṇā katāti** suttadasakavaggadasakapaṇṇāsadasakavasena vācāya sajjhāyitā, dasa suttāni gatāni, dasa vaggāni gatānīti-ādinā sallakkhetvā vācāya sajjhāyitāti attho. Suttekaḍḍhasa hi suttamattassa ca vacasā paricayo idha nādhippeto, atha kho vaggādivaseneva. **Manasā anupekkhitāti** manasā anu anu pekkhitā, bhāgaso nijjhāyitā cintitāti attho. **Āvajjantassāti** vācāya sajjhāyitum buddhavacanaṃ manasā cintentassa. **Suṭṭhu paṭividdhāti** nijjaṭaṃ niggumbaṃ katvā suṭṭhu yāthāvato paṭividdhā.

Dve mātīkāti bhikkhumātīkā bhikkhunīmātīkā ca. **Vācuggatāti** purimasseva vevacanaṃ. **Tisso anumodanāti** saṃghabhatte dānāni saṃsapaṭisaṃyutta-anumodanā, viharādimaṅgale maṅgalasuttādi-anumodanā, matakabhattādi-avamaṅgale tirokuṭṭādi anumodanāti imā tisso

1. Dhātā (Syā)

anumodanā. **Kammākammavinicchayoti** parivārāvasāne kammavagge vuttavinicchayo. “Vipassanāvasena uggaṇhantena catudhātuvavatthānamukhena uggaṇhetabban”ti tīsupi **gaṇṭhipadesu** vuttaṃ. Catūsu disāsu appaṭihatattā catasso disā etassāti catuddiso, catuddisoyeva **cātuddiso**, catasso vā disā arahati, catūsu vā disāsu sādhuṭi **cātuddiso**.

Abhivinayeti sakale vinayapiṭake. **Vinetunti** sikkhāpetuṃ. “**Dve vibhaṅgā paguṇā vācuggatā kātabbā**ti idaṃ paripucchāvasena uggaṇhampi sandhāya vuttan”ti vadanti. Ekassa pamuṭṭhaṃ, itarassa paguṇaṃ hotīti āha “**tīhi janehi saddhiṃ parivattanakkhamā kātabbā**”ti. **Abhidhammeti** nāmarūpaparicchede. **Heṭṭhimā vā tayo vaggā**ti mahāvaggato heṭṭhā sagāthakavaggo nidānavaggo khandhakavaggoti ime tayo vaggā. “Dhammapadampi saha vatthunā uggaṇhetuṃ vaṭṭati”ti **mahāpaccariyaṃ** vuttattā jātakabhāṇakena sātṭhakathaṃ jātakam uggaṇhetvāpi dhammapadampi saha vatthunā uggaṇhetabbameva.

Kalyāṇā sundarā parimaṇḍalapadabyañjanā vācā assāti **kalyāṇavāco**. Tenāha “**sithiladhanitādīnaṃ -pa- vācāya samannāgato**”ti. Tattha **parimaṇḍalapadabyañjanāyāti** ṭhānakaraṇasampattiyā sikkhāsampattiyā ca katthacipi anūnatāya parimaṇḍala padāni byañjanāni akkharāni etissāti parimaṇḍalapadabyañjanā, padameva vā atthassa byañjanato **padabyañjanam**, taṃ akkharapāripūriṃ katvā sithiladhanitādidasavidham byañjanabuddhiṃ aparihāpetvā vuttaṃ **parimaṇḍalam** nāma hoti. Akkharapāripūriyā hi padabyañjanassa parimaṇḍalatā. Tena vuttaṃ “**sithiladhanitādīnaṃ yathāvidhāna vacanenā**”ti, parimaṇḍalam padabyañjanam etissāti **parimaṇḍalapadabyañjanā**. Atha vā pajjati ñāyati attho etenāti padaṃ, nāmādi. Yathādhippetamattham byañjetīti byañjanam, vākyam. Tesam paripuṇṇatāya **parimaṇḍalapadabyañjanā**.

Apica yo bhikkhu parisati dhammam desento suttaṃ vā jātakam vā nikkhipitvā aññaṃ upārambhakaram suttaṃ āharati, tassa upamaṃ katheti, tadattham otāreti, evaṃ idaṃ gaṇhetvā ettha khipanto ekapasseneva pariharanto kālam ñatvā vuṭṭhahati, nikkhittasuttaṃ pana nikkhittamattameva hoti, tassa kathā aparimaṇḍalā nāma hoti atthassa aparipuṇṇabhāvato. Yo pana suttaṃ vā jātakam vā nikkhipitvā bahi ekapadampi

agantvā yathānikkhittassa suttassa atthasaṃvaṇṇanāvaseneva suttantarampi ānento pāḷiyā anusandhiṅca pubbāparaṅca apekkhanto ācariyehi dinnanaye ṭhatvā tulikāya paricchindanto viya taṃ taṃ atthaṃ suvavatthitaṃ¹ katvā dassento gambhīramātikāya udakaṃ pesento viya gambhīramatthaṃ gamento vaggihārigatiyā² pade padaṃ koṭṭento sindhavājānīyo viya ekaṃyeva padaṃ anekehi pariyāyehi punappunaṃ saṃvaṇṇanto gacchati, tassa kathā parimaṇḍalā nāma hoti dhammato atthato anusandhito pubbāparato ācariyuggahatoti sabbaso paripuṇṇabhāvato. Evarūpampi kathāṃ sandhāya “**parimaṇḍalapadabyañjanāyā**”ti vuttaṃ.

Guṇaparipuṇṇabhāvena pure bhavāti **porī**, tassa bhikkhuno tenetaṃ bhāsitaḥḥaṃ atthassa guṇaparipuṇṇabhāvena pure puṇṇabhāve bhavāti attho. Pure vā bhavattā poriyā nāgarikitthiyā sukhumālattanena³ sadisāti **porī**, pure saṃvaḍḍharī viya sukumārāti attho. Purassa esātipi **porī**, **purassa esāti** nāgaravāsinaṃ kathāti attho. Nāgaravāsino hi yuttakathā honti pitimattaṃ “pitā”ti, bhātimattaṃ “bhātā”ti vadanti. Evarūpī hi kathā bahuno janassa kantā hoti manāpā, tāya poriyā.

Vissatṭhāyāti pittasemhādīhi apalibuddhāya sandiṭṭhāvilambitādidosarahitāya⁴. Atha vā nātisīghaṃ nātisaṅkamaṃ niraṇṭaraṃ ekarasaṅka katvā parisāya ajjhāsayaṇurūpaṃ dhammaṃ kathentassa vācā vissatṭhā nāma. Yo hi bhikkhu dhammaṃ kathento suttāṃ vā jātaṃ vā ārabhitvā āraddhakālato paṭṭhāya turitaturito araṇiṃ manthento⁵ viya uṇhakhādanīyaṃ khādanto viya pāḷiyā anusandhipubbāparesu gahitaṃ gahitameva, aggahitaṃ aggahitameva katvā purāṇapaṇṇantaresu caramānaṃ godhaṃ uṭṭhāpento viya tattha tattha paharanto osāpetvā uṭṭhāya gacchati. Purāṇapaṇṇantaresu hi paripāṭiyamānā godhā kadāci dissati kadāci na dissati, evamekaccassa atthavaṇṇanā katthaci dissati katthaci na dissati. Yopi dhammaṃ kathento kālena sīghaṃ, kālena saṅkamaṃ, kālena mandaṃ, kālena mahāsaddaṃ, kālena khuddakasaddaṃ karoti, yathā

1. Puthuvavatthitaṃ (Syā) 2. Vattitādigatiyā (Syā) 3. Sukhumālakkhaṇena (Syā)
4. Sandiddhāvilambitādidosarahitāya (Ka) 5. Maddento (Syā)

nijjhāmatanḥikapetassa mukhato niccharaṇaka-aggi kālena jalati kālena nibbāyati, evaṃ petadhammakathiko nāma hoti, parisāya utṭhātukāmāya puna ārabhati. Yopi kathento tattha tattha vitthāyati, appaṭibhānatāya āpajjati, kenaci rogena nitthunanto viya kandanto viya katheti, imesaṃ sabbesampi kathā vissaṭṭhā nāma na hoti sukkena appavatta bhāvato. Yo pana suttaṃ āharitvā ācariyehi dinnanaye ṭhito ācariyuggahaṃ amuñcanto yathā ca ācariyā taṃ taṃ suttaṃ saṃvaṇṇesum, teneva nayena saṃvaṇṇento nātisīghaṃ nātisaṇikanti-ādinā vuttanayena kathāpabandhaṃ avicchinnam katvā nadīsoto viya pavatteti, ākāsagaṅgāto bhassamāna-udakaṃ viya niranarakathaṃ pavatteti, tassa kathā vissaṭṭhā nāma hoti. Taṃ sandhāya vuttaṃ “vissaṭṭhāyā”ti.

Anelagaḷāyāti elagaḷavirahitāya. Kassaci hi kathentassa elam gaḷati, lālā paggharati, kheḷaphusitāni vā nikkhamanti, tassa vācā elagaḷā nāma hoti, tabbiparītāyāti attho. **Atthassa viññāpaniyāti** ādimajjhapariyosānam pākaṭam katvā bhāsitatthassa viññāpanasamatthatāya atthañāpane sādhanāya.

Vācāva karaṇanti vākkaraṇam, udāhāraghoso. Kalyāṇam madhuraṃ vākkaraṇam assāti **kalyāṇavākkaraṇo**. Tenevāha “**madhurassaro**”ti. **Hīletīti** avajānāti. Mātugāmoti sambandho. Manaṃ apāyati vadḍhetīti **manāpo**. Tenāha “**manavaḍḍhanako**”ti. **Vatṭabhayena tajjetvāti** yobbanamadādimattā bhikkhuniyo saṃsārabhayena tāsetvā. **Gihikāleti** attano gihikāle. Bhikkhuniyā methunena bhikkhunīdūsako hotīti bhikkhuniyā kāyasamsaggameva vadati. Sikkhamānāsāmaṇerīsu pana methunenapi bhikkhunīdūsako na hotīti āha “**sikkhamānāsāmaṇerīsu methunadhamman**”ti. “Kāsāyavatthavasānāyā”ti vacanato dussīlāsu bhikkhunīsikkhamānāsāmaṇerīsu garudhammaṃ ajjhāpannapubbo paṭikkhittoyevāti datṭhabbam. Tassā bhikkhuniyā abhāvepi yā yā tassā vacanam assosum, tā tā tatheva maññantīti āha “**mātugāmo hī**”ti-ādi.

Idāni aṭṭha aṅgāni samodhānetvā dassetum “**ettha cā**”ti-ādi āradham. Imehi pana aṭṭhahaṅgehi asamannāgataṃ ñatticatutthena kammaena sammamento dukkaṭaṃ āpajjati, bhikkhu pana sammatoyeva hoti.

148. **Garukehī**ti garukātabbehi. **Ekato upasampannāyā**ti upayogathe bhumba vacanaṃ. “Ovadati”ti vā imassa “vadati”ti atthe sati sampadānavacanampi yujjati. Bhikkhūnaṃ santike upasampannā nāma parivattaliṅgā vā pañcasatasākiyāniyo vā.

149. **Āsanaṃ paññāpetvā**ti ettha “sace bhūmi manāpā hoti, āsanaṃ apaññāpetumpi vaṭṭati”ti tīsupi **gaṇṭhipadesu** vuttaṃ. **Mātugāmaggaḥaṇena** bhikkhunīpi saṅgahitāti āha “**dhammadesanāpattimocanathan**”ti. Sammatassa bhikkhuno santikaṃ pāṭipade ovādatthāya sabbāhi bhikkhunīhi āgantabbato “samaggāttha bhaginiyo”ti iminā sabbāsaṃ āgamaṃ pucchatīti āha “**sabbā āgatātthā**”ti. Gilānāsu anāgatāsūpi gilānānaṃ anāgamaṃ anuññātattā āgantum samatthāhi ca sabbāhi āgatattā “samaggāmhayyā”ti vuttum vaṭṭati. **Antogāme vā**ti-ādīsu yattha pañca aṅgāni bhūmiyaṃ patiṭṭhāpetvā vanditum na sakkā hoti, tattha ṭhitāya eva kāyaṃ purato nāmetvā “vandāmi ayyā”ti añjaliṃ paggayha gantumpi vaṭṭati. **Antaragharanti** katthaci nagaradvārassa bahi-indakhīlato paṭṭhāya antogāmo vuccati, katthaci gharummārato paṭṭhāya antogehaṃ. Idha pana “antogāme vā”ti visum vuttattā “antaraghare vā”ti antogehaṃ sandhāya vuttanti daṭṭhabbaṃ. **Yattha katthacī**ti antogāmādīsu yattha katthaci.

Vaṭṭatīti “vasatha ayye, mayaṃ bhikkhū ānessāmā”ti vuttavacanaṃ saddahantīhi vasitum vaṭṭati. **Na nimantitā hutvā gantukāmā**ti manussehi nimantitā hutvā gantukāmā na honṭīti attho, tattheva vassaṃ upagantukāmā honṭīti adhippāyo. **Yatoti** bhikkhunupa ssayato. **Yācitvā**ti “tumhehi ānīta-ovādeneva mayampi vasissāmā”ti yācitvā. **Tatthā**ti tasmim bhikkhunupassaye. **Āgatānaṃ santike ovādena vasitabbanti** pacchimikāya vassaṃ vasitabbaṃ. **Abhikkhukāvāse vasantiyā āpattī**ti codanāmukhena sāmaññato āpattippasaṅgaṃ vadati, na pana

tassā āpatti. **Vassacchedaṃ katvā gacchantiyāpi āpattīti** vassānupagamamūlaṃ āpattiṃ vadati. Itarāya āpattiyā anāpattikāraṇasabbhāvato “**sā rakkhitabbā**”ti vuttaṃ, sā vassānupagamamūlā āpatti rakkhitabbāti attho, abhikkhukepi āvāse īdisāsu āpadāsu vassaṃ upagantabbanti adhippāyo. Tenāha “**āpadāsu hi -pa- anāpatti vuttā**”ti. Itarāya pana āpattiyā anāpatti, kāraṇe asati pacchimikāyapi vassaṃ na upagantabbam. Santesu hi bhikkhūsu vassaṃ anupagacchantiyā āpatti. **Tattha gantvā pavāretabbanti** ettha apavārentīnaṃ āpattisambhavato. Sace dūrepi bhikkhūnaṃ vasaṇaṭṭhānaṃ hoti, sakkā ca hoti navamiyaṃ gantvā pavāretum, tattha gantvā pavāretabbam. Sace pana navamiyaṃ nikkhamitvā sampāpuṇitum na sakkā hoti, agacchantīnaṃ anāpatti.

Uposathassa pucchanaṃ uposathapucchā, sāyeva **ka-ppaccayaṃ** rassattañca katvā **uposathapucchakanti** vuttāti āha “**uposathapucchanaṃ**”ti. **Uposato pucchitabboti** “kadā ayya uposatho”ti pucchitabbo. Bhikkhunāpi “sve bhagini uposatho”ti vattabbam. Bhikkhū kadāci kenaci kāraṇena pannarasikaṃ vā cātuddasī-uposatham, cātuddasikaṃ vā pannarasī-uposatham karonti, yasmiñca divase bhikkhūhi uposatho kato, tasmimyeva bhikkhunīhipi uposatho kātabboti adhippāyena “**pakkhassa terasiyaṃyeva gantvā**”ti-ādi vuttaṃ. Evaṃ pucchitena bhikkhunā sace cātuddasiyaṃ uposatham karonti, “cātuddasiko bhaginī”ti vattabbam. Sace pana pannarasiyaṃ karonti, “pannarasiko bhaginī”ti ācikkhitabbam. **Ovādatthāyāti** ovādayācanatthāya. **Pāṭipadadivasato pana paṭṭhāya dhammasavanatthāya gantabbanti** pāṭipadadivase ovādaggahaṇatthāya dutiyadivasato paṭṭhāya antarantarā dhammasavanatthāya gantabbam. Ovādaggahaṇampi hi “dhammasavanamevā”ti abhedena vuttaṃ. **Nirantaram vihāram upasaṅkamimsūti** yebhuyyena upasaṅkamaṇaṃ sandhāya vuttaṃ. **Vuttañhetanti**-ādinā yathānusiṭṭhaṃ paṭipajjissāmāti sabbāsamiyeva bhikkhunīnaṃ upasaṅkamaṇadīpanatthaṃ pāḷi nidassitā. **Ovādaṃ gacchatīti** ovādaṃ yāciturṃ gacchati. **Dve tissoti** dvīhi tīhi. Karaṇatthe cetam paccattavacanam.

Pāsādikenāti pasādajanakena niddosena kāyakammādinā. **Sampādetūti** tividham sikkham sampādetu. Sace pātimokkhuḍdesakamiyeva

disvā tāhi bhikkhunihi ovādo yācito bhaveyya, tena kim katabbanti? Uposathagge sannipatite bhikkhusaṅghe pubbakiccavasena “atthi kāci bhikkhuniyo ovādaṃ yācamānā”ti pucchiamāne “evaṃ vadehī”ti ovādapaṭiggāhakena vattabbavacanaṃ aññena bhikkhunā kathāpetvā pātimokkhuddesakena vattabbavacanaṃ attanā vatvā puna sayameva gantvā bhikkhunīnaṃ ārocetabbaṃ, aññena vā bhikkhunā tasmim divase pātimokkhaṃ uddisāpetabbaṃ. **Etam vuttanti** “tāhī”ti etaṃ bahuvacanaṃ vuttaṃ.

Ekā bhikkhunī vāti idaṃ bahūhi bhikkhunupassayehi ekāya eva bhikkhuniyā sāsanaṭṭiggahaṇaṃ sandhāya vuttaṃ, na pana dutiyikāya abhāvaṃ sandhāya. **Bahūhi bhikkhunupassayehī**ti antarāmagge vā tasmimyeva vā gāme bahūhi bhikkhunupassayehi. “Bhikkhunisaṅgho ca ayya bhikkhuniyo ca bhikkhunī cā”ti iminā nānā-upassayehi sāsanaṃ gahetvā āgatabhikkhuniyā vattabbavacanaṃ dasseti. Idañca ekena pakārena mukhamattanidassanatthaṃ vuttaṃ tasmim tasmim pana bhikkhunupassaye bhikkhunīnaṃ pamāṇaṃ sallakkhetvā tadanurūpena nayena vattabbaṃ. **Bhikkhusaṅghassa ayyānaṃ ayyassāti** idaṃ saṅkhipitvā vuttaṃ.

Pātimokkhuddesakenapīti idaṃ saṅghuposathavaseneva dassitaṃ. Yattha pana tiṇṇaṃ dvinnaṃ vā vasanaṭṭhāne pātimokkhuddeso natthi, tatthāpi ṇattiṭhapanakena itarena vā bhikkhunā imināva nayena vattabbaṃ. Ekapuggalenapi uposathadivase ovādayācanaṃ sampaṭicchitvā pāṭipade āgatānaṃ bhikkhunīnaṃ “natthi koci”ti-ādi vattabbameva. Sace sayameva, “sammato ahan”ti vattabbaṃ. Imaṃ vidhiṃ aṅānanto idha bāloti adhippeto.

150. **Adhammakamme adhammakammasaññī vaggarū bhikkhunisaṅghaṃ vaggasaññī ovadati, āpatti pācittiyassāti-ādīsu vijjamānesupi vaggādibhāvanimittesu dukkaṭesu adhammakammamūlakarū pācittiyameva pāṭiyāṃ sabbattha vuttanti āha “adhammakamme dvinnaṃ navakānaṃ vasena aṭṭhārasa pācittiyānī”**ti. Sesametta uttānameva. Asammatatā, bhikkhuniyā paripuṇṇūpasampannatā, ovādavasena aṭṭhagarudhammabhaṇananti imāni panettha tīṇi aṅgāni.

Ovādasikkhāpadavaṇṇanā niṭṭhitā.

2. Atthaṅgatasikkhāpadavaṇṇanā

153. Dutiye **kusalānaṃ dhammānaṃ sātaccakiriyāyāti** pubbhāgappaṭipatti vasena vuttaṃ. **Munātīti** jānāti. **Tena ñāṇenāti** tena arahattaphalapaññāsaṅkhātena ñāṇena. **Pathesūti** upāyamaggesu. Arahato pariniṭṭhitasikkhattā āha “**idañca -pa- vuttan**”ti. Atha vā “appamajjato sikkhato”ti imesaṃ padānaṃ hetu-atthataṃ daṭṭhabbā, tasmā appamajjanahetu sikkhanahetu ca adhicetasoti attho. **Sokāti** cittasantāpā. Ettha ca **adhicetasoti** iminā adhicittasikkhā, **appamajjatoti** iminā adhisīlasikkhā, **munino monapathesu sikkhatoti** etehi adhipaññāsikkhā, **muninoti** vā etena adhipaññāsikkhā, **monapathesu sikkhatoti** etena tāsaṃ lokuttarasikkhānaṃ pubbhāgappaṭipadā, **sokā na bhavantīti**—ādīhi sikkhāpāripūriyā ānisaṃsā pakāsītāti veditabbaṃ.

Kokanudanti padumavisesanaṃ yathā “kokāsayan”ti, taṃ kira bahupattaṃ vaṇṇasampannaṃ ativiya sugandhañca hoti. “Kokanudaṃ nāma setapadumaṃ”tipi vadanti. **Pātoti** pageva. Ayañhettha attho—yathā kokanudasāṅkhātaṃ padumaṃ pāto sūriyuggamanavelāyaṃ phullaṃ vikasitaṃ avītagandhaṃ siyā virocamaṇaṃ, evaṃ sarīragandhena guṇagandhena ca sugandhaṃ saradakāle antalikkhe ādiccamiva attano tejasā tapantaṃ aṅgehi niccharaṇajutitāya aṅgīrasaṃ sammāsambuddhaṃ passāti.

Abhabboti paṭipattisāramidaṃ sāsanaṃ, paṭipatti ca pariyattimūlikā, tvañca pariyattim uggahetuṃ asamatto, tasmā abhabboti adhippāyo. **Suddhaṃ pilotikakhaṇḍanti** iddhiyā abhisāṅkhataṃ parisuddhaṃ coḷakhaṇḍaṃ. Tadā kira bhagavā “na sajjhāyaṃ kātuṃ asakkonto mama sāsane abhabbo nāma hoti, mā soci bhikkhū”ti taṃ bāhāyaṃ gahetvā vihāraṃ pavisitvā iddhiyā pilotikakhaṇḍaṃ abhinimminivā “handā bhikkhu imaṃ parimajjanto ‘rajoharaṇaṃ rajoharaṇa’nti punappunaṃ sajjhāyaṃ karohī”ti vatvā adāsi tattha pubbekatādhikārattā.

So kira pubbe rājā hutvā nagaraṃ padakkhiṇaṃ karonto nalāṭato sede muccante parisuddhena sātakena nalāṭaṃ puñchi, sātako kiliṭṭho

ahosi. So “imaṃ sarīraṃ nissāya evarūpo parisuddhasāṭako pakatiṃ jahitvā kiliṭṭho jāto, aniccā vata saṅkhārā”ti aniccasaññaṃ paṭilabhati, tena kāraṇenassa rajoharaṇameva paccayo jāto. Rajam haratīti **rajoharaṇam**. **Samvegam paṭilabhitvā**ti asubhasaññaṃ aniccasaññaṇca upaṭṭhapento samvegam paṭilabhitvā. So hi yoniso ummajjanto “parisuddham vattham, natthettha doso, attabhāvassa panāyam doso”ti asubhasaññaṃ aniccasaññaṇca paṭilabhitvā nāmarūpapariggahādīnā pañcasu khandhesu ñāṇam otāretvā kalāpasammasanādikkamena vipassanam vaḍḍhetvā udayabbayañāṇadipaṭipāṭiyā vipassanam anulomagotrabhusamīpaṃ pāpesi. Tam sandhāya vuttam “**vipassanam ārabhī**”ti. **Obhāsagātham abhāsī**ti obhāsavissajjanapubbakabhāsitagāthā obhāsagāthā, tam abhāsīti attho.

Ettha ca “adhicetasoti imaṃ obhāsagātham abhāsī”ti idheva vuttam. **Visuddhimagge**¹ pana **dhammapadaṭṭhakathāyam**² **theragāthāsamvaṇṇanāyaṇca**³—

“Rāgo rajo na ca pana reṇu vuccati,
Rāgassetam adhivacanam rajoti.
Etam rajam vippajahitvā paṇḍitā,
Viharanti te vigatarajassa sāsane.

Doso -pa- sāsane.

Moho rajo na ca pana reṇu vuccati,
Mohassetam adhivacanam rajoti.
Etam rajam vippajahitvā paṇḍitā,
Viharanti te vigatarajassa sāsane—

imā tisso obhāsagāthā abhāsī”ti vuttam. **Adhicetasoti** ca ayam cūḷapanthakattherassa udānagāthāti imissāyeva pāṭiyā āgataṃ. Theragāthāyam pana cūḷapanthakattherassa udānagāthāsu ayam anāruḷhā, “ekudāniyattherassa pana ayam udānagāthā”ti tattha⁴ vuttam. Evaṃ santepi imissā pāṭiyā aṭṭhakathāya ca evamāgatattā cūḷapanthakatthera ssapi

1. Visuddhi 2. 16 piṭṭhe.

3. Theragāthā-Ṭṭha 2. 196 piṭṭhe.

2. Dhammapada-Ṭṭha 1. 157 piṭṭhe.

4. Theragāthā-Ṭṭha 1. 192 piṭṭhe.

ayaṃ udānagāthā obhāsagāthāvasena ca bhagavatā bhāsītāti gahetabbaṃ. **Arahattaṃ pā puṇī**ti abhiññāpaṭisambhidāparivāraṃ arahattaṃ pāpuṇi. **Abhabbo tvanti**-ādivacanato anukampāvasena saddhivihārikādiṃ saṃghikavihārā nikkadḍhāpentassa anāpatti viya dissati. Abhabbo hi thero sañcicca taṃ kātum, nikkadḍhanasikkhāpade vā apaññatte therena evaṃ katanti gahetabbaṃ.

156. **Ovadantassa pācittiyanti** atthaṅgate sūrite garudhammehi vā aññena vā dhammeneva ovadantassa sammatassapi pācittiyaṃ. Sesamettha uttānameva. Atthaṅgatasūriyatā, paripuṇṇūpasampannatā, ovadananti imāni panettha tīṇi aṅgāni.

Atthaṅgatasikkhāpadavaṇṇanā niṭṭhitā.

3. Bhikkhunupassayasikkhāpadavaṇṇanā

162. Tatiyaṃ uttānatthameva. Upassayūpagamaṇaṃ, paripuṇṇūpasampannatā samayābhāvo, garudhammehi ovadananti imāni panettha cattāri aṅgāni.

Sikkhānupassayasikkhāpadavaṇṇanā niṭṭhitā.

4. Āmisasikkhāpadavaṇṇanā

164. Catutthe “upasampannaṃ -pa- bhikkhunovādakan”ti imesaṃ “maṅkukattukāmo”ti iminā sambandho. “Avaṇṇaṃ kattukāmo ayasaṃ kattukāmo”ti imesaṃ pana vasena “upasampannaṃ”ti-ādīsu “upasampannassā”ti vibhattivipariṇāmo kātāboti imamatthaṃ sandhāya “**ujjhāpanake vuttanayenevattho veditabbo**”ti vuttaṃ. “Cīvarahetu ovadati”ti-ādinā bhaṇantassa ekekasmim vacane niṭṭhite pācittiyaṃ veditabbaṃ. “Upasampannaṃ saṃghena asammatan”ti pāḷivacanato “sammatena vā saṃghena vā bhāraṃ katvā ṭhapito”ti aṭṭhakathāvacanato ca aṭṭhahi aṅgehi samannāgato sammatena vā vippavasitukāmena “yāvāhaṃ āgamissāmi,

tāva te bhāro hotū”ti yācitvā ṭhapito tassābhāvato saṅghena vā tatheva bhāraṃ katvā ṭhapito aṭṭhahi garudhammehi aññena vā dhammena ovaditum labhatīti veditabbaṃ. Tasmā “yo pana bhikkhu asammato bhikkhuniyo ovadeyya, pācittiyā”ti idaṃ pageva bhāraṃ katvā aṭṭhapitaṃ sandhāya vuttanti gahetabbaṃ.

168. **Anāpatti pakatiyā cīvarahetu -pa- ovadantaṃ bhaṇatīti** ettha āmisahetu ovadantaṃ “āmisahetu ovadatī”ti saññāya evaṃ bhaṇantassa anāpatti, “na āmisahetu ovadatī”ti saññīno pana dukkaṭaṃ, na āmisahetu ovadantaṃ pana “āmisahetu ovadatī”ti saññāya bhaṇantassapi anāpatti sacittakattā sikkhāpadassa. Sesamettha uttānameva. Upasampannatā, dhammena laddhasammutitā, anāmisantaratā, avaṇṇakāmatāya evaṃ bhaṇananti imāni panettha cattāri aṅgāni.

Āmisasikkhāpadavaṇṇanā niṭṭhitā.

169. Pañcamaṃ uttānatthameva.

6. Cīvarasibbāpanasikkhāpadavaṇṇanā

175. Chaṭṭhe sace sā bhikkhunī taṃ cīvaraṃ āditova pārūpeyya, aññā bhikkhuniyo disvā ujjhāpeyyum, tato mahājano passitum na labhatīti maññamāno “**yathāsamaḥaṭaṃ haritvā nikkhipitvā**”ti-ādimāha.

176. **Nīharatīti** sakiṃ nīharati. Yepi tesaṃ nissitakāti sambandho. **Kathinavattanti** “sabrahmacārīnaṃ kāturaṃ vaṭṭatī”ti itikattabbatāvasena sūcikkammakaraṇaṃ. **Ācariyupajjhāyānaṃ dukkaṭanti** akappiyasamādānavasena dukkaṭaṃ. **Vañceti** “tava ñātikāyā”ti avatvā “ekissā bhikkhuniyā”ti ettakameva vatvā. “Ekissā bhikkhuniyā”ti sutvā te aññātikasaññīno bhavēyyunti¹ āha “**akappiye**

1. Ahesunti (Syā)

niyojittā”ti. “Idaṃ te mātu cīvaran”ti-ādīni avatvāpi “idaṃ cīvaran sībbehī”ti saddhacittena sībāpentassapi anāpatti.

179. **Upāhanatthavikādi**nti **ādi**-saddena yaṃ cīvaran nivāsetuṃ vā pārupituṃ vā na sakkā hoti, tampi saṅgaṇhāti. Sesamettha uttānameva. Aññātikāya bhikkhuniyā santakatā, nivāsanapārupanūpagatā, vuttanayena sībhanan vā sībāpanan vāti imāni panettha tīṇi aṅgāni.

Cīvarasībāpanasikkhāpadavaṇṇanā niṭṭhitā.

7. Saṃvidahanasikkhāpadavaṇṇanā

181. Sattame “pacchā gacchantīnaṃ corā acchindimsū”ti ettha “pattacīvaran”ti pāṭhasesoti āha “**pacchā gacchantīnaṃ pattacīvaran**”ti. **Tā bhikkhuniyoti** pacchā gacchantiyo bhikkhuniyo. “Pacchā gacchantīnan”ti ca vibhattivipariṇāmenettha sambandho veditabbo. Pāḷiyam “gacchāma bhagini, gacchāma ayyā”ti bhikkhu pubbakam saṃvidhānam vuttam, “gacchāma ayya, gacchāma bhagini”ti bhikkhu nīpubbakam. **Ekaddhānamagganti** ekam addhānasaṅkhātam maggam, ekato vā addhānamaggam. **Hiyyoti** suve. **Pareti** tatiyadivase.

182-183. **Dvidhā vuttapakāro**ti pādaganavasena pakkhagamanavasena vāti dvidhā vuttappabhedo. Catunnam maggānam sambandhaṭṭhānam **catukkarā**m, tiṇṇam maggānam sambandhaṭṭhānam **siṅghāṭakam**. “Gāmantare gāmantare”ti ettha añño gāmo gāmantaranti āha “**nikkhamane anāpatti -pa- bhikkhuno pācittiyā**”ti. “Saṃvidhāyā”ti pāḷiyam avisesena vuttattā “**neva pāḷiyā sametī**”ti vuttam, “etthantare saṃvidahitepi bhikkhuno dukkaṭan”ti vuttattā “**na sesa-aṭṭhakathāya sametī**”ti vuttam. **Addhayanam atikkamantassā**ti asati gāme addhayanam atikkamantassa. Yattha hi addhayanabbhantare añño gāmo na hoti, tam idha agāmakam araṇṇanti adhippetam, addhayanabbhantare pana gāme sati gāmantaragaṇanāya eva āpatti.

185. **Raṭṭhabhedeti** raṭṭhavilope. **Cakkasamāruḷhāti** iriyāpathacakkam sakaṭacakkam vā samāruḷhā. Sesam uttānameva. Dvinnampi saṃvidahitvā

maggappaṭipatti, avisaṅketam, samayābhāvo, anāpadā, gāmantarokkamanam vā addhayanātikamo vāti imāni panettha pañca aṅgāni. Ekato-upasampannādīhi saddhim gacchantassa pana mātugāmasikkhāpadena āpatti.

Saṃvidahanasikkhāpadavaṇṇanā niṭṭhitā.

8. Nāvābhiruhanasikkhāpadavaṇṇanā

188. Aṭṭhame **lokassādamittasanthavavasena kīḷāpurekkhārā saṃvidahitvāti** ayaṃ viseso “evamime -pa- bhikkhunīhi saddhim nāvāya kīḷanti”ti iminā “uddhamgāminim vā adhogāminim vā”ti iminā ca siddho.

189. Nadiyā kuto gāmantaranti āha “**yassā nadiyā**”ti-ādi. “**Tassā sagāmakatīra passena -pa- addhayanagaṇanāyāti** ekekapasseneva gamanam sandhāya vuttattā tādisikāya nadiyā majjhena gacchantassa gāmantaragaṇanāya addhayanagaṇanāya ca āpatti”ti vadanti. **Sabba-aṭṭhakathāsūti**-ādinā attanā vuttamevattham samattheti. “Kīḷāpurekkhāratāya bhikkhuniyā saddhim saṃvidhāya nāvam abhiruhantassa nadiyamveva pācittiyassa vuttattā vāpīsamuddādīsu kīḷāpurekkhāratāya dukkaṭameva, na pācittiyam”ti vadanti. “Lokassādamittasanthavavasena kīḷāpurekkhārā saṃvidahitvā”ti vacanato keci “imam sikkhāpadam akusalacittam lokavajjam”ti vadanti, tam na gahetabbam. Kīḷāpurekkhāratāya hi abhiruhitvāpi gāmantarokkamane addhayanātikame vā kusalābyākatacittasamaṅgīpi hutvā āpattim āpajjati. Yadi hi so saṃvegam paṭilabhivā arahattam vā sacchikareyya, niddam vā okkameyya, kammaṭṭhānam vā manasi karonto gaccheyya, kuto tassa akusalacittasama ṅgitā, yenidam sikkhāpadam akusalacittam lokavajjanti vuccati, tasmā paṇṇattivajjam ticittanti siddham. Sesamettha uttānameva.

Nāvābhiruhanasikkhāpadavaṇṇanā niṭṭhitā.

9. Paripācitasikkhāpadavaṇṇanā

194. Navame **paṭiyāditanti** bhikkhūnaṃ atthāya sampāditaṃ. **Ñātakā vā honti pavāritā vā**ti ettha sacepi bhikkhuno aññātakā appavāritā ca siyūṃ, bhikkhuniyā ñātakā pavāritā ce, vaṭṭati.

197. Pāpabhikkhūnaṃ pakkhupacchedāya idaṃ paññattaṃ, tasmā pañcabhojane yeva āpatti vuttā. **Pañca bhojanāni ṭhapetvā sabbattha anāpattī**ti idaṃ pana iminā sikkhāpadena anāpattidassanattaṃ vuttaṃ. Viññattiyā uppannaṃ paribhuñjantassa hi aññattha vuttanayena dukkaṭaṃ. Sesāṃ uttānameva. Bhikkhuniparipācitabhāvo, jānanaṃ, gihisamārambhābhāvo, odanādīnaṃ aññataratā, tassa ajjhoharaṇanti imāni panettha pañca aṅgāni.

Paripācitasikkhāpadavaṇṇanā niṭṭhitā.

10. Rahonisajjasikkhāpadavaṇṇanā

198. Dasame **upanandassa catutthasikkhāpadenā**ti appaṭicchanne mātuḡāmena saddhiṃ rahonisajjasikkhāpadaṃ sandhāya vuttaṃ. Kiñcāpi taṃ acelakavagge pañcamasikkhāpadaṃ hoti, upanandattheraṃ ārabba paññattesu pana catutthabhāvato “upanandassa catutthasikkhāpadenā”ti vuttaṃ. Catutthasikkhāpadassa vatthuto imassa sikkhāpadassa vatthuno paṭhamāṃ uppanattā idaṃ sikkhāpadaṃ paṭhamāṃ paññattaṃ. Iminā ca sikkhāpadena kevalaṃ bhikkhuniyā eva rahonisajjāya āpatti paññattā¹, upari mātuḡāmena saddhiṃ rahonisajjāya āpatti visūṃ paññattāti daṭṭhabbaṃ.

Rahonisajjasikkhāpadavaṇṇanā niṭṭhitā.

Niṭṭhito bhikkhunivaggo tatiyo.

1. Āpattiyā paññattattā (Syā)

4. Bhojanavagga

1. Āvasathapiṇḍasikkhāpadavaṇṇanā

206. Bhojanavaggassa paṭhamasikkhāpade **addhayojanaṃ vā yojanaṃ vā gantuṃ sakkotīti** ettha tattakam gantuṃ sakkontassapi tāvatakam gantvā aladdha bhikkhassa ito bhuñjituṃ vaṭṭati. **Imesaṃyevāti** imesaṃ pāsaṇḍānaṃyeva. **Ettakānanti** imasmim pāsaṇḍe ettakānaṃ. **Ekadivasam bhuñjitabanti** ekadivasam sakimyeva bhuñjitabbaṃ. “Ekadivasam bhuñjitabbaṃ”ti vacanato pana ekasmim divase punappunaṃ bhuñjituṃ vaṭṭatīti na gahetabbaṃ. **Puna ādito paṭṭhāya bhuñjituṃ na vaṭṭatīti** iminā paṭṭhamam bhuttaṭṭhānesu puna ekasmimpi ṭhāne bhuñjituṃ na vaṭṭatīti dasseti.

208. “**Gacchanto vā āgacchanto vāti** idam addhayojanasena gahetabbaṃ”ti vadanti. **Antarāmagge gataṭṭhāneti** ekasseva santakam sandhāya vuttam. “**Āgacchantepi eseva nayo**”ti saṅkhepena vuttamevattham vibhāvento “**gantvā paccāgacchanto**”ti-ādimāha. Āpattiṭṭhāneyeva puna bhuñjantassa anāpatti vattabbāti gamane āgamane ca paṭṭhamam bhojanaṃ avatvā antarāmagge ekadivasam gataṭṭhāne ca ekadivasanti punappunaṃ bhojanaṃyeva dassitam, gamanadivase pana āgamanadivase ca “gamissāmi āgamissāmi”ti bhuñjituṃ vaṭṭatiyeva. Suddhacittena punappunaṃ bhuñjantassapi punappunaṃ bhojane anāpatti. Aññassatthāya uddisitvā paññattam bhikkhuno gahetumeva na vaṭṭatīti āha “**bhikkhūnaṃyeva atthāyā**”ti. Sesamettha uttānameva. Āvasathapiṇḍatā, agilānatā, anuvasitvā bhojananti imāni panettha tīṇi aṅgāni.

Āvasathapiṇḍasikkhāpadavaṇṇanā niṭṭhitā.

2. Gaṇabhojanasikkhāpadavaṇṇanā

209. Dutiye **abhimāreti** abhigantvā bhagavato māraṇatthāya niyojite dhanuddhare. **Gulhapatiḥcchannoti** apākaṭo. **Pavijjhīti** vissajjesi. Nanu **rājānampi mārāpesīti** vacanato idam sikkhāpadam ajātasattuno kāle paññattanti siddham, evaṅca sati parato anupaññattiyam—

“Tena kho pana samayena rañño māgadhasa seniyassa bimbisā rassa ñāṭisālohito ājīvakesu pabbajito hoti. Atha kho so ājīvako yena rājā māgadho seniyo bimbisāro tenupasaṅkami, upasaṅkamtivā rājānam māgadham seniyam bimbisāram etadavoca -pa- kukkucāyantā nādhivāsenti”ti—

idaṃ kasmā vuttanti? So kira ājīvako taṃ dānaṃ dento bimbisārakālato paṭṭhāya adāsī, pacchā ajātasattukāle sikkhāpadapaññattito paṭṭhāya bhikkhū kukkucāyantā taṃ dānaṃ na paṭiggaṇhimsu, tasmā ādito paṭṭhāya taṃ vatthu dassitanti veditabbam¹. “Atha kho so ājīvako bhikkhūnam santike dūtaṃ pāhesi”ti idaṅca tato pabhuti so ājīvako antarantarā bhikkhū nimantetvā dānaṃ dento ajātasattukāle sikkhāpade paññatte yaṃ bhikkhūnam santike dūtaṃ pāhesi, taṃ sandhāya vuttaṃ.

215. Aññamaññavisitṭhattā visadisam rajjam virajjam, tato āgatā, tattha vā jātā, bhavāti vā verajjā, te eva **verajjakā**. Te pana yasmā gottacaraṇādivibhāgena nānappakārā, tasmā vuttaṃ “**nānāverajjake**”ti. Aṭṭhakathāyaṃ pana **nānāvidhehi aññarajjehi āgateti** rajjānamyeva vasena nānappakaratā vuttā.

217-218. Imassa sikkhāpadassa viññattim katvā bhuñjanavattusmim paññattattā viññattiko gaṇabhojanaṃ vatthuvaseva pakaṭantitaṃ avatvā “gaṇabhojanaṃ nāma yattha -pa- nimantitā bhuñjanti”ti nimantanavaseneva padabhājane gaṇabhojanaṃ vuttaṃ. “Kiñci pana sikkhāpadaṃ vatthu-ananurūpampi siyāti padabhājane vuttanayena nimantanavaseneva gaṇabhojanaṃ hotīti kesañci āsaṅkā bhavyeyā”ti taṃnivattanattham “**taṃ panetaṃ gaṇabhojanaṃ dvihākārehi pasavati**”ti vuttaṃ. **Pañcannaṃ bhojanānaṃ nāmaṃ gahetvāti** ettha “bhojanaṃ gaṇhathāti vuttepi gaṇabhojanaṃ hotiyevā”ti vadanti. “Hetṭhā addhānagamanavattusmim nāvābhiruhanavattusmiṅca ‘idheva bhante bhuñjathā’ti vutte yasmā kukkucāyantā na paṭiggaṇhimsu, tasmā ‘bhuñjathā’ti

1. Dīpetabbaṃ (Syā)

vuttepi gaṇabhojanam na hotiyevā”ti tīsupi **gaṇṭhipadesu** vuttam. “Pañcannam bhojanānam nāmam gahetvā nimantetī”ti vuttattā pana “odanam bhuñjathā”ti vā “bhattam bhuñjathā”ti vā bhojananāmam gahetvāva vutte gaṇabhojanam hoti, na aññathā. “Idheva bhante bhuñjathā”ti etthāpi “odanan”ti vā “bhattan”ti vā vatvāva te evam nimantesunti gahetabbam. Gaṇavasena vā nimantitattā te bhikkhū apakataññutāya kukkucāyantā na paṭiggaṇhimsūti ayam amhākam khanti, vīmaṃsitvā yuttataram gahetabbam.

Ekato gaṇhantī ettha aññamaññassa dvādasahattham amuñcitvā ṭhitā ekato gaṇhanti nāmāti gahetabbam. “Amhākam catunnampi bhattam dehīti vā viññāpeyyun”ti vacanato heṭṭhā “tvaṃ ekassa bhikkhuno bhattam dehi, tvaṃ dvinnanti evam viññāpetvā”ti vacanato ca attano atthāya aññehi viññattampi¹ sādiyantassa gaṇabhojanam hotiyevāti daṭṭhabbam. **Evam viññattito pasavatī** ettha viññattiyā sati gaṇhantassa ekato hutvā gahaṇe iminā sikkhāpadena āpatti, visum gahaṇe paṇītabhojanasūpodana viññattihi āpatti veditabbā.

Vicāretī pañcakaṇḍādivasena samvidahati. **Ghaṭṭetī** anuvātam chinditvā hatthena daṇḍakena vā ghaṭṭeti. **Suttam karotī** suttam vaṭṭeti. **Valetī** daṇḍake vā hatthe vā āvaṭṭeti. “Abhinavasessa cīvarassa karaṇam idha cīvarakammaṃ nāma, purāṇacīvare sūcikammaṃ nāma na hotī”ti vadanti. “Catutthe āgate na yāpentīti vacanato sace añño koci āgacchanto natthi, cattāroyeva ca tattha nisinnā yāpetum na sakkonti, na vaṭṭatī”ti vadanti.

220. Gaṇabhojanāpattijanakanimantanabhāvato “**akappiyanimantanam**”ti vuttam. **Sampavesetvā**ti nisīdāpetvā. **Gaṇo bhijjatī** gaṇo āpattim na āpajjatīti adhippāyo. “Yattha cattāro bhikkhū -pa- bhuñjantī”ti imāya pāḷiyā saṃsandanato “**itaresam pana gaṇapūrako hotī**”ti vuttam. **Avisesenā**ti “gilāno vā cīvarakārako vā”ti avisesetvā sabbasādhāraṇavacanena. **Tasmāti** avisesitattā. **Bhutvā gatesū**ti ettha agatesupi bhojanakicce niṭṭhite gaṇhitum

1. Aññesampi viññattim (Syā)

vaṭṭati. **Tāni ca tehi ekato na gahitānī**ti yehi bhojanehi visaṅketo natthi, tāni bhojanāni tehi bhikkhūhi ekato na gahitāni ekena pacchā gahitattā.

Mahāthereti bhikkhū sandhāya vuttam. Dūtassa puna paṭipatham āgantvā “bhattam gaṇhathā”ti vacanabhayena “**gāmadvāre aṭṭhatvāvā**”ti vuttam.

Tattha tattha gantvāti antaravīthi-ādīsu tattha tattha ṭhitānam santikam gantvā. Bhikkhūnam atthāya gharadvāre ṭhapetvā diyyamānēpi eseva nayo.

Nivattathāti vuttapade nivattitum vaṭṭatīti “nivattathā”ti vicchinditvā pacchā “bhattam gaṇhathā”ti vuttattā vaṭṭati. Sesamettha uttānameva.

Gaṇabhojanatā, samayābhāvo, ajjhoharaṇanti imāni panettha tīni aṅgāni.

Gaṇabhojanasikkhāpadavaṇṇanā niṭṭhitā.

3. Paramparabhojanasikkhāpadavaṇṇanā

221. Tatiye kulapaṭipāṭiyā abbotcinnam katvā nirantaram diyyamānattā “bhattapaṭipāṭi aṭṭhitā¹ hotī”ti pāṭiyam vuttam, antarā aṭṭhatvā nirantaram pavattāti vuttam hoti. **Upacāravasenāti** vohāravasena. Na hi so badaramattameva deti, upacāravasena pana evam vadati. Badaracuṇṇasakkharādīhi payojitam “badarasāḷavan”ti vuccati.

226. Vikappanāvaseneva tam bhattam asantam nāma hotīti anupaññattivasena vikappanam aṭṭhapetvā yathāpaññattam sikkhāpadameva ṭhapitam. **Parivāre** pana vikappanāya anujānanampi anupaññattisamānanti katvā “catasso anupaññattiyō”ti vuttam. **Mahāpaccari-ādīsu** vuttanayam pacchā vadanto pāṭiyā saṁsandanato parammukhāvikkappanameva patiṭṭhāpesi. Keci pana “tadā attano santike ṭhapetvā bhagavantam aññassa abhāvato therō sammukhāvikkappanam nākāsi, bhagavatā ca visum sammukhāvikkappanā na vuttā, tathāpi sammukhāvikkappanāpi vaṭṭatī”ti vadanti. Teneva **mātikā**-aṭṭhakathāyampi² “yo bhikkhu pañcasu sahadhammikesu aññatarassa ‘mayham bhattapaccāsam tuyham dammī’ti vā ‘vikappemī’ti vā evam sammukhā vā ‘itthannāmassa

1. Adhiṭṭhitā (Pāṭiyam)

2. Kaṅkhā-Ṭṭha 217 piṭṭhe.

dammi'ti vā 'vikappemi'ti vā evaṃ parammukhā vā paṭhamanimantanāṃ avikappetvā pacchā nimantitakule laddhabhikkhato ekasitthampi ajjhoharati, pācittiyā"ti vuttam.

229. Pañcahi bhojanehi nimantitassa yena yena paṭhamāṃ nimantito, tassa tassa bhojanato uppaṭipāṭiyā avikappetvā vā parassa parassa bhojanāṃ **paramparabhojananti āha "sace pana mūlanimantanāṃ heṭṭhā hoti, pacchimarāṃ pacchimarāṃ upari, taṃ uparito paṭṭhāya bhuñjantassa āpattī"**ti. Hattham anto pavesetvā sabbahetṭhimarāṃ gaṇhantassa majjhe ṭhitampi antohatthagataṃ hotīti āha "**hattham pana -pa- yathā tathā vā bhuñjantassa anāpattī"**ti. Khīrassa rasassa ca bhattena amissaṃ hutvā upari ṭhitattā "**khīram vā rasam vā pivato anāpattī"**ti vuttam.

Mahā-upāsakoti gehasāmiko. "**Mahā-aṭṭhakathāyaṃ 'āpattī'**ti vacanena **kurundiyaṃ 'vaṭṭatī'**ti vacanaṃ viruddham viya dissati, dvinnampi adhippāyo **mahāpaccariyaṃ vibhāvito"**ti **mahāgaṇṭhipadesu** vuttam. **Sabbe nimantentīti** akappiyanimantanena nimantenti. "Paramparabhojanāṃ nāma pañcannaṃ bhojanānaṃ aññatarena bhojanena nimantito, taṃ ṭhapetvā aññāṃ pañcannaṃ bhojanānaṃ aññataraṃ bhojanāṃ bhuñjati, etaṃ paramparabhojanāṃ nāmā"ti vuttattā satipi bhikkhācariyāya paṭhamāṃ laddhabhāve "piṇḍāya caritvā laddhabhattaṃ bhuñjati, āpattī"ti vuttam. Avikappavasena "**vacīkamman"**ti vuttam. Sesamettha uttānameva. Paramparabhojanatā, samayābhāvo, ajjhoharaṇanti imāni panettha tīṇi aṅgāni.

Paramparabhojanasikkhāpadavaṇṇanā niṭṭhitā.

4. Kāṇamātāsikkhāpadavaṇṇanā

230-231. Catutthe **kāṇāya mātāti** kāṇāti laddhanāmāya dārikāya mātā. Kasmā panesā kāṇā nāma jātāti āha "**sā kirassā"**ti-ādi. Imissā daharakāle mātāpitaro sinehasena "amma kāṇe amma kāṇe"ti voharimsu, sā tadupādāya kāṇā nāma jātā, tassā ca mātā "**kāṇamātā"**ti pākaṭā

ahosīti evamettha kāraṇaṃ vadanti. **Paṭiyālokanti** pacchimaṃ disaṃ paccādiccanti vuttaṃ hoti.

233. **Pūvagaṇanāya pācittiyanti** mukhavaṭṭiyā heṭṭhimalekhato upariṭṭhita pūvagaṇanāya pācittiyā. “Dvattipattapūrā paṭiggahetabbā”ti hi vacanato mukhavaṭṭiyā heṭṭhimalekhaṃ anatikkante dve vā tayo vā pattapūre gahetuṃ vaṭṭati.

235. **Aṭṭhakathāsu pana -pa- vuttanti** idam aṭṭhakathāsu tathā āgatabhāvamattadīpanatthaṃ vuttaṃ, na pana tassa vādassa paṭiṭṭhāpanatthaṃ. Aṭṭhakathāsu vuttañhi pāliya na sameti. Tatuttarigahaṇe anāpattidassanatthañhi “ñātakānaṃ pavāritānaṃ”ti vuttaṃ. Aññathā “anāpatti dvattipattapūre paṭiggahaṇhātī”ti imināva pamāṇayuttaggahaṇe anāpattisiddhito “ñātakānaṃ pavāritānaṃ”ti visuṃ na vattabbaṃ. Yadi evaṃ “taṃ pāliya na sameti”ti kasmā na vuttanti? Heṭṭhā tatuttarisikkhāpade vuttanayeneva sakkā viññātunti na vattaṃ. Vuttañhi tattha¹ “aṭṭhakathāsu pana ñātakapavāritaṭṭhāne pakatīyāva bahumpi vaṭṭati, acchinnakāraṇā pamāṇameva vaṭṭatīti vuttaṃ, taṃ pāliya na sameti”ti. “Apātheyyādi-atthāya paṭiyāditan”ti saññāya gaṇhantassapi āpattiyeva acittakattā sikkhāpadassa. Attanoyeva gahaṇatthaṃ “imassa hatthe dehī”ti vacanenapi āpajjanato “**vacīkamman**”ti vuttaṃ. Sesam uttānameva. Vuttalakkhaṇapūvamanthatā, asesakatā, apaṭippassaddhagamanatā, na ñātakādītā, atirekapaṭiggahaṇanti imāni panettha pañca aṅgāni.

Kāṇamātāsikkhāpadavaṇṇanā niṭṭhitā.

5. Paṭhamapavāraṇāsikkhāpadavaṇṇanā

236. Pañcame **bhuttāvīti** bhuttāvino bhuttavanto, katabhattakiccāti vuttaṃ hoti. **Pavāritāti** ettha catūsu pavāraṇāsu yāvadatthapavāraṇā paṭikkhepapavāraṇā ca labbhatīti āha “**brāhmaṇena -pa- paṭikkhepapavāraṇāya pavāritā**”ti. Catubbidhā hi pavāraṇā vassamvutthapavāraṇā,

1. Vi-Ṭṭha 2. 249 piṭṭhe.

paccayapavāraṇā, paṭikkhepapavāraṇā, yāvadatthapavāraṇāti. Tattha “anujānāmi bhikkhave vassaṃvutthānaṃ bhikkhūnaṃ tīhi ṭhānehi pavāretun”¹ti¹ ayaṃ **vassaṃvutthapavāraṇā**. Pakārehi diṭṭhādīhi vāreti saṃghādike bhajāpeti bhatte karoti etāyāti pavāraṇā, āpattivisodhanāya attavossaggokāsadānaṃ. Sā pana yasmā yebhuyyena vassaṃvutthehi kātābbā vuttā, tasmā “vassaṃvutthapavāraṇā”²ti² vuccati. “Icchāmaham bhante saṃghaṃ cātumāsāṃ bhesajjena pavāretun”³ti³ ca, “aṅṅātra puna pavāraṇāya aṅṅātra nīccapavāraṇāyā”⁴ti⁴ ca ayaṃ **paccayapavāraṇā** pavāreti paccaye icchāpeti etāyāti katvā, cīvarādīhi upanimantanāyetaṃ adhivacanaṃ. “Pavārito nāma asanaṃ paññāyati, bhojanaṃ paññāyati, hatthapāse ṭhito abhiharati, paṭikkhepo paññāyati, eso pavārito nāma”⁵ti⁵ ayaṃ **paṭikkhepapavāraṇā**. Vippakatabhojanatādīpañcaṅgasaṃhito bhojanapaṭikkhepoyeva hettha pakārayuttā vāraṇāti pavāraṇā. “Paṇītena khādānīyena bhojanīyena sahatthā santappesi sampavāresi”⁶ti⁶ ayaṃ **yāvadatthapavāraṇā**. Yāvadatthaṃ bhojanassa pavāraṇā yāvadatthapavāraṇā.

237. **Ti-kāraṃ avatvā -pa- vattum vaṭṭatīti** idaṃ vattābbākāradassanattaṃ vuttaṃ. “Ti-kāre pana vuttepi akataṃ nāma na hotī”⁷ti⁷ tisupi **gaṇṭhipadesu** vuttaṃ.

238-239. **Pavāritoti paṭikkhepito**. Yo hi bhuñjanto parivesakena upanītaṃ bhojanaṃ anicchanto paṭikkhipati, so tena pavārito paṭikkhepito nāma hoti. Byañjanaṃ pana anādiyitvā atthamattameva dassetuṃ “**katapavāraṇo katapaṭikkhepo**”⁸ti⁸ vuttaṃ. Yasmā “asanaṃ”⁹ti⁹ imināva padena “bhuttāvī”¹⁰ti¹⁰ imassa attho vutto, tasmā na tassa kiñci payojanaṃ visum upalabbhati. Yadi hi upalabbheyya, pavāraṇā chaḷaṅgasamannāgatā āpajjeyyāti manasi katvā pañcasamannāgatattāmyeva dassetuṃ “**vuttampi cetan**”¹¹ti¹¹ ādinā pāḷim āharati. Keci pana “hatthapāse ṭhito abhiharati”¹²ti¹² ekameva aṅgaṃ katvā “caturaṅgasamannāgatā pavāraṇā”¹³tipi vadanti.

1. Vi 3. 223 piṭṭhe.

2. Vi 2. 135 piṭṭhe.

3. Vi 2. 137 piṭṭhe.

4. Vi 2. 111 piṭṭhe.

5. Ma 1. 299 piṭṭhe.

Ambilapāyāsādīsūti ādi-saddena khīrapāyāsādim saṅgaṇhāti. Tattha ambilapāyāsaggahaṇena takkādi-ambilasamīyuttā ghanayāgu vuttā. Khīrapāyāsaggaha ṇena khīrasamīyuttā yāgu saṅgayhati. **Pavāraṇaṃ na janetī**ti anātirittabhojanāpatti nibandhanaṃ paṭikkhepaṃ na sādheti. Katopi paṭikkhepo anātirittabhojanāpatti nibandhanaṃ na hotīti akataṭṭhāneyeva tiṭṭhatīti āha “**pavāraṇaṃ na janetī**”ti “**yāgu**-saddassa pavāraṇajanakayāguyāpi sādharāṇattā ‘yāguṃ gaṇhathā’ti vuttepi pavāraṇā hotīti pavāraṇaṃ janetiyevāti vuttan”ti tīsupi **gaṇṭhipadesu** vuttaṃ, taṃ parato tattheva “bhattamissakaṃ yāguṃ āharitvā”ti ettha vuttakāraṇena na sameti. Vuttañhi tattha “heṭṭhā ayāguke nimantane udakakañjikakhīrādīhi saddhiṃ madditaṃ bhattameva sandhāya ‘yāguṃ gaṇhathā’ti vuttattā pavāraṇā hoti, ‘bhattamissakaṃ yāguṃ āharitvā’ti ettha pana visuṃ yāguyā vijjamaṇattā pavāraṇā na hotī”ti. Tasmā tattha vuttanayeneva khīrādīhi samādditaṃ bhattameva sandhāya “yāguṃ gaṇhathā”ti vuttattā yāguyā ca tattha abhāvato pavāraṇā hotīti evamettha kāraṇaṃ vattabbaṃ. Evañhi sati parato “yenāpucchito, tassa atthitāyā”ti aṭṭhakathāyaṃ vuttakāraṇenapi saṃsandati, aññathā gaṇṭhipadesuyeva pubbāparavirodho āpajjati. Aṭṭhakathāvacanena ca na sameti. **Sace -pa- paññāyatīti** iminā vuttappamāṇassa macchamaṃsakaṇḍassa nahārūno vā sabbhāvamattaṃ dasseti. **Tāhīti** puthukāhi.

Sālivīhiyavehi katasattūti yebhuyyanayena vuttaṃ, satta dhaññāni pana bhajjivā katopi sattuyeva. Tenevāha “**kaṅguvaraka -pa- sattusaṅgahameva gacchatī**”ti. **Sattumodakoti** sattuyo piṇḍetvā kato apakko sattuguḷo. Pañcannaṃ bhojanānaṃ aññataravasena vippakatabhojanabhāvassa upacchinnattā “**mukhe sāsapamattampi -pa- na pavāreti**”ti vuttaṃ. “**Akappiyamaṃsaṃ paṭikkhipati, na pavāreti**”ti vacanato sace saṃghikaṃ lābhaṃ attano apāpuṇantaṃ jānitvā vā ajānitvā vā paṭikkhipati, na pavāreti paṭikkhipitabasseva paṭikkhittattā. Alajjisantakaṃ paṭikkhipantopi na pavāreti. **Avatthutāyāti** anātirittāpattisādhikāya pavāraṇāya avatthubhāvato. Etena paṭikkhipi tabbasseva paṭikkhittabhāvaṃ

dīpeti. Yañhi paṭikkhipitabbaṃ hoti, tassa paṭikkhepo āpatti-aṅgaṃ na hotīti taṃ “pavāraṇāya avatthū”ti vuccati.

Upanāmetīti iminā kāyābhihāraṃ dasseti. Hatthapāsato bahi ṭhitassa satipi dātukāmābhihāre paṭikkhipantassa dūrabhāveneva pavāraṇāya abhāvato therassapi dūrabhāvamattaṃ gahetvā pavāraṇāya abhāvaṃ dassento “**therassa dūrabhāvato**”ti āha, na pana therassa abhihārasabbhāvato. Sacepi gahetvā gato hatthapāse ṭhito hoti, kiñci pana avatvā ādhāraṇāya ṭhitattā abhihāro nāma na hotīti “**dūtassa ca anabhiharaṇato**”ti vuttaṃ. “Gahetvā gatena ‘bhattaṃ gaṇhathā’ti vutte abhihāro nāma hotīti ‘**sace pana gahetvā āgato bhikkhu -pa- pavāraṇā hoti**’ti vuttan”ti tīsupi **gaṇṭhipadesu** vuttaṃ. Keci pana “pattaṃ kiñci upanāmetvā ‘imaṃ bhattaṃ gaṇhathā’ti vuttanti gahetabban”ti vadanti, taṃ vuttaṃ viya dissati vācābhihāraṃ idha anadhippetattā.

Parivesanāyāti bhattage. **Abhihaṭāva hotīti** parivesakeneva abhihaṭā hoti. **Tato dātukāmatāya gaṇhantaṃ paṭikkhipantassa pavāraṇā hotīti** ettha agaṇhantampi paṭikkhipato pavāraṇā hotiyeva. Kasmā? Dātukāmatāya abhihaṭattā. “Tasmā sā abhihaṭāva hotī”ti hi vuttaṃ. Teneva tīsupi **gaṇṭhipadesu** “dātukāmābhihāre sati kevalaṃ ‘dassāmī’ti gahaṇameva abhihāro nāma na hoti¹, ‘dassāmī’ti gaṇhantepi agaṇhantepi dātukāmābhihārova abhihāro nāma hoti, tasmā gahaṇasamaye vā aggahaṇasamaye vā taṃ paṭikkhipato pavāraṇā hotī”ti vuttaṃ. Idāni asati tassa dātukāmābhihāre gahaṇasamayepi paṭikkhipato pavāraṇā na hotīti dassetuṃ “**sace panā**”ti-ādi vuttaṃ.

“**Rasaṃ gaṇhathā**”ti apavāraṇajanakassa nāmaṃ gahetvā vuttattā “**taṃ sutvā paṭikkhipato pavāraṇā natthī**”ti vuttaṃ. **Maccharasaṃ maṃsarasanti** ettha pana na kevalaṃ macchassa rasaṃ maccharasamicceva viññāyati, atha kho maccho ca maccharasañca maccharasanti evaṃ pavāraṇajanakasādhāraṇanāmavasenapi

1. Hoti (Syā)

viññāyamānattā taṃ paṭikkhipato pavāraṇāva hoti. Parato **macchasūpanti** etthāpi eseva nayo. “**Idaṃ gaṇhathā**”ti **vuttepī**ti ettha evaṃ avatvāpi pavāraṇapahonakam yaṃkiñci abhihaṭam paṭikkhipato pavāraṇā hotiyevāti daṭṭhabbam. **Karambakoti** missakādhi vacanametaṃ. Yañhi aññenaññena missetvā karonti, so “karambako”ti vuccati. So sacepi maṃsena missetvā katova hoti, “karambakam gaṇhathā”ti apavāraṇārahassa nāmena vuttattā paṭikkhipato pavāraṇā na hoti. “Maṃsakarambakam gaṇhathā”ti vutte pana maṃsamissakam gaṇhathāti vuttam hoti, tasmā pavāraṇāva hoti.

“**Uddissakatan**”ti **maññamānoti** ettha “vatthuno kappiyattā akappiyasaññāya paṭikkhipatopi acittakattā imassa sikkhāpadassa pavāraṇā hoti”ti vadanti. “Heṭṭhā ayāguke nimantane udakakañjikakhīrādīhi saddhim madditam bhattameva sandhāya ‘yāgum gaṇhathā’ti vuttattā pavāraṇā hoti, ‘bhattamissakam yāgum āharitvā’ti ettha pana visum yāguyā vijjamānattā pavāraṇā na hoti”ti vadanti. **Ayamettha adhippāyoti** “yenāpucchito”ti-ādinā vuttamevattham sandhāya vadati. **Kāraṇam panettha duddasanti** ettha eke tāva vadanti “yasmā yāgumissakam nāma bhattameva na hoti, khīrādikampi hotiyeva, tasmā karambake viyapavāraṇāya na bhavitabbam. Evañca sati yāgu bahutarā vā hoti samasamā vā, na pavāreti. ‘Yāgu mandā, bhattam bahutarām, pavāreti’ti ettha kāraṇam duddasan”ti. Keci pana vadanti “yāgumissakam nāma bhattam, tasmā taṃ paṭikkhipato pavāraṇāya eva bhavitabbam. Evañca sati ‘idha pavāraṇā hoti na hoti’ti ettha kāraṇam duddasan”ti.

Yathā cettha kāraṇam duddasam, evaṃ parato “missakam gaṇhathā”ti etthāpi kāraṇam duddasamevāti veditabbam. Na hi pavāraṇappahonakassa appabahubhāvo pavāraṇāya bhāvābhāvanimittam, kiñcarahi pavāraṇajanakassa nāmaggaṇamevettha pamāṇam, tasmā “idañca karambakena na samānetabban”ti-ādinā yampi kāraṇam vuttam, tampi pubbe vuttena saṃsandiyaṃamānam na sameti. Yadi hi “missakan”ti bhattamissakeyeva ruḷham siyā, evaṃ sati yathā “bhattamissakam gaṇhathā”ti vutte bhattam bahutarām vā samam vā appatarām vā hoti, pavāretiyeva, evaṃ “missakam gaṇhathā”ti vuttepi

appatarepi bhatte pavāraṇāya bhavitabbaṃ **missakanti** bhattamissakeyeva ruḷhattā. Tathā hi “missakanti bhattamissakeyeva ruḷhavohārattā idaṃ pana ‘bhattamissakamevā’ti vuttan”ti tīsupi **gaṇṭhipadesu** vuttam. Atha “missakan”ti bhattamissake ruḷham na hoti, missakabhattam pana sandhāya “missakam gaṇhathā”ti vuttanti. Evampi yathā ayāguke nimantane khīrādīhi saddhiṃ madditam bhattameva sandhāya “yāgum gaṇhathā”ti vutte pavāraṇā hoti, evamidhāpi missakabhattameva sandhāya “missakam gaṇhathā”ti vutte bhattam appam vā hotu bahu vā, pavāraṇā eva siyā. Tasmā “missakan”ti bhattamissake ruḷham vā hotu sandhāyabhāsitam vā, ubhayatthāpi pubbenāparam na sametīti kimettha kāraṇacintāya, īdisesu pana ṭhānesu aṭṭhakathāpamāṇeneva gantabbanti ayaṃ amhākaṃ khanti.

“**Visum katvā detī**”ti bhattassa upari ṭhitam rasādīm visum gahetvā detī”ti tīsupi **gaṇṭhipadesu** vuttam. **Kenaci** pana “yathā bhattasittham na patati, tathā gāḷham hatthena piḷetvā parissāvetvā detī”ti vuttam. Tathāpi¹ kāraṇam na dissati. Yathā hi bhattamissakam yāgum āharitvā “yāgum gaṇhathā”ti vatvā yāgumissakam bhattampi dentam paṭikkhipato pavāraṇā na hoti, evamidhāpi bahukhīrarasādīsu bhattesu “khīram gaṇhathā”ti-ādīni vatvā khīrādīni vā detu khīrādīmissakabhattam vā, ubhayatthāpi pavāraṇāya na bhavitabbaṃ, tasmā “visum katvā detī”ti tenākārena dentam sandhāya vuttam, na pana bhattamissakam katvā diyyamānam paṭikkhipato pavāraṇā hotīti dassanatthanti gahetabbaṃ. Yadi pana bhattamissakam katvā diyyamāne pavāraṇā hotīti adhippāyena aṭṭhakathāyaṃ “visum katvā detī”ti vuttam, evaṃ sati aṭṭhakathāyevettha pamāṇanti gahetabbaṃ, na pana kāraṇantaram gavesitabbaṃ.

Sace ukkuṭikam nisinno pāde amuñcitvāpi bhūmiyam nisīdati, iriyāpatham vikopento nāma hotīti ukkuṭikāsanam avikopetvāva sukhena nisīditum “**tassa pana heṭṭhā -pa- nisīdanakam dātabban**”ti vuttam. “**Āsanam acāletvā**ti pīṭhe phuṭṭhokāsato ānisadamamsam amocetvā, anuṭṭhahitvāti vuttam hoti, adinnādāne viya ṭhānācāvanam na gahetabban”ti tīsupi **gaṇṭhipadesu** vuttam.

1. Tatthāpi (Syā)

Akappiyakatanti ettha akappiyakatasseva anatirittabhāvato kappiyaṃ akārāpetvā tasmim patte pakkhittamūlaphalādiyeva atirittam na hoti, sesam pana pattapariyāpannam atirittameva hoti, paribhuñjituṃ vaṭṭati. Tam pana mūlaphalādiṃ paribhuñjitukāmena tato nīharitvā kappiyaṃ kārāpetvā aññasmim bhājane ṭhapetvā atirittam kārāpetvā bhuñjitabbam.

So puna kātuṃ na labhatī tasmimyeva bhājane kariyamānam paṭhamam katena saddhim kataṃ hotīti puna soyeva kātuṃ na labhati, añño labhati. Aññasmim pana bhājane tena vā aññena vā kātuṃ vaṭṭati. Tenāha “yena akataṃ, tena kātabbam. Yañca akataṃ, tam kātabban”ti. Tenapīti ettha pi-saddo na kevalam aññena vāti imamattham dīpeti. **Evaṃ katanti** aññasmim bhājane kataṃ. **Pesetvāti** anupasampannassa hatthe pesetvā. Imassa vinayakammabhāvato “**anupasampannassa hatthe ṭhitaṃ na kāretabban**”ti vuttam.

Sace pana āmisasamsaṭṭhānīti ettha sace mukhagatenapi anatirittena āmisena samsaṭṭhāni honti, pācittiyamevāti veditabbam. Tasmā pavāritena bhojanam atirittam kārāpetvā bhuñjantenapi yathā akatena missam na hoti, evam mukhañca hatthañca suddham katvā bhuñjitabbam. Kiñcāpi appavāritassa purebhattam yāmakālikādīni āharatthāya paribhuñjatopi anāpatti, pavāritassa pana pavāraṇamūlakam dukkaṭam hotiyevāti “yāmakālikam -pa- ajjhohāre āpatti dukkaṭassā”ti pāḷiyam vuttam.

241. Kāyena bhuñjanato vācāya āṇāpetvā atirittam akārāpanato ca āpajjatīti “**kāyavācato**”ti vuttam. Sesametta uttānameva. Pavāritabhāvo, āmisassa anatirittatā, kāle ajjhoharaṇanti imāni panettha tīṇi aṅgāni.

Paṭhamapavāraṇāsikkhāpadavaṇṇanā niṭṭhitā.

6. Dutiyapavāraṇāsikkhāpadavaṇṇanā

243. Chaṭṭhe **sādhāraṇamevā**ti “handa bhikkhu khāda vā”ti-ādina vuttapavāraṇāya sādharmaṇam. “Bhuttasmiṃ pācittiyān”ti mātikāyaṃ vuttattā bhojana pariyoṣāne āpatti, na ajjhohāre ajjhohāre. **Abhihaṭṭhum pavāreti, āpatti pācittiyassā**ti idaṅca bhojanapariyoṣānaṃyeva sandhāya vuttanti veditabbam. Sesamettha uttānameva. Pavāritatā, pavāritasaññitā, āsādanāpekkhatā, anarittena abhihaṭṭhum pavāraṇā, bhojanapariyoṣānanti imāni panettha pañca aṅgāni.

Dutiyapavāraṇāsikkhāpadavaṇṇanā niṭṭhitā.

7. Vikālabhojanasikkhāpadavaṇṇanā

247. Sattame **aggasamajjoti** uttamaṃ naccam. Tam kira pabbatamatthake ṭhatvā ekaṃ devataṃ uddissa karonti. Naṭānaṃ nāṭakāni **naṭanāṭakāni**, sītāharaṇādīni. **Apaññatte sikkhāpadeti** ūnavīsativassasikkhāpade apaññatte. **Adamsūti** “vihāraṃ netvā khādissathā”ti adamsu.

248-249. Mūlakamūlādīni upadesatoyeva veditabbāni. Na hi tāni pariyaṅgāntarena vuccamānānīpi sakkā viññātum. Pariyaṅgāntarepi hi vuccamāne taṃ taṃ nāma ajānantānaṃ sammohoyeva siyā, tasmā tattha na kiñci vakkhāma. **Khādanīyatthanti** khādanīyena kattabbakiccaṃ. **Neva pharantīti** na nipphādentī. **Tesu tesu janapadesūti** ettha “ekasmiṃ janapade āhāraṅkiccaṃ sādharmaṇam sesajanapadesupi na kappatī”ti vadanti. **Rukkhavalli-ādīnanti** heṭṭhā vuttameva sampiṇḍetvā vuttam. **Antopathaviḅatoti** sālakalyāṅkhandham sandhāya vuttam. **Sabbakappiyānīti** mūlakhandhatacapattādivasena sabbaso kappiyāni. Tesampi nāmasena na sakkā pariyaṅgāntam dassetuntī sambandho. Acchivādīnaṃ aparipakkāneva phalāni yāvajīvikānīti dassetum “**aparipakkānī**”ti vuttam.

Harītakādīnaṃ atṭhīnīti ettha miñjaṃ paṭicchādetvā ṭhitakapālāni yāvajīvikānīti ācariyā. Miñjampi yāvajīvikanti eke. **Hīngūti** hīngurukkhatō paggharitanīyyāso. Hīngujatu-ādayopi hīnguvikatiyo eva. Tattha

hiṅgujatu nāma hiṅgurukkhassa daṇḍapattāni pacitvā kataniyyāso, **hiṅgusipāṭikam** nāma hiṅgupattāni pacitvā kataniyyāso. “Aññena missetvā kato”tipi vadanti. **Takanti** aggakoṭṭiyā nikkhantasilesa. **Takapattinti** pattato nikkhantasilesa. **Takapaṇṇinti** palāse bhajjivā katasilesa. “Daṇḍato nikkhantasilesa”tipi vadanti. Sesamettha uttānameva. Vikālatā, yāvakālikatā, ajjhoharaṇanti imāni panettha tīṇi aṅgāni.

Vikālabhojanasikkhāpadavaṇṇanā niṭṭhitā.

8. Sannidhikāraśikkhāpadavaṇṇanā

252-3. Aṭṭhame **tādisanti** asūpabyañjanaṃ. **Yaṃkiñci yāvakālikam vā yāmakālikam vā**ti ettha “yāmakālikan”ti iminā na kevalaṃ yāvakālike eva sannidhipaccayā pācittiyaṃ, atha kho yāmakālikepīti dasseti. Nanu ca yāmakālikam neva khādanīyesu antogadham, na bhojanīyesu. Teneva padabhājanīye “khādanīyaṃ nāma pañca bhojanāni yāmakālikam sattāhakālikam yāvajīvikam ṭhapetvā avasesam khādanīyaṃ nāma. Bhojanīyaṃ nāma pañca bhojanāni”ti vuttaṃ, “yo pana bhikkhu sannidhikāraśikkhāpadavaṇṇanā vā bhojanīyaṃ vā khādeyya vā bhuñjeyya vā, pācittiyaṃ”ti ca vuttaṃ, tasmā yāmakālike pācittiyena bhavitabbanti katham viññāyatīti? Vuccate—padabhājane **khādanīya**-saddassa atthadassanattam “yāmakālikam ṭhapetvā”ti vuttaṃ, na pana sannidhipaccayā anāpattidassanattam. Khāditabbañhi yaṃkiñci khādanīyanti adhippetam, na ca yāmakālikesu kiñci khāditabbaṃ atthi pātabyabhāvato. Tasmā kiñcāpi yāmakālikam khādanīyabhojanīyehi na saṅgahitaṃ, tathāpi anāpattim dassentena “anāpatti yāmakālikam yāme nidahitvā bhuñjatī”ti vacanato yāmātikame sannidhipaccayā pācittiyena bhavitabbanti viññāyati. “Yāmakālikena bhikkhave sattāhakālikam yāvajīvikam tadahupaṭṭigghitaṃ yāme kappati, yāmātikante na kappatī”ti¹

1. Vi 3. 349 piṭṭhe.

imināpi cāyamattho siddho. Teneva bhagavato adhippāyaññūhi aṭṭhakathācariyehi yāmakālike pācittiyameva vuttaṃ.

Paṭiggahaṇeti gahaṇameva sandhāya vuttaṃ. Paṭiggahitameva hi taṃ, puna paṭiggahaṇakiccaṃ natthi. Teneva “**ajjhoharitukāmatāya gaṇhantassa paṭiggahaṇe**”ti vuttaṃ. **Mātikāṭṭhakathāya**¹ pana “ajjhoharissāmīti gaṇhantassa paṭiggahaṇe” icceva vuttaṃ. **Yanti** yaṃ pattaṃ. **Sandissatīti** yāguyā upari sandissati. Telavaṇṇe patte satipi nisnehabhāve aṅguliya ghaṃsantassa vaṇṇavaseneva lekhā paññāyati, tasmā tattha anāpattīti dassanattam “**sā abbohārikā**”ti vuttaṃ. **Sayaṃ paṭiggahetvā apariccattameva hi dutiyadivase na vaṭṭatīti** ettha paṭiggahaṇe anapekkhavissajjanena anupasampannassa nirapekkhadānena vā vijahitapaṭiggahaṇaṃ pariccattameva hotīti “apariccattan”ti iminā ubhayathāpi avijahitapaṭiggahaṇameva vuttaṃ. Tasmā yaṃ parassa pariccajitvā adinnampi sace paṭiggahaṇe nirapekkhavissajjanena vijahitapaṭiggahaṇaṃ hoti, tampi dutiyadivase vaṭṭatīti veditabbaṃ.

Yadi evaṃ “patto duddhoto hotī”ti-ādīsu kasmā āpatti vuttatī? “Paṭiggahaṇaṃ avissajjetvāya sayaṃ vā aññena vā tuccham katvā na sammā dhovivā niṭṭhāpīte patte laggampi avijahitapaṭiggahaṇameva hotīti tattha āpattī”ti tīsupi **gaṇṭhipadesu** vuttaṃ. Keci pana “sāmaṇerānaṃ pariccajantīti imasmim adhikāre ṭhatvā ‘apariccattamevā’ti vuttattā anupasampanassa pariccattameva vaṭṭati, apariccattaṃ na vaṭṭatīti āpannaṃ, tasmā nirālayabhāvena paṭiggahaṇe vijahitepi anupasampannassa apariccattaṃ na vaṭṭatī”ti vadanti, taṃ yuttaṃ viya na dissati. Yadaggena hi paṭiggahaṇaṃ vijahati, tadaggena sannidhimpī na karoti vijahitapaṭiggahaṇassa appaṭiggahitasadisattā. Paṭiggahetvā nidahiteyeva ca sannidhipaccayā āpatti vuttā. “Paṭiggahetvā ekarattaṃ vītināmitassetam adhivacanan”ti hi vuttaṃ.

Pāḷiyam “sattāhakālikam yāvajīvikam āhāratthāya paṭiggahaṇhāti, āpatti dukkaṭassā”ti-ādīnā sannihitesu sattāhakālikayāvajīvikesu purebhattampi āhāratthāya ajjhoharaṇepi dukkaṭassa

1. Kankhā-Ṭṭha 225 piṭṭhe.

vuttattā yāmakālikepi āhāratthāya ajjhoharaṇe visuṃ dukkaṭeṇapi bhavitabbanti āha “**āhāratthāya ajjhoharato dukkaṭeṇa saddhim pācittiyān**”ti. **Pakati-āmiseti** odanādikappiyāmise. **Yāmakālikāṃ sati paccaye sāmisenā mukhena ajjhoharato dveti** hiyyo paṭiggahitayāmakālikāṃ ajja purebhattāṃ sāmisenā mukhena bhuñjato sannihitayāmakālikapaccayā ekaṃ pācittiyāṃ, sannihitena saṃsaṭṭhā-āmisapaccayā ekanti dve pācittiyāni. **Vikappadvayepīti** sāmisenā nirāmisenāti vuttavidhānadvaye. **Dukkaṭaṃ vaḍḍhatīti** āhāratthāya ajjhoharaṇapaccayā dukkaṭaṃ vaḍḍhati. **Thullaccayañca dukkaṭañca vaḍḍhatīti** manussamaṃse thullaccayaṃ, sesa-akappiyamaṃ sesu dukkaṭaṃ vaḍḍhati.

255. **Paṭiggahaṇapaccayā tāva dukkaṭanti** ettha sannihitattā purebhattampi dukkaṭameva. Sati paccaye pana sannihitampi sattāhakālikāṃ yāvajīvikāṃ bhesajjathāya gaṇhantassa paribhuñjantassa ca anāpattiyeva. Sesamettha uttānameva. Yāvakālikayāmakālikatā, sannidhibhāvo, tassa ajjhoharaṇanti imāni panettha tīṇi aṅgāni.

Sannidhikāraśikkhāpadavaṇṇanā niṭṭhitā.

9. Paṇītabhojanasikkhāpadavaṇṇanā

257-259. Navame paṇītasāṃsaṭṭhāni bhojanāni **paṇītabhojanāni**. Yathā hi ājaññayutto ratho “ājaññaratho”ti vuccati, evamidhāpi paṇītasāṃsaṭṭhāni sattadhañña nibbattāni bhojanāni “paṇītabhojanāni”ti vuttāni. Yehi pana paṇītehi saṃsaṭṭhāni, tāni “paṇītabhojanāni”ti vuccanti, tesāṃ pabhedadassanattam “seyyathidam, sappi navanītan”ti-ādi pāḷiyam vuttam. “Yesam maṃsam kappati”ti idaṅca pācittiyavattu paricchedadassanattam vuttam, na pana kappiyavattuparicchedadassanattam. Na hi akappiyamaṃsasattānam sappi-ādīni na kappanti. Ekañhi manussavasātelam ṭhapetvā sabbesaṃ khīrasappinavanītasātelesu akappiyam nāma natthi. **Sappibhattanti** ettha kiñcāpi sappisaṃsaṭṭham bhattam sappibhattam, sappi ca bhattañca sappibhattantipi viññāyati, aṭṭhakathāsu pana “sālibhattam viya sappibhattam nāma natthi”ti kāraṇam vatvā dukkaṭasseva

daḷhataraṃ katvā vuttattā na sakkā aññaṃ vattum. Aṭṭhakathācariyā eva hi idisesu ṭhānesu pamāṇaṃ.

Mūlanti kappiyabhaṇḍaṃ sandhāya vuttaṃ. **Anāpattīti** visaṅketattā sabbāhiyeva āpattīhi anāpatti. Keci pana “pācittiyeneva anāpatti vuttā, sūpodanaviññattidukkaṭaṃ pana hotiyevā”ti vadanti, taṃ na gahetabbaṃ. **Kappiyasappinā akappiyasappināti** ca idaṃ kappiyākappiyamaṃsānaṃ vasena vuttaṃ, tasmā kappiyamaṃsasappinā akappiyamaṃsasappināti evamettha attho gahetabbo. **Nānāvattukānīti** sappinavanītādīnaṃ vasena vuttaṃ.

261. **Mahānāmasikkhāpadena kāretabboti** ettha—

“Agilānena bhikkhunā catumāsapaccayapavāraṇā sādītābā aññatra punapavāraṇāya aññatra niccapavāraṇāya, tato ce uttari sādīyeyya, pācittiyā”ti¹—

idaṃ mahānāmasikkhāpadaṃ nāma. Iminā ca sikkhāpadena saṃghavasena gilānapaccayapavāraṇāya pavāritaṭṭhāne sace tattha rattīhi vā bhesajjehi vā paricchedo kato hoti, ettakāyeva rattīyo ettakāni vā bhesajjāni viññāpetabbānīti. Atha tato rattipariyantato vā bhesajjapariyantato vā uttari na bhesajjakaraṇīyena vā bhesajjaṃ aññabhesajjakaraṇīyena vā aññaṃ bhesajjaṃ viññāpentassa pācittiyā vuttaṃ. Tasmā agilāno gilānasaññī hutvā pañca bhesajjāni viññāpento na bhesajjakaraṇīyena bhesajjaṃ viññāpento nāma hotīti “mahānāmasikkhāpadena kāretabbo”ti vuttaṃ. **Etāni pāṭidesanīyavattūnīti** pāṭiyāṃ āgatasappi-ādīni sandhāya vuttaṃ. Pāṭiyāṃ anāgatāni pana akappiyasappi-ādīni bhikkhunīnampi dukkaṭavattūnīti veditabbaṃ. **Sūpodanaviññattiyanti** bhikkhūnaṃ pācittiyavattūni bhikkhūnaṃ pāṭisesanīyavattūni ca ṭhapetvā avasesaviññattīṃ sandhāya vuttaṃ. Sesamettha uttānameva. Paṇītabhojanatā, agilānatā, akataviññattiyā paṭilābho, ajjhoharaṇanti imāni panettha cattāri aṅgāni.

Paṇītabhojanasikkhāpadavaṇṇanā niṭṭhitā.

10. Dantaponasikkhāpadavaṇṇanā

263. Dasame **ayyavosāṭitakānī**ti pitupiṇḍassetam adhivacanam.

Ummāreti susāne katagehassa attano gehassa vā ummāre. **Ghanabaddhoti** ghanamaṁsena sambaddho, kathinasamhataśarīroti vuttam hoti.

264. **Mukhadvāranti** galanālikam. **Āhāranti** ajjhoharitabbam yaṁkiñci yāvakālikādīm. **Āhareyyāti** mukhadvāram paveseyya. Mukhena vā pavitṭham hotu nāsikāya vā, galena ajjhoharaṇīyattā sabbampi tam mukhadvāram pavesitameva hoti. Yasmā pana te bhikkhū anāhārepi udake āhārasaññāya dantapone ca mukhadvāram āhaṭam idanti saññāya kukkucāyimsu, tasmā vuttam “**te bhikkhū adinnam -pa- sammā attham asallakkhetvā kukkucāyimsū**”ti. Udakañhi yathāsukham pātum dantakaṭṭhaṁca dantaponaparibhogena paribhuñjitum vaṭṭati, tassa pana rasam gilitum na vaṭṭati. Sacepi dantakaṭṭharaso ajānantassa anto pavisati, pācittiyameva. Anajjhoharantena pana dantakaṭṭham vā hotu aññam vā, kiñci mukhe pakkhipitum vaṭṭati.

265. **Akallakoti** gilāno sahatthā paribhuñjitum asakkonto mukhena paṭiggaṇhāti. **Uccāraṇamattanti** ukkhipanamattam. **Ekadesenapīti** aṅgulyāpi phuṭṭhamattena. **Tam ce paṭiggaṇhāti, sabbam paṭiggahitamevāti** veṇukoṭiyā bandhitvā ṭhapitattā. Sacepi bhūmiyam ṭhitameva ghaṭam dāyakena hatthapāse ṭhatvā ghaṭam dassāmīti dinnaveṇukoṭiggahaṇavasena paṭiggaṇhāti, ubhayakoṭibaddham sabbampi paṭiggahitameva hoti. Bhikkhussa atthāya apīletvā pakatiyā pīliyamāna-ucchurasam sandhāya “gaṇhathā”ti vuttattā “**abhihāro na paññāyati**”ti vuttam. Hatthapāse ṭhitassa pana bhikkhussa atthāya pīliyamānā ucchuto paggharantam rasam gaṇhitum vaṭṭati, doṇikāya sayam paggharantam ucchurasam majjhe āvaritvā āvaritvā vissajjitampi gaṇhitum vaṭṭati. **Katthaci** aṭṭhakathāsu.

Asamhārimeti thāmamajjhimena purisena asamhāriye.

“**Tintinikādipannesū**”ti vacanato sākhasu paṭiggahaṇam ruhatīti daṭṭhabbam. **Puñchitvā paṭiggahetvāti** ettha “puñchite paṭiggahaṇakiccam natthi, tasmā puñchitvā

gahetvāti evamattho gahetabbo”ti vadanti. Puñchitvā paṭiggahetvā vāti evamettha attho daṭṭhabbo. Patte patitarajanacuṇṇaṇhi abbhantaraparibhogatthāya aparihaṭabhāvato paṭiggahetvā paribhuñjitum vaṭṭati. Pubbābhogassa anurūpena “**anupasampannassa datvā -pa- vaṭṭati**”ti vuttam. Yasmā pana tam “aññassa dassāmī”ti cittuppādamattena parasantakam nāma na hoti, tasmā tassa adatvāpi paṭiggahetvā paribhuñjitum vaṭṭati.

Bhikkhussa detīti aññassa bhikkhussa deti. **Kañjikanti** khīrarasādim yamkiñci dravam sandhāya vuttam. Hatthato mocetvā puna gaṇhāti, uggahitakam hotīti āha “**hatthato amocentenevā**”ti. **Ālulentānanti** ālulentānam, ayameva vā pāṭho. Āharitvā bhūmiyam ṭhapitattā abhihāro natthīti āha “**patto paṭiggahetabbo**”ti. **Paṭhamataram uḷunkato thevā patte patantīti** ettha “yathā paṭhamataram patitatheve doso natthi, tathā ākiritvā apanentānam pacchā patitathevepi abhihaṭattā nevatthi doso”ti vadanti. **Caru kenāti** khuddakabhājanena. **Mukhavattiyāpi gahetum vaṭṭatīti** mukhavattim ukkhipitvā hatthe phusāpīte gaṇhitum vaṭṭati. **Kecīti** abhayagirivāsino. **Esa nayoti** kāyapaṭibaddhapaṭibaddhampi kāyapaṭibaddhamevāti ayam nayo. Tathā ca tattha kāyapaṭibaddhe tampaṭibaddhe ca thullaccayameva vuttam.

Tenāti yassa bhikkhuno santikam gatam, tena. **Tasmāti** yasmā mūlaṭṭhasseva paribhogo anuññāto, tasmā. Tam divasam hatthena gahetvā dutiyadivase paṭiggahetvā paribhuñjantassa uggahitakapaṭiggahitam hotīti āha “**anāmasitvā**”ti. Appaṭiggahitattā “**sannidhipaccayā anāpattī**”ti vuttam. Appaṭiggahetvā paribhuñjantassa adinnamukha dvārāpatti hotīti āha “**paṭiggahetvā pana paribhuñjitabban**”ti. “**Tam divasam -pa- na tato paran**”ti vacanato tam divasam hatthena gahetvā vā aggahetvā vā ṭhapitam dutiyadivase appaṭiggahetvā paribhuñjantassa adinnamukhadvārāpatti hoti, hatthena gahetvā ṭhapitam dutiyadivase paṭiggahetvā paribhuñjantassa pana uggahitakapaṭiggahitam hoti. Appaṭiggahitameva hi hatthena gahetvā ṭhapitam. “**Sāmam gahetvā paribhuñjitun**”ti hi vacanato appaṭiggahitasseva tasmim divase paribhogo anuññāto. Tasmā yam vuttam **gaṇṭhipade “tam diyyamānam patatīti** ettha yathā gaṇabhojanādīsu

gilānādīnaṃ kukkuccāyantānaṃ gaṇabhojanaṃ anuññātaṃ, evamidhāpi bhagavatā paṭiggahitameva kukkuccavinodanattamaṃ anuññātan”ti, taṃ na gahetabbaṃ. “Taṃ diyyamānaṃ patati”ti avisesena vuttatā catūsipi kālikesu ayaṃ nayo veditabbo.

Satthakenāti paṭiggahitasatthakena. Kasmā panettha uggahitapaccayā sannidhipaccayā vā doso na siyāti āha “**na hi taṃ paribhogatthāya pariharantī**”ti. Imināva bāhiraparibhogatthamā sāmāṃ gahetvā anupasampanna dinnamā vā gahetvā pariharitumā vaṭṭatīti dīpeti. Tasmā pattasammakkhanādi-atthamā sāmāṃ gahetvā parihaṭatēlādīm sace paribhuñjitukāmo hoti, paṭiggahetvā paribhuñjantassa anāpatti. Abbhantaraparibhogatthamā pana sāmāṃ gahitamā paṭiggahetvā paribhuñjantassa uggahitakapaṭiggahitamā hoti, appaṭiggahetvā paribhuñjantassa adinnamukhadvārāpatti hoti, abbhantaraparibhogatthameva anupasampanna dinnamā gahetvā pariharantassa siṅgīloṇakappo viya sannidhipaccayā āpatti hoti. Keci pana “thāmamajjhimaṃ purissa uccāraṇamattamā hotīti-ādīnā vuttapañcaṅgasampattiyā paṭiggahaṇassa ruhanato bāhiraparibhogatthampi sace anupasampanna dinnamā gaṇhāti, paṭiggahitamevā”ti vadanti. Evaṃ sati idha bāhiraparibhogatthamā anupasampanna dinnamā gahetvā pariharantassa sannidhipaccayā āpatti vattabbā siyā, “na hi taṃ paribhogatthāya pariharantī”ti ca na vattabbaṃ, tasmā bāhiraparibhogatthamā gahitamā paṭiggahitamā nāma na hotīti veditabbaṃ. Yadi evamā pañcasu paṭiggahaṇaṅgesu “paribhogatthāyā”ti visesanaṃ vattabanti? Na vattabbaṃ. Paṭiggahaṇaṅghi paribhogatthameva hotīti “paribhogatthāyā”ti visumā avatvā “tañce bhikkhu kāyena vā kāyapaṭibaddhena vā paṭiggahaṇhātī”ti ettakameva vuttamā. Apare pana “satipi paṭiggahaṇe ‘na hi taṃ paribhogatthāya pariharantī’ti idha aparibhogatthāya pariharane anāpatti vuttā”ti vadanti. **Udukkhalamusalāni khiyyantīti** ettha udukkhalamusalānaṃ khayena pisitakoṭṭitabhesajjesu sace āgantukavaṇṇo paññāyati, na vaṭṭati.

Suddham udakam hotīti rukkhasākhādīhi gaḷitvā patana-udakam sandhāya vuttamā. **Patto vāssa paṭiggahettabboti** etthāpi pattagatamā chupitvā dentassa

hatthalaggena āmisena dosābhāvatthaṃ pattapaṭiggahaṇanti
 abbhantaraparibhogatthameva paṭiggahaṇaṃ veditabbaṃ. **Yaṃ sāmaṇerassa
 patte patati -pa- paṭiggahaṇaṃ na vijahatīti** ettha punappunaṃ gaṇhantassa
 attano patte pakkhittameva “attano santakan”ti sanniṭṭhānakaṇato
 hatthagataṃ paṭiggahaṇaṃ na vijahati, paricchinditvā dinnam pana
 gaṇhantassa gahaṇasamayeyeva “attano santakan”ti sanniṭṭhānassa katattā
 hatthagataṃ paṭiggahaṇaṃ vijahati. **Kesañci atthāya odanaṃ pakkhipatīti**
 ettha anupasampannassa atthāya pakkhipantepi “āgantvā gaṇhissatī”ti
 sayameva pakkhipitvā ṭhapanato paṭiggahaṇaṃ na vijahati,
 anupasampannassa hatthe pakkhittam pana anupasampanneneva ṭhapatam
 nāma hotīti paṭiggahaṇaṃ vijahati pariccattabhāvato. Tena vuttam
 “sāmaṇera -pa- pariccattattā”ti.

Paṭiggahaṇūpagam bhāraṃ nāma thāmamajjhimassa purisassa
 ukkhepārahaṃ. Kiñcāpi avissajjetvāva aññena hatthena pidahantassa doso
 natthi, tathāpi na pidahitabbanti aṭṭhakathāpamāṇeneva gahetabbaṃ.
Macchikavāraṇatthanti ettha “sacepi sākḥāya laggarajaṃ patte patati,
 sukhena paribhuñjituṃ sakkāti sākḥāya paṭiggahitattā
 abbhantaraparibhogatthamevidha paṭiggahaṇanti mūlapaṭiggahaṇameva
 vaṭṭatī”ti vuttam. Apare pana “macchikavāraṇatthanti ettha vacanamattam
 gahetvā bāhiraparibhogatthaṃ gahitan”ti vadanti. **Tasmimpi asatīti** cāṭiyā vā
 kuṇḍake vā asati. **Anupasampannaṃ gāhāpetvāti** tamyeva
 ajjhoharaṇīyabhaṇḍam anupasampannena gāhāpetvā. **Therassa pattam
 anutherassāti** therassa pattam attanā gahetvā anutherassa deti. **Tuyham
 yāguṃ mayham dehīti** ettha evam vatvā sāmaṇerassa pattam gahetvā
 attanopi pattam tassa deti. **Ettha panāti** paṇḍito sāmaṇeroti-
 ādipattaparivattanakathāya. **Kāraṇam upaparikkhitabbanti** yathā mātu-
 ādīnam telādīni haranto tathārūpe kicce anupasampannena aparivattetvāva
 paribhuñjituṃ labhati, evamidha pattaparivattanam akatvā paribhuñjituṃ na
 labhatīti ettha kāraṇam vīmaṃsitabbanti attho.

Ettha pana¹ “sāmaṇerehi gahitatanḍulesu parikkhīṇesu avassam
 amhākaṃ sāmaṇerā saṅghaṃ karontīti vitakkuppatti sambhavati, tasmā tam
 parivattetvāva paribhuñjitabbaṃ. Mātāpitūnam atthāya pana chāyatthāya vā

1. Keci panettha (Syā)

gahaṇe paribhogāsā natthi, tasmā taṃ vaṭṭatī”ti kāraṇaṃ vadanti. Teneva **ācariyabuddhadattattherenapi** vuttaṃ—

“Mātāpitūnamatthāya, telādiharatopi ca.

Sākhaṃ chāyādi-atthāya, imesaṃ na visesati¹.

Tasmā hissa visesassa, cintetabbaṃ tu kāraṇaṃ.

Tassa sālayabhāvaṃ tu, visesaṃ takkayāma tan”ti².

Idamevettha yuttataraṃ avassaṃ tathāvidhavitakkuppattiyā sambhavato. Na sakkā hi ettha vitakkaṃ sodhetunti. Mātādīnaṃ atthāya haraṇe pana nāvassaṃ tathā vidhavitakkuppattīti sakkā vitakkaṃ sodhetuṃ. Yattha hi vitakkaṃ sodhetuṃ sakkā, tattha nevatthi doso. Teneva vakkhati sace pana sakkoti vitakkaṃ sodhetuṃ, tato laddhaṃ khādītumpi vaṭṭatī”ti.

Niccāletuṃ na sakkotīti niccāletvā sakkharā apanetuṃ na sakkoti. **Ādhārake patto ṭhapito hotīti** paṭiggahetabbapattaṃ sandhāya vuttaṃ. **Cāletīti** vinā kāraṇaṃ cāleti. Satipi kāraṇe bhikkhūnaṃ paribhogārahaṃ cāletuṃ na vaṭṭati. Kiñcāpi “anujānāmi bhikkhave amanussikābādhe āmakamaṃsaṃ āmakalohitaṃ”ti³ tādise ābādhe attano atthāya āmakamaṃsapaṭiggahaṇaṃ anuññātaṃ, “āmakamaṃsapaṭiggahaṇā paṭivirato hotī”ti ca sāmaññato paṭikkhittaṃ, tathāpi attano aññassa vā bhikkhuno atthāya aggahitattā “**sīhaviḡhāsādīm -pa- vaṭṭatī**”ti vuttaṃ. **Sakkoti vitakkaṃ sodhetunti** mayhampi deṭīti vitakkassa anuppanabhāvaṃ sallakkhetuṃ sakkoti, sāmaṇerassa dassāmīti suddhacittena mayā gahitanti vā sallakkhetuṃ sakkoti.

Sace pana mūlepi paṭiggahitaṃ hotīti ettha “gahetvā gate mayhampi dadeyyunti saññāya sace paṭiggahitaṃ hotī”ti vadanti. **Koṭṭhāse karotīti** bhikkhusāmaṇerā ca attano attano abhirucitaṃ koṭṭhāsaṃ gaṇhantūti sabbesaṃ samake koṭṭhāse karoti.

1. Imassa na visesatā (Syā)

2. Takkayāmahanti (Syā)

3. Vi 3. 294 piṭṭhe.

gahitāvasesanti sāmaṇerehi gahitakoṭṭhāsato avasesam. **Gaṇhitvāti** “mayham idam gaṇhissāmi”ti gahetvā. Idha gahitāvasesam nāma tena gaṇhitvā puna ṭhapitam. **Paṭiggahetvāti** tadahu paṭiggahetvā. Teneva “**yāvakālikena yāvajīvikasamsagge doso natthi**”ti vuttam. Sace pana purimadivase paṭiggahetvā ṭhapitā hoti, sāmisenā mukhena tassā vaṭṭiyā dhūmam pivitum na vaṭṭati. **Samuddodakenāti** appaṭiggahitasamuddodakena. Yasmā katakaṭṭhi udakam pasādetvā visum tiṭṭhati, tasmā “**abbohārikan**”ti vuttam. **Laggatīti** mukhe hatthe ca udake sukkhe setavaṇṇam dassentam laggati. **Pāniyam gahetvāti** attanoyeva atthāya gahetvā. Sace pana pītāvasesam tattheva ākirissāmīti gaṇhāti, puna paṭiggahaṇakiccam natthi. **Vikkhambhetvāti** viyūhitvā, apanetvāti attho.

Mahābhūtesūti sarīranissitesu mahābhūtesu. **Patatīti** vicchinditvā patati. Vicchinditvā patitameva hi paṭiggahetabban, na itaram. **Alladārum rukkhato chinditvāpi kātum vaṭṭatīti** ettha mattikatthāya pathavim khaṇitumpi vaṭṭatīti veditabban. **Sappadaṭṭhakkhaṇeyeva vaṭṭatīti** asati kappiyakārake sāmam gahetvā paribhaṇjītum vaṭṭati, aññadā paṭiggahāpetvā paribhuṇjitabban. Sesamettha uttānameva. Appaṭiggahitatā, ananuññātātā, dhūmādi-abbohārikābhāvo, ajjhoharaṇanti imāni panettha cattāri aṅgāni.

Dantaponasikkhāpadavaṇṇanā niṭṭhitā.

Niṭṭhito bhojanavaggo catuttho.

5. Acelakavagga

1. Acelakasikkhāpadavaṇṇanā

273. Acelakavaggassa paṭhamasikkhāpade **tesanti** titthiyānam. **Tatthāti** bhājane. **Itoti** pattato. **Sace titthiyo vadatīti** “paṭhamameva mam sandhāya abhiharitvā ṭhapitam mayham santakam hoti, imasmim bhājane ākirathā”ti vadati, vaṭṭati. Sesamettha uttānameva. Aññatitthiyatā,

ajjhoharaṇīyatā,¹ ajjhoharaṇatthāya sahatthā anikkhittabhājane dānanti imāni panettha tīṇi aṅgāni.

Acelakasikkhāpadavaṇṇanā niṭṭhitā.

2. Uyyojanasikkhāpadavaṇṇanā

274. Dutiyam uttānatthameva. Anācāram ācaritukāmatā, tadatthameva upasampannassa uyyojanā, evam uyyojentassa upacārātikkamoti imāni panettha tīṇi aṅgāni.

Uyyojanasikkhāpadavaṇṇanā niṭṭhitā.

3. Sabhojanasikkhāpadavaṇṇanā

280. Tatiye **piṭṭhasaṅghāṭoti** dvārabāhāyetaṃ adhivacanaṃ. Khuddakaṃ nāma sayanigharaṃ vitthārato pañcahatthappamāṇaṃ hoti, tassa ca majjhimaṭṭhānaṃ piṭṭhasaṅghāṭato aḍḍhateyyahatthappamāṇameva hoti, tasmā tādise sayanighare piṭṭhasaṅghāṭato hatthapāsaṃ vijahitvā nisinno piṭṭhivaṃsaṃ atikkamitvā nisinno nāma hoti. Evam nisinno ca majjham atikkamitvā nisinno nāma hotīti āha “**iminā majjhātikkamaṃ dasseti**”ti. **Yathā vā tathā vā katassāti** piṭṭhivaṃsaṃ āropetvā vā anāropetvā vā katassa. **Sacittakanti** anupavisitvā nisīdanacittena sacittakaṃ. Sesamettha uttānameva. Pariyuṭṭhitarāgajāyampatikānaṃ sannihitatā, sayanigharatā, dutiyassa bhikkhuno abhāvo, anupakhajja nisīdananti imāni panettha cattāri aṅgāni.

Sabhojanasikkhāpadavaṇṇanā niṭṭhitā.

284-289. Catutthapañcomesu natthi kiñci vattabbaṃ.

1. Ananuññāta-ajjhoharaṇīyatā (Syā)

6. Cārittasikkhāpadavaṇṇanā

298. Chaṭṭhe **pakativacanenā**ti ettha yaṃ dvādasahatthabbhantare ṭhitena sotuṃ sakkā bhaveyya, taṃ pakativacanam nāma. **Āpucchitabboti** “ahaṃ itthannāmassa gharaṃ gacchāmi”ti vā “cārittam āpajjāmi”ti vā īdisena vacanena āpucchitabbo. Sesamettha uttānameva. Pañcannaṃ bhojanānaṃ aññatarena nimantanasādiyaṇaṃ, santaṃ bhikkhuṃ anāpucchana, bhattiyagharato aññagharappavesanaṃ, majjhanhikānatikkamo, samayassa vā āpadānaṃ vā abhāvoti imāni panettha pañca aṅgāni.

Cārittasikkhāpadavaṇṇanā niṭṭhitā.

7. Mahānāmasikkhāpadavaṇṇanā

303. Sattame **mahānāmo nāmā**ti anuruddhattherassa bhātā bhagavato cūḷapitu putto. Suddhodano sakkodano sukkodano dhotodano amitodanoti ime hi pañca janā bhātaro. Amitā nāma devī tesaṃ bhaginī, tissatthero tassā putto. Tathāgato ca nandatthero ca suddhodanassa puttā, mahānāmo ca anuruddhatthero ca sukkodanassa, ānandatthero amitodanassa. So bhagavato kaniṭṭho, mahānāmo mahallakataro sakadāgāmī ariyasāvako. Tena vuttam **“mahānāmo nāma -pa- ariyasāvako”**ti.

305-306. Pāḷiyaṃ **ajjaṇhoti** ajja ekadivasanti attho, “ajja no”ti vā attho gahetabbo, **no** amhākaṃ. **Kālaṃ āharissathāti** sve harissatha. **Tato ce uttari sādīyeyyāti** sace tattha rattīhi vā bhesajjehi vā paricchedo kato hoti “ettakāyeva vā rattīyo ettakāni vā bhesajjāni viññāpetabbāni”ti, tato rattipariyantato vā bhesajjapariyantato vā uttari viññāpento sādīyeyya. “Imehi tayā bhesajjehi pavāritamha, amhākañca imināva bhesajjena attho”ti ācikkhitvā viññāpetumpi gilānova labhati.

310. Yasmā saṃghapavāraṇāyamevāyaṃ vidhi, tasmā **“ye attano puggalikāya pavāraṇāya pavāritā”**ti vuttam. Sesam uttānameva.

Samṅhapavāraṇatā, bhesajjaviññatti, agilānatā, pariyantātikkamoti imāni panettha cattāri aṅgāni.

Mahānāmasikkhāpadavaṇṇanā niṭṭhitā.

8. Uyyuttasenāsikkhāpadavaṇṇanā

311. Aṭṭhamam uttānatthameva. Uyyuttasenā, dassanattāyā gamanaṃ, anuññātokāsato aññatra dassanaṃ, tathārūpapaccayassa āpadāya vā abhāvoti imāni panettha cattāri aṅgāni.

Uyyuttasenāsikkhāpadavaṇṇanā niṭṭhitā.

9. Senāvāsasikkhāpadavaṇṇanā

317. Navamasikkhāpadampi uttānameva. Tirattātikkamō, senāya sūriyassa atthaṅgamo, gilānatādīnaṃ abhāvoti imāni panettha tīni aṅgāni.

Senāvāsasikkhāpadavaṇṇanā niṭṭhitā.

10. Uyyodhikasikkhāpadavaṇṇanā

322. Dasame **kati te lakkhāni laddhānī**ti tava sarappahārassa lakkhaṇabhūtā kittakā janā tayā laddhāti attho, kittakā tayā viddhāti vuttam hoti. Sesamettha uttānameva. Uyyodhikādīdassanattāyā gamanaṃ, anuññātokāsato aññatra dassanaṃ, tathārūpapaccayassa āpadāya vā abhāvoti imāni panettha tīni aṅgāni.

Uyyodhikasikkhāpadavaṇṇanā niṭṭhitā.

Niṭṭhito acelakavaggo pañcama.

6. Surāpānavagga

1. Surāpānasikkhāpadavaṇṇanā

326-328. Surāpānavaggassa paṭhamasikkhāpade **vatiyāti** gāmaparikkhepavatiyā. Pāḷiyaṃ piṭṭhasurādīsu piṭṭhaṃ bhājane pakkhipitvā tajjaṃ udakaṃ datvā madditvā katā **piṭṭhasurā**. Evaṃ pūve odane ca bhājane pakkhipitvā tajjaṃ udakaṃ datvā madditvā katā **pūvasurā odanasurāti** ca vuccati. “Kiṇṇā”ti pana tassā surāya bijaṃ vuccati. Ye surāmodakātipi vuccanti, te pakkhipitvā katā **kiṇṇapakkhittā**. Harītakīśāsapādinānā sambhārehi saṃyojitā **sambhārasaṃyuttā**.

Madhukatālanāḷikerādipuppharaso ciraparivāsito **pupphāsavo**. Panasādiphalaraso **phalāsavo**. Muddikāraso **madhvāsavo**. Ucchuraso **gulāsavo**. Harītakāmalakakaṭukabhaṇḍādīnānāsambhārānaṃ raso ciraparivāsito **sambhārasaṃyutto**. **Bījato paṭṭhāyāti** sambhāre paṭiyādetvā cāṭiyaṃ pakkhittakālato, tālanāḷikerādīnaṃ puppharasassa¹ gahita-abhinavakālatoyeva ca paṭṭhāya.

329. **Loṇasovīrakam suttañca** anekehi bhesajjehi abhisankhato amajjabhūto āsavaviseso. **Vāsaggāhāpanatthanti** sugandhibhāvaggāhāpanattham. **Acittakam lokavajjanti** ettha yaṃ vattabbam, taṃ paṭhamapārājikavaṇṇanāyaṃ vuttanayena veditabbam. Sesamettha uttānameva. Majjabhāvo, tassa pānañcāti imāni panettha dve aṅgāni.

Surāpānasikkhāpadavaṇṇanā niṭṭhitā.

2. Aṅgulīpatodakasikkhāpadavaṇṇanā

330. Dutiye **bhikkhunīpi anupasampannatthāne** ṭhitāti ettha bhikkhupi bhikkhuniyā anupasampannatthāne ṭhitoti veditabbo. Sesamettha uttānameva. Hasādhippāyatā, upasampannassa kāyena kāyāmasananti imāni panettha dve aṅgāni.

Aṅgulīpatodakasikkhāpadavaṇṇanā niṭṭhitā.

3. Hasadhammasikkhāpadavaṇṇanā

335. Tatiyaṃ uttānatthameva. Uparigoppakatā, hasādhippāyena kīḷananti imāni panettha dve aṅgāni.

Hasadhammasikkhāpadavaṇṇanā niṭṭhitā.

4. Anādariyasikkhāpadavaṇṇanā

344. Catutthe **gārayho ācariyuggaho na gahetabboti** yasmā ucchuraso sattāhakāliko, tassa kasaṭo yāvajīviko, dvinnamyeva samavāyo ucchuyaṭṭhi, tasmā vikāle ucchuyaṭṭhiṃ khādituṃ vaṭṭati guḷaharītakaṃ viyāti evamādiko gārayhācariyavādo na gahetabbo. **Lokavajje ācariyuggaho na vaṭṭatīti** lokavajjasikkhāpade āpattiṭṭhāne yo ācariyavādo, so na gahetabbo, lokavajjaṃ atikkamitvā “idaṃ amhākaṃ ācariyuggaho”ti vadantassa uggaho na vaṭṭatīti adhippāyo. **Suttānulomaṃ nāma aṭṭhakathā. Paveṇiyā āgatasamodhānaṃ gacchatīti** “paveṇiyā āgato ācariyuggahova gahetabbo”ti evaṃ vutte mahā-aṭṭhakathāvādeyeva saṅghaṃ gacchatīti adhippāyo. Sesamettha uttānameva. Upasampannassa paññattena vacanaṃ, anādariyakaraṇanti imāni panettha dve aṅgāni.

Anādariyasikkhāpadavaṇṇanā niṭṭhitā.

5. Bhimsāpanasikkhāpadavaṇṇanā

345. Pañcamaṃ uttānatthameva. Upasampannatā, tassa dassanasavanavisaye bhimsāpetukāmatāya vāyamananti imāni panettha dve aṅgāni.

Bhimsāpanasikkhāpadavaṇṇanā niṭṭhitā.

6. Jotisikkhāpadavaṇṇanā

350. Chaṭṭhe bhaggā nāma janapadino rājakumārā, tesam nivāso ekopi janapado ruḥhīsaddena “bhaggā”ti vuccati. Tena vuttam “**bhaggāti janapadassa nāman**”ti. **Susumāragireti**¹ evarinnāmake nagare. Tassa kira nagarassa māpanattham vatthuvijjācariyena nagaraṭṭhānassa pariggaṇhanadivase avidūre susumāro saddamakāsi giram nicchāresi. Atha anantarāyena nagare māpīte tameva susumāragiraṇam subhanimittam katvā susumāragiraṇtvevassa nāmam akaṃsu. Keci pana “susumārasaṅṭhānattā susumāro nāma eko giri, so tassa nagarassa samīpe, tasmā tam susumāragiri etassa atthīti ‘susumāragiri’ti vuccati”ti vadanti. Tathā vā hotu aññathā vā, nāmametaṃ tassa nagarassāti āha “**susumāragiraṇti nagarassa nāman**”ti. **Bhesakaḷāti** ghamaṇḍanāmak²o gacchaviseso. Keci “setarukkho”tipi vadanti. Tesam bahulatāya pana tam vanam bhesakaḷāvanantveva paññāyittha. “Bhesakaḷāvane”tipi pāṭho. “Bheso nāma eko yakkho ayuttakārī, tassa tato gaḷitaṭṭhānatāya tam vanam bhesakaḷāvanam nāma jātan”ti hi keci.

352. **Jotikaraṇeti** aggikaraṇe. Sesamettha uttānameva. Agilānatā, anuññātakaraṇābhāvo, visibbetukāmatā, samādahananti imāni panettha cattāri aṅgāni.

Jotisikkhāpadavaṇṇanā niṭṭhitā.

7. Nahānasikkhāpadavaṇṇanā

357. Sattamasikkhāpadassa pāḷiyam **asambhinnenāti** amakkhitena, anaṭṭhenāti attho. **Orenaddhamāsam nahāyeyyāti** nahātadivasato paṭṭhāya addhamāse aparipuṇṇe nahāyeyya. Sesamettha uttānameva. Majjhimadeso, ūnakaddhamāse nahānam, samayānam vā nadīpāragamanassa vā āpadānam vā abhāvoti imāni panettha tīṇi aṅgāni.

Nahānasikkhāpadavaṇṇanā niṭṭhitā.

1. Sumsumāragireti (Syā)

2. Sammaccunāmak^o (Sī), ghamaṇḍanāmak^o (Syā)

8. Dubbaṇṇakaraṇasikkhāpadavaṇṇanā

368. Aṭṭhame “**cammakāranīlam** nāma pakatinīlan”ti tīsupi **gaṇṭhipadesu** vuttaṃ. **Gaṇṭhipade** pana “cammakārā uduke tipumalam ayagūthañca pakkhipitvā cammam kalam karonti, tam cammakāranīlan”ti vuttaṃ. Sesametta uttānameva. Vuttappakārassa cīvarassa akatakappatā, anaṭṭhacīvarādītā, nivāsanaṃ vā pārupanaṃ vāti imāni panettha tīṇi aṅgāni.

Dubbaṇṇakaraṇasikkhāpadavaṇṇanā niṭṭhitā.

9. Vikappanasikkhāpadavaṇṇanā

374. Navame **apaccuddhāraṇanti**¹ “mayham santakam paribhuñja vā vissajjehi vā”ti-ādinā akatapaccuddhāram. **Yena vinayakammaṃ katanti** yena saddhiṃ vinayakammaṃ kataṃ. **Timsakavaṇṇanāyanti** nissaggiyavaṇṇanāyaṃ. Paribhogena **kāyakammaṃ**, apaccuddhārāpanena **vacīkammaṃ**. Sesametta uttānameva. Sāmaṃ vikappitassa apaccuddhāro, vikappanupagacīvaratā, paribhogoti imāni panettha tīṇi aṅgāni.

Vikappanasikkhāpadavaṇṇanā niṭṭhitā.

10. Cīvara-apanidhānasikkhāpadavaṇṇanā

377. Dasamaṃ uttānatthameva. Upasampannassa santakānaṃ pattādīnaṃ apanidhānaṃ, vihesetukāmatā vā hasādhippāyatā vāti imāni panettha dve aṅgāni.

Cīvara-apanidhānasikkhāpadavaṇṇanā niṭṭhitā.

Niṭṭhito surāpānavaggo chaṭṭho.

1. Apaccuddhāraṇanti (Syā, Ka)

7. Sappāṇakavagga

1. Sañciccāsikkhāpadavaṇṇanā

382. Sappāṇakavaggaassa paṭhamasikkhāpade usuṃ saraṃ assati khipatīti **issāso**, dhanusippakusaloti āha “**dhanuggahācariyo**”ti. Paṭisattuvīdhamanattamaṃ dhanuṃ gaṇhantīti dhanuggahā, tesam ācariyo **dhanuggahācariyo**. **Appamattena vattham kātabbanti** yathā te pāṇā na maranti, evaṃ sūpaṭṭhitassatinā senāsane vattam kātabbam. Sesamettha uttānameva. Aṅgānipi manussaviggahe vuttanayena veditabbānti.

Sañciccāsikkhāpadavaṇṇanā niṭṭhitā.

2. Sappāṇakasikkhāpadavaṇṇanā

387. Dutiye **udakasaṇṭhānakappadeseti** yattha bhūmibhāge udakaṃ nikkhattam¹ santiṭṭhati, na sahasā parikkhayaṃ gacchati, tādise padese. Sesamettha uttānameva. Aṅgāni siñcanāsikkhāpade vuttanayāneva.

Sappāṇakasikkhāpadavaṇṇanā niṭṭhitā.

3. Ukkoṭanasikkhāpadavaṇṇanā

392. Tatiye **yathāpatiṭṭhitabhāvena patiṭṭhātuṃ na dentīti** tesam pavatti-ākāradassanattamaṃ vuttam. Yaṃ pana dhammena adhikaraṇam nihataṃ, tam sunihatameva. Sace vippakate kamme paṭikkosati, tam saññāpetvāva kātabbam. Itarathā kammañca kuppatti, kārakānañca āpatti. Sesamettha uttānameva. Yathādhammam nihatabhāvo, jānanā, ukkoṭanāti imāni panettha tīṇi aṅgāni.

Ukkoṭanasikkhāpadavaṇṇanā niṭṭhitā.

1. Udakanimittam (Ka)

4. Duṭṭhullasikkhāpadavaṇṇanā

399. Catutthe **tassevāti** yo āpanno, tasseva. **Ārocetīti** paṭicchādanatthameva mā kassaci ārocesīti vadati. **Vatthupuggaloti** āpannapuggalo. **Yenassa ārocitanti** yena dutiyena assa tatiyassa ārocitaṃ. **Koṭi chinnā hotīti** yasmā paṭicchādanapaccayā āpattim āpajjitvāva dutiyena tatiyassa ārocitaṃ, tasmā tappaccayā puna tena āpajjitabbāpattiyā abhāvato āpattiyā koṭi chinnā nāma hoti.

400. “**Anupasampannassa sukkavissaṭṭhi ca kāyasaṃsaggo cāti ayaṃ duṭṭhulla-ajjhācāro nāmā**”ti idaṃ duṭṭhullārocanasikkhāpadaṭṭhakathāya na sameti. Vuttañhi tattha¹ “anupasampannassa duṭṭhullaṃ vā aduṭṭhullaṃ vā ajjhācāranti ettha ādito pañca sikkhāpadāni duṭṭhullo nāma ajjhācāro, sesāni aduṭṭhullo, sukkavissaṭṭhikāyasaṃsaggaduṭṭhulla-attakāmā panassa ajjhācāro nāmā”ti. “Ārocane anupasampannassa duṭṭhullaṃ aññathā adhippetam, paṭicchādane aññathā”ti etthāpi visesakāraṇam na dissati, tasmā aṭṭhakathāya pubbenāparam na sameti. Avirodham icchantena pana vīmaṃsitabbamettha kāraṇam. Sesamettha uttānameva. Upasampannassa duṭṭhullāpattijānanam, paṭicchādetukāmatāya nārocessāmīti dhuranikkhepoti imāni panettha dve aṅgāni.

Duṭṭhullasikkhāpadavaṇṇanā niṭṭhitā.

5. Ūnavāsativassasikkhāpadavaṇṇanā

402. Pañcame **rūpasuttanti** heraññikānam suttam. **Duruttānanti** akkosavasena duruttānam, duruttattāyeva **durāgatānam**. **Vacanapathānanti** ettha vacanameva tadattham ñātukāmānam ñāpetukāmānañca pathoti vacanapatho. **Dukkhamānanti** dukkhena khamitabbānam.

1. Vi-Ṭṭha 3. 20 piṭṭhe.

404. Gabbhe sayitakālena saddhim vīsatimañ vassañ assāti **gabbhavīso. Hāyanavaḍḍhananti** gabbhamāsesu adhikesu uttarihāyanam, ūnesu vaḍḍhananti veditabbam. **Ekūnavīsativassanti** dvādasamāse mātukucchismiñ vasitvā mahāpavāraṇāya jātakālato paṭṭhāya ekūnavīsativassañ. **Pāṭipadadivaseti** pacchimakāya vassūpagamanadivase. “Timsarattidivo māso”¹ti vacanato “**cattāro māsā parihāyanti**”ti vuttañ. **Vassañ ukkaḍḍhanti**ti vassañ uddham kaḍḍhanti, tatiye sañvacchare ekamāsañ adhikamāsavasena pariccajantā vassañ uddham kaḍḍhanti attho, tasmā tatiyo sañvaccharo terasamāsiko hoti, sañvaccharassa pana dvādasamāsikattā aṭṭhārasasu vassesu adhikamāse visum gahetvā “**cha māsā vaḍḍhanti**”ti vuttañ. **Tatoti** chamāsato. **Nikkañkhā hutvāti** adhikamāsehi saddhim paripuñṇavīsativassattā nibbematikā hutvā. Yam pana vuttañ tīsu **gañṭhipadesu** “aṭṭhārasannañyeva vassānañ adhikamāse gahetvā gañṭhattā sesavassadvayassapi adhikāni divasāni honteva, tāni adhikadivasāni sandhāya ‘nikkañkhā hutvā’²ti vuttan”ti, tañ na gahetabbam. Na hi dvīsu vassesu adhikadivasāni nāma visum upalabbhanti tatiye vasse vassukkaḍḍhanavasena adhikamāse pariccattēyeva atirekamāsasambhavato. Tasmā dvīsu vassesu atirekadivasāni nāma visum na sambhavanti.

Nanu ca “te dve māse gahetvā vīsativassāni paripuñṇāni honti”²ti kasmā vuttañ, ekūnavīsativassamhi² puna aparasmim vasse pakkhitte vīsativassāni paripuñṇāni hontīti āha “**ettha pana -pa- vuttan**”ti. Anekatthattā nipātānañ **pana**-saddo hi-saddatthe, ettha hīti vuttañ hoti. Idañhi vuttassevatthassa samatthanavasena vuttañ. Iminā ca imañ dīpeti “yam vuttañ ‘ekūnavīsativassañ sāmaṇerañ nikkhamanīyapuñṇamāsīm atikkamma pāṭipadadivase upasampādentī’²ti, tatha gabbhamāsepi aggahetvā dvīhi māsehi aparipuñṇavīsativassañ sandhāya ‘ekūnavīsativassa’²nti vuttañ, tasmā adhikamāsesu dvīsu gahitesu vīsativassāni paripuñṇāni nāma honti”²ti. **Tasmāti** yasmā sabbhamāsāpi gaṇanūpagā honti, tasmā. **Ekavīsativasso hotīti** jātadivasato paṭṭhāya vīsativasso samāno gabbhamāsehi saddhim ekavīsativasso hoti.

1. Am 1. 213; Am 3. 85; Abhi 2. 437 piṭṭhesu.

2. Ekūnavīsativassañhi (Ka)

406. **Aññaṃ upasampādetī**ti upajjhāyo kammavācācariyo vā hutvā upasampādeti. Sesamettha uttānameva. Ūnavāsativassatā, ūnakasaññitā, upasampādananti imāni panettha tīṇi aṅgāni.

Ūnavāsativassasikkhāpadavaṇṇanā niṭṭhitā.

6. Theyyasatthasikkhāpadavaṇṇanā

407. Chaṭṭhasikkhāpadaṃ uttānatthameva. Theyyasatthakabhāvo, jānanam, saṃvidhānam, avisanketena gamananti imāni panettha cattāri aṅgāni.

Theyyasatthasikkhāpadavaṇṇanā niṭṭhitā.

412. Sattame natthi kiñci vattabbaṃ.

8. Aritṭhasikkhāpadavaṇṇanā

417. Aṭṭhame **bādhayimsūti** haniṃsu. Taṃtaṃsampattiyā vibandhanavasena sattasantānassa antare vemajjhe eti āgacchatīti antarāyo, diṭṭhadhammikādi-anattho. Anatikkamanatṭhena tasmim antarāye niyuttā, antarāyaṃ vā phalaṃ arahanti, antarāyassa vā karaṇasīlāti **antarāyikā**. Tenāha “**antarāyaṃ karontīti antarāyikā**”ti. **Ānantariyadhammā**ti ānantarikasabhāvā cetanādhammā. Tatrāyaṃ vacanattho—cuti-anantaraphalaṃ anantaram nāma, tasmim anantare niyuttā, taṃnibbattanena anantarakaraṇasīlā, anantarappayojanāti vā ānantarikā, te eva **ānantariyā**ti vuttā. Kammāni eva antarāyikāti **kammantarāyikā**. **Mokkhasseva antarāyaṃ karoti, na saggassā**ti micchācāralakkhaṇābhāvato vuttam. Na hi bhikkhuniyā dhammarakkhitabhāvo atthi. Pākatikabhikkhunīvasena cetam vuttam. Ariyāya pana pavattam apāyasamvattanikameva, nandamāṇavako cettha nidassanam. Ubhinnaṃ samānacchandatāvasena vā na

saggantarāyikatā, mokkhanterāyikatā pana mokkhatthāya paṭipattiyā vidūsanato¹. Abhibhavitvā pana pavattiyam saggantarāyikatāpi na sakkā nivāretunti.

Ahetukadiṭṭhi-akiriyadiṭṭhinatthikadiṭṭhiyova niyatabhāvaṃ pattā **niyatamicchā diṭṭhidhammā. Paṭisandhidhammāti** paṭisandhicittuppādamāha. Paṇḍakādiggahaṇaṅcetha nidassanamattaṃ sabbāyapi ahetukapaṭisandhiyā vipākantarāyikabhāvato. Yāhi ariye upavadati, tā cetanā **ariyūpavādā** jātā. **Tato paranti** khamāpanato upari. Yam panettha vattabbaṃ, taṃ dibbacakkhukathāyaṃ vuttameva. **Sañcicca āpannā āpattiyoti** sañcicca vītikkantā satta āpattikkhandhā. Sañcicca vītikkantañhi antamaso dukkaṭa dubbhāsitaṃpi saggamaggaphalānaṃ antarāyaṃ karoti. **Yāva bhikkhubhāvaṃ paṭijānāti** pārājikaṃ āpanno, **na vuṭṭhāti** sesagarukāpattim āpanno, **na deseti** lahukāpattim āpanno.

Ayam bhikkhūti ariṭṭho bhikkhu. **Rasena rasam saṃsanditvāti** anavajjena paccayaparibhuñjanarasena sāvajjakāmaguṇaparibhogarasam samānetvā. Yoniso paccavekkhaṇena natthi ettha chandarāgoti **nicchandarāgo**, paccayaparibhogo. **Upanento viyāti** bandhanaṃ upanento viya. “Ghaṭento viyā”tipi pāṭho. **Upasaṃharanto viyāti** sadisataṃ upasaṃharanto viya ekantasāvajje anavajjabhāva pakkhepanato. **Pāpakanti** lāmakatṭhena duggatisampāpanatṭhena ca pāpakaṃ. **Mahāsamuddam bandhantena viyāti** setukaraṇavasena mahāsāgaram bandhantena viya. **Sabbaññutaññāṇena saddhim paṭivirujjhantoti** sabbaññutaññāṇena “sāvajjan”ti diṭṭham “anavajjan”ti gahaṇena tena saha paṭivirujjhanto. **Āṇacakketi** paṭhamapārājikasikkhā padasaṅkhāte, “abrahmacariyaṃ pahāyā”ti-ādi desanāsaṅkhāte ca āṇacakke.

Aṭṭhikaṅkalam nāma uratṭhi vā piṭṭhikaṅkalam vā sīsatṭhi vā. Tañhi nimmaṃsattā “kaṅkalan”ti vuccati. Vigatamaṃsāya hi aṭṭhisāṅkhalikāya ekaṭṭhimhi vā **kaṅkala**-saddo niruḷho. **Anudahanatṭhenāti** anupāyapaṭipattiyā sampati āyatiṅca anudahanatṭhena. **Mahābhītāpanatṭhena** anavaṭṭhitasabhāvatāya,

1. Viddhamsanato (Syā)

ittarapaccupaṭṭhānaṭṭhena muhuttakaraṇīyatāya, **tāvakālikatṭhena** parehi abhibhavana tāya, **sabbaṅgapaccaṅgapalibhañjanaṭṭhena** bhedanādi-adhikaraṇabhāvena¹, ugghāṭasadisatāya **adhikuṭṭanaṭṭhena**, avaṇe vaṇaṃ uppādetvā anto anupavisanabhāva tāya **vinivijjanaṭṭhena**, diṭṭhadhammikasamparāyika-anatthanimitatāya **sāsaṅkasappaṭi bhayaṭṭhena**.

Pāliyaṃ “thāmasā parāmāsā”ti-ādīsu evamattho veditabbo. **Thāmasā**ti diṭṭhithāmena, tassā diṭṭhiyā thāmagatabhāvenāti attho. **Parāmāsā**ti diṭṭhiparāmāsena, diṭṭhisāṅkhātaparāmāsenāti attho. Diṭṭhiyeva hi dhammasabhāvaṃ atikkamitvā parato āmasanena parāmāso. **Abhinivissā**ti taṇhābhinivesapubbaṅgamena diṭṭhābhinivesena “idamettha saccaṃ”ti abhinivisitvā. **Voharatī**ti katheti. **Yato ca kho te bhikkhū**ti yadā te bhikkhū. **Evambyākho ahaṃ bhante bhagavatā**ti idaṃ esa attano laddhiṃ nigūhita kāmātāya natthīti vattukāmoti bhagavato ānubhāvena sampaṭicchati. Buddhānaṃ kira sammukhā dve kathā kathetuṃ samattho nāma natthi. **Kassa nu kho nāma tvaṃ mogha purisā**ti tvaṃ moghapurisa kassa khattiyassa vā brāhmaṇassa vā vessassa vā suddassa vā gahaṭṭhassa vā pabbajitassa vā devassa vā manussassa vā mayā evaṃ dhammaṃ desitaṃ ājānāsi. Sesamettha uttānameva. Dhammakammaṭā, samanubhāsanā, appaṭinissajjananti imāni panettha tīṇi aṅgāni.

Ariṭṭhasikkhāpadavaṇṇanā niṭṭhitā.

9. Ukkhittasambhogasikkhāpadavaṇṇanā

424. Navame **payogagaṇanāyā**ti dānaggahaṇappayogagaṇanāya. Saṃvāse kamma-pariyosānavasena, saḥaseyyāya ekasmiṃ nipanne itarassa nipajjanapayogavasena āpattiparicchedo veditabbo. Ettha ca padabhājane “ekacchanne”ti avisesena vuttattā nānūpacārepi ekacchanne nipajjantassa āpatti. Teneva **mātikāṭṭhakathāya**² vuttam

1. Bhedanādikaraṇabhāvena (Syā)

2. Kaṅkhā-Ṭṭha 250 piṭṭhe.

“saha vā seyyaṃ kappeyyāti nānūpacārepi ekacchanne nipajjeyyā”ti. Paṇṇattim ajānantena arahatāpi kiriyābyākatacittena āpajjitabbattā “**ticittan**”ti vuttaṃ. Yaṃ pana **kenaci** vuttaṃ “ticittanti ettha vipākābyākatacittena saha vā seyyaṃ kappeyyāti evamattho daṭṭhabbo, aññathā sacittakattā sikkhāpadassa kiriyābyākataṃ sandhāya na yujjati”ti, taṃ na gahetabbaṃ. Na hi sacittakasikkhāpadavītikkamo arahato na sambhavati. Teneva pathavīkhaṇanādīsu sacittakasikkhāpadesu ticittameva vuttaṃ. Sesamettha uttānameva. Akatānudhammatā, jānanā, sambhogādikaraṇanti imāni panettha tīṇi aṅgāni.

Ukkhittasambhogasikkhāpadavaṇṇanā niṭṭhitā.

10. Kaṇṭakasikkhāpadavaṇṇanā

428. Dasame **pireti** nipātapadaṃ. Sambodhane vattamānaṃ para-saddena samānatthaṃ vadantīti āha “**para amāmakā**”ti, amhākaṃ anajjhattikabhūtāti attho. **Pireti** vā “parato”ti iminā samānatthaṃ nipātapadaṃ, tasmā **cara pireti** parato gaccha, mā idha tiṭṭhāti evampettha attho veditabbo. Sesamettha purimasikkhāpadadvaye vuttanayameva.

Kaṇṭakasikkhāpadavaṇṇanā niṭṭhitā.

Niṭṭhito sappāṇakavaggo sattamo.

8. Sahadhammikavagga

1. Sahadhammikasikkhāpadavaṇṇanā

434. Sahadhammikavaggassa paṭhamasikkhāpade **vācāya vācāya āpattīti** anādariyabhayā lesena evaṃ vadantassa āpatti. Sesamettha uttānameva. Upasampannassa paññattena vacanaṃ, asikkhitukāmatāya evaṃ vacananti imāni panettha dve aṅgāni.

Sahadhammikasikkhāpadavaṇṇanā niṭṭhitā.

2. Vilekhanasikkhāpadavaṇṇanā

438. Dutiye vinayassa pariyāpuṇaṇaṃ **vinayapariyattīti** āha “**vinayaṃ pariyāpuṇantānaṃ**”ti-ādi. **Suguttoti** yathā karaṇḍake pakkhittamaṇikkhandho viya na nassati vipattiṃ na pāpuṇāti, evaṃ suṭṭhu gopito. **Surakkhitoti** tasseva pariyāya vacanaṃ. Yathā hi kilesacorehi avilumpanīyo hoti, evaṃ sabbadā sūpaṭṭhitassatitāya suṭṭhu rakkhito. **Kukkucapakatānanti** kappiyākappiyaṃ nissāya uppannakukkuccena abhibhūtānaṃ. Sārajjanaṃ sārado, byāmahabhayaṃ. Vigato sārado etassāti **visārado**. **Sahadhammenāti** sakāraṇena vacanena. **Suniggahitaṃ niggaṇhātīti** yathā na puna sīsaṃ ukkhipanti, atha kho appaṭibhānā maṅkubhūtāyeva honti, evaṃ suṭṭhu niggaṇhātī.

Alajjitāti ya-kāralopena niddeso, alajjitāyāti vuttaṃ hoti. **Aññānatāti**-ādisupi eseva nayo. **Mando momūhoti** aññāṇabhāvena **mando**, avisayato¹ **momūho**, mahāmūḷhoti attho.

Attapaccatthikāti attano paccatthikā. **Vajjiputtakā** dasavattudīpakā. **Parūpahāra-aññāṇakaṅkhāparavitāraṇādivādāti** ettha ye arahattaṃ paṭijānantānaṃ appatte pattasaññīnaṃ adhimānikānaṃ kuhakānaṃ vā arahattaṃ paṭijānantānaṃ sukkavissaṭṭhiṃ disvā mārakāyikā devatā “arahato asuciṃ upasaṃharanti”ti maññanti seyyathāpi pubbaseliyā aparaseliyā ca, te **parūpahāravādā**. Yesaṃ pana arahato itthipurisādīnaṃ nāmagottādīsu ñāṇappavattiyā bhāvena atthi arahato **aññāṇaṃ**, tattheva sanniṭṭhānābhāvena atthi arahato **kaṅkhā**, yasmā cassa tāni vatthūni pare vitārenti pakāsentī ācikkhanti, tasmā atthi arahato **paravitāraṇāti** imā tisso laddhiyo seyyathāpi etarahi pubbaseliyānaṃ, te aññāṇakaṅkhāparavitāraṇāvadā. Niggaho pana nesaṃ kathāvattuppakaraṇe vuttanayeneva veditabbo.

Cattāro maggā ca phalāni cāti ukkaṭṭhaniddesavasena vuttaṃ, catasso paṭisambhidā tisso vijjā cha abhiññāti ayampi adhigamasaddhammoyeva.

1. Avisāradāya (Syā)

ca-kāro vā avuttasampiṇḍanattho daṭṭhabbo. **Keci therā**ti dhammakathikā. **Āhaṃsū**ti paṃsukūlikattherā evaṃ āhaṃsu.

Kadā panāyaṃ kathā udapādīti? Ayañhettha anupubbikathā¹—imasmim kira dīpe caṇḍalatissamahābhaye sakko devarājā mahā-uḷumpaṃ māpetvā bhikkhūnaṃ ārocāpesi “mahantaṃ bhayaṃ bhavissati, na sammā devo vassissati, bhikkhū paccayehi kilamantā pariyattim sandhāretum na sakkhissanti, paratīraṃ gantvā ayyehi jīvitaṃ rakkhitum vaṭṭati. Imaṃ mahā-uḷumpaṃ āruya gacchatha bhante, yesaṃ ettha nisajjaṭṭhānaṃ nappahoti, te kaṭṭhakaṇḍepi uraṃ ṭhapetvā gacchantu, sabbesaṃ bhayaṃ na bhavissati”ti. Tadā samuddatīraṃ patvā saṭṭhi bhikkhū katikaṃ katvā “amhākaṃ ettha gamanakkiccaṃ natthi, mayaṃ idheva hutvā teṭṭhakaṃ rakkhissāma”ti tato nivattivā dakkhiṇamalayajanapadaṃ gantvā kandamūlapaṇṇehi jīvikaṃ kappentā vasimsu, kāye vahante nisīditvā sajjhāyaṃ karonti, avahante vālikaṃ ussāretvā² parivāretvā sīsāni ekaṭṭhāne katvā pariyattim sammasanti. Iminā niyāmena dvādasa saṃvaccharāni sāṭṭhakathaṃ teṭṭhakaṃ paripuṇṇaṃ katvā dhārayimsu.

Bhaye vūpasante sattasatā bhikkhū attano gataṭṭhāne sāṭṭhakathe teṭṭhake ekakkharampi ekabyañjanampi avināsetvā imameva dīpamāgamma kallagāmajanapade maṇḍalārāmaṃvihāraṃ pavimsu. Therānaṃ āgatapavattim sutvā imasmim dīpe ohinā saṭṭhi bhikkhū “there passissāma”ti gantvā therehi saddhim teṭṭhakaṃ sodhentā ekakkharampi ekabyañjanampi asantaṃ nāma na passimsu. Tasmim ṭhāne therānaṃ ayaṃ kathā udapādi “pariyatti nu kho sāsanaṃ mūlaṃ, udāhu paṭipattī”ti. Paṃsukūlikattherā “paṭipattī mūlaṃ”ti āhaṃsu, dhammakathikā “pariyatti”ti. Atha ne therā “tumhākaṃ dvinnampi janānaṃ vacanamatteneva na sakkā viññātum, jinabhāsitaṃ suttaṃ āharathā”ti āhaṃsu. Suttaṃ āharitum na bhāroti—

“Ime ca subhadda bhikkhū sammā vihareyyum, asuñño loko arahantehi assā”ti³. “Paṭipattimūlakaṃ mahārāja

1. Am-Ṭṭha 1. 71 piṭṭhādīsipi passitabbaṃ.

2. Ussāpetvā (Syā)

3. Dī 2. 125 piṭṭhe.

satthusāsanam, paṭipattisārakam mahārāja satthusāsanam, paṭipatti
tiṭṭhantī tiṭṭhati”ti¹—

suttam āharimsu.

Imam suttam sutvā dhammakathikā attano vādaṭṭhapanatthāya imam
suttam āharimsu—

“Yāva tiṭṭhanti suttantā, vinayo yāva dippati.
Tāva dakkhanti² ālokaṃ, sūriye abbhuṭṭhite yathā.
Suttantesu asantesu, pamuṭṭhe vinayamhi ca.
Tamo bhavissati loke, sūriye atthaṅgate yathā.
Suttante rakkhite sante, paṭipatti hoti rakkhitā.
Paṭipattiyam ṭhito dhīro, yogakkhemā na dhamsati”ti.

Imasmim sutte āhaṭe paṃsukūlikattherā tuṇhī ahesum.
Dhammakathikattherānamyeva vacanam purato³ ahosi. Yathā hi gavasatassa
gavasahassassa vā antare pavenipālikāya dhenuyā asati so vaṃso sā pavenī
na ghaṭiyati, evameva āraddhavipassa kānam bhikkhūnam satepi sahassepi
vijjamāne pariyattiyā asati ariyamaggapaṭivedho nāma na hoti. Yathā ca
nidhikumbhiyā jānanatthāya pāsāṇapiṭṭhe akkharesu upanibaddhesu yāva
akkharāni dharanti, tāva nidhikumbhī naṭṭhā nāma na hoti, evameva
pariyattiyā dharamānyā sāsanaṃ antarahitaṃ nāma na hotīti.
Tassādheyyoti tassāyatto.

439. **So panāti** so pātimokkho. Sesametta uttānameva. Garahitukāmatā,
upasampannassa santike sikkhāpadavivaṇṇanañcāti imāni panettha dve
aṅgāni.

Vilekhanasikkhāpadavaṇṇanā niṭṭhitā.

1. Khu 11. 136 piṭṭhe milindapañhepi passitabban.

2. Rakkhanti (Ka)

3. Parato (Syā)

3. Mohanasikkhāpadavaṇṇanā

443. Tatiyaṃ uttānameva. Mohāropanaṃ, mohetukāmatā, vuttanayena sutabhāvo, mohananti imāni panettha cattāri aṅgāni.

Mohanasikkhāpadavaṇṇanā niṭṭhitā.

4. Pahārasikkhāpadavaṇṇanā

452. Catutthe rattacittoti kāyasamsaggarāgena rattacitto. Sace pana methunarāgena ratto pahāraṃ deti, dukkaṭameva. Sesamettha uttānameva. Kupitatā, na mokkhādhippāyatā, upasampannassa pahāradānanti imāni panettha tīṇi aṅgāni.

Pahārasikkhāpadavaṇṇanā niṭṭhitā.

5. Talasattikasikkhāpadavaṇṇanā

457. Pañcame na paharitukāmatāya dinnattā dukkaṭanti ettha paharitukāmatāya pahāṭe purimasikkhāpadena pācittiyaṃ, uccāretukāmatāya kevalaṃ uggiraṇamatte kate iminā pācittiyaṃ. Iminā pana virajjhivā pahāro dinno, tasmā dukkaṭaṃ. Kimidaṃ dukkaṭaṃ pahārapaccayā, udāhu uggiraṇapaccayāti? Tattha keci tāva vadanti “pahārapaccayā eva dukkaṭaṃ, uggiraṇapaccayā pācittiyanti sadukkaṭaṃ pācittiyaṃ yujjati. Purimañhi uggiraṇaṃ, pacchā pahāro, na ca pacchā pahāraṃ nissāya purimaṃ uggiraṇaṃ anāpattivatthukaṃ bhavitumarahatī”ti.

Mayaṃ panettha evaṃ takkayāma “uggiraṇassa attano sabhāveneva asaṅghitattā tappaccayā pācittiyena na bhavitabbaṃ, asuddhacittena katapayogattā pana na sakkā ettha anāpattiyā bhavitunti dukkaṭaṃ vuttaṃ. ‘Na paharitukāmatāya dinnattā’ti iminā ca pahārapaccayā purimasikkhāpadena pācittiyāsambhave kāraṇaṃ vuttaṃ, na pana pahārapaccayā dukkaṭasambhave. Na hi apaharitukāmatāya pahāre

dinne purimasikkhāpadena pahārapaccayā pācittiyena dukkaṭena vā bhavituṃ yuttan”ti. “Tiracchānādīnaṃ asucikaraṇādīm¹ disvā kujjhitvāpi uggirantassa mokkhādhippāyo evā”ti vadanti. Sesamettha uttānameva. Kupitatā, na mokkhādhippāyatā, upasampannassa talasatti-uggiraṇanti imāni panettha tīṇi aṅgāni.

Talasattikasikkhāpadavaṇṇanā niṭṭhitā.

6. Amūlakasikkhāpadavaṇṇanā

459. Chaṭṭhaṃ uttānatthameva. Upasampannatā, saṅghādisesassa amūlakatā, anuddhaṃsanā, taṅkhaṇavijānanāti imāni panettha cattāri aṅgāni.

Amūlakasikkhāpadavaṇṇanā niṭṭhitā.

7. Sañcicasikkhāpadavaṇṇanā

464. Sattamampi uttānatthameva. Upasampannatā, aphāsukāmatā, kukkucuppādananti imāni panettha tīṇi aṅgāni.

Sañcicasikkhāpadavaṇṇanā niṭṭhitā.

8. Upassutisikkhāpadavaṇṇanā

471. Aṭṭhame **sutisamīpanti** saddasamīpaṃ. Suyyatīti hi suti, saddassetāṃ adhivacanaṃ. Tassa samīpaṃ **upassuti**, saddasamīpanti vuttaṃ hoti. **Gaṇṭhipadesu** ca suyyatīti sutīti saddova vutto. Yattha pana ṭhiteṇa sakkā hoti saddaṃ sotuṃ, tattha tiṭṭhanto saddasamīpe ṭhito nāma hotīti āha “**yattha ṭhatvā**”ti-ādi. Keci pana “suṇāti etthāti suti. Yattha ṭhito suṇāti, tassa ṭhānassetāṃ nāmaṃ. Tassa samīpaṃ upassutī”ti vadanti, evaṃ pana gayhamāne yasmim ṭhāne ṭhito suṇāti,

1. Asucikiraṇādīni (Syā)

tassa āsanne aññasmiṃ padese tiṭṭhatīti āpajjati. Aṭṭhakathāyañca **upassuti-**saddasseva atthaṃ dassetuṃ “yattha ṭhatvā sakkā hoti, tesaṃ vacanaṃ sotuṃ”ti vuttaṃ, na **suti-**saddassa. Tasmā pubbanayovettha pasatthataro. Atha vā upecca suyayati etthāti **upassuti**, ṭhānaṃ. Yaṃ ṭhānaṃ upagatena sakkā hoti kathentānaṃ saddaṃ sotuṃ, tatthāti evamattho gahetabbo. **Mantentanti** bhummatthe upayogavacananti āha “**mantaya māne**”ti.

473. **Ekaparicchedānī**ti “siyā kiriyaṃ, siyā akiriyaṃ”ti iminā nayena ekaparicchedāni. Imāni hi tīṇi sikkhāpadāni kadāci kiriyato samuṭṭhahanti, kadāci akiriyato, na ekakkhaṇeyeva kiriyākiriyato samuṭṭhahanti. Sesamettha uttānameva. Upasampannatā, codanādhippāyo, savananti imāni panettha tīṇi aṅgāni.

Upassutisikkhāpadavaṇṇanā niṭṭhitā.

9. Kammaṭṭibāhanasikkhāpadavaṇṇanā

474. Navamaṃ uttānatthameva. Dhammakammata, dhammakammanti saññā, chandaṃ datvā khiyyananti imāni panettha tīṇi aṅgāni.

Kammaṭṭibāhanasikkhāpadavaṇṇanā niṭṭhitā.

10. Chandaṃ adatvā gamanasikkhāpadavaṇṇanā

479. Dasamaṃ uttānatthameva. Vinicchayakathāya pavattamānatā, dhamma kammata, dhammakammasaññitā, samānasīmāyaṃ ṭhitatā, samānasamvāsakatā, kopetukāmatāya hatthapāsaviḥhananti imāni panettha cha aṅgāni.

Chandaṃ adatvā gamanasikkhāpadavaṇṇanā niṭṭhitā.

11. Dubbalasikkhāpadavaṇṇanā

484. Ekādasamampi uttānatthameva. Upasampannatā, dhammena laddhasammuditā, saṅghena saddhim vikappanupagacīvaradānaṃ, pacchā khīyitukāmatāya khiyyanāti imāni panettha cattāri aṅgāni.

Dubbalasikkhāpadavaṇṇanā niṭṭhitā.

489. Dvādasame natthi kiñci vattabbaṃ.

Niṭṭhito sahadhammikavaggo aṭṭhamo.

9. Rājavagga

1. Antepurasikkhāpadavaṇṇanā

497-499. Rājavaggassa paṭthamasikkhāpade aṭṭhakathāyaṃ sabbaṃ uttānatthameva. Pāḷiyaṃ pana ayamanuttānapadattho. **Kataṃ vā karissanti vāti** methunavītikkamaṇaṃ kataṃ vā karissanti vā. **Imesanti** padaṃ vibhattivipariṇāmaṃ katvā ubhayattha yojetabbaṃ “imehi kataṃ ime karissanti”ti. **Ratananti** maṇiratanādīsu yaṃkiñci. **Ubhatoti** dvīhi pakkhehi. “Ubhato sujāto”ti ettake vutte yehi kehici dvīhi bhāgehi sujātata viññāyeyya, **sujāta**-saddo ca “sujāto cārudassano”ti-ādīsu ārohasampatti pariyāyoti jātivaseneva sujātataṃ vibhāvetuṃ “**mātito ca pitito cā**”ti vuttaṃ. Anorasaputtavasenapi loke mātupitusamaññā dissati, idha pana sā orasaputtavaseneva icchitāti dassetuṃ “**saṃsuddhagahaṇiko**”ti vuttaṃ. Gabbhaṃ gaṇhāti dhāretīti gahaṇī, gabbhāsayasaññito¹ mātukucchippadeso. Saṃsuddhā gahaṇī assāti **saṃsuddhagahaṇiko**, saṃsuddhā tassa mātukucchīti vuttaṃ hoti. “Samavepākiniyā gahaṇiyā”ti ettha pana yathābhuttassa āhārassa vipācanavasena gaṇhanato ahaḍḍanato kammajatejodhātu “gahaṇī”ti vuccati.

1. Gabbhaseyyasaññāto (Syā)

Yāva sattamā pitāmahayugāti ettha pitu pitā pitāmaho, pitāmahassa yugam pitāmahayugam. “Yugan”ti āyuppamāṇam vuccati. Abhilāpamattameva cetam, atthato pana pitāmahoyeva pitāmahayugam. Pitā ca mātā ca pitaro, pitūnam pitaro pitāmahā, tesam yugo pitāmahayugo, tasmā yāva sattamā pitāmahayugā, pitāmahadvandāti evamettha attho daṭṭhabbo. Evañhi pitāmahaggahaṇeneva mātāmahopi gahito hoti. **Yuga-**saddo cettha ekasesena daṭṭhabbo yugo ca yugo ca yugoti. Evañhi tattha tattha dvandam gahitameva hoti, tasmā tato uddham sabbepi pubbapurisā pitāmahayuga ggahaṇeneva gahitā. Evam yāva sattamo pitāmahayugo, tāva saṃsuddhagahaṇiko.

Akkhittoti “apanetha etam, kim iminā”ti evam akkhitto anavakkhitto. **Anupakuṭṭho**ti na upakuṭṭho, na akkosam vā nindam vā pattapubbo. Kena kāraṇenāti āha “**jātivādenā**”ti. Ettha ca “ubhato -pa- pitāmahayugā”ti etena tassa yonidosābhāvo dassito saṃsuddhagahaṇikabhāvakittanato, “akkhitto”ti iminā kiriyāparādhābhāvo. Kiriyāparādhena hi sattā khepam pāpuṇanti. “Anupakuṭṭho”ti iminā ayuttasaṃsaggā bhāvo. Ayuttasaṃsaggañhi paṭicca sattā akkosam labhanti. Sesamettha uttānameva. Khattiyatā, abhisittatā, ubhinnampi sayanigharato anikkhantatā, appaṭisaṃviditatā, indakhilātikkamoti imāni panettha pañca aṅgāni.

Antepurasikkhāpadavaṇṇanā niṭṭhitā.

2. Ratanasikkhāpadavaṇṇanā

502. Dutiye **mahālatam nāmā**ti patikulam gacchantiyā kira tassā pitā mahālatāpiḷandhanam nāma kārāpesi. Tasmim piḷandhane catasso vajiranāliyo tattha tattha appetabbaṭṭhāne appanavasena viniyogam agamaṃsu, muttānam ekādasa nāliyo, pavālassa dvāvīsati nāliyo, maṇīnam tettiṃsa nāliyo. Iti etehi ca aññehi ca veḷuriyalohitaṅkamasāragallādīhi sattavaṇṇehi ca ratanehi niṭṭhānam

agamāsi. Tam sīse paṭimukkaṃ yāva pādapiṭṭhiyā bhassati, pañcannaṃ hatthīnaṃ balaṃ dhārayamānāva itthī naṃ dhāretuṃ sakkoti. Tam sandhāyetaṃ vuttaṃ.

506. Āvasathassa pana suppapāto vā musalapāto vā upacāro nāmāti yojetabbaṃ. **Āvasatho**ti cettha anto-ārāme vā hotu aññattha vā, attano vasanaṭṭhānaṃ vuccati. **Chandenapi bhayenapī**ti vaḍḍhakī-ādīsu chandena, rājavallabhesu bhayena. **Tameva bhikkhuṃ āsaṅkantī**ti vissarivā gamanakāle attano pacchato aññassābhāvā āsaṅkanti. **Patirūpaṃ** nāma ratanasammate paṃsukūlaggahaṇaṃ vā ratane nirussukkagamaṇaṃ vā. Yadi hi taṃ ratanasammataṃ āmāsaṃ ce, “natthi etassa sāmī”ti paṃsukūlaṃ gahessati. Anāmāsaṃ ce, “natthi etassa sāmī”ti paṃsukūlachinnapalibodho nirapekkho gamissati. **Samādapetvā**ti aññaṃ samādapetvā, “uddissa ariyā tiṭṭhanti, esā ariyānayaṇā”ti¹ vuttanayena yācitvāti attho. Sesamettha uttānameva. Ananuññātakaraṇaṃ, parasantakatā, vissāsaḅbhaṃ paṃsukūlasaññaṇaṃ abhāvo, uggahaṇaṃ vā uggahāpanaṃ vāti imāni panettha cattāri aṅgāni.

Ratanasikkhāpadavaṇṇanā niṭṭhitā.

3. Vikālagāmappavisanasikkhāpadavaṇṇanā

508. Tatiye **ariyamaggassā**ti ettha saggamaggopi saṅgahetabbo. Aniyyānikattā saggamokkhamaggānaṃ tiracchānabhūtā hi kathā **tiracchānakathā**. **Tiracchānabhūtanti** tirokaraṇabhūtaṃ vibandhanabhūtaṃ. **Rājapaṭisaṃyuttaṃ kathanti**² rājānaṃ ārabba “mahāsammato mandhātā dhammāsoko evaṃmahānubhāvo”ti-ādinā nayena pavattakathaṃ. Ettha ca “asuko rājā abhirūpo dassanīyo”ti-ādinā nayena gehassita kathāva tiracchānakathā hoti. “Sopi nāma evaṃmahānubhāvo khayāṃ gato”ti evaṃ pavattā pana aniccatāpaṭisaṃyuttā kammaṭṭhānabhāve tiṭṭhati. **Coresupi** “mūladevo evaṃmahānubhāvo, meghamālo

1. Khu 5. 162 piṭṭhe.

2. Dī-Ṭṭha 1. 85; Ma-Ṭṭha 3. 155; Saṃ-Ṭṭha 3. 325; Am-Ṭṭha 3. 318 piṭṭhesupi passitabbaṃ.

evaṃmahānubhāvo”ti tesāṃ kammaṃ paṭicca “aho sūrā”ti gehassitakathāva tiracchānakathā. **Yuddhepi** bharakayuddhādīsu “asukena asuko evaṃ mārito evaṃ viddho”ti kāmāssādavaseneva kathā tiracchānakathā. “Tepi nāma khayāṃ gatā”ti evaṃ pavattā pana sabbattha kammaṭṭhānameva hoti.

Apica **annādīsu** “evaṃ vaṇṇavantaṃ gandhavantaṃ rasavantaṃ phassasampannaṃ khādimha bhujjīma pivimha paribhuñjīma”ti kāmāssādavasena kathetum na vaṭṭati, sātthakaṃ pana katvā “pubbe evaṃ vaṇṇādisampannaṃ annaṃ pānaṃ vatthaṃ sayanaṃ mālāgandhaṃ sīlavantānaṃ adama, cetiyapūjaṃ akarimhā”ti kathetum vaṭṭati. **Ñātikathā**disupi “amhākaṃ ñātakā sūrā samatthā”ti vā “pubbe mayaṃ evaṃ vicitrehi yānehi vicarimhā”ti vā assādavasena vattum na vaṭṭati, sātthakaṃ pana katvā “tepi no ñātakā khayāṃ gatā”ti vā “pubbe mayaṃ evarūpā upāhanā saṃghassa adama”ti vā kathetabbaṃ. **Gāmakathāpi** suniviṭṭhadunniviṭṭhasubhikkhadubbhikkhādivasena vā “asukagāmaṃvāsino sūrā samatthā”ti vā evaṃ assādavasena na vaṭṭati, sātthakaṃ pana katvā “saddhā pasannā”ti vā “khayavayaṃ gatā”ti vā vattum vaṭṭati. **Nigamanagarajanapadakathāsupi** eseva nayo.

Itthikathāpi vaṇṇasaṅghānādīni paṭicca assādavasena na vaṭṭati, “saddhā pasannā, khayāṃ gatā”ti evaṃ vattum vaṭṭati. **Sūrakathāpi** “nandimitto nāma yodho sūro aho”ti assādavasena na vaṭṭati, “saddho aho, khayāṃ gato”ti evameva vaṭṭati. **Visikhā kathāpi** “asukā visikhā suniviṭṭhā dunniviṭṭhā sūrā samatthā”ti assādavaseneva na vaṭṭati, “saddhā pasannā, khayāṃ gatā” icceva vaṭṭati.

Kumbhaṭṭhānakathāti kuṭaṭṭhānakathā udakatitthakathā vuccati, kumbhadāsīkathā vā. Sāpi “pāsādīkā naccitum gāyitum chekā”ti assādavasena na vaṭṭati, “saddhā pasannā”ti-ādīnā nayeveva vaṭṭati. **Pubbapetakathā**ti atītañātikathā. Tattha vattamānañātikathāsadiso va vinicchayo.

Nānattakathāti purimacchimakathāvimuttā avasesā nānāsabhāvā niratthakakathā. **Lokakkhāyikā**ti “ayaṃ loko kena nimmitto,

asukena pajāpatinā brahmunā issarena vā nimmito, kāko seto aṭṭhīnaṃ setattā, bakā rattā lohitassa rattattā”ti evamādikā lokāyatavitaṇḍasallāpakathā. Uppattiṭhitisamhārādivasena lokam akkhāyatīti **lokakkhāyikā. Samuddakkhāyikā** nāma kasmā samuddo sāgaro, sāgarassa rañño puttehi khatattā sāgaro. Khato amhehīti hatthamuddāya niveditattā samuddoti evamādikā niratthakā samuddakkhāyikakathā.

Iti bhavo iti abhavoti yaṃ vā taṃ vā niratthakakāraṇaṃ vatvā pavattitakathā **itibhavābhavakathā**. Ettha ca **bhavoti** sassataṃ, **abhavoti** ucchedaṃ. **Bhavoti** vuddhi, **abhavoti** hāni. **Bhavoti** kāmasukhaṃ, **abhavoti** attakilamatho. Iti imāya chabbidhāya itibhavābhavakathāya saddhiṃ bāttiṃsa tiracchānakathā nāma hoti. Atha vā pāḷiyaṃ sarūpato anāgatāpi araññapabbatanadīpapakathā **iti**-saddena saṅgahetvā chattiṃsa¹ tiracchānakathāti vuccati. **Iti vāti** hi ettha **iti**-saddo pakāratthe, **vā**-saddo vikappatthe. Idaṃ vuttaṃ hoti—“evampakāraṃ ito aññaṃ vā tādisaṃ niratthakakathaṃ kathenti”ti. Ādi-atthe vā **iti**-saddo “iti vā iti evarūpā naccagītavāditavisūkadassanā paṭivirato”ti-ādīsu² viya, evamādiṃ aññaṃpi tādisaṃ kathaṃ kathenti attho.

512. **Aparikkhittassa gāmassa upacāro adinnādāne vuttanayeneva veditabboti** iminā dutiyaleḍḍupāto idha upacāroti dasseti. Sesamettha uttānameva. Santaṃ bhikkhuṃ anāpucchana, anuññātakāraṇābhāvo, vikāle gāmappavisananti imāni panettha tīṇi aṅgāni.

Vikālagāmappavisanasikkhāpadavaṇṇanā niṭṭhitā.

4. Sūcigharasikkhāpadavaṇṇanā

517. Catutthe **taṃ assa atthīti** paṭhamaṃ bhindivā pacchā desetabbattā taṃ bhedanakaṃ tassa pācittiyassa atthīti **bhedanakaṃ**, pācittiyaṃ.

1. Bāttiṃsa (Ka)

2. Dī 1. 5, 60 piṭṭhesu.

Assatthi-atthe a-kārapaccayo daṭṭhabbo. **Vāsijaṭeti** vāsidaṇḍake. Sesamettha uttānameva. Sūciḡharatā, aṭṭhimayādītā, attano atthāya karaṇaṃ vā kārāpetvā vā paṭilābhoti imāni panettha tīṇi aṅgāni.

Sūciḡharasikkhāpadavaṇṇanā niṭṭhitā.

5. Mañcapīṭhasikkhāpadavaṇṇanā

522. Pañcame **chedanakaṃ vuttanayamevāti** chedanameva chedanakaṃ, taṃ tassa atthīti **chedanakanti** imamattaṃ atidissati. Sesamettha uttānameva. Pamāṇāti kkantamañcapīṭhatā, attano atthāya karaṇaṃ vā kārāpetvā vā paṭilābhoti imāni panettha dve aṅgāni.

Mañcapīṭhasikkhāpadavaṇṇanā niṭṭhitā.

6. Tūlonaddhasikkhāpadavaṇṇanā

526. Chaṭṭhe **tūlaṃ pakkhipitvāti** heṭṭhā cimilikaṃ pattharivā tassa upari tūlaṃ pakkhipitvāti attho. **Poṭakitūlanti** erakatūlādi yaṃkiñci tiṇajātīnaṃ tūlaṃ. Sesamettha uttānameva. Tūlonaddhamañcapīṭhatā, attano atthāya karaṇaṃ vā kārāpetvā vā paṭilābhoti imāni panettha dve aṅgāni. Attanā kārāpitassa hi paṭilābhamatteneva pācittiyaṃ. Teneva padabhājane “paṭilābhena uddāletvā pācittiyaṃ desetabban”ti vuttaṃ. **Kenaci** pana “paṭilābhena uddāletvā pācittiyaṃ desetabbanti ettha kiñcāpi paṭilābhamatteneva pācittiyaṃ viya dissati, paribhogeyeva āpatti daṭṭhabbā. ‘Aññena kataṃ paṭilābhivā paribhuñjati, āpatti dukkaṭassā’ti vacanaṃ ettha sādhanā”ti vuttaṃ, taṃ tassa matimattaṃ. Na hi “aññena kataṃ paṭilābhivā paribhuñjati, āpatti dukkaṭassā”ti idaṃ attanā kārāpitaṃ sandhāya vuttaṃ, karaṇakāraṇapaccayā ca iminā sikkhāpadena pācittiyaṃ vuttaṃ, na paribhogapaccayā. “Na bhikkhave tūlonaddhaṃ mañcaṃ vā pīṭhaṃ vā paribhuñjitabbaṃ, yo paribhuñjeyya, āpatti dukkaṭassā”ti hi

khandhake vuttattā attanā vā kataṃ hotu aññena vā, paribhuñjantassa paribhogapaccayā dukkaṭameva, na pācittiyaṃ.

Tūlonaddhasikkhāpadavaṇṇanā niṭṭhitā.

7. Nisīdanasikkhāpadavaṇṇanā

531. Sattame yaṃ vattabbaṃ, taṃ nisīdanasanthasikkhāpade vuttameva. Nisīdanassa pamāṇātikkantatā, attano atthāya karaṇaṃ vā kārāpetvā vā paṭilābhoti imāni panettha dve aṅgāni.

Nisīdanasikkhāpadavaṇṇanā niṭṭhitā.

537-542-547. Aṭṭhamanavamadasamesu natthi vattabbaṃ, aṅgānipi sattameva vuttanayeneva veditabbāni.

Niṭṭhito rājavaggo navamo.

Iti samantapāsādikāya vinayaṭṭhakathāya sāratthadīpaniyaṃ

Khuddakavaṇṇanā samattā.

Pācittiyakaṇḍaṃ niṭṭhitaṃ.

6. Pāṭidesanīyakaṇḍa

Pāṭidesanīyasikkhāpadavaṇṇanā

552. Pāṭidesanīyesu paṭhame “gārayham āvusoti-ādi paṭidesetabbākāra dassanan”ti vacanato pāḷiyam āgatanayeneva āpatti desetabbā. Asappāyanti saggamokkhānam ahitam ananukūlam. Sesamettha uttānameva. Paripuṇṇūpasampannatā, aññātikatā, antaraghare ṭhitāya hatthato sahatthā paṭiggahaṇam, yāvakālikatā, ajjhoharaṇanti imāni panettha pañca aṅgāni.

557-562-570. Dutiyatīyacatutthesu natthi vattabham, aṅgesu pana dutiye paripuṇṇūpasampannatā, pañcabhojanatā, antaraghare ṭhitāya anuññātapākārato aññathā vosāsanā, anivāraṇā, ajjhohāroti imāni pañca aṅgāni.

Tatiye sekkhasammatatā, pubbe animantitatā, agilānatā, gharūpacārokkamanam, ṭhapetvā niccabbattādīni aññam āmisam gahetvā bhujjananti imāni pañca aṅgāni.

Catutthe yathāvutta-āraññakasenāsanatā, yāvakālikassa atatthajātakatā, agilānatā, agilānavasesakatā, appaṭisamviditatā, ajjhārāme paṭiggahaṇam, ajjhoharaṇanti imāni satta aṅgāni.

Pāṭidesanīyasikkhāpadavaṇṇanā niṭṭhitā.

Pāṭidesanīyakaṇḍam niṭṭhitam.

7. Sekhiyakaṇḍa

1. Parimaṇḍalavaggavaṇṇanā

Sekhiyesu **sikkhasikkhenā**ti catūhi maggehi tisso sikkhā sikkhitvā ṭhitena, sabbaso pariniṭṭhitakiccenāti vuttam̐ hoti. **Tādinā**ti aṭṭhahi lokadhammehi akampiyatṭhena tādinā.

576. **Sikkhā karaṇīyā**ti “evam̐ nivāsessāmī”ti ārāmeṇi antaragharepi sabbattha sikkhā kattabbā. Ettha ca yasmā vattakkhandhake vuttavattānīpi sikkhitabbattā sekhiyāneva honti, tasmā pārājikādīsu viya paricchedo na kato, cārittanayadassa natthañca “yo pana bhikkhu olambento nivāseyya, dukkaṭam̐”ti evam̐ āpattināmena avatvā “sikkhā karaṇīyā”ti evam̐ sabbasikkhāpadesu pāḷi āropitā. Padabhājane pana “āpatti dukkaṭassā”ti vuttattā sabbattha anādariyakaraṇe dukkaṭam̐ veditabbam̐. **Vuttanti** mahā-aṭṭhakathāyam̐ vuttam̐. Yasmā aṭṭhaṅgulamattam̐ oṭāretvā nivatthameva nisinnassa caturaṅgulamattam̐ hoti, tasmā ubhopete aṭṭhakathāvādā ekaparicchedā. **Te sabbeti** nivāsanadosā.

Tam̐ panāti tam̐ anādariyam̐. Kiñcāpi kurundivādam̐ pacchā vadantena “parimaṇḍalam̐ nivāsetum̐ ajānantassa anāpatti”ti ayamattṭho patiṭṭhāpito, tathāpi nivāsanavattam̐ sādhuḥkam̐ uggahetabbameva. Sañcicca anuggaṇhantassa anādariyam̐ siyā. Teneva **mātikāṭṭhakathāyam̐**¹ vuttam̐ “ajānantassāti parimaṇḍalam̐ nivāsetum̐ ajānantassa anāpatti, apica nivāsanavattam̐ uggahetabban”ti.

Sacittakanti vatthuvijānanacittena paṇṇattivijānanacittena ca sacittakam̐ “anādariyam̐ paṭicca”ti vuttattā. “Pāṇātipātādi viya nivāsanadoso lokagarahito na hoṭīti paṇṇattivajjan”ti **phussadevatthero** āha. **Upatissatthero** pana “yasmā anādariyavaseneva āpajjitabbattā kevalam̐ akusalameva, tañca pakatiyā vajjam̐, sañcicca

1. Kaṅkhā-Ṭṭha 277 piṭṭhe.

pītikkamanañca domanassitasseva hoti, tasmā lokavajjam akusalacittam dukkhavedanan”ti āha. Anādariyam, anāpattikāraṇābhāvo, aparimaṇḍalanivāsananti imāni panettha tīṇi aṅgāni. Yathā cettha, evam sabbattha purimāni dve tattha tattha vuttapaṭipakkhakarāṇācāti tīṇiyeva honti.

577. Dutiyādīsu **anekappakāram ghipārutanti** setapaṭapārutam paribbājaka pārutam ekasāṭakapārutanti-ādi anekappabhedam ghipārutam. Tassattho khandhakeyeva āvi bhavissati. **Vihārepīti** buddhupaṭṭhānādikalām sandhāya vuttam.

578. “Suppaṭicchanno”ti vuttattā “sasīsam pāruto sabbathā suppaṭicchannattā suppaṭicchanno nāma hotī”ti yassa siyā, tam sandhāyāha “**na sasīsam pārutenā**”ti-ādi.

582. **Ekasmim pana thāne thatvāti** ettha “gacchantopi parissayābhāvam oloketum labhatiyeva, tathā gāme pūjan”ti tīsupi **ganṭhipadesu** vuttam.

Parimaṇḍalavaggavaṇṇanā niṭṭhitā.

2. Ujjagghikavaggavaṇṇanā

586. Dutiyavagge **hasanīyasmim vatthusminti** hāsajanake kāraṇe.

Ujjagghikavaggavaṇṇanā niṭṭhitā.

3. Khambhakatavaggavaṇṇanā

603. Tatiyavagge patte saññā pattasaññā, sā assa atthīti **pattasaññī**, attano bhājane upanibandhasaññī hutvāti attho. Byañjanam pana anādiyitvā atthamattameva dassetum “**patte saññiam katvā**”ti vuttam.

604. **Oloṇīti** ekā byañjanavikati. “Yo koci suddho kañjikatakkādiraso”ti keci. **Sākasūpeyya**-ggahaṇena yā kāci

sūpeyyasākehi katā byañjanavikati vuttā. **Mamsarasādīnīti ādi**-saddena avasesā sabbāpi byañjanavikati saṅgahitāti daṭṭhabbam. Teneva **mātikāṭṭhakathāyam**¹ vuttam “ṭhapetvā pana sūpaṃ avasesā sabbāpi sūpeyyā byañjanavikati rasaraso nāma hotī”ti.

605. **Samapuṇṇanti** adhiṭṭhānupagassa pattassa antomukhavaṭṭilekham anatikkāmetvā racitam. **Samabharitanti** tasseva vevacanam. **Phalāphalādīti ādi**-saddena odanādimpī saṅgaṇhāti. **Heṭṭhā orohatīti** samantā okāsasabbhāvato cāliyamānam heṭṭhā bhassati. Matthake thūpīkatham pūvameva vaṭamsakasadisattā “**pūvavaṭamsakan**”ti vuttam. **Pupphavaṭamsakādīsupi** eseva nayo.

Yasmā “samatittiko piṇḍapāto paṭiggahetabbo”ti vacanam piṇḍapāto sampuṇṇo² paṭiggahetabboti dīpeti, tasmā attano hatthagate patte piṇḍapāto diyyamāno thūpīkatopi ce hoti, vaṭṭatīti dīpeti. “Thūpīkatham piṇḍapātam paṭiggaṇhāti, āpatti dukkaṭassā”ti hi vacanam paṭhamam thūpīkatham piṇḍapātam pacchā paṭiggaṇhato āpattīti dīpeti. “Patte paṭiggaṇhato ca thūpīkatham hoti, vaṭṭati athūpīkatassa paṭiggahitattā, payogo pana natthi aññatra pubbadesā”ti **kenaci** vuttam, tam na sārato paccetabbam. “Na thūpīkatham piṇḍapātam paṭiggaṇhāti”ti vacanam paṭhamam thūpīkatasseva pacchā paṭiggaṇhanam dīpeti. Na hi hatthagatepi patte diyyamānam thūpīkatham gaṇhanto thūpīkatham piṇḍapātam paṭiggaṇhanto nāma na hoti, na ca tena samatittiko piṇḍapāto paṭiggahitoti sakkā viññātuṃ. “Thūpīkatan”ti ca bhāvanapuṃsakaniddese gayhamāne ayamattho suṭṭhutam pākaṭoyevāti.

Khambhakatavaggavaṇṇanā niṭṭhitā.

4. Sakkaccavaggavaṇṇanā

608. Catutthavagge **sapadānanti** ettha dānam vuccati avakhaṇḍanam, apetaṃ dānato apadānam, anavakhaṇḍananti attho. Saha apadānena sapadānam,

1. Kaṅkhā-Ṭṭha 281 piṭṭhe.

2. Samapuṇṇo (Syā)

avakhaṇḍanavirahitaṃ, anupaṭipāṭiyāti vuttaṃ hoti. Tenāha “**tattha tattha odhiṃ akatvā anupaṭipāṭiyā**”ti.

611. Yasmiṃ samaye “pāṇo na hantabbo”ti rājāno bheriṃ carāpentī, ayaṃ **māghātasamayo** nāma. Idha anāpattiyaṃ gilāno na āgato, tasmā gilānassapī āpatti. Sūpodanaviññattisikkhāpade **asañcicca assatiyā**ti ettha “mukhe pakkhipitvā puna vippaṭisārī hutvā chaḍḍentassa aruciyaṃ pavisante ‘asañciccā’ti vuccati, viññattimpī aviññattimpī etasmiṃ ṭhāne ṭhitaṃ sahasā gahetvā bhuñjante ‘assatiyā’ti vuccati”ti tīsupi **gaṇṭhipadesu** vuttaṃ.

614-615. Ujjhāne saññā ujjhānasaññā, sā assa atthīti **ujjhānasaññī**. “Mayūraṇḍaṃ atimahantaṃ”ti vacanato mayūraṇḍappamāṇo kabaḷo na vaṭṭati. Keci pana “mayūraṇḍato mahanto na vaṭṭati”ti vadanti, taṃ na gahetabbaṃ, “nātimahantaṃ”ti ca atimahantasseva paṭikkhittatā khuddake āpatti na dissati. “Mayūraṇḍaṃ atimahantaṃ, kukkuṭaṇḍaṃ atikhuddakaṃ, tesam vemaṃjhappamāṇo”ti iminā pana tāruppavasena khuddakampi paṭikkhipitvā paricchedo na dassitoti veditabbaṃ.

Sakkaccavaggavaṇṇanā niṭṭhitā.

5. Kabaḷavaggavaṇṇanā

618. Pañcamavagge **sabbaṃ hatthanti** ettha **hattha**-saddo tadekadasesu aṅgulīsu datṭhabbo “hatthamuddā”ti-ādīsu viya, samudāye pavattavohārassa avayavepi vattanato ekaṅgulimpī mukhe pakkhipituṃ na vaṭṭati.

Kabaḷavaggavaṇṇanā niṭṭhitā.

6. Surusuruvaggavaṇṇanā

627. Chaṭṭhavagge **sīṭikatoti** sītaṭṭo, sītapīḷitoti vuttaṃ hoti. **Silakabuddhoti** pariḥāsavacanametam. Silakañhi kañci disvā “buddho ayan”ti voharanti.

634. **Vilīvacchattanti** veṇuvilīvehi kataṃ chattam.

Tatthajātakadaṇḍakena katanti tālapaṇṇam saha daṇḍakena chinditvā tameva chattadaṇḍam karonti gopālakādayo viya, tam sandhāyetam vuttam.

Chattapādukāya vā ṭhitam hotīti ettha chattapādukā vuccati chattādhāro. Yasmiṃ chattam apatamānam katvā ṭhapenti, tādisikāya chattapādukāya ṭhitam chattam “chattan”ti ajjhāharitabbam. “Chattam chattapādukāya ṭhitan”tipi paṭhanti, tatthāpi ayamevattho.

637. **Cāpoti** majjhe vaṅkā kācadaṇḍasadisā dhanuvikati. **Kodaṇḍoti** vaṭṭaladaṇḍā dhanuvikati. **Paṭimukkanti** pavesitam laggitam.

Surusuruvaggavaṇṇanā niṭṭhitā.

7. Pādukavaggavaṇṇanā

647. Sattamavagge **paṭicchanno hutvāti** so kira rattibhāge uyyānam gantvā ambam abhiruhitvā sākāya sākham ambam olokento vicari. Tassa tathā karontasseva ratti vibhāyi. So cintesi “sace idāni otarivā gamissāmi, disvā maṃ coroti gahessanti, rattibhāge gamissāmi”ti. Athekam viṭapam abhiruhitvā nilīno acchi. Tam sandhāyetam vuttam. So rukkhato otaranto ekam olambinisākham gahetvā tesam ubhinampi antare patiṭṭhāsi. Tam sandhāya vuttam “**tesam dvinnampi antarā rukkhato patito**”ti. **Pāliya attham na jānantīti** attano gahaṇassa attham na jānanti.

Jātakapāliyam¹ pana ayam gāthā—

“Sabbamidam caritam kataṃ, ubho dhammam na passare. Ubho pakatiyā cutā, yo cāyam mantejjhāpeti. Yo ca mantam adhīyatī”ti—
evamāgatā. Tassāyamattho²—**sabbamidam caritam katanti** yam amhehi tīhi janehi kataṃ, sabbamidam kiccam lāmakam nimmariyādam adhammikam. Evam

1. Khu 5. 97 piṭṭhe.

2. Jātaka-Ṭṭha 3. 27 piṭṭhādisupi passitabbam.

attano corabhāvaṃ tesaṅca mantesu agāraṃ garahitvā puna itare dveyeva garahanto “**Ubho dhammaṃ na passare**”ti-ādimāha. Tattha **ubhoti** ime dvepi janā garukārārahaṃ porāṇakadhammaṃ na passanti, tatova dhammapakatito cutā. Dhammo hi paṭhamuppattivasena **pakati** nāma. Vuttampi cetam—

“Dhammo have pāturahosi pubbe,
Pacchā adhammo udapādi loke”ti¹.

Yo cāyanti yo ca ayaṃ nīce nisīditvā mante ajjhāpeti, yo ca ucce nisīditvā adhīyatīti.

Sālīnanti ayaṃ gāthāpi—

“Sālīnaṃ odanaṃ bhuñje, sucim maṃsūpasecanaṃ.
Tasmā etaṃ na sevāmi, dhammaṃ isihi sevitan”ti²—

evaṃ jātake āgatā. Tattha **sucinti** paṇḍaraṃ parisuddhaṃ.

Maṃsūpasecananti nānappakārāya maṃsavikatiyā sittaṃ bhuñje, bhuñjāmīti attho. Sesam pākaṭameva.

Dhiratthūti dhi attho, nindā bhavatūti attho, garahāma taṃ mayanti vuttaṃ hoti. **Laddhalābhoti** dhanalābhaṃ yasalābhaṅca sandhāya vadati. **Vinipātanahetunāti** vinipātanassa hetubhāvena. **Vutti nāma hotīti** yathāvutto duvidhopi lābho apāyasaṃ vattanikatāya samparāye vinipātanahetubhāvena pavattanato sampati adhammacaraṇena pavattanato ca vutti nāma hotīti attho. **Evarūpā yā vuttīti** evarūpā dhanalābhayasalābhasaṅkhātā yā vutti. **Adhammacaraṇena vāti vā-saddo** sampiṇḍanattho. **Tvanti** upayogathe paccattavacanaṃ, taṃ icceva vā pāṭho. **Asmāti** pāsāṇādhivacanametam.

Pādukavaggavaṇṇanā niṭṭhitā.

Sesam uttānameva.

Sekhiyakaṇḍam niṭṭhitam.

1. Khu 5. 229 piṭṭhe.

2. Khu 5. 97 piṭṭhe.

Adhikaraṇasamathesu yaṃ vattabbaṃ, taṃ aṭṭhakathāyaṃ
āgataṭṭhāneyeva dassayissāma.

Iti samantapāsādikāya vinayaṭṭhakathāya sārattadīpaniyaṃ
Bhikkhu vibhaṅgavaṇṇanā niṭṭhitā.

Mahāvibhaṅgo niṭṭhito.

Bhikkhunīvibhaṅgavaṇṇanā

Namo tassa Bhagavato Arahato Sammāsambuddhassa.

1. Pārājikakaṇḍa

1. Paṭhamapārājikasikkhāpadavaṇṇanā

656. Bhikkhunīvibhaṅge yoti yo bhikkhunīnaṃ vibhaṅgo. Migāranattāti majjhapadalopenetaṃ vuttanti āha “migāramātuyā pana nattā hotī”ti. Migāramātāti visākhāyetaṃ adhivacanaṃ. Navakammādhiṭṭhāyikanti navakammasaṃvidhāyikaṃ. Byañjanaṇaṃ paṭivijjhitabbo ākāro nātigambhīro, yathāsutaṃ dhāraṇameva tattha karaṇīyanti satiyā byāpāro adhiko, paññā tattha guṇībhūtāti¹ vuttam “satipubbaṅgamāya paññāyā”ti. Sati pubbaṅgamā etissāti satipubbaṅgamā. Pubbaṅgamatā cettha padhānabhāvo “manopubbaṅgamā”ti-ādīsu viya. Atthaggaṇe pana paññāya byāpāro adhiko paṭivijjhitabbassa atthassa atigambhīrattāti āha “paññāpubbaṅgamāya satiyā”ti. Ālasiyaṃvirahitāti kosajjarahitā. Yathā aññā kusitā nisinnaṭṭhāne nisinnāva honti, ṭhitattṭhāne ṭhitāva, evaṃ ahutvā vipphārikena cittena sabbakiccaṃ nipphādeti.

Sabbā bhikkhuniyo satthuladdhūpasampadā saṃghato laddhūpasampadāti duvidhā. Garudhammapaṭiggahaṇena hi laddhūpasampadā mahāpajāpatigotamī satthu santikāva laddhūpasampadattā satthuladdhūpasampadā nāma. Sesā sabbāpi saṃghato laddhūpasampadā. Tāpi ekato upasampannā ubhato-upasampannāti duvidhā. Tattha yā tā mahāpajāpatigotamiyā saddhim nikkhantā pañcasatā sākiyāniyo, tā ekato upasampannā bhikkhusaṃghato eva laddhūpasampadattā, itarā ubhato-upasampannā ubhatosaṃghe upasampannattā. Ehi bhikkhunībhāvena upasampannā pana bhikkhuniyo na santi tāsāṃ

1. Guṇabhūtāti (Syā)

tathā upasampadāya abhāvato. Yadi evaṃ “ehi bhikkhunī”ti idha kasmā vuttanti? Desanāya sotapatitabhāvato. Ayañhi sotapatitatā nāma katthaci labbhamānassapi aggahaṇena hoti, yathā abhidhamme manodhātuniddese¹ labbhamānampi jhānaṅgaṃ pañcaviññāṇasote patitāya na uddhaṭaṃ katthaci desanāya asambhavato, yathā tattheva vatthuniddese² hadayavatthu. Katthaci alabbhamānassapi gahaṇavasena yathāṭhitakappīniddese. Yathāha—

“Katamo ca puggalo ṭhitakappī? Ayañca puggalo sotāpatti phalāsacchikiriyāya paṭipanno assa, kappassa ca uḍḍayhanavelā assa, neva tāva kappo uḍḍayheyya, yāvāyaṃ puggalo na sotāpatti phalaṃ sacchikareyyā”ti³.

Evamidhāpi alabbhamānagahaṇavasena vedītabbaṃ.

Parikappavacanañhetam “sace bhagavā bhikkhunībhāvayogyaṃ kañci mātugāmaṃ “ehi bhikkhunī”ti vadeyya, evaṃ bhikkhunībhāvo siyā”ti.

Kasmā pana bhagavā evaṃ na kathesīti? Tathā katādhikārānaṃ abhāvato. Ye pana “anāsannāsannihitabhāvato”ti kāraṇaṃ vatvā “bhikkhū eva hi satthu āsannacārino sadā sannihitā ca honti, tasmā te eva ‘ehibhikkhū’ti vattabbaṃ arahanti, na bhikkhuniyo”ti vadanti, taṃ tesam matimattaṃ satthu āsannadūrabhāvassa bhabbā bhabbabhāvasiddhattā. Vuttañhetam bhagavatā—

“Saṅghāṭikaṇṇe cepi me bhikkhave bhikkhu gahetvā piṭṭhito piṭṭhito anubandho assa pāde pādaṃ nikkhipanto, so ca hoti abhijjhālu kāmesu tibbasārāgo byāpannacitto paduṭṭhamanasaṅkappo muṭṭhassati asampajāno asamāhito vibbhantacitto pākatindriyo, atha kho so ārakāva mayhaṃ, ahañca tassa. Tam kissa hetu? Dhammaṃ hi so bhikkhave bhikkhu na passati, dhammaṃ apassanto na maṃ passati. Yojanasate cepi so bhikkhave bhikkhu vihareyya, so ca hoti anabhijjhālu kāmesu na tibbasārāgo abyāpannacitto appaduṭṭhamanasaṅkappo

1. Abhi 1. 44 piṭṭhe.

2. Abhi 1. 146 piṭṭhe.

3. Abhi 3. 116 piṭṭhe.

upaṭṭhitassati sampajāno samāhito ekaggacitto samvutindriyo, atha kho so santikeva mayhaṃ, ahañca tassa. Taṃ kissa hetu? Dhammaṃ hi so bhikkhave bhikkhu passati, dhammaṃ passanto maṃ passatī”ti¹.

Tasmā akāraṇaṃ desato satthu āsannānāsannatā. Akatādhikāratāya pana bhikkhunīnaṃ ehibhikkhunūpasampadāya ayogyatā veditabbā.

Yadi evaṃ yaṃ taṃ therīgāthāsu bhaddāya kuṇḍalakesāya vuttaṃ—

“Nihacca jāṇuṃ vanditvā, sammukhā añjaliṃ akaṃ.
Ehi bhaddeti maṃ avaca, sā me āsūpasampadā”ti².

Tathā **apadānēpi**—

“Āyācito tadā āha, ehi bhaddeti nāyako.
Tadāhaṃ upasampannā, parittaṃ toyamaddasan”ti³,

taṃ kathanti? Nayidaṃ ehibhikkhunībhāvena upasampadaṃ sandhāya vuttaṃ, upasampadāya pana hetubhāvato “yā satthu āṇatti, sā me āsūpasampadā”ti vuttā. Tathā hi vuttaṃ **aṭṭhakathāyaṃ**⁴ “ehi bhaddeti bhikkhunupassayaṃ gantvā bhikkhunīnaṃ santike pabbaja upasampajjassūti maṃ avaca āṇāpesi, sā satthu āṇā mayhaṃ upasampadāya kāraṇatā upasampadā āsi ahoṣī”ti. **Apadānagāthāyaṃ**³ evameva attho gahetabbo. Tasmā bhikkhunīnaṃ ehi bhikkhunūpasampadā natthiyevāti niṭṭhamettha gantabbāṃ. Yathā cetāṃ sotapatitavasena “ehi bhikkhuni”ti vuttaṃ, evaṃ “tīhi saraṇagamehi upasampannāti bhikkhuni”ti idampi sotapatitavaseneva vuttanti daṭṭhabbaṃ saraṇagamanūpasampadāyapi bhikkhunīnaṃ asambhavato.

659. Bhikkhuvibhaṅge “kāyasaṃsaggaṃ sādiyeyyā”ti avatvā “samāpajjeyyā”ti vuttattā **“bhikkhu āpattiyā na kāretabbo”**ti vuttaṃ. **Tabbahulanayenā**ti kiriyāsamuṭṭhānasseva bahulabhāvato. Dissati hi tabbahulanayena tabbohāro yathā “brāhmaṇagāmo”ti.

1. Khu 1. 256 piṭṭhe.

3. Khu 4. 243 piṭṭhe.

2. Khu 2. 391 piṭṭhe.

4. Therīgāthā-Ṭṭha 111 piṭṭhe.

Brāhmaṇagāmepe hi antamaso rajakādīni pañca kulāni santi. **Sāti** kiriyāsamuṭṭhānatā.

662. **Tathevāti** kāyasaṃsaggarāgena avassutoyevāti attho. Sesamettha uttānameva.

Paṭhamapārājikasikkhāpadavaṇṇanā niṭṭhitā.

2. Dutiyapārājikasikkhāpadavaṇṇanā

666. Dutiye “kissa pana tvaṃ ayye jānaṃ pārājikaṃ dhammaṃ ajjhāpannaṃ”ti vacanato “uddiṭṭhā kho ayyāso aṭṭha pārājikā dhammā”ti-ādivacanato ca bhikkhunī vibhaṅgaṃ patvā sādharmaṇāni sikkhāpadāni bhikkhūnaṃ uppannavatthusmiṃyeva “yā pana bhikkhunī chandaso methunaṃ dhammaṃ paṭiseveyya, antamaso tiracchānagate napi, pārājikā hoti asaṃvāsā”ti-ādīnā nayena savisesampi avisesampi mātikaṃ ṭhapetvā anukkamena padabhājanaṃ āpattibhedanā tikacchedanā anāpattivāraṇca anavasesaṃ vatvā vitthāresi. Saṅgītikārahehi pana asādharmaṇapaññattiyoyeva idha vitthāritāti veditabbā.

Atha uparimesu dvīsu apaññattesu aṭṭhannaṃ pārājikānaṃ aññataranti idaṃ vacanaṃ na yujjatīti āha “**idaṃca pārājikaṃ pacchā paññattan**”ti-ādi. Yadi evaṃ imasmiṃ okāse kasmā ṭhapitanti āha “**purimena pana saddhiṃ yugaḷattā**”ti-ādi, purimena saddhiṃ ekasambandhabhāvato idha vuttanti adhippāyo. “Aṭṭhannaṃ pārājikānaṃ aññataran”ti vacanato ca vajjapaṭicchādikaṃ yā paṭicchādeti, sāpi vajjapaṭicchādikāyevāti daṭṭhabbaṃ. Kiñcāpi vajjapaṭicchādanaṃ pemavasena hoti, tathāpi sikkhāpadavītikkamacittaṃ domanassitameva hotīti katvā “**dukkhavedanan**”ti vuttanā. Sesamettha uttānameva.

Dutiyapārājikasikkhāpadavaṇṇanā niṭṭhitā.

668. Tatiyaṃ uttānatthameva.

4. Catutthapārājikasikkhāpadavaṇṇanā

675. Catutthe **lokassādamittasanthavavasenāti** lokassādasāṅkhātassa mittasantha vassa vasena. Vuttamevatthaṃ pariyāyantarena vibhāvetuṃ “**kāyasaṃsaggarāgenā**”ti vuttaṃ.

Tissitthiyo methunaṃ taṃ na sevati¹ yā tisso itthiyo vuttā, tāsupi yaṃ taṃ methunaṃ nāma, taṃ na sevati. **Tayo puriseti** tayo purisepi upagantvā methunaṃ na sevati. **Tayo ca anariyapaṇḍaketi** ubhatobyañjanasaṅkhāte tayo anariye, tayo ca paṇḍaketi imepi cha jane upagantvā methunaṃ na sevati. **Na cācare methunaṃ byañjanasminti** anulomapārājikavasenapi attano nimitte methunaṃ nācarati. **Chejjaṃ siyā methunadhammapaccayāti** siyā methunadhammapaccayā pārājikanti ayaṃ pañho aṭṭhavatthukaṃva sandhāya vutto. Tassā hi methunadhammassa pubbhāgākāyasaṃsaggaṃ āpajjituṃ vāyamantiyā methunadhammapaccayā chejjaṃ hoti. Chedoyeva chejjaṃ.

Methunadhammassa pubbhāgattāti iminā methunadhammassa pubbhāga bhūto kāyasaṃsaggoyeva tattha **methunadhamma**-saddena vutto, na dvayaṃdvayasamā pattīti dīpeti. **Vaṇṇāvanno**ti dvīhi sukkavissaṭṭhi vuttā. **Gamanuppādananti**² sañcaritaṃ. **Sabbapadesūti** “saṅghāṭikaṇṇaggahaṇaṃ sādiyeyyā”ti-ādīsu. Sesamettha uttānameva. Kāyasaṃsaggarāgo, sa-ussāhatā, aṭṭhamassa vatthussa pūraṇanti imāni panettha tīṇi aṅgāni.

Catutthapārājikasikkhāpadavaṇṇanā niṭṭhitā.

Bhikkhunīvibhaṅge pārājikakaṇḍavaṇṇanā niṭṭhitā.

Pārājikakaṇḍaṃ niṭṭhitaṃ.

1. Vi-Ṭṭha 4. 240 piṭṭhepi passitabbaṃ.

2. Vanamanuppādananti (Syā)

2. Saṃghādisesakaṇḍa

1. Paṭhamasaṃghādisesasikkhāpadavaṇṇanā

679. Saṃghādisesakaṇḍassa paṭhamasikkhāpade **dvīsu janesūti** aḍḍakārakesu dvīsu janesu. **Yo kocīti** tesuyeva dvīsu yo koci, añño vā tehi āṇatto. **Dutiyassa āroceṭīti** etthāpi dvīsu janesu yassa kassaci dutiyassa katham̐ yo koci āroceṭīti evamattho gahetabboti āha “**dutiyassa āroceṭīti etthāpi eseva nayo**”ti. **Gatigatanti** cirakālapa vattam̐.

Āpattīti āpajjanam̐. **Saha vatthujjhācārāti** vatthuvīttikkamena saha. Sahayoge karaṇavacanappasaṅge idam̐ nissakkavacanam̐. **Yanti** yaṃ dhammam̐. **Nissāreṭīti** āpannam̐ bhikkhunisaṃghamhā nissāreṭi. Hetumhi cāyam̐ kattuvohāro. Nissāraṇahetu bhūto hi dhammo **nissāraṇīyoti** vutto. Gīvāyeva hoti, na pārājikam̐ anāṇattiyā gahitattā. Yathā dāsadāsīvāpī-ādīni sampaticchitum̐ na vaṭṭati, evam̐ tesam̐ atthāya aḍḍakaraṇampi na vaṭṭatīti āha “**ayam̐ akappiya-aḍḍo nāma, na vaṭṭatī**”ti.

Ettha ca sace adhikaraṇaṭṭhānam̐ gantvā “amhākam̐ eso dāso, dāsī, vāpī, khettam̐, ārāmo, ārāmavattthu, gāvo, ajā, kukkuṭā”ti-ādīnā voharati, akappiyam̐. “Ayam̐ amhākam̐ ārāmiko, ayam̐ vāpī itthannāmena saṃghassa bhaṇḍadhovanatthāya dinnā, ito khettato ārāmato uppajjanakacatupaccayā ito gāvito mahimsito ajāto uppajjanakagorasā itthannāmena saṃghassa dinnāti pucchite vā apucchite vā vattum̐ vaṭṭatī”ti vadanti. Sesamettha uttānameva. Anākaddhitāya aḍḍakaraṇam̐, aḍḍapariyosānanti imāni panettha dve aṅgāni.

Paṭhamasaṃghādisesasikkhāpadavaṇṇanā niṭṭhitā.

2. Dutiyasaṃghādisesasikkhāpadavaṇṇanā

683. Dutiye **mallagaṇabhaṭṭiputtagaṇādikanti-ādīsu**¹ **mallagaṇo** nāma nārāyanabhaddiko tattha tattha pānīyaṭṭhapanapokkharāṇīkhaṇanādipuñṇakammakārako gaṇo, **bhaṭṭiputtagaṇo** nāma kumārabhattikagaṇo. **Dhammagāṇoti** sāsanaḥhattigaṇo anekappakārapuñṇakammakārakagaṇo vuccati. **Gandhikaseṇīti** anekappakārasugandhivikatikārako gaṇo. **Dussikaseṇīti** pesakārakagaṇo. **Kappagatikanti** kappiyabhāvaṃ gatam.

Vuṭṭhāpentiyāti upasampādentiyā. “Corim vuttanayena anāpucchā pabbājentiyā dukkaṭaṇ”ti vadanti. Paṇṇattim ajānantā ariyāpi vuṭṭhāpentīti vā kammavācāpariyosāne āpattikkhaṇe vipākābyākatasamaṅgitāvasena vā “**ticittan**”ti vuttanti veditabban. Sesamettha uttānameva. Coritā, corisaññā, aññatra anuññātakāraṇā vuṭṭhāpananti imāni panettha tīṇi aṅgāni.

Dutiyasaṃghādisesasikkhāpadavaṇṇanā niṭṭhitā.

3. Tatiyasaṃghādisesasikkhāpadavaṇṇanā

692. Tatiye **parikkhepaṃ atikkāmentiyāti** sakagāmato aññassa gāmassa parikkhepaṃ atikkāmentiyā. “Gāmantaraṃ gaccheyyā”ti hi vacanato aññassa gāmassa parikkhepaṃ atikkāmentiyā eva āpatti, na sakagāmassa. Añño hi gāmo gāmantaraṃ. **Aparikkhittassa gāmassa upacāraṇti** ettha **upacāra**-saddena gharūpacārato paṭhama leḍḍupātasāṅkhātāṃ parikkhepārahaṭṭhānaṃ gahitaṃ, na tato dutiyaleḍḍupātasāṅkhāto upacāroti āha “**parikkhepārahaṭṭhānan**”ti. Teneva pāḷiyāṃ “upacāraṃ atikkāmentiyā”ti vuttam. Aññathā yathā vikālagāmappavisanasikkhāpade “parikkhittassa gāmassa parikkhepaṃ atikkamantassa, aparikkhittassa gāmassa upacāraṃ okkamantassā”ti² vuttam, evamidhāpi “parikkhittassa gāmassa parikkhepaṃ atikkāmentiyā aparikkhittassa gāmassa upacāraṃ okkamantiyā”ti vadeyya. Saṅkhepato vuttamattham vibhajitvā dassento “**apicetthā**”ti-ādīmāha.

1. Mallagaṇabhaddi... (Syā)

2. Vi 2. 216 piṭṭhe.

Vihārassa catugāmasādhāraṇattāti iminā “vihārato ekaṃ gāmaṃ gantum vaṭṭati”ti ettha kāraṇamāha. Vihārassa catugāmasādhāraṇattāyeva hi catūsu gāmesu yamkiñci ekaṃ gāmaṃ gantum vaṭṭati.

Yatthāti yassaṃ nadiyaṃ. “Paṭhamam pādam uttārentiyā āpatti thullaccayassa, dutiyaṃ pādam uttārentiyā āpatti saṃghādisesassa”ti vacanato nadiṃ otarivā padasā uttarantiyā eva āpattīti āha “**setunā gacchati, anāpatti**”ti-ādi. **Paratīrameva akkamantiyā anāpatti**ti nadiṃ anotarivā yānanāvādīsu aññatarena gantvā paratīrameva akkamantiyā anāpatti. **Ubhayatīresu vicaranti, vaṭṭatīti** idaṃ asatipi nadīpāragamane upari vakkha mānassa vinicchayassa phalamattadassanattamaṃ vuttanti veditabbaṃ. **Orimatīrameva āgacchati, āpatti**ti paratīraṃ gantukāmatāya otiṇṇattā vuttaṃ. **Tameva tīranti** tameva orimatīraṃ. **Anāpatti**ti paratīraṃ gantukāmatāya abhāvato anāpatti.

Tādise araññeti “bahi-indakhilā sabbametaṃ araññaṃ”ti¹ evaṃ vuttalakkhaṇe araññe. Atha tādisasseva araññassa gahitabhāvo kathaṃ viññāyatīti āha “**tenevā**”ti-ādi. Iminā hi aṭṭhakathāvacanena īdisepi gāmasamīpe dassanūpacāre vijahite satipi savanūpacāre āpatti hotīti viññāyati. Maggamūḷhā uccāsaddaṃ karontīti āha “**maggamūḷhasaddena viyā**”ti. **Saddāyantiyāti** saddaṃ karontiyā. **Purimāyoti** puretaraṃ gacchantiyo. **Aññaṃ maggaṃ gaṇhātīti**² maggamūḷhattā, na ohātum, tasmā dvinnampi anāpatti. Sesamettha uttānameva. Anantarāyena ekabhāvo, gāmantaragamanādīsu aññataratāpajjanaṃ, āpadāya abhāvoti imāni panettha tīṇi aṅgāni.

Tatīyasamghādisesasikkhāpadavaṇṇanā niṭṭhitā.

4. Catutthasamghādisesasikkhāpadavaṇṇanā

694. Catutthe **kārakagaṇassāti** ukkhepanīyakamma-kārakagaṇassa. Tecattālīsappabhedam vattam khandhake āvi bhavissati. **Netthāravatteti**

1. Abhi 2. 260 piṭṭhe.

2. Gaṇhāti (?)

niṭṭharaṇahetumhi vatte. Sesam̄ uttānameva. Dhammena kammena
ukkhittatā, aññatra anuññātakāraṇā osāraṇanti imāni panettha dve aṅgāni.

Catutthasaṃghādisesasikkhāpadavaṇṇanā niṭṭhitā.

5. Pañcamasaṃghādisesasikkhāpadavaṇṇanā

701. Pañcame **etaṃ na vuttanti** “bhikkhuniyā avassutabhāvo daṭṭhabbo”ti etaṃ niyamaṇaṃ na vuttaṃ. **Tanti** taṃ niyametvā avacaṇaṃ. **Pāḷiyā sametīti** “ekato avassute”ti avisesetvā vuttapāḷiyā “anavassutoti jānantī paṭiggaṇhātī”ti imāya ca pāḷiyā sametī. Yadi hi puggalassa avassutabhāvo nappamāṇaṃ, kiṃ “anavassutoti jānantī”ti iminā vacanena, “anāpatti ubhato-anavassutā hontī, anavassutā paṭiggaṇhātī”ti ettakameva vattabbaṃ siyā. “**Ubhato-anavassutā hontī, anavassutoti jānantī paṭiggaṇhātīti** imassa ca anāpattivārassa ayamatto. Ubho ce anavassutā, sabbathāpi anāpatti. Atha bhikkhunī anavassutā samānā avassutampi “anavassuto”ti saññāya tassa hatthato paṭiggaṇhātī, evampi anāpatti. Atha sayam̄ anavassutāpi aññaṃ anavassutaṃ vā avassutaṃ vā “avassuto”ti jānāti, dukkaṭameva. Vuttañhetam̄ anantarasikkhāpade “kissa tvaṃ ayye na paṭiggaṇhāsīti. Avassutā ayyeti. Tvaṃ pana ayye avassutāti. Nāhaṃ ayye avassutā”ti. Sesamettha uttānameva. Udakadantaponato aññaṃ ajjhoharaṇīyaṃ, ubhato-avassutatā, sahatthā gahaṇaṃ, ajjhoharaṇanti imāni panettha cattāri aṅgāni.

Pañcamasaṃghādisesasikkhāpadavaṇṇanā niṭṭhitā.

6. Chaṭṭhasaṃghādisesasikkhāpadavaṇṇanā

705. Chaṭṭhe parivāragāthāya ayamatto. **Na deti na paṭiggaṇhātīti**¹ na uyyojikā deti, nāpi uyyojitā tassā hatthato

1. Vi-Ṭṭha 4. 241 piṭṭhe.

gaṇhāti. **Paṭiggaho tena na vijjatī**ti teneva kāraṇena uyyojikāya hatthato uyyojitāya paṭiggaho na vijjati. **Āpajjati garukanti** evaṃ santepi avassutassa hatthato piṇḍaggahaṇe uyyojentī saṃghādisesāpattim āpajjati. **Taṅca paribhogapaccayā**ti taṅca pana āpattim āpajjamānā tassā uyyojitāya paribhogapaccayā āpajjati. Tassā hi bhojanapariyosāne uyyojikāya saṃghādiseso hoti. Sesamettha uttānameva. Manussapurisatā, aññatra anuññātakāraṇā khādanīyaṃ bhojanīyaṃ gahetvā bhuñjāti uyyojanā, tena vacanena gahetvā itarissā bhojanapariyosānanti imāni panettha tīṇi aṅgāni.

Chaṭṭhasaṃghādisesasikkhāpadavaṇṇanā niṭṭhitā.

7. Sattamasāṃghādisesasikkhāpadavaṇṇanā

709. Sattame **kinnumāva samaṇiyoti** kiṃnu imā eva samaṇiyo. **Tāsāhanti** tāsāṃ ahaṃ. Sesāṃ uttānameva.

Sattamasāṃghādisesasikkhāpadavaṇṇanā niṭṭhitā.

715. Aṭṭhamāṃ uttānatthameva.

9. Navamasāṃghādisesasikkhāpadavaṇṇanā

721. Navame **vajjappaṭicchādikā**ti khuddānukhuddakavajjassa paṭicchādikā. Samanubhāsanakammakāle cettha dve tisso ekato samanubhāsītābbā.

Navamasāṃghādisesasikkhāpadavaṇṇanā niṭṭhitā.

727. Dasamāṃ uttānatthameva.

Bhikkhunīvibhaṅge saṃghādisesavaṇṇanā niṭṭhitā.

Saṃghādisesakaṇḍam niṭṭhitam.

3. Nissaggiyakaṇḍa

733. Nissaggiyesu paṭhamam uttānameva.

740. Dutiye “**ayyāya dammīti evam paṭiladdhanti** nissatṭhapaṭiladdham. Teneva **mātikāṭṭhakathāyam**pi “nissatṭham paṭilabhivāpi yathādāneyeva upanetabban”ti vuttam. **Yathādāneyeva upanetabbanti** yathā dāyakena dinnam, tathā upanetabbam, akālacīvarapakkheyeva ṭhapetabbanti vuttam hoti. Ettha ca bhājāpitāya laddhacīvaremeva nissaggiyam hoti, tam vinayakammaṃ katvāpi attanā na labhati. Sesamettha uttānameva. Akālacīvaratā, tathāsaññitā, kālacīvaranti adhiṭṭhāya lesena bhājāpanam, paṭilābhoti imāni panettha cattāri aṅgāni.

743. Tatiye **me'tanti** me etam. Sakasaññāya gahitattā pācittiyam dukkaṭaṅca vuttam. Itarathā bhaṇḍagghena kāretabbam. Upasampannatā, parivattitacīvarassa vikappanupagatā, sakasaññāya acchindanam vā acchindāpanam vāti imāni panettha tīṇi aṅgāni.

748-752. Catutthe **āhaṭasappim datvāti** attano datvā. **Yamakam pacitabbanti** sappiṅca telaṅca ekato katvā pacitabbam. Lesena gahetukāmatā, aññassa viññāpanam, paṭilābhoti imāni panettha tīṇi aṅgāni.

753. Pañcame **sāti** thullanandā. **Ayanti** ayam sikkhamānā. **Cetāpetvāti jānāpetvā icceva atthoti** idha vuttam, **mātikāṭṭhakathāyam**¹ pana “aññam cetāpetvāti attano kappiyabhaṇḍena idam nāma āharāti aññam parivattāpetvā”ti vuttam, tasmā “cetāpetvā”ti imassa parivattāpetvātipi attho daṭṭhabbo. **Aññam cetāpeyyāti** “evam me idam datvā aññampi āharissatī”ti maññamānā “na me iminā attho, idam nāma me āharā”ti tato aññam cetāpeyya.

1. Kaṅkhā-Ṭṭha 310 piṭṭhe.

758. Chaṭṭhe **dhammakiccanti** puñṇakammaṃ. **Pāvārikassāti** dussavāṇijakassa, yāya cetāpitaṃ, tassāyeva nissaggiyaṃ nissatṭhapaṭilābho ca¹, tasmā tāya bhikkhuniyā nissatṭhaṃ paṭilabhitvā yathādāne upanetabbaṃ, na attanā gahetabbaṃ. **Aññassatthāyāti** cīvarādīsu aññatarassatthāya. **Aññuddisikenāti** purimassevatthadīpanaṃ. **Parikkhārenāti** kappiyabhaṇḍena.

764. Sattame **sayam yācitenāti** sayam yācitenāpīti attho. Teneva pāḷiyam “tena ca parikkhārena sayampi yācivā”ti vuttaṃ, tatoyeva **mātikāṭṭhakathāyam**² “saññācikenāti sayam yācitenāpī”ti attho vutto.

768-773-778. Aṭṭhamanavamadasamāni uttānatthāneva.

784. Ekādasame yasmā pavāritaṭṭhāne viññatti nāma na paṭisedhetabbā, tasmā bhagavā dhammanimantanavasena pavāritaṭṭhāne “vadeyyāsi yenattho”ti vuttāya “catukkaṃsaparamaṃ viññāpetabban”ti paricchedaṃ dassetīti veditabbaṃ. Teneva **mātikāṭṭhakathāyam**² “cetāpetabbanti ṭhapetvā sahadhammike ca ñātakapavārite ca aññena kismiñcīdeva guṇe parituṭṭhena vadeyyāsi yenatthoti vuttāya viññāpetabban”ti vuttaṃ.

788. Dvādasamaṃ uttānatthameva.

Bhikkhunīvibhaṅge nissaggiyapācittiyasikkhāpadavaṇṇanā niṭṭhitā.

Nissaggiyakaṇḍam niṭṭhitam.

1. Paṭilābheva (Syā)

2. Kaṅkhā-Ṭṭha 311 piṭṭhe.

4. Pācittiyakaṇḍa

1. Lasuṇavaggavaṇṇanā

793-797. Pācittiyesu lasuṇavaggassa paṭhame jātim saratīti **jātissaro**. **Sabhāvenevā**ti sūpasampākādiṃ vināva. **Badarasālavam** nāma badaraphalāni sukkhāpetvā cuṇṇetvā kattabbā khādanīyavikati. Sesametta uttānameva. Āmakalasuṇaṅceva ajjhoharaṇaṅcāti imāni panettha dve aṅgāni.

798-802-806. Dutiyatīyacatutthāni uttānatthāneva.

812. Pañcame **dvinnam pabbānam uparī**ti ettha dvinnam aṅgulīnam saha pavesane ekekāya aṅguliyā ekekaṃ pabbam katvā dvinnam pabbānam upari. Ekaṅgulipavesane dvinnam pabbānam upari na vaṭṭatīti veditabbam. **Mahāpaccariyampi** ayameva nayo dassito. Udakasuddhipaccayena pana satipi phassasādiyane yathāvuttaparicchede anāpatti.

815-817. Chaṭṭhe **āsumbhivā**ti pātetvā. **Dadhimatthū**ti dadhimaṇḍam dadhimhi pasannodakam. Bhuñjantassa bhikkhuno hatthapāse ṭhānam, pānīyassa vā vidhūpanassa vā gahaṇanti imāni panettha dve aṅgāni.

822. Sattame “paṭiggaṇhāti, āpatti dukkaṭassā”ti idaṃ pubbapayogaḍukkaṭassa nidassanamattanti āha “**na kevalam paṭiggahaṇeyeva hotī**”ti-ādi. **Pamaṇanti** pācittiyāpattiyā pamāṇam. Imehiyeva dvīhi pācittiyam hoti, nāññehi bhajjanādīhīti attho. Vuttamevattham vitthārato dassetuṃ “**tasmā**”ti-ādimāha. **Tam pubbāparaviruddhanti** punapi vuttanti vuttavādam sandhāyāha. Aññāya viññattiyā laddhampi hi anāṇattiyā viññattiyā imissā aviññattiyā laddhapakkham bhajati, tasmā heṭṭhā aviññattiyā laddhe karaṇakārāpanesu visesam avatvā idha visesavacanam pubbāparaviruddham. Yadi cettha karaṇe pācittiyam, kārāpanepi pācittiyeneva bhavitabbam. Atha kārāpane dukkaṭam, karaṇepi dukkaṭeneva bhavitabbam. Na hi karaṇe vā kārāpane vā viseso atthi, tasmā aññāya

viññattiyā laddhaṃ sayam bhajjanādīni katvāpi kārāpetvāpi bhuñjantiyā dukkaṭamevāti idamettha sanniṭṭhānaṃ. **Avisesena vuttanti** karaṇakārāpanānaṃ sāmāññato vuttaṃ. Sesamettha uttānameva. Sattannaṃ dhaññānaṃ aññatarassa viññāpanaṃ vā viññāpāpanaṃ vā, paṭilābho, bhajjanādīni katvā vā kāretvā vā ajjhoharaṇanti imāni panettha tīni aṅgāni.

824. Aṭṭhame **nibbiṭṭhoti** patitṭhāpito. **Keṇīti** rañño dātabbassa āyassetam adhivacanaṃ. **Ṭhānantaranti** gāmajanapadādiṭṭhānantaraṃ. Sesamettha uttānameva. Uccārādibhāvo, anavalokanaṃ, vaḷañjanaṭṭhānaṃ, tirokuṭṭapākāratā, chaḍḍanaṃ vā chaḍḍāpanaṃ vāti imāni panettha pañca aṅgāni.

830. Navame **sabbesanti** bhikkhussa bhikkhuniyā ca. Idha khetṭapālakā āramādigopakā ca **sāmikā** eva.

836. Dasame **ekapayogenāti** ekadisāvalokanapayogena. **Tesaṃyevāti** yesaṃ naccam passati. Kiñcāpi sayam naccanādīsu pācittiyam pāḷiyam na vuttaṃ, tathāpi aṭṭhakathāpamāṇena gahettabbanti dassetuṃ “**sabba-aṭṭhakathāsu vuttan**”ti āha. “**Ārāme ṭhatvāti** na kevalam ṭhatvā, tato tato gantvāpi sabbiriyāpathehi labhati, ‘ārāme ṭhitā’ti pana āramapariyāpanabhāvadassanattam vuttaṃ. Itarathā nisinnāpi na labheyyā”ti tīsupi **ganṭhipadesu** vuttaṃ. Sesamettha uttānameva. Naccādīnaṃ aññataratā, aññatra anuññātakāraṇā gamanaṃ, dassanaṃ vā savanaṃ vāti imāni panettha tīni aṅgāni.

Lasuṇavaggavaṇṇanā niṭṭhitā.

2. Andhakāravaggavaṇṇanā

841. Andhakāravaggassa paṭhame **dāne vā pūjāya vāti** dānanimittam vā pūjānimittam vā. **Manteti**ti katheti. Rattandhakāratā, purisassa hatthapāse ṭhānaṃ vā sallapanaṃ vā, sahāyābhāvo, rahopekkhatāti imāni panettha cattāri aṅgāni.

842-846-850. Dutiyatatiyacatutthāni uttānatthāneva.

856-857. Pañcame **anovassakaṃ atikkāmentiyā**ti channassa anto nisīditvā pakkamantiṃ sandhāya vuttaṃ. “Upacāro dvādasahattho”ti vadanti. **Pallaṅkassa anokāseti** ūrubaddhāsanassa anokāse appahonte. Purebhattatā, antaraghare nisajjā, āsanassa pallaṅkokāsatā, aññatra anuññātakāraṇā anāpucchanaṃ, vuttaparichedā tikkamoti imāni panettha pañca aṅgāni.

859-864. Chaṭṭhasattamādīni uttānatthāneva.

Andhakāravaggavaṇṇanā niṭṭhitā.

3. Naggavaggavaṇṇanā

883-887. Naggavaggassa paṭhamadutiyāni uttānatthāneva.

893. Tatiye **visibbetvā**ti dussibbitaṃ puna sibbanatthāya visibbetvā vijaṭetvā. **Aññatra catūhapañcāhā**ti visibbitadivasato pañca divase atikkamitvā. Nivāsanapāvuraṇūpagacīvaratā, upasampannāya santakatā, sibbanatthāya visibbanam vā visibbāpanam vā, aññatra anuññātakāraṇā pañcāhātikkamo, dhuranikkhepoti imāni panettha pañca aṅgāni.

898. Catutthe **pañcannaṃ cīvarānanti** ticīvaraṃ udakasāṭikā saṅkaccikāti imesaṃ pañcannaṃ cīvarānaṃ. Pañcannaṃ cīvarānaṃ aññataratā, pañcāhātikkamo, anuññātakāraṇabhāvo, aparivattananti imāni panettha cattāri aṅgāni.

902. Pañcamaṃ uttānatthameva.

907. Chaṭṭhe **cīvaralābhanti** labhitabbacīvaraṃ. Vikappanupagapacchimatā, saṅghassa pariṇatabhāvo, vinā ānisaṃsadassanena antarāyakaraṇanti imāni panettha tīni aṅgāni.

911. Sattamaṃ uttānatthameva.

916. Aṭṭhame **kumbhathūṇaṃ** nāma kumbhasaddo, tena caranti kīḷanti, taṃ vā sippaṃ etesanti **kumbhathūṇikā**. Tenāha “**ghaṭakena kīḷanakā**”ti. **Dīghanikāyaṭṭha kathāyaṃ**¹ pana “kumbhathūṇaṃ nāma caturassa-ambaṇakatāḷaṇ”ti vuttaṃ. **Caturassa-ambaṇakatāḷaṃ** nāma rukkhasārādantādīsu yena kenaci caturassa-ambaṇaṃ katvā catūsu passesu cammena onandhitvā katavāditaḅhaṇḅaṃ. **Bimbisakantipi** tasseva vevacanaṃ, taṃ vāḅenti, taṃ vā sippaṃ etesanti **kumbhathūṇikā**. Tenāha “**bimbisakavāḅakātipi vadantī**”ti. Samaṇacīvaratā, ṭhapetvā sahadhammike mātāpitaro ca añṅesaṃ dānaṃ, atāvakaḷikatāti imāni panettha tīṇi aṅgāni.

920. Navamaṃ uttānatthameva.

927. Dasame **dhammikaṃ kathinuddhāranti** sabbāsaṃ bhikkhunīnaṃ akālacīvaraṃ dātukāmena upāsakena yattako atthāramūlako ānisaṃso, tato adhikaṃ vā samakaṃ vā datvā yācitakena samaggena bhikkhunisaṃghena yaṃ kathinaṃ ñattidutiyena kammena antarā uddharīyati, tassa so uddhāro dhammikoti vuccati, evarūpaṃ kathinuddhāranti attho. Sesaṃ uttānatthameva.

Naggavaggavaṇṇanā niṭṭhitā.

932. Tuvaṭṭavagge sabbaṃ uttānameva.

5. Cittāgāravaggavaṇṇanā

978. Cittāgāravaggassa paṭhame **kīḷana-upavananti** antonagare ṭhitaṃ sandhāya vuttaṃ, **kīḷanuyyānanti** bahinagare ṭhitaṃ sandhāya. **Pāṭekkā āpattiyoti** gīvāya parivaṭṭanappayogagaṇaṇāya āpattiyo, na ummīlanagaṇaṇāya. “**Ajjhārāme rājāgārādīni karonti, tāni passantiyā anāpatti**”ti vacanato “anto-ārāme tattha tattha gantvā naccādīni passitum labhatī”tipi siddhaṃ.

1. Dī-Ṭṭha 1. 81 piṭṭhe.

982. Dutiyādīni uttānatthāneva.

1015. Navame hatthi-ādīsu **sippa**-saddo paccekaṃ yojetabbo, tathā āthabbaṇādīsu **manta**-saddo. Tattha **āthabbaṇamanto** nāma āthabbaṇavedavīhito parūpaghātakaro manto, **khīlanamanto** nāma dārusārakhīlaṃ mantetvā pathaviyaṃ pavesetvā māraṇamanto, **agadappayogo** visayojanaṃ. **Nāgamaṇḍalanti** sappānaṃ pavesanivāraṇatthaṃ maṇḍalabaddhamanto.

1018. Dasamaṃ uttānatthameva.

Cittāgāravaggavaṇṇanā niṭṭhitā.

1021. Ārāmaṇḍavagge sabbam uttānatthameva.

1067. Gabbhinivaggepi sabbam suviññeyyameva.

8. Kumāribhūtavaggavaṇṇanā

1119. Kumāribhūtavaggassa paṭhame **sabbapaṭhamā dve mahāsikkhamānā**ti gabbhinivagge sabbapaṭhamam uttā dve sikkhamānā. **Sikkhamānā icceva vattabbā**ti sammutikammādīsu evam vattabbā. **Gihigatāti vā kumāribhūtāti vā na vattabbā**ti sace vadanti, kammaṃ kuppātīti adhippāyo. Ito param navamapariyosānaṃ uttānatthameva.

1163. Dasame **apubbasamuṭṭhānasīsanti** paṭhamapārājikasamuṭṭhānādīsu terasasu samuṭṭhānesu ananuññātasamuṭṭhānaṃ sandhāya vuttaṃ. Tañhi ito pubbe tādissassa samuṭṭhānasīsassa anāgatattā “apubbasamuṭṭhānasīsan”ti vuttaṃ.

1166. Ekādasamādīni uttānatthāneva.

Kumāribhūtavaggavaṇṇanā niṭṭhitā.

9. Chattupāhanavaggavaṇṇanā

1214. Chattupāhanavaggassa ekādasame **upacāraṃ sandhāyā**ti samantā dvādasahatthupacāyaṃ sandhāya. Sesam̐ sabbattha uttānameva.

Chattupāhanavaggavaṇṇanā niṭṭhitā.

Giraggasamajjādīni acittakāni lokavajjānīti vuttattā naccanti vā vaṇṇakanti vā ajānitvāva passantiyā vā nahāyantiyā vā āpattisambhavato vatthu-ajānanacittena **acittakāni**, naccanti vā vaṇṇakanti vā jānitvā passantiyā vā nahāyantiyā vā akusaleneva āpajjanato **lokavajjānī**ti veditabbāni. Corīvuṭṭhāpanādīni **corī**ti-ādinā vatthum̐ jānitvā karaṇe eva āpattisambhavato **sacittakāni**, upasampadādīnam̐ ekanta-akusalacitteneva akattabbattā **paṇṇattivajjāni**. “Idha sacittakācittakatā paṇṇattijānanā jānanatāya aggahetvā vatthujānanā jānanatāya gahetabbā”ti tīsupi **gaṇṭhipadesu** vuttam̐. Sesamettha uttānatthameva.

Bhikkhunīvibhaṅge khuddakavaṇṇanā niṭṭhitā.

Pācittiyakaṇḍam̐ niṭṭhitam̐.

5. Pāṭidesanīyakaṇḍa

Pāṭidesanīyasikkhāpadavaṇṇanā

1228. Pāṭidesanīyā nāma ye aṭṭha dhammā saṅkhepeneva saṅgahaṃ āruḥhāti sambandho. **Pāḷivinimuttakesūti** pāḷiyaṃ anāgatesu sappi-ādīsu.

Pāṭidesanīyasikkhāpadavaṇṇanā niṭṭhitā.

Pāṭidesanīyakaṇḍaṃ niṭṭhitaṃ.

Ye pana pañcasattati sekhiyā dhammā uddiṭṭhā, ye ca tesam anantarā sattādhikaraṇavhayā dhammā uddiṭṭhāti sambandho. Tattha **tesanti** tesam sekhiyānaṃ. **Sattādhikaraṇavhayāti** sattādhikaraṇasamathasaṅkhātā. Tam atthavinicchayaṃ tādīsaṃyeva yasmā vidū vadantīti attho.

Yathā niṭṭhitāti sambandho. **Sabbāsavapahaṃ magganti** sabbāsavavighātaṃ arahattamaggaṃ **patvā** sasantāne uppādetvā. **Passantu nibbutinti** maggañāṇalocanena nibbānaṃ sacchikarontu, pappontūti vā pāṭho. Tattha **nibbutinti** khandhāparinibbānaṃ gahetabbaṃ.

Iti samantapāsādikāya vinayaṭṭhakathāya sārattadīpaniyaṃ

Bhikkhunīvibhaṅgavaṇṇanā niṭṭhitā.

Ubhatovibhaṅgaṭṭhakathāvaṇṇanā niṭṭhitā.

Mahāvagga

Namo tassa Bhagavato Arahato Sammāsambuddhassa.

1. Mahākhandhaka

Bodhikathāvaṇṇanā

Idāni ubhatovibhaṅgānantaraṃ saṅghamaṛopitassa mahāvaggacūḷavaggasaṅghatassa khandhakassa atthasaṃvaṇṇanaṃ ārabhitukāmo “**ubhinnaṃ pātimokkhānaṃ**”ti-ādimāha. Tattha **ubhinnaṃ pātimokkhānanti** ubhinnaṃ pātimokkhavibhaṅgānaṃ. Pātimokkhaggahaṇena hettha tesaṃ vibhaṅgo abhedena gahito. Yaṃ khandhakaṃ saṅgāyimsūti sambandho. Khandhānaṃ samūho **khandhako**, khandhānaṃ vā pakāsanato dīpanato **khandhako**. “Khandhā”ti cettha pabbajjupasampadādivinayakammasaṅkhātā cārittavārittasikkhāpadasaṅkhātā ca paññattiyo adhippetā. Pabbajjādīni hi bhagavatā paññattattā “paññattiyo”ti vuccanti. Paññattiyañca khandhasaddo dissati “dārukkhandho aggikkhandho”ti-ādīsu viya. Apica bhāgarāsaṭṭha tāpettha yujjatiyeva tāsāṃ paññattīnaṃ bhāgatho rāsito ca vibhattattā. **Khandhakovidā**ti paññattibhāgarāsaṭṭhavasena khandhaṭṭhe kovidā.

Padabhājanīyaṃ yesaṃ padānaṃ atthā yehi aṭṭhakathāyehi pakāsītāti yojetabbaṃ. **Te ca puna vadeyyāmā**ti te ce aṭṭhakathāyehi punapi vadeyyāma. Atha vā padabhājanīye yesaṃ padānaṃ ye atthā hetthā pakāsītā, te ce atthe puna vadeyyāmāti yojetabbaṃ. Imasmim pakkhe hi-saddo padapūraṇe daṭṭhabbo. **Pariyosānanti** saṃvaṇṇanāpariyosānaṃ. **Uttānā ceva ye atthā**ti ye atthā pubbe apakāsītāpi uttānā agambhīrā.

1. **Visesakāraṇaṃ natthī**ti “yena samayena āyasmato sārīputtattherassa sikkhāpadapaññattiyācanahetubhūto parivitaṅko udapādi,

tena samayenā”ti-ādinā vuttakāraṇaṃ viya idha visesakāraṇaṃ natthi. **Ayamabhilāpoti** “tena samayenā”ti ayamabhilāpo. **Kiṃ panetassa vacane payojananti** yadi visesakāraṇaṃ natthi, etassa vacane kiṃ payojananti adhippāyo. Nidānadassanaṃ payojananti yojetabbaṃ. Tameva vibhāvetuṃ “**yā hi bhagavatā**”ti-ādi vuttaṃ.

Mahāvelā viya **mahāvelā**, vipulavālukapuñjatāya mahanto velātaṇṇaṃ viyāti attho. Tenāha “**mahante vālikarāsīmhitī attho**”ti. Uru maru sikatā vālukā vaṇṇu vālikāti ime saddā samānatthā, byañjanaṃ nānaṃ. Tenāha “**urūti vālikā vuccatī**”ti.

Ito paṭṭhāya ca—

Yasmā suttantapālīnaṃ, attho saṅkhepavaṇṇito.

Tasmā mayāṃ karissāma, tāsāṃ atthassa dīpanaṃ.

Najjāti¹ nadati sandatīti nadī, tassā najjā, nadiyā ninnagāyāti² attho. **Nerañjarāyāti** “nelañjalāyā”ti vattabbe la-kārassa ra-kāraṃ katvā “nerañjarāyā”ti vuttaṃ, kaddamasevālapaṇakādidosarahitasalilāyāti attho. Keci “nīlañjalāyāti vattabbe nerañjarāyāti vuttan”ti vadanti, nāmaṃ eva vā etaṃ tassā nadiyāti vedītabbaṃ. Tassā nadiyā tīre yattha bhagavā vihāsi, taṃ dassetuṃ “**bodhirukkhamūle**”ti vuttaṃ. “Bodhi vuccati catūsu maggesu ñāṇaṃ”ti³ ettha maggañāṇaṃ bodhīti vuttaṃ, “pappoti bodhiṃ varabhūrimedhaso”ti⁴ ettha sabbaññutaññāṇaṃ. Tadubhayampi bodhiṃ bhagavā ettha pattoti rukkhopi “bodhirukkho”tveva nāmaṃ labhi. Atha vā satta bojjhaṅge bujjhatīti bhagavā **bodhi**. Tena bujjhantena sannissitattā so rukkho “bodhirukkho”ti nāmaṃ labhi. Aṭṭhakathāyaṃ pana ekadeseneva atthaṃ dassetuṃ “**bodhi vuccati catūsu maggesu ñāṇaṃ**”ti-ādi vuttaṃ. **Mūleti** samīpe. **Paṭhamābhisambuddhoti** anunāsikalopenāyaṃ niddesoti āha “**paṭhamaṃ abhisambuddho**”ti. **Paṭhamanti** ca bhāvanapuṃsakaniddeso, tasmā abhisambuddho hutvā sabbapaṭhamaṃ bodhirukkhamūle viharatīti evamettha sambandho vedītabbo.

1. Udāna-Ṭīha 25 piṭṭhādīsūpi passitabbaṃ.

3. Khu 8. 231 piṭṭhe Cūḷaniddese.

2. Ninnatāyāti (Syā)

4. Dī 3. 129 piṭṭhe.

Atha kho bhagavāti ettha **athā**ti tasmim̄ samayeti evamattho gahetabbo anekatthattā nipātānaṃ, yasmim̄ samaye abhisambuddho hutvā bodhirukkhamūle viharati, tasmim̄ samayeti attho. Teneva **udānapāḷiyam**¹ “tena kho pana samayena bhagavā sattāhaṃ ekapallaṅkena nisinno hoti vimuttisukhapaṭisaṃvedī”ti vuttaṃ. **Athā**ti vā pacchāti imasmim̄ atthe nipāto, tasmā abhisambodhito pacchāti evamattho gahetabbo. **Khoti** padapūraṇe nipāto. Satta ahāni **sattāhaṃ**. Accantasāmyoge cetam̄ upayogavacanaṃ. Yasmā bhagavā taṃ sattāhaṃ nirantarātāya accantameva phalasamāpattisukhena vihāsi, tasmā “sattāhan”ti accantasāmyogavasena upayogavacanaṃ vuttaṃ. **Ekapallaṅkenā**ti visākhapuṇṇamāya anatthaṅgateyeva sūriye aparājītapallaṅkavasena vajirāsane nisinnakālato paṭṭhāya sakimpi anuṭṭhahitvā yathābhujitena ekeneva pallaṅkena.

Vimuttisukhapaṭisaṃvedīti ettha

tadaṅgavikkhambhanasamucchedapaṭippassaddhinissaraṇavimuttisu pañcasu paṭippassaddhivimuttisaṅkhātā bhagavato phalavimutti adhippetāti āha “**vimuttisukhaṃ phalasamāpattisukhaṃ paṭisaṃvedayamāno**”ti. **Vimuttī**ti ca upakkilesehi paṭippassaddhivasena cittassa vimuttabhāvo, cittameva vā tathā vimuttaṃ veditabbaṃ. Tāya vimuttiyā jātaṃ, sampayuttaṃ vā sukhaṃ vimuttisukhaṃ. “Yāyaṃ bhante upekkhā sante sukhe vuttā bhagavatā”ti² vacanato upekkhāpi cettha sukhamicceva veditabbā. Tathā hi vuttaṃ **sammohavinodaniyam**³ “upekkhā pana santattā, sukhamicceva bhāsītā”ti. Bhagavā hi catutthajjhānikaṃ arahattaphalasamāpattim̄ samāpajjati, na itaraṃ. Atha vā “tesaṃ vūpasamo sukho”ti-ādīsu⁴ yathā saṅkhāradukkhavūpasamo “sukho”ti vuccati, evaṃ sakalakilesadukkhūpasamabhāvato aggaphale labbhamānā paṭippassaddhivimutti eva idha “sukhan”ti veditabbā.

Athāti adhikāratthe nipāto, **khoti** padapūraṇe. Tesu adhikāratthena “athā”ti iminā vimuttisukhapaṭisaṃvedanato aññaṃ adhikāraṃ dasseti. Ko panesoti? Paṭiccasamuppādamanasikāro. **Rattiyā**ti avayavasambandhe sāmivacanaṃ. **Paṭhamanti** accantasāmyogathe

1. Khu 1. 78 piṭṭhe.

3. Abhi-Ṭṭha 2. 171 piṭṭhe.

2. Ma 2. 59 piṭṭhe.

4. Dī 2. 129, 161 piṭṭhesu.

upayogavacanaṃ. Bhagavā hi tassā rattiyā sakalampi paṭhamaṃ yāmaṃ teneva manasikārena yutto ahoṣīti.

Paccayākāraṇti avijjādipaccayadhammaṃ. **Paṭiccāti** paṭimukhaṃ gantvā, kāraṇasāmaggiṃ apaṭikkhipitvāti attho. Paṭimukhagamanañca paccayassa kāraṇa sāmaggīyā aṅgabhāvena phalassa uppādanameva. **Apaṭikkhipitvāti** pana vinā tāya kāraṇasāmaggiyā aṅgabhāvaṃ agantvā sayameva na uppādetīti attho. Etena kāraṇabahutā dassitā. Avijjādi- ekekahetusīsena hi hetusamūho niddiṭṭho. **Sahiteti** samudite, avinibbhutteti attho. Avijjādiko hi paccayadhammo sahiteyeva aññamaññaṃ avinibbhogavuttidhamme uppādeti. Iminā paccayuppannadhammahutā dassitā. Ubhayenapi “ekam na ekato”ti-ādinayo dīpito hoti. Ekato¹ hi kāraṇato na idha kiñci ekam phalamatthi, na anekam, nāpi anekehi kāraṇehi ekam, anekehi pana kāraṇehi anekameva hoti. Tathā hi anekehi utupathavībījasalilasaṅkhātehi kāraṇehi anekameva rūpagandharasādi- aṅkurasāṅkhātaṃ phalamuppajjamānaṃ dissati. Yaṃ panetaṃ “avijjāpaccayā saṅkhārā, saṅkhārapaccayā viññāṇaṃ”ti ekekahetuphaladīpanaṃ kataṃ, tattha payojanaṃ na vijjati.

Bhagavā hi katthaci padhānattā katthaci pākaṭattā katthaci asādhāraṇattā desanāvīlāsassa ca veneyyānañca anurūpato ekameva hetuṃ vā phalaṃ vā dīpeti. “Phassapaccayā vedanā”ti hi ekameva hetuṃ phalañcāha. Phasso hi vedanāya padhānāhetu yathāphassaṃ vedanāvavatthānato. Vedanā ca phassassa padhānaphalaṃ yathāvedanaṃ phassavavatthānato. “Semhasamuṭṭhānā ābādhā”ti² pākaṭattā ekam hetuṃ āha. Pākaṭo hi ettha semho, na kammādayo. “Ye keci bhikkhave akusalā dhammā, sabbete ayonisomanasikāramūlakā”ti asādhāraṇattā ekam hetuṃ āha. Asādhāraṇo hi ayonisomanasikāro akusalānaṃ, sādāraṇāni vatthārammaṇādīnīti. Tasmā avijjā tāvettha vijjamānesupi aññesu vatthārammaṇasahajātammodīsu saṅkhārakāraṇesu “assādānupassino taṇhā pavaḍḍhati”ti³ ca “avijjāsamudayā

1. Abhi-Ṭṭha 2. 140; Visuddhi 2. 174 piṭṭhesupi passitabbaṃ.

2. Khu 7. 10 piṭṭhe Mahāniddece.

3. Saṃ 1. 311 piṭṭhe.

āsavasamudayo”¹ ca vacanato aññesampi taṇhādīnaṃ saṅkhārahētūnaṃ hetūti padhānattā, “avidvā bhikkhave avijjāgato puññābhisaṅkhārampi abhisāṅkharotī”² ti pākaṭattā asādhāraṇattā ca saṅkhārānaṃ hetubhāvena dīpitāti veditabbā. Evaṃ sabbattha ekekahetuphaladīpane yathāsambhavaṃ nayo netabbo. Tenāhu porāṇā—

“Ekaṃ na ekato idha, nānekamanekatopi no ekaṃ.
Phalamatthi atthi pana eka-hetuphaladīpane attho”³ ti.

Paccetumarahatīti **paṭicco**. Yo hi naṃ pacceti abhisameti, tassa accantameva dukkhavūpasamāya saṃvattati. Sammā saha ca uppādetīti **samuppādo**. Paccaya dhammo hi attano phalaṃ uppādentō sampuṇṇameva uppādeti, na vikalāṃ. Ye ca dhamme uppādeti, te sabbe saheva uppādeti, na ekekaṃ. Iti paṭicco ca so samuppādo cāti **paṭiccasamuppādoti** evampettha attho daṭṭhabbo. **Vitthāroti** paṭiccasamuppāda padavaṇṇanāpapañco. Mayampi taṃ atipapañcabhayā idha na dassayissāma, evaṃ parato vakkhamānampi vitthāraṃ. **Anulomapaṭilomanti** bhāvanapuṃsaka niddeso “visamaṃ candimasūriyā parivattantī”⁴ ti-ādīsu² viya. **Svevāti** so eva paccayākāro. **Purimanayena vā vuttoti** “avijjāpaccayā saṅkhārā”⁵ ti-ādīnā nayena vutto paccayākāro. **Pavattiyāti** saṃsārappavattiyā. **Manasi akāsīti** yo yo paccayadhammo yassa yassa paccayuppannadhammassa yathā yathā hetupaccayādīnā paccayabhāvena paccayo hoti, taṃ sabbaṃ aviparītaṃ aparihāpetvā anavasesato paccavekkhaṇavasena citte akāsīti attho.

Avijjāpaccayāti-ādīsu³ avindiyāṃ kāyaduccarītādiṃ vindatīti **avijjā**, vindiyaṃ kāyasucarītādiṃ na vindatīti avijjā, dhammānaṃ aviparītasabhāvaṃ aviditaṃ karotīti avijjā, antavirahite saṃsāre bhavādīsu satte javāpetīti avijjā, avijjamānesu javati, vijjamānesu na javatīti avijjā, vijjāpaṭipakkhāti vā avijjā. Sā “dukkhe aññāṇaṃ”⁶ ti-ādīnā catubbidhā veditabbā. Paṭicca naṃ na vinā phalaṃ eti uppajjati ceva pavattati cāti **paccayo**, upakāraṭṭho vā paccayo. Avijjā ca sā paccayo cāti

1. Ma 1. 68 piṭṭhe.

2. Aṃ 1. 386 piṭṭhe.

3. Abhi-Ṭṭha 2. 127; Visuddhi 2. 157; Udāna-Ṭṭha 38 piṭṭhādīsopi passitabbaṃ.

avijjāpaccayo, tasmā **avijjāpaccayā**. Saṅkharontīti **saṅkhārā**, lokiyā kusalākusalacetanā. Te puññāpuññāneñjābhisaṅkhāravasena tividhā veditabbā. Vijānātīti **viññāṇam**, tam lokiyavipākaviññāṇavasena bāttimsavidham. Namatīti **nāmaṁ**, vedanādikkhandhattayaṁ. Ruppātīti **rūpaṁ**, bhūtarūpaṁ cakkhādi-upādārūpañca. Āyatanti, āyatañca saṁsāradukkhāṁ nayatīti **āyatanam**. Phusatīti **phasso**. Vedayatīti **vedanā**. Idampi dvayaṁ dvāravasena chabbidham, vipākavasena gahaṇe bāttimsavidham. Tassati paritassatīti **taṇhā**, sā kāmataṇhādivasena saṅkhepato tividhā, vitthārato aṭṭhasatavidhā ca. Upādiyatīti **upādānam**, tam kāmupādānādivasena catubbidham.

Bhavati bhāvayati cāti **bhavo**, so kammopapattibhedato duvidho. Jananam **jāti**. Jīraṇam **jarā**. Maranti tenāti **maraṇam**. Socanam **soko**. Paridevanam **paridevo**. Dukkhatatīti **dukkham**. Uppādaṭṭhitivasena dvedhā khanatīti vā **dukkham**. Dummanassa bhāvo **domanassam**. Bhuso āyāso **upāyāso**. **Sambhavantīti** nibbattanti. Na kevalaṇca sokādiheva, atha kho sabbapadehi “sambhavantī”ti padassa yojanā kātabbā. Evañhi avijjāpaccayā saṅkhārā sambhavantīti paccayapaccayuppannavatthānam dassitam hoti. Tenevāha “**avijjāpaccayā saṅkhārā sambhavantīti iminā nayena sabbapadesu attho veditabbo**”ti. **Evametassa -pa- samudayo hotīti** ettha pana ayamattho. **Evanti** niddiṭṭhanayanidassanam. Tena avijjādiheva kāraṇehi, na issaranimmānādīhīti dasseti. **Etassāti** yathāvuttassa. **Kevalassāti** asammissassa, sakalassa vā. **Dukkhakkhandhassāti** dukkhasamūhassa, na sattassa nāpi sutasukhādīnam. **Samudayo hotīti** nibbatti sambhavati.

Accantameva saṅkhārehi virajjati etenāti **virāgo**, ariyamaggoti āha “**virāgasāṅkhātena maggenā**”ti. Asesaṁ nirodhā **asesanirodhā**, asesetvā nissesetvā nirodhā samucchindanā anusayappahānavasena aggamaggena avijjāya accantasamugghātato attho. Yadihi heṭṭhimamaggehipi pahīyamānā avijjā accantasamugghātavaseneva pahīyati, tathāpi na anavasesato pahīyati. Apāyagamanīyā hi avijjā paṭhamamaggena pahīyati, tathā satideva imasmim loke sabbattha ca anariyabhūmiyaṁ upapattiyā paccayabhūtā avijjā yathākkamaṁ dutiyatatiyamaggehi pahīyati, na itarāti, arahattamaggeneva pana sā

anavasesaṃ pahiyatīti. **Anuppādanirodho hotīti** sabbesaṃ saṅkhārānaṃ anavasesaṃ anuppādanirodho hoti. Heṭṭhimena hi maggattayena keci saṅkhārā nirujjhanti, keci na nirujjhanti avijjāya sāvasesanirodhā, aggamaggena panassā anavasesanirodhā na keci saṅkhārā na nirujjhantīti. **Evaṃ niruddhānanti** evaṃ anuppādanirodhena niruddhānaṃ. **Kevala-saddo** niravasesavācako ca hoti “kevalā aṅgamagadhā”ti-ādīsu. Asammissa vācako ca “kevalā sālāyo”ti-ādīsu. Tasmā ubhayathāpi atthaṃ vadati “**sakalassa, suddhassa vā**”ti. Tattha **sakalassāti** anavasesassa sabbabhavādigatassa. **Sattavirahi tassāti** paraparikkappitajīvarahitassa.

Apicettha kiñcāpi “avijjānirodhā saṅkhāranirodho, saṅkhāranirodhā viññāṇanirodho”ti ettāvataṅkapaṃ sakalassa dukkhakkhandhassa anavasesato nirodho vutto hoti, tathāpi yathā anulome yassa yassa paccayadhammassa atthitāya yo yo paccayuppannadhammo na nirujjhanti pavattati evāti imassa atthassa dassanatthaṃ “avijjāpaccayā saṅkhārā -pa- samudayo hoti”ti vuttaṃ. Evaṃ tappaṭipakkhato tassa tassa paccayassa abhāve so so paccayuppannadhammo nirujjhanti na pavattatīti dassanatthaṃ idha “avijjānirodhā saṅkhāranirodho, saṅkhāranirodhā viññāṇanirodho, viññāṇanirodhā nāmarūpanirodho -pa- dukkhakkhandhassa nirodho hoti”ti vuttaṃ, na pana anulome viya kālattayapariyāpannassa dukkhakkhandhassa nirodhadassanatthaṃ. Anāgatasseva hi ariyamaggabhāvanāya asati uppajjanārahassa dukkhakkhandhassa ariyamaggabhāvanāya nirodho icchitoti ayampi viseso veditabbo.

Yadā haveti ettha **haveti** byattanti imasmim atthe nipāto. Keci pana “haveti āhave yuddhe”ti atthaṃ vadanti, “yodhetha māraṃ paññāvudhenā”ti¹ hi vacanato kilesamārena yujjhanasamayeti tesāṃ adhippāyo. **Ārammaṇūpanijjhānalakkhaṇenāti** ārammaṇūpanijjhānasabhāvena. **Lakkhaṇūpanijjhānalakkhaṇenāti** etthāpi eseva nayo. Tattha ārammaṇūpanijjhānaṃ nāma aṭṭha samāpattiyo kasiṇārammaṇassa upanijjhāya nato. Lakkhaṇūpanijjhānaṃ nāma vipassanāmaggaḥāṇi. Vipassanā hi tīṇi lakkhaṇāni upanijjhāyatīti **lakkhaṇūpanijjhānaṃ,**

1. Khu 1. 18 piṭṭhe.

maggo vipassanāya āgatakiccaṃ sādhetīti **lakkhaṇūpaniṃjjhānaṃ**, phalaṃ tathalakkhaṇaṃ nirodhasaccaṃ upaniṃjjhāyatīti **lakkhaṇūpaniṃjjhānaṃ**. **No kallo pañho**ti ayutto pañho, duppañho esoti attho. **Ādisaddena**—

“Phusatīti ahaṃ na vadāmi. Phusatīti cāhaṃ vadeyyaṃ, tatrassa kallo pañho 'ko nu kho bhante phusatī 'ti. Evañcāhaṃ na vadāmi, evaṃ maṃ avadantaṃ yo evaṃ puccheyya 'kiṃ paccayā nu kho bhante phasso 'ti. Esa kallo pañho, tatra kallaṃ veyyākaraṇaṃ
“saḷāyatanapaccayā phasso, phassapaccayā vedanā'ti. Ko nu kho bhante vedayatīti. No kallo pañho'ti bhagavā avoca, vedayatīti ahaṃ na vadāmi, vedayatīti cāhaṃ vadeyyaṃ, tatrassa kallo pañho 'ko nu kho bhante vedayatī'ti. Evañcāhaṃ na vadāmi, evaṃ maṃ avadantaṃ yo evaṃ puccheyya 'kiṃ paccayā nu kho bhante vedanā'ti. Esa kallo pañho, tatra kallaṃ veyyākaraṇaṃ 'phassapaccayā vedanā, vedanāpaccayā taṇhā'ti”¹—

evamādiṃ pālisesaṃ saṅgaṇhāti.

Ādinā ca nayanāti ettha **ādi**-saddena pana “katamā nu kho bhante jāti, kassa ca panāyaṃ jātīti. 'No kallo pañho'ti bhagavā avocā”²ti² evamādiṃ saṅgaṇhāti. Nanu cettha “katamaṃ nu kho bhante jarāmaṇaṃ”²ti² idaṃ supucchitanti? Kiñcāpi supucchitaṃ, yathā pana satasahassagghanake suvaṇṇathālake vaḍḍhitassa subhojanaṃ matthake āmalakamatte gūthapiṇḍe ṭhapite sabbaṃ bhojanaṃ dubbhojanaṃ hoti chaḍḍetabbaṃ, evameva “kassa ca panidaṃ jarāmaṇaṃ”²ti iminā sattūpaladdhivādapadena gūthapiṇḍena taṃ bhojanaṃ dubbhojanaṃ viya ayampi sabbo duppañho jātoti.

Soḷasa kaṅkhāti “ahosiṃ nu kho ahaṃ atītamaddhānaṃ, na nu kho ahosiṃ, kiṃ nu kho ahosiṃ, kathaṃ nu kho ahosiṃ, kiṃ hutvā kiṃ ahosiṃ nu kho ahaṃ atītamaddhānaṃ, bhavissāmi nu kho ahaṃ anāgatamaddhānaṃ, na nu kho bhavissāmi, kiṃ nu kho bhavissāmi, kathaṃ nu kho bhavissāmi, kiṃ hutvā kiṃ bhavissāmi nu kho ahaṃ anāgatamaddhānaṃ,

1. Saṃ 1. 254 piṭṭhe.

2. Saṃ 1. 291 piṭṭhe.

ahaṃ nu khosmi, no nu khosmi, kiṃ nu khosmi, kathaṃ nu khosmi, ayaṃ nu kho satto kuto āgato, so kuhiṃ gāmi bhavissatī”ti¹ evamāgatā atītānāgatapaccuppannavisayā soḷasavidhā kaṅkhā.

Tattha² **ahosiṃ nu kho, na nu khoti** sassatākāraṇca adhiccasamuppatti-ākāraṇca nissāya atīte attano vijjamānataṇca avijjamānataṇca kaṅkhati, kiṃ kāraṇanti na vattabbaṃ. Ummattako viya hi bālaputhujjano yathā tathā vā pavattati. Apica ayonisomanasikāroyevettha kāraṇaṃ. Evaṃ ayonisomanasikārassa pana kiṃ kāraṇanti? Sveva puthujjanabhāvo ariyānaṃ adassanādīni vā. Nanu ca puthujjanopi yoniso manasi karotīti. Ko vā evamāha “na manasi karotī”ti. Na pana tattha puthujjanabhāvo kāraṇaṃ, saddhammasavanakalyāṇamittādīni tattha kāraṇāni. Na hi macchamaṃsādīni attano pakatiyā sugandhāni, abhisāṅkhārapaccayā pana sugandhānipi honti.

Kiṃ nu kho ahosinti jātiliṅgupapattiyo nissāya “khattiyo nu kho ahosiṃ, brāhmaṇavessasuddagahaṭṭhapabbajitadevamanussānaṃ aññataro”ti kaṅkhati.

Kathaṃ nu khoti saṅṭhānākāraṃ nissāya “dīgho nu kho ahosiṃ, rassa-odātakaṅhappamaṇika-appamaṇikādīnaṃ aññataro”ti kaṅkhati. Keci pana “issaranimmānādīni nissāya 'kena nu kho kāraṇena ahosi'nti hetuto kaṅkhati”ti vadanti.

Kiṃ hutvā kiṃ ahosinti jāti-ādīni nissāya “khattiyo hutvā nu kho brāhmaṇo ahosiṃ -pa- devo hutvā manusso”ti attano paramparaṃ kaṅkhati. Sabbattheva pana addhānanti kālādhivacanamaṃ, taṇca bhummatthe upayogavacanāni daṭṭhabbaṃ.

Bhavissāmi nu kho, na nu khoti sassatākāraṇca ucchedākāraṇca nissāya anāgate attano vijjamānataṇca avijjamānataṇca kaṅkhati. Sesamettha vuttanayameva.

1. Saṃ 1. 265; Ma 1. 10 piṭṭhesu.

2. Ma-Ṭṭha 1. 71; Saṃ-Ṭṭha 2. 39 piṭṭhādīsipi passitabbaṃ.

Ahaṃ nu khosmīti attano atthibhāvaṃ kaṅkhati. Yuttaṃ panetanti? Yuttaṃ ayuttanti kā ettha cintā. Apicettha idaṃ vatthumpi udāharanti, cūlamātāya kira putto muṇḍo, mahāmātāya putto amuṇḍo. Taṃ suttam muṇḍesuṃ. So uṭṭhāya “ahaṃ nu kho cūlamātāya putto”ti cintesi. Evaṃ “ahaṃ nu khosmī”ti kaṅkhā hoti.

No nu khosmīti attano natthibhāvaṃ kaṅkhati. Tatrāpi idaṃ vatthu—eko kira macche gaṇhanto udake ciraṭṭhānena sītibhūtaṃ attano ūruṃ “maccho”ti cintetvā pahari. Aparo susānapasse khettaṃ rakkhanto bhīto saṅkuṭito sayi. So paṭibujjhivā attano jaṇṇukāni “dve yakkhā”ti cintetvā pahari, evaṃ “no nu khosmī”ti kaṅkhati.

Kiṃ nu khosmīti khattiyova samāno attano khattiyabhāvaṃ kaṅkhati kaṇṇo viya sūtaputtasaññī¹. Esa nayo sesesu. Devo pana samāno devabhāvaṃ ajānanto nāma natthi. Sopi pana “ahaṃ rūpī nu kho arūpī nu kho”ti-ādinā nayena kaṅkhati. Khattiyā dayo kasmā na jānantīti ce? Appaccakkhā tesam tattha tattha kule uppatti. Gahaṭṭhāpi ca pāṭalikādayo² pabbajitasaññino. Pabbajitāpi “kuppaṃ nu kho me kamman”ti-ādinā nayena gahaṭṭhasaññino. Manussāpi ca ekacce rājāno viya attani devasaññino honti.

Kathaṃ nu khosmīti vuttanayameva. Kevalañhettha abbhantare jīvo nāma atthīti gahetvā tassa saṅṭhānākāraṃ nissāya “dīgho na khosmi, rassacaturassa chaḷaṃsa aṭṭhaṃsasoḷasaṃsādīnaṃ aññatarappakāro”ti kaṅkhanto “kathaṃ nu khosmī”ti kaṅkhatīti 'veditabbo. Sarīrasaṅṭhānaṃ pana paccuppannaṃ ajānanto nāma natthi.

Kuto āgato, so kuhim gāmī bhavissatīti attabhāvassa āgatigatiṭṭhānaṃ kaṅkhati.

Vapayantīti vi-apayanti, ikāralopenāyaṃ niddeso. Byapayantīti vuttam hoti. Tenāha “**vapayanti apagacchantī**”ti. Apagamanañca anuppattinirodhavasenāti āha “**nirujjhantī**”ti.

1. Suttaputtasaññī (Syā), supūtaputtasaññī (Ka) mūlapaṇṇāsake sabbāsavasuttaṭṭikāyaṃ pana passitabbaṃ.

2. Poṭalikādayo (Syā)

3. Kadā panassa bodhipakkhiyadhammā catusaccadhammā vā pātubhavanti uppajjanti pakāsantīti? Vipassanāmaggañāṇesu pavattamānesu. Tattha **vipassanāñāṇe** tāva vipassanāñāṇasampayuttā sati-ādayo vipassanāñāṇaṅca yathārahaṃ attano attano visayesu tadaṅgappahānavasena subhasaññādike pajahantā kāyānupassanādivasena visum visum uppajjanti. **Maggakkhaṇe** pana te nibbānamālambitvā samucchedavasena paṭipakkhe pajahantā catūsupi ariyasaccesu asammohapaṭivedhasādhanavasena sakideva uppajjanti. Evaṃ tāvettha bodhipakkhiyadhammānam uppajjanatṭhena pātubhāvo vedītabbo. Ariyasaccadhammānam pana lokiyānam **vipassanākkhaṇe** vipassanāya ārammaṇakaraṇavasena lokuttarānam tadadhimuttatāvasena **maggakkhaṇe** nirodhasaccassa ārammaṇābhisamayavasena sabbesampi kiccābhisamayavasena pākaṭabhāvato pakāsanaṭṭhena pātubhāvo vedītabbo.

Iti bhagavā satipi sabbākārena sabbadhammānam attano ñāṇassa pākaṭabhāve paṭiccasamuppādamukhena vipassanābhīnivesassa katattā nipuṇagambhīrasududdasatāya paccayākārassa taṃ paccavekkhitvā uppannabalavasomanasso paṭipakkhasamucchedavibhāvanena saddhīm attano tadabhisamayānubhāvādīpakamevettha udānam udānesi.

“Kāmā te paṭhamā senā”ti-ādinā nayena vuttappakāraṃ mārasenanti—

“Kāmā te paṭhamā senā, dutiyā aratī vuccatī.

Tatīyā khuppipāsā te, catutthī taṇhā pavuccatī.

Pañcamī thinamiddhaṃ te, chaṭṭhā bhīrū pavuccatī.

Sattamī vicīkicchā te, makkho thambho ca aṭṭhamā.

Lābho siloko sakkāro, micchāladdho ca yo yaso.

Yo cattānam samukkaṃse, pare ca avajānati.

Esā namuci te senā, kaṇhassābhīppahārīnī.

Na nam asūro jināti, jetvā ca labhate sukhan”¹—

iminā nayena vuttappakāraṃ mārasenam.

Tattha² yasmā āditova agāriyabhūte satte vatthukāmesu kilesakāmā mohayanti, te abhibhuyya anagāriyabhāvaṃ upagatānaṃ pantesu vā senāsanesu aññataraññataresu vā adhikusalesu dhammesu **arati** uppajjati. Vuttampi cetam “pabbajitena kho āvuso abhirati dukkarā”³. Tato te paraṇāṭibaddhajīvikattā **khuppipāsā** bādhati, tāya bādhitānaṃ pariyesanatan**ḥhā** cittaṃ kilamayati, atha nesam kilantacittānaṃ **thinamiddham** okkamati, tato visesamanadhigacchantānaṃ durabhisambhavesu araññavanapatthesu senāsanesu viharataṃ utrāsasaññitā **bhīru** jāyati, tesam ussaṅkitaparisaṅkitānaṃ dīgharattaṃ vivekarasamanassādayamānānaṃ viharataṃ “na siyā nu kho esa maggo”⁴ti paṭipattiyam **vicikicchā** uppajjati, tam vinodetvā viharataṃ appamattakena visesādhigamena **mānamakkhathambhā** jāyanti, tepi vinodetvā viharataṃ tato adhikatarānaṃ visesādhigamaṃ nissāya **lābhasakkārasilokā** uppajjanti, lābhādimucchitā dhammapatirūpakāni pakāsentā **micchāyasam** adhikantvā tattha ṭhitā jāti-ādīhi **attānaṃ ukkamsenti param vambhenti**, tasmā kāmādīnaṃ paṭhamasenādibhāvo veditabbo.

Evametam dasavidham senam uddisitvā yasmāsā kaṇhadhammasamannāgatattā kaṇhassa namucino upakārāya samvattati, tasmā nam “tavasenā”⁴hi⁴ niddisantena “esā namuci te senā, kaṇhassābhīppahārīnī”⁵ti vuttam. Tattha **abhipphāhārīnī** samaṇabrāhmaṇānaṃ ghāṭanī nippoṭhanī⁵, antarāyakarīti attho. **Na nam asūro jināti, jetvā ca labhate sukhan** evam tava senam asūro kāye ca jīvite ca sāpekkho puriso na jināti, sūro pana jināti, jetvā ca maggasukham phalasukhaṇca adhigacchatīti attho. **Sopi brāhmaṇoti sopi khīṇāsavabrāhmaṇo**.

1. Khu 1. 342; Khu 7. 73 piṭṭhesu.

2. Suttanipāta-Ṭṭha 2. 117; Mahāniddeśa-Ṭṭha 202 piṭṭhādīsopi passitabban,

3. Sam 2. 456 piṭṭhe.

4. Tam tam vasenāti (Syā)

5. Ghāṭanī nippoṭhanī(Syā)

Idāni “tena kho pana samayena bhagavā sattāhaṃ ekapallaṅkena nisinno hoti vimuttisukhapaṭisaṃvedī. Atha kho bhagavā tassa sattāhassa accayena tamhā samādhimhā vuṭṭhahitvā rattiyā paṭhamam yāmaṃ paṭiccasamuppādam anulomaṃ sādhuṃkaṃ manasākāsi. Rattiyā majjhimam yāmaṃ paṭiccasamuppādam paṭilomaṃ sādhuṃkaṃ manasākāsi. Rattiyā pacchimam yāmaṃ paṭiccasamuppādam anulomapaṭilomaṃ sādhuṃkaṃ manasākāsi”ti evaṃ vuttāya udānapāliya¹ imissā ca khandhakapāliya avirodham dassetum “**udāne panā**”ti-ādi āradham. Ettha **tassa vasenāti** tassa paccayākārapajānanassa paccayakkhayādhigamassa ca vasena. **Ekekameva koṭṭhāsanti** anulomapaṭilomesu ekekameva koṭṭhāsaṃ. **Pāṭipadarattiyā evaṃ manasākāsi**ti rattiyā tīsupi yāmesu anulomapaṭilomaṃyeva manasākāsi. Bhagavā kira ṭhapetvā ratanagharasattāhaṃ sesesu chasu sattāhesu antarantarā dhammaṃ paccavekkhitvā yebhuyyena vimuttisukhapaṭisaṃvedī vihāsi, ratanagharasattāhe pana abhidhammapavicayavaseneva vihāsi. Tasmā antarantarā dhammapaccavekkhaṇavasena uppāditamanasikāresu pāṭipadarattiyā uppāditam manasikāram sandhāya imissam khandhakapāliyam evaṃ vuttanti adhippāyo.

Bodhikathāvaṇṇanā niṭṭhitā.

Ajapālakathāvaṇṇanā

4. **Tassa sattāhassa accayenāti** pallaṅkasattāhassa apagamanena. **Tamhā samādhimhā vuṭṭhahitvāti** tato arahattaphalasaṃpattisaṃvādhito yathākālaparicchedam vuṭṭhahitvā. **Aññepi buddhattakarāti** visākhapuṇṇamito paṭṭhāya rattindivam evam niccasamāhitabhāva hetubhūtanam buddhaguṇānam upari aññepi buddhattasādhakā. “Ayaṃ buddho”ti buddhabhāvassa paresam vibhāvanā dhammā kiṃ nu kho santīti yojanā. **Ekaccānam devatānanti** yā adhigatamaggā sacchikatanirodhā ekapadesena² buddhaguṇe jānanti, tā ṭhapetvā tadanñāsam devatānam. **Animisehīti**

1. Khu 1. 77 piṭṭhe.

2. Ekamsena (Syā)

dhammapītivipphāravasena pasādavibhāvaniccaladalatāya¹ nimesarahitehi. **Ratanacaṅkameti** devatāhi māpīte ratanamayacaṅkame. “Ratanabhūtānaṃ sattannaṃ pakaraṇānaṃ tattha ca anuttarassa dhammaratanassa sammasanena taṃ ṭhānaṃ ratanagharacetiyāṃ nāma jātan”²tipi vadanti. Teneva **aṭṭhasālīniyaṃ**² “ratanagharaṃ nāma na ratanamayaṃ gehaṃ, sattannaṃ pana pakaraṇānaṃ sammasitaṭṭhānaṃ ratanagharanti vedītabban”²ti vuttānaṃ.

Kasmā panāyaṃ ajapālanigrodho nāma jātoti āha “**tassa kirā**”³ti-ādi. Keci pana “yasmā tattha vede sajjhāyitūṃ asamatthā mahallakabrāhmaṇā pākāraparikkhepayuttāni nivesanāni katvā sabbe vasīmsu, tasmāssa 'ajapālanigrodho'ti nāmaṃ jātan”³ti vadanti. Tatrāyaṃ vacanattho—na japantīti ajapā, mantānaṃ anajjhāyakāti attho. Ajapā lanti³ ādiyanti nivāsaṃ etthāti **ajapāloti**. Apare pana vadanti “yasmā majjhanhike samaye anto pavīṭṭhe aje attano chāyāya pāleti rakkhati, tasmā 'ajapālo'tissa nāmaṃ ruḷhan”³ti. Sabbathāpi nāmametaṃ tassa rukkhassa.

Vimuttisukhaṃ paṭisaṃvedenti dhammaṃ vicinanto yeva antarantarā vimuttisukhaṃ paṭisaṃvedenti. “Dhammaṃ vicinanto vimuttisukhaṃ paṭisaṃvedenti”⁴ti evaṃ vā ettha pāṭho gahetabbo. Udānaṭṭhakathāyampi⁴ hi ayameva pāṭho. Dhammaṃ vicinanto cettha evaṃ abhidhamme nayamaggaṃ sammasi paṭhamānaṃ dhammasaṅgaṇīpakaraṇānaṃ nāma, tato vibhaṅgappakaraṇānaṃ, dhātukathāpakaraṇānaṃ, puggalapaññattippakaraṇānaṃ, kathāvattthūṃ nāma, yamakānaṃ nāma, tato mahāpakaraṇānaṃ paṭṭhānaṃ nāmāti. Tatthassa saṅhasukhumaṭṭhānaṃhi citte otiṇṇe pīti uppajji, pītiyā uppannāya 'lohitaṃ pasīdi, lohite pasanne chavi pasīdi, chaviyā pasannāya puratthimakāyato kūṭāgārādippamaṇā rasmiyo uṭṭhahitvā ākāse pakkhandānaṃ chaddantaṅgākulaṃ viya pācīnadisāya anantāni cakkavāḷāni pakkhandā. Pacchimakāyato uṭṭhahitvā pacchimadisāya, dakkhiṇāmsakūṭato uṭṭhahitvā dakkhiṇadisāya, vāmaṃsakūṭato uṭṭhahitvā uttaradisāya anantāni cakkavāḷāni pakkhandā,

1. Pasādavikataniccalatāya (Ka), pasādavikasitaniccalatāya (Mūlapaṇṇāsake pāsārāsīsuttaṭṭhikāya)

2. Abhi-Ṭṭha 1. 13 piṭṭhe.

3. Ālanti (Syā)

4. Udāna-Ṭṭha 47 piṭṭhe.

pādālehi pavāḷaṅkuravaṇṇā rasmiyo nikkhamitvā mahāpathaviṃ
vinibbijjha udakaṃ dvidhā bhinditvā vātakkhandham padāletvā ajaṭākāsaṃ
pakkhandā. Sīsato saṃparivattiyamānaṃ maṇidāmaṃ viya
nīlavaṇṇarasmiyaṃ uṭṭhahitvā cha devaloke vinivijjhivā nava brahmaloke
atikkamma ajaṭākāsaṃ pakkhandā. Tasmīṃ divase aparimāṇesu cakkavāḷesu
aparimāṇā sattā sabbe suvaṇṇavaṇṇāva ahesuṃ. Taṃ divasaṅca pana
bhagavato sarīrā nikkhantā yāvajjadivasāpi kira tā rasmiyo anantaloka
dhātuyo gacchantiyeva. Na kevalaṅca imasmīmyeva sattāhe dhammaṃ
vicinantassa sarīrato rasmiyo nikkhamiṃsu, atha kho ratanagharasattāhepi
paṭṭhānaṃ sammasantassa evameva sarīrato rasmiyo nikkhantā evāti
veditabbaṃ.

Vuttaṅhetam **aṭṭhasālīniyaṃ**¹—

“Imesu ca ekavīsatiyā divasesu ekadivasepi satthu sarīrato rasmiyo
na nikkhantā, catutthe pana sattāhe pacchimuttarāya disāya ratanaghare
nisīdi. Tattha dhammasaṅgaṇiṃ sammasantassapi sarīrato rasmiyo na
nikkhantā. Vibhaṅgappa karaṇaṃ, dhātukathaṃ, puggalapaññattiṃ,
kathāvattuppakaraṇaṃ, yamakappakaraṇaṃ sammasantassapi rasmiyo
na nikkhantā. Yadā pana mahāpakaraṇaṃ oruyha 'hetupaccayo
ārammaṇapaccayo -pa- avigatapaccayo'ti sammasanaṃ ārabhi, athassa
catuvīsatisamantapaṭṭhānaṃ sammasantassa ekantato
sabbaññutaññāṇaṃ mahāpakaraṇe okāsaṃ labhi. Yathā hi
timirapiṅgalamahāmaccho caturāsītiyojanasahassagambhīre
mahāsamuddeyeva okāsaṃ labhati, evameva sabbaññutaññāṇaṃ
ekantato mahāpakaraṇeyeva okāsaṃ labhi.

Satthu evaṃ laddhokāsenā sabbaññutaññāṇena yathāsukhaṃ
saṅhasukhumadhammaṃ sammasantassa sarīrato
nīlapītalohitodātamañjīṭṭhapabhassaravasena chabbaṇṇarasmiyo
nikkhamiṃsu. Kesamassūhi ceva akkhīnaṅca nīlaṭṭhānehi **nīlarasmiyo**
nikkhamiṃsu, yāsaṃ vasena gaganatalaṃ añjanacuṇṇasamokiṇṇaṃ viya
umāpupphanīluppadalasaṅchannaṃ viya vītipatantamaṇitālavaṇṇaṃ
viya

1. Abhi-Ṭṭha 1. 13 piṭṭhe.

sampasāritamecakaṭaṃ¹ viya ca ahosi. Chavito ceva akkhīnañca pītaṭṭhānehi **pītarasmiyo** nikkhamiṃsu, yāsaṃ vasena disābhāgā suvaṇṇarasaniṣṇamānā viya suvaṇṇapaṭapasāritā viya kuṅkumacuṇṇa kaṇikārapupphasamparikiṇṇā viya ca virocimṃsu. Maṃsalohitehi ceva akkhīnañca rattaṭṭhānehi **lohitarasmiyo** nikkhamiṃsu, yāsaṃ vasena disā bhāvā cīnapiṭṭhacuṇṇarañjitā viya supakkalākhārasaniṣṇamānā viya rattakambalaparikkhittā viya jayasumanapāribaddhakabandhu jīvakakusumasamparikiṇṇā viya ca virocimṃsu. Aṭṭhīhi ceva dantehi ca akkhīnañca setaṭṭhānehi **odātarasmiyo** nikkhamiṃsu, yāsaṃ vasena disābhāgā rajatakuṭehi āsiṇcamānakhīradhārāsamparikiṇṇā viya pasāritarajataṭaṭavītānā viya vītipatantarajataṭālavanṭā viya kundakumuda sindhuvārasumanamallikādikusumasañchannā viya ca virocimṃsu. **Mañjīṭṭhapabhassarā** pana tamhā tamhā sarīrappadesā nikkhamiṃsu. Iti tā chabbaṇṇarasmiyo nikkhamitvā ghanamahāpathaviṃ gaṇhiṃsu.

Catunahutādhikadvijojanasatasahassabahalā mahāpathavī niddhantasuvaṇṇapiṇḍi viya ahosi. Pathaviṃ bhinditvā heṭṭhā udakaṃ gaṇhiṃsu. Pathavīsandhāraṇaṃ aṭṭhanahutādhikacatuvojanasatasahassabahalaṃ udakaṃ suvaṇṇakalasehi āsiṇcamānavilīnasuvaṇṇaṃ viya ahosi. Udakaṃ vinivijjhivā vātaṃ aggahesuṃ.

Channavubhādhikanavayojanasatasahassabahalo vāto samussitasuvaṇṇakkhandho viya ahosi. Vātaṃ vinivijjhivā heṭṭhā ajaṭākāsaṃ pakkhandiṃsu. Uparibhāgena uggantvāpi catumahārājike gaṇhiṃsu. Te vinivijjhivā tāvatimse, tato yāme, tato tusite, tato nimmānaratī, tato paranimmitavasavattī, tato nava brahmaloke, tato vehapphale, tato pañca suddhāvāse vinivijjhivā cattāro āruppe gaṇhiṃsu. Cattāro ca āruppe vinivijjhivā ajaṭākāsaṃ pakkhandiṃsu.

1. Sampasāritameva cakkapaṭaṃ (Syā)

Tiriyabhāgehi anantā lokadhātuyo pakkhandimsu, ettake ṭhāne candamhi candappabhā natthi, sūriye sūriyappabhā natthi, tārakarūpesu tārakarūpappabhā natthi, devatānaṃ uyyānavimānakapparukkhesu sarīre ābharaṇesūti sabbattha pabhā natthi.

Tisahassimahāsahassilokadhātuyā ālokapharaṇasamattho mahābrahmāpi sūriyuggamane khajjopanako viya ahosi, candasūriyatārakarūpadevatuyyānavimānakapparukkhānaṃ paricchadamattakameva paññāyittha. Ettakaṃ ṭhānaṃ buddharasmī hiyeva ajjhotthaṭaṃ ahosi. Ayañca neva buddhānaṃ adhiṭṭhānidhi, na bhāvanāmayiddhi. Saṅhasukhumadhammaṃ pana sammasato lokanā thassa lohitaṃ pasīdi, vatthurūpaṃ pasīdi, chavivaṇṇo pasīdi. Cittasamuṭṭhānā vaṇṇadhātu samantā asītihatthamatte padese niccalā aṭṭhāsī”ti.

Evam nisinneti tamhā samādhimhā vuṭṭhahitvā nisinne. Eko brāhmaṇoti nāmagottavasena anabhiññāto apākaṭo eko brāhmaṇo. “Hum hun”ti karonto vicaratīti sabbam acokkhajātikaṃ¹ passitvā jigucchanto “hum hun”ti karonto vicarati. Etadavocāti² etaṃ idāni vattabbaṃ “kittāvatā nu kho”ti-ādivacanaṃ avoca. Tatha kittāvatāti kittakena pamāṇena. Nu-ti saṃsayatthe nipāto, kho-ti padapūraṇe. Bho-ti brāhmaṇānaṃ jātisamudāgataṃ ālapanam. Tathā hi vuttaṃ “bhovādi nāma so hoti, sace hoti sakiñcano”ti³. Gotamāti bhagavantaṃ gottena ālapati. Kathaṃ panāyaṃ brāhmaṇo sampati samāgato bhagavato gottam jānātīti? Nāyaṃ sampati samāgato, chabbassāni padhānakaraṇakāle upaṭṭhahantehi pañcavaggiyehi saddhim caramāno aparabhāge taṃ vataṃ chaḍḍetvā uruvelāyaṃ senanigame eko adutiyo hutvā piṇḍāya caramānopi tena brāhmaṇena diṭṭhapubbo ceva sallapitapubbo ca, tena so pubbe pañcavaggiyehi gayhamānaṃ bhagavato gottam anussaranto “bho gotamā”ti bhagavantaṃ gottena ālapati. Yato paṭṭhāya vā bhagavā mahābhinikkhamaṇaṃ nikkhanto anomānadīṭire pabbaji, tato pabhuti

1. Avokajātikaṃ (Syā)

2. Udāna-Ṭṭha 49 piṭṭhādīsūpi passitabbaṃ.

3. Khu 1. 70, 376 piṭṭhesu.

“samaṇo gotamo”ti cando viya sūriyo viya pākaṭo paññāto hoti, na ca tassa gottajānane kāraṇaṃ gavesitabbaṃ. **Brāhmaṇakarāṇāti**¹ brāhmaṇaṃ karontīti brāhmaṇakarāṇā, brāhmaṇabhāvakarāti attho. Ettha ca “kittāvata”ti etena yehi dhammehi brāhmaṇo hoti, tesaṃ dhammānaṃ parimāṇaṃ pucchati. **“Katame”**ti pana iminā tesaṃ sarūpaṃ pucchati.

Udānaṃ udānesīti “yo brāhmaṇo”ti-ādikaṃ udānaṃ udānesi, na pana tassa brāhmaṇassa dhammaṃ desesi. Kasmā? Dhammadesanāya abhājanabhāvato. Tathā hi tassa brāhmaṇassa imaṃ gātham² sutvā na saccābhisamayo ahosi. Yathā ca imassa, evaṃ upakassa ājīvakassa buddhaguṇappakāsaṇaṃ sutvā. Dhammacakkappavattanato hi pubbabhāge bhagavatā bhāsitaṃ pasesaṃ suṇantānampi tapussabhallikānaṃ saraṇadānaṃ viya vāsanābhāgiyameva jātaṃ, na asekkhabhāgiyaṃ vā nibbedha bhogiyaṃ vā. Esā hi dhammatāti. **Vedehi vā antanti** ettha **antaṃ** nāma sabbasaṅkhāra pariyosānaṃ nibbānaṃ. **Ime ussadā natthīti** sabbaso ime pahīnattā na santi.

Ajapālakathāvaṇṇanā niṭṭhitā.

Mucalindakathāvaṇṇanā

5. **Mucalindamūleti**³ ettha **mucalindo** vuccati nīparukkho, yo “niculopi”tipi vuccati, tassa samīpeti attho. Keci pana “mucaloti tassa rukkhassa nāmaṃ, vanajeṭṭhakatāya pana mucalindoti vuttan”ti vadanti. **Udapādīti** sakala cakkavālagabbhaṃ pūrento mahāmegho udapādi. Evarūpo kira megho dvīsuyeva kālesu vassati cakkavattimhi vā uppanne buddhe vā, idha buddhuppādakāle udapādi. **Pokkharaniyā nibbattoti** pokkharaniyā heṭṭhā nāgabhavanaṃ atthi, tattha nibbatto. **Sakabhavanāti** attano nāgabhavanato. **Evaṃ bhogehi parikkhipitvāti** satta vāre attano sarīrabhogehi bhagavato kāyaṃ parivāretvā. **Uparimuddhani mahantaṃ**

1. Brāhmaṇakarāṇāti (?) 2. Kathaṃ (Ka) 3. Udāna-Ṭṭha 89 piṭṭhādīsipi passitabbaṃ.

phaṇaṃ vihaccāti bhagavato muddhappadesassa upari attano mahantaṃ phaṇaṃ pasāretvā. “Phaṇaṃ karitvā”tipi pāṭho, soyevattho.

Tassa kira nāgarājassa etadahosi “bhagavā ca mayhaṃ bhavanasamīpe rukkhamūle nisinno, ayañca sattāhavaddalikā vattati, vāsāgāramassa laddhuṃ vaṭṭati”ti. So sattaratanamayaṃ pāsādaṃ nimminituṃ sakkontopi “evaṃ kate kāyasāro gahito na bhavissati, dasabalassa kāyaveyyāvaccam karissāmi”ti mahantaṃ attabhāvaṃ katvā satthāraṃ sattakkhattuṃ bhogehi parikkhipitvā upari phaṇaṃ dhāresi. “Tassa parikkhepabbhantaraṃ lohapāsāde bhaṇḍāgāragabbhappamaṇaṃ ahoṣi”ti idha vuttaṃ.

Majjhimaṭṭhakathāyaṃ¹ pana—

“Parikkhepassa anto okāso heṭṭhā lohapāsādappamaṇo ahoṣi, icchiticchitena iriyāpathena satthā viharissatīti nāgarājassa ajjhosayo ahoṣi, tasmā evaṃ mahantaṃ okāsaṃ parikkhipi, majjhe ratanapallaṅko paññatto hoti, upari suvaṇṇatāraḥkaviccitaṃ samosaritagandhadāmakusumacelavitānaṃ ahoṣi, catūsu koṇesu gandhatelena dīpā jalitā, catūsu disāsu vivaritvā candanakaṇḍakā ṭhapitā”ti—

vuttaṃ. **Ichchiticchitena iriyāpathena viharissatī**ti ca nāgarājassa ajjhāsayaṃmettaṃ, bhagavā pana yathānisinnova sattāhaṃ vītināmesi.

Kiñcāpi -pa- cintetuṃ yuttanti ettha keci vadanti “uṇhaggahaṇaṃ bhoga parikkhepassa vipulabhāvakaṇḍe kāraṇakittanaṃ. Khuddake hi tasmim bhagavantaṃ nāgarājassa sarīrasambhūtā usmā bādheyya, vipulabhāvakaṇḍena pana tādisaṃ mā uṇhaṃ bādhayitthā”ti. Sa-upasaggapadassa attho upasaggena vināpi viññāyatīti āha “**viddhanti ubbidhan**”ti, sā cassa ubbidhatā upakkilesavigamena dūrabhāvena upaṭṭhānanti āha “**meghavigamena dūrībhūtan**”ti. Indanīlamaṇi viya dibbati jotatīti **devo**, ākāso. **Viditvā**ti “idāni vigatavalāhako ākāso, natthi bhagavato sītādi-upaddavo”ti ñatvā. **Viniveṭhetvā**ti apānetvā.

1. Ma-Ṭṭha 2. 90 piṭṭhe.

attano rūpanti attano nāgarūpaṃ. **Paṭisaṃharitvā**ti antaradhāpetvā.
Māṇavakavaṇṇanti kumārakarūpaṃ.

Etamatthaṃ viditvāti “vivekasukhapaṭisaṃvedino yattha katthaci
sukhameva hotī”ti etaṃ atthaṃ sabbākārena jānitvā. **Imaṃ udānanti** imaṃ
vivekasukhānubhāva dīpakaṃ udānaṃ udānesi. **Sutadhammassā**ti
vissutadhammassa. Tenāha “**pakāsita dhammassā**”ti. **Akuppanabhāvoti**
akuppanasabhāvo¹.

Mucalindakathāvaṇṇanā niṭṭhitā.

Rājāyatanakathāvaṇṇanā

6. **Osadhaharītakaṃ upanesī**ti na kevalaṃ osadhaharītakameva,
dantakaṭṭhampi upanesi. **Paccaggheti** ettha purimaṃ atthavikappaṃ keci na
icchanti, teneva **ācariya dhammapālattherena** vuttaṃ “paccaggheti abhinave.
Paccekaṃ mahagghatāya paccaggheti keci, taṃ na sundaraṃ. Na hi buddhā
bhagavanto mahagghaṃ paṭiggaṇhanti paribhuñjanti vā”ti.

Rājāyatanakathāvaṇṇanā niṭṭhitā.

Brahmayācanakathāvaṇṇanā

7. **Āciṇṇasamāciṇṇoti** ācarito ceva ācarantehi ca sammadeva ācaritoti
attho. Etena ayaṃ parivitakko sabbabuddhānaṃ paṭhamābhisambodhiyaṃ
upajjatevāti ayamettha dhammatāti dasseti. Gambhīropi dhammo
paṭipakkhavidhamanena supākaṭo bhavye, paṭipakkhavidhamanaṃ pana
sammāpaṭipattipaṭibaddhaṃ, sā saddhammasava nādhīnā, taṃ satthari
dhamme ca pasādāyattaṃ. So visesato loka sambhāvanīyassa garukātabbassa
abhipatthanāhetukoti paramparāya sattānaṃ dhammasampaṭipattiyā
brahmuno yācanānimittanti taṃ dassento “**brahmunā yācite**
desetukāmatāyā”ti-ādimāha.

1. Akujjhanasabhāvo (Syā)

Adhigatoti paṭividdho, sayambhūñāṇena “idaṃ dukkhan”ti-ādinā yathābhūtaṃ avabuddhoti attho. **Dhammoti** catusaccadhammo tabbinimuttassa paṭivijjhitabba dhammassa abhāvato. **Gambhīroti** mahāsamuddo viya makasatuṅḍasūciyā aññatra samupacitaparipakkaññasambhārehi aññesaṃ ñāṇena alabbhaneyyapatiṭṭho. Gambhīra ttāva **duddaso** dukkheṇa daṭṭhabbo, na sakkā sukheṇa daṭṭhum. Yo hi alabbhaneyya patiṭṭho, so ogāhituṃ asakkuṇeyyatāya sarūpato ca viśesato ca sukheṇa passituṃ na sakkā, atha kho kiccheṇa kenaci kadācīdeva daṭṭhabbo. Duddasattāva **duranubodho** dukkheṇa avabujjhitabbo, na sakkā sukheṇa avabujjhituṃ. Yañhi daṭṭhumeva na sakkā, tassa ogāhetvā anubujjhane kathā eva natthi avabodhassa dukkarabhāvato. Imasmiṃ ṭhāne “taṃ kiṃ maññatha bhikkhave katamaṃ nu kho dukkarataraṃ vā durabhisambha vataraṃ vā”ti **suttapadam**¹ vattabbaṃ.

Santoti anupasantasabhāvānaṃ kilesānaṃ saṅkhārānañca abhāvato vūpasanta sabbapariḷāhatāya santo nibbuto, santārammaṇatāya vā santo. Ettha ca nirodhasaccaṃ santaṃ ārammaṇanti santārammaṇaṃ, maggasaccaṃ santaṃ santārammaṇañcāti santārammaṇaṃ. Padhānabhāvaṃ nītoti **pañīto**. Atha vā **pañītoti** atittikaraṇaṭṭhena atappako sādurasabhojanaṃ viya. Santapaṇītabhāveneva cettha asecanakatāya atappa katā daṭṭhabbā. Idañhi dvayaṃ lokuttarameva sandhāya vuttaṃ. **Atakkāvacaroti** uttamaññavisayattā takkena avacaritabbo ogāhitabbo na hoti, ñāṇeneva avacaritabbo. Tato eva nipuṇaññagocaratāya saṅhasukhumasabhāvattā ca **nipuṇo saṅho**. **Paṇḍita vedanīyoti** bālānaṃ avisayattā sammāpaṭipadam paṭipannehi paṇḍitehi eva veditabbo.

Allīyanti abhiramitabbaṭṭhena seviyantīti **ālayā**, pañca kāmagaṇāti āha “sattā pañcakāmaguṇe allīyanti, tasmā te ālayāti vuccantī”ti. Tattha **pañcakāmaguṇe allīyantīti** pañcakāmaguṇe sevanti attho. **Teti** pañca kāmagaṇā. **Ramantīti** ratim vindanti kīḷanti laḷanti. Ālīyanti abhiramaṇavasena sevanti ālayā, aṭṭhasataṃ taṇhā vicaritāni, tehi ālayehi ramantīti **ālayarāmāti** evampettha attho daṭṭhabbo. Ime hi sattā yathā kāmagaṇe, evaṃ rāgampi

1. Sam 3. 395 piṭṭhe.

assāḍenti abhinandantiyeva. Yatheva hi susajjitapupphaphalabharitarukkhādisampannaṃ uyyānaṃ pavittḥo rājā tāya tāya sampattiyā ramati, sammudito āmoditapamodito hoti, na ukkaṇṭhati, sāyampi nikkhamituṃ na icchati, evamimehi kāmālayataṇhālayehi sattā ramanti, saṃsāravaṭṭe sammoditā anukkaṇṭhitā vasanti. Tena nesaṃ bhagavā duvidhampi ālayaṃ uyyānabhūmiṃ viya dassento “**ālayarāma**”ti-ādimāha. **Ratāti** niratā. **Suṭṭhu muditāti** ativiya muditā anukkaṇṭhanato.

Ṭhānaṃ sandhāyāti ṭhānasaddaṃ sandhāya. Atthato pana **ṭhānanti** ca paṭiccasamuppādo eva adhippeto. Tiṭṭhati ettha phalaṃ tadāyattavuttitāyāti **ṭhānaṃ**, saṅkhārādīnaṃ paccayabhūtā avijjādayo. Imesaṃ saṅkhārādīnaṃ paccayāti idappaccayā, avijjādayova. Idappaccayā eva **idappaccayatā** yathā devo eva devatā. Idappaccayānaṃ vā avijjādīnaṃ attano phalaṃ paṭicca paccayabhāvo uppādana samatthata **idappaccayatā**. Tena samatthapaccayalakkhaṇo paṭiccasamuppādo dassito hoti. Paṭicca samuppajjati phalaṃ etasmāti **paṭiccasamuppādo**. Padadvayenapi dhammānaṃ paccayaṭṭho eva vibhāvito. Saṅkhārādipaccayānaṃhi avijjādīnaṃ etaṃ adhivacanaṃ idappaccayatāpaṭiccasamuppādoti. **Sabbasaṅkhārasamathoti**-ādi sabbaṃ atthato nibbānameva. Yasmā hi taṃ āgamma paṭicca ariyamaggassa ārammaṇapaccaya bhāvahetu sabbasaṅkhāravipphanditāni sammanti vūpasammanti, tasmā “sabbasaṅkhārasamatho”ti vuccati. Sabbasaṅkhatavisaṃyutte hi nibbāne saṅkhāravūpasamapariyāyo ñāyāgatoyevāti. Idaṃ panettha nibbānaṃ—sabbe saṅkhārā sammanti etthāti **sabbasaṅkhārasamathoti**.

Yasmā ca taṃ āgamma sabbe upadhayo paṭinissaṭṭhā samucchadavasena pariccattā honti, aṭṭhasatappabhedā sabbāpi taṇhā khīyanti, sabbe kilesarāgā virajjanti, jarāmaraṇādibhedam sabbaṃ vaṭṭadukkhāṃ nirujjhati, tasmā “**sabbūpadhipaṭinissaggo taṇhākkhayo virāgo nirodho**”ti vuccati, yā panesā taṇhā tena tena bhavena bhavantaraṃ bhavanikantibhāvena vinati saṃsibbati, phalena vā saddhiṃ kammaṃ vinati saṃsibbatīti katvā vānanti vuccati, tato nikkhantaṃ vānatoti **nibbānaṃ**. **Kilamathoti** kāyakilamatho. Vihesāpi kāyavihesāyeva, citte pana ubhayampetaṃ buddhānaṃ natthi bodhimūleyeva samucchinnattā. Ettha ca

ciranisajjācirabhāsanēhi piṭṭhi-āgilāyanatālugalasosādivasena kāyakilamatho ceva kāyavihesā ca veditabbā, sā ca kho desanāya atthaṃ ajānantānañca appaṭipajjantānañca vasena. Jānantānaṃ pana paṭipajjantānañca desanāya kāyaparissamopi satthu aparissamova, tenāha bhagavā “na ca maṃ dhammādhikaraṇaṃ vihesetī”ti. Teneva vuttaṃ “**yā ajānantānaṃ desanā nāma, so mama kilamatho assā**”ti.

Apissūti sampiṇḍanatthe nipāto. So na kevalaṃ etadahosi, imāpi gāthā paṭibhaṃsūti dīpeti. **Bhagavantanti** paṭisaddayogena sāmi-atthe upayogavacananti āha “**bhagavato**”ti. Vuddhippattā acchariyā vā **anacchariyā**. Vuddhi-atthopi hi a-kāro hoti yathā “asekkhā dhammā”ti. Kappānaṃ cattāri asaṅkhyeyyāni satasahassañca sadevakassa lokassa dhammasaṃvibhāgakaraṇatthameva pāramiyo pūretvā idāni samadhigatadhammarajjassa tattha appossukkatāpattidīpanattā gāthāthassa anu-acchariyatā tassa vuddhippatti ca veditabbā. Atthadvārena¹ hi gāthānaṃ anacchariyatā. **Gocarā ahesunti** upaṭṭhahaṃsu, upaṭṭhānañca vitakkayitabbatā² āha “**parivitakkayitabbabhāvaṃ pāpuṇimsū**”ti.

Kicchenāti na dukkhappaṭipadāya. Buddhānañhi cattāropi maggā sukhappaṭipadāva honti. Pāramīpūraṇakāle pana sarāgasadosasamohasseva sato āgatāgatānaṃ yācakānaṃ alaṅkatappaṭiyattaṃ sīsaṃ kantitvā galalohitaṃ niharitvā su-añjītāni akkhīni uppāṭetvā kulavaṃsappadīpaṃ puttaṃ manāpacārinim bhariyanti evamādīni dentassa aññāni ca khantivādisadisesu attabhāvesu chejjabhejjādīni pāpuṇantassa āgamaṇīyappaṭipadaṃ sandhāyetaṃ vuttaṃ. **Ha**-iti vā byattanti etasmim atthe nipāto. Ekaṃsattheti keci. **Ha** byattaṃ ekaṃsena vā **alam** nippayojanaṃ evaṃ kicchena adhigataṃ dhammaṃ desetunti yojanā. **Halanti** vā alanti iminā samānatthaṃ padaṃ “halanti vadāmī”ti-ādīsu viya. “Pakāsitan”tipi paṭhanti, desitanti attho. Evaṃ kicchena adhigatassa dhammassa alaṃ desitaṃ pariyaṭṭaṃ desitaṃ, ko attho desitenāti vuttaṃ hoti. **Rāgadosaparetehīti** rāgadosaphuṭṭhehi, phuṭṭhavisena viya sappena rāgena dosena ca samphuṭṭhehi

1. Atthuddhārena (Syā)

2. Vitakkassāti(Syā)

abhibhūtehīti attho. Atha vā **rāgadosaparetehīti** rāgadosānugatehi, rāgena ca dosenā ca anubandhehīti attho.

Paṭisotagāminti¹ niccagāhādīnaṃ paṭisotaṃ aniccaṃ dukkhamanattā asubhanti evaṃ gataṃ pavattaṃ catusaccadhammanti attho. **Rāgarattāti** kāmarāgena bhavarāgena diṭṭhirāgena ca rattā. **Na dakkhantīti** aniccaṃ dukkhamanattā asubhanti iminā sabhāvena na passissanti, te apassante ko sakkhissati aniccanti-ādinā sabhāvena yāthāvato dhammaṃ jānāpetunti adhippāyo. Rāgadosaparetatāpi nesaṃ sammulhabhāvenevāti āha “**tamokhandhena āvuṭṭā**”ti, avijjārāsīnā ajjhotthaṭṭāti attho.

Appossukkatāya cittaṃ namatīti kasmā panassa evaṃ cittaṃ nami, nanu esa “muttohaṃ mocessāmi, tiṇṇohaṃ tāressāmi,

Kim me aññāta vesena, dhammaṃ sacchikatenidha.

Sabbaññutaṃ pāpuṇitvā, tārayissaṃ sadevakan”ti²—

Patthanaṃ katvā pārāmiyo pūretvā sabbaññutaṃ pattoti? Saccameva, tadeva paccavekkhaṇānubhāvena panassa evaṃ cittaṃ nami. Tassa hi sabbaññutaṃ patvā sattānaṃ kilesagahanataṃ dhammassa ca gambhīrataṃ paccavekkhantassa sattānaṃ kilesagahanatā ca dhammagambhīratā ca sabbākārena pākaṭā jātā. Athassa “ime sattā kañṇiyapuṇṇalābu viya takkabharitacāṭi viya vasātelapītapilotikā viya añjanamakkhī tahattho viya ca kilesabharitā atisaṃkiliṭṭhā rāgarattā dosaduṭṭhā mohamuḷhā, te kim nāma paṭivijjhissantī”ti cintayato kilesagahanapaccavekkhaṇānubhāvenapi evaṃ cittaṃ nami.

“Ayaṃ dhammo pathavīsandhāraka-udakakkhandho viya **gambhīro**, pabbātena paṭicchādetvā ṭhapito sāsapo viya **duddaso**, satadhā bhinnassa vālassa koṭi viya **aṇu**. Mayā hi imaṃ dhammaṃ paṭivijjhitaṃ vāyamantena adinnaṃ dānaṃ nāma natthi, arakkhitaṃ sīlaṃ nāma natthi, aparipūritā kāci pārāmī nāma natthi, tassa me nirussāhaṃ viya mārabalaṃ vidhamantassapi

1. Dī-Ṭṭha 2. 56; Ma-Ṭṭha 2. 81; Saṃ-Ṭṭha 1. 180 piṭṭhādīsūpi passitabbaṃ.

2. Khu 4. 310 piṭṭhe thokaṃ visadisāṃ.

pathavī na kampittha, paṭhamayāme pubbenivāsaṃ anussarantassapi na kampittha, majjhimayāme dibbacakkhuṃ visodhentassapi na kampittha, pacchimayāme pana paṭiccasamuppādaṃ paṭivijjhantasseva me dasasahassilokadhātu kampittha. Iti mādisenapi tikkhañāṇena kicchenevāyaṃ dhammo paṭividdho, taṃ lokiyamahājanā katharṃ paṭivijjhissanti”ti dhammagambhīratāya paccavekkhaṇānubhāvenapi evaṃ cittaṃ namīti veditabbaṃ.

Apica brahmunā yācite desetukāmatāyapissa evaṃ cittaṃ nami. Jānāti hi bhagavā “mama appossukkatāya citte namamāne mahābrahmā dhammadesanaṃ yācissati, ime ca sattā brahmagarukā, te 'sathā kira dhammaṃ na desetukāmo ahosi, atha naṃ mahābrahmā yācitvā desāpeti, santo vata bho dhammo paṇīto'ti maññamānā sussūsissanti”ti. Idampissa kāraṇaṃ paṭicca appossukkatāya cittaṃ nami, no dhammadesanāyāti veditabbaṃ.

8. **Sahampatissāti** so kira kassapassa bhagavato sāsane sahako nāma thero paṭhamajjhānaṃ nibbattetvā paṭhamajjhānabhūmiyaṃ kappāyukabrahmā hutvā nibbatto, tatra naṃ sahampati brahmāti sañjānanti. Taṃ sandhāyāha “**brahmuno sahampatissā**”ti. **Nassati vatāti** so kira imaṃ saddaṃ tathā nicchāreti, yathā dasasahassilokadhātu brahmāno sutvā sabbe sannipatiṃsu. **Apparajakkhajātikāti** paññāmaye akkhiṃhi appaṃ parittaṃ rāgadosamoharajaṃ etesaṃ evaṃsabhāvāti apparajakkhajātikā. Appaṃ rāgādirajaṃ yesaṃ te sabhāvā apparajakkhajātikāti evamettha attho daṭṭhabbo. **Assavanatāti** “sayāṃ abhiññā”ti-ādīsu viya karaṇatthe paccattavacanaṃ, assavanatāyāti attho. **Bhavissantīti** purimabuddhesu dasapuññakiriyavasena katādhikārā paripākagatapadumāni viya sūriyarasamisamphassaṃ dhammadesanaṃyeva ākaṅkhamānā catuppadikagāthāvasāne ariyabhūmiṃ okkamanārahā na eko, na dve, anekasatasahassā dhammassa aññātāro bhavissantīti dasseti.

Pāturahosīti pātubhavi. **Samalehi cintitoti** samalehi pūraṇakassapādīhi chahi sathārehi cintito. Te hi puretaraṃ uppajjitvā sakalajambudīpe kaṇṭake pattharamānā viya visaṃ siñcamānā

viya ca samalaṃ micchādiṭṭhidhammaṃ desayīmsu. Te kira buddhakoḷāhalānussavena sañjātakutūhalā lokam vañcetā kohaṇṇe ṭhatvā sabbaññutam paṭijānantā yaṃ kiñci adhammaṃyeva dhammoti dīpesuṃ. **Apāpuretanti** vivara etaṃ. **Amatassa dvāranti** amatassa nibbānassa dvārabhūtaṃ ariyamaggaṃ. Idaṃ vuttaṃ hoti—etaṃ kassapassa bhagavato sāsānantaradhānato pabhuti pihitaṃ nibbānanagarassa mahādvāraṃ ariyamaggaṃ saddhammadesanāhatthena apāpura vivara ugghāṭehīti. **Suṇantu dhammaṃ vimalenānubuddhanti** ime sattā rāgādimalānaṃ abhāvato vimalena sammāsambuddhena anubuddhaṃ catusaccadhammaṃ suṇantu tāva bhagavāti yācati.

Selapabbato ucco hoti thiro ca, na paṃsupabbato missakapabbato vāti āha “**sele yathā pabbatamuddhaniṭṭhito**”ti. Tassattho “selamaye ekagghane pabbatamuddhani yathāṭhitova. Na hi tattha ṭhitassa dassanatthaṃ gīvuḅkhipanapasāraṇādikkiccam atthī”ti. **Tathūpamanti** tappaṭibhāgaṃ selapabbatūpamaṃ. **Dhammamayaṃ pāsādanti** lokuttaradhammamaḥa. So hi sabbaso pasādāvaho sabbadhamme atikkamma abbhuggataṭṭhena¹ pāsādasadiso ca, paññāpariyāyo vā idha dhamma-saddo. Paññā hi abbhuggataṭṭhena¹ pāsādoti abhidhamme niddiṭṭhā. Tathā cāha—

“Paññāpāsādamāruyha, asoko sokiniṃ pajam.

Pabbataṭṭhova bhūmaṭṭhe, dhīro bāle avekkhatī”ti².

Ayam panettha saṅkhepattho—yathā selapabbatamuddhani yathāṭhitova cakkhumā puriso samantato janataṃ passeyya, tathā tvampi sumedha sundarapañña sabbaññutaññāṇena samantacakkhu bhagavā dhammamayaṃ paññāmayam pāsādamāruyha sayam apetasoko sokāvatiṇṇam jātijarābhibhūtaṃ janataṃ avekkhassu upadhāraya upaparikkhāti. Ayam panettha adhippāyo—yathā hi pabbatapāde samantā mahantaṃ khettaṃ katvā tattha kedārapālīsu kuṭikāyo katvā rattiṃ aggim jāleyyūṃ, caturaṅgasamannāgataṅca andhakāraṃ assa, atha tassa pabbatassa matthake ṭhatvā cakkhumato purisassa bhūmiṃ olokayato neva khettaṃ, na kedārapālīyo, na kuṭīyo, na tattha sayitamanussā paññāyeyyūṃ anujjalabhāvato, kuṭikāsu pana

1. Accuggataṭṭhena (Syā)

2. Khu 1. 17 piṭṭhe.

aggijālāmattameva paññāyeyya ujjalabhāvato, evaṃ dhammapāsādaṃ
 āruyha sattanikāyaṃ olokayato tathāgatassa ye te akatakalyāṇā sattā, te
 ekavihāre dakkhiṇajāṇupasse nisinnāpi buddhacakkhussa āpāthaṃ
 nāgacchanti ñāṇagginā anujjalabhāvato anuḷārabhāvato ca, rattim khittā sarā
 viya honti. Ye pana katakalyāṇā veneyyapuggalā, te evassa dūrepi ṭhitā
 āpāthamāgacchanti paripakkaññāggitāya samujjalabhāvato uḷārasantānatāya
 ca, so aggi viya himavantapabbato viya ca. Vuttampi cetam—

“Dūre santo pakāsentī, himavantova pabbato.
 Asantettha na dissanti, rattim khittā yathā sarā”ti¹.

Uṭṭhehīti bhagavato dhammadesanatthaṃ cārikacaraṇaṃ yācanto
 bhaṇati. **Uṭṭhehī**ti vā dhammadesanāya apposukkatā saṅkhātasāṅkocāpattito
 kilāsubhāvato uṭṭhaha. **Vīrā**ti-ādīsu bhagavā
 sātīsayacatubbidhasammappadhānavīriyavantatāya **vīro**,
 devaputtamaccukilesābhisāṅkhārānaṃ vijitattā **vijitasāṅgāmo**,
 jātikantārādito veneyya satthaṃ vāhanasamatthatāya nibbānasāṅkhātaṃ
 khemappadesaṃ sampāpanasamatthatāya **satthavāho**, kāmacchanda-īṇassa
 abhāvato **añānoti** veditabbo. Yo hi paresaṃ īṇaṃ gahevā vināseti, so tehi
 “īṇaṃ dehī”ti tajjamānopi pharusaṃ vuccamānopi vambhamā nopi²
 vadhiyamānopi kiñci paṭippaharituṃ na sakkoti, sabbaṃ titikkhati. Titikkha
 kāraṇaṅhissa taṃ īṇaṃ hoti, evameva yo yamhi kāmacchandena rajjati,
 taṇhāgahaṇena taṃ vatthuṃ gaṇhāti, so tena pharusaṃ vuccamānopi
 vambhamānopi vadhiyamānopi kiñci paṭippaharituṃ na sakkoti, sabbaṃ
 titikkhati. Titikkhakāraṇaṅhissa so kāmacchando hoti gharasāmikehi
 viheṭhiyamānānaṃ itthīnaṃ viya. Kasmā? Iṇasadisattā kāmacchandassa.

9. **Ajjhesananti** garuṭṭhānīyaṃ payirupāsivā garutaraṃ payojanaṃ
 uddissa abhipatthanā ajjhesanā, sāpi atthato yācanā eva. **Buddhacakkhunā**ti
 indriyaparopariyattañāṇena ca āsayānusayañāṇena ca. Imesaṅhi dvinnāṃ
 ñāṇānaṃ **buddhacakkhū**ti nāmaṃ, sabbaññutaññāṇassa **samantacakkhū**ti.

1. Khu1. 56 piṭṭhe.

2. Bajjhamānopi (Syā)

heṭṭhimānaṃ tiṇṇaṃ maggañāṇānaṃ **dhammacakkhūti**. **Apparajakkheti-** ādisu yesaṃ vuttanayeneva paññācakkhumhi rāgādirajaṃ appaṃ, te **apparajakkhā**. Yesaṃ taṃ mahantaṃ, te **mahārajakkhā**. Yesaṃ saddhādīni indriyāni tikkhāni, te **tikkhindriyā**. Yesaṃ tāni mudūni, te **mudindriyā**. Yesaṃ teyeva saddhādayo ākāraṃ sundarā, te **svākārā**. Ye kathitakāraṇaṃ sallakkhenti, sukkena sakkā honti viññāpetuṃ, te **suviññāpayā**. Ye paralokañceva vajjañca bhayato passanti, te **paralokavajjabhayadassāvino** nāma.

Uppalāni ettha santīti uppalinī, gacchopi jalāsayopi, idha pana jalāsayo adhippeto, tasmā **uppaliniyanti** uppalavaneti evamattho gahetabbo. Ito paresupi eseva nayo **antonimuggaposīnīti** yāni udakassa anto nimuggāneva hutvā pussanti vaḍḍhanti, tāni antonimuggaposīni. **Udakaṃ accuggamma tiṭṭhantīti** udakaṃ atikkamitvā tiṭṭhanti. Tattha yāni accuggamma ṭhitāni sūriyarasmisamphassaṃ āgamayamānāni, tāni ajja pupphanakāni. Yāni samodakaṃ ṭhitāni, tāni sve pupphanakāni. Yāni udakā anuggatāni antonimuggaposīni, tāni tatiyadivase pupphanakāni. Udakā pana anuggatāni aññānīpi saroga-uppalādīni nāma atthi, yāni neva pupphissanti macchakacchapabhakkhāneva bhavissanti, tāni pāḷim nāruḷhāni, āharitvā pana dīpetabbānīti aṭṭhakathāyaṃ pakāsītāni¹. Yatheva hi tāni catubbidhāni pupphāni, evameva ugghaṭitaññū vipañcitaññū neyyo padaparamoti cattāro puggalā.

Tattha yassa puggalassa saha udāhaṭavelāya dhammābhisamayo hoti, ayaṃ “cattāro satipaṭṭhānā”ti-ādinā nayena saṅkhittena mātikāya ṭhapiyamānāya² desanānu sārena ñāṇaṃ pesetvā arahattaṃ gaṇhituṃ samattho puggalo **ugghaṭitaññūti** vuccati. Yassa puggalassa saṅkhittena bhāsitassa vitthārena atthe vibhajiyamāne dhammābhi samayo hoti, ayaṃ vuccati puggalo **vipañcitaññū**. Yassa puggalassa uddesato paripucchato yonisomanasikaroto kalyāṇamitte sevato bhajato payirupāsato anupubbena dhammābhisamayo hoti, ayaṃ vuccati puggalo **neyyo**. Yassa puggalassa bahumpi suṇato bahumpi bhaṇato bahumpi

1. Aṭṭhakathāyaṃ na pakāsītāni (Syā)

2. Dīpiyamānāya (Ka)

dhārayato bahumpi vācayato na tāya jātiyā dhammābhisamayo hoti, tena attabhāvena maggaṃ vā phalaṃ va antamaso jhānaṃ vā vipassanaṃ vā nibbattetuṃ na sakkoti, ayaṃ vuccati puggalo **padaparamo**. Tattha bhagavā uppalavanādisadisāṃ dasasahassi lokadhātum olokento ajja pupphanakāni viya ugghaṭitaññū, sve pupphanakāni viya vipaṇcitaññū, tatiyadivase pupphanakāni viya neyye, macchakacchapabhakkhapupphāni viya padaparame ca addasa, passanto ca “ettakā apparajakkhā, ettakā mahārajakkhā, tatrāpi ettakā ugghaṭitaññū”ti evaṃ sabbākāratova addasa.

Tattha tiṇṇaṃ puggalānaṃ imasmiññeva attabhāve bhagavato dhammadesanā atthaṃ sādheti. Padaparamānaṃ anāgatattāya vāsanā hoti. Atha bhagavā imesaṃ catunnaṃ puggalānaṃ atthāvahaṃ dhammadesanaṃ viditvā desetukamyataṃ uppādetvā puna sabbepi tīsu bhavesu satte bhābhābhābhavasena dve koṭṭhāse akāsi. Ye sandhāya vuttaṃ “ye te sattā kammāvaraṇena samannāgatā vipākāvaraṇena samannāgatā kilesāvaraṇena samannāgatā assaddhā acchandikā duppaññā abhabbā niyāmaṃ okkamituṃ kusalesu dhammesu sammattaṃ, ime te sattā abhabbā. Katame te sattā bhābhā. Ye te sattā na kammāvaraṇena -pa- ime te sattā bhābhā”ti¹. Tattha sabbepi abhabbapuggale pahāya bhābhāpuggaleyeva ñāṇena pariggahetvā “ettakā rāgacaritā, ettakā dosa, moha, vitakka, saddhā, buddhicaritā”ti cha koṭṭhāse akāsi, evaṃ katvā dhammaṃ desessāmīti cintesi. Ettha ca apparajakkhādibhābhādivasena āvajjenta bhagavato te sattā puñjapuñjāva hutvā upaṭṭhahanti, na ekekāti daṭṭhabbā.

Paccabhāsīti pati-abhāsi. **Apārutāti** vivaṭā. **Amatassa dvārāti** ariyamaggo. So hi amataśākhātassa nibbānassa dvāraṃ, so mayā vivaritvā ṭhapito mahākaruṇūpanissayena sayambhūñāṇena adhigatattāti dasseti. “Apārutaṃ tesāṃ amatassa dvāraṃ”ti keci paṭhanti. **Pamuñcantu saddhanti** sabbe attano saddhaṃ muñcantu vissajjentu pavedentu, mayā desite dhamme mayi ca attano saddahanākāraṃ utṭhāpentūti attho. Pacchimapadadvaye ayamatto—ahañhi attano paṇaṃ suppvattitampi imaṃ

1. Abhi 2. 355 piṭṭhe.

paṇītaṃ uttamaṃ dhammaṃ kāyavācākīlamathasaññī hutvā na bhāsim, na bhāsisāmīti cintesim, idāni pana sabbo jano saddhābhājanam upanetu, pūressāmi nesaṃ saṅkappanti. **Antaradhāyīti** satthāraṃ gandhamālādīhi pūjetvā antarahito, sakaṭṭhānameva gatoti attho. Satthusantikañhi upagatānaṃ devānaṃ brahmānaṃ tassa purato antaradhānaṃ nāma sakaṭṭhānagamanameva.

Brahmayācanakathāvaṇṇanā niṭṭhitā.

Pañcavaggiyakathāvaṇṇanā

10. **Etadahosīti** etaṃ ahosi, “kassa nu kho ahaṃ paṭhamaṃ dhammaṃ deseyyan”ti ayam dhammadesanāpaṭisaṃyutto vitakko udapādīti attho. **Ālāro**ti tassa nāmaṃ. Dīghapiṅgalo kiresa. So hi tuṅgasarīratāya dīgho, piṅgalacakkhutāya piṅgalo, tenassa “ālāro”ti nāmaṃ ahosi. **Kālāmoti** gottam. **Paṇḍitoti**¹ paṇḍiccena samannāgato, samāpattipaṭilābhasaṃsiddhena adhigamabāhusaccasaṅkhātena paṇḍitabhāvena samannā gatoti attho. **Byatto** veyyattiyena samannāgato, samāpattipaṭilābhapaccayena pārihārika paññāsaṅkhātena byattabhāvena samannāgatoti attho. **Medhāvīti** ṭhānuppattiyā paññāya samannāgato. Atha vā **medhāvīti** tihetukapaṭisaṅdhipaññāsaṅkhātāya taṃtaṃ itikattabba tāpaññāsaṅkhātāya ca medhāya samannāgatoti evamettha attho daṭṭhabbo. **Aparajakkha jātikoti** samāpattiyā vikkhambhitattā nikkilesajātiko visuddhasatto. **Ājānissatīti** sallakkhessati paṭivijjhissati.

Bhagavatopi kho ñāṇam udapādīti bhagavatopi sabbaññutaññāṇam uppajji. Bhagavā kira devatāya kathiteneva niṭṭham agantvā sayampi sabbaññutaññāṇena olokento ito sattamadivasamatthake kālaṃ katvā ākiñcaññāyatane nibbattoti addasa. Taṃ sandhāyāha “bhagavatopi kho ñāṇam udapādī”ti. **Mahājānīyoti** sattadivasabbhantare

1. Ma-Ṭṭha 2. 91 piṭṭhādīsopi passitabbam.

pattabbamaggaphalato parihīnattā mahatī jāni parihāni assāti mahājāniyo. Akkhaṇe nibbattattā¹ idha dhammadesanaṭṭhānaṃ āgamanapādāpi natthi, athāhaṃ tattha gaccheyyāṃ, gantvā desiyamānaṃ dhammampissa sotum sotapasādopi natthi, evaṃ mahājāniyo jātoti dasseti. Kim pana bhagavatā taṃ attano buddhānubhāvena dhammaṃ ñāpetum na sakkāti? Āma na sakkā, na hi paratoghosaṃantarena sāvakānaṃ dhammābhi samayo sambhavati, aññathā itarapaccayarahitassapi dhammābhisamayena bhavitabbaṃ, na ca taṃ atthi. Vuttañhetāṃ “dveme bhikkhave paccayā sammādiṭṭhiyā uppādāya parato ca ghoso ajjhattañca yonisomanasikāro”²ti.

Udakoti tassa nāmaṃ, rāmassa pana puttatāya **rāmaputto**.

Abhidosakālakatoti aḍḍharatte kālakato. **Bhagavatopi kho ñāṇaṃ udapādīti** idhāpi kira bhagavā devatāya kathitavacanena sannaṭṭhānaṃ akatvā sabbaññutaññāṇena olokento “hiyyo aḍḍharatte kālaṃ katvā udako rāmaputto nevasaññānāsaññāyatane nibbatto”³ti addasa, tasmā evaṃ vuttaṃ. Sesāṃ purimasadisameva.

Bahūpakārāti bahu-upakārā. **Padhānapahittatāṃ upaṭṭhahimsūti** padhānatthāya pesitattabhāvaṃ vasanaṭṭhāne pariveṇasammajjanena pattacīvaraṃ gahetvā anubandhanena mukhodakadantaṭṭhadānādinā ca upaṭṭhahimsu. Ke panete pañcavaggiyā nāma? Ye te—

Rāmo dhajo lakkhaṇo cāpi mantī³,
Koṇḍañño ca bhojo suyāmo sudatto.
Ete tadā aṭṭha ahesum brāhmaṇā,
Chalaṅgavā mantāṃ viyākarimsūti⁴.

Bodhisattassa jātakāle supinapaṭiggāhakā ceva lakkhaṇapaṭiggāhakā ca aṭṭha brāhmaṇā. Tesu tayo dvedhā byākarimsu “imehi lakkhaṇehi samannāgato agāraṃ ajjhāvasamāno rājā hohiti cakkavattī, pabbajamāno buddho”⁴ti. Pañca brāhmaṇā ekaṃsabyākaraṇā

1. Nibbatto (Syā, Ka)

2. Am 1. 87 piṭṭhe.

3. Jotimanti (Ka)

4. Khu 11. 229 piṭṭhe milindapañhe cuṇṇiyavasena āgatā, Ma-Ṭṭha 2. 92;

Jātaka-Ṭṭha 1. 66; Apadāna-Ṭṭha 1. 68 piṭṭhesupi passitabbaṃ.

ahesuṃ “imehi lakkhaṇehi samannāgato agāre na tiṭṭhati, buddhova hoti”ti. Tesu purimā tayo yathāmantapadaṃ gatā. Ete hi lakkhaṇamantasaṅkhātavedavacanānurūpaṃ paṭipannā dve gatiyo bhavanti anaññāti vuttaniyāmena nicchinituṃ asakkontā vuttameva paṭipajjimsu, na mahāpurisassa buddhabhāvappattiṃ paccāsimsu. Ime pana koṇḍaññādayo pañca “ekamsato buddho bhavissati”ti jātanicchayattā mantapadaṃ atikkantā. Te attanā laddhaṃ tuṭṭhidānaṃ nātakānaṃ vissajjetvā “ayaṃ mahāpuriso agāre na ajjhāvasissati, ekantena buddho bhavissati”ti nibbematikā bodhisattaṃ uddissa samaṇapabbajjaṃ pabbajitā, tesam puttātipi vadanti, taṃ aṭṭhakathāyaṃ paṭikkhittaṃ. Ete kira daharakāleva bahū mante jānimsu, tasmā ne brāhmaṇā ācariyaṭṭhāne ṭhapyimsu. Te “pacchā amhehi puttadārajaṭaṃ chinditvā na sakkā bhavissati pabbajitun”ti daharakāleyeva pabbajitvā ramaṇīyāni senāsanāni paribhuñjantā vicarimsu. Kālena kālaṃ pana “kim bho mahāpuriso mahābhinikkhamaṇaṃ nikkhanto”ti pucchanti. Manussā “kuhiṃ tumhe mahāpurisaṃ passissatha, tisu pāsādesu vividhanāṭakamajjhe devo viya sampattiṃ anubhoti”ti vadanti. Te sutvā “na tāva mahāpurisassa nāṇaṃ paripākaṃ gacchati”ti appossukkā viharimsueva.

Kasmā panettha bhagavā “bahukārā kho me pañcavaggiyā”ti āha. Kim upakāraṇānyeva esa dhammaṃ deseti, anupakāraṇaṃ na desetīti? No na deseti. Paricayavasena hesa āḷāraṇceva kālāmaṃ udakaṇca rāmaputtaṃ olokesi. Etasmim̐ pana buddhakkhette ṭhapetvā aññāsikoṇḍaññaṃ añño paṭhamaṃ dhammaṃ sacchikātuṃ samattho nāma natthi. Kasmā? Tathāvidha-upanissayattā. Pubbe kira puñṇakaraṇakāle dve bhātaro ahesuṃ. Te ca ekato sassaṃ akaṃsu. Tattha jeṭṭhassa “ekasmim̐ sasse nava vāre aggasassadānaṃ mayā dātabban”ti ahoṣi. So vappakāle bījaggaṃ nāma datvā gabbhakāle kaniṭṭhena saddhim̐ mantesi “gabbhakāle gabbhaṃ phāletvā dassāmi”ti. Kaniṭṭho “taruṇasassaṃ nāsetukāmosi”ti āha. Jeṭṭho kaniṭṭhassa ananuvattanabhāvaṃ nātva khettaṃ vibhajitvā attano koṭṭhāsato gabbhaṃ phāletvā khīraṃ nīharitvā sappiphāṇitena yojetvā adāsi, puthukakāle puthukaṃ kāretvā

adāsi, lāyane lāyanaggaṃ, veṇikaraṇe veṇaggaṃ, veṇiyo purisabhāravasena bandhitvā kalāpakaraṇe kalāpaggaṃ, khale kalāpānaṃ ṭhapanadivase khalaggaṃ, madditvā vihīnaṃ rāsikaraṇadivase khalabhaṇḍaggaṃ, koṭṭhāgāre dhañṇassa pakkhipanadivase koṭṭhagganti evaṃ ekasmiṃ sasse nava vāre aggadānaṃ adāsi. Kaniṭṭho pana khalato dhañṇaṃ uddharitvā gahaṇadivase adāsi. Tesu jeṭṭho añṇāsikoṇḍañṇatthero jāto, kaniṭṭho subhaddaparibbājako. Iti ekasmiṃ sasse navannaṃ aggadānaṃ dinnattā ṭhapetvā therāṃ añṇo paṭhamaṃ dhammaṃ sacchikātum samattho nāma natthi. “Navannaṃ aggadānaṃ dinnattā”ti idaṅca tassa rattaññūnaṃ aggabhāvattāya katābhinihārānurūpaṃ pavattitasāvakaṃ pāramiyā ciṅṅante pavattitattā vuttaṃ. Tiṅṅampi hi bodhisattānaṃ taṃtāmpāramiyā sikhāppattakāle pavattitaṃ puññaṃ apuññaṃ vā garutaravipākameva hoti, dhammassa ca sabbapaṭhamaṃ sacchikiriyaṃ vinā kathaṃ rattaññūnaṃ aggabhāvasiddhīti? “Bahukārā kho me pañcavaggiyā”ti idaṃ pana upakārānussaraṇamattakeneva vuttaṃ.

Isipatane migadāyēti tasmīṃ kira padese anuppanne buddhe paccekasambuddhā gandhamādanapabbate sattāhaṃ nirodhasamāpattiyā vitināmetvā nirodhā vuṭṭhāya nāgalatādantakaṭṭhaṃ khādītva anotattadahe mukhaṃ dhovītva pattacīvaramādāya ākāseṇa āgantvā nipatanti. Tattha cīvaram pārupitvā nagare piṇḍāya caritvā katabhatta kiccā gamanakālepi tatoyeva uppatitvā gacchanti. Iti isayo ettha nipatanti uppatanti cāti taṃ ṭhānaṃ “isipatanaṃ”ti saṅkhaṃ gataṃ, migānaṃ pana abhayattāya dinnattā “migadāyo”ti vuccati. Tena vuttaṃ “isipatane migadāyē”ti. Añṇe buddhā paṭhamaṃ dhammadesanattāya gacchantā ākāseṇa gantvā tattheva otaranti, amhākaṃ pana bhagavā upakassa ājīvakassa upanissayaṃ disvā “upako imaṃ addhānaṃ paṭipanno, so maṃ disvā sallapitvā gamissati, atha puna nibbinno¹ āgama arahattaṃ sacchi karissati”ti ñatvā aṭṭhārasayojanaṃ maggaṃ padasāva agamāsi. Tena vuttaṃ “yena bārāṇasī, tena cārikaṃ pakkāmī”ti.

11. **Antarā ca gayāṃ antarā ca bodhinti** gayāya ca bodhissa ca vivare tiḡavutantare ṭhāne. Bodhimaṇḍato hi gayā tiṇi gāvutāni,

bārāṇasī aṭṭhārasa yojanāni. Upako bodhimaṇḍassa ca gayāya ca antare bhagavantam addasa. Antarā-saddena pana yuttattā upayogavacanam katam. Īdisesu ca ṭhānesu akkharacintakā “antarā gāmañca nadiñca yāti”ti evam ekameva antarā-saddam payujjanti, so dutiyapadenapi yojetabbo hoti, ayojyamāne upayogavacanam na pāpuṇāti sāmivacanassa pasaṅge antarā-saddayogena upayogavacanassa icchitattā. Idha pana yojetvā eva vutto. **Addhānamagganti** addhānasaṅkhātāmaggaṃ, dīghamagganti attho. Addhānagamanasamayassa vibhaṅge “addhajojanam gacchissāmīti bhujjītabban”ti-ādivacanato¹ addhajojanampi addhānamaggo hoti. Bodhimaṇḍato pana gayā tigāvutaṃ. **Vippasannānti** suṭṭhu pasannāni. **Indriyānti** manacchatṭhāni indriyāni. **Parisuddhoti** niddoso. **Pariyodātoti** tasseva vevacanam. Nirupakkilesatāyeva hi esa “pariyodāto”ti vutto, na setabhāvena. Etassa pariyodātataṃ disvāva indriyānam vippasannataṃ aññāsī, nayaggāhīpaññā kiresā tassa ājīvakassa.

Sabbābhībhūti sabbam tebhūmakadhammam abhibhavivā ṭhito. **Sabbavidūti** sabbam catubhūmakadhammam avediṃ aññasiṃ sabbaso ñeyyāvaraṇassa pahīnattā. **Sabbesu dhammesu anupalittoti** sabbesu tebhūmakadhammesu rajjanadussanamuyha nādinā kilesalepena alitto. **Sabbañjahoti** sabbam tebhūmakadhammam jahitvā ṭhito. Appahātabbampi hi kusalābyākataṃ tappaṭibaddhakilesappahānena pahīnattā na hotīti jahitameva hoti. **Taṇhakkhaye vimuttoti** taṇhakkhaye nibbāne ārammaṇakaraṇavasena vimutto. **Sayam abhiññāyāti** sabbam catubhūmakadhammam attanāva jānitvā. **Samuddiseyyanti** kam aññam “ayam me ācariyo”ti uddiseyyam.

Na me ācariyo atthīti lokuttaradhamme mayham ācariyo nāma natthi. Kiñcāpi hi lokiyadhammānampi yādiso lokanāthassa adhigamo, na tādiso adhigamo² parūpadeso atthi, lokuttaradhamme panassa losopi natthi. **Natthi me paṭipuggaloti** mayham sīlādīhi guṇehi paṭinidhibhūto puggalo nāma natthi. **Sammāsambuddhoti** hetunā³ nayena cattāri saccāni sayam buddho. **Sītibhūtoti** sabbakilesagginibbāpanena sītibhūto, kilesānamyeva nibbutattā nibbuto.

1. Vi 2. 101 piṭṭhe.

2. Āgamo (Syā)

3. Sahetunā (Ma-Ṭṭha 2. 94 piṭṭhe.)

Kāsinam puranti kāsiraṭṭhe nagaram. **Āhañcanti** āhanissāmi. **Amata dundubhinti** veneyyānam amatādhigamāya ugghosanādim¹ katvā satthu dhammadesanā “amatadundubhī”ti vuttā, dhammacakkapaṭilābhāya tam amatabherim paharissāmīti gacchāmīti vuttam hoti.

Arahasi anantajinoti anantajinopi bhavitum yuttoti attho. Anantañño jītakilesoti **anantajino**. **Hupeyyapāvusoti** āvuso evampi nāma bhavēyya, evaṃvidhe nāma rūparatane² īdisena nāṇena bhavitabbanti adhīppāyo. Ayañhissa pabbajjāya paccayo jāto. Katādhikāro hesa. Tathā hi bhagavā tena samāgamanattham padasāva tam maggam paṭipajji. **Pakkāmīti** vañkahārajanapadam nāma agamāsi.

Tatthekam migaluddakagāmakam nissāya vāsam kappesi, jeṭṭhakaḷuddako tam upaṭṭhāsi. Tasmīṃca janapade caṇḍā makkhikā³ honti. Atha nam ekāya cāṭiyā vasāpesum. Migaluddako dūram migavam gacchanto “amhākam arahante mā pamajji”ti cāpam nāma dhītarām āṇāpetvā agamāsi saddhim puttabhātukehi. Sā cassa dhīta dassanīyā hoti koṭṭhāsasampannā. Dutiyadivase upako gharam āgato tam dārikam sabbam upacāram⁴ katvā parivisitum upagatam disvā rāgena abhibhūto bhuñjītumpi asakkonto bhājanena bhattam ādāya vasanaṭṭhānam gantvā bhattam ekamantam nikkhipitvā “sace cāpam labhāmi, jīvāmi. No ce, marāmi”ti nirāhāro sayi. Sattame divase māgaviko āgantvā dhītarām upakassa pavattim pucchi. Sā “ekadivasameva āgantvā puna nāgatapubbo”ti āha.

Māgaviko āgataveseneva⁵ nam upasankamitvā pucchissāmīti tañkhaṇamēva gantvā “kim bhante aphāsukan”ti pāde parāmasanto pucchi. Upako nitthunanto parivattatiyeva. So “vada bhante, yam mayā sakkā kātum, sabbam karissāmi”ti āha. Upako “sace cāpam labhāmi, jīvāmi, no ce, mayhameva maraṇam seyyo”ti āha. Jānāsi kira bhante kiñci sippanti. Na jānāmīti. Na bhante kiñci sippam ajānantena sakkā gharāvāsam adhiṭṭhātunti. So āha “nāham kiñci sippam jānāmi,

1. Ugghosanāti (Syā)

2. Nāmarūpakāyaratane (Syā)

3. Macchikā (Syā, Ka) ma-Ṭṭha 2. 94 piṭṭhe pana passitabbam.

4. Upahāram (Syā)

5. Āgatadivaseneva (Syā)

apica tumhākaṃ maṃsahāraḷo bhavissāmi, maṃsaṅca vikkiṅissāmi”ti. Māgaviko “amhākampī etadeva ruccati”ti uttarasāṭakaṃ datvā gharaṃ ānetvā dhītaṃ adāsi. Tesāṃ saṃvāsamanvāya putto vijāyi, “subhaddo”tissa nāmaṃ akaṃsu. Cāpā tassa rodanakāle “maṃsahārakassa putta migaluddakassa putta mā rodi mā rodi”ti-ādīni vadamānā puttatosanagītena upakaṃ uppaṇḍesi. “Bhadde tvaṃ maṃ anāthoti maññasi, atthi me anantajino nāma sahāyo, tassāhaṃ santikaṃ gamissāmi”ti āha. Cāpā “evamayaṃ aṭṭiyati”ti ñatvā punappunaṃ kathesi. So ekadivasāṃ anārocetvāva majjhimadesābhimukho pakkāmi.

Bhagavā ca tena samayena sāvattiyaṃ viharati jetavane, atha kho bhagavā paṭikacceva bhikkhū āṇāpesi “yo bhikkhave anantajinoti pucchamāno āgacchati, tassa maṃ dasseyyāthā”ti. Upakopi kho “kuhiṃ anantajino vasati”ti pucchanto anupubbena sāvattim āgantvā vihāramajjhe ṭhatvā “kuhiṃ anantajino”ti pucchi. Taṃ bhikkhū bhagavato santikaṃ nayiṃsu. So ca bhagavantaṃ disvā “sañjānātha maṃ bhagavā”ti āha. Āma upaka sañjānāmi, kuhiṃ pana tvaṃ vasitthāti. Vaṅkahārajanapade bhanteti. Upaka mahallakosi jāto, pabbajitum sakkhissasīti. Pabbajissāmi bhanteti. Bhagavā pabbājetvā tassa kammaṭṭhānaṃ adāsi. So kammaṭṭhāne kammaṃ karonto anāgāmiṃphale patiṭṭhāya kālaṃ katvā avihesu nibbatto, nibbattikkhaṇeyeva ca arahattaṃ pāpuṇi. Avihe nibbattamattā hi satta janā arahattaṃ pāpuṇiṃsu, tesāṃ so aññataro. Vuttañhetam—

“Avihaṃ upapannāse, vimuttā satta bhikkhavo.
Rāgadosaparikkhiṇā, tiṇṇā loke visattikaṃ.

Upako palagaṇḍo ca, pukkusāti ca te tayo.
Bhaddiyo khaṇḍadevo ca, bāhuraggi ca saṅgiyo¹.
Te hitvā mānusaṃ dehaṃ, dībbayogaṃ upaccagun”ti².

12. **Sanṭhapesunti** “neva abhivādetabbo”ti-ādīnā katikaṃ akaṃsu.
Bāhullikoti cīvarabāhullādīnaṃ atthāya paṭipanno.

1. Bāhudanti ca piṅgiyo (Syā)

2. Saṃ1. 32, 59 piṭṭhesu.

Padhānavibbhantoti padhānato pubbe anuṭṭhitadukkaracaraṇato vibbhanto bhaṭṭho parihīno. **Āvatto bāhullāyāti** cīvarādibahubhāvattāyā āvatto. **Apica kho āsanam ṭhapetabbanti** apica kho panassa uccakule nibbattassa āsanamattam ṭhapetabbanti vadimsu. **Asaṅṭhahantāti** buddhānubhāvena buddhatejena abhibhūtā attano katikāya ṭhātum asakkontā. **Nāmena ca āvusovādena ca samudācarantīti** “gotamā”ti ca “āvuso”ti ca vadanti, “āvuso gotama mayam uruvelāyam padhānakāle tuyham pattacīvaram gahetvā vicarimha, mukhodakam dantakaṭṭham adamha, vutthapariveṇam sammajjimha, pacchā te ko vattapaṭipattim akāsi, kacci amhesu pakkantesu na cintayitthā”ti evarūpam katham kathentīti attho.

Na cirassevāti acireneva. **Kulaputtāti** duvidhā kulaputtā jātikulaputtā ācārakulaputtā ca, ete pana ubhayathāpi kulaputtāyeva. **Agārasmāti** gharā. Agārāya hitam agāriyam, kasigorakkhādi kuṭumbaposanakammam vuccati. Natthi ettha agāriyanti **anagāriyam**. Pabbajjāyetam adhivacanam. **Pabbajantīti** upagacchanti upasankamanti. **Tadanuttaranti** tam anuttaram. **Brahmacariyapariyosānanti** maggabrahmacariyassa pariyosānam, arahattaphalanti vuttam hoti. Tassa hi atthāya kulaputtā pabbajanti. **Diṭṭheva dhammeti** tasmimyeva attabhāve. **Sayam abhiññā sacchikatvāti** attanoyeva paññāya paccakkham katvā, aparappaccayam katvāti¹ attho. **Upasampajja viharissathāti** pāpuṇitvā sampādetvā viharissatha.

Iriyāyāti dukkara-iriyāya. **Paṭipadāyāti** dukkarapaṭipattiyā. **Dukkarakārikāyāti** pasatapasatamuggayūsādi-āharaṇādinā dukkarakaraṇena. **Uttari manussadhammāti** manussadhammato upari. Alam ariyam kātunti alamariyo, ariyabhāvāya samatthoti vuttam hoti, ñāṇadassanameva ñāṇadassanaviseso, alamariyo ca so ñāṇadassanaviseso cāti **alamariyañāṇadassanaviseso**. **Ñāṇadassananti** ca dibbacakkhupi vipassanāpi maggopi phalampi paccavekkhaṇañāṇampi sabbaññutaññāṇampi vuccati. “Appamatto samāno ñāṇadassanam ārādheti”ti² hi ettha dibbacakkhu ñāṇadassanam nāma. “Ñāṇadassanāya cittam abhinīharati abhininnāmeti”ti³

1. Ña tvāti (Ka)

2. Ma 1. 257 piṭṭhe.

3. Dī 1. 72 piṭṭhe.

ettha vipassanāñāṇaṃ. “Abhabbā te ñāṇadassanāya anuttarāya sambodhāyā”¹ ettha maggo. “Ayamañño uttarimanussadhammā alamariyañāṇadassanaviseso adhigato phāsuvihāro”² ettha phalaṃ. “Ñāṇaṅca pana me dassanaṃ udapādi 'akuppā me cetovimutti, ayamantimā jāti, natthi dāni punabbhavo'ti”³ ettha paccavekkhaṇaṅñāṇaṃ. “Ñāṇaṅca pana me dassanaṃ udapādi 'sattāhakālakato ālāro kālāmo'ti”⁴ ettha sabbaññuta ñāṇaṃ. Idha pana sabbaññutaññānapadaṭṭhāno ariyamaggo sabbaññutaññānameva vā adhippetāṃ.

Abhijānātha me noti abhijānātha nu me. Evarūpaṃ pabhāvitametanti⁵ ettha evarūpaṃ vākyabhedanti attho, api nu ahaṃ uruvelāyaṃ padhāne tumhākaṃ saṅgaṇhanatthaṃ anukkaṇṭhanatthaṃ rattim vā divā vā āgantvā “āvuso mayaṃ yattha katthaci gamissāmāti mā vitakkayittha, mayhaṃ obhāso vā kammaṭṭhānanimittaṃ vā paññāyatī”⁶ ti evarūpaṃ kañci vacanabhedāṃ akāsinti⁶ adhippāyo. Te ekapadeneva satim labhitvā uppannagāravā “addhā esa buddho jāto”⁷ ti saddahitvā “no hetam bhante”⁸ ti āhamsu. **Asakki kho bhagavā pañcavaggiye bhikkhū saññāpetunti** bhagavā pañcavaggiye bhikkhū “buddho ahan”⁸ ti jānāpetum asakki. **Aññā cittaṃ upaṭṭhāpesunti** aññāya arahattappattiyā cittaṃ upaṭṭhāpesum abhinīharimsu.

Dhammacakkappavattanasuttavaṇṇanā

13. **Dveme bhikkhave antāti** dve ime bhikkhave koṭṭhāsā, dve bhāgāti attho. Bhāgavacano hettha anta-saddo “pubbante ñāṇaṃ aparante ñāṇaṃ”⁷ ti-ādīsu⁷ viya. Imassa pana padassa uccāraṇasamakālaṃ pavattanigghoso buddhānubhāvena heṭṭhā avīcim upari bhavaggaṃ patvā dasasahasilokadhātuṃ pharitvā⁸ aṭṭhāsi. Tasmim yeva samaye paripakkakusalāmūlā saccābhisambodhāya katādhikārā aṭṭhārasakoṭisaṅkhā brahmāno samāgacchimsu. Pacchimadisāya sūriyo atthameti, pācīnadisāya āsālhanakkhattena yutto puñṇacando uggacchati. Tasmim samaye

1. Am 1. 521 piṭṭhe. 2. Ma 1. 268 piṭṭhe. 3. Saṃ 3. 370; Vi 3. 16 piṭṭhesu.
 4. Ma 1. 226; Ma 2. 294; Vi 3. 10 piṭṭhesu. 5. Bhāsītametanti (Syā)
 6. Abhāsinti (Ka) 7. Abhi 1. 215 piṭṭhe. 8. Pattharivitvā (Syā)

bhagavā dhammacakkappavattanasuttaṃ ārabhanto “dveme bhikkhave antā”ti-ādimāha.

Tattha **pabbajitenā**ti gihibandhanam chetvā pabbajjupagatena. **Na sevitabbā**ti na vaḷañjetabbā nānuyuñjitabbā. **Yo cāyam kāmesu kāmasukhallikānuyogoti** yo ca ayam vatthukāmesu kilesakāmasukhassa anuyogo, kilesakāmasamyuttassa sukhassa anugatoti¹ attho. **Hīnoti** lāmako. **Gammoti** gāmvāsīnam santako tehi sevitabbatāya. **Pothujja nikoti** puthujjanena andhabālanena āciṇṇo. **Anariyoti** na ariyo na visuddho na uttamo, na vā ariyānam santako. **Anatthasamhitoti** na atthasamhito, hitasukhāvahakāraṇam anissitoti attho. **Attakilamathānuyogoti** attano kilamathassa anuyogo, dukkhakaraṇam dukkhuppādananti attho. **Dukkhoti** kaṇṭakāpassayaseyyādīhi attabādhanehi dukkhāvaho. **Majjhimā paṭipadāti** ariyamaggaṃ sandhāya vuttam. Maggo hi kāmasukhallikānuyogo eko anto, attakilamathānuyogo eko anto, ete dve ante na upeti na upagacchati, vimutto etehi antehi, tasmā “majjhimā paṭipadā”ti vuccati. Etesam majjhe bhavattā **majjhimā**, vaṭṭadukkhanissaraṇatthikehi paṭipajjitabbato ca **paṭipadāti**, tathā lobho eko anto, doso eko anto. Sassatam ekam antam, ucchedo eko antoti purimanayeneva vitthāretabbam.

Cakkhukaraṇīti-ādīhi tameva paṭipadam thometi. Paññācakkhum karotīti cakkhukaraṇī. Sā hi catunnam saccānam dassanāya samvattati pariññābhisamayādibhedassa dassanassa pavattanaṭṭhenāti “cakkhukaraṇī”ti vuccati. Tayidam satipi paṭipadāya anaññatte avayavavasena sijjhamāno attho samudāyena kato nāma hotīti upacāravasena vuttanti daṭṭhabbam. Dutiyapadam tasseva vevacanam. **Upasamāyāti** kilesupasamatthāya. **Abhiññāyāti** catunnam saccānam abhijānanatthāya. **Sambodhāyāti** tesamyeva sambujjhanatthāya. **Nibbānāyāti** nibbānasacchikiriyāya. Atha vā **nibbānāyāti** anupādisesanibbānāya. “Upasamāyā”ti hi iminā sa-upādisesanibbānam gahitam.

1. Anubhavoti (Syā)

Idāni taṃ majjhimappaṭipadaṃ sarūpato dassetukāmo “katamā ca sā”ti pucchitvā “ayamevā”ti-ādinā nayena vissajjesi. Tattha **ayamevāti** avadhāraṇavacanaṃ aññassa nibbānagāmimagassa atthibhāvapaṭisedhanatthaṃ. Sattāpaṭikkhepo¹ hi idha paṭisedhanaṃ alabbhamānattā aññassa maggassa. **Ariyoti** kilesānaṃ ārakattā ariyo niruttinayena. Aripahānāya saṃvattatītipi **ariyo** arayo pāpadhammā yanti apagacchanti etenāti katvā. Ariyena bhagavatā desitattā ariyassa ayantipi **ariyo**, ariyabhāvappaṭi lābhāya saṃvattatītipi **ariyo**. Ettha pana ariyakaro ariyotipi uttarapadalopena ariya-saddasiddhi veditabbā. Aṭṭhahi aṅgehi upetattā **aṭṭhaṅgiko**. Maggaṅgasamudāye hi maggavohāro, samudāyo ca samudāyīhi samannāgato nāma hoti. Ayaṃ panettha vacanattho—attano avayavabhūtāni aṭṭhaṅgāni etassa santīti aṭṭhaṅgikoti. Paramatthato pana aṅgāniyeva maggo pañcaṅgikatūriyādīni viya, na ca aṅgavinimutto chaḷaṅgo vedo viya. Kilese mārento gacchatīti **maggo** niruttinayena, nibbānaṃ maggati gavesatīti vā **maggo**. Ariyamaggo hi nibbānaṃ ārammaṇaṃ karonto gavesanto viya hoti. Nibbānatthikehi maggiyatīti vā **maggo** vivaṭṭūpanissayapuññakaraṇato paṭṭhāya tadatthapaṭipattito. Gammati vā tehi paṭipajjiyatīti **maggo**. Ettha pana ādi-antavipariyāyena saddasiddhi veditabbā.

Seyyathidanti nipāto, tassa katamo so iti ceti attho, katamāni vā tāni aṭṭhaṅgānīti. Sabbaliṅgavibhattivacanasādhāraṇo hi ayaṃ nipāto. Ekamekampī aṅgaṃ maggoyeva. Yathāha “sammādiṭṭhi maggo ceva hetu cā”ti². Porāṇāpi bhaṇanti “dassanamaggo sammādiṭṭhi, abhiniropanamaggo sammāsaṅkappo -pa- avikkhepamaggo sammāsamādhī”ti. Nanu ca aṅgāni samuditāni maggo antamaso sattaṅgavikalassa ariyamaggassa abhāvatoti? Saccametaṃ saccasampaṭivedhe, maggappaccayatāya pana yathāsakaṃ kiccakaraṇena paccekampi tāni maggoyeva, aññathā samuditānampi tesāṃ maggakiccaṃ na sambhaveyyāti. Sammādiṭṭhi-ādīsu sammā passatīti **sammādiṭṭhi**, sammā saṅkappeti

1. Sattapaṭikkhepo (Syā)

2. Abhi1. 212 piṭṭhe.

sampayuttadhamme nibbānasaṅkhāte ārammaṇe abhiniropetīti **sammāsaṅkappo**, sammā vadati etāyāti **sammāvācā**, sammā karoti etenāti sammākammaṃ, tadeva **sammā kammanto**, sammā ājīvati etenāti **sammā-ājīvo**, sammā vāyamati ussahatīti **sammāvāyāmo**, sammā sarati anussaratīti **sammāsati**, sammā samādhiyati cittaṃ etenāti **sammāsamādhīti** evaṃ nibbacanaṃ vedittabbaṃ. Idāni **ayaṃ kho sā bhikkhaveli** tameva paṭipadaṃ nigamanto āha. Tassattho—yvāyaṃ cattāropi lokuttaramagge ekato katvā kathito aṭṭhaṅgiko maggo, ayaṃ kho sā bhikkhave -pa- nibbānāya saṃvattatīti.

14. Evaṃ majjhimapaṭipadaṃ sarūpato dassetvā idāni cattāri ariyasaccāni dassetuṃ “**idaṃ kho pana bhikkhave**”ti-ādimāha. Tattha¹ **dukkhanti** ettha **du**-iti ayaṃ saddo kucchite dissati. Kucchitañhi puttaṃ “duputto”ti vadanti, **khaṃ**-saddo pana tucche. Tucchañhi ākāsaṃ “khan”ti vuccati. Idañca paṭhamasaccaṃ kucchitaṃ aneka-upaddavādhiṭṭhānato, tucchaṃ bālaJanaparikkappitadhuva subhasukhatta bhāvavirahitato, tasmā kucchitattā tucchattā ca “dukkhan”ti vuccati. Yasmā panetaṃ buddhādayo ariyā paṭivijjhanti, tasmā “**ariyasaccan**”ti vuccati. Ariyapaṭivijjhitaṃ saccāṃ purimāpade uttarapadalopena “**ariyasaccan**”ti vuttaṃ. Ariyassa tathāgatassa saccantipi ariyasaccaṃ. Tathāgatena hi sayāṃ adhigatattā paveditattā tato eva ca aññehi adhigamaṇiyattā taṃ tassa hotīti. Atha vā etassa abhisambuddhattā ariyabhāvasiddhito ariyasādhakaṃ saccantipi **ariyasaccaṃ** pubbe viya uttarapadalopena. Avitathabhāvena vā araṇiyattā adhigantabbattā ariyaṃ saccantipi **ariyasaccaṃ**. Saccatthaṃ pana catunnampi saccānaṃ parato ekajjhaṃ dassayissāma.

Idāni taṃ dukkhaṃ ariyasaccaṃ sarūpato dassetuṃ “**jātipi dukkhā**”ti-ādimāha. Tatrāyaṃ **jāti**-saddo anekattho. Tathā hesa “ekampi jātiṃ dvepi jātiyo”ti² ettha bhava āgato. “Atthi visāke nigaṇṭhā nāma samaṇajāti”ti³ ettha nikāye. “Jāti dvīhi khandhehi saṅgahitā”ti⁴ ettha saṅkhatalakkhaṇe. “Yaṃ mātukucchismiṃ paṭhamam

1. Abhi-Ṭṭha 2. 78; Visuddhi 2. 125 piṭṭhādīsupi passitabbaṃ.

2. Dī 1. 12, 76; Ma 1. 101 piṭṭhesu. 3. Am 1. 206 piṭṭhe. 4. Abhi 3. 13 piṭṭhe.

cittam uppannam paṭhamam viññānam pātubhūtam, tadupādāya sāvassa jāti”ti ettha paṭisandhiyam. “Sampati jāto ānanda bodhisatto”ti² ettha pasūtiyam. “Akkhitto anupakuṭṭho jātivādenā”ti³ ettha kule. Svāyamidha gabbhaseyyakānam paṭisandhito paṭṭhāya yāva mātukucchimhā nikkhamanam, tāva pavattesu khandhesu, itaresam paṭisandhikkhaṇesvevāti daṭṭhabbo. Ayampi ca pariyāyakathāva, nippariyāyato pana tattha tattha nibbattamānānam sattānam ye khandhā pātubhavanti, tesam paṭhamapātubhāvo jāti nāma.

Kasmā panesā dukkhāti ce? Anekesam dukkhānam vatthubhāvato. Anekāni hi dukkhāni. Seyyathidam? Dukkhadukkham vipariṇāmadukkham saṅkhāradukkham paṭicchannadukkham appaṭicchannadukkham pariyāyadukkham nippariyāyadukkhanti. Tattha kāyikacetasikā dukkhā vedanā sabhāvato ca nāmato ca dukkhattā **dukkha dukkhanti** vuccati. Sukhā vedanā vipariṇāmadukkhupattihetuto **vipariṇāmadukkham**. Upekkhā vedanā ceva sesā ca tebhūmakā saṅkhārā udayabbayapīlitattā **saṅkhāra dukkham**. Kaṇṇasūladantasūlarāgajaparīḷāhadosaaparīḷāhādikāyikacetasikā ābādā pucchitvā jānitabbato upakkamassa ca apākaṭabhāvato **paṭicchannadukkham**. Dvattimsakammakāraṇādisamuṭṭhāno ābādho apucchitvā jānitabbato upakkamassa ca pākaṭabhāvato **appaṭicchannadukkham**. Ṭhapetvā dukkhadukkham sesadukkham saccavibhaṅge āgatam jāti-ādī sabbampi tassa tassa dukkhassa vatthubhāvato **pariyāya dukkham**. Dukkhadukkham pana **nippariyāyadukkhanti** vuccati. Tatrāyam jāti yam tam **bālapaṇḍitasuttā**disu⁴ bhagavatāpi upamāvasena pakāsitam āpāyikam dukkham, yañca sugatiyampi manussaloke gabbhokkantimūlakādibhedam dukkham uppajjati, tassa vatthubhāvato dukkhā. Tenāhu porāṇa—

“Jāyetha no ce narakesu satto,
Tatthaggidāhādikamappasayham.
Labhetha dukkham na kuhiṃ patiṭṭham,
Iccāha dukkhāti munīdha jātiṃ.

1. Vi 3. 129 piṭṭhe.

3. Dī 1. 106 piṭṭhe.

2. Dī 2. 13; Ma 3. 164 piṭṭhesu.

4. Ma 3. 201 piṭṭhe.

Dukkhaṃ tiracchesu kasāpatoda-
Daṇḍābhigghātādibhavaṃ anekamaṃ.
Yaṃ taṃ kathaṃ tattha bhaveyya jātiṃ,
Vinā taṃ jāti tatopi dukkhā.

Petesu dukkhaṃ pana khuppipāsā-
Vātātapādippabhavaṃ vicittaṃ.
Yasmā ajātassa na tattha atthi,
Tasmāpi dukkhaṃ muni jātimāha.

Tibbandhakāre ca asayha sīte,
Lokantare yaṃ asuresu dukkhaṃ.
Na taṃ bhava tattha na cassa jāti,
Yato yaṃ jāti tatopi dukkhā.

Yañcāpi gūthanarake viya mātu gabbhe,
Satto vasaṃ ciramato bahi nikkhamañca.
Pappoti dukkhamatighoramidampi natthi,
Jātiṃ vinā itipi jāti ayañhi dukkhā.

Kim bhāsitena bahunā nanu yaṃ kuhiñci,
Atthīdha kiñcidapi dukkhamidaṃ kadāci.
Nevatthi jātivirahena yato mahesi,
Dukkhāti sabbapaṭhamaṃ imamāha jātin”ti¹.

Jarāpi dukkhāti ettha pana duvidhā jarā saṅkhatalakkhanañca
khaṇḍiccādi sammato santatiyaṃ
ekabhavapariyāpanakkhandhapurāṇabhāvo ca, sā idha adhippetā. Sā panesā
jarā saṅkhāradukkhabhāvato ceva dukkhavatthuto ca dukkhā. Yañhi
aṅgapaccaṅgasithilabhāva-
indriyavikāravirūpatāyobbanavināsavīriyāvisādasatimati
vippavāsaparaparibhavādi-anekapaccayaṃ kāyikacetasikaṃ
dukkhamuppajjati, jarā tassa vatthu. Tenāhu porāṇa—

“Aṅgānaṃ sithilībhāvā, indriyānaṃ vikārato.
Yobbanassa vināsena, balassa upaghātato.

1. Visuddhi 2. 131; Abhi-Ṭṭha 2. 91; Mahāniddeśa-Ṭṭha 64; Paṭisaṃ-Ṭṭha 1. 134 piṭṭhesupi.

Vippavāsā satādīnaṃ, puttadārehi attano.
Appasādanīyato ceva, bhīyyo bālattapattiyā.

Pappoti dukkhaṃ yaṃ macco, kāyikaṃ mānaṣaṃ tathā.
Sabbametam jarāhetu, yasmā tasmā jarā dukhā”ti¹.

Byādhipi dukkhoti dukkhaṃ padaṃ vibhaṅge
dukkhasaccaniddesapāliyaṃ na āgataṃ, teneva **visuddhimaggepi**
dukkhasaccaniddese taṃ na uddhaṭaṃ, **dhammacakka**
pavattanasuttantapāliyaṃveva pana upalabbhati, tasmā tatthevimassa vacane
aññattha ca avacane kāraṇaṃ vīmaṃsitabbaṃ.

Maraṇampi dukkhanti etthāpi duvidhaṃ maraṇaṃ
saṅkhatalakkhaṇaṃ. Yaṃ sandhāya vuttaṃ “jārāmarāṇaṃ dvīhi khandhehi
saṅgahitaṃ”ti². Ekabhavapariyāpanna jīvitindriyappabandhavicchedo ca.
Yaṃ sandhāya vuttaṃ “niccaṃ maraṇato bhayaṃ”ti³, taṃ idha adhippetam.
Jātipaccayamarāṇaṃ uppakkamamarāṇaṃ sarasamarāṇaṃ
āyukkhayamarāṇaṃ puññakkhayamarāṇanti tasveva nāmaṃ. Tayidaṃ
dukkhassa vatthubhāvato dukkhanti veditabbaṃ. Tenāhu porāṇā—

“Pāpassa pāpakammādi-nimittamanupassato.
Bhaddassāpasahantassa, viyogaṃ piyavattukaṃ.
Mīyamānassa yaṃ dukkhaṃ, mānaṣaṃ avisesato.

Sabbesañcāpi yaṃ sandhi-bandhanacchedanādikaṃ.
Vitujjamānamammānaṃ, hoti dukkhaṃ sarīrajaṃ.

Asayhamappaṭikāraṃ, dukkhassetassidaṃ yato.
Maraṇaṃ vatthu tenetaṃ, dukkhamicceva bhāsitaṃ”ti.

Imasmiṃca ṭhāne “sokaparidevadukkhadomanassupāyāsāpi dukkhā”ti
vibhaṅge dukkhasaccaniddese āgataṃ, idha pana taṃ natthi, tatthāpi
kāraṇaṃ pariyesitabbaṃ.

Appiyehi sampayogo dukkhoti ettha appiyasampayogo nāma
amanāpehi sattasaṅkhārehi samodhānaṃ. Sopi dukkhavattutho dukkho.
Tenāhu porāṇā—

1. Visuddhi 2. 133; Abhi-Ṭṭha 2. 94; Mahāniddesa-Ṭṭha 62; Paṭisaṃ-Ṭṭha 1. 135
piṭṭhesupi.

2. Abhi 3. 13 piṭṭhe.

3. Khu 1. 371; Khu 5. 237 piṭṭhesu.

“Disvāva appiye dukkhaṃ, paṭhamañ hoti cetasi.
Tadupakkamasambhūta-matha kāye yato idha.
Tato dukkhadvayassāpi, vatthuto so mahesinā.
Dukkho vuttoti viññeyyo, appiyehi samāgamo”ti.

Piyehi vippayogo dukkhoti ettha pana piyavippayogo nāma manāpehi sattasaṅkhārehi vinābhāvo. Sopi sokadukkhassa vatthuto dukkho. Tenāhu porāṇā—

“Ñātidhanādiviyogā,
Sokasarasamappitā vitujjanti.
Bālā yato tatoyaṃ,
Dukkhoti mato piyavippayogo”ti.

Yampicchaṃ na labhatīti ettha “aho vata mayaṃ na jātidhammā assāmā”ti-ādīsu alabbhaneyyavattḥūsu icchāva “yampicchaṃ na labhati, tampi dukkhan”ti vuttā, sāpi dukkhavattḥuto dukkhā. Tenāhu porāṇā—

“Taṃ taṃ patthayamānānaṃ, tassa tassa alābhato.
Yaṃ vighātamayaṃ dukkhaṃ, sattānaṃ idha jāyati.
Alabbhaneyyavattḥūnaṃ, patthanā tassa kāraṇaṃ.
Yasmā tasmā jino dukkhaṃ, icchitālābhamabravī”ti.

Saṅkhittena pañcupādānakkhandhā dukkhāti ettha pana yasmā indhanamiva pāvako, lakkhamiva paharaṇāni, gorūpaṃ viya ḍamsamakasādayo, khattamiva lāyakā, gāmaṃ viya gāmaghātakā, upādānakkhandhapañcakameva jāti-ādāyo nānappakārehi vibādhentā tiṇalatādīni viya bhūmiyaṃ, pupphaphalapallavāni viya rukkhesu upādānakkhandhesuyeva nibbattanti, upādānakkhandhānañca ādidukkhāni jāti, majjhedukkhāni jarā, pariyosānadukkhāni maraṇaṃ, manorathavighātappattānañca icchāvighātadukkhāni icchitālābhoti evaṃ nānappakārato upaparikkhiyamānā upādānakkhandhāva dukkhāni yadetaṃ ekamekaṃ dassetvā vuccamānaṃ anekehi kappehi na sakkā anavasesato vattum, tasmā taṃ sabbampi dukkhāni ekajalabindumhi sakalasaṃuddajalarasaṃ viya yesu kesuci pañcupādānakkhandhesu saṅkhipitvā dassetum

“saṁkhittena pañcupādānakkhandhā dukkhā”ti bhagavā avoca. Tenāhu porāṇā—

“Jātipabbhūtikāṁ dukkhāṁ, yaṁ vuttamidha tādīnā.

Avuttāṁ yañca taṁ sabbaṁ, vinā ete na vijjati.

Yasmā tasmā upādāna-kkhandhā saṅkhepato ime.

Dukkhāti vuttā dukkhanta-desakena mahesinā”ti.

Evam sarūpato dukkhasaccāṁ dassetvā idāni samudayasaccāṁ dassetuṁ “**idaṁ kho pana bhikkhave dukkhasamudayan**”ti-ādīmāha. Tattha **saṁ**-iti ayaṁ saddo “samāgamo sametan”ti-ādīsu saṁyogaṁ dīpeti, **u**-iti ayaṁ “uppannaṁ udītan”ti-ādīsu uppattim. **Aya**-saddo pana kāraṇaṁ dīpeti. Idañcāpi dutiyasaccāṁ avasesapaccaya samāyoge sati dukkhasuppattikāraṇanti dukkhasa saṁyoge uppattikāraṇatā “dukkha samudayan”ti vuccati. **Yāyaṁ taṇhā**ti yā ayaṁ taṇhā. **Ponobbhavikā**ti punabbhava kāraṇaṁ punabbhavo uttarapadalopena, punabbhavo sīlametissāti ponobbhavikā. Nandīrāgena sahaḡatāti **nandīrāgasahagatā**. Idaṁ vuttāṁ hoti “nandanato rajjanato ca nandīrāgabhāvaṁ sabbāsu avatthāsu apaccakkhāya vuttiyā nandīrāgasahagatā”ti. **Tatratatrābhinandinī**ti yatra yatra attabhāvo nibbattati, tatratatrābhinandinī.

Seyyathidanti nipāto, tassa sā katamāti ceti ayamatto.

Rūpataṇhādibhedena chabbidhāyeva taṇhā pavatti-ākārabhedato kāmataṇhādivasena tivīdhā vuttā. Rūpataṇhā yeva hi yadā cakkhussa āpāthamāḡatāṁ rūpārammaṇaṁ kāmassādavasena assādayamānā pavattati, tadā **kāmataṇhā** nāma hoti. Yadā tadevārammaṇaṁ dhuvāṁ sassatanti pavattāya sassatadiṭṭhiyā saddhim pavattati, tadā **bhavataṇhā** nāma hoti. Sassatadiṭṭhi sahaḡato hi rāḡo “bhavataṇhā”ti vuccati. Yadā pana tadevārammaṇaṁ ucchijjati vinassatīti pavattāya ucchedadiṭṭhiyā saddhim pavattati, tadā **vibhavataṇhā** nāma hoti. Ucchedadiṭṭhisahaḡato hi rāḡo “vibhavataṇhā”ti vuccati. Esa nayo saddataṇhādīsipi.

Kasmā panettha taṇhāva samudayasaccaṃ vuttāti? Visesa hetubhāvato. Avijjā hi bhavesu ādīnavaṃ paṭicchādentī diṭṭhi-ādi-upādānañca tattha tattha abhinivisa mānaṃ taṇhaṃ abhivaḍḍheti, dosādayopi kammaṃsa kāraṇaṃ honti, taṇhā pana taṃtaṃ bhavayonigativiññāṇaṭṭhitisattāvāsasattanikāyakulabhogissariyādivicittataṃ abhipatthentī kammavacittatāya upanissayataṃ kammaṃsa ca saḥāyabhāvaṃ upagacchantī bhavādivicittataṃ niyāmeti, tasmā dukkhassa visesa hetubhāvato aññesupi avijjā-upādānakammādisu sutte abhidhamme ca avasesakilesākusalamūlādisu vuttasu dukkhahetūsu vijjamānesu taṇhāva “samudayasaccaṃ”ti vuttāti veditaḥhaṃ.

Idāni dukkhanirodhaṃ ariyasaccaṃ dassetuṃ “**idaṃ kho pana bhikkhave dukkhanirodhaṃ**”ti-ādīmaḥha. Tattha yasmā **ni**-saddo abhāvaṃ, **rodhasaddo** ca cāraṇaṃ dīpeti, tasmā abhāvo ettha saṃsāracāraṇasaṅkhātassa dukkharodhassa sabbagatisuññattā, samadhigate vā tasmīṃ saṃsāracāraṇasaṅkhātassa dukkharodhassa abhāvo hoti tappaṭipakkhattātipi “dukkhanirodhaṃ”ti vuccati. Dukkhaṃsa vā anuppādānirodha paccayattā **dukkhanirodhaṃ**. Dukkhanirodhaṃ dassentena cettha “**yo tassāyeva taṇhāyā**”ti-ādīnā nayena samudayanirodho vutto, so kasmā vuttoti ce? Samudayanirodhena dukkhanirodho. Byādhinimittavūpasameṃsa byādhivūpasamo viya hi hetunirodhena phalanirodho, tasmā samudayanirodheneva dukkhaṃ nirujjhati, na aññātha. Tenāha—

“Yathāpi mūle anupaddave daḥhe,
Chinnopi rukkho punareva rūhati.
Evampi taṇhānusaye anūhate,
Nibbattatī dukkhamidaṃ punappunaṃ”ti¹.

Iti yasmā samudayanirodheneva dukkhaṃ nirujjhati, tasmā bhagavā dukkhanirodhaṃ dassento samudayanirodhena desesi. Sīhasamānavuttino hi tathāgatā. Te dukkhaṃ nirodhentā dukkhanirodhañca desentā hetumhi paṭipajjanti, na phale. Yathā hi sīho yenattani saro khitto, tattheva

1. Khu 1. 62 piṭṭhe.

attano balaṃ dasseti, na sare, tathā buddhānaṃ kāraṇe paṭipatti, na phale. Titthiyā pana suvānavuttino. Te dukkhaṃ nirodhentā dukkhanirodhañca desentā attakilamathānuyoga desanādīhi phale paṭipajjanti, na hetumhi. Yathā hi sunakhā kenaci leḍduppahāre dinne bhussantā leḍḍum khādanti, na pahāradāyake uṭṭhahanti, evaṃ aññatitthiyā dukkhaṃ nirodhetukāmā kāyakhedamanuyujjanti, na kilesanirodhanam, evaṃ tāva dukkhanirodhassa samudayanirodhavasena desanāya payojanam veditabbam.

Ayam panettha attho. **Tassāyeva taṇhāyāti** tassā “ponobbhavikā”ti vatvā kāmataṇhādivasena vibhattataṇhāya. Virāgo vuccati maggo. “Virāgā vimuccatī”ti¹ hi vuttam. Virāgena nirodho virāganirodho, anusayasamugghātato aseso virāganirodho **asesavirāganirodho**. Atha vā virāgoti pahānam vuccati, tasmā anusayasamugghātato aseso virāgo aseso nirodhoti evampettha yojanā daṭṭhabbā, atthato pana sabbāneva etāni nibbānassa vevacanāni. Paramatthato hi dukkhanirodho ariyasaccanti nibbānam vuccati. Yasmā pana taṃ āgamma taṇhā virajjati ceva nirujjhati ca, tasmā “virāgo”ti ca “nirodho”ti ca vuccati. Yasmā ca tadeva āgamma tassā cāgādayo honti, kāmaguṇā layādīsu cettha ekopi ālayo natthi, tasmā **cāgo paṭinissaggo mutti anālayoti** vuccati.

Idāni dukkhanirodhagāminipaṭipadā-ariyasaccam dassetum “**idam kho pana bhikkhave dukkhanirodhagāminī**”ti-ādimāha. Yasmā panetaṃ ariyasaccam dukkhanirodham gacchati ārammaṇavasena tadabhimukhabhūtattā, paṭipadā ca hoti dukkhanirodhappattiyā, tasmā “dukkhanirodhagāminī paṭipadā”ti vuccati. Sesamettha vuttanayameva. Ko pana nesaṃ dukkhādīnam saccaṭṭhoti? Yo paññācakkhunā upaparikkhiyamānānam² māyāva viparīto, marīciva visamvādako, titthiyānam attā viya anupalabbhasabhāvo ca na hoti, atha kho bādhanappabhavasantiniyyānappakārena tacchāvīparītabhūtabhāvena ariyāñāssa gocharo hotiyeva, esa aggilakkhaṇam viya lokapakati viya ca tacchāvīparītabhūtabhāvo saccaṭṭhoti veditabbo. Ettha ca aggilakkham nāma uṇhattam. Tañhi katthaci kaṭṭhādī-upādānabhede visamvādakam

1. Ma 1. 192; Saṃ 2. 18, 56 piṭṭhesu.

2. Upaparikkhiyamāno (Syā)

vīparītaṃ abhūtaṃ vā kadācīpi na hoti, “jātidhammā jarādhammā, atho maraṇadhammino”¹ evaṃ vuttajāti-ādikā lokapakatīti veditabbā. “Ekaccānaṃ tiracchānānaṃ tiriyaṃ dīghatā, manussādīnaṃ uddham dīghatā, vuddhiniṭṭhappattānaṃ puna avaḍḍhananti evamādikā ca lokapakatī”²ti vadanti.

Apica—

Nābādhakaṃ yato dukkhaṃ, dukkhā aññaṃ na bādhakaṃ.
Bādhakattaniyāmena, tato saccamidaṃ mataṃ.

Taṃ vinā nāññato dukkhaṃ, na hoti na ca taṃ tato.
Dukkahetuniyāmena, iti saccam visattikā.

Nāññā nibbānato santi, santaṃ na ca na taṃ yato.
Santabhāvaniyāmena, tato saccamidaṃ mataṃ.

Maggā aññaṃ na niyyānaṃ, aniyyāno na cāpi so.
Tacchaniyyānabhāvattā, iti so saccasammato.

Iti tacchāvīpallāsa-bhūtabhāvaṃ catūsūpi.
Dukkhādīsavvasesena, saccaṭṭhaṃ āhu paṇḍitā².

15. **Pubbe ananussutesūti** ito pubbe “idaṃ dukkhaṃ”²ti-ādinā na anussutesu assutapubbesu catusaccadhammesu. **Cakkhūti-ādīni** ñāṇavevacanāneva. Ñāṇameva hettha paccakkhato dassanaṭṭhena cakkhu viyāti **cakkhu**, ñāṇaṭṭhena **ñāṇaṃ**, pakārato jānanaṭṭhena **paññā**, paṭivijjanaṭṭhena **vijjā**, saccappaṭicchādakassa mohandhakārassa vidhamanato obhāsanaṭṭhena **ālokoti** vuttaṃ. Taṃ panetaṃ catūsu saccesu lokiyalokuttaramissakaṃ niddiṭṭhanti veditabbam.

16. **Yāvakiṇācāti** yattakaṃ kālaṃ. **Tiparivaṭṭanti** saccañāṇakiccañāṇakatañāṇasaṅkhātānaṃ tiṇṇaṃ parivaṭṭānaṃ. Saccañāṇādivasena hi tayo parivaṭṭā etassāti tiparivaṭṭanti vuccati ñāṇadassanaṃ. Ettha ca “idaṃ dukkhaṃ ariyasaccam, idaṃ dukkhasamudayan”²ti evaṃ catūsu saccesu yathābhūtañāṇaṃ **saccañāṇaṃ** nāma. Tesueva

1. Am 2. 66 piṭṭhe.

2. Abhi-Ṭṭha 2. 80 piṭṭhepi.

“pariññeyyam pahātabbam sacchikātabbam bhāvetabban”ti evam kattabbakiccajānana ñāṇam **kiccañāṇam** nāma. “Pariññātam pahīnam sacchikātam bhāvitan”ti evam tassa katabhāvajānanañāṇam **katañāṇam** nāma. **Dvādasākāraṇti** tesamyeva ekekasmim sacce tiṇṇam tiṇṇam ākāraṇam vasena dvādasākāraṇam. **Ñāṇadassananti** etesam tiparivaṭṭānam dvādasannaṃ ākāraṇam vasena uppannañāṇasaṅkhātam dassanaṃ.

Anuttaram sammāsambodhinti uttaravirahitam sabbasetṭham sammā sāmañca bodhim. Atha vā pasattham sundarañca bodhim. **Bodhīti** ca bhagavato arahattamaggo idhādhippeto. Sāvakaṇam arahattamaggo anuttarā bodhi hoti, na hotīti? Na hoti. Kasmā? Asabbaguṇadāyakattā. Tesañhi kassaci arahattamaggo arahattaphalameva deti, kassaci tisso vijjā, kassaci cha abhiññā, kassaci catasso paṭisambhidā, kassaci sāvakaṇapāramiññāṇam. Paccekabuddhānampi paccekabodhiññāṇameva deti, buddhānam pana sabbaguṇasampattim deti abhiseko viya rañño sabbalokissariyabhāvaṃ. Tasmā aññassa kassacipi anuttarā bodhi na hotīti. **Abhisambuddhoti paccaññāsinti** abhisambuddho ahaṃ patto paṭivijjhivā ṭhitoti evam paṭijānim. **Ñāṇaṇca pana me dassanaṃ udapādīti** adhigataguṇānam yāthāvato dassanasamattham paccavekkhaṇa ñāṇaṇca pana me udapādi. **Akuppā me vimuttīti** ayaṃ mayhaṃ arahattaphalavimutti akuppā paṭipakkhehi na kopetabbāti evam ñāṇam udapādi. Tatha dvihākārehi akuppatā veditabbā maggasaṅkhātakāraṇato ca ārammaṇato ca. Sā hi catūhi maggehi samucchinnakilesānam puna anivattanatāya **kāraṇatopi** akuppā, akuppadhammaṃ nibbānaṃ ārammaṇam katvā pavattatāya **ārammaṇatopi** akuppā anākuppārammaṇānam¹ lokiyasamāpattīnam tadabhāvato. **Antimāti** pacchimā. **Natthi dāni punabbhavoti** idāni puna añño bhavo nāma natthīti.

Imasmiṇca pana veyyākaraṇasminti imasmim niggāthake sutte. Niggāthakañhi suttaṃ pucchāvissajjanasahitam “veyyākaraṇam”ti vuccati. **Bhaññamāneti** bhaṇiyamāne, desiyamāneti attho. **Virajanti** apāyagamaniyārāgarajādīnaṃ vigamena virajaṃ. **Vītamalanti** anavasesadiṭṭhivicikicchāmalāpagamena

1. Anibbānārammaṇānam (Syā)

vītamalaṃ. Paṭhamamaggavajjhakilesarajābhāvena vā **virajaṃ**, pañcavidhadussīlyamalāpagamena **vītamalaṃ**. **Dhammacakkhūti brāhmāyusutte**¹ heṭṭhimā tayo maggā vuttā, **cūlarāhulovāde**² āsavakkhayo, idha pana sotāpattimaggo adhippeto. Catusacca saṅkhātesu dhammesu tesam dassanaṭṭhena cakkhūti **dhammacakkhu**, heṭṭhimesu vā tīsu maggadhammesu ekaṃ sotāpattimaggsaṅkhātaṃ cakkhūti **dhammacakkhu**, samatha vipassanādhammanibbattatāya sīlāditi vidhadhammakhandhabhūtatāya vā dhammamayaṃ cakkhūtipi **dhammacakkhu**, tassa uppatti-ākāradassanaṭṭhaṃ “**yaṃ kiñci samudaya dhammaṃ, sabbaṃ taṃ nirodhadhammaṃ**”ti āha. Nanu ca maggaññaṃ asaṅkhata dhammārammaṇaṃ, na saṅkhata dhammārammaṇanti? Saccametaṃ, yasmā taṃ nirodhaṃ ārammaṇaṃ katvā kiccavasena sabbasaṅkhataṃ asammohappaṭivedhavasena paṭivijjhantaṃ uppajjati, tasmā tathā vuttaṃ.

17. **Dhammacakketi** paṭivedhaññañceva desanāññañca pavattanaṭṭhena cakkanti dhammacakkaṃ. Bodhipallaṅke nisinnassa hi catūsu saccesu uppannaṃ dvādasākāraṃ paṭivedhaññaṃpi, isipatane nisinnassa dvādasākārāya saccadesanāya pavattakaṃ³ desanāññaṃpi dhammacakkaṃ nāma. Ubhayampi hetam dasabalassa ure pavattaññaṃeva. Tadubhayaṃ imāya desanāya pakāsentena bhagavatā dhammacakkaṃ pavattitaṃ nāma. Tam panetaṃ dhammacakkaṃ yāva aññāsikoṇḍaññatthero aṭṭhārasahi brahmakoṭīhi saddhiṃ sotāpattiphale paṭiṭṭhāti⁴, tāva bhagavā **pavatteti** nāma pavattanakiccassa aniṭṭhitattā. Paṭiṭṭhite **pavattitaṃ** nāma kassapasammāsambuddhassa sāsanantaradhānato paṭṭhāya yāva buddhuppādo, ettakaṃ kālāṃ appavattapubbassa pavattitattā. Tam sandhāya “pavattite ca pana bhagavatā dhammacakke bhummā devā saddamanussa vesuṃ”ti-ādi vuttaṃ. Tattha **bhummāti** bhūmaṭṭhakadevatā. **Saddamanussāvesunti** ekappahārenea sādhu-kāraṃ datvā “etaṃ bhagavatā”ti-ādīni vadantā anussāvayimsu. **Obhāsoti** sabbaññutaññānubhāvena pavatto citta-paccaya-utusamuṭṭhāno obhāso. So hi tadā devānaṃ devānubhāvaṃ atikkamivā virocittha. **Aññāsi vata bho koṇḍaññoti** imassapi udānassa udāharaṇaghoso dasasahasilokadhātum pharivā aṭṭhāsi. Bhagavato hi dhammacakkappavattanassa ārambhe viya parisamāpanepi ativiya uḷāratamaṃ pītisomanassaṃ udapādi.

1. Ma 2. 334 piṭṭhe.

3. Pavattitaṃ (Sam-Ṭṭha 3. 328 piṭṭhe)

2. Ma 3. 325 piṭṭhe.

4. Na paṭiṭṭhāti (Syā)

18. Diṭṭho ariyasaccadhammo etenāti **diṭṭhadhammo**. Esa nayo sesapadesupi. Ettha ca dassanaṃ nāma ñāṇadassanato aññampi atthīti taṃnivattanattham **“pattadhammo”**ti vuttaṃ. Patti ca ñāṇasampattito aññāpi vijjatīti tato visesanattham **“viditadhammo”**ti vuttaṃ. Sā panesā viditadhammatā ekadesatopi hotīti nippadesato viditabhāvaṃ dassetuṃ **“pariyogāḷhadhammo”**ti vuttaṃ. Tenassa saccābhisambodhiṃ yeva dīpeti. Maggañāṇaṃhi ekābhisamayavasena pariññādikiccaṃ sādheṇtaṃ nippadesena catusaccadhammaṃ samantato ogāḷham nāma hoti. Sappaṭibhaya kantārasadisā soḷasavatthukā aṭṭhavatthukā ca tiṇṇā vicikicchā anenāti **tiṇṇavicikiccho**. Pavatti-ādīsu “evaṃ nukho na nukho”ti evaṃ pavattikā vigatā samucchinnā kathamkathā assāti **vigatakathamkatho**. **Vesārajappattoti** sārājjakarānaṃ pāpadhammaṇaṃ pahīnattā tappaṭipakkhesu ca sīlādīsu guṇesu suppatiṭṭhitattā visāradabhāvaṃ veyyattiyam patto adhigato. Svāyam vesārajappattisuppatiṭṭhihabhāvo katthāti āha **“satthusāsane”**ti. Attanā paccakkhato adhigatattā na paraṃ pacceti, parassa saddhāya ettha nappavattati, na tassa¹ paro paccetabbo atthīti **aparappaccayo**.

Labheyāhanti labheyyam aham, āyācanavacanametam. **Ehīti** āyācitānaṃ pabbajjūpasampadānaṃ anumatabhāvappakāsanavacanam, tasmā ehi sampaṭicchāhi yathāyācitam pabbajjūpasampadavisesanti attho. **Iti-saddo** tassa ehibhikkhūpasampadā paṭilābhanimittavacanapariyosānadassano. Tadavassāno hi tassa bhikkhubhāvo. Tenevāha **“ehi bhikkhūti bhagavato vacanena abhinipphannā sāva tassa āyasmato ehibhikkhūpasampadā ahoṣī”**ti. **Cara brahmacariyanti** uparimaggattayasaṅkhātāṃ brahmacariyaṃ samadhigaccha. Kimattham? **Sammā dukkhassa antakiriya**. Idhāpi “avocā”ti sambandhitabbaṃ. “Nava koṭisahasāni”ti-ādinā² vuttappabhedānaṃ anekasahasānaṃ saṃvaravinayānaṃ samādiyivā vattanena uparibhūtā aggabhūtā sampadāti **upasampadā**.

19. **Nīhārabhattoti** nīhaṭabhatto, gāmato bhikkham nīharitvā bhikkhūhi dinnabhattoti attho. Bhagavā hi daharakumārake viya te

1. Vāssa (Syā)

2. Visuddhi 1. 44; Paṭisaṃ-Ṭīha 1. 188 piṭṭhesu.

bhikkhū pariharanto pāṭipadadivasato paṭṭhāya piṇḍapātattāyapi gāmaṃ apavisitvā antovihāreyeva vasi.

Dhammacakkappavattanasuttavaṇṇanā niṭṭhitā.

Anattalakkhaṇasuttavaṇṇanā

20. **Āmantesī**ti āsāḥīpuṇṇamadivase dhammacakkappavattanato paṭṭhāya anukkamena sotāpattiphale patiṭṭhite aññāsikoṇḍaññappamukhe pañcavaggiye “idāni tesam āsavakkhayāya dhammaṃ desessāmi”ti pañcamiyā pakkhassa āmantesi. **Anattā**ti avasavattanaṭṭhena asāmikaṭṭhena suññataṭṭhena attapaṭikkhepaṭṭhenāti evaṃ catūhi kāraṇehi anattā. Tattha “uppannaṃ rūpaṃ ṭhitiṃ mā pāpuṇātu¹, ṭhānappattaṃ mā jīratu, jarappattaṃ mā bhijjatu, udayabbayehi mā kilamayatu”ti na ettha kassaci vasībhāvo atthi, svāyamassa **avasavattanaṭṭho**. Sāmibhūtassa kassaci abhāvo **asāmikaṭṭho**. Nivāsīkārakavedaka-adhiṭṭhāyakavirahena tato suññatā **suññataṭṭho**. Paraparikkappita attasabhāvābhāvo eva **attapaṭikkhepaṭṭho**. Idāni anattataṃyeva vibhāvetuṃ “**rūpaṇca hidaṃ bhikkhave**”ti-ādimāha. Tattha **attā abhavissāti** kārako vedako sayamvasīti evambhūto attā abhavissāti adhippāyo. Evañhi sati rūpassa ābādhāya saṃvattanaṃ ayujjamānakaṃ siyā. Kāmañcetha “yasmā ca kho bhikkhave rūpaṃ anattā, tasmā rūpaṃ ābādhāya saṃvattati”ti rūpassa anattatāya dukkhatā vibhāvitā viya dissati, tathāpi “yasmā rūpaṃ ābādhāya saṃvattati, tasmā anattā”ti pākaṭāya sabbādhātāya rūpassa attasārābhāvo vibhāvito, tato eva ca “na ca labbhati rūpe 'evaṃ me rūpaṃ hotu, evaṃ me rūpaṃ mā ahoṣī 'ti” rūpe kassaci anissaratā tassa ca avasavattanaṅkāro dassito. **Vedanā**disupi eseva nayo.

21. **Haṃ kiṃ maññatha bhikkhave**ti idaṃ kasmā āraddhaṃ? Ettakena ṭhānena anattalakkhaṇameva kathitaṃ, na aniccadukkhallakkhaṇāni, idāni tāni

1. ṭhitiṃ pāpuṇātu (Syā)

dassetvā samodhānetvā tiṇipi lakkhaṇāni dassetuṃ idamāraddhanti
 veditabbaṃ. **Aniccaṃ bhanteti** bhante yasmā hutvā na hoti, tasmā aniccaṃ.
 Yasmā pubbe asantaṃ paccayasamavāyena hutvā uppajjitvā puna
 bhaṅgupagamanena na hoti, tasmā na niccanti aniccaṃ, addhuvanti
 adhippāyo. Atha vā uppādavayavantatāya tāvakālikatāya vipariṇāmakotiya
 niccapaṭikkhepatoti imehipi kāraṇehi **aniccaṃ**. Ettha khaṇe khaṇe
 uppajjanavasena nirujjhanavasena ca pavattanato **uppādavayavantatā**.
 Taṅkhaṇikatāya **tāvakālikatā**. Vipariṇāmavantatāya **vipariṇāmakoti**. Rūpañhi
 uppādādivikārāpajjanena vipariṇāmantam vināsaṃ pāpuṇāti.
 Niccasabhāvābhāvo eva **niccapaṭikkhepo**. Aniccā hi dhammā, teneva attano
 aniccabhāvena atthato niccataṃ paṭikkhipanti nāma.

Dukkhaṃ bhanteti bhante paṭipīlanākārena dukkhaṃ.

Uppādajarābhaṅgavasena hi rūpassa nirantaram bādhati, paṭipīlanākārenassa
 dukkhatā. Atha vā santāpaṭṭhena dukkhamatṭhena dukkhavattthukaṭṭhena
 sukhaṭṭhena cāti catūhi kāraṇehi dukkhaṃ. Ettha ca **santāpo** nāma
 dukkhadukkhatādivasena santāpanaṃ paridhanaṃ. Tato evassa dussahatāya
dukkhamatā. Tissanam dukkhatānam saṃsāradukkhasa ca adhiṭṭhānatāya
dukkhavattthukatā. Sukhasabhāvābhāvo eva **sukhaṭṭhikhepo**.

Vipariṇāmadhammanti jarāya maraṇena ca vipariṇāmasabhāvam. **Kallaṃ**
nūti yuttaṃ nu. **Tanti** evaṃ aniccaṃ dukkhaṃ vipariṇāmadhammaṃ rūpaṃ.
Etaṃ mamāti taṇhāgāho mamaṅkārahāvato. **Esohamasmīti** mānagāho
 ahaṅkārahāvato. **Eso me attāti** diṭṭhigāho attabhāvavipallāsaggāhato.
Taṇhāgāho cettha aṭṭhasatataṇhā vicaritavasena, **mānagāho**
 navavidhamānavasena, **diṭṭhigāho** dvāsaṭṭhidiṭṭhivasena veditabbo. Imesaṃ
 tiṇṇaṃ taṇhāmānadiṭṭhigāhānaṃ vasena yuttaṃ nu taṃ samanū passitunti
 vuttaṃ hoti.

Iti bhagavā aniccadukkhasena anattalakkhaṇaṃyeva dasseti. Bhagavā
 hi katthaci aniccavasena anattataṃ dasseti, katthaci dukkhasena, katthaci
 ubhayavasena. Tathā hi “cakkhu attāti yo vadeyya, taṃ na upapajjati,
 cakkhussa uppādopi vayopi paññāyati. Yassa kho pana uppādopi vayopi
 paññāyati, 'attā me uppajjati ceva veti cā'ti iccassa evamāgataṃ hoti, tasmā
 taṃ na upapajjati. 'Cakkhu

attā'ti yo vadeyya, iti cakkhu anattā'ti imasmiñca **chachakkasutte**¹ aniccavasena anattataṃ dassesi. “Rūpañca hidaṃ bhikkhave attā abhavissa -pa-. Evaṃ me rūpaṃ mā ahoṣī”ti imasmimyeva anattalakkhaṇasutte dukkhavasena anattataṃ dassesi. “Rūpaṃ bhikkhave aniccaṃ, yadaniccaṃ taṃ dukkhaṃ, yaṃ dukkhaṃ tadanattā, yadanattā, taṃ ‘netāṃ mama, nesohamasmi, na me so attā'ti evametaṃ yathābhūtaṃ sammappaññāya daṭṭhabban”ti imasmim **arahantasutte**² ubhayavasena anattataṃ dassesi. Kasmā? Aniccaṃ dukkhañca pākaṭaṃ, anattā apākaṭaṃ. Paribhogabhājanādīsu hi bhinnesu “aho aniccaṃ”ti vadanti, “aho anattā”ti pana vattā nāma natthi. Sarīre gaṇḍapiḷakāsu vā uṭṭhitāsu kaṇṭakena vā vidhā “aho dukkhan”ti vadanti, “aho anattā”ti pana vattā nāma natthi. Kasmā? Idañhi anattalakkhaṇaṃ nāma avibhūtaṃ duddasaṃ duppaññāpanaṃ. Tathā hi sarabhaṅgādayopi satthāro nāddasaṃsu, kuto paññāpanā, tena naṃ bhagavā aniccavasena vā dukkhavasena vā ubhayavasena vā dassesi. Tayidaṃ imasmimpi teparivaṭṭe aniccadukkhavaseneva dassitaṃ. **Vedanā**dīsupi eseva nayo.

22. **Tasmātihāti** tasmā icceva vuttaṃ. **Ti-kāra ha-kārā** nipātā, yasmā ime pañcakkhandhā aniccā dukkhā anattā, tasmāti attho. **Yaṃ kiñcīti** anavasesa pariyādānametaṃ. **Yanti** hi sāmāññena aniyamadassanaṃ, **kiñcīti** pakārato bhedaṃ āmasitvā aniyamadassanaṃ. Ubhayenapi atītaṃ vā -pa- santike vā appaṃ vā bahum vā yādisaṃ vā tādisaṃ vā napuṃsakaniddesārahaṃ sabbaṃ byāpetvā saṅgaṇhāti, tasmā anavasesapariyādānametaṃ “yaṃ kiñcī”ti. Evañca sati aññesupi napuṃsaka niddesārahesu pasaṅgaṃ disvā tattha adhippetatthaṃ adhicca pavattanato atippasaṅgassa niyamanatthaṃ “**rūpan**”ti vuttaṃ. Evaṃ padadvayenapi rūpassa asesapariggaho kato hoti. Athassa atītādivibhāgaṃ ārabhati “**atītānāgatapaccuppannaṃ**”ti-ādinā. Tañhi kiñci atītaṃ kiñci anāgatādibhedanti. Esa nayo **vedanā**dīsupi.

Tattha rūpaṃ tāva addhāsantatisamayakhaṇavasena catudhā atītaṃ nāma hoti, tathā anāgatapaccuppannaṃ. Tattha **addhāvasena** tāva ekassa

1. Ma 3. 329 piṭṭhe.

2. Saṃ 2. 68, 69 piṭṭhesu.

ekasmiṃ bhave paṭisandhito pubbe atītaṃ, cutito uddhamanāgataṃ, ubhinnamantare paccuppannaṃ. **Santativasena** sabhāgeka-utusamuṭṭhāna-ekāhārasamuṭṭhānaṅca pubbāpariyavasena vattamānampi paccuppannaṃ, tato pubbe visabhāga-utu-āhāra samuṭṭhānaṃ atītaṃ, pacchā anāgataṃ. Cittajaṃ ekavīthi-ekajavana-ekasamāpatti samuṭṭhānaṃ paccuppannaṃ, tato pubbe atītaṃ, pacchā anāgataṃ. Kammasamuṭṭhānassa pāṭiyekkaṃ santativasena atītādibhedo natthi. Tesāmyeva pana utu-āhāracitta samuṭṭhānānaṃ upatthambhakavasena tassa atītādibhāvo veditabbo. **Samayavasena** ekamuhuttapubbaṅhasāyanharattidivādīsu samayesu santānavasena pavattamānaṃ taṃtaṃ समयavantaṃ rūpaṃ paccuppannaṃ nāma, tato pubbe atītaṃ, pacchā anāgataṃ. **Khaṇavasena** uppādādikkhaṇattayapariyāpannaṃ paccuppannaṃ, tato pubbe atītaṃ, pacchā anāgataṃ, idamevettha nippariyāyaṃ, sesā pariyāyakathā.

Ajjhattaṃ vā bahiddhā vāti cakkhādīpaṅcavidhaṃ rūpaṃ attabhāvaṃ adhikicca pavattattā ajjhattaṃ, sesaṃ tato bāhirattā bahiddhā. Apica niyakajjhattampi idha ajjhattaṃ, parapuggalikampi ca bahiddhāti veditabbaṃ. **Oḷārikaṃ vā sukhumāṃ vāti** cakkhādīni nava, āpodhātuvajjā tisso dhātuyo cāti dvādasavidhaṃ rūpaṃ ghaṭṭanavasena gahetabbato oḷārikaṃ, sesaṃ tato viparītattā sukhumāṃ. **Hīnaṃ vā paṇītaṃ vāti** ettha hīnapaṇītabhāvo pariyāyato nippariyāyato ca. Tattha akaniṭṭhānaṃ rūpato sudassīnaṃ rūpaṃ hīnaṃ, tadeva sudassānaṃ rūpato paṇītaṃ. Evaṃ yāva narakasattānaṃ rūpaṃ, tāva pariyāyato hīnapaṇītatā veditabbā. Nippariyāyato pana yaṃ ārammaṇaṃ katvā akusalavipākaviññānaṃ uppajjati, taṃ hīnaṃ aniṭṭhabhāvato. Yaṃ pana ārammaṇaṃ katvā kusalavipākaviññānaṃ uppajjati, taṃ paṇītaṃ iṭṭhabhāvato. Yathā hi akusala vipāko sayāṃ aniṭṭho aniṭṭhe eva uppajjati, na iṭṭhe, evaṃ kusalavipākopi sayāṃ iṭṭho iṭṭheya eva uppajjati, na aniṭṭhe. **Yaṃ dūre santike vāti** yaṃ sukhumāṃ, tadeva duppaṭivijjhasabhāvattā dūre, itaraṃ suppaṭivijjhasabhāvattā santike. Apicettha okāsatopi upādāyupādāya dūrasantikātā veditabbā. **Taṃ sabbanti** taṃ atītādīhi padehi visuṃ niddiṭṭhaṃ sabbam rūpaṃ. **Sammappaññāya daṭṭhabbanti** saḥavipassanāya maggapaññāya daṭṭhabbanti.

Yā kāci vedanāti-ādisu pana santativasena ca khaṇavasena ca vedanāya atītānāgatapaccuppanabhāvo veditabbo. Tattha¹ **santativasena** ekavīthi-ekajavana-ekasamāpattipariyāpannā ekavidhavisayasamāyogappavattā ca divasampi buddharūpaṃ passantassa dhammaṃ suṇantassa pavattasaddhādisahitavedanā paccuppanā, tato pubbe atītā, pacchā anāgatā. **Khaṇavasena** khaṇattayapariyāpannā paccuppanā, tato pubbe atītā, pacchā anāgatā. Ajjhatabhiddhābhedo niyakajjhattavasena veditabbo. Oḷārikasukhumabhedo “akusalā vedanā oḷārikā, kusalābyākatā vedanā sukhumā”ti-ādinā yena **vibhaṅge**² vuttena jātisabhāvapuggalalokiyalokuttaravasena veditabbo. **Jātivasena** tāva akusalavedanā sāvajjakiriyahetuto kilesasantāpasabhāvato ca avūpasantavuttīti kusalavedanāya oḷārikā, sabyāpārato sa-ussāhato savipākato kilesasantāpasabhāvato sāvajjato ca vipātābyākatāya oḷārikā, savipākato kilesasantāpasabhāvato sabyāpajjato sāvajjato ca kiriyābyākatāya oḷārikā, kusalābyākatā pana vuttavipariyāyato akusalāya sukhumā. Dvepi kusalākusalavedanā sabyāpārato sa-ussāhato savipākato ca yathāyogaṃ duvidhāyapi abyākatāya oḷārikā, vuttavipariyāyena duvidhāpi abyākatā tāhi sukhumā. Evaṃ tāva jātivasena oḷārikasukhumatā veditabbā.

Sabhāvavasena pana dukkhavedanā nirassādato savipphārato³ ubbejanīyato abhibhavanato ca itarāhi dvīhi oḷārikā, itarā pana dve sātato santato paṇītato manāpato majjhattato ca tathāyogaṃ dukkhāya sukhumā. Ubho pana sukhadukkhā savipphārato khobhakarāṇato pākaṭato ca adukkhamasukhāya oḷārikā, sā vuttavipariyāyena tadubhayato sukhumā. Evaṃ sabhāvavasena oḷārikasukhumatā veditabbā. **Puggalavasena** pana asamāpannassa vedanā nānārammaṇavikkhittabhāvato samāpannassa vedanāya oḷārikā, vipariyāyena itarā sukhumā. Evaṃ puggalavasena oḷārikasukhumatā veditabbā. **Lokiyalokuttaravasena** pana sāsavā vedanā lokiyā. Sā

1. Visuddhi 2. 104 piṭṭhādīsupi passitabbaṃ.

2. Abhi 2. 4 piṭṭhe.

3. Avipphārato (Syā)

āsavuppattihetuto oghaniyato yoganiyato ganthaniyato nīvaraṇiyato upādāniyato saṁkilesikato puthujjanasādhāraṇato ca anāsavāya oḷārikā, sā vipariyāyena sāsavāya sukhumā. Evaṁ lokiyalokuttaravasena oḷārikasukhumatā veditabbā.

Tattha jāti-ādivasena sambhedo pariharitabbo.

Akusalavipākakāyaviññāṇasampayuttā hi vedanā jātivasena abyākatattā sukhumāpi samānā sabhāvādivasena oḷārikā hoti. Vuttañhetam “abyākatā vedanā sukhumā, dukkhā vedanā oḷārikā. Asamāpannassa vedanā oḷārikā, sāsavā vedanā oḷārikā”ti¹. Yathā ca dukkhavedanā evaṁ sukhādayopi jātivasena oḷārikā, sabhāvādivasena sukhumā honti. Tasmā yathā jāti-ādivasena sambhedo na hoti, tathā vedanānam oḷārikasukhumatā veditabbā. Seyyathidam? Abyākatā jātivasena kusalākusalāhi sukhumā. Na tattha “katamā abyākatā kiṁ dukkhā, kiṁ sukhā, kiṁ samāpannassa, kiṁ asamāpannassa, kiṁ sāsavā, kiṁ anāsavā”ti evaṁ sabhāvādibhedo parāmasitabbo. Esa nayo sabbattha.

Apica “tam tam vā pana vedanam upādāyupādāya vedanā oḷārikā sukhumā daṭṭhabbā”ti¹ vacanato akusalādisupi lobhasahagatāya dosasahagatavedanā aggi viya attano nissayadahanato oḷārikā, lobhasahagatā sukhumā. Dosasahagatāpi niyatā oḷārikā, aniyatā sukhumā. Niyatāpi kappatṭhitikā oḷārikā, itarā sukhumā. Kappatṭhitikāsupi asaṅkhārikā oḷārikā, itarā sukhumā. Lobhasahagatā pana diṭṭhisampayuttā oḷārikā, itarā sukhumā. Sāpi niyatā kappatṭhitikā asaṅkhārikā oḷārikā, itarā sukhumā, avisesena akusalā bahuvipākā oḷārikā, appavipākā sukhumā. Kusalā pana appavipākā oḷārikā, bahuvipākā sukhumā.

Apica kāmāvacarakusalā oḷārikā, rūpāvacarā sukhumā, tato arūpāvacarā, tato lokuttarā. Kāmāvacarā ca dānamayā oḷārikā, sīlamayā sukhumā, tato bhāvanāmayā. Bhāvanāmayāpi duhetukā

1. Abhi 2. 4 piṭṭhe.

oḷārikā, tihetukā sukhumā. Tihetukāpi sasaṅkhārikā oḷārikā, asaṅkhārikā sukhumā. Rūpāvacarā paṭhamajjhānikā oḷārikā -pa- pañcamajjhānikā sukhumāva. Arūpāvacarā ākāśānañcāyatanasampayuttā oḷārikā -pa- nevasaññānāsaññāyatanasampayuttā sukhumāva. Lokuttarā ca sotāpattimaggasampayuttā oḷārikā -pa- arahattamaggasampayuttā sukhumāva. Esa nayo taṃtambhūmivipākakiriyavedanāsu dukkhādi-asamāpannādisāsavādivasena vuttavedanāsu ca.

Okāsavasena cāpi niraye dukkhā oḷārikā, tiracchānāyoniyāṃ sukhumā -pa- paranimmittasavattī sukhumāva. Yathā ca dukkhā, evaṃ sukhāpi sabbattha yathānurūpaṃ yojetabbā. **Vatthuvāsena** cāpi hīnavatthukā yā kāci vedanā oḷārikā, paṇītavatthukā sukhumā. Hīnappaṇītabhede yā oḷārikā, sā hīnā. Yā ca sukhumā, sā paṇītāti veditabbā. Dūrapadaṃ pana akusalā vedanā kusalābyākātāhi vedanāhi dūre, santikapadaṃ akusalā vedanā akusalāya vedanāya santiketī-ādinā nayena vibhattaṃ. Tasmā akusalā vedanā visabhāgato asaṃsaṭṭhato asarikkhato ca kusalābyākātāhi dūre, tathā kusalābyākātā akusalāya. Esa nayo sabbavāresu. Akusalā pana vedanā sabhāgato ca saṃsaṭṭhato ca sarikkhato ca akusalāya santiketī. Taṃtaṃvedanāsampayuttānaṃ pana saññādināmpi evameva veditabbaṃ.

23. **Sutavāti** āgamādhigamasāṅkhātena bāhusaccena samannāgatattā sutavā. **Nibbindatīti** ukkaṇṭhāti. Ettha ca **nibbidāti** vuṭṭhānagāminīvipassanā adhippetā. **Nibbindaṃ virajjatīti** ettha virāgavasena cattāro maggā kathitā. **Virāgā vimuccatīti** virāgena maggeneva hetubhūtena paṭippassaddhivimuttivasena vimuccati. Iminā cattāri sāmāññaphalāni kathitāni. **Vimuttasmiṃ vimuttamiti ñāṇaṃ hotīti** iminā pana paccavekkhaṇaṇāṇaṃ kathitaṃ. **Khīṇā jāti**ti-ādīhi tassa bhūmi. Tena hi ñāṇena ariyasāvako paccavekkhanto “khīṇā jāti”ti-ādīni pajānāti. Katamā panassa jāti khīṇā, kathaṅca naṃ pajānātīti? Na tāvassa atītā jāti khīṇā pubbeva khīṇattā, na anāgatā anāgate vāyāmābhāvato, na paccuppannā. Yā pana maggassa abhāvitattā uppajjeyya ekacatupañcavokārabhavesu ekacatupañcakkhandhappabhedā jāti, sā maggassa bhāvitattā

anuppādadhammataṃ āpajjanena khīṇā, taṃ so maggabhāvanāya pahīnakilese paccavekkhitvā kilesābhāve vijjānāmpi kammaṃ āyatim appaṭisandhikaṃ hotīti jānanto pajānāti.

Vusitanti vutthaṃ parivutthaṃ, kataṃ caritaṃ niṭṭhanti attho. **Brahmacariyanti** maggabrahmacariyaṃ. Puthujjanakalyāṇakena hi saddhim satta sekkhā maggabrahma cariyaṃ vasanti nāma, khīṇāsavo vutthavāso, tasmā ariyasāvako attano brahmacariya vāsaṃ paccavekkhanto “vusitaṃ brahmacariyaṃ”ti pajānāti. **Kataṃ karaṇīyanti** catūsu saccesu catūhi maggehi pariññāpahānasacchikiriyābhāvanāvasena soḷasavidhampi kiccaṃ niṭṭhāpitanti attho. Puthujjanakalyāṇakādayo hi taṃ kiccaṃ karonti, khīṇāsavo katakaraṇīyo. Tasmā ariyasāvako attano karaṇīyaṃ paccavekkhanto “kataṃ karaṇīyaṃ”ti pajānāti. **Nāparaṃ itthattāyāti** idāni puna itthabhāvāya evaṃsoḷasakiccabhāvāya, kilesakkhayāya vā maggabhāvanākiccaṃ me natthīti pajānāti. Atha vā **itthattāyāti** itthabhāvā¹ imasmā evampakārā idāni vattamānakkhandhasantānā aparaṃ khandha santānaṃ mayhaṃ natthi, ime pana pañcakkhandhā pariññātā tiṭṭhanti chinnaṃ ulakā rukkhaṃ viya. Te carimakaviññāṇanirodhena anupādāno viya jātavedo nibbāyissantīti pajānāti.

24. **Attamanā** te² **bhikkhū bhagavato bhāsitaṃ abhinandanti** te bhikkhū sakamaṇā tuṭṭhamanā, pītisomanassehi vā samattamanā³ hutvā karavīkarutamañjunā kaṇṇasukhena paṇḍitajanahadayānaṃ amatābhisekasadisena brahmāsarena bhāsato bhagavato vacanaṃ sukathitaṃ sulapitaṃ “evametaṃ bhagavā, evametaṃ sugatā”ti matthakena sampaṭicchantā anumodimsu ceva sampaṭicchimsu cāti attho. Ayañhi **abhinanda**-saddo “abhinandati abhivadati”ti-ādīsu⁴ taṇhāyapi āgato. “Annamevā bhinandanti, ubhaye devamānusa”ti-ādīsu⁵ upagamanepi.

“Cirappavāsīm purisaṃ, dūrato sotthimāgataṃ.
Ñātimitā suhajā ca, abhinandanti āgataṃ”ti⁶—

1. Itthabhāvato (Sī-Ṭṭha 1. 202; Ma-Ṭṭha 1. 132 piṭṭhesu.) 2. Pañcavaggiyā (Pāḷiyā)

3. Sampattamanā (Syā), sampayuttamanā (Ma-Ṭṭha 1. 90 piṭṭhe)

4. Saṃ 2. 12, 311, 321 piṭṭhādīsu.

5. Saṃ 1. 29 piṭṭhe.

6. Khu 1. 45; Khu 2. 73 piṭṭhesu.

ādīsu sampaṭicchaneṭi. “Abhinanditvā anumoditvā”ti-ādīsu¹ anumodaneṭi. Svāyamidha anumodanasampaṭicchaneṭi yujjati. Tena vuttaṃ “anumodimsu ceva sampaṭicchimsu cā”ti. **Anupādāya āsavehi cittāni vimuccimsūti** anuppādanirodhena nirujjhamānehi āsavehi anupādāya aggahetvā kañci dhammaṃ “ahaṃ mamā”ti anādiyitvāva cittāni vimuccimsu. **Cha arahantoti** bhagavatā saddhiṃ cha janā arahanto. Aññesaṃ pana devabrahmānampi arahattappattisambhavato idaṃ manussa-arahanteyeva sandhāya vuttanti āha “**cha manussā arahanto hontī**”ti.

Anattalakkhaṇasuttavaṇṇanā niṭṭhitā.

Pañcavaggiyakathā niṭṭhitā.

Yasassa pabbajjākathāvaṇṇanā

25. Idāni yasassa pabbajjāṃ dassetuṃ “**tena kho pana samayenā**”ti-ādi āraddhaṃ. Tatrāyaṃ anuttānapadavaṇṇanā—**hemantikoti**-ādīsu yattha sukhaṃ hoti hemantakāle vasiṃtuṃ, ayaṃ hemantiko. Itaresupi eseṭa nayo. Ayaṃ panettha vacanatto—hemante vāso hemantaṃ uttarapadalopena, hemantaṃ arahatīti **hemantiko**. Itaresupi eseṭa nayo. Tattha vassiko pāsādo nāti-ucco hoti nātinīco, dvāravātapānānipissa nātibahūni nātitanūni, bhūmattharaṇapaccattharaṇa khajjabhojjānipettha missakāneva vaṭṭanti. Hemantike thambhāpi bhittiyopi nīcā honti, dvāravātapānāni tanukāni sukhuma chiddāni, uṇhappavesanattāya bhittiniyyūhāni hariyanti, bhūmattharaṇapaccattharaṇanivāsanapārūpanāni panettha uṇhavikiriyaṇi kambalādīni vaṭṭanti, khajjabhojjāṃ siniddhaṃ kaṭukasannissitaṇca. Gimhike thambhāpi bhittiyopi uccā honti, dvāravātapānāni panettha bahūni vipulajātāni honti, bhūmattharaṇāni sītavikiriyaṇi dukūlamayaṇi vaṭṭanti, khajjabhojjāni madhurarasaṭivikiriyaṇi, vātapānasamīpesu cettha navā cāṭiyo ṭhapetvā udakassa pūretvā nīluppalādīhi sañchādenti, tesu tesu padesesu udakayantāni karonti, yehi deve vassante viya udakadhārā nikkhamanti.

1. Ma 1. 160 piṭṭhe.

2. Dī-Ṭṭha 2. 45; Am-Ṭṭha 2. 126 piṭṭhādīsupi passitabbaṃ.

Nippurisehīti purisavirahitehi. Na kevalañcetta tūriyāneva nippurisāni, sabbatṭhānānipi nippurisāneva. Dovārikāpi itthiyova, nahāpanādiparikammakarāpi itthiyova. Pitā kira “tathārūpam issariyasukhasampattim anubhavamānassa purisam disvā parisaṅkā uppajjati, sā me puttassa mā ahoṣī”ti sabbakiccesu itthiyova ṭhapāpesi. **Pañcahi kāmagaṇehīti** rūpasaddādīhi pañcahi kāmakoṭṭhāsehi. **Samappitassāti** sammā appitassa, upetassāti attho. **Samaṅgībhūtassāti** tasseva vevacanaṃ. **Paricāraya mānassāti** parito cārayamānassa, tasmim tasmim kāmagaṇe indriyāni cārayamānassāti attho. **Ālambananti** paṇavamā. **Vikesikanti** muttakesam, vippakiṇṇakesanti attho. **Vikkheḷikanti** vissandamānalālam. **Vippalapantiyoti** viruddham palapantiyo vā rudantiyo vā. **Susānaṃ maññeti** āmakasusānaṃ viya addasa sakaṃ parijananti sambandho. **Udānaṃ udānesīti** samvegavasena udānaṃ udānesi, samvegavasappavattaṃ vācam nicchāresīti attho.

26. **Idaṃ kho yasāti** bhagavā nibbānaṃ sandhāyāha. Tañhi taṇhādīhi kilēsehi anupaddutaṃ anupassaṭṭhaṅca. **Anupubbim kathanti**¹ dānānantaraṃ sīlam, sīlānantaraṃ saggam, saggānantaraṃ magganti evamanupaṭipāṭikathaṃ. Tattha **dānakathā** nāma “idaṃ dānaṃ nāma sukhānaṃ nidānaṃ, sampattīnaṃ mūlaṃ, bhogānaṃ patiṭṭhā, visamagatassa tāṇaṃ leṇaṃ gati parāyaṇaṃ, idhalokaparalokesu dānasadisō avassayo patiṭṭhā ārammaṇaṃ² tāṇaṃ leṇaṃ gati parāyaṇaṃ natthi. Idañhi avassayaṭṭhena ratanamayasīhāsanasadisam, patiṭṭhānaṭṭhena mahāpathavīsadisam, ārammaṇaṭṭhena³ ālambanarajjusadisam, idañhi dukkhanittharaṇaṭṭhena nāvā, samassāsanaṭṭhena saṅgāmasūro, bhayaparittāṇaṭṭhena susaṅkhatanagaraṃ, maccheramalādīhi anupalittaṭṭhena padumaṃ, tesam nidhanaṭṭhena aggi, durāsadaṭṭhena āsiviso, asantāsanaṭṭhena sīho, balavantatṭhena hatthī, abhimaṅgalasammataṭṭhena seta-usabho, khemantabhūmisampāpanaṭṭhena valāhako assarājā. Dānaṃ nāmetaṃ mayā gatamaggo, mayheveso vaṃso, mayā dasa pāramiyo pūrentena velāmamahāyaññā mahāgovindamahāyaññā mahā sudassanamahāyaññā vessantaramahāyaññāti aneke mahāyaññā pavattitā, sasabhūtena

1. Dī-Ṭṭha 2. 62; Ma-Ṭṭha 3. 64 piṭṭhādīsipi passitabbaṃ.

2. Ālambanaṃ (?)

3. Ālambanaṭṭhena (?)

jalite aggikkhandhe attānaṃ niyyātentena sampattayācakānaṃ cittaṃ gahitaṃ. Dānañhi loke sakkasampattiṃ deti, mārasampattiṃ brahmasampattiṃ cakkavattisampattiṃ sāvakaṃpāramiññaṃ paccekabodhiññaṃ abhisambodhiññaṃ deti”ti evamādinā dānaguṇappaṭisaṃyuttakathā.

Yasmā pana dānaṃ dadanto sīlaṃ samādātum sakkoti, tasmā tadanantaraṃ sīlakathaṃ kathesi. Dānañhi nāma dakkhiṇeyyesu hitajjhāsayena pūjanajjhāsayena vā attano santakassa paresaṃ pariccajanaṃ, tasmā dāyako sattesu ekantahitajjhāsayo purisapuggalo, paresaṃ vā santakaṃ¹ haratīti aṭṭhānametaṃ. Tasmā dānaṃ dadanto sīlaṃ samādātum sakkotīti dānānantaraṃ sīlaṃ vuttaṃ. Apica **dānakathā** tāva pacurajanesupi pavattiyā sabbasādhāraṇattā sukarattā sīle patiṭṭhānassa upāyabhāvato ca ādito kathitā. Pariccāgasīlo hi puggalo pariggahavatthūsu nissaṅgabhāvato sukheneva sīlāni samādiyati, tattha ca suppatiṭṭhito hoti. Sīlena dāyakaṃpaṭiggāhakavisuddhito parānuggahaṃ vatvā parapīḷānivattivacanato kiriyadhammaṃ vatvā akiriyadhammavacanato bhogayasa sampattihetum vatvā bhavasampattihetuvacanato ca dānakathānantaraṃ sīlakathā kathitā.

Sīlakathā nāma “sīlaṃ nāmetaṃ avassayo patiṭṭhā ārammaṇaṃ tānaṃ leṇaṃ gati parāyaṇaṃ. Sīlaṃ nāmetaṃ mama vaṃso, ahaṃ saṅkhapālanāgarājakāle bhūridattanāgarājakāle campeyyanāgarājakāle sīlavarājakāle mātuṃposakahatthirājakāle chaddantahatthirājakāleti anantesu attabhāvesu sīlaṃ paripūresim. Idhalokaparalokasampattīnañhi sīlasadiso avassayo sīlasadisā patiṭṭhā ārammaṇaṃ tānaṃ leṇaṃ gati parāyaṇaṃ natthi, sīlālaṅkārasadiso alaṅkāro natthi, sīlapupphasadisā pupphaṃ natthi, sīlagandhasadiso gandho natthi. Sīlālaṅkārena hi alaṅkataṃ sīlakusumapiḷandhanaṃ sīlagandhānulittaṃ sadevakopi loko olokento tittim na gacchatī”ti evamādisīlaguṇappaṭisaṃyuttakathā.

Idaṃ pana sīlaṃ nissāya ayaṃ saggo labbhatīti dassanattham sīlānantaraṃ saggakataṃ kathesi. **Saggatathā** nāma “ayaṃ saggo nāma iṭṭho kanto

1. Purisapuggalo pare hanti, paresaṃ vā santakaṃ (Syā)

manāpo, nīccametta kīlā, nīccam sampattiyo labbhanti, cātumahārājikā devā navutivassasatasahassāni dibbasukham dibbasampattim paṭilabhanti, tāvatimsā tisso ca vassakoṭiyo saṭṭhi ca vassasatasahassāni”ti evamādisaggaguṇapaṭisaṃyuttakathā. Saggasampattim kathayantānañhi buddhānam mukham nappahoti. Vuttampi cetam “anekapariyāyena kho aham bhikkhave saggakatham katheyyan”ti-ādi.

Evam saggakathāya palobhetvā puna hatthim alaṅkaritvā tassa soṇḍam chindanto viya ayampi saggo anicco addhuvo, na ettha chandarāgo kātabboti dassanattam “appassādā kāmā bahudukkhā bahupāyāsā, ādīnavo ettha bhīyyo”ti-ādīnā¹ nayena kāmānam ādīnavam okāram saṅkilesam kathesi. Tatha **ādīnavoti** doso, aniccatādīnā appassādatādīnā ca dūsitabhāvoti attho. Atha vā ādīnam vāti pavattatīti **ādīnavo**, paramakapaṇatā. Tathā ca kāmā yathābhūtam paccavekkhantānam paccupattiṭṭhanti. **Okāro**ti lāmakabhāvo nihīnabhāvo aseṭṭhehi sevītabbatā seṭṭhehi na sevītabbatā ca. **Saṅkilesoti** tehi sattānam saṅkilissanam, vibādhetabbatā upatāpetabbatāti attho.

Evam kāmādīnavena tajjetvā **nekkhamme ānisaṃsam pakāsesi**. Yattakā ca kāmesu ādīnavā, paṭipakkhato tattakāva nekkhamme ānisaṃsā. Apica “nekkhammam nāmetam asambādham asaṅkiliṭṭham, nikkhantam kāmehi, nikkhantam kāmasaññāya, nikkhantam kāmavitakkehi, nikkhantam kāmāpariṭāhehi, nikkhantam byāpārato”ti-ādīnā nayena nekkhamme ānisaṃsam pakāsesi, pabbajjāya jhānādīsu ca guṇe vibhāvesi vaṇṇesi. Ettha ca saggam kathetvā svāyam saggo rāgādīhi upakkiliṭṭho, sabbathāpi anupakkiliṭṭho ariyamaggoti dassanattam saggānantaram maggo kathetabbo. Maggañca kathentena tadadhigamupāyasandassanattam saggapariyāpannāpi pageva itare sabbepi kāmā nāma bahvādīnavā aniccā addhuvā vipariṇāmadhammāti kāmānam ādīnavo, hīnā gammā pothujjanikā anariyā anattasañhitāti tesam okāro lāmakabhāvo, sabbepi bhavā kilesānam vatthubhūtatī tatha saṅkilesa, sabbasaṅkilesavippamuttam nibbānanti nekkhamme

1. Ma 1. 126; Vi 2. 176 piṭṭhesu.

ānisaṃso ca kathetabboti kāmesu ādīnavo okāro saṃkilesa nekkhamme ca ānisaṃso pakāsitoti daṭṭhabbāṃ.

Kallacittanti kammaniyacittāṃ, heṭṭhā pavattitadesanāya assaddhiyādīnaṃ cittadosānaṃ vigatattā uparidesanāya bhājanabhāvūpagamanena kammakkhamacittanti attho. Assaddhiyādayo vā yasmā cittassa rogabhūtā tadā tassa vigatā, tasmā kallacittāṃ arogacittanti attho. Diṭṭhimānādikilesavigamena **muducittāṃ**, kāmacchandādivigamena **vinīvaraṇacittāṃ**, sammāpaṭipattiyaṃ ulārapītipāmojjayogena **udaggacittāṃ**. Tattha saddhāsampattiyaṃ pasannacittāṃ yadā bhagavā aññāsīti sambandho. Atha vā **kallacittanti** kāmacchandavigamena arogacittāṃ. **Muducittanti** byāpādavigamena mettāvasena akaṭṭhinacittāṃ. **Vinīvaraṇacittanti** uddhaccakukkuccavigamena vikkhepassa vigatattā tena apihitacittāṃ. **Udaggacittanti** thinamiddhavigamena sampaggahavasena alīnacittāṃ. **Pasannacittanti** vicikicchāvigamena sammāpaṭipattiyaṃ adhimuttacittanti evampettha attho veditabbo. **Sāmuikkāṃsīkā**ti sāmāṃ ukkāṃsīkā, attanāyeva uddharitvā gahitā, sayambhūñāṇena diṭṭhā asādhāraṇā aññesanti attho. Kā ca pana sāti? Ariyasaccadesanā. Tenevāha “dukkhāṃ samudayaṃ nirodhaṃ maggan”ti.

Seyyathāpīti-ādīnā upamāvasena tassa kilesappahānaṃ ariyamagguppādaṅca dasseti. **Apagatakāḷakanti** vigatakāḷakāṃ. **Sammadevā**ti suṭṭhum eva. **Rajananti** nīlapītādiraṅgajātāṃ. **Paṭiggaṇheyyā**ti gaṇheyya, pabhassaraṃ bhavēyya. **Tasmiṃ yeva āsaneti** tassaṃyeva nisajjāyaṃ. Etenassa lahuvipassakatā tikkhapaññatā sukhapaṭipadakhippābhīññatā ca dassitā hoti. **Virajanti**-ādi vuttanayameva. Tatridaṃ upamāsaṃsandanaṃ—vatthaṃ viya cittāṃ, vatthassa āgantukamalehi kiliṭṭhabhāvo viya cittassa rāgādīmalehi saṃkiliṭṭhabhāvo, dhovanasilā viya anupubbikathā, udakaṃ viya saddhā, udakena temetvā temetvā ūsagomayachārikakhārahehi kāḷakapadese sammadditvā vatthassa dhovanapayogo viya saddhāsīnehena temetvā temetvā satisamādhīpaññāhi dose sithile katvā sīlasutādividhinā¹ cittassa sodhane vīriyārambho, tena payogena vatthe kāḷakāpagamo viya vīriyārambhena kilesavikkhambhanaṃ,

1. Sithilīkatādividhinā (Syā)

raṅgajātaṃ viya ariyamaggo, tena suddhassa vatthassa pabhassarabhāvo viya vikkhambhitakilesassa cittassa maggena pariyaodapananti.

27. **Assadūte**ti āruḷha-asse dūte. **Iddhābhisāṅkhāra**nti iddhikiriyaṃ. **Abhisāṅkha**reṣīti abhisāṅkhari, akāṣīti attho. Kimatthanti ce? Ubhinnaṃ paṭilabhitabbavisesantarāyanisedhanatthaṃ. Yadi hi so puttaṃ passeyya, puttassapi arahattappatti seṭṭhissapi dhammacakkhupaṭilābho na siyā. Adiṭṭhasaccopi¹ hi “dehi te mātuyā jīvitaṃ”ti yācanto kathaṅhi nāma vikkhepaṃ paṭibāhitvā bhagavato dhamma desanānusāreṇa nīṇaṃ pesetvā dhammacakkuṃ paṭilabheyya, yaso ca evaṃ tena yāciyamāno kathaṃ taṃ vikkhepaṃ paṭibāhitvā arahatte patiṭṭhaheyya.

Etadavocāti bhagavato dhammadesanaṃ abbhanumodamāno etaṃ “abhikkantaṃ bhante”ti-ādivacanaṃ avoca. **Abhikkanta**-saddo cāyamidha abbhanumodane, tasmā sādhu sādhu bhanteti vuttaṃ hoti.

“Bhaye kodhe pasaṃsāyaṃ, turite kotūhalacchare.
Hāse soke pasāde ca, kare āmeditaṃ budho”ti—

Imināva lakkhaṇena idha pasādavasena pasaṃsāvasena cāyaṃ dvikkhattuṃ vuttoti veditabbo. **Seyyathāpī**ti-ādinā catūhi upamāhi bhagavato desanaṃ thometi. Tattha **nikkujjita**nti adhomukhaṭṭhapaṭitaṃ heṭṭhāmukhajātaṃ vā. **Ukkujjeyyā**ti uparimukhaṃ kareyya. **Paṭicchanna**nti tiṇapaṇṇādichāditāṃ. **Vivareyyā**ti ugghāṭeyya. **Mūḷhassā**ti disāmūḷhassa. **Maggam ācikkheyyā**ti hatthe gahetvā “esa maggo”ti vadeyya. **Andhakāre**ti kāḷapakkhacātuddasī adḍharatti ghanavanasaṇḍa meghapaṭalehi caturaṅgatame.

Evaṃ desanaṃ thometvā imāya desanāya ratanattaye pasannacitto pasannākāraṃ karonto “**esāhan**”ti-ādimāha. Tattha **esāhanti** eso ahaṃ. **Upāsakaṃ maṃ bhagavā dhāretū**ti maṃ bhagavā “upāsako ayan”ti evaṃ dhāretu, jānātūti attho. **Ajjataggeti** etthāyaṃ agga-saddo ādi-atthe, tasmā **ajjataggeti** ajjataṃ ādim

1. Diṭṭhasaccopi (Ka)

katvāti evamattho veditabbo. Ajjatanti ajjabhāvaṃ. “Ajjadagge”ti vā pāṭho, **da-kāro** padasandhikaro, ajja aggaṃ katvāti attho. **Pāṇupetanti** pāṇehi upetaṃ. Yāva me jīvitam pavattati, tāva upetaṃ, anaññasatthukaṃ tīhi saraṇagamanehi saraṇam gataṃ upāsakaṃ kappiyakārakaṃ maṃ bhagavā dhāretu jānātu. Ahañhi sacepi me tikhiṇena asinā sīsaṃ chindeyya, neva buddhaṃ “na buddho”ti vā, dhammaṃ “na dhammo”ti vā, saṃghaṃ “na saṃgho”ti vā vadeyyanti evaṃ attasanniyyātanena saraṇam agamāsi. Evaṃ “abhikkantaṃ”ti-ādīnaṃ anuttānapadattho veditabbo, vitthāro pana heṭṭhā verañjakaṇḍavaṇṇanāyam¹ āgatoyevāti idha na dassito.

28. **Bhūmim paccavekkhantassāti** attanā diṭṭhamatthaṃ paccavekkhantassa. **Iddhābhisaṅkhāraṃ paṭippassambhesīti** yathā taṃ seṭṭhi gahapati tattha nisinnova yasaṃ kulaputtaṃ passati, tathā adhiṭṭhāsīti attho. **Adhivāsetūti** sampaṭicchatu. **Ajjatanāyāti** yaṃ me tumhesu sakkāraṃ karoto ajja bhavissati puññaṅca pītipāmojjaṅca, tadatthāya. **Adhivāsesi bhagavā tuṇhībhāvenāti** bhagavā kāyaṅgaṃ vā vācaṅgaṃ vā acopetvā abbhantareyeva khantiṃ karonto tuṇhībhāvena adhivāsesi, seṭṭhissa anuggahatthaṃ manasāva sampaṭicchīti vuttaṃ hoti. **“Ehi bhikkhū”ti bhagavā avocāti** tassa kira iddhimayapattacīvarassa upanissayaṃ olokento anekāsu jāṭisu cīvarādi-aṭṭhaparikkhāradānaṃ disvā **“ehi bhikkhū”ti** avoca. So tāvadeva bhaṇḍu kāsāvavasano aṭṭhahi bhikkhuparikkhārehi sarīre paṭimukkeheva vassasaṭṭhikatthero² viya bhagavantaṃ namassamānova nisīdi. Yo hi cīvarādi-ke aṭṭha parikkhāre pattacīvarameva vā sotāpannādi-ariyassa puthujjanasseva vā sīlasampannassa datvā “idaṃ parikkhāradānaṃ anāgate ehibhikkhubhāvāya paccayo hotū”ti patthanaṃ paṭṭhabeti, tassa taṃ sati adhikārasampattiyaṃ buddhānaṃ sammukhībhāve iddhimayaparikkhāra lābhāya saṃvattatīti veditabbaṃ.

29. **Paṇītenāti** uttamena. **Sahatthāti** sahatthena. **Santappetvāti** suṭṭhu tappetvā, paripuṇṇaṃ suhitaṃ yāvadatthaṃ katvā. **Sampavāretvāti** suṭṭhu pavāretvā, alaṃ alanti hatthasaññāya paṭikkhipāpetvā. **Bhuttāvinti**

1. Vi-Ṭṭha 1. 138 piṭṭhe.

2. Vassasatikatthero (Syā)

bhuttavantam. **Onītapattapāṇinti** pattato onītapāṇim, apanītahatthanti vuttam hoti. “Onītapattapāṇin”tipi pāṭho, tassattho—onittam nānābhūtam vinābhūtam pattam pāṇito assāti onītapattapāṇi, tam **onītapattapāṇim**, hatthe ca pattañca dhovivā ekamantam pattam nikkhipivā nisinnanti attho. **Ekamantam nisīdirisūti** bhagavantam evambhūtam ñatvā ekasmim okāse nisīdirisūti attho. **Dhammiyā kathāyāti**-ādīsu taṅkhaṇānurūpāya dhammiyā kathāya diṭṭhadhammikasamparāyika-attham **sandassetvā** kusale ca dhamme **samādapetvā** tatha ca nam **samuttejetvā** sa-ussāham katvā tāya ca sa-ussāhatāya aññehi ca vijjamānaguṇehi **sampahamsetvā** dhammaratanavassam vassivā uṭṭhāyāsana pakkāmi.

Yasassa pabbajjākathāvaṇṇanā niṭṭhitā.

Catugihisahāyapabbajjākathāvaṇṇanā

30. Idāni tassa sahāyānam pabbajjam dassento “**assosum kho**”ti-ādimāha. Tatrāyam anuttānapadavaṇṇanā—seṭṭhino ca anuseṭṭhino ca yesam kulānam tāni seṭṭhānuseṭṭhīni kulāni, tesam **seṭṭhanuseṭṭhīnam kulānam**, paveṇivasena āgatehi seṭṭhīhi ca anuseṭṭhīhi ca samannāgatānam kulānanti attho. **Vimaloti**-ādīni tesam puttānam nāmāni. **Kesamassum ohāretvāti** kesañca massuñca oropetvā. **Kāsāyāni vatthānīti** kasāyarasapītāni brahmacariyam carantānam anucchavikāni vatthāni. **Orakoti** ūnako lāmako. Sesamettha vuttanayameva.

Catugihisahāyapabbajjākathāvaṇṇanā niṭṭhitā.

Paññāsagihisahāyapabbajjākathāvaṇṇanā

31. Paññāsamattānam gihisahāyānam pabbajjāyapi yam vattabham, tam vuttameva. Imesam pana sabbesam pubbayogo vattabboti tam dassetum

“Yasa-ādīnaṃ kulaputtānaṃ ayaṃ pubbayogo”ti-ādimāha. Tattha vaggabandhanenāti gaṇabandhanena, ekībhūtāti vuttaṃ hoti. **Anāthasarīrānī**ti anāthāni matakaḷevarāni. **Paṭijaggantā**ti bahi nīharitvā jhāpentā.

Paññāsagitisahāyapabbajjākathāvaṇṇanā niṭṭhitā.

Mārakathāvaṇṇanā

32. Idāni saraṇagamanūpasampadaṃ dassetuṃ “**atha kho bhagavā**”ti-ādi āraddhaṃ. Tatrāyaṃ anupubbapadavaṇṇanā¹—**muttāhanti** mutto ahaṃ. **Cārikanti** anupubbagamanacārikam, gāmanigamarājadhānīsu anukkamena gamanaśākhātāṃ cārikanti attho. **Carathā**ti divasaṃ yojanaparamaṃ gacchantā caratha. **Mā ekena dve agamithā**ti ekena maggena dvīsu gatesu ekasmiṃ dhammaṃ desente ekena tuṇhībhūtena ṭhātabbaṃ hoti, tasmā evamāha. **Ādikalyāṇanti**-ādimhi kalyāṇaṃ sundaraṃ bhaddakaṃ, tathā **majjhapiyosānesu**. Ādimajjhapiyosānañca nāmetaṃ sāsanassa ca desanāya ca vasena dubbidhaṃ. Tattha sāsanassa sīlaṃ ādi, samathavipassanāmaggā majjhaṃ, phalanibbānāni piyosānaṃ. Sīlasamādhayo vā ādi, vipassanāmaggā majjhaṃ, phalanibbānāni piyosānaṃ. Sīlasamādhivipassanā vā ādi, maggo majjhaṃ, phalanibbānāni piyosānaṃ. Desanāya pana catuppadikagāthāya tāva paṭhamapādo ādi, dutiyatatiyā majjhaṃ, catuttho piyosānaṃ. Pañcapadachappadānaṃ paṭhamapādo ādi, avasānapādo piyosānaṃ, sesā majjhaṃ. Ekānusandhikassa suttassa nidānaṃ ādi, idamavocāti piyosānaṃ, sesaṃ majjhaṃ. Anekānusandhikassa suttassa majjhe bahukampi anusandhi majjhomeva, nidānaṃ ādi, idamavocāpi piyosānaṃ. **Sātthanti** sātthakaṃ katvā desetha. **Sabyañjananti** byañjanehi ceva padehi ca paripūraṃ katvā desetha. **Kevalaparipuṇṇanti** sakalaparipuṇṇaṃ. **Parisuddhanti** nirupakkilesaṃ. **Brahmacariyanti** sikkhattayasaṅgahaṃ sāsanabrahmacariyaṃ. **Pakāsethā**ti āvi karotha.

Apparajakkhajātikāti paññācakkhumhi appakilesarajasabhāvā, dukūlasāṇiyā paṭicchannā viya catuppadikagāthāpiyosāne arahattaṃ pattuṃ

1. Saṃ-Ṭṭha 1. 157 piṭṭhādīsupi passitabbaṃ.

samatthā sattā santīti attho. **Parihāyantī**ti alābhaparihāniyā dhammato parihāyanti. Tenevāha “**anadhigataṃ nādhigacchantā visesādhigamato parihāyantī**”ti. **Senānigamoti** senāya nigamo. Paṭhamakappikānaṃ kira tasmim̄ ṭhāne senāniveso ahosi, tasmā so padeso “senānigamo”ti vuccati. “Senānigāmo”tipi pāṭho, senāni nāma sujātāya pitā, tassa gāmoti attho. **Tenupasaṅkamissāmī**ti nāhaṃ tumhe uyyojetvā pariveṇādīni kāretvā upaṭṭhākādīhi paricariyamāno viharissāmi, tiṇṇaṃ pana jaṭilānaṃ aḍḍhuḍḍhāni pāṭihāriyasahassāni dassetvā dhammameva desetum upasaṅkamissāmi.

33. **Māro pāpimāti** attano visayaṃ atikkamituṃ paṭipanne satte māretīti **māro**, pare pāpe niyojeti, sayam vā pāpe niyuttoti **pāpimā**. Aññānipissa kaṅho adhipati vasavattī antako namuci pamattabandhūti-ādīni bahūni nāmāni, idha pana nāmadvayameva gahitaṃ. **Upasaṅkamī**ti “ayaṃ samaṇo gotamo mahāyuddhaṃ vicārento viya 'mā ekena dve agamittha, dhammaṃ desethā'ti saṭṭhi jane uyyojeti, imasmim̄ pana ekasmimpi dhammaṃ desente mayhaṃ cittassa sātāṃ natthi, evaṃ bahūsu desentesu kuto bhavissati, paṭibāhāmi nan”ti cintetvā upasaṅkami.

Sabbapāsehīti sabbehi kilesapāsehi. **Ye dibbā ye ca mānusāti** ye dibbakāma guṇasaṅkhātā mānusakakāmaguṇasaṅkhātā ca kilesapāsā nāma atthi, sabbehi tehi tvaṃ baddhoti vadati. **Mahābandhanabaddhoti** mahatā kilesabandhanena baddho, mahati vā bandhane baddho, kilesabandhanassa ṭhānabhūte bhavacārake baddhoti attho. **Na me samaṇa mokkhasī**ti samaṇa tvaṃ mama visayato na muccissasi. “Na me samaṇa mokkhasī”ti ca idaṃ māro “muttāhaṃ bhikkhave sabbapāsehī”ti bhagavato vacanaṃ asaddahanto vadati, saddahantopi vā “evamayaṃ paresaṃ sattānaṃ mokkhāya ussāhaṃ na kareyyā”ti santajjento kohaṅṅe ṭhatvā vadati.

Nihatoti tvaṃ mayā nihato, nibbisevanabhāvaṃ gamito parājjitoti attho. Antalikkhe carante pañcābhiññepi bandhatīti **antalikkhacaro**. Rāgapāso hi antalikkhacaresupi kiccaśādhanto

“antalikkhacaro”ti vuccati, teneva naṃ māropi antalikkhacaroti maññati.
Manasi jātoti **mānaso**, manasampayuttoti attho. Sesamettha uttānatthameva.

Mārakathāvaṇṇanā niṭṭhitā.

Pabbajjūpasampadākathāvaṇṇanā

34. “Anujānāmi bhikkhave”ti-ādikāya pana pāḷiyā yo
pabbajjūpasampadā vinicchayo vattabbo, taṃ vitthārato dassetuṃ
“**pabbajjāpekkhaṃ kulaputtaṃ pabbājentenā**”ti-ādimāha. Tattha ye puggalā
paṭikkhittāti sambandho. **Sayaṃ pabbajetabboti** kesacchedanādīni sayaṃ
karontena pabbājetabbo. Kesacchedanaṃ kāsāyacchādanaṃ saraṇadānanti hi
imāni tīni karonto “**pabbājeti**”ti vuccati. Etesu ekaṃ dve vāpi karonto tathā
voharīyatiyeva, tasmā **etaṃ pabbājehīti** kesacchedanaṃ kāsāyacchādanañca
sandhāya vuttaṃ. **Upajjhāyaṃ uddissa pabbājetīti** etthāpi eseva nayo.
Khaṇḍasīmaṃ netvāti bhaṇḍukammārocanapariharaṇatthaṃ vuttaṃ. Tena
sabhikkhuke vihāre aññampi “etassa kese chindā”ti vattum na vaṭṭati.
Pabbājetvāti kesacchedanaṃ sandhāya vadati. **Bhikkhuto añño pabbājetum
na labhatīti** saraṇadānaṃ sandhāya vuttaṃ. Tenevāha “**sāmaṇero panā**”ti-
ādi. **Bhabbarūpoti** bhabbasabhāvo. Tamevatthaṃ pariyāyantarena vibhāveti
“**sahetuko**”ti. **Ñātoti** pākaṭo. **Yasassīti** parivārasampattiyā samannāgato.

Vaṇṇasaṅṭhānagandhāsāyokāsavasena asucijegucchapaṭikūlabhāvaṃ
pākaṭaṃ karontenāti sambandho. Tattha **kesā** nāmete vaṇṇatopi paṭikūlā,
saṅṭhānatopi gandhatopi āsayatopi okāsatopi paṭikūlā. Manuññepi¹ hi
yāgupatte vā bhattapatte vā kesavaṇṇaṃ kiñci disvā “kesamissakamidaṃ,
haratha nan”ti jigucchanti, evaṃ kesā **vaṇṇato** paṭikūlā. Rattim bhuñjantāpi
kesasaṅṭhānaṃ akkavākaṃ vā makacivākaṃ vā

1. Visuddhi 1. 242; Abhi-Ṭṭha 2. 222; Sārattha-Ṭī 2. 173 piṭṭhesupi passitabbaṃ.

chupitvā tatheva jigucchanti, evaṃ **saṅṭhānato** paṭikūlā. Telamakkhana pupphadhūmādisaṅkhāravirahitānañca kesānaṃ gandho paramajeguccho hoti, tato jegucchataro aggimhi pakkhittānaṃ. Kesā hi vaṇṇasaṅṭhānato appaṭikūlāpi siyūṃ, **gandhena** pana paṭikūlāyeva. Yathā hi daharassa kumārakassa vaccam vaṇṇato haliddivaṇṇam, saṅṭhānatopi haliddipiṇḍisaṅṭhānaṃ. Saṅkāraṭṭhāne chadditañca uddhumātakakālasunakhasarīraṃ vaṇṇato tālapakkavaṇṇam, saṅṭhānato vaṭṭetvā vissatṭhamudiṅgasaṅṭhānaṃ, dāṭhāpissa sumanamakuḷasadisā, taṃ ubhayampi vaṇṇasaṅṭhānato siyā appaṭikūlam, gandhena pana paṭikūlameva, evaṃ kesāpi siyūṃ vaṇṇasaṅṭhānato appaṭikūlā, gandhena pana paṭikūlāyevāti. Yathā pana asuciṭṭhāne gāmanissandena jātāni sūpeyyapaṇṇāni nāgarikamanussānaṃ jegucchāni honti aparibhogāni, evaṃ kesāpi pubbalohitamuttakarīsapittasemhādinissandena jātattā paramajegucchāti **evaṃ āsayato** paṭikūlā. Ime ca kesā nāma gūtharāsīmhi uṭṭhitakaṇṇakaṃ viya ekatimsakoṭṭhāsarāsīmhi jātā, te susānasaṅkāraṭṭhānādīsu jātasākaṃ viya parikhādīsu jātakamalakuvalayādipupphaṃ viya ca asuciṭṭhāne jātattā paramajegucchāti evaṃ **okāsato** paṭikūlāti-ādinā nayena tacapañcakassa vaṇṇādivasena paṭikūlabhāvaṃ pakāsentenāti attho.

Nijjīvanissattabhāvaṃ vā pākaṭaṃ karontenāti ime kesā nāma sīsakaṭāhapaliveṭhanacamme jātā. Tattha yathā vammikamatthake jātesu kunthatiṇesu na vammikamatthako jānāti “mayi kunthatiṇāni jātānī”ti, nāpi kunthatiṇāni jānanti “mayam vammikamatthake jātānī”ti, evameva na sīsakaṭāhapaliveṭhanacammaṃ jānāti “mayi kesā jātā”ti, nāpi kesā jānanti “mayam sīsakaṭāhapaliveṭhanacamme jātā”ti. Aññamaññaṃ ābhogapaccavekkhaṇarahitā ete dhammā. Iti kesā nāma imasmim sarīre pāṭiyekko koṭṭhāso acetano abyākato suñño nissatto thaddho pathavīdhātūti-ādinā nayena nijjīvanissattabhāvaṃ pakāsentena. **Pubbeti** purimabuddhānaṃ santike. **Maddita saṅkhāro**ti nāmarūpavavattānena ceva paccayapariggahavasena ca nāṇena parimadditasāṅkhāro. **Bhāvitabhāvanoti** kalāpasammasanādinā sabbaso kusalabhāvanāya pūraṇena bhāvitabhāvano.

Adinnaṃ na vaṭṭatīti ettha pabbajjā na ruhatīti vadanti. **Anuññāta-upasampadā**ti ñatticatutthakammena anuññāta-upasampadā. **Ṭhānakaṛaṇasampadanti** ettha urādīni ṭhānāni, saṃvutādīni karaṇānīti vedītabbāni. Anunāsikantaṃ katvā dānakāle antarā vicchedaṃ akatvā dātabbānīti dassetuṃ “**ekasambandhānī**”ti vuttaṃ. **Vicchinditvā**ti ma-kāraṇaṃ katvā dānasamaye vicchedaṃ katvā. **Sabbamassa kappiyākappiyaṃ ācikkhitabbanti** dasasikkhāpadavinimuttaṃ parāmāsāparāmāsādibhedaṃ kappiyā kappiyaṃ ācikkhitabbaṃ. **Ābhisamācārikesu vinetabboti** iminā sekhiya-upajjhāyavattādi-ābhisamācārikasīlamanena pūretabbaṃ, tattha ca kattabbassa akaraṇe akattabbassa ca karaṇe daṇḍakammāraho hotīti dīpeti.

Pabbajjūpasampadākathāvaṇṇanā niṭṭhitā.

Dutiyamāarakathāvaṇṇanā

35. **Atha kho bhagavā vassaṃvutṭhoti**-ādikāya pana pāḷiyā ayaṃ apubbapadaṇṇanā. **Yoniso manasikārā**ti upāyamanasikārena, aniccādīsu aniccādito manasikaraṇenāti attho. **Yoniso sammappadhānā**ti upāyavīriyena, anuppannākusalānuppādanādividhinā pavattavīriyenāti attho. **Vimuttī**ti ukkaṭṭhaniddesena arahattaphala vimutti vuttā. **Ajjhabhāsī**ti “ayaṃ attanā vīriyaṃ katvā arahattaṃ patvāpi na tussati, idāni aññesampi 'pāpuṇāthā'ti ussāhaṃ karoti, paṭibāhessāmi nan”ti cintevā abhāsī. **Mārapāsenā**ti kilesapāsenā. Sesamettha vuttanayameva.

Dutiyamāarakathāvaṇṇanā niṭṭhitā.

Bhaddavaggiyakathāvaṇṇanā

36. Timsa bhaddavaggiyavatthumhi **yathābhirantaṃ viharitvā**ti yathā-ajjhāsayaṃ viharitvā. Buddhānañhi ekasmiṃ ṭhāne vasantānaṃ chāyūdakādīnaṃ vipattim vā aphāsukasenaśanaṃ vā manussānaṃ assaddhādibhāvaṃ vā

āgamma anabhirati nāma natthi, tesam sampattiyā “idha phāsum viharāmā”ti abhiramitvā ciravihāropi natthi. Yattha pana tathāgate viharante sattā saraṇesu vā tīsu paṭiṭṭhahanti, sīlāni vā samādiyanti, pabbajanti vā, sotāpattimaggādīnam vā paresam upanissayo hoti, tattha buddhā satte tāsu sampattīsu paṭiṭṭhāpana-ajjhāsayena vasanti, tāsam abhāve pakkamanti. Tena vuttam “yathā-ajjhāsayam viharitvā”ti. **Ajjhogāhetvāti** pavisitvā. **Timsamattāti** timsapamāṇā. Sesamettha vuttanayameva.

Bhaddavaggiyakathāvaṇṇanā niṭṭhitā.

Uruvelapāṭihāriyakathāvaṇṇanā

37-38. Uruvelakassapavatthumhi **jaṭiloti** jaṭādharo. Jaṭā assa atthīti hi **jaṭilo**. Netīti **nāyako**, sāmam vineti attano laddhim sikkhāpetīti **vināyako**. **Sace te kassapa agarūti** kassapa sace tuyham bhāriyam aphāsukam kiñci natthi. **Agyāgāreti** aggisālāyam. **Ubhinnaṃ sajotibhūtānanti** ubhosu sajotibhūtesu pajjalitesu. **Yatra hi nāmāti** yo nāma.

39. **Ajjaṇhoti** ajja ekadivasam. **Aggisālamhīti** agyāgāre. **Sumanamanasoti** sundaracittasaṅkhātamano. **Tejodhātūsu kusaloti** tejakasiṇasamāpattīsu kusalo. **Udicchareti** ullokesum, parivāresunti vā attho. **Pattamhi odahitvāti** patte pakkhipitvā. **Dhuvabhattenāti** niccabhattenā.

40. **Abhikkantāya rattiyāti** ettha **abhikkanta**-saddo khaye vattati, tena parikkhī ṇāya rattiyāti attho. Ete hi cattāro mahārājāno majjhimayāmasamanantare āgatā. Niyāmo kiresa devatānam, yadidam buddhānam vā buddhasāvakanam vā upaṭṭhānam āgacchantā majjhimayāmasamanantare āgacchanti. **Abhikkantavaṇṇāti** abhirūpachavi vaṇṇā, iṭṭhavaṇṇā manāpavaṇṇāti vuttam hoti. Devatā hi manussalokam āgacchamānā pakativāṇṇam

pakati-iddhimjahitvā oḷārikaṃ attabhāvaṃ katvā
 atirekavaṇṇavatthhālaṅkāraḱāyādīhi obhāsaṃ muñcamānādivasena ca dibbaṃ
 iddhānubhāvaṅca nimminivā naṭasamajjādīni gacchantā manussā viya
 abhisaṅkhatena kāyena āgacchanti. Tattha kāmāvacarā anabhisaṅkhatenapi
 āgantum sakkonti oḷārikarūpattā. Tathā hi te kabaḷikārāhārabhakkhā,
 rūpāvacarā pana anabhisaṅkhatena kāyena āgantum na sakkonti
 sukhumatararūpattā. Tesaṅhi atisukhumova attabhāvo, na tena
 iriyāpathakappanaṃ hoti. Tasmā brahmalokepi brahmāno yebhuyyena
 nimmitarūpeneva pavattanti. Mūlapaṭisandhirūpaṅhi nesaṃ ativiya
 sukhumamahārūpaṃ¹, kevalaṃ taṃ cittuppādassa nissayādhiṭṭhānabhūtaṃ
 saṅghānavantaṃ hutvā tiṭṭhati.

Kevalakappanti ettha **kevala**-saddassa anavasesattaṃ² attho,
kappa-saddassa samantabhāvo, tasmā **kevalakappaṃ vanasaṅgati**
 anavasesaṃ samantato vanasaṅgati attho. Anavasesaṃ pharituṃ
 samatthassapi hi obhāsassa kenaci kāraṇena ekadesapharaṇampi siyā, ayaṃ
 pana sabbaso pharatīti dassetuṃ samantattho kappa-saddo gahito. Atha vā
 īsaṃ asamatthaṃ kevalakappaṃ. Bhagavato pabhāya anobhāsītameva hi
 padesaṃ devatā attano pabhāya obhāsenti. Na hi bhagavato pabhā kāyaci
 pabhāya abhibhūyati, sūriyādīnampi pana pabhaṃ sā abhibhūyati tiṭṭhatīti.
Obhāsetvāti vatthhālaṅkārasarīrasamuṭṭhitāya ābhāya pharivā, cando viya
 sūriyo viya ca ekobhāsaṃ ekapajjotaṃ karitvāti attho. Devatānaṅhi
 sarīrābhā dasadvādasayojanamattaṭṭhānaṃ tato bhīyopi pharivā tiṭṭhati,
 tathā vatthhābharaṇādīsu samuṭṭhitā pabhā. **Catuddisāti** catūsu disāsu. **Yatra**
hi nāmāti yaṃ nāma.

43. **Aṅgamagadhāti** ubho aṅgamagadharaṭṭhavāsino. **Iddhipāṭihāriyanti**
 iddhibhūtaṃ pāṭihāriyaṃ, na ādesanānusāsanīpāṭihāriyanti attho. Tividhaṅhi
 pāṭihāriyaṃ iddhipāṭihāriyaṃ ādesanāpāṭihāriyaṃ anusāsanīpāṭihāriyanti.
 Tattha “idha bhikkhu ekopi hutvā bahudhā hoti, bahudhāpi hutvā eko hoti
 āvibhāvaṃ tirobhāvan”ti-ādinayappavattaṃ³

1. Sukhumaṃ pabhāvarūpaṃ (Syā)

2. Anavasesanti (Ka)

3. Dī 1. 73, 74; Ma 1. 98; Saṃ 1. 342; Saṃ 3. 247 piṭṭhesu.

iddhividhameva **iddhipāṭihāriyam**. “Idha bhikkhu parasattānaṃ parapuggalānaṃ cittampi ādisati, cetasikampi ādisati, vitakkitampi ādisati, vicāritampi ādisati 'evampi te mano, itthampi te mano'ti”¹ādinayappavattam¹ parassa cittaṃ ñatvā kathanam **ādesanā pāṭihāriyam**. “Idha bhikkhu evamanusāsati 'evam vitakketha, mā evam vitakkayittha, evam manasi karotha, mā evam mānasā karittha, idam pajahatha, idam upasampajja viharathā'ti”¹ evamādinayappavattā sāvakanam buddhānañca sabbakālam desetabba dhammadesanā **anusāsanipāṭihāriyam**.

Tattha² pāṭihāriyapadassa vacanattham paṭipakkhaharaṇato rāgādikilesāpana yanato **pāṭihāriyanti** vadanti. Bhagavato pana paṭipakkhā rāgādayo na santi ye haritabbā, puthujjanānampi vigatūpakkilese aṭṭhaguṇasamannāgate citte hatapaṭipakkhe iddhividham vattati, tasmā tattha pavattavohārena ca na sakkā idha pāṭihāriyanti vattum. Sace pana mahākāruṇikassa bhagavato veneyyatā ca kilesā paṭipakkhā, tesam haraṇato **pāṭihāriyanti** vuttam, evam sati yuttametam. Atha vā bhagavato ca sāsana ca paṭipakkhā titthiyā, tesam haraṇato **pāṭihāriyam**. Te hi diṭṭhiharaṇavasena diṭṭhippakāsane asamatthabhāvena ca iddhi-ādesanānusāsanīhi haritā apanītā hontīti. **Paṭīti** vā ayaṃ saddo pacchāti etassa attham bodheti “tasmim paṭipaviṭṭhamhi, añño āgañchi brāhmaṇo”³ti-ādisu³ viya, tasmā samāhite citte vigatūpakkilesena katakiccena pacchā haritabbam pavattetabbanti pāṭihāriyam, attano vā upakkilesesu catutthajjhānamaggehi haritesu pacchā haraṇam pāṭihāriyam, iddhi-ādesanānusāsaniyo ca vigatūpakkilesena katakiccena sattahitattham puna pavattetabbā, haritesu ca attano upakkilesesu parasattānaṃ upakkilesaharaṇāni hontīti pāṭihāriyāni bhavanti, pāṭihāriyameva **pāṭihāriyam**. Pāṭihāriye vā iddhi-ādesanānusāsanīsamudāye bhavam ekekaṃ **pāṭihāriyanti** vuccati. Pāṭihāriyam vā catutthajjhānam maggo ca paṭipakkhaharaṇato, tattha jātam nimittabhūte, tato vā āgatanti **pāṭihāriyam**. **Svātanāyāti** sve dātabbassa atthāya.

1. Khu 9. 402 piṭṭhe. 2. Udāna-Ṭṭha 9 piṭṭhādīsupi passitabbam. 3. Khu 8. 1 piṭṭhe.

44. **Paṃsukūlaṃ uppannaṃ hotīti** pariyesamānassa paṭilābhavasena uppannaṃ hoti. Vicittapāṭihāriyadassanattāva sā pariyesanā. Yasmā pāṇinā phuṭṭhamatte sā pokkharanī nimmitā ahosi, tasmā vuttaṃ “**pāṇinā pokkharanīm khaṇitvā**”ti.

46-49. **Jaṭilāti** tāpasā. Te hi jaṭadhāritāya idha “jaṭilā”ti vuttā. **Antaraṭṭhakāsu himapātasamayeti** hemantassa utuno abbhantarabhūte māghamāsassa avasāne catasso, phagguṇamāsassa ādimhi catassoti evaṃ ubhinnamantare aṭṭharattīsu himapatanakāle. **Nerañjarāya ummujjantīti** keci tasmim̐ tittasammate uduke paṭhamaṃ nimuggasakala sarīrā tato ummujjantā vuṭṭhahanti uppilavanti. **Nimujjantīti** sasīsam̐ uduke osīdanti. **Ummujjananimujjanampi karontīti** punappunaṃ ummujjananimujjanānīpi karonti. Tattha hi keci “ekummujuaneneva pāpasuddhi hotī”ti evaṃdiṭṭhikā, te ummujjanameva katvā gacchanti. Ummujjanaṃ pana nimujjanamantarena natthīti avinābhāvato nimujjanampi te karontiyeva. Yepi “ekanimujjaneneva pāpasuddhi hotī”ti evaṃdiṭṭhikā, tepi ekavārameva nimujjitvā vuttanayeneva avinābhāvato ummujjanampi katvā pakkamanti. Apare “punappunaṃ ummujjananimujjanāni katvā nahāte pāpasuddhi hotī”ti evaṃdiṭṭhikā, te kālena kālam̐ ummujjananimujjanāni karonti. Te sabbepi sandhāya vuttaṃ “ummujjantīpi nimujjantīpi ummujjananimujjanampi karontī”ti. Ettha ca kiñcāpi nimujjanapubbakaṃ ummujjanaṃ, nimujjanameva pana karontā katipayā, ummujjanaṃ tadubhayañca karontā bahūti tesam̐ yebhuyyabhāvadassanattam̐ ummujjanaṃ paṭhamaṃ vuttaṃ.

50-51. **Udakavāhatoti** udakogho. **Reṇuhatāyāti**¹ rajogatāya, rajokiṇṇāyāti vuttaṃ hoti. **Neva ca kho tvaṃ kassapa arahāti** etena tadā kassapassa asekkhabhāvaṃ paṭikkhipati, **nāpi arahattamaggasamāpannoti** etena sekkhabhāvaṃ. Ubhayenapissa anariyabhāvameva dīpeti. **Sāpi te paṭipadā natthi, yāya tvaṃ arahā vā assasi arahattamaggaṃ vā samāpannoti** iminā panassa kalyāṇaputhujjanabhāvampi paṭikkhipati. Tattha **paṭipadāti** sīlavisuddhi-ādayo cha visuddhiyo. Paṭipajjati etāya ariyamaggoti **paṭipadā**.

1. Reṇugatāyāti (Syā, Ka)

Assasīti bhaveyyāsi. **Cirapaṭikā**ti cirakā lato paṭṭhāya, nāgadamanato paṭṭhāyāti attho. **Khārikājamissanti** ettha **khārī**ti araṇīkamaṇḍalusūci-ādayo tāpasaparikkhārā, taṃ haraṇakājam **khārikājam**. **Aggihutamissanti** dabbi-ādi-aggipūjopakaraṇaṃ.

52-53. **Upasaggoti** upaddavo. Idāni aḍḍhuḍḍhāni pāṭihāriyasahassāni ekato gaṇetvā dassetuṃ “**bhagavato adhiṭṭhānena pañca kaṭṭhasatāni na phāliyimsū**”ti-ādi āradḍham. Nāgadamanādīni pana soḷasa pāṭihāriyāni idha na gaṇitāni, tehi saddhiṃ soḷasātireka-aḍḍhuḍḍhapāṭihāriyasahassānīti veditabbaṃ.

Ādittapariyāyasuttavaṇṇanā

54. Idāni tassa bhikkhusahassassa ādittapariyāyadesanāya arahattappattim dassetuṃ “**atha kho bhagavā**”ti-ādi āradḍham. Tattha **gayāyaṃ viharati gayāsīseti** gayānāmikāya nadiyā avidūre bhavattā gāmo gayā nāma, tassaṃ gayāyaṃ viharati. Samīpatthe cetaṃ bhumnavacanaṃ. Gayāgāmassa hi avidūre gayāti ekā pokkharāṇīpi atthi nadīpi gayāsīsanāmako hatthikumbhasadiso piṭṭhipāsāṇopi. Yattha bhikkhusahassassa okāso pahoti, bhagavā tattha viharati. Tena vuttaṃ “**gayāsīse**”ti, gayāgāmassa āsanne gayāsīsanāmako piṭṭhipāsāṇe viharatīti vuttaṃ hoti. **Bhikkhū āmantesī**ti tesaṃ sappāyadhammadesanaṃ vicinitvā taṃ desessāmīti āmantesi. Bhagavā hi taṃ iddhimaya pattacivaradharaṃ samaṇasahassaṃ ādāya gayāsīsaṃ gantvā tena parivārīto nisīditvā “katarā nu kho etesaṃ dhammakathā sappāyā”ti cintento “ime sāyaṃ pātāṃ aggim paricaranti, imesaṃ dvādasāyatanāni ādittāni sampajjalitāni viya katvā dassessāmi, evaṃ ime arahattaṃ pāpuṇitum sakkhissanti”ti sannitṭhānamakāsi. Atha nesaṃ tathā desetum “sabbam bhikkhave ādittan”ti-ādinā imaṃ ādittapariyāyaṃ abhāsi.

Tattha¹ sabbam nāma catubbidham sabbasabbam āyatanasabbam sakkāyasabbam padesasabbanti. Tattha

1. Sam-Ṭṭha 3. 4 piṭṭhepi passitabbaṃ.

“Na tassa addiṭṭhamidhatthi kiñci,
 Atho aviññātamajānitabbaṃ.
 Sabbaṃ abhiññāsi yadatthi neyyaṃ,
 Tathāgato tena samantacakkhū”ti¹—

Idaṃ **sabbasabbaṃ** nāma. “Sabbāṃ vo bhikkhave desessāmi, taṃ suṇātha”ti² idaṃ **āyatanasabbaṃ** nāma. “Sabbadhammamūlapariyāyaṃ vo bhikkhave desessāmi”ti³ idaṃ **sakkāyasabbaṃ** nāma. “Sabbadhammesu vā paṭhamasamannāhāro uppajjati cittaṃ mano mānaṃ tājā manoviññāṇadhātū”ti idaṃ **padesasabbaṃ** nāma. Iti pañcārammaṇamattaṃ padesasabbaṃ, tebhūmakā dhammā sakkāyasabbaṃ, catubhūmakā dhammā āyatanasabbaṃ, yaṃ kiñci neyyaṃ sabbasabbaṃ. Padesasabbaṃ sakkāyasabbaṃ na pāpuṇāti tassa tebhūmakadhammesupi ekadesassa asaṅgaṇhanato. Sakkāyasabbaṃ āyatanasabbaṃ na pāpuṇāti lokuttaradhammānaṃ asaṅgaṇhanato. Āyatanasabbaṃ sabbasabbaṃ na pāpuṇāti. Kasmā? Yasmā āyatanasabbena catubhūmakadhammāva pariḅḅhitaṃ, na lakkhaṇapaññattiyoti. Imasmiṃ pana sutte āyatanasabbaṃ adhippetāṃ, tatthāpi idha vipassanupagadhammāva gaḥetabbā.

Cakkhū⁴ dve cakkhūni nāṇacakkhu ceva maṃsacakkhu ca. Tattha nāṇacakkhu pañcavidhaṃ buddhacakkhu dhammacakkhu samantacakkhu dibbacakkhu paññācakkhūti. Tesu **buddhacakkhu** nāma āsayānusayañāṇaṇceva indriyaparopariyattañāṇaṇca, yaṃ “buddhacakkhunā lokāṃ volokento”ti⁵ āgataṃ. **Dhammacakkhu** nāma heṭṭhimā tayo maggā tīṇi ca phalāni, yaṃ “virajāṃ vītamalaṃ dhammacakkhum udapādi”ti⁶ āgataṃ. **Samantacakkhu** nāma sabbaññutaññāṇaṃ, yaṃ “pāsādamāruyha samantacakkhū”ti⁵ āgataṃ. **Dibbacakkhu** nāma ālokavaḍḍhanena uppannañāṇaṃ, yaṃ “dibbena cakkhunā visuddhenā”ti⁷ āgataṃ. **Paññācakkhu** nāma catusaccaparicchedakañāṇaṃ, yaṃ “cakkhum udapādi”ti⁸ āgataṃ. Maṃsacakkhupi duvidhaṃ sasambhāra cakkhu pasādacakkhūti. Tesu yvāyaṃ akkhikūpake akkhipaṭalehi parivārito maṃsapīḍo, yattha catasso dhātuyo vaṇṇagandharasso jā sambhavo

1. Khu 7. 280; Khu 8. 93; Khu 9. 127 piṭṭhesupi.

2. Saṃ 2. 248 piṭṭhe.

3. Mā 1. 1 piṭṭhe.

4. Abhi-Ṭṭha 1. 344; Saṃ-Ṭṭha 3. 1 piṭṭhesupi passitabbaṃ.

5. Dī 2. 33; Ma 1. 225 piṭṭhesu.

6. Dī 1. 141; Sa 3. 371 piṭṭhesu.

7. Ma 1. 101. 227 piṭṭhesu.

8. Saṃ 3. 370; Vi 3. 16 piṭṭhesu.

jīvitam bhāvo cakkhuppasādo kāyappasādoti saṅkhepato terasa sambhārā honti, vitthārato pana catasso dhātuyo vaṇṇagandharaso jā sambhavoti ime nava catusamuṭṭhānavasena chattimsa, jīvitam bhāvo cakkhuppasādo kāyappasādoti ime kammamuṭṭhānā tāva cattāroti cattālisa sambhārā honti, idam **sasambhāraccakku** nāma. Yam panettha setamaṇḍalaparicchinnena kaṇhamaṇḍalena parivārite diṭṭhimaṇḍale¹ sanniviṭṭham rūpadassanasamattham pasādamattam, idam **pasādaccakku** nāma. Tassa tato paresaṅca sotādīnam vitthārakathā **visuddhimagge**² vuttāva.

Tattha yadidam pasādaccakku, taṅca gahetvā bhagavā “**cakku ādittan**”ti-ādimāha. Tattha **ādittanti** padittam, sampajjalitam ekādasahi aggīhi ekajālībhūtanti attho. Cakkhusannissitam viññānam **cakkuviññānam**, cakkhussa vā kāraṇabhūtassa viññānam **cakkuviññānam**. Kāmam rūpālokamanasikārādayopi tassa viññāṇassa kāraṇam, te pana sādharmaṇakāraṇam, cakku asādhāraṇanti asādhāraṇakāraṇenāyam niddeso yathā “yavaṅkuro”ti. **Sotaviññāṇā**dīsupi ese va nayo. Cakkhusannissito phasso **cakku samphasso**, cakkhuviññāṇasampayuttaphassassetam adhivacanam. **Sotamphassā**dīsupi ese va nayo. **Cakku samphassapaccayā uppajjati vedayitanti** cakkhusamphassam mūlapaccayam katvā uppannā sampaticchanasantīraṇa voṭṭhabbanajavanavedanā. Cakkuviññāṇasampayuttāya pana vedanāya cakku samphassassa paccayabhāve vattabbameva natthi. Cakku samphasso hi saha jātāya vedanāya saha jātādivasena, asaha jātāya upanissayādivasena paccayo hoti. Teneva “cakkhusamphassapaccayā uppajjati vedayitam sukham vā dukkham vā adukkhamasukham vā”ti vuttam. **Sotadvāra vedanā**dīsupi ese va nayo. Ettha pana **manoti** bhavaṅgacittam manodvārassa adhippetattā. **Dhammā**ti dhammārammaṇam. **Manoviññānti** saha vajjanakam javanam. **Mano samphassoti** bhavaṅgasaha jātō phasso. **Vedayitanti** āvajjanavedanāya saddhim javanavedanā. Bhavaṅgasampayuttāya pana vedanāya gahaṇe vattabbameva natthi. Āvajjanam vā bhavaṅgato amocetvā **manoti** sāvajjanam bhavaṅgam daṭṭhabbam. **Dhammā**ti dhammārammaṇameva. **Manoviññānti** javanaviññānam.

1. Diṭṭhamaṇḍale (Syā, Ka)

2. Visuddhi 2. 76 piṭṭhe.

manosamphassoti bhavaṅgāvajjanasahajāto phasso. **Vedayitanti** javanasahajātā vedanā, bhavaṅgāvajjanasahajātāpi vattatiyeva.

Rāgaggināti—ādīsu rāgo va anudahanatthēna aggīti **rāgaggi**. Rāgo hi tikhiṇaṃ hutvā uppajjamāno satte anudahati jhāpeti, tasmā “aggī”ti vuccati. Itaresupi dvīsu ese va nayo. Tatrimāni vatthūni¹—ekā daharabhikkhūni cittalapabbatavīhāre uposathāgāraṃ gantvā dvārapālarūpaṃ olokayamānā ṭhitā. Athassā anto rāgo tikhiṇataro hutvā uppanno, tasmā taṃsamuttānā tejodhātu ativiya tikhiṇabhāvena saddhiṃ attanā saha jātadhammehi hadayapadesaṃ jhāpesi yathā taṃ bāhirā tejodhātu sannissayaṃ², tena sā bhikkhūni jhāyitvā kālamakāsi. Bhikkhūniyo gacchamānā “ayaṃ daharā ṭhitā, pakkosatha naṃ”ti āhaṃsu. Ekā gantvā “kasmā ṭhitāsī”ti hatthe gaṇhi. Gahitamattā parivattitvā papatā. Idaṃ tāva rāgassa anudahanatāya vatthu.

Dosassa pana anudahanatāya manopadosikā devā daṭṭhabbā. Tesu³ kira eko devaputto “nakkhattaṃ kilīssāmī”ti saparivāro rathena vīthiṃ paṭipajjati. Athañño nikkhamanto taṃ purato gacchantāṃ disvā “bho⁴ ayaṃ kapaṇo adīṭṭhapubbaṃ viya etaṃ disvā pītiyā uddhumāto viya bhijjamāno⁵ viya ca gacchati”ti kujjhati. Purato gacchantopi nivattitvā taṃ kuddhaṃ disvā kuddhā nāma suvijānā hontīti kuddhabhāvamaṃsa ṇatvā “tvaṃ kuddho mayhaṃ kiṃ karissasi, ayaṃ sampatti mayā dānasīlādīnaṃ vasena laddhā, na tuyhaṃ vasenā”ti paṭikujjhati. Ekasmiṃhi kuddhe itaro akuddho rakkhati. Kuddhassa hi so kodho itarasmīṃ akujjhante anupādāno ekavārameva uppattiyā anāsevano cāvetuṃ na sakkoti, udakaṃ patvā aggi viya nibbāyati, tasmā akuddho taṃ cavanato rakkhati. Ubhosu pana kuddhesu ekassa kodho itarassa paccayo hoti, tassapi kodho itarassa paccayo hotīti ubho kandantānaṃyeva orodhānaṃ cavanti. Ubhosu hi kuddhesu bhīyyo bhīyyo aññamaññaṃhi parivaḍḍhanavasena tikhiṇasamudācāro

1. Dī-Ṭṭha 3. 176; Abhi-Ṭṭha 2. 480 piṭṭhesupi passitabbaṃ.

2. Sannissitaṃ (Ka)

3. Dī-Ṭṭha 1. 105 piṭṭhepi passitabbaṃ.

4. Kiṃ bho (Syā, Ka)

5. Gajjamāno (Syā, Ka)

nissayadhanaraso kodho uppajjamāno hadayavatthum niddahanto accantasukhumālam karajakāyam vināseti, tato sakalopi attabhāvo antaradhāyati. Idam dosassa anudahana tāya vatthu.

Mohassa pana anudahanatāya khiḍḍāpadosikā devā daṭṭhabbā. Mohavasena hi tesam satisammoso hoti, tasmā khiḍḍāvasena āhārakālam ativattetvā kālam karonti. Te¹ kira puññavisesādhigatena mahantena attano sirivibhavana nakkhattam kīḷantā tāya sampattimahantatāya “āhāram paribhuñjimha, na paribhuñjimhā”tipi na jānanti. Atha ekāhārātikkamanato paṭṭhāya nirantaram khādantāpi pivantāpi cavantiyeva na tiṭṭhanti. Kasmā? Kammajatejassa balavatāya. Manussānañhi kammajatejo mando, karajakāyo balavā. Tesam tejassa mandatāya karajakāyassa balavatāya sattāhampi atikkamitvā uḥhodaka-acchayāgu-ādīhi sakkā vatthum upatthambhetum. Devānam pana tejo balavā hoti uḷārapuññanibbattattā uḷāragarusiniddhasudhāhāraḷirāṇato ca, karajam mandam mudusukhumālabhāvato. Teneva hi bhagavā indasālaguhāyam pakatipathaviyam patiṭṭhātum asakkontam sakkam devarājānam “oḷārikakāyam adhiṭṭhāhi”ti āha, tasmā te ekam āhārelam atikkamitvā saṅṭhātum na sakkonti. Yathā nāma gimhānam majjhanhike tattapāsāṇe ṭhapitam padumam vā uppalam vā sāyanhasamaye ghaṭasatenapi siñciyamānam pākatikam na hoti vinassatiyeva, evameva pacchā nirantaram khādantāpi pivantāpi cavantiyeva na tiṭṭhanti.

Ko pana tesam āhāro, kā āhārelāti? Sabbesampi kāmāvacaradevānam sudhā āhāro, so heṭṭhimehi heṭṭhimehi uparimānam uparimānam paṇītatamo hoti. Tam yathāsakam divasavasena divase divase bhuñjanti. Keci pana “biḷārapadappamāṇam sudhāhāram bhuñjanti. So jivhāya ṭhapitamatto yāva kesagganakhaggā kāyam pharati, tesamyeva divasavasena sattadivasam yāpanasamatthova hoti”ti vadanti.

Ke pana te khiḍḍāpadosikā nāma devāti? Ime nāmāti aṭṭhakathāyam vicāraṇā natthi, “kammajatejo balavā hoti, karajam mandam”ti

1. Di-Ṭṭha 1. 104 piṭṭhepi passitabbam.

avisesena vuttattā pana ye keci kabaḷikārāhārūpajīvino evaṃ karonti, te evaṃ cavantīti veditabbā. Keci panāhu “nimmānaratīparanimmitavasavattino te devā. Khīḍḍāya padussanamatteneva hete khīḍḍāpadosikāti vuttā”ti. Manopadosikā pana cātumahārājikāti aṭṭhakathāyameva vuttaṃ. Keci pana “khīḍḍāpadosikāpi cātumahārājikāyevā”ti vadanti. Evaṃ tāva rāgādayo tayo anudhanaṭṭhena “aggī”ti veditabbā. Jāti-ādittayaṃ pana nānappakāradukkhavattubhāvena anudahanato aggi. Sokādīnaṃ anudahanatā pākaṭāyeva. Sesamettha vuttanayameva. Iti imasmiṃ sutte dukkhalakkhaṇaṃ kathitaṃ cakkhādīnaṃ ekādasahi aggīhi ādittabhāvena dukkhamatāya dukkhabhāvassa kathitattā.

Ādittapariyāyasuttavaṇṇanā niṭṭhitā.

Uruvelapāṭihāriyakathāvaṇṇanā niṭṭhitā.

Bimbisārasamāgamakathāvaṇṇanā

55. Idāni “atha kho bhagavā gayāsīse yathābhirantaṃ viharitvā”ti-ādīsu yā sā anuttānapadavaṇṇanā, taṃ dassetuṃ “**laṭṭhivaneti tāluyyāne**”ti-ādi āraddhaṃ. Tattha **tāluyyāneti** tālarukkhānaṃ bahubhāvato evaṃladdhanāme uyyāne. **Appekacce yena bhagavā tenaṅjalim paṇāmetvāti**-ādīsu **aṅjalim paṇāmetvāti** ye ubhatopakkhikā, te sandhāyetaṃ vuttaṃ. Te kira evaṃ cintayimṃsu “sace no micchādiṭṭhikā codessanti 'kasmā tumhe samaṇaṃ gotamaṃ vanditthā'ti, tesam 'kiṃ aṅjalimattakaraṇenapi vanditaṃ hotī'ti vakkhāma. Sace no sammādiṭṭhikā codessanti 'kasmā bhagavantaṃ na vanditthā'ti, 'kiṃ sīsenā bhūmiṃ pahaṇanteneva vanditaṃ hoti, nanu aṅjalikammampi vandanā evā'ti vakkhāmā”ti. **Nāmagottaṃ sāvetvāti** “bho gotama ahaṃ asukassa putto datto nāma mitto nāma idha āgato”ti vadantā nāmaṃ sāventi nāma, “bho gotama ahaṃ vāseṭṭho nāma kaccāno nāma idhāgato”ti vadantā gottaṃ sāventi nāma. Ete kira daliddā jiṇṇakulaputtā parisamajjhe nāmagottavasena pākaṭā bhavissāmāti

evaṃ akaṃsu. Ye pana tuṅhībhūtā nisīdim̐su, te kerāṭikā ceva andhabālā ca. Tattha kerāṭikā “ekaṃ dve kathāsallāpe karonte vissāsiko hoti, atha vissāse sati ekaṃ dve bhikkhā adātum̐ na yuttan̐”ti tato attānaṃ mocentā tuṅhī nisīdanti. Andhabālā aññānatāyeva avakkhittā mattikāpiṇḍo viya yattha katthaci tuṅhībhūtā nisīdanti.

Kisakovadānoti ettha kisakānaṃ ovaḍāno **kisakovadā**noti imaṃ tāva atthavikappaṃ dassetuṃ “**tāpasacariyāya kisasarīrattā**”ti-ādi vuttaṃ. **Aggihuttanti** aggiparicaraṇaṃ. Rūpādayova idha kāmaṇiyatṭhena “kāmā”ti vuttāti āha “**ete rūpādayo kāme**”ti. **Yaññā abhivadantīti** yāgahetu ijjhantīti vadanti. **Upadhīsūti** ettha cattāro upadhi kāmupadhi khandhupadhi kilesupadhi abhisāṅkhārūpadhīti. Kāmāpi hi “yaṃ pañca kāmagaṇe paṭicca uppajjati sukhaṃ somanassaṃ, ayaṃ kāmānaṃ assādo”ti¹ evaṃ vuttassa sukhassa adhiṭṭhānabhāvato upadhīyati ettha sukhanti iminā vacanattena “upadhī”ti vuccanti. Khandhāpi khandhamūlakassa dukkhassa adhiṭṭhānabhāvato, kilesāpi apāyadukkhassa adhiṭṭhānabhāvato, abhisāṅkhārāpi bhavadukkhassa adhiṭṭhāna bhāvato “upadhī”ti vuccanti, tesu khandhupadhi idhādhippetoti āha “**khandhupadhīsu malanti ñatvā**”ti. **Yaññā malameva vadantīti** yāgahetu malameva ijjhatīti vadanti. **Yiṭṭheti** mahāyāge. **Huteti** divase divase kattabba-aggiparicaraṇe. **Kāmabhava asattanti** kāmabhava alaggaṃ, tabbinimuttanti vuttaṃ hoti.

57-58. **Āsīsanāti** patthanā. Dibbasuvaṇṇesupi siṅgīsuvaṇṇassa sabbasetṭhattā “**siṅginikkhasavaṇṇo**”ti vuttaṃ. 'Yatheva hi manussaparibhoge suvaṇṇe yuttikataṃ hīnaṃ, tato rasaviddhaṃ seṭṭhaṃ, rasaviddhato ākaruppanaṃ, tato yaṃ kiñci dibbaṃ seṭṭhaṃ, evaṃ dibbasuvaṇṇesupi cāmīkarato sātakumbhaṃ, sātakumbhato jambunadaṃ, jambunadato siṅgīsuvaṇṇaṃ, tasmā taṃ sabbasetṭhaṃ. **Siṅginikkhanti** ca nikkhaparimāṇena siṅgīsuvaṇṇena kataṃ suvaṇṇapaṭṭaṃ. Ūnakanikkhena katañhi ghaṭṭanamajjanakkhamaṃ na hoti, atirekena kataṃ ghaṭṭanamajjanaṃ khamati, vaṇṇavantaṃ pana na hoti, pharusadhātukaṃ khāyati, nikkhena kataṃ ghaṭṭanamajjanañceva khamati vaṇṇavantañca hoti. Nikkhaṃ pana vīsatisuvaṇṇanti

keci. Pañcavīsatisuvaṇṇanti apare. **Majjhimanikāyaṭṭhakathāyaṃ** pana “nikkhaṃ nāma pañcasuvaṇṇā”ti vuttaṃ. **Suvaṇṇo** nāma catudharaṇanti vadanti.

Dasasu ariyavāsesu vutthavāsoti—

“Idha¹ bhikkhave bhikkhu pañcaṅgavippahīno hoti chaḷaṅgasamannāgato ekārakkho caturāpasseno panuṇṇapaccekasacco samavayasatṭhesano anāvilasaṅkappo passaddhakāyasaṅkhāro suvimuttacitto suvimuttapaṇṇo.

Kathaṅca bhikkhave bhikkhu pañcaṅgavippahīno hoti? Idha bhikkhave bhikkhuno kāmacchando pahīno hoti, byāpādo pahīno hoti, thinamiddhaṃ pahīnaṃ hoti, uddhaccakukkuccaṃ pahīnaṃ hoti, vicikicchā pahīnā hoti. Evaṃ kho bhikkhave bhikkhu pañcaṅgavippahīno hoti.

Kathaṅca bhikkhave bhikkhu chaḷaṅgasamannāgato hoti? Idha bhikkhave bhikkhu cakkhunā rūpaṃ disvā neva sumano hoti na dummano, upekkhako viharati sato sampajāno. Sotena saddaṃ sutvā -pa-. Ghānena gandhaṃ ghāyivā. Jivhāya rasaṃ sāyivā. Kāyena phoṭṭhabbaṃ phusivā. Manasā dhammaṃ viññāya neva sumano hoti na dummano, upekkhako viharati sato sampajāno. Evaṃ kho bhikkhave bhikkhu chaḷaṅgasamannāgato hoti.

Kathaṅca bhikkhave bhikkhu ekārakkho hoti? Idha bhikkhave bhikkhu satārakkhena cetasā samannāgato hoti. Evaṃ kho bhikkhave bhikkhu ekārakkho hoti.

Kathaṅca bhikkhave bhikkhu caturāpasseno hoti? Idha bhikkhave bhikkhu saṅkhāyekaṃ paṭisevati, saṅkhāyekaṃ adhivāseti, saṅkhāyekaṃ parivajjeti, saṅkhāyekaṃ vinodeti. Evaṃ kho bhikkhave bhikkhu caturā passeno hoti.

Kathaṅca bhikkhave bhikkhu panuṇṇapaccekasacco hoti? Idha bhikkhave bhikkhu yāni tāni puthusamaṇabrāhmaṇānaṃ

1. Dī 3. 224; Aṃ 3. 280 piṭṭhesu.

puthupaccekasaccāni, sabbāni tāni nuṇṇāni honti panuṇṇāni cattāni vantāni muttāni pahīnāni paṭinissaṭṭhāni. Evaṃ kho bhikkhave bhikkhu panuṇṇapaccekasacco hoti.

Kathaṅca bhikkhave bhikkhu samavayasatṭhesano hoti? Idha bhikkhave bhikkhuno kāmesanā pahīnā hoti, bhavesanā pahīnā hoti, brahmacariyesanā paṭippassaddhā. Evaṃ kho bhikkhave bhikkhu samavayasatṭhesano hoti.

Kathaṅca bhikkhave bhikkhu anāvilasaṅkappo hoti? Idha bhikkhave bhikkhuno kāmasaṅkappo pahīno hoti, byāpādasāṅkappo pahīno hoti, vihiṃsāsaṅkappo pahīno hoti. Evaṃ kho bhikkhave bhikkhu anāvilasaṅkappo hoti.

Kathaṅca bhikkhave bhikkhu passaddhakāyasaṅkhāro hoti? Idha bhikkhave bhikkhu sukhasa ca pahānā dukkhasa ca pahānā pubbeva somanassadomanassānaṃ atthaṅgamā adukkhamasukhaṃ upekkhāsati pārisuddhiṃ catutthaṃ jhānaṃ upasampajja viharati. Evaṃ kho bhikkhave bhikkhu passaddhakāyasaṅkhāro hoti.

Kathaṅca bhikkhave bhikkhu suvimuttacitto hoti? Idha bhikkhave bhikkhuno rāgācittaṃ vimuttaṃ hoti, dosā cittaṃ vimuttaṃ hoti, mohā cittaṃ vimuttaṃ hoti. Evaṃ kho bhikkhave bhikkhu suvimuttacitto hoti.

Kathaṅca bhikkhave bhikkhu suvimuttapañño hoti? Idha bhikkhave bhikkhu ‘rāgo me pahīno ucchinnamūlo tālāvatthukato anabhāvaṅkato āyatim anuppādadharmo’ti pajānāti, ‘doso me pahīno -pa- moho me pahīno ucchinnamūlo tālāvatthukato anabhāvaṅkato āyatim anuppādadharmo’ti pajānāti. Evaṃ kho bhikkhave bhikkhu suvimuttapañño hoti”ti—

Evaṃāgatesu dasasu ariyavāsesu vutthavāso.

Tattha vasanti etthāti vāsā, ariyānaṃ eva vāsāti **ariyavāsā** anariyānaṃ tādisānaṃ vāsānaṃ asambhavato. Ariyāti cettha

ukkaṭṭhaniddesena khīṇāsavā gahitā. **Ekārakkhoti** ekā satisaṅkhātā ārakkhā etassāti ekārakkho. Khīṇāsavassa¹ hi tisu dvāresu sabbakāle sati ārakkhakiccaṃ sādheti. Tenevassa carato ca tiṭṭhato ca suttassa ca jāgarassa ca satataṃ samitaṃ ñāṇadassanaṃ paccupaṭṭhitaṃ hotīti vuccati.

Caturāpassenoti cattāri apassenāni apassayā etassāti caturāpasseno. **Saṅkhāyāti** ñāṇena². **Paṭisevatīti** ñāṇena ñatvā sevitabbayuttakameva sevati. Tassa vitthāro “paṭisaṅkhā yoniso cīvaraṃ paribhuñjati”ti-ādinā³ nayena veditabbo. **Saṅkhāyekaṃ adhvāsetīti** ñāṇena ñatvā adhvāsetabbayuttakameva adhvāseti. Vitthāro panettha “paṭisaṅkhā yoniso khamo hoti sītassā”ti-ādinā⁴ nayena veditabbo. **Parivajjetīti** ñāṇena ñatvā parivajjetabbayuttakameva parivajjeti. Tassa vitthāro “paṭisaṅkhā yoniso caṇḍaṃ hatthiṃ parivajjeti”ti-ādinā⁵ nayena veditabbo. **Vinodetīti** ñāṇena ñatvā vinodetabbameva vinodeti nudati nīharati anto vasitum na deti. Tassa vitthāro “uppannaṃ kāmavitakkaṃ nādhivāsetī”ti-ādinā⁶ nayena veditabbo.

Panuṇṇapaccekasaccoti⁷ “idameva dassanaṃ saccaṃ, idameva saccaṃ”ti evaṃ pāṭiyekkaṃ gahitattā paccekasaṅkhātāni diṭṭhisaccāni panuṇṇāni nīhaṇāni pahīnāni assāti panuṇṇapaccekasacco. **Puthusamaṇabrāhmaṇānanti** bahūnaṃ samaṇabrāhmaṇānaṃ. Ettha ca **samaṇāti** pabbajjupagatā. **Brāhmaṇāti** bhovādino. **Puthupaccekasaccānīti** bahūni pāṭekkasaccāni, “idameva dassanaṃ saccaṃ, idameva saccaṃ”ti pāṭiyekkaṃ gahitāni bahūni saccānīti attho. **Nuṇṇānīti** nīhaṇāni. **Panuṇṇānīti** suṭṭhu nīhatāni. **Cattānīti** vissaṭṭhāni. **Vantānīti** vamiṭāni. **Muttānīti** chinnabandhanāni katāni. **Pahīnānīti** pajahitāni. **Paṭinissaṭṭhānīti** yathā na puna cittaṃ ārohanti, evaṃ paṭivissajjitāni. Sabbāneva cetāni ariyamaggādhigamato pubbe gahitassa diṭṭhiggāhassa vissaṭṭhabhāvavevacanāni.

1. Dī-Ṭṭha 3. 234; Am-Ṭṭha 3. 292 piṭṭhesupi passitabbaṃ.

2. Dī-Ṭṭha 3. 190 piṭṭhepi passitabbaṃ.

3. Ma 1. 12; Am 2. 341 piṭṭhesu.

4. Ma 1. 13; Am 2. 341 piṭṭhesu.

5. Ma 1. 13; Am 2. 342 piṭṭhesu.

6. Ma 1. 14; Am 1. 323; Am 2. 342 piṭṭhesu.

7. Am-Ṭṭha 2. 300; Dī-Ṭṭha 3. 234 piṭṭhesupi passitabbaṃ.

Samavayasatṭhesanoti¹ ettha **avayāti** anūnā. **Satṭhāti** nissatṭhā. Sammā avayā satṭhā esanā assāti **samavayasatṭhesano**, sammā vissatṭhasabba-esanoti attho. “**Rāgā cittaṃ vimuttan**”ti-ādīhi maggassa kiccanipphatti kathitā rāgādīnaṃ pahīnabhāvadīpanato. “**Rāgo me pahīno**”ti-ādīhi paccavekkhaṇāmukhena ariyaphalaṃ kathitaṃ. Adhigate hi aggaphale sabbaso rāgādīnaṃ anuppādadhammataṃ pajānāti, tañca pajānanaṃ paccavekkhaṇāñānti. Tattha pañcaṅgavippahāna paccekasaccāpanodana esanāsamavayasajjanāni “saṅkhāyekaṃ paṭisevati adhivāseti parivajjeti vinodeṭī”ti vuttesu apassenesu vinodanā ca maggakiccāneva, itare ca maggeneva samijjhanti.

Dasabaloti kāyabalasaṅkhātāni nāṇabalasaṅkhātāni ca dasa balāni etassāti dasabalo. Duvidhañhi tathāgatassa balaṃ kāyabalaṃ nāṇabalañca. Tesu kāyabalaṃ hatthikulānusārena veditabbaṃ. Vuttañhetam porāṇehi—

“Kāḷāvakañca gaṅgeyyaṃ, paṇḍaraṃ tambapiṅgalaṃ.

Gandhamaṅgalahemañca, uposathachaddantime dasā”ti².

Imāni hi dasa hatthikulāni. Tattha **kāḷāvakanti** pakatihatthikulam daṭṭhabbaṃ. Yaṃ dasannaṃ purisānaṃ kāyabalaṃ, taṃ ekassa kāḷāvakassa hatthino. Yaṃ dasannaṃ kāḷāvakānaṃ balaṃ, taṃ ekassa gaṅgeyyassa. Yaṃ dasannaṃ gaṅgeyyānaṃ, taṃ ekassa paṇḍarassa. Yaṃ dasannaṃ paṇḍarānaṃ, taṃ ekassa tambassa. Yaṃ dasannaṃ tambānaṃ, taṃ ekassa piṅgalassa. Yaṃ dasannaṃ piṅgalānaṃ, taṃ ekassa gandhahatthino. Yaṃ dasannaṃ gandhahatthīnaṃ, taṃ ekassa maṅgalassa. Yaṃ dasannaṃ maṅgalānaṃ, taṃ ekassa hemavatassa. Yaṃ dasannaṃ hemavatānaṃ, taṃ ekassa uposathassa. Yaṃ dasannaṃ uposathānaṃ, taṃ ekassa chaddantassa. Yaṃ dasannaṃ chaddantānaṃ, taṃ ekassa tathāgatassa kāyabalaṃ. Nārāyanasaṅghāta balantipi idameva vuccati. Tattha nārā vuccanti rasmiyo, tā bahū nānāvīdhā tato uppajjantūti **nārāyanam**, vajiraṃ, tasmā vajirasaṅghātabalanti attho. Tadetam pakatihatthigaṇanāya hatthīnaṃ koṭisahassānaṃ, purisagaṇanāya

1. Dī-Ṭṭha 3. 235; Am-Ṭṭha 3. 292 piṭṭhesupi passitabbaṃ.

2. Ma-Ṭṭha 1. 331; Saṃ-Ṭṭha 2. 41; Am-Ṭṭha 3. 293; Abhi-Ṭṭha 2. 380; Udāna-Ṭṭha 364; Buddhavaṃsa-Ṭṭha 61; Paṭisaṃ-Ṭṭha 2. 230; Cūḷaniddesa-Ṭṭha 49 piṭṭhesupi.

dasannaṃ purisakoṭṭisahassānaṃ balaṃ hoti. Idaṃ tāva tathāgatassa
kāyabalaṃ.

Ñāṇabalaṃ pana pāḷiyāṃ āgatameva. Tatrāyaṃ pāḷi¹—

“Dasa kho panimāni sārīputta tathāgatassa tathāgatabalāni, yehi
balehi samannāgato tathāgato āsabhaṃ ṭhānaṃ paṭijānāti, parisāsu siha
nādaṃ nadati, brahmacakkaṃ pavatteti. Katamāni dasa? Idha sārīputta
tathāgato ṭhānañca ṭhānato aṭṭhānañca aṭṭhānato yathābhūtaṃ pajānāti,
yampi sārīputta tathāgato ṭhānañca ṭhānato aṭṭhānañca aṭṭhānato yathā
bhūtaṃ pajānāti. Idampi sārīputta tathāgatassa tathāgatabalaṃ hoti, yaṃ
balaṃ āgamma tathāgato āsabhaṃ ṭhānaṃ paṭijānāti, parisāsu
sīhanādaṃ nadati, brahmacakkaṃ pavatteti. (1)

Puna caparaṃ sārīputta tathāgato atītānāgatapaccuppannānaṃ
kammamādānānaṃ ṭhānaso hetuso vipākaṃ yathābhūtaṃ pajānāti
-pa-. (2)

Puna caparaṃ sārīputta tathāgato sabbatthagāminīṃ paṭipadaṃ
yathābhūtaṃ pajānāti -pa-. (3)

Puna caparaṃ sārīputta tathāgato anekadhātuṃ nānādhātuṃ lokāṃ
yathābhūtaṃ pajānāti -pa-. (4)

Puna caparaṃ sārīputta tathāgato sattānaṃ nānādhimuttikataṃ
yathābhūtaṃ pajānāti -pa-. (5)

Puna caparaṃ sārīputta tathāgato parasattānaṃ parapuggalānaṃ
indriyaparopariyattaṃ yathābhūtaṃ pajānāti -pa-. (6)

Puna caparaṃ sārīputta tathāgato jhānavimokkhasamādhī
samāpattīnaṃ saṃkilesaṃ vodānaṃ vuṭṭhānaṃ yathābhūtaṃ pajānāti
-pa-. (7)

1. Ma 1. 99; Am 3. 283 piṭṭhesu.

Puna caparam sārīputta tathāgato anekavihitam pubbenivāsam anussarati. Seyyathidam? Ekampi jātim dvepi jātiyo -pa-. Iti sākāram sa-uddesam anekavihitam pubbenivāsam anussarati -pa-. (8)

Puna caparam sārīputta tathāgato dibbena cakkhunā visuddhena atikkantamānusakena satte passati cavamāne upapajjamāne hīne pahīṇe suvaṇṇe dubbaṇṇe sugate duggate, yathākammūpage satte pajānāti -pa-. (9)

Puna caparam sārīputta tathāgato āsavānam khayā anāsavam cetovimuttim paññāvimuttim diṭṭheva dhamme sayam abhiññā sacchikatvā upasampajja viharati -pa-. Idampi sārīputta tathāgatassa tathāgatabalam hoti, yam balam āgamma tathāgato āsabham ṭhānam paṭijānāti, parisāsu sīhanādam nadati, brahmacakkaṃ pavatteti. Imāni kho sārīputta dasa tathāgatassa tathāgatabalānī”ti. (10)

Tattha¹ **ṭhānañca ṭhānatoti** kāraṇaṇca kāraṇato. “Ye ye dhammā yesam yesam dhammānam hetū paccayā uppādāya, tam tam ṭhānam. Ye ye dhammā yesam yesam dhammānam na hetū na paccayā uppādāya, tam tam aṭṭhānan”ti pajānanto ṭhānañca ṭhānato aṭṭhānañca aṭṭhānato yathābhūtam pajānāti. **Yampīti** yena ñāṇena.

Kammasamādānānanti samādiyitvā katānam kusalākusalakammānam, kammameva vā kammasamādānam. **Ṭhānaso hetusoti** paccayato ceva hetuto ca. Tattha gati-upadhikālapayogā vipākassa ṭhānam, kammaṃ hetu.

Sabbatthagāmininti sabbagatigāminiñca agatigāminiñca. **Paṭipadanti** maggam. **Yathābhūtam pajānātīti** bahūsupi manusseku ekameva pāṇam ghātentesu kāmam sabbesampi cetanā tassevekassa jīvitindriyārammaṇā, tam pana kammaṃ tesam nānakāram. Tesu hi eko ādarena chandajāto karoti, eko “ehi tvampi karohī”ti parehi nippīlito karoti, eko

1. Ma-Ṭṭha 1. 334; Am-Ṭṭha 3. 295; Abhi-Ṭṭha 2. 283 piṭṭhādīsupi passitabbam.

samānacchando viya hutvā appaṭibāhiyamāno vicarati, tasmā tesu eko teneva kammaṇa niraye nibbattati, eko tiracchānāyoniyam, eko pettivisaye. Tam tathāgato āyūhanakkhaṇeyeva “iminā nīhārena āyūhitattā esa niraye nibbattissati, esa tiracchānāyoniyam, esa pettivisaye”ti jānāti. Niraye nibbattamānampi “esa mahāniraye nibbattissati, esa ussadaniraye”ti jānāti. Tiracchānāyoniyam nibbattamānampi “esa apādako bhavissati, esa dvipādako, esa catuppādo, esa bahuppādo”ti jānāti. Pettivisaye nibbattamānampi “esa nijjhāmatanḥhiko bhavissati, esa khuppipāsiko, esa paradattūpajīvī”ti jānāti. Tesu ca kammesu “idaṃ kammaṃ paṭisandhiṃ ākaḍḍhissati, etaṃ aññena dinnāya paṭisandhiyā upadhivepakkaṃ bhavissati”ti jānāti.

Tathā sakalagāmaṃvāsikesu ekato piṇḍapātāṃ dadamānesu kāmāṃ sabbesampi cetanā piṇḍapātāraṃmaṇāva, tam pana kammaṃ tesāṃ nānākāraṃ. Tesu hi eko ādarena karotīti sabbaṃ purimasadisāṃ. Tasmā tesu ca keci devaloke nibbattanti, keci manussaloke. Tam tathāgato āyūhanakkhaṇeyeva jānāti. “Iminā nīhārena āyūhitattā esa manussaloke nibbattissati, esa devaloke, tatthāpi esa khattiyakule, esa brāhmaṇakule, esa vessakule, esa suddakule, esa paranimmitavasavattīsu, esa nimmānarattīsu, esa tusitesu, esa yāmesu, esa tāvatim̐sesu, esa cātumahārājīkesu, esa bhummadevesū”ti-ādīnā tattha tattha hīnapañītasuvaṇṇadubbaṇṇa-apparivāramahāparivāratādibhedāṃ tam tam viśesaṃ āyūhanakkhaṇeyeva jānāti.

Tathā vipassanaṃ paṭṭhapentesuyeva “iminā nīhārena esa kiñci sallakkhetuṃ na sakkhissati, esa mahābhūtamattameva vavatthapessati, esa rūpariggahe eva ṭhassati, esa arūpariggaheya, esa nāmarūpariggaheya, esa paccayariggaheya, esa lakkhaṇāraṃmaṇīkavipassanāyameva, esa paṭhamaphaleya, esa dutiyaphale eva, esa tatiyaphale eva, esa arahattaṃ pāpuṇissati”ti jānāti. Kasiṇaparikkammaṃ karontesupi “imassa parikkammamattameva bhavissati, esa nimittaṃ uppādessati, esa appanaṃ eva pāpuṇissati, esa jhānaṃ pādakaṃ katvā vipassanaṃ paṭhapetvā arahattaṃ gaṇhissati”ti jānāti.

Anekadhātunti cakkhudhātu-ādīhi, kāmadhātu-ādīhi vā dhātūhi bahudhātum. **Nānādhātunti** tāsamyeva dhātūnaṃ vilakkhaṇattā nānappakāradhātum. **Lokanti** khandhāyatanadhātulokaṃ. **Yathābhūtaṃ pajānātīti** tāsāṃ dhātūnaṃ aviparītato sabhāvaṃ paṭivijjhati.

Nānādhimuttikatanti hīnādīhi adhimuttīhi nānādhimuttikabhāvaṃ. **Parasattānanti** padhānasattānaṃ. **Parapuggalānanti** tato paresaṃ hīnasattānaṃ. Ekattameva vā etaṃ padadvayaṃ, veneyyavasena pana dvedhā vuttaṃ. **Indriyaparo pariyattanti** saddhādīnaṃ indriyaṇaṃ parabhāvaṃ aparabhāvaṃ, vuddhiṃca hāniṃcāti attho.

Jhānavimokkhasamādhisamāpattīnanti paṭhamādīnaṃ catunnaṃ jhānaṇaṃ, “rūpī rūpāni passatī”ti-ādīnaṃ aṭṭhannaṃ vimokkhānaṃ, savitakkasavicārādīnaṃ tiṇṇaṃ samādhīnaṃ, paṭhamajjhānasamāpattī-ādīnaṃca navannaṃ anupubbasaṃpattīnaṃ. **Sarīkilesanti** hānabhāgiyadhammaṃ. **Vodānanti** visesabhāgiyadhammaṃ. **Vuṭṭhānanti** “vodānampi vuṭṭhānaṃ, tamhā tamhā samādhimhā vuṭṭhānampi vuṭṭhānaṃ”ti¹ evaṃ vuttaṃ paguṇajjhānaṃceva bhavaṅgaphalasaṃpattīyo ca. Heṭṭhimaṃ heṭṭhimaṃhi paguṇajjhānaṃ uparimassa uparimassa padaṭṭhānaṃ hoti, tasmā “vodānampi vuṭṭhānaṃ”ti vuttaṃ. Bhavaṅgena sabbaññānaṃ vuṭṭhānaṃ hoti, phalasaṃpattiyā nirodhasaṃpattito vuṭṭhānaṃ hoti. Tametaṃ sandhāya “tamhā tamhā samādhimhā vuṭṭhānampi vuṭṭhānaṃ”ti vuttaṃ. Sabbaññānaṃca vitthāraṃkathāya vinicchayo **sammohavinodaniyaṃ vibhaṅgaṭṭhakathāyaṃ**² vutto. Pubbenivāsānussati dibbacakkhu-āsavakkhayaññakathā pana **veraṇjakande**³ vitthāritāyeva.

Imāni kho sārīputtāti yāni pubbe “dasa kho panimāni sārīputta tathāgatassa tathāgatabalāni”ti avocaṃ, imāni tānīti appannaṃ karoti. Tattha paravādīkathā hoti “dasabalaññānaṃ nāma pāṭiyekkaṃ natthi, sabbaññūtaññānaṃ pabhedo”ti, taṃ na tathā daṭṭhabbaṃ. Aññaṃeva hi dasabalaññānaṃ, aññaṃ sabbaññūtaññānaṃ. Dasabalaññānaṃ sakasakakiccomeva jānāti, sabbaññūtaññānaṃ tampi tato avasesampi pajānāti. Dasabalaññānesu hi paṭhamaṃ kāraṇākāraṇameva jānāti, dutiyaṃ kammantaravipākantameva, tatiyaṃ kammaṃparicchedameva, catutthaṃ

1. Abhi 2. 357 piṭṭhe.

2. Abhi-Ṭṭha 2. 382 piṭṭhe.

3. Vi 1. 5 piṭṭhe.

dhātunānattakāraṇameva, pañcamāṃ sattānaṃ ajjhāsayādhimuttimeva, chaṭṭhaṃ indriyānaṃ tikkhamudubhāvameva, sattamaṃ jhānādīhi saddhim tesāṃ saṃkilesādi meva, aṭṭhamaṃ pubbenivutthakkhandhasantatimeva, navamaṃ sattānaṃ cutipaṭisandhimeva, dasamaṃ saccaparicchadameva. Sabbaññutaññānaṃ pana etehi jānitabbañca tato uttariñca pajānāti, etesaṃ pana kiccaṃ na sabbaṃ karoti. Tañhi jhānaṃ hutvā appetuṃ na sakkoti, iddhi hutvā vikubbituṃ na sakkoti, maggo hutvā kilese khetuṃ na sakkoti. Iti yathāvuttakāyabalena ceva ñāṇabalena ca samannāgatattā bhagavā “dasabalo”ti vuccati.

Dasahi asekkhehi aṅgehi upetoti “asekkhā sammādiṭṭhi, asekkho sammāsaṅkappo, asekkhā sammāvācā, asekkho sammākammanto, asekkho sammā-ājīvo, asekkho sammāvāyāmo, asekkhā sammāsati, asekkho sammāsamādhi, asekkhaṃ sammaññānaṃ, asekkhā sammāvimuttī”¹ti evaṃ vuttehi dasahi asekkhadhammehi samannāgato. Asekkhā sammādiṭṭhi-ādayo ca sabbe phalasampayuttadhammā eva. Ettha ca **sammādiṭṭhi sammāññānti** dvīsu ṭhānesu paññāva kathitā “sammā dassanaṭṭhena sammādiṭṭhi, sammā pajānanaṭṭhena sammāññānaṃ”ti. Atthi hi dassanañānaṃ visaye pavatti-ākāraviseso. **Sammāvimuttī**ti iminā pana padena vuttāvese phalasamāpattisahagatadhammā saṅgahitāti veditabbā. Ariyaphalasampayuttadhammāpi hi sabbaso paṭipakkhato vimuttataṃ upādāya vimuttīti vattabbaṃ labhanti.

59. **Vacanasaddena appasaddanti** āramupacārena gacchato addhikajanassapi vacanasaddena appasaddaṃ. **Nagaranigghosāsaddenā**ti avibhāvitatthena² nagare manussānaṃ nigghosāsaddena. Manussehi samāgamma ekajjhaṃ pavattitasaddo hi nigghoso. **Anusañcaraṇajanassāti** antosañcārino janassa. **Manussānaṃ rahassakiriyaṭṭhāniyanti** manussānaṃ rahassakaraṇassa yuttaṃ anucchavikaṃ. **Vivekānurūpanti** ekībhāvassa anurūpaṃ. Sesamettha uttānameva.

Bimbisārasamāgamakathāvaṇṇanā niṭṭhitā.

1. Dī 3. 225, 260 piṭṭhesu.

2. Avibhāvatthena (Syā), avikappatthena (Ka) Dī-Ṭṭha 3. 17; Ma-Ṭṭha 3. 241 piṭṭhesu pana passitabbaṃ.

Sāriputtamoggallānapabbajjākathāvaṇṇanā

60. Idāni “tena kho pana samayena sañcayo paribbājako”ti-ādīsu apubbapadavaṇṇanam dassento “**sāriputtamoggallānā**”ti-ādimāha. Tattha sārībrāhmaṇiyā putto **sāriputto**, moggallībrāhmaṇiyā putto **moggallāno**. Amhākaṃ kira¹ bhagavato nibbattito puretameva sāriputto rājagahanagarassa avidūre upatissagāme sārībrāhmaṇiyā nāma kucchiyaṃ paṭisandhiṃ gaṇhi. Tamdivasamevassa sahāyopi rājagahasveva avidūre kolitagāme moggallībrāhmaṇiyā kucchiyaṃ paṭisandhiṃ gaṇhi. Tāni kira dvepi kulāni yāva sattamā kulaparivaṭṭā ābaddhapaṭibaddhasahāyāneva². Tesam dvinnam ekadivasameva gabbhaparīhāram adamsu. Dasamāsaccayena jātānampi tesam chasaṭṭhi dhātiyo upanayimsu. Nāmaggaṇadivase sārībrāhmaṇiyā puttassa upatissagāme jeṭṭhakulassa puttattā “upatisso”ti nāmaṃ akaṃsu, itarassa kolitagāme jeṭṭhakulassa puttattā “kolito”ti nāmaṃ akaṃsu. Tena vuttam “**gihikāle upatisso kolitoti evam paññāyamānanāmā**”ti.

Adḍhateyyasatamāṇavakaparivārāti ettha pañcapañcasatamāṇavakaparivārātipi vadanti. Vuttañhetam **aṅguttaranikāyaṭṭhakathāyam**³—

“Upatissamāṇavakassa kīlanatthāya nadim vā uyyānam vā gamanakāle pañca suvaṇṇasivikāsātāni parivārāni honti, kolitamāṇavakassa pañca ājaññarathasātāni. Dvepi janā pañca pañcamāṇavakasataparivārā hontī”ti.

Rājagahe ca anusamvaccharam giraggasamajjam nāma hoti. Tesam dvinnampi ekaṭṭhāneyeva mañcakaṃ bandhanti. Dvepi ekatova nisīditvā samajjam passitvā hasitabbaṭṭhāne hasanti, samvegaṭṭhāne samvijjanti, dāyam dātum yuttaṭṭhāne dāyam denti. Tesam imināva niyāmena ekadivasam samajjam passantānam paripākagatattā ñaṇassa purimadivasesu viya hasitabbaṭṭhāne hāso vā samvegaṭṭhāne samvijjanam vā dāyam dātum yuttaṭṭhāne dāyadānam vā nāhosi.

1. Am-Ṭṭha 1. 121; Dhammapada-Ṭṭha 1. 56 piṭṭhādīsupi passitabbam.

2. Akhaṇḍapaṭibaddhasahāyāneva (Syā)

3. Am-Ṭṭha 1. 122 piṭṭhe.

Dvepi pana janā evaṃ cintayimsu “kiṃ ettha oloketabbaṃ atthi, sabbepe me appatte vassasate apaṇṇattikabhāvaṃ gamissanti, amhehi pana ekaṃ mokkhadhammaṃ gavesituṃ vaṭṭatī”ti ārammaṇaṃ gahe tvā nisīdimsu. Tato kolito upatissaṃ āha “samma upatissa na tvam aññadivasesu viya haṭṭhapahaṭṭho, anattamanadhātukosi, kiṃ te sallakkhitaṃ”ti. “Samma kolita etesaṃ olokane sāro natthi, niratthakametaṃ, attano mokkhadhammaṃ gavesituṃ vaṭṭatī”ti idaṃ cintayanto nisinnomhīti. Tvam pana kasmā anattamanoti. Sopi tatheva āha. Athassa attanā saddhiṃ ekajjhāsayaṭṭhaṃ ñatvā upatisso evamāha “amhākaṃ ubhinnaṃ sucintitaṃ, mokkhadhammaṃ pana gavesantehi ekā pabbajjā laddhuṃ vaṭṭatī, kassa santike pabbajjāma”ti.

Tena kho pana samayena sañcayo paribbājako rājagahe paṭivasati mahatiyā paribbājakaparisāya saddhiṃ. Te “tassa santike pabbajjissāma”ti pañcahi māṇavakasatehi saddhiṃ sañcayassa santike pabbajimsu. Tesam pabbajitakālato paṭṭhāya sañcayo atirekalābhaggayasaggappatto ahosi. Te katipāheneva sabbaṃ sañcayassa samayaṃ parimadditvā “ācariya tumhākaṃ jānanaṃ samayo ettakova, udāhu uttaripe atthi”ti pucchimsu. Sañcayo “ettakova, sabbaṃ tumhehi ñātaṃ”ti āha. Tassa kathaṃ sutvā cintayimsu “evaṃ sati imassa santike brahmacariyavāso niratthako, mayaṃ mokkhadhammaṃ gavesituṃ nikkhantā, so imassa santike uppādetuṃ na sakkā, mahā kho pana jambudīpo, gāmanigamarājadhāniyo carantā avassaṃ mokkhadhammadesakaṃ ācariyaṃ labhissāma”ti. Te tato paṭṭhāya “yattha yattha paṇḍitā samaṇabrāhmaṇā atthi”ti suṇanti, tattha tattha gantvā pañhasākacchaṃ karonti, tehi puṭṭhaṃ pañhaṃ añño kathetuṃ samattho nāma natthi, te pana tesam pañhaṃ vissajjenti. Evaṃ sakalajambudīpaṃ pariggaṇhitvā nivattitvā sakaṭṭhānameva āgantvā “samma kolita yo paṭṭhaṃ amataṃ adhigacchati, so ārocetū”ti katikaṃ akaṃsu. Imameva vatthuṃ saṅkhipitvā dassento “**tatra nesaṃ mahājanaṃ disvā -pa- katikaṃ akaṃsū**”ti āha.

Tattha **channaparibbājakassā**ti setapaṭadharassa paribbājakassa. Tena nāyaṃ naggaparibbājakoti dasseti. **Pāsādikena abhikkantenā**ti-ādīsu **pāsādikenā**ti pasādāvahena sāruppena samaṇānucchavikena.

Abhikkantenāti gamanena. **Paṭikkantenā**ti nivattanena. **Ālokitenā**ti purato dassanena. **Vilokitenā**ti ito cito dassanena. **Samiñjitenā**ti pabbasaṅkocanena. **Pasāritenā**ti tesamīyeva pasāraṇena. Sabbattha itthambhūtalakkhaṇe¹ karaṇavacanam, tasmā satisampajaññakehi abhisāṅkhatattā pāsādika-abhikkantapaṭikkanta-ālokita vilokitasamiñjitapasārito hutvāti vuttam hoti. **Okkhittacakkhū**ti heṭṭhākhittacakkhu. **Iriyāpatha sampannoti** tāya pāsādika-abhikkantādītāya sampanna-iriyāpatho. **Atthikehi upaññātanti** “maraṇe sati amatenapi bhavitabban”ti evam anumānañṇena “atthi”ti upagataṃ nibbānam nāma, taṃ magganto pariyesanto yannūnāham imam bhikkhum piṭṭhito piṭṭhito anubandheyanti sambandho. **Sudinnakaṇḍe vuttappakāraṇti** “dānapatīnam gharesu sālā honti, āsanāni cettha paññattāni honti, upaṭṭhāpitaṃ udakakañjiyam, tattha pabbajitā piṇḍāya caritvā nisīditvā bhuñjanti. Sace icchanti, dānapatīnampi santakam gaṇhanti, tasmā tampi aññatarassa kulassa īdisāya sālāya aññataram kuṭṭamūlanti veditabban”ti² evam vuttappakāram.

Appam vā bahum vā bhāsassūti paribbājako “aham upatisso nāma, tvaṃ yathāsattiyā appam vā bahum vā pāvada, etaṃ nayasatena nayasahassena paṭivijjhitaṃ mayham bhāro”ti cintevā evamāha. Nirodho ca nirodhupāyo ca ekadesasarūpekasesanayena “nirodho”ti vuttoti dassento “atha vā”ti-ādimāha. **Paṭipādentoti** nigamento. **Imam dhammapariyāyam sutvā virajam vītamalam dhammacakkhum udapādīti** ettha paribbājako paṭhamapadadvayameva sutvā sahasanayasampanne sotāpattiphale patiṭṭhahi. Itarapadadvayam sotāpannakāle niṭṭhāsīti veditabban.

Bahukehi kappanahutehīti ettha dasa dasakāni satam, dasa satāni sahasam, sahasānam satam satahasam, satahasānam satam koṭi, koṭisatasahasānam satam pakoṭi, pakoṭisatasahasānam satam koṭipakoṭi, koṭipakoṭisatasahasānam satam ekanahutanti veditabban.

1. Itthambhūtākhyānatthe (Syā)

2. Vi-Ṭṭha 1. 174 piṭṭhe.

61. **Atha kho sārīputto paribbājako yena moggallāno paribbājako tenupasaṅkamīti**¹ sotāpanno hutvā uparivisesse appavattante “bhavissati ettha kāraṇan”ti sallakkhetvā theram āha “bhante mā upari dhammadesanam vaḍḍhayittha, ettakameva hotu, kham amhākam satthā vasatī”ti. Veḷuvane paribbājakāti. “Bhante tumhe purato yātha, mayham eko sahāyako atthi, amhehi ca aññamaññam katikā katā ‘yo paṭhamam amataṃ adhigacchati, so ārocetū”ti, aham taṃ paṭiññam mocetvā sahāyakam gahetvā tumhākam gatamaggeneva satthu santikam āgamissāmī”ti pañcapaṭiṭṭhitena therassa pādesu nipatitvā tikkhattum padakkhiṇam katvā theram uyyojetvā paribbājakārāmābhimukho agamāsi.

62. **Sārīputtam paribbājakam etadavocāti** “ajja mayham sahāyassa mukhavaṇṇo na aññadivasesu viya, addhā anena amataṃ adhigataṃ bhavissatī”ti amatādhigamam pucchanto etadavoca. Sopissa “āmāvuso amataṃ adhigataṃ”ti paṭijānitvā sabbam pavattim ārocetvā tameva gātham abhāsi. Gāthāpariyosāne moggallāno paribbājako sotāpattiphale paṭiṭṭhahi. Tena vuttam **“atha kho moggallānassa paribbājakassa -pa-dhammacakkhum udapādi”**ti. **Gacchāma mayam āvuso bhagavato santiketī** “kham samma satthā vasatī”ti pucchitvā “veḷuvane kira samma, evam no ācariyena assajittherena kathitan”ti vutte evamāha.

Sārīputtatthero ca nāmesa sadāpi ācariyapūjakova, tasmā sahāyam moggallānam paribbājakam evamāha “amhehi adhigataṃ amataṃ amhākam ācariyassa sañcayaparibbājakassapi kathessāma, bujjhamāno paṭivijjhissati, appaṭivijjhanto amhākam saddahitvā satthu santikam gamissati, buddhānam desanam sutvā maggaphalappaṭivedham karissatī”ti. Tato dvepi janā sañcayassa santikam agamaṃsu. Tena vuttam **“atha kho sārīputtamoggallānā yena sañcayo paribbājako tenupasaṅkamimsū”**ti. Upasaṅkamitvā ca “ācariya tvam kim karosi, loke

1. Am-Ṭṭha 1. 124; Dhammapada-Ṭṭha 1. 59 piṭṭhesupi passitabbam.

buddho uppanno, svākkhāto dhammo, suppaṭipanno saṅgho, āyāma dasabalaṃ passissāma”ti. So “kiṃ vadatha tātā”ti tepi vāretvā lābhaggayasaggappavattimeva nesaṃ dīpeti. Te “amhākaṃ evarūpo antevāsikavāso niccomeva hotu, tumhākaṃ pana gamanaṃ vā agamanaṃ vā jānāthā”ti āhaṃsu. Sañcayo “ime ettakaṃ jānantā mama vacanaṃ na karissanti”ti ñatvā “gacchatha tumhe tātā, ahaṃ mahallakakāle antevāsikavāsaṃ vasitum na sakkomī”ti āha. Te anekehipi kāraṇasatehi taṃ bodhetum asakkontā attano ovāde vattamānaṃ janaṃ ādāya veḷuvanaṃ agamaṃsu. Pañcasu antevāsikasatesu aḍḍhateyya satā nivattiṃsu, aḍḍhateyyasatā tehi saddhiṃ agamaṃsu. Tena vuttaṃ **“atha kho sārīputtamoggallānā tāni aḍḍhateyyāni paribbājakasatāni ādāya yena veḷuvanaṃ tenupasaṅkamimsū”**ti.

Vimutteti yathāvuttalakkaṇe nibbāne tadārammaṇāya phalavimuttiyā adhimutte ne sārīputtamoggallāne byākāsīti sambandho.

Evam byākaritvā ca satthā catuparisamajjhe dhammaṃ desento nesaṃ parisāya cariyavasena dhammadesanaṃ vaḍḍhesi, ṭhapetvā dve aggasāvake sabbepi aḍḍhateyyasatā paribbājakā arahattaṃ pāpuṇimsu. Satthā “etha bhikkhavo”ti hatthaṃ pasāresi, sabbesaṃ kesamassu antaradhāyi, iddhimayapattacīvaraṃ kāyapaṭibaddhaṃ ahosi. Aggasāvakānampi iddhimayapattacīvaraṃ āgataṃ, uparimaggattayakiccaṃ pana na niṭṭhāti. Kasmā? Sāvakaṃ pāramiṇāṇassa mahantaṭāya. Athāyasmā mahāmoggallāno pabbajitadivasato sattame divase magadharatṭhe kallavāḷagāmakam upanissāya samaṇadhammaṃ karonto thinamiddhaṃ okkamanto satthārā saṃvejito thinamiddhaṃ vinodetvā tathāgatena dinnam dhātukammaṭṭhānaṃ suṇantova uparimaggattayakiccaṃ niṭṭhāpetvā sāvakaṃ pāramiṇāṇassa matthakaṃ patto. Sārīputtattheropi pabbajitadivasato addhamāsaṃ atikkamitvā satthārā saddhiṃ tameva rājagahaṃ upanissāya sūkarakhata leṇe viharanto attano bhāgineyyassa dīghanakhaparibbājakassa vedanāpariggahasuttante desiyamāne suttānusārena ñāṇaṃ pesetvā parassa vaḍḍhitabhattaṃ bhuñjanto viya sāvakaṃ pāramiṇāṇassa matthakaṃ patto. Tenevāha **“mahāmoggallānatthero sattahi divasehi arahatte patiṭṭhito, sārīputtatthero addhamāsenā”**ti.

Yadipi mahāmoggallānatthero na cirasseva arahattaṃ patto, dhammasenāpati tato cirena, evaṃ santepi sārīputtattherova mahāpaññataro. Mahāmoggallānatthero hi sāvakānaṃ sammasanacāraṃ yaṭṭhikoṭiyā uppīlento viya ekadesameva sammasanto satta divase vāyamivā arahattaṃ patto. Sārīputtatthero ṭhapetvā buddhānaṃ paccekabuddhānaṃ sammasanacāraṃ sāvakānaṃ sammasanacāraṃ nippadesaṃ sammasi, evaṃ sammasanto addhamāsaṃ vāyami. Ukkamsagatassa sāvakānaṃ sammasanacārassa nippadesena pavattiyamānattā sāvakapāramiññaṃ ca tathā paripācetabbatā. Yathā hi puriso “veṇuyayṭṭhiṃ gaṇhissāmi”ti mahajātaṃ veṇuṃ disvā “jātaṃ chindantassa papañco bhavissati”ti antarena hatthaṃ pavesetvā sampattameva yaṭṭhiṃ mūle ca agge ca chinditvā ādāya pakkameyya, so kiñcāpi paṭhamataraṃ gacchati, yaṭṭhiṃ pana sāraṃ vā ujum vā na labhati. Aparo tathārūpameva veṇuṃ disvā sace sampattayaṭṭhiṃ gaṇhissāmi, sāraṃ vā ujum vā na labhissāmi kacchaṃ bandhitvā mahantena satthena veṇujātaṃ chinditvā sārā ceva ujū ca yaṭṭhiyo uccinitvā ādāya pakkameyya, ayaṃ kiñcāpi pacchā gacchati, yaṭṭhiyo pana sārā ceva ujū ca labhati, evaṃsampadamidaṃ imesaṃ dvinnānaṃ therānaṃ padhānaṃ.

Sammasanacāro ca nāmettha vipassanābhūmi veditabbā sammasanaṃ carati etthāti sammasanacāroti katvā. Tattha buddhānaṃ sammasanacāro dasasahassaloka dhātuyānaṃ sattasantānagatā anindriyabaddhā ca saṅkhārāti vadanti. Koṭisatasahassa cakkavāḷesūti apare. Tathā hi attaniyavasena paṭiccasamuppādanayaṃ otarivā chattimsakoṭisatasahassa mukhena buddhānaṃ mahāvajiraññaṃ pavattaṃ. Paccekabuddhānaṃ sasantānagatehi saddhiṃ majjhimadesavāsīsattasantānagatā anindriyabaddhā ca saṅkhārā sammasanacāroti vadanti. Jambudīpavāsīsantānagatā keci. Sasantānagate sabbadhamme parasantānagate ca santānavibhāgaṃ akatvā bahiddhābhāvasāmaññato sammasanaṃ, ayaṃ sāvakānaṃ sammasanacāro. Moggallānatthero pana bahiddhā dhammepi sasantānavibhāgena keci keci uddharitvā sammasi, taṅca kho ñāṇena phuṭṭhamattaṃ katvā. Tena vuttaṃ “yaṭṭhikoṭiyā uppīlento viya ekadesameva sammasanto”ti. Tattha ñāṇena nāma yāvataṃ neyyaṃ vattitabbaṃ, tāvatā avattanato “yaṭṭhikoṭiyā

uppiḷento viyā”ti vuttaṃ, anupadadhammavipassanāya abhāvato
 “ekadesameva sammasanto”ti vuttaṃ. Dhammasenāpatinopi
 yathāvuttasāvakānaṃ vipassanāya bhūmiyeva sammasanacāro. Tattha pana
 thero sātisayaṃ niravasesaṃ anupadañca sammā vipassi. Tena vuttaṃ
 “sāvakānaṃ sammasanacāraṃ nippadesaṃ sammasi”ti.

Ettha ca sukkhavipassakā lokiyābhiññappattā pakatisāvakā mahāsāvakā
 aggasāvakā paccekabuddhā sammāsambuddhāti chasu janesu
 sukkhavipassakānaṃ jhānābhiññāhi anadhigatapaññānepuññattā¹ andhānaṃ
 viya icchitapadesokkamaṇaṃ vipassanākāle icchiticchitadhammabhāvanā
 natthi, te yathāpariggahitadhammatteyeva vipassanaṃ vaḍḍhenti.
 Lokiyābhiññappattā pana pakatisāvakā yena mukhena vipassanaṃ ārabhanti,
 tato aññenapi vipassanaṃ vitthārikaṃ kātuṃ sakkonti vipulaññattā.
 Mahāsāvakā abhinīhārasampannattā tato sātisayaṃ vipassanaṃ vitthārikaṃ
 kātuṃ sakkonti. Aggasāvakesu dutiyo abhinīhārasampattiyā samādhānassa
 sātisayattā vipassanaṃ tatopi vitthārikaṃ karoti. Paṭhamo pana tatopi
 mahāpaññatāya sāvakehi asādhāraṇaṃ katvā vipassanaṃ vitthārikaṃ karoti.
 Paccekabuddhā tehipi mahābhinīhāratāya attano abhinīhārānurūpaṃ tatopi
 vitthārikaṃ vipassanaṃ karonti. Buddhānaṃ sammadeva
 paripūritapaññāpāramīpabhāvitā sabbaññutaññādhigamassa anurūpā yathā
 nāma katavāavedhaparicayena sarabhaṅgasadisena dhanuggahena khitto
 saro antarā rukkhalatādīsu asajjamāno lakkheyeva patati, na sajjati na
 virajjati, evaṃ antarā asajjamānā avirajjamānā vipassanā
 sammasanīyadhammesu yāthāvato nānāyehi pavattati, yaṃ
 “mahāvajiraññānaṃ”ti vuccati.

Etesu ca sukkhavipassakānaṃ vipassanācāro khajjotappabhāsadiso,
 abhiññappattapakatisāvakānaṃ dīvappabhāsadiso, mahāsāvakānaṃ
 ukkāppabhāsadiso, aggasāvakānaṃ osadhitarakappabhāsadiso,
 paccekabuddhānaṃ candappabhāsadiso, sammāsambuddhānaṃ
 rasmisahassapaṭimaṇḍitasaradasūriyamaṇḍalasadiso hutvā upaṭṭhāti. Tathā
 sukkhavipassakānaṃ vipassanācāro

1. Anadhigataññe suññattā (Syā)

andhānaṃ yaṭṭhikoṭiyā gamanasadiso, lokiyābhiññappattapakatisāvakānaṃ daṇḍakasetugamanasadiso, mahāsāvakānaṃ jaṅghasetugamanasadiso, aggasāvakānaṃ sakaṭasetu gamanasadiso, paccekabuddhānaṃ mahājaṅghamaggagamanasadiso, sammāsambu ddhānaṃ mahāsakaṭamaggagamanasadiso. Tathā buddhānaṃ paccekabuddhānaṃca¹ vipassanā cintāmayañāṇasaṃvaḍḍhitattā sayambhūñāṇabhūtā, itaresaṃ sutamayañāṇa saṃvaḍḍhitattā paropadesasambhūtāti veditabbā.

Idāni ubhinnampi therānaṃ pubbayogaṃ dassetuṃ “**atīte kirā**”ti-ādimāha. Taṃ sabbaṃ uttānatthameva.

63. **Giribbajanagaranti** samantā pabbataparikkhitaṃ vajasadisāṃ hutvā tiṭṭhatīti giribbajanti evaṃladdhanāmaṃ rājagahanagaraṃ. Usūyanakiriyāya kammabhāvaṃ sandhāya “**upayogatthe vā**”ti vuttaṃ.

Sāriputtamoggallānapabbajjākathāvaṇṇanā niṭṭhitā.

Upajjhāyavattakathāvaṇṇanā

64. Vajjāvajjaṃ upanijjhāyatīti upajjhāyo, natthi upajjhāyo etesanti **anupajjhāyakā**. Tenāha “**vajjāvajjaṃ upanijjhāyakena garuṇā virahitā**”ti. Tattha **vajjāvajjanti** khuddakaṃ mahantaṇca vajjaṃ. Vuddhi-attho hi ayamakāro “phalāphalan”ti-ādīsu viya. **Uttiṭṭhapattanti** ettha ucchiṭṭha-saddasamānattho **uttiṭṭha**-saddo. Tenevāha “**tasmim hi manussā ucchiṭṭhasaññino, tasmā uttiṭṭhapattanti vuttan**”ti. **Piṇḍāya caraṇakapattanti** iminā pana pattassa sarūpadassanamukhena ucchiṭṭhakappanāya kāraṇaṃ vibhāvitaṃ. **Tasminti** tasmim piṇḍāya caraṇakapatte.

65. **Sagāravā sappatissāti** ettha garubhāvo gāraṇaṃ, pāsānacchattaṃ viya garukaraṇiyatā. Saha gāraṇenāti sagāravā. Garuṇā kismiñci vutte gāravavasena patissavanaṃ patisso, patissavabhūtaṃ taṃsabhāgaṇca yaṃkiñci gāravanti attho. Saha patissenāti sappatissā, ovādaṃ sampaṭicchantāti

1. Tathā buddhānaṃca (Ka)

attho. Patissīyatīti vā patisso, garukātabbo. Tena saha patissenāti **sappatissā**. Aṭṭhakathāyaṃ pana byañjanavicāraṃ akatvā atthamattameva dassetuṃ “**garukabhāvañceva jeṭṭhakabhāvañca upaṭṭhapetvā**”ti vuttaṃ. **Sāhūti** sādhu. **Lahūti** agaru, mama tuyhaṃ upajjhāyabhāve bhāriyaṃ nāma natthīti attho. **Opāyikanti** upāyapaṭisamyuttaṃ te upajjhāyaggahaṇaṃ iminā upāyena tvaṃ me ito paṭṭhāya bhāro jātosīti vuttaṃ hoti. **Patirūpanti** anurūpaṃ tava upajjhāyaggahaṇanti attho. **Pāsādikenāti** pasādāvahena kāyavacīpayogena. **Sampādehīti** tividhasikkhaṃ nipphādehīti attho. **Kāyena vāti** hatthamuddādiṃ dassento kāyena vā viññāpeti. **Gahito tayā -pa- viññāpetīti** “sāhū”ti-ādīsu ekaṃ vadantoyeva imamattaṃ viññāpetīti vuccatī. Tenevāha “**idameva hi**”ti-ādi. **Sādhūti sampaṭicchanaṃ sandhāyāti** upajjhāyena “sāhū”ti vutte saddhivihārikassa “sādhū”ti sampaṭicchanaṃ sandhāya. Kasmā nappamāṇanti āha “**āyācanadānamattena hi**”ti-ādi, saddhivihārikassa “upajjhāyo me bhante hotī”ti āyācanamattena, upajjhāyassa ca “sāhū”ti-ādinā dānavacanamattenāti attho. **Na ettha sampaṭicchanaṃ aṅganti** saddhivihārikassa sampaṭicchanaṃ ettha upajjhāyaggahaṇe aṅgaṃ na hoti.

66. **Sammāvattanāti** sammāpavatti. **Assāti** saddhivihārikassa. **Tādisameva mukhadhovanodakaṃ dātabbanti** utumhi sarīrasabhāve ca ekākāre tādisameva dātabbaṃ. **Dve cīvarānīti** pārūpanaṃ saṅghāṭiṇca sandhāya vadati. Yadi evaṃ “saṅghāṭiyo”ti kasmā vuttanti āha “**sabbaṃ hi cīvaraṃ saṅghāṭitattā saṅghāṭīti vuccatīti**. **Padavītihārehīti** ettha padaṃ vītiharati etthāti **padavītihāro**, padavītiharaṇaṭṭhānaṃ dūtavilambitaṃ akatvā samagamane dvinnaṃ padānaṃ antare muṭṭhiratanamattaṃ. Padānaṃ vā vītiharaṇaṃ abhimukhaṃ haritvā nikkhepo **padavītihāro**ti evamettha attho daṭṭhabbo. **Ito paṭṭhāyāti** “na upajjhāyassa bhaṇamānassā”ti ettha vuttana-kārato paṭṭhāya. **Sabbattha dukkaṭāpatti veditabbāti** “īdisesu gilānopi na muccatī”ti dassanattaṃ vuttaṃ. Aññampi hi yathāvuttaṃ upajjhāyavattaṃ anādariyena akarontassa agilānassa vattabhede sabbattha dukkaṭameva. Teneva vakkhati “agilānena hi saddhivihārikena saṭṭhivassenapi sabbaṃ

upajjhāyavattam kātabbam, anādarena akarontassa vattabhede dukkaṭam. Na-kārapaṭi samyuttesu pana padesu gilānassapi paṭikkhattakiriyaṃ karontassa dukkaṭamevā”ti¹. **Āpattiyā āsannavācanti** āpattijanakeva vacanaṃ sandhāya vadati. Yāya hi vācāya āpattiṃ āpajjati, sā vācā tassā āpattiyā āsannāti vuccati.

Cīvarena pattam veṭhetvāti ettha “uttarāsaṅgassa ekena kaṇṇena veṭhetvā”ti **gaṇṭhipadesu** vuttam. **Gāmeti** gāmapariyāpanne tādise kismiñci padese. **Antaraghareti** antogehe. **Paṭikkamaneti** āsanasālāyaṃ. Tikkhattum pānīyena pucchitabboti sambandho, ādimhi majjhe anteti evaṃ tikkhattum pucchitabboti attho. **Upakaṭṭhoti** āsanno. **Dhotavālikāyāti** nirajāya parisuddhavālikāya. **Sace pahotīti** vuttamevattham vibhāveti “**na kenaci gelaññena abhibhūto hoti**”ti. **Pariveṇam gantvāti** upajjhāyassa pariveṇam gantvā.

Upajjhāyavattakathāvaṇṇanā niṭṭhitā.

67. Saddhivihārikavattakathā uttānattāyeva.

Nasammāvattanādikathāvaṇṇanā

68. Nasammāvattanādikathāyaṃ **gehassitapemanti** “pitā me ayan”ti evaṃ uppannapemaṃ. Upajjhāyamhi pitucittupaṭṭhānameva hi idha gehassitapemaṃ nāma. Na hi idaṃ akusalapakkiyaṃ gehassitapemaṃ sandhāya vuttam paṭividdhasaccānaṃ pahīnānugedhānaṃ² tadasambhavato, na ca bhagavā bhikkhū saṃkilese niyojeti, gehassitapemasadisattā pana pemamukhena mettāsineho idha vuttoti veditabbam. “Tesu eko vattasampanno bhikkhu -pa- tesam anāpattī”ti vacanato sace eko vattasampanno bhikkhu “bhante tumhe appossukkā hotha, aham tumhākaṃ saddhivihārikaṃ antevāsikaṃ vā gilānaṃ upaṭṭhahissāmi, ovaditabbam ovadissāmi, iti karaṇīyesu ussukkaṃ āpajjissāmi”ti vadati, te eva vā saddhivihārikādayo “bhante tumhe kevalam appossukkā hothā”ti vadanti, vattam vā na

1. Vi-Ṭṭha 3. 261 piṭṭhe.

2. Pahīnānurodhānaṃ (Syā)

sādiyanti, tato paṭṭhāya ācariyupajjhāyānaṃ anāpattīti vadanti. Sesamettha uttānameva.

Na sammāvattanādikathāvaṇṇanā niṭṭhitā.

Rādhabrāhmaṇavattukathāvaṇṇanā

69. Rādhabrāhmaṇavattumhi **kiso ahosīti** khādītum vā bhuñjītum vā asakkonto tanuko ahosi appamaṃsalohito. **Uppaṇḍuppaṇḍukajātoti** sañjātuppaṇḍuppaṇḍukabhāvo paṇḍupalāsappaṭibhāgo.

Dhamanisanthatagattoti pariyādinnaṃsalohitattā sirājāleneva santharitagatto. **Adhikāranti** adhikiriyaṃ, sakkāranti vuttam hoti. Kataṃ jānantīti **kataññuno**, kataṃ pākataṃ katvā jānantīti **katavedino**. Kim pana thero bhagavatā bārāṇasiyaṃ tīhi saraṇagamaṇehi anuññātaṃ pabbajjāṃ upasampadañca na jānātīti? No na jānāti. Yadi evaṃ “kathāham bhante taṃ brāhmaṇaṃ pabbājemi upasampādemī”ti kasmā āhāti imaṃ anuyogaṃ sandhāyāha “**kiñcāpi āyasmā sārīputto**”ti-ādi. **Parimaṇḍalehīti** paripuñṇehi. **Aññathā vā vattabbaṃ aññathā vadatīti** “bhante”ti vattabbaṃ “bandhe”ti¹ vadati.

71-73. **Samanantarāti** anantaraṃ. **Paṇṇattivītikkamaṃ karotīti** sikkhāpadavītikkamaṃ karoti. Attabhāvaparīharaṇatthaṃ nissīyantīti **nissayā**, piṇḍiyālopabhojanādikā cattāro paccayā. Tattha **piṇḍiyālopabhojananti** jaṅghapiṇḍiyabalena caritvā ālopamattaṃ laddhabhojanaṃ. **Atirekalābhoti** “piṇḍiyālopabhojanaṃ nissayā”ti evaṃ vuttabhikkhāhāralābhato adhikalābho saṃghabhattādi. Tattha sakalassa saṃghassa dātabbabbhattaṃ **saṃghabhattaṃ**. Katipaye bhikkhū uddisitvā dātabbabbhattaṃ **uddesabhattaṃ**. Nimantetvā dātabbabbhattaṃ **nimantanaṃ**. Salākaṃ gāhāpetvā dātabbabbhattaṃ **salākabhattaṃ**. Ekasmiṃ pakkhe ekadivasaṃ dātabbabbhattaṃ **pakkhikaṃ**. Uposathe dātabbabbhattaṃ **uposathikaṃ**. Pāṭipadadivase dātabbabbhattaṃ **pāṭipadikaṃ**. Vitthārakathā nesaṃ senāsanakkhandhakavaṇṇanāyaṃ āvi bhavissati.

1. Bhadanteti (Syā)

Vihāroti pākāraparicchinno sakalo āvāso. **Aḍḍhayogoti** dīghapāsādo. Garuḷasaṅghānapāsādotipi vadanti. **Pāsādoti** caturassapāsādo. **Hammiyanti** muṇḍacchadanapāsādo. Apare pana bhaṇanti “vihāro nāma dīghamukhapāsādo, aḍḍhayogo ekapassacchadanakasenāsanam, tassa kira ekapasse bhitti uccatārā hoti, itarapasse nīcā, tena taṃ ekapassacchadanakam hoti, pāsādo āyatacaturassapāsādo, hammiyam muṇḍacchadanam candikaṅgaṇayuttan”ti. **Guhāti** pabbataguhā. **Pūtimuttanti** yam kiñci muttam. Yathā suvaṇṇavaṇṇapi kāyo “pūtikāyo”ti vuccati, evam abhinavampi muttam pūtimuttameva. Sesamettha uttānatthameva.

Rādhabrahmaṇavatthukathāvaṇṇanā niṭṭhitā.

Ācariyavattakathāvaṇṇanā

75. Upasenavatthumhi **āciṇṇanti** caritam vattam anudhammatā. **Kacci bhikkhu khamanīyanti** bhikkhu kacci tuyham idaṃ catucakkam navadvāram sarīrayantaṃ khamanīyam sakkā khamitum sahitum pariharitum, na kiñci dukkham uppādetīti. **Kacci yāpanīyanti** kacci sabbakicesu yāpetum sakkā, na kiñci antarāyam dassetīti. **Jānantāpi tathāgatāti** evamādi yam parato “kati vassosi tvam bhikkhū”ti-ādinā pucchi, tassa parihāradassanattham vuttam. Tatrāyam saṅkhepattho—tathāgatā nāma jānantāpi sace tādisaṃ pucchākāraṇam hoti, pucchanti. Sace pana tādisaṃ pucchākāraṇam natthi, jānantāpi na pucchanti. Yasmā pana buddhānam ajānanam nāma natthi, tasmā “ajānantāpī”ti na vuttam. **Kālam piditvā pucchantīti** sace tassā pucchāya so kālo hoti, evam taṃ kālam viditvā pucchanti. Sace na hoti, evampi kālam viditvāva na pucchanti. Evam pucchantāpi ca atthasamhitam tathāgatā pucchanti, yam atthanissitam kāraṇanissitam, tadeva pucchanti, no anatthasamhitam. Kasmā? Yasmā **anatthasamhite setughāto tathāgatānam. Setu** vuccati maggo, maggeneva tādissassa vacanassa ghāto samucchodoti vuttam hoti.

Idāni **atthasamhitanti** ettha yam atthanissitam vacanam tathāgatā pucchanti, taṃ dassento “**dvīhi ākārehi**”ti-ādimāha. Tattha **ākārehi**

kāraṇehi. **Dhammaṃ vā desessamā**ti aṭṭhuppattiyuttaṃ suttaṃ vā pubbacaritakāraṇayuttaṃ jātakam vā kathayissāma. **Sāvakanam vā sikkhāpadam paññapessāmā**ti sāvakanam vā tāya pucchāya vītikkamaṃ pākaṭam katvā garukam vā lahukam vā sikkhāpadam paññapessāma āṇam ṭhapessāma. **Atilahunti** atisīgham.

76. Aññatitthiyavatthumhi **aññatitthiyapubboti** pubbe aññatitthiyo bhūtoti aññatitthiyapubbo. Ettha¹ ca tittham jānitabbari, titthakaro jānitabbo, titthiyā jānitabbā, titthiyasāvaka jānitabbā. Tattha **tittham** nāma dvāsaṭṭhi diṭṭhiyo. Ettha hi sattā taranti uppilavanti ummujjanimujjam karonti, tasmā “titthan”ti vuccanti. Tāsam diṭṭhīnam uppādetā **titthakaro** nāma pūraṇakassapādiko. Tassa laddhim gahetvā pabbajitā **titthiyā** nāma. Te hi titthe jātāti titthiyā, yathāvuttam vā diṭṭhigatasāṅkhātam tittham etesam atthīti titthikā, titthikā eva titthiyā. Tesam paccayadāyakā **titthiyasāvaka**ti veditabbā. **Sahadhammikaṃ vuccamānoti** sahadhammikenā vuccamāno, karaṇatthe upayogavacanaṃ. Pañcahi sahadhammikehi sikkhitabbattā, tesam vā santakattā “sahadhammikan”ti laddhanāmena buddhapaññattena sikkhāpadena vuccamānoti attho. **Pasūroti** tassa nāmaṃ. **Paribbājakoti** ghibandhanam pahāya pabbajjupagato.

Tamyeva titthāyatananti ettha dvāsaṭṭhidiṭṭhisāṅkhātam titthameva āyatananti titthāyatanam, tittham vā etesam atthīti titthino, titthiyā, tesam āyatanantipi **titthāyatanam**. **Āyatananti** ca “assānam kambojo āyatanam, gunnam dakkhiṇapatho āyatanam”ti ettha sañjātiṭṭhānam āyatanam nāma.

“Manorame āyatane, sevanti nam vihaṅgamā.

Chāyam chāyatthino yanti, phalattam phalabhojino”ti²—

Ettha samosaraṇaṭṭhānam. “Pañcimāni bhikkhave vimuttāyatanāni”ti³ ettha kāraṇam, tam idha sabbampi labbhati. Sabbepi hi diṭṭhigatikā sañjāyamānā imāsuyeva dvāsaṭṭhiyā diṭṭhīsu sañjāyanti, samosaramānāpi etāsuyeva samosaranti sannipatanti, diṭṭhigatikabhāve ca nesam imāyeva dvāsaṭṭhi

1. Am-Ṭṭha 2. 155 piṭṭhepi passitabbari. 2. Am 2. 36 piṭṭhe. 3. Am 2. 17 piṭṭhe.

diṭṭhiyo kāraṇaṃ, tasmā yathāvuttaṃ titthameva sañjāti-ādinā atthena āyatananti titthāyatanam, tenevatthena titthīnaṃ āyatanantipi titthāyatanam.

Āyasmato nissāya vacchāmīti ettha āyasmatotī upayogathe sāmivacanaṃ, āyasmantaṃ nissāya vasissāmīti attho. **Byatto -pa-vuttalakkhaṇoyevāti** parisupaṭṭhāpakabahussutaṃ sandhāya vadati. **Pañcahupāli aṅgehīti**-ādīsu yaṃ vattaḃbaṃ, taṃ parato āvi bhavissati.

Ācariyavattakathāvaṇṇanā niṭṭhitā.

Pañāmanākhamāpanākathāvaṇṇanā

80. Yaṃ pubbe lakkhaṇaṃ vuttanti sambandho, “teneva lakkhaṇena nissayantevāsikassa āpatti veditabbā”ti potthakesu pāṭho dissati, “na teneva lakkhaṇena nissayantevāsikassa āpatti veditabbā”ti evaṃ panettha pāṭho veditabbo. Saddhivihārikassa vuttalakkhaṇena nissayantevāsikassa āpatti na veditabbāti evaṃ panettha atthopi veditabbo. Aññathā “nissayantevāsikena hi yāva ācariyaṃ nissāya vasati, tāva sabbaṃ ācariyavattaṃ kātabban”ti idaṃ virujjheyya. Idañhi vacanaṃ nissayantevāsikassa amuttanissayasseva vattaṃ akarontassa āpattīti dīpeti. Tasmā saddhivihārikassa yathāvuttavattaṃ akarontassa nissayamuttakassa amuttakassapi āpatti, nissayantevāsikassa pana amuttanissayasseva āpattīti gahetabbam. Teneva **visuddhimaggepi¹ ñātīpalibodhakathāyaṃ**—

“Ñātīti vihāre ācariyupajjhāyasaddhivihārika-antevāsikasamānupajjhāyaka samānācariyakā, ghare mātā pitā bhaginī bhātīti evamādikā. Te gilānā imassa palibodhā hontī, tasmā so palibodho upaṭṭhahitvā tesam pākatikakaraṇena upacchinditabbo. Tattha upajjhāyo tāva gilāno sace lahuṃ na vuṭṭhāti, yāvajīvaṃ paṭijaggitabbo.

1. Visuddhi 1. 91 piṭṭhe.

tathā pabbajjācariyo upasampadācariyo saddhivihāriko
 upasampāditapabbājita-antevāsikasamānupajjhāyakā ca. Nissayācariya
 uddesācariya nissayantevāsika uddesantevāsikasamānācariyakā pana
 yāva nissaya uddesā anupacchinnā, tāva paṭijaggitabbā”ti—

vibhāgena vuttam. Ayañca vibhāgo “teneva lakkhaṇena nissayantevāsikassa
 āpatti veditabbā”ti evaṃ pāṭhe sati na yujjeyya. Ayañhi pāṭho
 saddhivihārikassa viya nissayantevāsikassapi yathāvuttavattam akarontassa
 nissayamuttakassa amuttakassapi āpattīti imamattham dīpeti, tasmā
 vuttanayenevettha pāṭho gahetabbo.

**Pabbajja-upasampadadhammantevāsikehi pana -pa- tāva vattam
 kātābanti** pabbajjācariya-upasampadācariyadhammācariyānam etehi
 yathāvuttavattam kātābham. Tattha yena sikkhāpadāni dinnāni, ayaṃ
pabbajjācariyo. Yena upasampadakammavācā vuttā, ayaṃ
upasampadācariyo. Yo uddesam paripuccham vā deti, ayaṃ
dhammācariyoti veditabbam. Sesamettha uttānameva.

Paṇāmanākhamāpanākathāvaṇṇanā niṭṭhitā.

Nissayapaṭippassaddhikathāvaṇṇanā

83. Nissayapaṭippassaddhikathāyaṃ **disam gatoti** puna āgantukāmo
 anāgantukāmo vā hutvā vāsathāya kañci disam gato. **Bhikkhuno
 sabhāgatanti** pesalabhāvaṃ. **Oloketvāti** upaparikkhitvā. **Vibbhante -pa-
 tattha gantabbanti** ettha sace kenaci karaṇīyena tadaheva gantum asakkonto
 katipāhena gamissāmīti gamane sa-ussāho hoti, rakkhatīti vadanti. **Mā idha
 paṭikkamīti** mā idha pavisi. **Tatreva vasitabbanti** tattheva nissayam gahetvā
 vasitabbam. **Tamyeva vihāram -pa- vasitum vaṭṭatīti** ettha upajjhāyena
 pariccattatā upajjhāyasamodhāna parihāro natthi, tasmā upajjhāyena
 samodhānatassapi ācariyassa santike gahitanissayo na paṭippassambhati.

Ācariyamhā nissayapaṭippassaddhīsu ācariyo pakkanto vā hotīti ettha “pakkantoti disaṃ gato”ti-ādinā upajjhāyassa pakkamane yo vinicchayo vutto, so tattha vuttanayeneva idhāpi sakkā viññātunti taṃ avatvā “koci ācariyo āpucchitvā pakkamatī”ti-ādinā aññoyeva nayo āraddho, ayañca nayo upajjhāyapakkamanepi veditabboeva. Īdisesu hi ṭhānesu ekattha vuttalakkhaṇaṃ aññatthāpi daṭṭhabbaṃ. **Sace dve leḍḍupāte atikkamitvā nivattati, paṭippassaddho hotīti** ettha ettāvataṃ disāpakkanto nāma hotīti antevāsike anikkhattadhurepi nissayo paṭippassambhati. **Ācariyupajjhāyā dve leḍḍupāte atikkamma aññasmim vihāre vasantīti** bahi-upacārasīmāyaṃ antevāsikasaddhivihārikānaṃ vasanaṭṭhānato dve leḍḍupāte atikkamma aññasmim senāsane vasanti, anto-upacārasīmāyaṃ pana dve leḍḍupāte atikkamitvāpi vasato nissayo na paṭippassambhati. “Sacepi ācariyo muñcitukāmo va hutvā nissayapaṇāmanāya paṇāmetī”ti-ādi sabbaṃ upajjhāyassa āüattiyampi veditabbaṃ. Sesamettha uttānameva.

Nissayapaṭippassaddhikathāvaṇṇanā niṭṭhitā.

Upasampādetabbapañcakakathāvaṇṇanā

84. **Pañcahi bhikkhave aṅgehi samannāgatenāti-ādīsu na sāmaṇero upaṭṭhāpetabboti** upajjhāyena hutvā sāmaṇero na gahetabbo. Ayamatto **aṅguttaranikāyaṭṭhakathāyaṃ**¹ vuttoyeva.

“Attānameva paṭhamaṃ, patirūpe nivesaye.

Athaññāmanusāseyya, na kisseyya paṇḍito”ti²—

imassa anurūpavasena paṭhamaṃ tāva attasampattiyāṃ niyojetuṃ “**Na asekkhena sīlakkhandhenā**”ti-ādi vuttaṃ, na āpatti-aṅgavasena. Tattha **asekkhena sīlakkhandhenāti** asekkhassa sīlakkhandho asekkho sīlakkhandho nāma. Asekkhassa ayanti hi asekkho, sīlakkhandho.

1. Am-Ṭṭha 3. 85 piṭṭhe.

2. Khu 1. 37 piṭṭhe.

Evam sabbattha. Evañca katvā vimuttiñāṇadassanasāṅkhātassa paccavekkhaṇañāṇassapi asekkhatā upapannā. **Asekkhasīlanti** ca na maggaphalameva¹ adhippetam, atha kho yaṅkiñci asekkhasantāne pavattasīlam lokiyalokuttaramissakassa sīlassa idhādhippetattā. Samādhikkhandhādīsupi vimuttikkhandhapariyosānesu ayameva nayo. Tasmā yathā sīlasamādhipaññakkhandhā missakā adhippetā, evam vimuttikkhandhopīti tadaṅga vimutti-ādayopi veditabbā, na paṭippassaddhivimutti eva. Vimuttiñāṇadassanam pana lokiyameva. Teneva **samyuttanikāyaṭṭhakathāyam**² vuttam “purimehi catūhi padehi lokiyalokuttarasīlasamādhipaññāvimuttiyo kathitā, vimuttiñāṇadassanam paccavekkhaṇa ñāṇam hoti, tam lokiyamevā”ti.

Assaddhoti-ādīsu tīsu vatthūsu saddhā etassa natthīti **assaddho**. Sukkapakkhe saddahatīti **saddho**, saddhā vā etassa atthītipi saddho. Natthi etassa hirīti **ahiriko**, akusalasamāpattiyā ajjucchamānassetam adhivacanam. Hirī etassa atthīti **hirimā**. Na ottappatīti **anottappī**, akusalasamāpattiyā na bhāyatīti vuttam hoti. Tabbiparīto **ottappī**. Kucchitam sīdatīti **kusīto**, hīnavīriyassetam adhivacanam. Āraddham vīriyam etassāti **āraddhavīriyo**, sammappadhānayuttassetam adhivacanam. Muṭṭhā sati etassāti **muṭṭhassati**, naṭṭhassatīti vuttam hoti. Upaṭṭhitā sati etassāti **upaṭṭhitassati**, niccam ārammaṇābhimukhappavattasissetam adhivacanam.

Adhisīle sīlavipanno ca **ajjhācāre ācāravipanno** ca āpajjitvā avuṭṭhito. Sassatucchedasāṅkhātam antam gaṇhāti gāhayatīti vā **antaggāhikā**, micchādīṭṭhi. **Purimāni dve padānī** “na paṭibalo hoti antevāsīm vā saddhivihāriṃ vā gilānam upaṭṭhātum vā upaṭṭhāpetum vā, anabhiratam vūpakāsetum vā vūpakāsāpetum vā”ti imāni dve padāni.

Abhivisiṭṭho uttamo samācāroti abhisamācāro, abhisamācārova sikkhitabbato sikkhāti **abhisamācārikā sikkhā**, abhisamācāram vā ārabba paññattā sikkhā **ābhisamācārikā**. Maggabrahmacariyassa

1. Aggaphalasīlameva (Syā)

2. Sam-Ṭṭha 1. 152 piṭṭhe.

ādibhūtāti **ādibrahmacariyakā**, ubhatovibhaṅgapariyāpannasikkhāyetaṃ adhivacanaṃ. Teneva “ubhatovibhaṅgapariyāpannaṃ ādibrahmacariyakam, khandhakavattapariyāpannaṃ ābhisamācarikan”ti **visuddhimagge**¹ vuttaṃ. Tasmā **sekkhapaṇṇattiyanti** ettha sikkhitabbato sabbāpi ubhatovibhaṅgapariyāpannā paṇṇattīti gahetabbā. Teneva **gaṇṭhipadepi** vuttaṃ “sekkhapaṇṇattiyanti pārājikamādim katvā sikkhitabbasikkhāpadapaññattiyān”ti. Sesamettha uttānatthameva.

Upasampādetabbapañcakakathāvaṇṇanā niṭṭhitā.

Aññatitthiyapubbavatthukathāvaṇṇanā

86. Aññatitthiyavatthumhi ājīvako acelakoti duvidho naggaparibbājakoti āha “**naggaparibbājakasseva ājīvakassa vā**”ti-ādi. Tattha **ājīvako** uparī ekameva vatthaṃ upakacchake pavesetvā paridahati, heṭṭhā naggo. **Acelako** sabbena sabbam naggoyeva.

87. **Āmisakiñcikkhasampadānam** nāma appamattakasseva deyyadhammassa anuppadānam. **Rūpūpajīvikā**ti attano rūpaṃyeva nissāya jīvantiyo. Vesiyā gocaro mittasanthavavasena upasaṅkamitabbatṭhānam assāti **vesiyāgocaro**. Esa nayo sabbattha. **Yobbanappattā yobbanātītā vā**ti ubhayenapi mahallikā anividdhakumāriyova vadati. **Bhikkhuniyo** nāma ussannabrahmacariyā, tathā **bhikkhūpi**. Tesam aññamañña visabhāgavatthubhāvato santhavavasena upasaṅkamane katipāheneva brahmacariyanta rāyo siyāti āha “**tāhi saddhim khippameva vissāso hoti, tato sīlam bhijjati**”ti. Sesamettha uttānameva.

Aññatitthiyapubbavatthukathāvaṇṇanā niṭṭhitā.

Pañcābādhavatthukathāvaṇṇanā

88. Pañcābādhavatthumhi **nakhapiṭṭhippamānanti** ettha “kaniṭṭhaṅgulinakhapīṭṭhi adhippetā”ti tīsupi **gaṇṭhipadesu** vuttaṃ. “**Tañce nakhapiṭṭhippamānampi vaḍḍhanakapakkhe**

1. Visuddhi 1. 12 piṭṭhe.

ṭhitaṃ hoti, na pabbājetabbo”ti iminā sāmāññato lakkhaṇaṃ dassitaṃ, tasmā yattha katthaci sarirāvayavesu nakhapiṭṭhippamāṇaṃ vaḍḍhanakapakkhe ṭhitañce, na vaṭṭatīti siddhaṃ. Evañca sati nakhapiṭṭhippamāṇampi avaḍḍhanakapakkhe ṭhitañce, sabbattha vaṭṭatīti āpannaṃ, tañca na sāmāññato adhippetanti padesaviseseyeva niyametvā dassento **“sace panā”**ti-ādimāha. Sace hi avisesena nakhapiṭṭhippamāṇaṃ avaḍḍhanakapakkhe ṭhitaṃ vaṭṭeyya, “nivāsanapārupanehi pakatipaṭicchanne ṭhāne”ti padesaniyamaṃ na kareyya, tasmā nivāsanapārupanehi pakatipaṭicchannaṭṭhānato aññattha nakhapiṭṭhippamāṇaṃ avaḍḍhanakapakkhe ṭhitampi na vaṭṭatīti siddhaṃ, nakhapiṭṭhippamāṇato khuddakataṃ pana avaḍḍhanakapakkhe vaḍḍhanakapakkhe vā ṭhitaṃ hotu, vaṭṭati nakhapiṭṭhippamāṇato khuddakatarassa vaḍḍhanakapakkhe avaḍḍhanakapakkhe vā ṭhitassa mukhādīsuyeva paṭikkhittatā.

Gaṇḍepi imināva nayena vinicchayo veditabbo. Tattha pana mukhādīsu kolaṭṭhimattato khuddakataropi gaṇḍo na vaṭṭatīti visuṃ na dassito. “Mukhādike appaṭicchannaṭṭhāne avaḍḍhanakapakkhe ṭhitopi na vaṭṭatī”ti ettakameva hi tattha vuttaṃ, tathāpi kuṭṭhe vuttanayena mukhādīsu kolaṭṭhippamāṇato khuddakataropi gaṇḍo na vaṭṭatīti viññāyati, tasmā **avaḍḍhanakapakkhe ṭhitopīti** ettha **pi**-saddo avuttasampiṇḍa nattho. Tena kolaṭṭhimattato khuddakataropi na vaṭṭatīti ayamattho dassitoyevāti ayam amhākaṃ khanti. **Pakativanne jāteti** rogahetukassa vikāraṇṇassa abhāvaṃ sandhāya vuttaṃ. **Kolaṭṭhimattakoti** badaraṭṭhippamāṇo. **Suchavim**¹ **kāretvāti** sañjātachavim kāretvā. “Sañchavim² kāretvā”tipi pāṭho, vijjamānachavim kāretvāti attho. **Padumapuṇḍarīkapattavaṇṇanti** rattapadumasetapadumavasena padumapattavaṇṇaṃ. **Sosabyādhi** khayarogo.

Pañcābādhavatthukathāvaṇṇanā niṭṭhitā.

1. Sañchavim(Syā)

2. Sacchavim(Syā)

Rājabhaṭādivatthukathāvaṇṇanā

90-96. Rājabhaṭādivatthūsu **āhaṃsūti** manussā¹ vadimsu. **Tasmā -pa-evamāhāti** yasmā sayam dhammassāmī, tasmā bhikkhūhi apabbājitabbaṃ coraṃ aṅgulimālaṃ pabbājetvā āyatim akaraṇatthāya bhikkhūnaṃ sikkhāpadaṃ paññapento “na bhikkhave dhajabandho coro pabbājetabbo, yo pabbājeyya, āpatti dukkaṭassā”ti āha. **Uparamantīti** viramanti nivattanti. **Bhinditvāti** andubandhanaṃ bhinditvā. **Chinditvāti** saṅkhalikabandhanaṃ chinditvā. **Muñcitvāti** rajjubandhanaṃ muñcitvā. **Vivaritvāti** gāma-bandhanādīsu gāmadvārādīni vivaritvā. **Apassamānānaṃ vā palāyatīti** purisa guttiyaṃ purisānaṃ apassamānānaṃ palāyati. **Upaḍḍhupaḍḍhanti** thokaṃ thokaṃ.

97. Abhisekādīsu bandhanāgārādīni sodhenti, taṃ sandhāyāha “**sabbasādhāra ṇena vā nayenā**”ti. **Sace sayameva paṇṇaṃ āropenti, na vaṭṭamntīti** tā bhujissitthiyo “mayampi dāsiyo homā”ti sayameva dāsipaṇṇaṃ likhāpentī, na vaṭṭati. **Takkaṃ sīse āsittakasadisāva hontīti** yathā adāse karontā takkena sīsaṃ dhovitvā adāsaṃ karonti, evaṃ ārāmikavacanena dinnattā adāsāva teti adhippāyo. Takkāsiñcanaṃ pana sihaḷadīpe cārittanti vadanti. **Neva pabbājetabboti vuttanti** kappiyavacanena dinnepi saṅghassa ārāmikadāsattā evaṃ vuttaṃ. **Nissāmikadāso** nāma yassa sāmikā saputtadārādayo matā hontī, na koci tassa pariggāhako, sopi pabbājetuṃ na vaṭṭati, taṃ pana attanāpi bhujissaṃ kātuṃ vaṭṭati. Ye vā pana tasmim ratṭhe sāmīno, tehipi kārapetuṃ vaṭṭati. “Devadāsiputtaṃ pabbājetuṃ vaṭṭati”ti **tīsu ganṭhipadesu** vuttaṃ. Dāsassa pabbājitvā attano sāmīke dīsvā palāyantassa āpatti natthīti vadanti. Sesāṃ sabbattha uttānameva.

Rājabhaṭādivatthukathāvaṇṇanā niṭṭhitā.

Nissayamuccanakakathāvaṇṇanā

103. Nissayamuccanakassa vattesu pañcakachakkesu pana **ubhayāni kho pana -pa- anubyañjanasoti** ettha “sabbopi cāyaṃ pabhedo mātikāṭṭhakathāyaṃ ñātāyaṃ ñāto hotī”ti **tīsupi gaṇṭhipadesu** vuttam. **Āpattim jānātīti**-ādīsu ca “pāṭhe avattamānepi 'idaṃ nāma katvā idaṃ āpajjati'ti jānāti ce, vaṭṭati”ti tatheva vuttam. (Taṅca kho pubbe pāṭhe paguṇe kateti gahetabbanti ca ācariyupajjhāyānampi eseva nayoti ca keci vadanti)¹. Sesamettha uttānameva.

Nissayamuccanakakathāvaṇṇanā niṭṭhitā.

Rāhulavattukathāvaṇṇanā

105. Rāhulavattumhi **tattheva viharimsūti** sabbepi te arahattam pattakālato paṭṭhāya ariyā nāma majjhattāva hontīti rañño pahitasāsanam dasabalassa anārocetvāva tattha viharimsu. **Ekadivasaṃ jātāṃ kāḷudāyīm nāma amaccanti** ayaṃ kira² padumuttarabuddhakāle haṃsavatīnagare kulagehe nibbato satthu dhammadesanam suṇanto sathhāram ekam bhikkhum kulappasādakānam aggaṭṭhāne ṭhapentam disvā adhiḱārakammaṃ katvā tam ṭhānantaram patthesi. So yāvajīvam kusalam katvā devamanussesu saṃsaranto amhākam bodhisattassa mātukucchiyam paṭisandhiggahaṇa divase kapilavattusmiṃyeva amaccagehe paṭisandhim gaṇhi. Jātadivase bodhisattena saddhiṃyeva jātoti tam divasaṃyeva dukūlacumbaṭake nipajjāpetvā bodhisattassa upaṭṭhānatthāya nayimsu. Bodhisattena hi saddhim bodhirukkho rāhulamātā catasso nidhikumbhiyo ārohaniyahatthī kaṇḍako³ channo kāḷudāyīti ime satta ekadivase jātattā sahajātā nāma ahesum. Athassa nāmaggaṇadivase sakalanagarassa udaggacittadivase jātoti udāyīveva nāmam akaṃsu. Thokam kāḷadhātukattā pana kāḷudāyī nāma jāto. So bodhisattena saddhim kumārakīḷam kīḷanto vuddhim agamāsi.

1. () Mamma-potthake natthi.

2. Am-Ṭṭha 1. 233 piṭṭhādīsupi passitabbam.

3. Kaṇṭhako (Syā)

Saṭṭhimattāhi gāthāhī—

“Aṅgārino dāni dumā bhadante,
Phalesino chadanaṃ vippahāya.
Te accimantova pabhāsanti,
Samayo mahāvīra bhāgīrasānaṃ.

Nātisītaṃ nāti-uṇhaṃ, nātidubbhikkhachātakaṃ.
Saddalā haritā bhūmi, esa kālo mahāmunī”¹—

ādikāhi saṭṭhimattāhi gāthāhi. “**Pokkharavassanti** pokkharapattavaṇṇamudakan”^{ti} **gaṇṭhipadesu** vuttam. Pokkharapattappamāṇaṃ majjhe utṭhahitvā anukkamena satapaṭalaṃ sahassapaṭalaṃ hutvā vassanakavassanti vadanti. Tasmim kira vassante temetukāmāva tementi, na itare. **Ekopi rājā vā -pa- gato natthīti** dhammadesanaṃ sutvā pakkantesu nātīsu ekopi rājā vā rājamahāmatto vā “sve amhākaṃ bhikkhaṃ gaṇṭhathā”^{ti} nimantetvā gato natthi. Pitāpissa suddhodanamahārājā “mayhaṃ putto mama gehaṃ anāgantvā kahaṃ gamissatī”^{ti} animantetvāva agamāsi, gantvā pana gehe vīsatiyā bhikkhusahassānaṃ yāgu-ādīni paṭiyādāpetvā āsanāni paññāpesi.

Kulanagareti nātikulassa nagare. **Uṇhīsato paṭṭhāyāti** sīsato paṭṭhāya. **Uṇhīsanti** hi uṇhīsasadisattā bhagavato paripuṇṇanalāṭassa paripuṇṇasīsassa ca etaṃ adhivacanaṃ. Bhagavato hi dakkhiṇakaṇṇacūlikato paṭṭhāya maṃsapāṭalaṃ utṭhahitvā sakalanalāṭaṃ chādayamānaṃ pūrayamānaṃ gantvā vāmakaṇṇacūlikāya paṭiṭṭhitam saṇhatamatāya suvaṇṇavaṇṇatāya pabhassaratāya paripuṇṇatāya ca rañño baddha-uṇhīsapaṭṭo viya virocāti. Bhagavato kira imaṃ lakkhaṇaṃ disvā rājūnaṃ uṇhīsapaṭṭam akaṃsu. Aññe pana janā aparipuṇṇasīsā honti, keci kappasīsā², keci phalasisā, keci aṭṭhisīsā, keci tumbasīsā, keci kumbhasīsā, keci pabbhārasīsā, bhagavato pana āraggena vaṭṭetvā ṭhapitam viya suparipuṇṇam udakapubbūlasadisampi hoti. Teneva uṇhīsavethitasīsasadisattā uṇhīsam viya sabbattha parimaṇḍalasīsattā ca uṇhīsasīsoti bhagavā vuccati.

1. Khu 2. 300 piṭṭhe.

2. Kapisīsā (Ka)

Narasīhagāthāhi nāma aṭṭhahi gāthāhī—

“Siniddhanīlamudukuñcitakeso,
Sūriyanimmalatalābhinalāṭo.
Yuttatuṅgamudukāyatanāso,
Raṃsijālavitato narasīho”¹—

evamādikāhi aṭṭhahi gāthāhi. **Gaṇṭhipadesu** pana—

“Cakkavarāṅkitarattasupādo,
Lakkhaṇamaṇḍita-āyatapaṇhi.
Cāmarachattavibhūsitapādo,
Esa hi tuyha pitā narasīho.

Sakyakumāravarō sukhumālo,
Lakkhaṇacittikapuṇṇasarīro.
Lokahitāya gato naravīro,
Esa hi tuyha pitā narasīho.

Puṇṇasasaṅkanibho² mukhavaṇṇo,
Devanarāna piyo naranāgo.
Mattaḡajindavilāsitagāmī,
Esa hi tuyha pitā narasīho.

Khattiyasambhava-aggakulīno,
Devamanussanamassithapādo.
Sīlasamādhīpatiṭṭhitacitto,
Esa hi tuyha pitā narasīho.

Āyatayuttasusaṅṭhitanāso,
Gopakhumo abhinīlasunetto.
Indadhanū-abhinīlabhamūko,
Esa hi tuyha pitā narasīho.

1. Jātaka-Ṭṭha 1. 104; Apādāna-Ṭṭha 1. 105 piṭṭhesupī. 2. Puṇṇasasikanibho (Syā)

Vaṭṭasuvaṭṭasusaṅṭhitagīvo,
Sīhahanū migarājasarīro.
Tañcanasucchavi-uttamavaṅṅo,
Esa hi tuyha pitā naraśīho.

Siniddhasugambhiramañjusaghoso,
Hiṅgulabandhukarattasujivho.
Vīsativīsatisetasudanto,
Esa hi tuyha pitā naraśīho.

Añjanavaṅṅasunīlasukeso,
Kañcanapaṭṭavisuddhanalāto.
Osadhipaṅḍarasuddhasu-uṅṅo,
Esa hi tuyha pitā naraśīho.

Gacchati`nilapathe viya cando,
Tāragaṇāpariveṭṭitarūpo.
Sāvakamajjhagato samaṅḍo,
Esa hi tuyha pitā naraśīho”ti¹—

imā nava gāthāyopi ettha dassitā, tā pana “aṭṭhahi gāthāhī”ti vacanena na samenti. Uṅḥisato paṭṭhāya yāva pādatalāti vuttānukkamopi tattha na dissati. Bhikkhāya caratīti **bhikkhācāro**.

Uttiṭṭheti uttiṭṭhitvā paresaṃ gharadvāre ṭhatvā gahetabbapiṅḍe. **Nappamajjheyāti** piṅḍacārikavattaṃ hāpetvā paṇītabhojanāni pariyesanto uttiṭṭhe pamajjati nāma, sapadānaṃ piṅḍāya caranto pana nappamajjati nāma, evaṃ karonto uttiṭṭhe nappamajjeyya. **Dhammanti** anesanaṃ pahāya sapadānaṃ caranto tameva bhikkhācariyadhammaṃ sucaritaṃ care. **Sukhaṃ setīti** desanāmettaṃ, evaṃ panetaṃ bhikkhāya cariyadhammaṃ caranto dhammacārī idhaloke ca paraloke ca catūhipi iriyāpathehi sukhaṃ viharatīti attho.

1. Jātaka-Ṭṭha 1. 104 piṭṭhe.

Dutiya-gāthāya **na nam ducaritanti** vesiyādibhede agocare caranto nam bhikkhācariyadhammam ducaritam carati nāma, evam acaritvā tam dhammam care sucaritam, na nam ducaritam care. Sesamettha vuttatthameva. Imam pana dutiya gātham pitu nivesanam gantvā abhāsīti veditabbam. Teneva **theragāthāsamvaṇṇa nāyam**¹

ācariyadhammapālattherena vuttam “dutiya-divase piṇḍāya pavittḥo 'uttittḥe nappamajjeyyā 'ti gāthāya pitaram sotāpattiphale patiṭṭhāpetvā nivesanam gantvā 'dhammam care sucarita'nti gāthāya mahāpajāpatim sotāpattiphale rājānaṅca sakadāgāmi phale patiṭṭhāpesī”ti. **Dhammapadaṭṭhakathāyampi**² vuttam “punadivase piṇḍāya pavittḥo 'uttittḥe nappamajjeyyā'ti gāthāya pitaram sotāpattiphale patiṭṭhāpetvā ‘dhammam care'ti gāthāya mahāpajāpatim sotāpattiphale rājānaṅca sakadāgāmiphale patiṭṭhāpesī”ti.

Dhammapāla-jātakam sutvā anāgāmiphale patiṭṭhāsīti punekadivasam rājanivesane katapātārāso ekamantam nisinnena raññā “bhante tumhākam dukkarakārika kāle ekā devatā mam upasaṅkamitvā 'putto te kālakato'ti āha. Aham tassā vacanam asaddahanto 'na mayham putto bodhim appatvā kalam karoti'ti paṭikkhipinti vutte idāni katham saddahissatha, pubbepi aṭṭhikāni dassetvā 'putto te mato'ti vutte na saddahitthā”ti imissā aṭṭhuppattiyā mahādhammapāla-jātakam kathesi. Tam sutvā rājā anāgāmiphale patiṭṭhahi.

Kesavissajjananti kulamariyā-davasena kesoropanam. **Paṭṭabandhoti** yuvarājapaṭṭabandho. Abhinavagharappavesanamaho **gharamaṅgalam**, vivāhakarāṇa maho **āvāhamaṅgalam**. **Chattamaṅgalanti** 'yuvarājachattamaṅgalam. **Janapadakalyā ṇīti**³ janapadamhi kalyāṇī uttamā chasarīradosarahitā pañcakalyāṇasamannāgatā. Sā hi yasmā nātidighā nātirassā nātikisā nātitūlā nātikāḷā nāccodātāti atikkantā mānusaṃ vaṇṇam, appattā dibbam vaṇṇam, tasmā chasarīradosarahitā. Chavikalyāṇam māmsa kalyāṇam nahārukalyāṇam aṭṭhikalyāṇam vayakalyāṇanti imehi pana pañcahi kalyāṇehi samannāgatattā pañcakalyāṇasamannāgatā nāma. Tassā hi āgantukobhāsakiccam natthi. Attano sarīrobhāseneva

1. Theragāthā-Ṭṭha 1. 352 piṭṭhe.

2. Dhammapada-Ṭṭha 1. 74 piṭṭhe.

3. Udāna-Ṭṭha 152 piṭṭhepi passitabbam.

dvādasahatthaṭṭhāne ālokaṃ karoti, piyaṅgusāmā vā hoti suvaṇṇasāmā vā, ayamassā **chavikalyāṇatā**. Cattāro panassā hatthapādā mukhapariyosānañca lākhārasaparikamma kataṃ viya rattapavālarattakambalasadisaṃ hoti, ayamassā **maṃsakalyāṇatā**. Vīsati pana nakhapattāni maṃsato amuttaṭṭhāne lākhārasapūritāni viya muttaṭṭhāne khīradhārā sadisāni honti, ayamassā **nahārukalyāṇatā**. Dvattīṃsa dantā suphusitā sudhotava jīrapanti viya khāyanti, ayamassā **aṭṭhikalyāṇatā**. Vīsativassasatikāpi samānā soḷasa vassuddesikā viya hoti nivalipalitā, ayamassā **vayakalyāṇatā**. Iti imehi pañcahi kalyāṇehi samannāgatattā janapadakalyāṇīti vuccati.

Tuvaṭanti sīghaṃ. Sopi bhagavantaṃ “pattaṃ gaṇhathā”ti vattum avisahamāno vihāraṃyeva agamāsīti. So kira tathāgate gāravena ‘pattaṃ vo bhante gaṇhathā”ti vattum nāsakkhi. Evaṃ pana cintesi “sopānasīse pattaṃ gaṇhissatī”ti. Satthā tasmimpi ṭhāne na gaṇhi. Itaro “sopānapādamūle gaṇhissatī”ti cintesi. Satthā tatthāpi na gaṇhi. Itaro “rājāṅgaṇe gaṇhissatī”ti cintesi. Satthā tatthāpi na gaṇhi. Kumāro nivattitukāmo aruciyaṃ gacchanto satthu gāravena “pattaṃ gaṇhathā”ti vattumpi asakkonto “idha gaṇhissati, ettha gaṇhissatī”ti cintento gacchati. Janapadakalyāṇiyā ca vuttavacanaṃ tassa hadaye tiriyaṃ pativā viya ṭhitam. Nandakumārañhi abhisekamaṅgalaṃ na tathā pīlesi, yathā janapadakalyāṇiyā vuttavacanaṃ, tenassa cittasantāpo balavā ahoṣi. Athanaṃ “imasmim ṭhāne nivattissati, imasmim ṭhāne nivattissatī”ti cintentameva satthā vihāraṃ netvā “pabbajissasi nandā”ti āha. So buddhagāravena “na pabbajissāmi”ti avatvā “āma pabbajissāmi”ti āha. Satthā “tena hi nandaṃ pabbājethā”ti vatvā pabbājesi. Tena vuttaṃ “**anicchamaṇaṃyeva bhagavā pabbājesī**”ti. “Satthā kapilapuraṃ gantvā tatiyadivase nandaṃ pabbājesī”ti **dhammapadaṭṭhakathāyaṃ**¹ vuttaṃ, **aṅguttaranikāyatṭhakathāyaṃ**² pana—

“Mahāsattopi sabbaññutaṃ patvā pavattitavaradhammacakko lokānuggahaṃ karonto rājagahato kapilavatthum gantvā

1. Dhammapada-Ṭṭha 1. 74 piṭṭhe.

2. Aṅg-Ṭṭha 1. 244 piṭṭhe.

paṭhamadassaneneva pitarāṃ sotāpattiṭṭhale paṭiṭṭhāpesi, punadivase pitu nivesanaṃ gantvā rāhulamātāya ovādaṃ katvā sesajanassapi dhammaṃ kathesi, punadivase nandakumārassa abhisekagehappa vesana-āvāhamaṅgalesu vattamānesu tassa nivesanaṃ gantvā kumāraṃ pattaṃ gāhāpetvā pabbājetuṃ viharābhimukho pāyāsī”ti—

vuttaṃ, idha pana “bhagavā kapilapuraṃ āgantvā dutiyadivase nandaṃ pabbājesī”ti vuttaṃ, sabbampetaṃ ācariyena taṃtaṃbhāṅakānaṃ tathā tathā anussavavasena pariharitvā āgatabhāvato tattha tattha tathā tathā vuttanti natthettha ācariyavacane pubbāparavirodho.

Brahmarūpavaṇṇanti brahmarūpasamānarūpaṃ. **Tyassāti** te assa. **Vatṭānu gatanti** vaṭṭapariyāpannaṃ. **Saviḅhātanti** dukkhasahitattā savighātaṃ, sadukkhaṃ attho. **Sattavidhaṃ ariyadhaṇanti**—

“Saddhādhanaṃ sīladhanaṃ, hiri-ottappiyaṃ dhanaṃ.

Sutadhanaṅca cāgo ca, paññā ve sattamaṃ dhanan”ti¹—

evaṃ vuttaṃ sattavidhaṃ ariyadhaṇaṃ. **Uñchācariyāyāti** bhikkhācariyāya. Puttasineho uppajjamāno sakalasarīraṃ khobhetvā aṭṭhimiṅjaṃ āhacca tiṭṭhatīti āha “**puttapemaṃ bhante -pa- aṭṭhimiṅjaṃ āhacca tiṭṭhatī**”ti. Puttasineho hi balavabhāvato sahaajātapīti vegassa savippharātāya taṃsamuṭṭhānarūpadhammehi pharaṇavasena sakalasarīraṃ āloletvā aṭṭhimiṅjaṃ āhacca tiṭṭhati. **Yatra hi nāmāti** yo nāma. Sesamettha uttānameva.

Rāhulavatthukathāvaṇṇanā niṭṭhitā.

Sikkhāpadadaṇḍakammavatthukathāvaṇṇanā

106. **Anujānāmi bhikkhave sāmaṇerānaṃ dasa sikkhāpadānīti**-ādīsu sikkhitabbāni padāni **sikkhāpadāni**, sikkhakoṭṭhāsāti attho. Sikkhāya vā padāni sikkhāpadāni, adhisīla-adhicitta-adhipaññāsikkhāya

1. Am 2. 398, 399 piṭṭhesu.

adhigamupāyāti attho. Atthato pana kāmāvacarakusalacittasampayuttā viratiyo, taṃsampayuttadhammā panettha taggahaṇeneva gahetabbā. Saraseneva patanasabhā vassa antarā eva atipātanam atipāto, saṅkam patitum adatvā sīgham pātananti attho. Atikkamma vā satthādīhi abhibhavitvā pātanam atipāto, pāṇassa atipāto **pāṇātipāto**, pāṇavadho pāṇaghātoto vuttam hoti. **Pāṇoti** cettha vohārato satto, paramatthato jīvitindriyam. Tasmim pana pāṇe pāṇasaññino jīvitindriyupacchedaka-upakkama samuṭṭhāpikā kāyavacīdvārānam aññatarappavattā vadhakacetanā pāṇātipāto, tato **pāṇātipātā**.

Veramaṇīti verahetutāya verasaññitam pāṇātipātādīpāpadhammam maṇati, “mayi idha ṭhitāya kathamāgacchasi”ti vā tajjentī viya nīharatīti veramaṇī. Viramati etāyāti vā viramaṇīti vattabbe niruttinayena “veramaṇī”ti vuttam. Atthato pana **veramaṇīti** kāmāvacarakusalacittasampayuttā viratiyo. Sā “pāṇātipātādīm viramantassa yā tasmim samaye pāṇātipātā ārati virati paṭivirati veramaṇī akiriya akaraṇam anajjhāpatti velānatikkamo setughāto”ti evamādinā nayena **vibhaṅge**¹ vuttā. Kāmañcesā veramaṇī nāma lokuttarāpi atthi, idha pana samādānavasappavattā virati adhippetāti lokuttarāya viratiyā samādānavasena pavatti-asambhavato kāmāvacarakusalacittasampayuttā viratiyo gahetabbā.

Adinnādānā veramaṇīti-ādīsu adinnassa ādānam **adinnādānam**, parassaharaṇam, theyyam corikāti vuttam hoti. Tattha **adinnanti** parapariggahitam. Yattha paro yathākāmakāritam āpajjanto adaṇḍāraho anupavajjo ca hoti, tasmim pana parapariggahite parapariggahitasaññino tadādāyaka-upakkamasamuṭṭhāpikā theyyacetanā adinnādānam.

Abrahmacariyam nāma aseṭṭhacariyam dvayamdvayasamāpatti. Sā hi”appassādā kāmā bahudukkhā bahupāyāsā, ādīnavo ettha bhīyyo”ti-ādinā² hīḷitattā aseṭṭhā appasatthā cariyāti vā aseṭṭhānam nihīnānam itthipurisānam cariyāti vā aseṭṭhacariyam, aseṭṭhacariyattā abrahmacariyanti ca

1. Abhi 2. 299 piṭṭhe.

2. Ma 1. 126; Ma 2. 27 piṭṭhesu.

vuccati, atthato pana asaddhammasevanādhippāyena kāyadvārappavattā maggenamagga ppaṭipattisamuṭṭhāpikā cetanā abrahmacariyaṃ.

Musāti abhūtaṃ atacchaṃ vatthu, **vādoti** tassa bhūtato tacchato viññāpanaṃ. Lakkhaṇato pana atathaṃ vatthum tathato paraṃ viññāpetukāmassa tathāviññatti samuṭṭhāpikā cetanā **musāvādo** musā vadiyati vuccati etāyāti katvā.

Surāmerayamajjappamādatṭhānāti ettha **surāti** pūvasurā piṭṭhasurā odanasurā kiṇṇapakkhittā sambhārasaṃyuttāti pañca surā. **Merayanti** pupphāsavo phalāsavo madhvāsavo guḷāsavo sambhārasaṃyuttoti pañca āsavā. Tattha pūve bhājane pakkhipitvā tajjaṃ udakaṃ datvā madditvā katā **pūvasurā**. Evaṃ sesasurāpi. **Kiṇṇāti** pana tassā surāya bījaṃ vuccati, ye surāmodakāti vuccanti, te pakkhipitvā katā **kiṇṇapakkhittā**. Harītakīsāsapādinānāsambhārehi saṃyojitā **sambhārasaṃyuttā**. Madhukatālanāḷikerādi puppharaso ciraparivāsito **pupphāsavo**. Panasādiphalaraso **phalāsavo**. Muddikāraso **madhvāsavo**. Ucchuraso **guḷāsavo**. Harītakāmalakakaṭukabhaṇḍādinānāsambhārānaṃ raso ciraparivāsito **sambhārasaṃyutto**. Taṃ sabbampi madakaraṇavasena **majjaṃ** pivantaṃ madayatīti katvā. **Pamādatṭhānanti** pamādakāraṇaṃ. Yāya cetanāya taṃ majjaṃ pivanti, tassā etaṃ adhivacanaṃ. Surāmerayamajje pamādatṭhānaṃ surāmeraya majjappamādatṭhānaṃ, tasmā **surāmerayamajjappamādatṭhānā**.

Vikālabhojanāti aruṇuggamanato paṭṭhāya yāva majjhanhikā. Ayaṃ buddhādīnaṃ ariyānaṃ āciṇṇasamāciṇṇo bhojanassa kālo nāma, tadañño vikālo. Bhuñjitabbaṭṭhena bhojanaṃ, yāgubhattādi sabbaṃ yāvakālikavatthu. Yathā ca “rattūparato”¹ ettha rattiyā bhojanaṃ rattīti uttarapadalopena vuccati, evamettha bhojanajjhoharaṇaṃ bhojananti. Vikāle bhojanaṃ vikālabhojanaṃ, tato **vikālabhojanā**, vikāle yāvakālikavatthussa ajjhoharaṇāti attho. Atha vā na ettha kammasādhano bhuñjitabbaṭṭhavācako bhojanasaddo, atha kho bhāvasādhano ajjhoharaṇatthavācako

1. Dī 1. 5, 60; Ma 1. 237; Ma 3. 12 piṭṭhesu.

gahetabbo, tasmā vikāle bhojanam ajjhoharaṇam vikālabhojanam. Kassa pana ajjhoharaṇanti? Yāmakālikādīnam anuññātattā vikālabhojana-saddassa vā yāvakālikajjhoharaṇe niruḥhattā yāvakālikassāti viññāyati, atthato pana kāyadvārappavattā vikāle yāvakālikajjhoharaṇacetanā “vikālabhojanan”ti veditabbā.

Naccagītavāditavisūkadassanāti ettha sāsanaṃ ananulomattā visūkaṃ paṭāṇibhūtam dassananti visūkadassanaṃ. Naccādīnañhi dassanaṃ sachandarāgappavattito saṅkhepato “sabbapāpassa akaraṇan”ti-ādinayappavattam¹ bhagavato sāsanaṃ na anulometi. Naccañca gītañca vāditañca visūkadassanañca **naccagītavāditavisūka dassanaṃ**. Attanā payojyamānam parehi payojāpiyamānañcettha naccam naccabhāva sāmāññato pāliyam ekeneva nacca-saddena gahitam, tathā gītavādita-saddehi gāyanagāyā panavādanavādāpanāni, tasmā attanā naccanaccāpanādivasena naccā ca gītā ca vādita ca antamaso mayūranaccādivasenapi pavattānam naccādīnam visūkabhūtā dassanā ca veramaṇīti evamettha attho daṭṭhabbo. Naccādīni attanā payojetum vā parehi payojāpetum vā payuttāni passitum vā neva bhikkhūnam na bhikkhunīnam vaṭṭati. Dassanena cettha savanampi saṅgahitam virūpekasesanayena. Yathāsakaṃ visaya-ālocana sabhāvatāya vā pañcannaṃ viññāṇaṃ savanakiriyāyapi dassanasāṅkhepasambhavato “dassanā”icceva vuttam. Teneva vuttam “pañcahi viññāṇehi na kañci dhammam paṭivijānāti aññatra abhinipātamattā”ti. Dassanakamyatāya upasaṅkamitvā passato eva cettha vītikkamo hoti, ṭhitanisinnasayanokāse pana āgataṃ gacchantassa vā āpāthagataṃ passato siyā saṅkilesa, na vītikkamo.

Mālāgandhavigilepanadhāraṇamaṇḍanavibhūsanatṭhānāti ettha **mālā**ti yaṃ kiñci pupphaṃ. Kiñcāpi hi mālā-saddo loke baddhamālāvācako, sāsane pana ruḥhiyā pupphesupi vutto, tasmā yaṃ kiñci pupphaṃ baddhamabaddham vā, tam sabbam “mālā”ti daṭṭhabbam. **Gandhanti** vāsacuṇṇadhūmadikam² vilepanato aññaṃ yaṃ kiñci gandhajātam. **Vilepananti** vilepanattham pisitvā paṭiyattam yaṃ kiñci chavirāgakarāṇam. Piḷandhanaṃ **dhāraṇam**, unatṭhānapūraṇam **maṇḍanam**, gandhavasena chavirāgavasena ca

1. Dī 2. 42; Khu 1. 41 piṭṭhesu.

2. Vāsacuṇṇadhūpādikaṃ (Syā)

sādiyanam **vibhūsanam**. Teneva **dīghanikāyaṭṭhakathāyam**¹ **majjhimanikāyaṭṭha kathāyañca**² “piḷandhanto dhāreti nāma, ūnaṭṭhānam pūrento maṇḍeti nāma, gandhavasena chavirāgavasena ca sādiyanto vibhūseti nāmā”ti vuttam. **Paramatthajotikāyam** pana **khuddakaṭṭhakathāyam**³ “mālādīsu dhāraṇādīni yathāsaṅkhyam yojetabbāni”ti ettakameva vuttam. **Ṭhānam** vuccati kāraṇam, tasmā yāya dussīlyacetanāya tāni mālādhāraṇādīni mahājano karoti, sā dhāraṇamaṇḍanavibhūsanatṭhānam.

Uccāsayanamahāsayanāti ettha **uccā**ti ucca-saddena samānattham ekaṁ saddantaram. Seti etthāti sayanam, uccāsayanañca mahāsayanañca **uccāsayanamahā sayanam**. **Uccāsayanam** vuccati pamāṇātikkantam mañcādi. **Mahāsayanam** akappi yattharaṇehi atthataṁ āsandādi. Āsanañcetta sayaneneva saṅgahitanti daṭṭhabbam. Yasmā pana ādhāre paṭikkhitte tadādhārā kiriyā paṭikkhittāva hoti, tasmā “uccāsayana mahāsayanā”iceva vuttam, atthato pana tadupabhogabhūtanisajjānipajjanehi virati dassitāti daṭṭhabbā. Atha vā uccāsayanamahāsayanāsayanāti etasmim atthe ekasesanayena ayam niddeśo kato yathā “nāmarūpapaccayā saḷāyatanan”ti, āsanakiriyāpubbakattā sayanakiriyāya sayanaggahaṇeneva āsanampi gahitanti vedītabbam.

Jātarūparajatapaṭiggahaṇāti ettha **jātarūpanti** suvaṇṇam. **Rajatanti** kahāpaṇo lohamāsako jatumāsako dārumāsakoti ye vohāram gacchanti, tassa ubhayassapi paṭiggahaṇam jātarūparajatapaṭiggahaṇam. Tividhañcetta paṭiggahaṇam kāyena vācāya manasāti. Tattha kāyena paṭiggahaṇam uggahaṇam, vācāya paṭiggahaṇam uggahāpanam, manasā paṭiggahaṇam sādiyanam. Tividhampi paṭiggahaṇam sāmāññaniddesena ekasesanayena vā gahetvā “paṭiggahaṇā”ti vuttam, tasmā neva uggahetuṁ na uggahāpetuṁ na upanikkhittam vā sādituṁ vaṭṭati. Imāni pana dasa sikkhāpadāni gahaṭṭhānampi sādharāṇāni. Vuttañhetam **visuddhimagge**⁴ “upāsaka-upāsikānam niccasīlavasena pañca sikkhāpadāni, sati vā ussāhe dasa, uposathaṅgavasena aṭṭhāti idam gahaṭṭhasīlan”ti. Ettha hi **dasāti** sāmāṇerehi

1. Dī-Ṭṭha 1. 76 piṭṭhe.

3. Khuddakapāṭha-Ṭṭha 26 piṭṭhe.

2. Ma-Ṭṭha 2. 113 piṭṭhe.

4. Visuddhi 1. 15 piṭṭhe.

rakkhitabbasīlamāha ghaṭikārādīnam viya. **Paramatthajotikāyaṃ** pana **khuddakaṭṭha kathāyaṃ**¹ “ādito dve catutthapañcamāni upāsakānaṃ sāmaṇerānañca sādharmaṇāni niccasīlavasena, uposathasīlavasena pana upāsakānaṃ sattamaṭṭhamaṃ cekamaṃ aṅgaṃ katvā sabbapacchimavajjāni sabbānīpi sāmaṇerehi sādharmaṇāni, pacchimaṃ pana sāmaṇerānameva viśesabhūtaṃ”ti vuttaṃ, taṃ “sati vā ussāhe dasā”ti iminā na sameti **Nāsanavattūti** liṅganāsanāya vattu, adhiṭṭhānaṃ kāraṇanti vuttaṃ hoti.

107. **Kintūti** kena nu kho upāyena. “**Attano pariveṇanti** idaṃ puggalikaṃ sandhāya vuttaṃ”ti **gaṇṭhipadesu** vuttaṃ. Ayamettha gaṇṭhipadakarānaṃ adhippāyo—“vassaggena pattasenāsananaṃ”ti iminā tassa vassaggena pattamaṃ saṃghikasenāsananaṃ vuttaṃ, “attano pariveṇanaṃ”ti imināpi tasseva puggalikasenāsananaṃ vuttanti. Ayaṃ panettha amhākaṃ khanti—“yattha vā vasatī”ti iminā saṃghikaṃ vā hotu puggalikaṃ vā, tassa nibaddhavasanaṃ pattasenāsananaṃ vuttaṃ. “Yattha vā paṭikkamati”ti iminā pana yaṃ ācariyassa upajjhāyassa vā vasanaṭṭhānaṃ upaṭṭhānādinimittamaṃ nibaddhaṃ pavisati, taṃ ācariyupajjhāyānaṃ vasanaṭṭhānaṃ vuttaṃ. Tasmā tadubhayaṃ dassetaṃ “**ubhayenapi attano pariveṇaṇca vassaggena pattasenāsananaṃ vuttaṃ**”ti āha. Tattha **attano pariveṇanti** iminā ācariyupajjhāyānaṃ vasanaṭṭhānaṃ dassitaṃ, **vassaggena pattasenāsananti** iminā pana tassa vasanaṭṭhānaṃ. Tadubhayaṃpi saṃghikaṃ vā hotu puggalikaṃ vā, āvaraṇaṃ kātābamevāti. **Mukhadvārikanti** mukhadvārena bhūñjitabbaṃ. **Daṇḍakammaṃ katvāti** daṇḍakammaṃ yojetvā. Daṇḍenti vinenti etenāti daṇḍo, soyeva kātābattā kammanti **daṇḍakammaṃ**, āvaraṇādi.

Sikkhāpadadaṇḍakammavattukathāvaṇṇanā niṭṭhitā.

Anāpucchāvaraṇavattu-ādikathāvaṇṇanā

108. **Daṇḍakammaṃ karoṭhāti** assa daṇḍakammaṃ yojettha anāpetha. **Daṇḍakammanti** vā niggaḥakammaṃ, tasmā niggaḥamassa karoṭhāti

1. Khuddakapāṭha-Ṭṭha 14 piṭṭhe.

vuttaṃ hoti. Esa nayo sabbattha īdisesu ṭhānesu. **Senāsanaggāho ca paṭippassambhatī**ti iminā ca chindavasso ca hotīti dīpeti. **Sace ākiṇṇadosova hoti, āyatim saṃvare na tiṭṭhati, nikkadḍhitabboti** ettha sace yāvataiyam vuccamāno na oramati, saṃgham apaloketvā nāsetabbo. Puna pabbajjam yācamānopi apaloketvā pabbājetabboti vadanti. **Pacchimikāya vassāvāsikam lacchatī**ti pacchimikāya puna vassam upagattā lacchati. **Apaloketvā lābho dātābboti** chinnavassatāya vuttaṃ. **Itarāni pañca sikkhāpadānī**ti vikālabhojanādīni pañca. **Accayam desāpetabboti** “accayo maṃ bhante accagamā”ti-ādinā nayena desāpetabbo.

Anāpucchāvaraṇavatthu-ādikathāvaṇṇanā niṭṭhitā.

Paṇḍakavatthukathāvaṇṇanā

109. Paṇḍakavatthumhi “yo kāḷapakkhe itthī hoti, juṇhapakkhe puriso, ayam **pakkhapaṇḍako**”ti keci vadanti, aṭṭhakathāyam pana “kāḷapakkhe paṇḍako hoti, juṇha pakkhe panassa pariḷāho vūpasammatī”ti apaṇḍakapakkhe pariḷāhavūpasamasseva vuttattā paṇḍakapakkhe ussannapariḷāhatā paṇḍakabhāvāpatīti viññāyati, tasmā idamevettha sārato paccetabban¹. Itthibhāvo pumbhāvo vā natthi etassāti **abhāvako**. **Tasmimyevassa pakkhe pabbajjā vāritāti** ettha “apaṇḍakapakkhe pabbājetvā paṇḍaka pakkhe nāsetabbo”ti **tīsupi 'gaṇṭhipadesu** vuttaṃ. Keci pana “apaṇḍakapakkhe pabbajito sace kilesakkhayam pāpuṇāti, na nāsetabbo”ti vadanti, taṃ tesam matimattaṃ paṇḍakassa kilesakkhayāsambhavato khīṇakilesassa ca paṇḍakabhāvānupapattito. Ahetukapaṭisandhikathāyañhi avisesena paṇḍakassa ahetukapaṭisandhitā vuttā. Āsitta-usūyapakkhapaṇḍakānañca paṭisandhito paṭṭhāyeva paṇḍakasabhāvo, na pavattiyamīyevāti vadanti. Teneva ahetukapaṭisandhiniddese jaccandhabadhirādayo viya paṇḍako jātisaddena visesetvā na niddiṭṭho.

1. Viññāyati, vīmaṃsitvā yuttataram gahetabban (Syā)

idhāpi catutthaparājikasamvaṇṇanāyaṃ¹ “abhabbapuggale dassentena paṇḍakaturacchāna gata-ubhatobyañjanakā tayo vatthuvipannā ahetukapaṭisandhikā, tesam saggo avārito, maggo pana vārito”ti avisesena vuttaṃ.

Paṇḍakavatthukathāvaṇṇanā niṭṭhitā.

Theyyasamvāsakavatthukathāvaṇṇanā

110. Theyyasamvāsakavatthumhi **kolaññāti** mātuvaṃse pituvaṃse ca jātā mātāpituppabbutisabbañātayo. Theyyāya samvāso etassāti **theyyasamvāsako**. So ca na samvāsamattasseva thenako idhādhippeto, atha kho līngassa tadubhayassa ca thenakopīti āha “**tayo theyyasamvāsakā**”ti-ādi. **Na yathāvuḍḍhaṃ vandanaṃ sādīyatīti** yathāvuḍḍhaṃ bhikkhūnaṃ vā sāmaṇerānaṃ vā vandanaṃ na sādīyati. **Yathāvuḍḍhaṃ vandanaṃ sādīyatīti** attanā musāvādaṃ katvā dassitavassānurūpaṃ yathāvuḍḍhaṃ vandanaṃ sādīyati. **Bhikkhuvassagaṇanādikoti** iminā na ekakammādikova idha samvāso nāmāti dasseti.

Rāja -pa- bhayenāti ettha **bhaya**-saddo paccemaṃ yojetabbo “rājabhayena dubbhikkhabhayenā”ti-ādinā. **Samvāsam nādhivāseti, yāva so suddhamānasoti** rājabhayādīhi gahitalīngatāya so suddhamānaso yāva samvāsam nādhivāsetīti attho. Yo hi rājabhayādīm vinā kevalaṃ bhikkhū vañcetaṃ tehi saddhīm samvasitukāmatāya līngaṃ gaṇhāti, so asuddhacittatāya līngaggahaṇeneva theyyasamvāsako nāma hoti. Ayaṃ pana tādisena asuddhacittena bhikkhū vañcetaṃ tehi līngatāya abhāvato yāva samvāsam nādhivāseti, tāva theyyasamvāsako nāma na hoti. Teneva “rājabhayādīhi gahitalīngānaṃ 'gihī maṃ samaṇoti jānantū'ti vañcanācittē satipi bhikkhūnaṃ vañcetaṃ tehi līngatāya abhāvā doso na jāto”ti **tūsupi gaṇṭhipadesu** vuttaṃ. Keci pana

1. Vi-Ṭṭha 2. 103 piṭṭhe.

“vūpasantabhayatā¹ idha suddhacittatā”ti vadanti, evañca sati so vūpasantabhayo yāva saṁvāsam nādhivāseti, tāva theyyasaṁvāsako na hotīti ayamatto viññāyati. Imasmiñca atthe viññāyamāne avūpasantabhayassa saṁvāsasādiyanepi theyyasaṁvāsakatā na hotīti āpajjeyya, na ca aṭṭhakathāyaṁ avūpasantabhayassa saṁvāsasādiyanepi attheyyasaṁ vāsakatā dassitā. **Sabbapāsaṇḍiyabhattāni bhuñjantoti** ca iminā avūpasantabhayenapi saṁvāsam asādiyanteneva vasitabbanti dīpeti. Teneva **tīsupi gaṇṭhipadesu** vuttam “yasmā vihāram āgantvā saṁghikaṁ gaṇṭhantassa saṁvāsam pariharitum dukkaram, tasmā sabbapāsaṇḍiyabhattāni bhuñjantoti idam vuttan”ti, tasmā rājabhayādīhi gahitali ṅgatāyevettha suddhacittatāti gahetabbaṁ.

Sabbapāsaṇḍiyabhattāniti sabbasāmayikānaṁ sādharmaṇaṁ katvā vīthicatukkādīsu ṭhapetvā dātabbabbhattāni. **Kāyaparihāriyāni**ti kāyena pariharitabbāni. **Abbhuggacchantī**ti abhimukhaṁ gacchanti. **Kammantānuṭṭhānenāti** kasigorakkhādikamma karaṇena. **Tadeva pattavīvaram ādāya vihāram gacchatīti** cīvarāni nivāsanapāruvana vasena ādāya pattañca aṁsakūṭe laggetvā vihāram gacchati. **Nāpi sayam jānātīti** “yo evaṁ pabbajati, so theyyasaṁvāsako nāma hotī”ti vā “evaṁ katum na labhatī”ti vā “evaṁ pabbajito samaṇo na hotī”ti vā na jānāti. **Yo evaṁ pabbajati, so theyyasaṁvā sako nāma hotīti** idam pana nidassanamattaṁ. **Anupasampannakāleyevāti** iminā upasampannakāle sutvā sacepi nāroceti, theyyasaṁvāsako na hotīti dīpeti.

Sikkham appaccakkhāya -pa- theyyasaṁvāsako na hotīti idam bhikkhūhi dinnalingassa apariccattattā na lingathenako hoti, lingānurūpassa saṁvāsassa sādītattā nāpi saṁvāsathenako hotīti vuttam. **Eko bhikkhu kāsāye sa-ussāhova odātam nivāsetvāti** etthāpi idameva kāraṇaṁ daṭṭhabbaṁ. Parato **sāmaṇero salīnge ṭhitoti**-ādinā sāmaṇerassa vuttavidhānesupi attheyyasaṁvāsakapakke ayameva nayo. **Bhikkhuniyāpi eseva nayoti** vuttamevatthaṁ “**sāpi hi gihibhāvaṁ patthayamānā**”ti-ādinā vibhāveti. **Yo koci**

1. Avūpasantabhayatā (Syā)

vuḍḍhapabbajitoti sāmaṇeraṃ sandhāya vuttaṃ. **Mahāpeḷādisūti** etena gihisantakam dassitam. **Sayam sāmaṇero** -pa- **theyyasamvāsako na hotīti** ettha kiñcāpi theyyasamvāsako na hoti, pārājikam pana āpajjatiyeva. Sesamettha uttānameva.

Theyyasamvāsakavatthukathāvaṇṇanā niṭṭhitā.

Titthiyapakkantakakathāvaṇṇanā

Titthiyapakkantakakathāyaṃ **tesam liṅge ādinnamate** **titthiyapakkantako hotīti** “titthiyo bhavissāmī”ti gatassa liṅgaggahaṇeneva tesam laddhipi gahitāyeva hotīti katvā vuttaṃ. **Kenaci** pana “tesam liṅge ādinnamate laddhiyā gahitāyapi aggahitāyapi titthiyapakkantako hotī”ti vuttaṃ, tam na gahetabbaṃ. Na hi “titthiyo bhavissāmī”ti gatassa liṅgasampañcchanato aññaṃ laddhiggahaṇaṃ nāma atthi. Liṅgasampañcchaneneva hi so gahitaladdhiko hoti. Teneva “**vīmaṃsanatthaṃ kusacīrādīni -pa- yāva na sampañcchati, tāva tam laddhi rakkhati. Sampañcchitamatte titthiyapakkantako hotī**”ti vuttaṃ. **Naggova ājīvakānaṃ upassayaṃ gacchati, padavāre padavāre dukkaṭanti** “ājīvako bhavissan”ti asuddhacittena gamanapaccayā dukkaṭam vuttaṃ. Naggena hutvā gamanapaccayāpi dukkaṭā na muccatiyeva. **Kūṭavassam gaṇentoti** kūṭavassam gaṇetvā samvāsam sādiyantoti adhippāyo.

Titthiyapakkantakakathāvaṇṇanā niṭṭhitā.

111. Tiracchānagatavatthu uttānameva.

Mātughātakādivatthukathāvaṇṇanā

112. Mātughātakādivatthūsu **apavāhananti** apagamanaṃ, patikaraṇanti¹ attho. Yathā samānajātikassa vikopane kammaṃ garutaraṃ, na tathā vijātikassāti āha “**manussitthibhūtā**”ti. Puttasambandhena

1. Bāhikaraṇanti (Syā)

mātupitusamaññā, dattakittimādivasenapi puttavohāro loke dissati, so ca kho pariyāyatoti nipariyāyasiddhatam dassetuṃ “**janikā mātā**”ti vuttaṃ. Yathā manussattabhāve ʒhitasseva kusaladhammānaṃ tikkhavisadasūrabhāvāpatti yathā taṃ tiṇṇampi bodhisattānaṃ bodhittayanibbattiyāṃ, evaṃ manussattabhāve ʒhitasseva akusaladhammā nampi tikkhavisadasūrabhāvāpattīti āha “**sayampi manussajātikenevā**”ti. Cuti-anantaram phalaṃ anantaram nāma, tasmim anantare niyuttaṃ, taṃnibbattanena anantarakaraṇa sīlaṃ, anantarapayojanaṃ vā ānantariyaṃ, tena **ānantariyena mātughātakakammena**. Pitughātakepi yena manussabhūto janako pitā sayampi manussajātikeneva satā sañcicca jīvitā voropito, ayaṃ ānantariyena pitughātakakammena pitughātakoti-ādinā sabbam veditabbanti āha “**pitughātakepi eseva nayo**”ti.

Parivattitaliṅgampi¹ mātaram pitaram vā jīvitā voropentassa ānantariyakammaṃ hotiyeva. Satipi hi liṅgaparivate so eva ekakammanibbato bhavaṅgappabandho jīvitindriyappabandho ca, nāññoti. Yo pana sayam manusso tiracchānabhūtaṃ mātaram vā pitaram vā, sayam vā tiracchānabhūto manussabhūtaṃ, tiracchānabhūtoyeva vā tiracchānabhūtaṃ jīvitā voropeti, tassa kammaṃ ānantariyaṃ na hoti, bhāriyaṃ pana hoti, ānantariyaṃ āhacceva tiṭṭhati. Eḷakacatukkaṃ saṅgāmacatukkaṃ coracatukka ṅcetta kathetabbaṃ. “Eḷakaṃ māremī”ti abhisandhināpi hi eḷakaṭṭhāne ʒhitam manusso manussabhūtaṃ mātaram vā pitaram vā mārento ānantariyaṃ phusati maraṇādhippā yeneva ānantariyavatthuno vikopitattā. Eḷakābhisandhinā pana mātāpiti-abhisandhinā vā eḷakaṃ mārento ānantariyaṃ na phusati ānantariyavatthu-abhāvato. Mātāpiti-abhi sandhinā mātāpitaro mārento phusateva. Esa nayo itarasmimpi catukkadvaye. Yathā ca mātāpitūsu, evaṃ arahantepi etāni catukkāni veditabbāni. Sabbattha hi purimaṃ abhisandhicittam appamaṇaṃ, vadhakacittam pana tadārammaṇaṃ jīvitindriyañca ānantariyānānantarabhāve pamāṇaṃ. Katānantariyakammo ca “tassa kammaṃ vipākaṃ paṭibāhissāmi”ti sakalacakkavāḷam mahācetiappamaṇehi kañcanathūpehi pūretvāpi sakalacakkavāḷam pūretvā

1. Ma-Ṭṭha 4. 76; Am-Ṭṭha 1. 355; Abhi-Ṭṭha 2. 407 piṭṭhādīsupi passitabbaṃ.

nisinnassa bhikkhusaṅghassa mahādānaṃ datvāpi buddhassa bhagavato saṅghāṭikaṇṇaṃ amuñcanto vicarivāpi kāyassa bhedaṃ nirayameva upapajjati, pabbajjañca na labhati.

115. **icchamānanti** odātavatthavasanaṃ icchamānaṃ. Tenevāha “**gihibhāve sampāṭicchitamatteyevā**”ti. Saṅghabhedakakathāvitthāro parato āvi bhavissati. **Catunnaṃ kammānanti** apalokaṇādīnaṃ catunnaṃ kammānaṃ. **Duṭṭhacittēnā**ti vuttamevatthaṃ vibhāveti “**vadhakacittēnā**”ti. Vadhakacetanāya hi dūsitacittaṃ idha duṭṭhacittaṃ nāma. **Lohitaṃ uppādetī**ti ettha tathāgatassa abhejjakāyatāya parūpakka mena cammacchedaṃ katvā lohitapaggharaṇaṃ nāma natthi, sarīrassa pana antoyeva ekasmiṃ ṭhāne lohitaṃ samosarati, āghātena pakuppamānaṃ sañcitaṃ hoti. Devada ttena paviddhasilato bhijjivā gatasakkhalikāpi tathāgatassa pādantaṃ pahari, pharasunā pahaṭo viya pādo antolohitoyeva ahoṣi. Jīvako pana tathāgatassa ruciyā satthakena cammaṃ chindivā tamhā ṭhānā duṭṭhalohitaṃ nīharivā phāsumakāsi, tenassa puññakammameva ahoṣi. Tenāha “**jīvako viyā**”ti-ādi.

Atha ye parinibbute tathāgate cetiyaṃ bhindanti, bodhiṃ chindanti, dhātumhi upakkamanti, tesam kiṃ hotīti? Bhāriyaṃ kammaṃ hoti ānantariyasadisam. Sadhātukaṃ pana thūpaṃ vā paṭimaṃ vā bādhamānaṃ bodhisākhāṃ chinditum vaṭṭati. Sacepi tattha nilīnā sakuṇā cetiye vaccaṃ pāṭenti, chinditum vaṭṭatiyeva. Paribhoga cetiyato hi sarīracetiyaṃ garutaraṃ. Cetiyaavatthum bhindivā gacchante bodhimūlepi chindivā haritum vaṭṭati. Yā pana bodhisākhā bodhigharaṃ bādhati, taṃ geharakkhaṇatthaṃ chinditum na labhati. Bodhi-atthañhi gehaṃ, na gehatthāya bodhi¹. Āsanagharepi eseva nayo. Yasmiṃ pana āsanaghare dhātu nihitā hoti, tassa rakkhaṇatthāya bodhisākhāṃ chinditum vaṭṭati. Bodhijagganatthaṃ ojoharaṇasākhāṃ vā pūṭiṭṭhānaṃ vā chinditum vaṭṭatiyeva, satthu rūpakāyapaṭijaggane viya puññampi hoti.

Mātughātakādivatthukathāvaṇṇanā niṭṭhitā.

1. Bodhiṃ (Syā, Ka)

Ubhatobyañjanakavatthukathāvaṇṇanā

116. **Ubhato byañjanamassa atthīti ubhatobyañjanakoti iminā** asamānādhī karaṇavisayo bāhiratthasamāsoyam, purimapade ca vibhatti-alopoti dasseti. **Byañjananti** cettha itthinimittam purisanimittaṇca adhippetam. Atha ubhatobyañjanakassa ekameva indriyam, udāhu dveti? Ekameva “yassa itthindriyam uppajjati, tassa purisindriyam uppajjatīti? No. Yassa vā pana purisindriyam uppajjati, tassa itthindriyam uppajjatīti? No”¹ti ekasmiṃ santāne indriyadvayassa paṭisiddhattā, taṇca kho itthi-ubhato byañjana kassa itthindriyam, purisa-ubhatobyañjanakassa purisindriyam. Yadi evam dutiyabyañja nakassa abhāvo āpajjati. Indriyañhi byañjanakāraṇam vuttam, taṇca tassa natthīti? Vuccate—na tassa indriyam dutiyabyañjanakāraṇam. Kasmā? Sadā abhāvato. Itthi-ubhatobyañjanakassa hi yadā itthiyā rāgacittam uppajjati, tadā purisabyañjanam pākaṭam hoti, itthibyañjanam paṭicchannam guḷam hoti, tathā itarassa itaram. Yadi ca tesam indriyam dutiyabyañjanakāraṇam bhavye, sadāpi byañjanadvayam tiṭṭheyya, na pana tiṭṭhati, tasmā veditabbametam “na tassa tam byañjanakāraṇam, kammahāyam pana rāgacittamevettha kāraṇam”²ti.

Yasmā cassa ekameva indriyam hoti, tasmā itthi-ubhatobyañjanako sayampi gabbham gaṇhāti, parampi gaṇhāpeti. Purisa-ubhatobyañjanako param gaṇhāpeti, sayam pana na gaṇhāti. Yadi paṭisandhiyam purisaliṅgam, yadi paṭisandhiyam itthiliṅganti ca paṭisandhiyam liṅgasabbhāvo kurundiyaṃ vutto, so ca ayukko. Pavattiyameva hi itthiliṅgādīni samuṭṭhahanti na paṭisandhiyam. Paṭisandhiyam pana indriyameva samuṭṭhāti, na liṅgādīni. Na ca indriyameva liṅganti sakkā vuttam indriyaliṅgānam bhinnasabhāvattā. Vuttañhetam **aṭṭhasāliniyam**²—

“Itthattam itthibhāvoti ubhayam ekattham, itthisabhāvoti attho.

Ayam kammajo paṭisandhisamuṭṭhito. Itthiliṅgādi pana itthindriyam paṭicca pavatte samuṭṭhitam. Yathā bīje sati bījam paṭicca bījapaccayā rukkho vaḍḍhitvā sākhaṇiṭṭhāpasampanno hutvā ākāsam

1. Abhi 7. 117 piṭṭhe.

2. Abhi-Ṭṭha 1. 358 piṭṭhe.

pūretvā tiṭṭhati, evameva itthibhāvasaṅkhāte itthindriye sati itthilingādīni honti. Bijaṃ viya hi itthindriyaṃ, bījaṃ paṭicca vadḍhitvā ākāsaṃ pūretvā ṭhitarukkho viya itthindriyaṃ paṭicca itthilingādīni pavatte samuṭṭhahanti. Tattha itthindriyaṃ na cakkhuvīññeeyaṃ, manovīññeeyameva. Itthilingādīni cakkhuvīññeeyānipi manovīññeeyānipi”ti.

Tenevāha “**tattha vicāraṇakkamo vitthārato aṭṭhasālīniyā dhammasaṅgahaṭṭhakathāya veditabbo**”ti.

Ubhatobyañjanakavatthukathāvaṇṇanā niṭṭhitā.

Anupajjhāyakādivatthukathāvaṇṇanā

117. **Sikkhāpadam apaññattam hotīti** idheva paññattam sikkhāpadam sandhāya vuttam. **Upajjham aggāhāpetvāti** “upajjhāyo me bhante hohī”ti evam upajjham aggāhā petvā. Kammavācāya pana upajjhāyakittanam kataṃyevāti daṭṭhabbam. Aññathā “puggalam na parāmasatī”ti vuttakammavipattisambhavato kammaṃ kuppeyya, teneva “upajjhāyam akittetvā”ti avatvā “upajjham aggāhāpetvā”icceva vuttam. Yathā ca aparipuṇṇapattacīvarassa upasampādanakāle kammavācāya “paripuṇṇassa pattacīvaran”ti asantavatthum kittetvā kammavācāya katāyapi upasampadā ruhati, evam “ayaṃ buddharakkhito āyasmato dhammarakkhitassa upasampadāpekkho”ti asantam puggalam kittetvā kevalam santapadanīhārena kammavācāya katāya upasampadā ruhatiyevāti daṭṭhabbam. Tenevāha “**kammaṃ pana na kuppattī**”ti. “Na bhikkhave anupajjhāyako upasampādetabbo, yo upasampādeyya, āpatti dukkaṭassā”ti ettakameva vatvā “so ca puggalo anupasampanno”ti avuttattā kammavipattilakkhaṇassa ca asambhavato “**taṃ na gahetabban**”ti vuttam. “Pañcavaggakaraṇaṅce bhikkhave kammaṃ paṇḍakapañcamo kammaṃ kareyya, akammaṃ na ca karaṇīyan”ti-ādivacanato¹ paṇḍakādīnampi ubhatobyañjanakapariyantānam gaṇapūrakabhāveyyeva kammaṃ kuppattī, na aññathāti āha “**ubhatobyañjanakupajjhāyapariyosānesupi eseva nayo**”ti.

Anupajjhāyakādivatthukathāvaṇṇanā niṭṭhitā.

Apattakādivatthukathāvaṇṇanā

118. Aññe vā bhikkhū dātukāmā hontīti sambandho.

Anāmaṭṭhapinḍapātanti aggahita-aggam piṇḍapātam. **Sāmaṇerabhāgasamako āmisabhāgoti** ettha kiñcāpi sāmaṇerānam āmisabhāgassa samakameva diyyamānattā visum sāmaṇerabhāgo nāma natthi, heṭṭhā gacchantam pana bhattam kadāci mandam bhaveyya, tasmā upari aggahetvā sāmaṇerapāḷiyāva gahetvā dātabboti adhippāyo. Niyatapabbajasseva cāyam bhāgo diyati. Teneva “**apakkam pattan**”ti-ādi vuttam.

Apattakādivatthukathāvaṇṇanā niṭṭhitā.

Hatthacchinnādivatthukathāvaṇṇanā

119. **Ajapadaket**i ajapadasaṅṭhāne padese. **Brahmujugattoti** brahmā viya ujugatto. **Avaseso sattoti** iminā lakkhaṇena rahitasatto. Etena ṭhapetvā mahāpurisam cakkavattiñca itare sattā khuddapakkhikāti dasseti. Yebhuyyena hi sattā khandhe kaṭiyam jāṇūsūti tisu ṭhānesu namanti. Te kaṭiyam namantā pacchato namanti, itaresu dvīsu ṭhānesu namantā purato namanti. Dīghasarīrā pana ekena passena vaṅkā honti, eke mukham unnāmetvā nakkhattāni gaṇayantā viya caranti, eke appamaṃsalohitā sūlasadisā honti, eke purato pabbhārā honti, pavedhamānā gacchanti. **Parivaṭumoti** samantato vaṭṭalo.

Aṭṭhisirācammasarīroti aṭṭhisirācammamattasarīro. **Kappasīsoti** dvidhābhūta sīso. **Kekaroti** tiriyaṃ passanto. “**Udakatārakā** nāma udakapubbulaṇ”ti gaṇṭhipadesu vuttam. **Akkhitārakāti** akkhibhaṇḍakā. **Nippakhumakkhīti** akkhidalalomehi virahita akkhiko. Pakhuma-saddo hi loke akkhidalalomesu nirulho. **Paṭaṅgamaṇḍūko**¹ nāma mahāmukhamaṇḍūko. **Eḷamukhoti** nīccapaggharaṇakalālamukho. **Sabbañcetanti** “kacchugatto vā”ti-ādim sandhāya vadati. **Vātaṇḍikoti** aṇḍakesu vuddhirogena samannāgato. **Vikaṭoti** tiriyaṃ gamanapādehi samannāgato, yassa ca

1. Kharakamaṇḍūko (Syā)

caṅkamato jāṇukā bahi gacchanti. **Paṇhoti**¹ pacchato parivattapādehi samannāgato, yassa caṅkamato jāṇukā anto pavisanti.

Kudaṇḍapādātāya kāraṇaṃ vibhāveti “**majjhe saṅkuṭitapādattā**”ti. **Agge saṅkuṭitapādattā**ti kuṇḍapādātāya kāraṇanidassanaṃ. Kuṇḍapādasseva gamanasabhāvaṃ vibhāveti “**piṭṭhipādaggena caṅkamanto**”ti. **Mammananti** khalitavacanaṃ. Yo ekameva akkharaṃ catupañcakkhattuṃ vadati, tassetāṃ adhivacanaṃ.

Hatthacchinnādivatthukathāvaṇṇanā niṭṭhitā.

Alajjīnissayavattukathāvaṇṇanā

120. Nissayaapaṭisaṃyuttavattūsu bhikkhūhi samāno silādiguṇabhāgo assāti bhikkhusabhāgo, tassa bhāgo **bhikkhusabhāgatā**. **Dve tīṇi divasāni vasitvā gantukāmena anissitena vasitabbanti** ettha “yāva bhikkhusabhāgataṃ jānāmi”ti ābhogaṃ vināpi anissitena vasitūṃ vaṭṭatīti adhippāyo. Bhikkhusabhāgataṃ pana jānanto “sve gamissāmi, kiṃ me nissayenā”ti aruṇaṃ uṭṭhapetuṃ na labhati. “Purāruṇā uṭṭhahitvāva gamissāmi”ti ābhogena sayantassa sace aruṇo uggacchati, vaṭṭati. “**Sattāhaṃ vasissāmi**”ti ālayaṃ karontena pana nissayo gahetabboti “sattāhamattaṃ vasissāmi, kiṃ bhikkhusabhāgatājānanenā”ti janane dhuraṃ nikkhipitvā vasitūṃ na labhati, bhikkhusabhāgataṃ upaparikkhitvā nissayo gahetabboti attho.

Gamikādinissayavattukathāvaṇṇanā

121. **Antarāmagge vissamanto vā -pa- anāpattī**ti asati nissayadāyake anāpatti. **Tassa nissāyāti** pāḷi-anurūpato vuttaṃ, taṃ nissāyāti attho. **Sace pana āsāḷimāse -pa- tattha gantabbanti** ettha sace so vassūpanāyikāya āsannāya gantukāmo suṇāti “asuko mahāthero āgamissati”ti, tañce āgameti, vaṭṭati.

1. Saṇḍoti (Syā, Ka)

āgamentasseva ce vassūpanāyikadivaso hoti, hotu gantabbaṃ tattha, yattha nissayadāyakaṃ labhati. Keci pana “sace so gacchanto jīvitantarāyaṃ brahmacariyantarāyaṃ vā passati, tattheva vasitabban”ti vadanti.

Gottena anussāvanānujānanakathāvaṇṇanā

122. “Itthannāmo itthannāmassa āyasmato”ti nāmakittanassa anussāvanāya āgatattā **“nāhaṃ ussahāmi therassa nāmaṃ gahetun”**ti vuttaṃ, “āyasmato pippalissa upasampadāpekkho”ti evaṃ nāmaṃ gahetuṃ na ussahāmīti attho. “Gottenapi anussā vetun”ti vacanato yena vohārena voharati, tena vaṭṭatīti siddhaṃ. “Konāmo te upajjhāyo”ti puṭṭhenapi gottameva nāmaṃ katvā vattabbanti siddhaṃ hoti, tasmā catubbidhesu nāmesu yena kenaci nāmena anussāvanā kātabbāti vadanti. Ekassa bahūni nāmāni honti, tattha ekaṃ nāmaṃ ñattiyā, ekaṃ anussāvanāya kātuṃ na vaṭṭati, atthato byañjanato ca abhinnāhi anussāvanāhi bhavitabbanti. Kiñcāpi “itthannāmo itthannā massa āyasmato”ti pāliyaṃ “āyasmato”ti padaṃ pacchā vuttaṃ, kammavācāpāliyaṃ pana “ayaṃ buddharakkhito āyasmato dhammarakkhitassā”ti paṭhamaṃ likhitanti taṃ uppaṭipāṭiyā vuttanti na paccetabbaṃ. Pāliyañhi “itthannāmo itthannāmassa āyasmato”ti atthamattaṃ dassitaṃ, tasmā pāliyaṃ avuttopi “ayaṃ buddharakkhito āyasmato dhammarakkhitassā”ti kammavācāpāliyaṃ payogo dassito. “Na me diṭṭho ito pubbe iccāyasmā sārīputto”ti ca “āyasmā sārīputto atthakusalo”ti ca paṭhamaṃ “āyasmā”ti payogassa dassanatoti vadanti. Katthaci “āyasmato buddharakkhitattherassā”ti vatvā katthaci kevalaṃ “buddharakkhitassā”ti sāveti, sāvanaṃ hāpetīti na vuccati nāmassa ahāpitattāti eke. Sace katthaci “āyasmato buddharakkhitassā”ti vatvā katthaci “buddharakkhitassāyasmato”ti sāveti, pāṭhānurūpattā khattameva otiṇṇantipi eke. Byañjanabhedappasaṅgato anussāvanānaṃ taṃ na vaṭṭatīti vadanti. Sace pana sabbaṭṭhānepi eteneva pakārena vadati, vaṭṭati.

Dve-upasampadāpekkhādivatthukathāvaṇṇanā

123. **Ekānussāvaneti** ettha ekato anussāvanam etesanti **ekānussāvanāti** asamānādhikaraṇavisayo bāhiratthasamāsoti daṭṭhabbam. Tenevāha “**dve ekato-anussāvane**”ti. Tattha **ekatoti** ekakkhaṇeti attho, vibhatti-alopena cāyam niddeso. **Purimanayeneva ekato-anussāvane kātunti** “ekena ekassa, aññena itarassā”ti-ādinā pubbe vuttanayena dvīhi vā tīhi vā ācariyehi ekena vā ekato-anussāvane kātum.

Upasampadāvidhikathāvaṇṇanā

126. **Vajjāvajjam upanijjhāyatīti upajjhāti** iminā upajjhāyasaddasamānattho upajjhāsaddopīti dasseti.

Cattāronissayādikathāvaṇṇanā

130. **Sambhogeti** dhammasambhoge āmisasambhoge ca. **Anāpatti sambhoge saṁvāseti** ettha ca ayamadhippāyo—yasmā ayam osāraṇakammassa katattā pakatattaṭṭhāne ṭhito, tasmā na ukkhittakena saddhim sambhogādapaccayā pācittiyam, nāpi alajjinā saddhim paribhogapaccayā dukkaṭam alajjīlakkhaṇānupapattito. Yo hi ucchurasakasaṭānam sattāhakālikayāvajjivikattā vaṭṭati vikāle ucchu khāditunti saññam uppādetvā tam khāditvā tappaccayā pācittiyam na passati “vaṭṭati”ti tathāsaññitāya, yo vā pana āpattimāpanabhāvam paṭijānitvā “na paṭikaromī”ti abhinivisati, ayam—

“Sañcicca āpattim āpajjati, āpattim parigūhati.

Agatigamanañca gacchati, ediso vuccati alajjīpuggalo”ti¹—

vuttalakkhaṇe apatanato alajjī nāma na hoti. Tasmā yathā pubbe yāva ukkhepanīyakammaṁ katam, tāva tena saddhim sambhoge saṁvāse ca anāpatti, evamidhāpīti sabbathā anāpattiṭṭhāneyeva anāpatti vuttāti

1. Vi 5. 279 piṭṭhe.

veditabbaṃ. Na hi bhagavā alajjinā saddhiṃ sambhogapaccayā
 āpattisambhave sati “anāpatti sambhoge saṃvāse”ti vadati. Tato yamettha
 kenaci “anāpatti sambhoge saṃvāse”ti iminā pācittiyena anāpatti vuttā,
 “alajjīparibhogapaccayā dukkaṭaṃ pana āpajjatiyevā”ti vatvā bahudhā
 papañcitā, na taṃ sārato paccetabbaṃ. Sesamettha uttānameva.

Iti samantapāsādikāya vinayaṭṭhakathāya sārattadīpaniyaṃ

Mahākhandaḥkavaṇṇanā niṭṭhitā.

2. Uposathakkhandhaka

Sannipātānujānanādikathāvaṇṇanā

132. Uposathakkhandhake taranti plavanti ettha bālāti **tittham**. **Itoti** imasmim sāsane laddhito. **Tam kathentī** “imasmim nāma divase muhutte vā idam kattabban”ti-ādinā kathenti.

134. “Suṇātu me bhante”ti-ādīsu yaṃ vattabban, tam **mātikāṭṭhakathāyaṃ**¹ vitthārato āgatamevāti na idha vitthārayissāma, atthikehi pana tatoyeva gahetabban.

135. **Āpajjitvā vā vuṭṭhitoti** ettha ārocitāpi āpatti asantī nāma hotīti veditabban. Teneva **mātikāṭṭhakathāyaṃ**² vuttam “yassa pana evaṃ anāpannā vā āpatti āpajjitvā ca pana vuṭṭhitā vā desitā vā ārocitā vā, tassa sā āpatti asantī nāma hotī”ti. Musāvādo nāma vacībhedapaccayā hotīti āha “**na musāvādalakkhaṇenā**”ti. **Bhagavato pana vacanenāti** sampajānamusāvāde kiṃ hoti? “Dukkaṭam hotī”ti iminā vacanena. **Vacīdvāre akiriyasamuṭṭhānā āpatti hotīti** yasmā yassa bhikkhuno adhammikāya paṭiññāya tuṅhībūtassa nisinnassa manodvāre āpatti nāma natthi, yasmā pana āvi katabban na āvi akāsi, tenassa vacīdvāre akiriyasamuṭṭhānā āpatti hoti.

Vācāti vācāya, ya-kāralopenāyaṃ niddeso. Kenaci manujena vācāya anālapantoti yojetabban. **Giram no ca pare bhaṇeyyāti** “ime sossantī”ti parapuggale sandhāya saddampi na nicchāreyya. **Āpajjeyya vācasikanti** vācato samuṭṭhitam āpattim āpajjeyya.

Antarāyakaroti vippaṭisāravatthutāya pāmojjādisambhavam nivāretvā paṭhamajjhānādīnam adhigamāya antarāyakaro. **Tassa bhikkhuno phāsu**

1. Kaṅkhā-Ṭṭha 85 piṭṭhe.

2. Kaṅkhā-Ṭṭha 100 piṭṭhe.

hotīti avippatisāramūlakānaṃ pāmojjādīnaṃ vasena tassa bhikkhuno sukhā paṭipadā sampajjatīti attho.

Sannipātānujānanādikathāvaṇṇanā niṭṭhitā.

Sīmānujānanakathāvaṇṇanā

138. **Itaropīti** suddhapāmsupabbatādīraṃ sandhāya vadati. **Hatthippamāṇo nāma pabbato** heṭṭhimakoṭiyā aḍḍhaṭṭhamaratanubbedho. **Tasmāti** yasmā ekena na vaṭṭati, tasmā. **Dvattimsapalagulaṇḍappamāṇatā** thūlatāya¹ gahetabbā, na tulagaṇānāya. **Antosāramissakānanti** antosārarukkhehi missakānaṃ. **Sūcidaṇḍakappamāṇoti** sihaḷadīpe lekhanadaṇḍappamāṇoti vadanti, so ca kaniṭṭhaṅguliparimāṇoti daṭṭhabbam. **Etanti** navamūlasākhāniggamaṇaṃ. **Parabhāge titteturū vaṭṭatīti** bahi nikkhamitvā ṭhitesu aṭṭhasu maggesu ekissā disāya ekaṃ, aparāya ekanti evaṃ catūsu ṭhānesu kitteturū vaṭṭati.

Yattha kathaci uttarantiyā bhikkhuniyā antaravāsako temiyatīti sikkhākara ṇīyaṃ āgatalakkhaṇena timaṇḍalaṃ paṭicchadetvā antaravāsakaṃ anukkipitvā titthena vā atitthena vā uttarantiyā bhikkhuniyā ekadvaṅgulamattampi antaravāsako temiyati. Bhikkhuniyā eva gahaṇaṅcetha bhikkhunīvibhaṅge bhikkhuniyā vasena nadīlakkhaṇassa pāḷiyāṃ āgatattā teneva nayena dassanattamaṃ kataṃ. **Sīmaṃ bandhantānaṃ nimittam hotīti** ayaṃ vuttalakkhaṇā nadī samuddaṃ vā pavisatu taḷākāṃ vā, pabhavato paṭṭhāya nimittam hoti. **Ajjhottharivā āvaraṇam pavattatiyevāti** āvaraṇam ajjhottharivā sandatiyeva. **Appavattamānāti** asandamānudakā. **Āvaraṇaṇhi patvā nadiyā yattake padese udakaṃ asandamānaṃ santiṭṭhati**, tattha nadīnimittam kāturū na vaṭṭati. Upari sandamānaṭṭhāneyeva vaṭṭati, asandamānaṭṭhāne pana udakanimittam kāturū vaṭṭati. **Ṭhitameva hi udakanimittam vaṭṭati**, na sandamānaṃ. Tenevāha **“pavattanaṭṭhāne nadīnimittam, appavattanaṭṭhāne udakanimittam kāturū vaṭṭatī”**ti. **Nadim bhinditvāti** mātikāmukhadvārena nadīkūlaṃ bhinditvā. **Ukkhepimanti** kūpato viya ukkipitvā gahetabbam.

1. Thulatāya (Ka)

Siṅghātakasaṅṭhānāti tikoṇaracchāsaṅṭhānā. **Mudiṅgasaṅṭhānā**ti mudiṅgabherī viya majjhe vitthatā ubhosu koṭṭisu saṅkoṭitā hoti. **Upacāraṃ ṭhapetvā**ti pacchā sīmaṃ bandhantānaṃ sīmāya okāsaṃ ṭhapetvā. **Antonimittagatehi vanā**ti ekassa gāmassa upaḍḍhaṃ anto kattukāmatāya sati sabbesaṃ āgamane payojanaṃ natthīti katvā vuttaṃ. **Āgantabbanti** ca sāmīcivasena vuttaṃ, nāyaṃ niyamo “āgantabbamevā”ti. Tenevāha “**āgamanampi anāgamanampi vaṭṭati**”ti. Abaddhāya hi sīmāya nānāgāmakhettānaṃ nānāsīmasabhāvattā tesāṃ anāgamanepi vaggakammaṃ na hoti, tasmā anāgamanampi vaṭṭati. Baddhāya pana sīmāya ekasīmabhāvato puna aññasmiṃ kamme kariyamāne anto sīmagatehi āgantabbamevāti āha “**avippavāsasīmā -pa- āgantabban**”ti. Nimittakittanakāle asodhitāyapi sīmāya nevatthi doso nimittakittanassa apalokaṇādīsu aññatarā bhāvato.

Bhaṇḍukammāpucchanāṃ sandhāya **pabbajjā**-gahaṇaṃ. **Sukhakarapaṇṭhanti** sabbesaṃ sannipātanaparissamaṃ pahāya appatarehi sukhakarapaṇṭhaṃ. **Ekavīsati bhikkhū gaṇhātīti** vīsativaggakaraṇīyaparamattā saṅghakammassa kammāratena saddhim ekavīsati bhikkhū gaṇhāti. Idañca nisinnānaṃ vasena vuttaṃ. Heṭṭhimantato hi yattha ekavīsati bhikkhū nisīdituṃ sakkonti, tattake padese sīmaṃ bandhituṃ vaṭṭati. **Na sakkhissanti**ti avippavāsasīmāya baddhabhāvaṃ asallakkhetvā “samānasaṃvāsaka meva samūhanissāmā”ti vāyamantā na sakkhissanti. Baddhāya hi avippavāsasīmāya taṃ asamūhanitvā “samānasaṃvāsakasīmaṃ samūhanissāmā”ti katāyapi kammavācāya asamūhatāva hoti sīmā. Paṭhamañhi avippavāsaṃ samūhanitvā pacchā sīmā samūhani tabbā. Ekaratanappamāṇā suviññeyyatarā hotīti katvā vuttaṃ “**ekaratanappamāṇā vaṭṭati**”ti. Ekaṅgulamattāpi sīmantarikā vaṭṭatiyeva. Tattakenapi hi sīmā asamhinnāva hoti.

Avasesanimitānīti mahāsīmāya bāhirapasse nimittāni. Khaṇḍasīmato paṭṭhāya bandhanaṃ āciṇṇaṃ, āciṇṇakaraṇeneva ca sammoho na hotīti āha “**khaṇḍasīmatova paṭṭhāya bandhitabbā**”ti. **Kuṭigeheti** kuṭighare, bhūmighareti attho. **Udukkhalanti** khuddakāvāṭaṃ. **Nimittaṃ na kātabbanti** taṃ rājiṃ vā udukkhalaṃ vā nimittaṃ na kātabbaṃ.

Heṭṭhā na otaratīti bhittito oraṃ nimittāni ṭhapetvā kittitattā heṭṭhā ākāsaṃ desañ na otarati. **Heṭṭhāpi otaratī**ti sace heṭṭhā antobhittiyaṃ ekavīsatiyā bhikkhūnaṃ okāso hoti, otarati. Otaramānā ca uparīsīmapamāṇena na otarati, samantā bhittippamā ṇena otarati. **Otaraṇānotaraṇaṃ vuttanayeneva veditabbanti**ti sace heṭṭhā ekavīsatiyā bhikkhūnaṃ okāso hoti, otarati. No ce, na otaratīti adhippāyo. **Sabbo pāsādo sīmaṭṭho hotī**ti uparimatalena saddhīm ekābaddhabhittiko vā hotu mā vā, sabbopi pāsādo sīmaṭṭhova hoti.

Tālamūlakapabbateti tālamūlasadise pabbate. So ca heṭṭhā mahanto hutvā anupubbena tanuko hotīti daṭṭhabbaṃ. **Paṇavasanaṭṭhāno** majjhe tanuko hoti mūle agge ca vitthato. **Heṭṭhā vā majjhe vā**ti mudiṅgasaṅṭhānassa heṭṭhā paṇavasanaṭṭhānassa majjhe. **Ākāsapabbhāraṇ**ti bhittiyā aparikkhittapabbhāraṇ. **Antoleṇaṃ hotī**ti pabbatassa anto leṇaṃ hoti. **Sīmāmāḷake**ti khaṇḍasīmāmāḷake. **Mahāsīmaṃ sodhetvā vā kammaṃ kātabbanti**ti mahāsīmagatā bhikkhū hatthapāsāṃ vā ānetabbā, sīmato vā bahi kātabbāti adhippāyo. **Gaṇṭhipadesu** pana “mahāsīmagatehi bhikkhūhi taṃ sākhaṃ vā pārohaṃ vā anāmasitvā ṭhātabbanti adhippāyo”ti vuttam, taṃ na gahetabbam. **Purima nayepī**ti khaṇḍasīmāya uṭṭahitvā mahāsīmāya oṇatarukkhepi. **Ukkhipāpetvā kātuṃ na vaṭṭatī**ti khaṇḍasīmāya anto ṭhitattā rukkhaṃ tattha ṭhito hatthapāsāmyeva ānetabboti ukkhipāpetvā kātuṃ na vaṭṭati.

140. **Pārayatī**ti ajjhottharati. **Pārā**ti sīmāpekkho itthiliṅganiddeso. **Assā**ti bhavēyya. Idhādhippetanāvāya pamāṇaṃ dassento āha “**yā sabbantimena paricchēdena -pa- tayo jane vahatī**”ti. Iminā ca vuttappamāṇato khuddakā nāvā vijjamānāpi idha asantapakkaṃ bhajatīti dīpeti. Avassaṃ labbhaneyyā dhuvanāvāva hotīti sambandho. Rukkhaṃ chinditvā katoti pāṭhaseso. **Paratīre sammukhaṭṭhā**neti orimatīre sabbapariyantanimittassa sammukhaṭṭhāne. **Sabbanimittānaṃ anto ṭhite bhikkhū hatthapāsagate katvā**ti ettha sace ekaṃ gāmakhettaṃ hoti, ubhosu tīresu sabbanimittānaṃ anto ṭhite bhikkhū hatthapāsagate

katvā sammannitabbā. Nānāgāmakkhettam ce,
 samānasamvāsakasīmābandhanakāle anāgantumpi vaṭṭati.
 Avippavāsasīmāsammutiyam pana āgantabbameva. Yasmā ubhosu tīresu
 nimittakittanamattena dīpako saṅgahito nāma na hoti, tasmā dīpakepi
 nimittāni visum kittetabbānevāti āha “**dīpakassa orimante ca pārimante ca
 nimittam kitte tabban**”ti. **Dīpakasikharanti** dīpakamatthakam.
Pabbatasañṭhānāti dīpakassa ekato adhikatarattā vuttam.

Sīmānujānanakathāvaṇṇanā niṭṭhitā.

Uposathāgārādīkathāvaṇṇanā

142. **Vatthuvāsena vuttanti** “mayañcamhā asammatāya bhūmiyā nisinnā
 pātimokkham assumhā”ti vatthumhi pātimokkhasavanassa āgatattā vuttam.
Uposathappa mukham nāma uposathāgārassa sammukhaṭṭhānam. Pāḷiyam
 “paṭhamam nimittā kittetabbā”ti ettakameva vatvā sīmāsammutiyam viya
 “pabbatanimittam pāsāṇa nimittan”ti-ādinā visesetvā nimittānam adassitattā
 “**khuddakāni vā -pa- yāni kānici nimittāni**”ti vuttam. Kittetum vaṭṭatīti
 iminā sambandho.

Avippavāsasīmānujānanakathāvaṇṇanā

144. **Assāti** bhikkhunisaṅghassa. **Dvepi sīmāyoti** paṭhamam vuttā
 avippavāsa sīmā samānasamvāsakasīmā ca. **Na kammavācam vaggam
 karontīti** kammavācam na bhindanti, kammam na kopentīti adhippāyo.
Etthāti “ṭhapetvā gāmañca gāmūpacāra ñcā”ti ettha. **Gāmañca
 gāmūpacārañca na ottharatīti** “ṭhapetvā gāmañca gāmūpacāra ñcā”ti
 vuttattā. **Sīmāsaṅkhyameva gacchatīti** avippavāsasīmāsaṅkham gacchati.
Ekampi kulam paviṭṭham vāti abhinavakatagehesu sabbapaṭhamam ekampi
 kulam paviṭṭham atthi. **Agatam vāti** porāṇakagāme aññesu gehāni chaḍḍetvā
 gatesu ekampi kulam agatam atthi.

Avippavāsasīmā na samūhantabbāti mahāsīmam sandhāya vadati.
Nirāsaṅkaṭṭhānesu ṭhatvāti cetiyaṅgaṇādīnam khaṇḍasīmāya anokāsattā
 vuttam. Khaṇḍasīmāñhi bandhantā tādisam ṭhānam pahāya aññasmim vivitte
 okāse

bandhanti. **Appeva nāma samūhanitum sakkhissantī** avippavāsaśīmaṃyeva samūha nitum sakkhissantī, na khaṇḍasīmaṃ. **Paṭibandhitum pana na sakkhissantevā**ti khaṇḍa sīmāya aññātattā na sakkhissantī. **Na samūhanitabbā**ti khaṇḍasīmaṃ ajānantehi na samūhanitabbā. Uposathassa visum gahitattā avasesakammavasena samānasamvāsatā veditabbā.

Gāmasīmādikathāvaṇṇanā

147. **Aparicchināyā**ti baddhasīmāvasena akataparicchedāya. **Yena kenaci khaṇitvā akatoti** antamaso tiracchānenapi khaṇitvā akato. **Tassa antohatthapāsam vijahitvā ṭhito kammaṃ kopetī**ti iminā bahiparicchedato yattha katthaci ṭhito kammaṃ na kopetīti dīpeti. Yam pana vuttam **mātikāṭṭhakathāyam**¹ “paricchedabbhantare hatthapāsam vijahitvā ṭhitopi paricchedato bahi aññam tattakamyeva paricchedam anatikkamitvā ṭhitopi kammaṃ kopeti, idam sabba-aṭṭhakathāsu sanniṭṭhānan”ti, tattha “aññam tattakamyeva paricchedam anatikkamitvā ṭhitopi kammaṃ kopetī”ti idam neva pāliyam, na aṭṭhakathāyam upalabbhati. Yadi cetam dvinnam saṃghānam visum uposathādikammakaraṇādhikāre vuttattā udakukkhepato bahi aññam udakukkhepam anatikkamitvā uposathādikaraṇattham ṭhito saṃgho sīmāsambhedasambhavato kammaṃ kopetīti iminā adhippāyena vuttam siyā, evam sati yujjeyya. Teneva **mātikāṭṭhakathāya līnatthappakāsaniyam** vuttam “aññam tattakamyeva paricchedanti dutiyam udakukkhepam anatikkantopi kopeti. Kasmā? Attano udakukkhepasīmāya paresam udakukkhepasīmāya ajjhotthaṭṭā sīmāsambhedo hoti, tasmā kopetī”ti. “Idam sabba-aṭṭhakathāsu sanniṭṭhānan”ti ca iminā adhippāyena vuttanti gahetabbam sabbāsupi aṭṭhakathāsu sīmāsambhedassa anicchitattā. Teneva hi “attano ca aññesaṅca udakukkhepaparicchedassa antarā añño udakukkhepo sīmantarikathāya ṭhapetabbo”ti vuttam. Aññe panettha aññathāpi papañcenti, tam na gahetabbam.

Sabbattha saṃgho nisīdatīti hatthapāsam avijahitvā nisīdati.
Udakukkhepasīmākamman natthīti yasmā sabbopi nadīpadeso bhikkhūhi

1. Kaṅkhā-Ṭṭha 91 piṭṭhe.

ajjhotthāto, tasmā samantato nadiyā abhāvā udakukkhepe payojanam natthi. Udakukkhe pappamāṇā sīmantarikā suviññeyyatarā hoti, sīmāsambhedasaṅkā na ca siyāti sāmīcidassanattamā **“añño udakukkhepo sīmantarikatthāya ṭhapetabbo”**ti vuttam. Yattakena pana sīmāsambhedo na hoti, tattakam ṭhapetum vaṭṭatiyeva. Tenevāhu porāṇā **“yattakena sīmāsaṅkaro na hoti, tattakampi ṭhapetum vaṭṭatī”**ti. **Ūnakam pana na vaṭṭatī**ti idampi udakukkhepasīmāya parisavasena vaḍḍhanato sīmāsambhedasaṅkā siyāti taṇnivāraṇatthameva vuttam.

Gacchantiyā pana nāvāya kātum na vaṭṭatīti ettha udakukkhepamanatikkamitvā parivattamānāya kātum vaṭṭatīti veditabbam. **Sīmam vā sodhetvā**ti ettha **sīmasodhanam** nāma gāmasīmādīsu ṭhitānam hatthapāsānayanādi. **“Nadim vināsetvā taḷakam karontī”**ti vuttamevattham vibhāveti **“hetthā pāli baddhā”**ti, hetthānadim āvaritvā pāli baddhāti attho. **Chaḍḍitamodakanti** taḷakarakkhaṇattham ekamantena chaḍḍitamudakam. **Deve avassanteti** dubbuṭhikāle vassānepi deve avassante. **Uppatitvā**ti uttaritvā. **Gāmanigamasīmam ottharivā pavattatī**ti vuttappakāre vassakāle cattāro māse abbochinnā pavattati. **Vihārasīmanti** baddhasīmam sandhāya vadati.

Agamanapatheti yattha tadaheva gantvā paccāgantum na sakkā hoti, tādise padese araññasīmāsaṅkhameva gacchatīti sattabbhantarasiṅgam sandhāya vadati. **Tesanti** macchabandhanam. **Gamanapariyantassa oratoti** gamanapariyantassa orimabhāge dīpakam pabbatañca sandhāya vuttam, na samuddappadesam.

148. **Samsatṭhaviṭṭapā**ti iminā aññamaññassa āsannatam dīpeti. **Baddhā hotīti** pacchimadisābhāge sīmam sandhāya vuttam. **Tassā padesanti** yattha ṭhatvā bhikkhūhi kammam kātum sakkā hoti, tādīsam padesam. Yattha pana ṭhitehi kammam kātum na sakkā hoti, tādīsam padesam antokarivā bandhantā sīmāya sīmam sambhindanti nāma. **Dvinnam sīmānam nimittam hotīti** nimittassa sīmato bāhirattā sīmāsambhedo na hotīti vuttam. **Sīmasaṅkaram karotīti** vaḍḍhitvā sīmapadesam pavitṭhe dvinnam sīmānam gataṭṭhānassa duviññeyyattā vuttam, na pana tattha kammam kātum na vaṭṭatīti dassanattam. Na hi sīmā

tattakena asīmā hoti, dve pana sīmā pacchā vaḍḍhitena rukkhena
ajjhotthaṭṭā ekābaddhā honti, tasmā ekattha ṭhatvā kammaṃ karontehi
itaraṃ sodhetvā kātabbā.

Gāmasīmādikathāvaṇṇanā niṭṭhitā.

Uposathabhedādikathāvaṇṇanā

149. **Adhammena vaggāṃ uposathakammanti** ettha yattha cattāro
vasanti, tattha pātimokkhuddeso anuññāto. Yattha dve vā tayo vā vasanti,
tattha pārisuddhi uposatho. Idha pana tathā akatvā catunnaṃ vasanaṭṭhāne
pārisuddhi-uposathassa katattā tiṇṇaṃ vasanaṭṭhāne ca pātimokkhassa
uddiṭṭhattā “adhammenā”ti vuttaṃ. Yasmā sabbeva na sannipatiṃsu,
chandapārisuddhi ca saṃghamaṃjhamyeva āgacchati, na gaṇamaṃjhamā, tasmā
“vaggā”ti vuttaṃ.

Pātimokkhuddesakathāvaṇṇanā

150. **Evametaṃ dhārayāmīti** “sutā kho panāyasmantehi”ti ettha
“evametaṃ dhārayāmī”ti vatvā “uddiṭṭhaṃ kho āyasmanto nidānaṃ, sutā
kho panāyasmantehi cattāro pārājikā dhammā”ti vattabbaṃ. Teneva
mātikāṭṭhakathāyaṃ¹ “tatthāyasmante pucchāmi kaccittha parisuddhā,
dutiyaṃ pucchāmi -pa- tasmā tuṇhī, evametaṃ dhārayāmīti vatvā
'uddiṭṭhaṃ kho āyasmanto nidāna'nti-ādinā nayena avasese sutena sāvite
uddiṭṭho hotī”ti vuttaṃ. **Sutenā**ti sutapadena. **Savarabhayanti**² vanacaraka
bhayaṃ. Tenāha “**aṭṭavimanussabhayan**”ti. “Avasesaṃ sutena sāvetaṭṭhaṃ”ti
vacanato nidānuddese aniṭṭhite sutena sāvetaṭṭhaṃ nāma natthīti āha
“**dutiyaḍḍisu uddesesu**”ti. Uddiṭṭha-uddesāpekkhañhi avasesaggahaṇaṃ,
tasmā nidāne uddiṭṭhe pārājikuddesāḍḍisu yasmim vippakate antarāyo
uppaṃjati, tena saddhim avasesaṃ sutena sāvetaṭṭhaṃ.

1. Kaṅkhā-Ṭṭha 84 piṭṭhe.

2. Sañcarabhayanti (Syā)

Tīhipi vidhīhīti osāraṇakathanasarabhaññehi. Ettha ca atthaṃ bhaṇitukāmatāya suttassa osāraṇā **osāraṇaṃ** nāma. Tasseva atthappakāsanā **kathanaṃ** nāma. Suttassa tadatthassa vā sarena bhaṇanaṃ **sarabhaññaṃ** nāma. **Sajjhāyaṃ adhiṭṭhahitvāti** “sajjhāyaṃ karomī”ti cittaṃ uppādetvā. **Osāretvā pana kathentenāti** paṭhamam ussāretvā pacchā atthaṃ kathentena. **Manussānaṃ pana “bhaṇāhī”ti vattuṃ vaṭṭatīti** ettha uccatare nisinnenapi manussānaṃ bhaṇāhīti visesetvāyeva vattuṃ vaṭṭati, avisesetvā pana na vaṭṭati. **Sajjhāyaṃ karontenāti** yattha katthaci nisīditvā sajjhāyaṃ karontena. **Theroti yo koci attanā vuḍḍhataro. Ekaṃ āpucchitvāti** ekaṃ vuḍḍhataram āpucchitvā. **Aparo āgacchatīti** aparo tatopi vuḍḍhataro āgacchati.

Pātimokkhuddesakathāvaṇṇanā niṭṭhitā.

Patimokkhuddesaka-ajjhesanādikathāvaṇṇanā

155. **Codanāvattu** nāma ekaṃ nagaram. **Samgha-uposathādibhedena navavidhanti** samghe uposatho gaṇe uposatho puggale uposathoti evam kārakavasena tayo, suttuddeso pārisuddhi-uposatho adhiṭṭhānuposathoti evam kattabbākāravasena tayo, cātuddasiko pannarasiko sāmaggī-uposathoti evam divasavasena tayoti navavidham. **Catubbidham uposathakammanti** adhammena vaggam uposathakammaṃ, adhammena samaggam uposathakammaṃ, dhammena vaggam uposathakammaṃ, dhammena samaggam uposathakammanti evam catubbidhampi uposathakammaṃ. **Duvidham pātimokkhanti** bhikkhupātimokkham bhikkhunīpātimokkhanti duvidham pātimokkham. **Navavidham pātimokkhuddesanti** bhikkhūnam pañca uddesā, bhikkhunīnam ṭhapetvā aniyatuddesam avasesā cattāroti navavidham pātimokkhuddesam.

Pakkhagaṇanādi-uggahaṇānujānanakathāvaṇṇanā

158-161. **Samannāharathāti** sallakkhetha. **Pariyesitabbānīti** bhikkhācārena pariyesitabbāni.

Disaṅgamikādivatthukathāvaṇṇanā

163. Utuvasseyevāti hemantagimhesuyeva.

Pārisuddhidānakathāvaṇṇanā

164. Yena kenaci aṅgapaccaṅgena viññāpetīti manasā cintetvā hatthappayogā dinā yena kenaci viññāpeti. Saṅgho nappahotīti dvinnam dvinnam antarā hatthapāsam avijahitvā paṭipāṭiyā ṭhātuṃ nappahoti. Itarā pana biḷālasaṅkhalikapārisuddhi nāmāti ettha keci vadanti “biḷālasaṅkhalikā baddhāva hoti antogehe eva sampayojanattā, yathā sā na katthaci gacchati, tathā sāpi na gacchatīti adhippāyo. Itarathā visesanaṃ niratthakaṃ hotī”ti. Apare pana “yathā bahūhi manussehi ekassa biḷālassa attano attano saṅkhalikā gīvāya ābaddhā biḷāle gacchante gacchanti ābaddhattā, na aññasmim biḷāle gacchante gacchanti anābaddhattā, evamevassa bhikkhussa bahūhi saṅkhalikasadisā chandapārisuddhi dinnā, sā tasmim bhikkhusmim gacchante gacchati tasmim saṅkhalikā viya ābaddhattā, na aññasmim anābaddhattā”ti vadanti. Sabbampetaṃ na sārato paccetabbaṃ. Ayaṃ panettha sāro—yathā saṅkhalikāya paṭhamavalayaṃ dutiyānyeva valayaṃ pāpuṇāti, na tatiyaṃ, evamayampi pārisuddhidāyakena yassa dinnā, tato aññattha na gacchatīti saṅkhalikasadisattā “biḷālasaṅkhalikā”ti vuttā. Biḷālasaṅkhalika gahaṇaṅcetha yāsam kāsānci saṅkhalikānaṃ upalakkhaṇamattanti daṭṭhabbaṃ.

Chandadānakathāvaṇṇanā

165. “Santi saṅghassa karaṇīyāni”ti vattabbe vacanavipallāsena “karaṇīyan”ti vuttaṃ. Tassa sammutidānakiccaṃ natthi. “Hatthapāsam ānetabboevā”ti gaṇṭhipadesu vuttaṃ.

Saṅghuposathādikathāvaṇṇanā

168. Saṅghasannipātato paṭhamaṃ kātabbaṃ **pubbakaraṇanti** vuttaṃ, pubbaka raṇato pacchā kātabbampi uposathakammato paṭhamaṃ kātabbattā **pubbakiccanti** vuttaṃ. Ubhayampi cetaṃ uposathakammato paṭhamaṃ kattabbattā katthaci **pubbakiccamicca**eva voharīyati “kim saṅghassa pubbakiccan”ti-ādīsu viya.

Uposathoti tīsu uposathadivasesu aññataradivaso. Tasmiñhi sati idaṃ saṃghassa uposathakammaṃ pattakallaṃ nāma hoti, nāsati. Yathāha “na ca bhikkhave anuposathe uposatho kātabbo”¹. **Yāvaticā ca bhikkhū kammappattāti** yattakā bhikkhū tassa uposathakammassa pattā yuttā anurūpā sabbantimena paricchena cattāro bhikkhū pakatattā, te ca kho hatthapāsāṃ avijahitvā ekasīmāyaṃ ṭhitā. **Sabhāgāpattiyo ca na vijjantīti** ettha yaṃ sabbo saṃgho vikālabhojanādinā sabhāgavatthunā lahukāpattim āpajjati, evarūpā “**vatthusabhāgā**”² ti vuccanti. Etāsu hi avijjamānāsu visabhāgāsu vijjamānāsupi **pattakallaṃ** hotiyeva.

Vajjanīyā ca puggalā tasmim na hontīti “na bhikkhave sagahaṭṭhāya parisāyā”² ti vacanato gahaṭṭho, “na bhikkhave bhikkhuniyā nisinnaparisāya pātīmokkhaṃ uddisitabban”³ ti-ādinā³ nayena vuttā bhikkhunī sikkhamānā sāmaṇero sāmaṇerī sikkhāpaccakkhātako antimavatthu-ajjhāpannako āpattiyā adassane ukkhittako āpattiyā appaṭikamme ukkhittako pāpikāya ditṭhiyā appaṭinissagge ukkhittako paṇḍako theyyasaṃvāsako titṭhiyapakkantako tiracchānagato mātughātako pitughātako arahantaghātako bhikkhunīdūsako saṃghabhedako lohituppādako ubhatobyañjanakoti ime vīsati cāti ekavīsati puggalā vajjanīyā nāma, te hatthapāsato bahikaraṇavasena vajjetabbā. Etesu hi tividhe ukkhittake sati uposathaṃ karonto saṃgho pācittiyaṃ āpajjati, sesesu dukkaṭaṃ. Ettha ca **tiracchānagatoti** yassa upasampadā paṭikkhittā, sova adhippeto, titṭhiyā gahaṭṭheneva saṅgahitā. Etepi hi vajjanīyā. Evaṃ pattakallaṃ imehi catūhi aṅgehi saṅgahitanti veditabbaṃ.

Ajja me uposatho pannarasotipīti pi-saddena pāliyaṃ āgatanayeneva “ajja me uposatho”⁴ tipi vattum vaṭṭatīti dīpeti. **Mātikāṭṭhakathāyaṃ**⁴ pana “ajja me uposatho cātuddasoti vā pannarasoti vā vatvā adhiṭṭhāmīti vattabban”⁴ ti vuttaṃ.

Samghuposathādikatāvaṇṇanā niṭṭhitā.

1. Vi 3. 190 piṭṭhe.

3. Vi 3. 189 piṭṭhe.

2. Vi 3. 155 piṭṭhe.

4. Kaṅkhā-Ṭṭha 95 piṭṭhe.

Āpattiṭṭikammavidhikathāvaṇṇanā

169. Nanu ca “na bhikkhave sāpattikena uposatho kātabbo, yo kareyya, āpatti dukkaṭassā”ti evaṃ sāpattikassa uposathakaraṇe visuṃ paññattā āpatti na dissati, tasmā bhagavatā paññattaṃ “na sāpattikena uposatho kātabbo”ti idaṃ kasmā vuttanti āha “**yassa siyā āpatti -pa- paññattaṃ hotīti veditabban**”ti. Kiñcāpi visuṃ paññattā āpatti na dissati, atha kho “yassa siyā āpatti, so āvikareyyā”ti-ādiṃ vadantena atthato paññattā yevāti adhippāyo.

Pārisuddhidānapaññāpanena cāti imināva “sāpattikena pārisuddhipi na dātabbā”ti dīpitaṃ hoti. Na hi sāpattiko samāno “pārisuddhiṃ dammi, pārisuddhiṃ me hara, pārisuddhiṃ me ārocehī”ti vattumarahati. Tasmā pārisuddhiṃ dentena paṭhamāṃ santī āpatti desetabbā “ahaṃ āvuso itthannāmāya āpattiyā vematiko, yadā nibbematiko bhavissāmi, tadā taṃ āpattim paṭikarissāmi”ti vatvā uposatho kātabbo. “Pātimokkhaṃ sotabban”ti vacanato yāva nibbematiko na hoti, tāva sabhāgāpattim paṭiggahetuṃ na labhati, aññesañca kammānaṃ parisuddho nāma hoti. “Puna nibbematiko hutvā desetabbanā na cā”ti¹ neva pāliyaṃ na aṭṭhakathāyaṃ atthi, desite pana doso natthi. “Ito vuṭṭhahitvā paṭikarissāmīti etthāpi eseva nayo”ti **gaṇṭhipadesu** vuttam. Yathā sabbo saṃgho sabhāgāpattim āpajjitvā “suṇātu me bhante saṃgho-pa- paṭikarissatī”ti ñattim ṭhapetvā uposatham kātum labhati, evaṃ tīhi “suṇantu me āyasmantā, ime bhikkhū sabhāgam āpattim āpannā. Yadā aññaṃ bhikkhum suddham anāpattikaṃ passissanti, tadā tassa santike taṃ āpattim paṭikarissantī”ti gaṇaṇattim ṭhapetvā, dvīhi aññaṃaññaṃ ārocetvā uposatham kātum vaṭṭati. Ekenapi “parisuddham labhitvā paṭikarissāmi”ti ābhogaṃ katvā kātum vaṭṭatīti ca vadanti.

Āpattiṭṭikammavidhikathāvaṇṇanā niṭṭhitā.

1. Na vāti (Syā)

Līṅgādīdassanakathāvaṇṇanā

179. **Ācārasaṅṭhānanti** ācārasaṅṭhiti. Ākarīyati pakāsīyati etenāti **ākāro**. Līnaṃ gamayati bodhetīti **liṅgaṃ**. Nimiyanti paricchijja ñāyanti etenāti **nimittam**. Uddisīyanti apadisīyanti etenāti **uddeso**. “Amhākaṃ idan”ti aññātāṃ aviditanti **aññātakaṃ**. Tañca atthato parasantakamyevāti āha “**aññesaṃ santakan**”ti.

180. **Nānāsaṃvāsakabhāvanti** laddhinānāsaṃvāsakabhāvaṃ. Tassa abhibhavo nāma tesam laddhivissajjāpananti āha “**taṃ diṭṭhiṃ na nissajjāpentīti attho**”ti.

Nagantabbagantabbavārakathāvaṇṇanā

181. **Uposathādhiṭṭhānattham sīmāpi nadīpi na gantabbāti** garukaṃ pātimokkhuddesaṃ vissajjetvā lahukassa akattabbattā vuttam. **Āraññakenāpi bhikkhunāti** ekacārikena āraññakabhikkhunā, yattha vā saṅghapahonakā bhikkhū na santi, tādise araññe vasantena. **Tattha uposatham katvāva gantabbanti** tassa vasanaṭṭhāne saṅghuposathassa appavattanato vuttam. **Uposathantarāyoti** attano uposathantarāyo.

Vajjanīyapuggalasandassanakathāvaṇṇanā

183. **Hatthapāsūpagamaṇameva pamāṇanti** bhikkhunī-ādayo ṭhitā vā hontu nisinnā vā, tesam hatthapāsūpagamaṇameva āpattiyā pamāṇanti adhippāyo, tasmā ekasīmāyampi hatthapāsam jahāpetvā uposatham kātum vaṭṭati. Sesamettha uttānameva.

Uposathakkhandhakavaṇṇanā niṭṭhitā.

3. Vassūpanāyikakkhandhaka

Vassūpanāyikānujānanakathāvaṇṇanā

184. Vassūpanāyikakkhandhake **idha-saddo nipātamattoti** okāsaparidīpanassapi asambhavato atthantarassa abodhanato vuttaṃ. **Aparajjugatāya assāti** iminā asamānādhikaraṇavisayo bāhiratthasamāsoyanti dasseti. **Aparajjūti** āsālhipuṇṇamito aparaṃ dinaṃ, pāṭipadanti attho. **Assāti** āsālhipuṇṇamiyā.

Vassāne cārikāpaṭikkhepādikathāvaṇṇanā

185. **Anapekkhagamanena vā aññattha aruṇaṃ utthāpanena vā āpatti** **veditabbāti** ettha anapekkhagamanena upacārātikame āpatti veditabbā, sāpekkhagamanena aññattha aruṇuṭthāpanena āpatti veditabbā.

Sattāhakarāṇiyānujānanakathāvaṇṇanā

187-189. **Tiṇi parihīnānīti** bhikkhunīnaṃ vaccakuṭi-ādīnaṃ paṭikkhittatā pahīnāni. **Vāreyyanti** āvāhavivāhamaṅgalaṃ. **Suttantoti** attano paṇṇasuttanto. **Na palujjatīti** na vinassati na antaradhāyati.

Pahiteyeva anujānanakathāvaṇṇanā

199. **Bhikkhugatikoti** bhikkhunissitako. So pana yasmā bhikkhūhi saddhim vasati, tasmā vuttaṃ “**bhikkhūhi saddhim vasanakapuriso**”ti. Sattāhakarāṇiyena gantvā bahiddhā aruṇuṭthāpanaṃ **ratticchedo**. **Animantitena gantuṃ na vaṭṭatīti** ettha animantitattā sattāhakiiccaṃ adhiṭṭhahitvā gacchantassapi vassacchedo ceva dukkaṭaṅca hotīti veditabbāṃ. Yathāvuttaṅhi ratticchedakāraṇaṃ vinā tirovihāre vasitvā āgacchissā mīti gacchatopi vassacchedaṃ vadanti. **Gantuṃ vaṭṭatīti** sattāhakarāṇiyena gantuṃ vaṭṭati. Evaṃ gacchantena ca anto-upacārasīmāyaṃ ṭhiteneva “antosattāhe āgacchi ssāmī”ti ābhogaṃ katvā gantabbāṃ. Sace ābhogaṃ akatvā upacārasīmaṃ atikkamati, chinnavassova hotīti vadanti. **Bhaṇḍakanti** cīvaraṃ sandhāya vuttaṃ. **Pahiṇantīti** cīvaradhovanādikammaṃ pahīnanti.

Sampāpuṇitum na sakkoti, vaṭṭatīti ettha “ajjeva āgamiṣṣāmī”ti sāmantavihāraṃ gantvā puna āgacchantassa antarāmagge sace aruṇuggamanam hoti, vassacchedopi na hoti, ratticchedadukkaṭaṅca natthīti vadanti. “**Ācariyam passissāmī**”ti pana gantum labhatīti “agilānampi ācariyam upajjhāyam vā passissāmī”ti sattāhakaraṇīyena gantum labhati. **Sace pana nam ācariyo “ajja mā gacchā”ti vadati, vaṭṭatīti** evaṃ sattāhakaraṇīyena gataṃ antosattāheyeva puna āgacchantam sace ācariyo upajjhāyo vā “ajja mā gacchā”ti vadati, vaṭṭati, sattāhātikkamepi anāpattīti adhippāyo, vassacchedo pana hotiyevāti daṭṭhabbam sattāhassa bahiddhā vītināmitattā.

Antarāye anāpattivassacchedakavaṇṇanā

201. **Sace dūram gato hoti, sattāhavārena aruṇo utthāpetabboti** iminā vassacchedakāraṇe sati sattāhakaraṇīyena gantum vaṭṭatīti dīpeti.

Vajādīsu vassūpagamanakathāvaṇṇanā

203. “**Idha vassam upemī**”ti tikkhattum vattabbanti satthassāvihārattā “imasmiṃ vihāre”ti avatvā “idha vassam upemī”ti ettakameva vattabbanam. **Satthe pana vassam upagantum na vaṭṭatīti** kuṭikādīnam abhāve¹ “idha vassam upemī”ti vacībhedaṃ katvā upagantum na vaṭṭati, ālayakaraṇamatteneva vaṭṭatīti adhippāyo. **Vippakiratīti** visum visum gacchati. **Tīsu thānesu natthi vassacchede āpattīti** tehi saddhiṃ gacchantasseva natthi āpatti, tehi viyujjitvā gamane pana āpattiyeva, pavāretuṅca na labhati.

Vassam anupagantabbatthānakathāvaṇṇanā

204. **Seyyathāpi pisācillikāti** ettha pisācā eva **pisācillikā**, pisācadārakātipi vadanti. **Pavisanadvāram yojetvāti** sakavāṭabaddhameva yojetvā. **Pañcannam chadanānanti** tiṇapaṇṇa-iṭṭhakasilāsudhāsankhātānam pañcannam chadanānam. Idaṅca yebhuyyena vuttanti veditabbanam

1. Abhāvena (Syā)

rukkhādīsu padaracchadanāyapi kuṭikāya vassūpagamanassa vuttatā. **Na bhikkhave asenāsanikena vassam upagantabbanti** vacībhedaṃ katvā vassūpagamanam sandhāyeva paṭikkhepo, na ālayakaraṇavasena upagamanam sandhāyāti vadanti. Pāliyam pana avisesena vuttatā aṭṭhakathāyañca dutiyapārājikasamvaṇṇanāyam¹ “vassam upagaccha ntena hi nālakapaṭipadam paṭipannenapi pañcannam chadanānam aññatarena channeyeva sadvārabandhe senāsane upagantabbam. Tasmā vassakāle sace senāsanam labhati, iccetaṃ kusalam. No ce labhati, hatthakammaṃ pariyesitvāpi kātabbam. Hattha kammaṃ alabhantena sāmampi kātabbam, na tveva asenāsanikena vassam upaga ntabban”ti daḷham katvā vuttatā asenāsanikassa nāvādim vinā aññattha ālayo na vaṭṭatīti amhākaṃ khanti. Nāvāsattthavajesuyeva hi “anujānāmi bhikkhave nāvāya vassam upagantun”ti-ādinā sati asati vā senāsane vassūpagamanassa visum anuññātattā “na bhikkhave asenāsanikena vassam upagantabbam”ti ayam paṭikkhepo tattha na labhatīti asati senāsane ālayavasenapi nāvādīsu upagamanam vuttam. **Ṭaṅkitamañco** nāma dīghe mañcapāde majjhe vijjhivā aṇiyo pavesetvā kato mañco. Tassa idam upari idam heṭṭhāti natthi, parivattetvā atthatopi tādisova hoti, tam susāne devaṭṭhāne ca ṭhapenti, catunnam pāsāṇanam upari pāsāṇam attharivā katam gehampi “ṭaṅkitamañco”ti vuccati.

Vassam anupagantabbatṭhānakathāvaṇṇanā niṭṭhitā.

Adhammikakatikakathāvaṇṇanā

205. **Tassā lakkhaṇam mahāvibhaṅge vuttanti** catutthapārājikasamvaṇṇanāyam “yo imamhā āvāsā paṭhamam pakkamissati, tam mayam arahāti jānissāmā”ti ettha² dassitam adhammikakatikavattalakkhaṇam sandhāya vadati, paratopi senāsanakkhandhakavaṇṇanāyam adhammikam katikavattam āvi bhavissatiyeva.

1. Vi-Ṭṭha 1. 248 piṭṭhe.

2. Vi 1. 144 piṭṭhe.

Paṭissavadukkaṭṭāpattikathāvaṇṇanā

207. Yasmā nānāsīmāyaṃ dvīsu āvāsesu vassaṃ vasantassa dutiye “vasāmi”ti citte uppanne paṭhamasenāsanaggāho paṭippassambhati, puna paṭhameyeva “vasāmi”ti citte uppanne dutiyo paṭippassambhati, tasmā “tassa bhikkhave bhikkhuno purimikā ca na paññāyati”ti vuttaṃ. Paṭissavassa visaṃvādanapaccayā hontampi dukkaṭṭaṃ satiyeva paṭissave hotīti āha “tassa tassa paṭissave dukkaṭṭaṃ”ti. Tenevāha “tañca kho -pa-pacchā visaṃvādanapaccayā”ti.

Akaraṇīyoti sattāhakarāṇīyena akaraṇīyo. **Sakaraṇīyoti** sattāhakarāṇīyeneva sakaraṇīyo. Yadi evaṃ “sattāhakarāṇīyena akaraṇīyo sakaraṇīyo”ti ca kasmā na vuttanti? “Akaraṇīyo”ti vuttepi sattāhakarāṇīyena sakaraṇīyākaraṇīyatā viññāyatīti katvā na vuttaṃ. Yadi evaṃ parato “sattāhakarāṇīyena pakkamaṭī”ti vāradvayepi “sakaraṇīyo pakkamaṭī”ti ettakameva kasmā na vuttanti? Vuccate—tatha “sattāhakarāṇīyena”ti avatvā “sakaraṇīyo pakkamaṭī”ti vutte so taṃ sattāhaṃ bahiddhā vītināmetīti na sakkā vattunti “sattāhakarāṇīyena pakkamaṭī”ti vuttaṃ. Evañhi vutte sattāhassa adhikatattā so taṃ sattāhaṃ bahi vītināmetīti sakkā vattum.

Ettha ca ādimhi cattāro vārā nirapekkhagamaṇaṃ sandhāya vuttā, tatthāpi purimā dve vārā vassaṃ anupagatassa vasena vuttā, pacchimā pana dve vārā vassaṃ upagatassa vasena, tato paraṃ dve vārā sāpekkhagamaṇaṃ sandhāya vuttā, tatthāpi paṭhamavāro sāpekkhassapi sattāhakarāṇīyena gantvā taṃ sattāhaṃ bahiddhā vītināmentassa vassacchedadassanattamaṃ vutto, itaro vuttanayeneva gantvā antosattāhe nivattantassa vassacchedābhāvadassanattamaṃ. “So sattāhaṃ anāgatāya pavāraṇāya sakaraṇīyo pakkamaṭī”ti ayaṃ pana vāro navamito paṭṭhāya gantvā sattāhaṃ bahiddhā vītināmentassapi vassacchedābhāvadassanattamaṃ vutto. Ettha ca “akaraṇīyo pakkamaṭī”ti dutiyavārassa anāgatattā navamito paṭṭhāya gacchantenapi satiyeva karaṇīye gantabbaṃ, nāsatiṭi daṭṭhabbaṃ. Ime ca satta vārā bahiddhā kata-uposathikassa vasena āgatā,

apare satta antovihāraṃ gantvā kata-uposathassa vasenāti evaṃ purimikāya vasena cuddasa vārā vuttā, tato paraṃ pacchimikāya vasena teyeva cuddasa vārā vuttāti evametesam nānākaraṇaṃ veditabbaṃ.

Imehi pana sabbavārehi vuttamatthaṃ sampiṇḍetvā dassetuṃ “**so tadaheva akaraṇīyoti-ādīsū**”ti-ādi āraddhaṃ. **Ko pana vādo dvīhatīhaṃ vasitvā antosattāhe nivattantassāti** vassaṃ upagantvā dvīhatīhaṃ vasitvā sattāhakaraṇīyena gantvā antosattāhe nivattantassa ko pana vādo, kathā eva natthīti adhippāyo. **Asatiyā pana vassaṃ na upetīti** “imasmim vihāre imaṃ temāsaṃ vassaṃ upemī”ti vacībhedaṃ katvā na upeti.

Komudiyā cātumāsiniyāti pacchimakattikapuṇṇamāyaṃ. Sā hi kumudānaṃ atthitāya komudī, catunnaṃ vassikānaṃ māsānaṃ pariyoṣānattā “cātumāsini”ti vuccati. Tadā hi kumudāni supupphitāni honti, tasmā kumudānaṃ samūho, kumudāni eva vā **komudā**, te ettha atthīti “**komudī**”ti vuccati, kumudavatīti vuttaṃ hoti. Sesamettha uttānameva.

Paṭissavadukkaṭṭapattikathāvaṇṇanā niṭṭhitā.

Vassūpanāyikakkhandhakavaṇṇanā niṭṭhitā.

4. Pavāraṇakkhandhaka

Aphāsukavīhāra-kathāvaṇṇanā

209. Pavāraṇakkhandhake ādito lāpo **ālāpo**, vacanaṭṭhāvacanavasena samaṃ lāpo **sallāpo**. **Piṇḍāya paṭikkameyyāti** gāme piṇḍāya caritvā paccāgaccheyya. **Avakkāra pātimdhovitvā upatṭhāpeyyāti** atirekapiṇḍapātāṃ apanetvā ṭhapanatthāya ekaṃ samuggapātim dhovitvā ṭhapeyya. **Samuggapāti** nāma samuggapuṭasadisā pāti. **Appahariteti** aparūḷhaharite, yasmiṃ ṭhāne piṇḍapātājhottharaṇena vinassanadhammāni tiṇāni natthi, tasminti attho. Tena nittiṇaṅca mahātiṇagahanaṅca yattha sakaṭenapi chaḍḍite piṇḍapāte tiṇāni na vinassanti, taṅca ṭhānaṃ pariggahitaṃ hoti. Bhūtagāma sikkhāpadasā hi avikopanatthametāṃ vuttaṃ. **Appāṇaketi** nippāṇake, piṇḍapātājhottharaṇena maritabbapāṇakarahite vā mahā udakkhandhe. Parittodake eva hi bhattapakkhepena āluḷite sukhumapāṇakā maranti, na mahātaḷākādīsūti. Pāṇakānurakkha ṇatthañhi etaṃ vuttaṃ. **Opilāpeyyāti** nimujjāpeyya.

Vaccaghaṭanti ācamanakumbhī. **Rittanti** rittakaṃ. **Tucchanti** tasseva vevacanaṃ. **Avisayhanti** ukkhipituṃ asakkuṇeyyaṃ atibhārikaṃ. **Hatthavikārenāti** hatthasaññāya. Hatthehi ukkhipanaṃ hatthavilaṅghanaṃ. Tenāha “**hatthukkhepa kenā**”ti. Atha vā vilaṅgheti desantaraṃ pāpeti etenāti vilaṅghako, hattho eva vilaṅghako hatthavilaṅghako, tena **hatthavilaṅghakena**, aññamaññaṃ saṃsibbitahatthenāti vuttaṃ hoti. Dve hi janā hatthena hatthaṃ saṃsibbetvā dvīsu hatthesu ṭhāpetvā utṭhapentā hatthavilaṅghakena utṭhapenti nāma. **Titthiyasamādānanti** titthiyehi samādātābbaṃ.

Aphāsukavīhāra-kathāvaṇṇanā niṭṭhitā.

Pavāraṇābheda-kathāvaṇṇanā

212. **Dvemā bhikkhave pavāraṇā cātuddasikā ca pannarasikā cāti** ettha purimavassamvutthānam pubbakattikapuṇṇamā, tesamyeva sace bhaṇḍanakārakehi upaddutā pavāraṇam paccukkaḍḍhanti, atha kattikamāsassa kāḷapakkhacātuddaso vā pacchimakattikapuṇṇamā vā, pacchimavassamvutthānaṅca pacchimakattikapuṇṇamā eva vāti ime tayo pavāraṇadivasāti veditabbā. Idaṅca pakaticārittavasena vuttam, tathārūpa paccaye pana sati dvinnam kattikapuṇṇamānam purimesu cātaddasesupi pavāraṇam kātum vaṭṭati, teneva mahāvihāre bhikkhū cātuddasiyā pavāretvā pannarasiyā kāyasā maggim denti, cetiyagirimahadassanatthampi aṭṭhamiyā gacchanti, tampi cātuddasiyam pavāretukāmānaññeva hoti.

Pavāraṇādānānujānanakathāvaṇṇanā

203. **Sace pana vuḍḍhataro hotīti** sace pavāraṇadāyako bhikkhu vuḍḍhataro hoti. **Tena ca bhikkhunāti** pavāraṇadāyakena bhikkhunā.

Anāpattipannarasakakathāvaṇṇanā

222. Pannarasakesu **pavāritamatteti** pavāritasamanantaram. **Avuṭṭhitāya parisāyāti** pavāretvā pacchā aññaṃaññaṃ kathentiyā. **Ekaccāya vuṭṭhitāyāti** ekaccesu yathānisinnesu ekaccesu sakasakaṭṭhānam gatesu. **Puna pavāritabbanti** punapi sabbehi samāgantvā pavāretabbam. **Āgacchanti samasamā, tesam santike pavāretabbanti** gate anānetvā nisinnānaññeva santike pavāretabbam. **Sabbāya vuṭṭhitāya parisāya āgacchanti samasamā, tesam santike pavāretabbanti** yadi sabbe vuṭṭhahitvā gatā sannipātetuṅca na sakkā, ekacce sannipātetvā pavāretum vaṭṭati, ñattim ṭhapetvā kattabbasamghakammābhāvā vaggam na hoti. Uposathepi eseva nayo.

Pavāraṇāṭṭhapanakathāvaṇṇanā

237. “Natthi dinnan”ti-ādinayappavattā dasavatthukā **micchādīṭṭhi**. “Hoti tathāgato param maraṇā, na hoti tathāgato param maraṇā”ti-ādinā sassatucchedasaṅkhātāntam antam gaṇhātīti **antaggāhikā**.

Bhaṇḍanakāraḥavattukathāvaṇṇanā

240. **Catutthe kate suṇantī**ti catutthe pannarasikuposathe kate amhākaṃ pavāraṇaṃ ṭhapessantīti suṇanti. **Evampi dve cātuddasikā hontī**ti tatiyena saddhiṃ dve cātuddasikā honti.

Pavāraṇāsaṅgahakathāvaṇṇanā

241. Ayaṃ pavāraṇāsaṅgaho ekassa dinnopi sabbesaṃ dinnova hotīti āha “**ekassapi vasena dātabbo**”ti. **Āgantukā tesāṃ senāsaṇaṃ gahetuṃ na labhantī**ti saṇeṇi saṭṭhivassabhikkhū āgacchanti, tesāṃ senāsaṇaṃ gahetuṃ na labhanti. **Pavāretvā na antarāpi cārikaṃ pakkamituṃ labhantī**ti pavāraṇāsaṅgahe kate antarā pakkamitu kāmā saṅghaṃ sannipātāpetvā pavāretuṃ labhanti. Sesamettha paḷīto aṭṭhakathāto ca suviññeyyameva.

Pavāraṇakkhandhakavaṇṇanā niṭṭhitā.

5. Cammakkhandhaka

Soṇakoḷivisavattthukathāvaṇṇanā

242. Cammakkhandhake uṇṇapāvāraṇanti uṇṇāmayam pāvāraṇam. **Vihāra pacchāyāyanti** vihārapaccante chāyāyam. Vihārassa vaḍḍhamānacchāyāyantipi vadanti.

Soṇassa pabbajjākathāvaṇṇanā

243. Suttattho pana suttavaṇṇanātoyeva gahettabboti etthāyam suttavaṇṇanā. **Sītavaneti**¹ evamñāmake vane. Tasmim kira paṭipāṭiyā pañca caṅkamanasatāni māpitāni, tesu thero attano sappāyam caṅkamanam gahetvā samaṇadhammam karoti. Tassa āraddhavīriyassa hutvā caṅkamato pādatalāni bhijjimsu, jāṇūhi caṅkamato jāṇukānipi hatthatalānipi bhijjimsu, chiddāni ahesum. Evam āraddhavīriyo viharanto obhāsanimitta mattakampi dassetuṃ nāsakkhi. Tassa vīriyena kilamitakāyassa caṅkamanakoṭiyam pāsāṇaphalake nisinnassa yo vitakko udapādi, tam dassetuṃ “**atha kho āyasmato**”ti-ādi vuttam. Tattha **āraddhavīriyāti** paripuṇṇapaggahitavīriyā. **Na anupādāya āsavehi cittaṃ vimuccatīti** “sace aham ugghaṭṭitaññū vā vipaṇcitaññū vā neyyo vā, na me cittaṃ na vimucceyya, addhā pana padaparamo, yena me cittaṃ na muccati”ti sanniṭṭhānam katvā “**samvijjanti kho panā**”ti-ādini cintesi. Tattha **bhogāti** upayogathe paccattam.

Pātuhosīti therassa cittaṅcāram ñatvā “ayam soṇo ajja sītavane padhānabhūmiyam nisinno imam vitakkaṃ vitakketi, gantvāssa vitakkaṃ sahoḍḍham² gaṇhitvā vīṇopamakammaṭṭhānam kathessāmī”ti sītavane pāturahosi. **Paññatte āsaneti** padhānikabhikkhū attano vasanaṭṭhāne ovadituṃ āgatassa buddhassa bhagavato nisīdanattham yathālābhena āsanampi paññapetvāva padhānam karonti, aññam alabhamānā purāṇapaṇṇāni saṅgharivā upari saṅghāṭim paññapenti. Theropi āsanam paññapetvāva padhānam akāsi, tam sandhāya vuttam “paññatte āsane”ti.

1. Am-Ṭṭha 3. 123 piṭṭhādīsipi passitabbam.

2. Sahoḍham (Syā)

Taṃ kiṃ maññasīti satthā “imassa bhikkhuno avasesakammaṭṭhānena attho natthi, ayaṃ gandhabbasippe cheko ciṇṇavasī, attano visaye kathiyamāne khippameva sallakkhessatī”ti vīṇopamaṃ kathetum “taṃ kiṃ maññasī”ti-ādimāha. **Vīṇāya tantissare kusalatā** nāma vīṇāya vādanakusalatā, so ca tattha kusalo. Mātāpitaro hissa “amhākaṃ putto aññaṃ sippaṃ sikkhanto kāyena kilamissati, idaṃ pana āsane nisinneneva sakkā uggaṇhitum”ti gandhabbasippameva uggaṇhāpesum. Tassa—

“Satta sarā tayo gāmā, mucchanā ekavīsati.

Ṭhānā ekūnapañña, iccete saramaṇḍalā”ti—

ādikaṃ gandhabbasippaṃ sabbameva paguṇaṃ ahoṣi. **Accāyatāti** ati-āyatā kharamucchanā¹. **Saravatīti** sarasampannā. **Kammaññāti** kammakkhamā kammayoggā. **Atisithilāti** mandamucchanā. **Same guṇe patiṭṭhitāti** majjhime sare ṭhapetvā mucchitā.

Accāraddhanti atigāḷhaṃ. **Uddhaccāya samvattatīti** uddhatabhāvāya samvattati. **Atilīnanti** atisithilam. **Kosajjāyāti** kusītabhāvathāya. **Vīriyasamatham adhiṭṭhāhīti** vīriyasampayuttaṃ samatham adhiṭṭhāhi, vīriyaṃ samathena yojehīti attho. **Indriyānañca samataṃ adhiṭṭhāhīti** saddhādīnaṃ indriyānaṃ samataṃ samabhāvaṃ adhiṭṭhāhi. Tattha saddhaṃ paññāya, paññañca saddhāya, vīriyaṃ samādhinā, samādhiñca vīriyena yojayatā indriyānaṃ samatā adhiṭṭhitā nāma hoti. Sati pana sabbatthikā, sā sadāpi balavatīyeva vaṭṭati. Tañca pana nesaṃ yojanāvidhānaṃ **visuddhimagge**² āgatanayena veditabbaṃ. **Tattha ca nimittaṃ gaṇhāhīti** tasmañca samabhāve³ sati yena ādāse mukhabimbeneva nimittena uppajjitabbaṃ, taṃ samathanimittaṃ vipassanānimittaṃ magganimittaṃ phalanimittañca gaṇha nibbattehīti evamassa satthā arahatte pakkhipitvā kammaṭṭhānaṃ kathesi.

Tattha ca nimittaṃ aggahesīti samathanimittañca vipassanānimittañca aggahesi. **Ekoti** asahāyo. **Vūpakatṭhoti** vatthukāmehi ca kilesakāmehi ca kāyena ceva cittena ca vūpakaṭṭho. **Appamattoti** kammaṭṭhāne

1. Kharamucchitā (Ka)

2. Visuddhi 1. 125 piṭṭhe.

3. Samathe (Syā, Ka) Am-Ṭṭha 3. 124 piṭṭhe pana passitabbaṃ.

satim avijahanto. **Ātāpī**ti kāyikacetasikavīriyātāpena ātāpo. Ātappati kilesehīti ātāpo, vīriyam. **Pahitattoti** kāye ca jīvite ca anapekkhatāya pesitatto vissaṭṭha-attabhāvo, nibbāne vā pesitacitto. **Na cirassevāti** kammaṭṭhānārambhato na cireneva. **Aññataroti** eko. **Arahatanti** bhagavato sāvakānaṃ arahantānaṃ abbhantaro eko mahāsāvako ahoṣīti attho.

244. **Vusitavāti** vutthabrahmacariyavāso. **Katakaraṇīyoti** catūhi maggehi kattabbaṃ katvā ṭhito. **Ohitabhāro**ti khandhabhāraṃ kilesabhāraṃ abhisankhāra bhāraṇca oṭāretvā ṭhito. **Anuppattasadatthoti** sadattho vuccati arahattaṃ, taṃ pattoti attho. **Parikkhīṇabhavasamījanoti** khīṇabhavabandhano. **Sammadaññā vimuttoti** sammā hetunā kāraṇena jānitvā vimutto. **Cha ṭhānānī**ti cha kāraṇāni. **Adhimutto hotī**ti paṭivijjhivā paccakkhaṃ katvā ṭhito hoti. **Nekkhammādhimuttoti**-ādi sabbāṃ arahattavasena vuttaṃ. Arahattañhi sabbakilesehi nikkhantattā **nekkhammaṃ**, teheva pavivittattā **paviveko**, byāpajjābhāvato **abyāpajjaṃ**, upādānassa khayante uppannattā **upādānakkhayo**, taṇhāya khayante uppannattā **taṇhakkhayo**, sammohābhāvato **asammohoti** ca vuccati.

Kevalaṃ saddhāmattakanti paṭivedharahitaṃ kevalaṃ paṭivedhapaññāya asammissaṃ saddhāmattakaṃ. **Paṭicayanti** punappunaṃ karaṇena vaḍḍhim. **Vītarāgattā**ti maggapaṭivedhena rāgassa vihatattāyeva nekkhammasaṅkhātāṃ arahattaṃ paṭivijjhivā sacchikatvā ṭhito hoti, phalasaṃpattivihārena viharati, tanninna mānasoyeva hotīti attho. Sesapadesupi eseva nayo.

Lābhasakkārasilokanti catupaccayaalābhaṇca tesāmyeva sukatabhāvaṇca vaṇṇabhaṇaṇaṇca. **Nikāmayamānoti** icchamāno patthayamāno. **Pavivekādhimuttoti** “paviveke adhimutto ahan”ti evaṃ arahattaṃ byākarotīti attho.

Sīlabbataparāmāsanti sīlaṇca vataṇca parāmasitvā gahitaggahaṇamattaṃ. **Sārato paccāgacchantoti** sārabhāvena jānanto. **Abyāpajjā**

dhimuttoti abyāpajjāṃ arahattaṃ byākaroti. Imināva nayena sabbavāresu attho daṭṭhabbo. Apicettha “nekkhammādhimuttoti imasmiṃyeva arahattaṃ kathitaṃ, sesesu pañcasu nibbānaṃ”ti eke vadanti. Apara “asammohādhimuttoti ettheva nibbānaṃ kathitaṃ, sesesu arahattaṃ”ti vadanti. Ayaṃ panettha sāro—“sabbesvevetesu arahattampi nibbānampi kathitamevāti.

Bhusāti balavanto dibbarūpasadisā. **Nevassa cittaṃ pariyādiyantīti** etassa khīṇāsavassa cittaṃ gahevā ṭhātuṃ na sakkonti. Kilesā hi uppajjamānā cittaṃ gaṇhanti nāma. **Amissīkatanti** amissakataṃ. Kilesā hi ārammaṇena saddhiṃ cittaṃ missaṃ karonti, tesaṃ abhāvā amissīkataṃ. **Ṭhitanti** paṭiṭṭhitaṃ. **Āneñjappattanti** acalanappattaṃ. **Vayañcassānupassatīti** tassa cesa cittaṃ uppādampi vayampi passati. **Bhusā vātavutṭhīti** balavā vātakkhandho. **Neva naṃ saṅkampeyyāti** ekabhāgena cāletuṃ na sakkuṇeyya. **Na sampakampeyyāti** thūṇaṃ viya sabbabhāgato kampetuṃ na sakkuṇeyya. **Na sampavedheyyāti** vedhetvā pavedhetvā pātetuṃ¹ na sakkuṇeyya.

Nekkhammaṃ adhimuttassāti arahattaṃ paṭivijjhivā ṭhitassa. Sesapadesupi arahattameva kathitaṃ. **Upādānakkhayassa cāti** upayogathe sāmivacanaṃ. **Asammohaṇca cetasoti** cittaṃ ca asammohaṃ adhimuttassa. **Disvā āyatanuppādanti** āyatanānaṃ uppādaṇca vayaṇca disvā. **Sammā cittaṃ vimuccatīti** sammā hetunā nayena imāya vipassanāya paṭipattiyā phalasaṃpattivasena cittaṃ vimuccati, nibbānārammaṇe adhimuccati. Atha vā iminā khīṇāsavassa pubbabhāgapaṭipadā kathitā. Tassa hi āyatanuppādaṃ disvā imāya vipassanāya adhigatassa ariyamaggassa ānubhāvena sabbakilesehi sammā cittaṃ vimuccati. Evaṃ **tassa sammā vimuttassa -pana vijjati**. Tatha **santacittassāti** nibbutacittassa. Sesamettha uttānatthameva.

Soṇassa pabbajjākathāvaṇṇanā niṭṭhitā.

1. Pacāletuṃ (Ka)

Sabbanīlikādipaṭikkhepakathāvaṇṇanā

246. **Addāriṭṭhakavaṇṇā**ti abhinavāriṭṭhaphalavaṇṇā. Udakena tintakākapattavaṇṇātipi vadanti.

Ajjhārāme upāhanapaṭikkhepakathāvaṇṇanā

248. Abhiḥivanti etenāti **abhiḥivanikaṃ**. Kintaṃ? Sippaṃ. Tenāha “**yena sippenā**”ti-ādi.

Kaṭṭhapādukādipaṭikkhepakathāvaṇṇanā

251. **Uṇṇāhi katapādukā**ti uṇṇālomamayakambalehi, uṇṇālomehi eva vā katapādukā. **Na bhikkhave gāvīnaṃ visāṇesu gahetabbanti-ādīsu** “mokkhādhippāyena visāṇādīsu gahetum vaṭṭatī”ti **gaṇṭhipadesu** vuttaṃ.

Yānādipaṭikkhepakathāvaṇṇanā

253. **Anujānāmi bhikkhave purisayuttaṃ hatthavaṭṭakanti** ettha “**anujānāmi bhikkhave purisayuttaṃ, anujānāmi bhikkhave hatthavaṭṭakan**”ti evaṃ paccekavākya parisamāpanaṃ adhippetanti āha “**purisayuttaṃ itthisārathi vā -pa- purisā vā, vaṭṭatiyevā**”ti. **Pīṭhaka**sivikanti pīṭhakayānaṃ. **Pāṭaṅkinti** andolikāyetaṃ¹ adhivacanaṃ.

Uccāsayanamahāsayanapaṭikkhepakathāvaṇṇanā

254. **Vālarūpānī**ti āharimāni vālarūpāni. “Akappiyarūpakulo² akappiyamañco pallanko”ti **sārasamāse** vuttaṃ. “**Dīghalomako mahākojavoti** caturaṅgulādhikalomo kālakojavo. “Caturaṅgulādhikāni kira tassa lomāni”ti vacanato caturaṅgulato heṭṭhā vaṭṭatīti vadanti. **Vānacitro uṇṇāmayattharaṇoti** bhitticchedādivasena vicitro uṇṇāmayattharaṇo. **Ghanapupphako uṇṇāmayattharaṇoti** uṇṇāmayalohitatttharaṇo. **Pakatitūlikāti** rukkhātūlalātātūlapoṭakītūlasaṅkhātānaṃ tiṇṇaṃ tūlānaṃ aññatarapuṇṇā tūlikā.

1. Andholikāyetaṃ (Syā)

2. Akappiyarūpakato (Ka)

“**Uddalomī**ti ubhatodasam unṇāmayattharaṇam. **Ekantalomī**ti ekatodasam unṇāmayattharaṇan”ti **dīghanikāyaṭṭhakathāyam**¹ vuttam, **sārasamāse** pana “uddalomīti ekato uggatapuppham. Ekantalomīti ubhato uggatapupphan”ti vuttam. “**Koseyyakattissamayanti** koseyyakasaṭamayan”ti **ācariyadhammapālattherena** vuttam. **Suddhakoseyyanti** ratanaparisibbanarahitam. **Dīghanikāyaṭṭhakathāyam** panettha “ṭhapetvā tūlikam sabbāneva gonakādīni ratanaparisibbitāni vaṭṭantī”ti vuttam. Tattha “ṭhapetvā tūlikan”ti etena ratanaparisibbanarahitāpi tūlikā na vaṭṭatīti dīpeti. “Ratanaparisibbitāni vaṭṭantī”ti iminā pana yāni ratanaparisibbitāni, tāni bhūmattharaṇavasena yathānurūpaṃ mañcādīsu ca upanetuṃ vaṭṭatīti dīpitanti veditabbam. Ettha ca vinayapariyāyam patvā garuke ṭhātabbattā idha vuttanayenevettha vinicchayo veditabbo. Suttantikadesanāyam pana gahaṭṭhānampi vasena vuttattā tesam saṅgaṇhanattham “ṭhapetvā tūlikam -pa- vaṭṭantī”ti vuttanti apare.

Ajinacammehīti ajinamigacammehi. Tāni kira cammāni sukhumatarāni, tasmā dupaṭṭatipaṭṭāni katvā sibbanti. Tena vuttam “**ajinapaveṇī**”ti. Uttaram uparibhāgam chādetīti **uttaracchado**, vitānam, tañca lohitavitānam idhādhippetanti āha “**uparibaddhena rattavitānenā**”ti. “Rattavitānesu ca kāsāvam vaṭṭati, kusumbhādirattameva na vaṭṭatī”ti **gaṇṭhipadesu** vuttam. **Mahā-upadhānanti** pamāṇāṭikkantaṃ upadhānam. Ettha ca kiñcāpi **dīghanikāyaṭṭhakathāyam**² “alohitakāni dvepi vaṭṭantiyeva, tato uttari labhitvā aññesaṃ dātabbāni, dātuṃ asakkonto mañce tiriyaṃ attharivā upari paccattharaṇam datvā nipajjitumpi labhatī”ti avasesena vuttam, **senāsanakkhandhakavaṇṇanāyam**¹ pana “agilānassa sīsupadhānañca pādupadhānañcāti dvayameva vaṭṭati, gilānassa bimbohanāni santharivā upari paccattharaṇam datvā nipajjitumpi vaṭṭatī”ti vuttattā gilānoyeva mañce tiriyaṃ attharivā nipajjituṃ labhatīti veditabbam.

Uccāsayanamahāsayanapaṭikkhepakathāvaṇṇanā niṭṭhitā.

1. Dī-Ṭṭha 1. 83 piṭṭhe.

2. Dī-Ṭṭha 1. 84 piṭṭhe.

3. Vi-Ṭṭha 4. 60 piṭṭhe.

Gihivikatānuññātādikathāvaṇṇanā

256. **Abhinissāya nisīditunti** apassāya nisīditum.

Soṇakuṭikaṇṇavatthukathāvaṇṇanā

257. **Papatake pabbateti** ettha “pavatte pabbate”tipi paṭhanti, pavattanāmake pabbateti attho. **Soṇo upāsakoti**-ādīsu¹nāmena soṇo nāma, tīhi saraṇagamanehi upāsakattapaṭivedanena upāsako, koṭi-agghanakassa kaṇṇapiḷandhanassa dhāraṇena “koṭikaṇṇo”ti ca vattabbe “kuṭikaṇṇo”ti evaṃ abhiññāto, na sukumārasoṇoti adhippāyo. Ayañhi āyasmato mahākaccānassa santike dhammaṃ sutvā sāsane abhippasanno saraṇesu ca sīlesu ca paṭiṭṭhito papatake pabbate chāyūdakasampanne ṭhāne vihāraṃ kāretvā theram tattha vasāpetvā catūhi paccayehi upaṭṭhāti. Tena vuttamā **“āyasmato mahākaccānassa upaṭṭhāko hoti”**ti.

So kālena kālaṃ therassa upaṭṭhānaṃ gacchati, thero cassa dhammaṃ deseti, tena saṃvegabahulo dhammacariyāyaṃ ussāhajāto viharati. So ekadā satthena saddhim vāñijjatthāya ujjeniṃ gacchanto antarāmagge aṭaviyaṃ satthe nivṭṭhe rattiyaṃ janasambādhabhayena ekamantaṃ apakkamma niddam upagañchi. Sattho paccūsa velāyaṃ uṭṭhāya gato, na ekopi soṇam pabodhesi, sabbe vissarivā agamiṃsu. So pabhātāya rattiyā pabujjhivā uṭṭhāya kañci apassanto satthena gatamaggaṃ gahetvā sīghaṃ sīghaṃ gacchanto ekaṃ vaṭarukkhaṃ upagañchi. Tattha addasa ekaṃ mahākāyaṃ virūpadassanaṃ bībhacchaṃ purisaṃ aṭṭhito muttāni attano maṃsāni sayameva khādantaṃ, disvāna “kosi tvan”ti pucchi. Petosmi bhanteti. Kasmā evaṃ karosīti. Attano pubbakammenāti. Kiṃ pana taṃ kammanti. Ahaṃ pubbe bhārukacchanagaravāsī kūṭavāñijo hutvā paresaṃ santakaṃ vañcetvā khādim, samaṇe ca bhikkhāya upagate “tumhākaṃ maṃsaṃ khādathā”ti akkosim, tena kamma etarahi imaṃ dukkhaṃ anubhavāmīti. Taṃ sutvā soṇo ativiya saṃvegaṃ paṭilabhi.

1. Udāna-Ṭṭha 278 piṭṭhādīsopi passitabbaṃ.

Tato param̄ gacchanto mukhato paggharitaḱālālohite dve petadāraḱe passivā tatheva pucchi, tepissa attano kammaḱ kathesuḱ. Te kira bhārukacchanagare dāraḱakāle gandhavāṇijjāya jīvikaḱ kappentā attano mātari khīṇāsave nimantetvā bhojentiyā gehaḱ gantvā “amhākaḱ santakaḱ kasmā samaṇānaḱ desi, tayā dinnāḱ bhojanaḱ bhuñjanaḱasamaṇānaḱ mukhato kālālohitaḱ paggharatū”ti akkosimsu. Te tena kammaḱ niraye paccitvā tassa vipākāvasesena petayoniyāḱ nibbattitvā tadā imaḱ dukkhaḱ anubhavanti. Tampi sutvā soṇo ativiya saḱvegaḱjāto ahoḱ.

So ujjenim̄ gantvā taḱ karaṇīyaḱ tīretvā kuraragharaḱ paccāgato theram̄ upasaṅkamitvā katapaṭisaḱanthāro tamatthaḱ ārocesi. Theropissa pavattinivattīsu ādīnavāḱnisaḱḱse vibhāvento dhammaḱ desesi. So theram̄ vanditvā gehaḱ gato sāyamāsaḱ bhuñjitvā sayanaḱ upagato thokaḱmyeva niddāyitvā pabujjhivā sayanatale nisajja yathāsutam̄ dhammaḱ paccavekkhitaḱ āraddho. Tassa taḱ dhammaḱ paccavekkhato te ca petattabhāve anussarato saḱsāradukkhaḱ ativiya bhayāḱnakaḱ hutvā upaṭṭhāsi, pabbajjāya cittaḱ nami. So vibhātāya rattiyā sarīrapaṭijaggaḱnaḱ katvā theram̄ upagantvā attano ajjhāsayam̄ ārocetvā pabbajjaḱ yāci. Tena vuttaḱ “**atha kho soṇo upāsako -pa- pabbājetu imaḱ bhante ayyo mahāḱkaccāno**”ti.

Tattha **yathā yathā**ti-ādīpadānaḱ ayaḱ saṅkhepattho—yena yena ākārena ayyo mahāḱkaccāno dhammaḱ deseti ācikkhati pañṇāpeti paṭṭhapeti vivarati vibhajati uttāḱniḱ karoti pakāseti, tena tena me upaparikkhato evaḱ hoti “yadetaḱ sikkhattayabrahmacariyaḱ ekampi divasaḱ akhaṇḱam̄ katvā carimakacittaḱ pāpetabbatāya **ekantaparipuṇṇam̄**, ekadivasaḱampi kilesamaḱlena amalīnaḱ katvā carimakacittaḱ pāpetabbatāya **ekantaparisuddham̄**, **saṅkhalikhitaḱ** likhitaḱsaṅkhasadisam̄ dhotasaṅkhasappaṭibhāgaḱ caritabbaḱ, idaḱ na sukaraḱ agāraḱ ajjhāvasatā agāramajjhe vasantena ekantaparipuṇṇam̄ -pa- caritun”ti.

Evaḱ attano parivitakkitaḱ soṇo upāsako therassa ārocetvā taḱ paṭipajjitukāmo “**icchāmaḱam̄ bhante**”ti-ādīmāha. Thero

pana “na tāvassa ñāṇaṃ paripākāṃ gatan”ti upadhāretvā ñāṇaparipākāṃ āgamayamāno “**dukkaraṃ kho**”ti-ādinā pabbajjāchandaṃ nivāresi. Tattha **ekaseyyanti** adutiyaseyyaṃ. Ettha ca seyyāsīsenā “eko tiṭṭhati, eko gacchati, eko nisīdati”ti-ādinā nayena vuttaṃ catūsu iriyāpathesu kāyavivekaṃ dīpeti, na ekikā hutvā sayanamattaṃ. **Ekabhattanti** “ekabhattiko hoti rattūparato virato vikālabhojanā”ti¹ evaṃ vuttaṃ vikālabhojanā viratiṃ sandhāya vadati. **Brahmacariyanti** methunaviratibrahmacariyaṃ, sikkhattayānuyogasaṅkhātaṃ sāsanaḥbrahmacariyaṃ vā. **Īṅhāti** codanatthe nipāto. **Tatthevāti** geheyeva. **Buddhānaṃ sāsanaṃ anuyuñjāti** niccasīla-uposathasīlaniyamādibhedaṃ pañcaṅgaṃ aṭṭhaṅgaṃ dasaṅgañca sīlaṃ tadanurūpañca samādhipaṇṇābhāvanāṃ anuyuñja. Etañhi upāsakena pubbhāge anuyuñjitabbaṃ buddhasāsanaṃ nāma. Tenāha “**kālayuttam ekaseyyaṃ ekabhattaṃ brahmacariyaṃ**”ti.

Tattha **kālayuttanti** cātuddasīpañcaddasī-aṭṭhamīpāṭihārikapakkhasaṅkhātena kālena yuttaṃ, yathāvuttakāle vā tuyāṃ anuyuñjantassa yuttaṃ patirūpaṃ sakkuṇeyyaṃ, na sabbakālaṃ sabbanti² adhippāyo. Sabbametaṃ ñāṇassa aparipakkattā tassa kāmānaṃ duppahānatāya sammā paṭipattiyaṃ yogaṃ kārapetum vadati, na pabbajjāchandaṃ nivāretum. **Pabbajjābhisaṅkhāro**ti pabbajitum ārambho ussāho. **Paṭippassambhī**ti indriyānaṃ aparipakkattā samvegassa ca nātitikkabhāvato vūpasami. Kiñcāpi paṭippassambhi, therena vuttavidhiṃ pana anutiṭṭhanto kālena kālaṃ therāṃ upasaṅka mitvā payirupāsanto dhammaṃ suṇāti. Tassa vuttanayeneva dutiyampi pabbajjāya cittaṃ uppajji, therassa ca ārocesi, dutiyampi thero paṭikkhipi. Tatiyavāre pana ñāṇassa paripakkabhāvaṃ ñatvā “idāni naṃ pabbājetum kālo”ti thero pabbājesi, pabbajjitañca taṃ tīṇi samvaccharāni atikkamitvā gaṇaṃ pariyesitvā upasampādesi. Taṃ sandhāya vuttaṃ “**dutiyampi kho soṇo -pa-upasampādesī**”ti.

Tattha **appabhikkhukoti** katipayabhikkhuko. Tadā kira bhikkhū yebhuyyena majjhimadeseyeva vasimsu, tasmā tattha kakipayā evaṃ

1. Dī 1. 5, 60; Ma 1. 237; Aṃ 1. 212 piṭṭhesu.

2. Sabbadāti (Syā), pabbajjāti (Udāna-Ṭṭha 281 piṭṭhe.)

ahesuṃ. Te ca ekasmiṃ gāme eko, ekasmiṃ dveti evaṃ visuṃ visuṃ vasimsu. **Kicchenaṭi** dukkhena. **Kasirenaṭi** āyāsenā. **Tato tatoti** tasmā tasmā gāmanigamādito. Therena hi katipaye bhikkhū ānetvā aññesu ānīyamānesu pubbe ānītā kenacideva karaṇīyena pakkamimsu, kañci kālaṃ āgametvā puna tesu ānīyamānesu itare pakkamimsu. Evaṃ punappunaṃ ānayanena sannipāto cireneva ahosi. Theropi tadā ekavīhārī ahosi. Tena vuttam **“tiṇṇam vassānam -pa- sannipātāpetvā”**ti.

Vassamvutthassāti vassam upagantvā vusitavato. **Ediso ca ediso cāti** evarūpo ca evarūpoca. “Evarūpāya nāma rūpakāyasampattiyā samannāgato, evarūpāya dhammakāyasampattiyā samannāgato”ti **sutoyeva me so bhagavā. Na ca mayā sammukhā diṭṭhoti** ettha pana¹ puthujjanasaddhāya eva āyasmā soṇo bhagavantam daṭṭhukāmo ahosi. Aparabhāge pana satthārā saddhim ekagandhakuṭiyam vasitvā paccūsasamayaṃ ajjhīṭṭho soḷasa aṭṭhakavaggiyāni satthu sammukhā aṭṭhim katvā manasi katvā sabbam cetasā samannāharitvā atthadhammapaṭisamvedī hutvā bhaṇanto dhammupasañhitapāmojjādimukhena samāhito sarabhaññāpariyosāne vipassanam paṭṭhapetvā saṅkhāre sammāsanto anupubbena arahattam pāpuṇi. Etadatthameva hissa bhagavatā attanā saddhim ekagandhakuṭiyam vāso āṇattoti vadanti.

Keci panāhu “na ca mayā sammukhā diṭṭhoti idaṃ rūpakāyadassanameva sandhāya vuttam. Āyasmā hi soṇo pabbajitvā therassa santike kammaṭṭhānam gahetvā ghaṭento vāyamanto anupasampannova sotāpanno hutvā upasampajjitvā 'upāsakāpi sotāpannā honti, ahampi sotāpanno, kimettha citta'nti uparimaggatthāya vipassanam vaḍḍhetvā antovasseyeva chaḷabhiñño hutvā visuddhipavāraṇāya pavāresi. Ariyasaccadassanena bhagavato dhammakāyo diṭṭho nāma hoti. Vuttañhetam 'yo khovakkali dhammam passati, so mam passati' ti². Tasmāssa dhammakāyadassanam pageva siddham, pavāretvā pana rūpakāyam daṭṭhukāmo ahosi”ti.

1. Etena (Syā, udāna-Ṭṭha 282 piṭṭhe ca)

2. Sam 2. 98 piṭṭhe.

Pāsādikanti-ādipadānaṃ attho aṭṭhakathāyameva vutto. Tattha **visūkāyika vipphanditānanti** paṭipakkhabhūtānaṃ diṭṭhicittavipphanditānanti attho. **Pāsādikanti**¹ vā dvattimsamahāpurisalakkhaṇa-asīti-anubyañjanabyāmapabhāketumālālaṅkatāya samantapāsādikāya attano sarīrappabhāya² samattiyā rūpakāyadassanabyāvaṭassa janassa sabbabhāgato pasādāvahaṃ. **Pasādanīyanti** dasabalacatuvesārajjacha-asādhāraṇāṇa aṭṭhārasa-āveṇikabuddhadhammappabhūti- aparimāṇaguṇagaṇasamannāgatāya dhammakāyasampattiyā parikkhakaḥjanassa³ pasādanīyaṃ pasīditabbayuttaṃ pasādakaṃ⁴ vā. **Santindriyanti** cakkhādipañcindriyalolatāvīgamaṇa vūpasantapañcindriyaṃ. **Santamānasanti** chaṭṭhassa manindriyassa nibbisevanabhāvūpagamanena vūpasantamānasaṃ. **Uttamadamaṭṭhasamaṭṭhaṃ anuppattanti** lokuttarapaññāvīmutticetovimutti saṅkhātāṃ uttamaṃ damaṭṭhaṃ samathāṇca anuppatvā adhigantvā ṭhitaṃ. **Dantanti** suparisuddhakāyasamācāratāya hatthapādakukkuccābhāvato davādi-abhāvato ca kāyena dantaṃ. **Guttanti** suparisuddhvacīsamācāratāya niratthakavācābhāvato ravādi-abhāvato ca vācāya guttaṃ. **Yatindriyanti** suparisuddhamanosamācāratāya ariyiddhiyogena abyāvaṭa-appaṭisaṅkhupekkhābhāvato ca manindriyavasena yatindriyaṃ. **Nāganti** chandādivasena agamanato, pahīnānaṃ rāgādīkilesānaṃ apunāgamanato apaccāgama nato kassacipi āgussa sabbathāpi akaraṇato, punabbhavassa ca agamanatoti imehi kāraṇehi nāgaṃ. Ettha ca “pāsādikaṇ”ti iminā rūpakāyena bhagavato pamāṇabhūtataṃ dīpeti, “pasādanīyaṇ”ti iminā dhammakāyena. “Santindriyaṇ”ti-ādīnā sesehi pamāṇabhū tataṃ dīpeti, tena catuppamāṇike lokasannivāse anavasesato sattānaṃ bhagavato pamāṇa bhāvo pakāsītoti veditabbo. **Ekavīhāreti** ekagandhakuṭiyaṃ. Gandhakuṭi hi idha “vīhāro”ti adhippeto. **Vatthunti** vasitum.

258. **Ajjhokāse vītināmetvā**⁵ ajjhokāse nisajjāya vītināmetvā. “Yasmā bhagavā āyasmato soṇassa samāpattisamāpajjanena paṭisanthāraṃ karonto sāvakaśādhāraṇā sabbā

1. Udāna-Ṭṭha 78 piṭṭhepi passitabbaṃ.

3. Sarikkhakaḥjanassa (Ka)

5. Udāna-Ṭṭha 283 piṭṭhādīsipi passitabbaṃ.

2. Sarīrasobhāya (Syā)

4. Pasādikam (Syā)

samāpattiyo anulomapaṭilomaṃ samāpajjanto bahudeva rattim ajjhokāse nisajjāya vītināmetvā pāde pakkhāletvā vihāraṃ pāvīsi, tasmā āyasmāpi soṇo bhagavato adhippāyaṃ ñatvā tadanurūpaṃ sabbā tā samāpattiyo samāpajjanto bahudeva rattim ajjhokāse nisajjāya vītināmetvā pāde pakkhāletvā vihāraṃ pāvīsi”ti keci vadanti. Pavisitvā ca bhagavatā anuññāto cīvaraṃ tirokaraṇīyaṃ katvāpi bhagavato pādapasse nisajjāya vītināmesi. **Ajjhesīti** āṇāpesi. **Paṭibhātu taṃ bhikkhu dhammo bhāsītunti** bhikkhu tuyhaṃ dhammo bhāsītum upaṭṭhātu ñāṇamukhaṃ āgacchatu, yathāsutaṃ yathāpariyattaṃ dhammaṃ bhaṇāhīti attho.

Sabbāneva aṭṭhakavaggikānīti aṭṭhakavaggabhūtāni **kāmasuttādīni**¹ soḷasa suttāni. **Sarena abhāsīti** suttussāraṇasarena abhāsi, sarabhaññavasena kathesīti attho. **Sarabhaññapariyosāneti** ussāraṇāvasāne. **Suggahitānīti** sammā uggahitāni. **Sumanasi katānīti** suṭṭhu manasi katāni. Ekacco uggahaṇakāle sammā uggahetvāpi pacchā sajjhāyādivasena manasikaraṇakāle byañjanāni vā micchā ropeti², padapaccābhaṭṭhaṃ vā karoti, na evamayāṃ. Iminā pana sammadeva yathuggahitaṃ manasi katāni. Tena vuttaṃ “sumanasikatānīti suṭṭhu manasi katāni”ti. **Sūpadhāritānīti** atthatopi suṭṭhu upadhāritāni. Atthe hi suṭṭhu upadhārite sakkā pālī sammā ussāretum. **Kalyāṇiyāpi**³ **vācāya samannāgatoti** sithiladhanitādīnaṃ yathāvidhānaṃ vacanena parimaṇḍalapadabyañjanāya poriyā vācāya samannāgato⁴. **Vissatṭhāyāti** vimuttāya. Etenassa vimuttavāditaṃ dasseti. **Anelagalāyāti** elāṃ vuccati doso, taṃ na paggharatīti anelagalā, tāya niddosāyāti attho. Atha vā **anelagalāyāti** anelāya ca agalāya ca, niddosāya agalitapada byañjanāya aparihīnapadabyañjanāyāti attho. Tathā hi naṃ bhagavā “etadaggaṃ bhikkhave mama sāvakānaṃ bhikkhūnaṃ kalyāṇavākkaraṇānaṃ yadidaṃ soṇo kuṭikaṇṇo”ti⁵ etadagge ṭhapesi. **Atthassa viññāpaniyāti** yathādhippetaṃ atthaṃ ñāpetum samatthāya.

1. Khu 7. 1 piṭṭhe.

2. Vāceti (Syā)

3. Kalyāṇiyāsi (Syā)

4. Samannāgato ahosi (Syā)

5. Am 1. 24 piṭṭhe.

Kativassoti so kira majjhimavayassa tatiye koṭṭhāse ṭhito ākappasampanno ca paresaṃ ciratarapabbajito viya khāyati. Taṃ sandhāya bhagavā pucchīti keci, taṃ akāraṇaṃ. Evaṃ santaṃ samādhisukhaṃ anubhavituṃ yutto, ettakaṃ kālaṃ kasmā pamādaṃ āpannosīti pana anuyujjhituṃ satthā “kativassosī”ti taṃ pucchi. Tenevāha “**kissa pana tvaṃ bhikkhu evaṃ ciraṃ akāsī**”ti. Tattha **kissāti** kiṃ kāraṇā. **Evaṃ ciraṃ akāsīti** evaṃ cirāyi, kena kāraṇena evaṃ cirakālaṃ pabbajjaṃ anupagantvā agaramajjhe vasīti attho. **Ciraṃ diṭṭho meti** cirena cirakālena mayā diṭṭho. **Kāmesūti** vatthukāmesu kilesakāmesu ca. **Ādīnavoti** doso. **Apicāti** kāmesu ādīnave kenaci pakā rena diṭṭhepi na tāvāhaṃ gharāvāsato nikkhamituṃ asakkhiṃ. Kasmā? **Sambādho gharāvāso**, uccāvacehi kiccakaraṇīyehi samupabyūlho agāriyabhāvo. Tenevāha “**bahu kicco bahukaraṇīyo**”ti.

Etamatthaṃ viditvāti kāmesu yathābhūtaṃ ādīnavadassino cittaṃ cirāyitvāpi gharāvāse na pakkhandati, aññadatthu padumapalāse udakabindu viya vinivattatiyevāti etamatthaṃ sabbākārato viditvā. **Imaṃ udānanti** pavattiṃ nivattiṃca sammadeva jānanto pavattiyaṃ taṃnimitte ca na kadācīpi ramatīti idamatthadīpakaṃ imaṃ udānaṃ udānesi.

Tattha **disvā ādīnavaṃ loketi** sabbasmimpi saṅkhāraloke “anicco dukkho vipariṇāmadhammo”ti ādīnavaṃ dosaṃ paññācakkhunā passitvā. Etena vipassanācāro kathito. **Ñatvā dhammaṃ nirūpadhinti** sabbūpadhipaṭinissaggatā nirupadhiṃ nibbāna dhammaṃ yathābhūtaṃ ñatvā, nissaraṇavivekāsaṅkhatāmatasabhāvato maggañāṇena paṭivijjhivā. “Disvā ñatvā”ti imesaṃ padānaṃ “ghataṃ pivitvā balaṃ hoti, sīhaṃ disvā bhayaṃ hoti, paññāya cassa disvā āsavā parikkhīṇā hontī”ti-ādīsu¹ viya hetu-atthatā daṭṭhabbā. **Ariyo na ramatī pāpeti** kilesehi ārakattā ariyo sappuriso aṇumattepi pāpe na ramati. Kasmā? **Pāpe na ramatī sucīti** suvisuddhakāyasamācārādītāya suci suddhapuggalo rājahaṃso viya uccāraṭṭhāne pāpe saṅkiliṭṭhadhamme na ramati nābhinandati.

1. Ma 1. 215 piṭṭhe.

“pāpo na ramatī sucin”tipi pāḥo, tassattho—pāpo puggalo sucim anavajjam
 vodāna dhammam na ramati, aññadatthu gāmasūkarādayo viya
 uccāraṭṭhanam asucim samkilesa dhammanyeva ramatīti paṭipakkhato
 desanam parivatteti.

Soṇakuṭikaṇṇavatthukathāvaṇṇanā niṭṭhitā.

259. **Kālasī**hoti kālamukhavānarajāti. Sesamettha pālito aṭṭhakathāto ca
 suviññeyyamevāti.

Cammakkhandhakavaṇṇanā niṭṭhitā.

6. Bhesajjakkhandhaka

Pañcabhesajjādikathāvaṇṇanā

261. Bhesajjakkhandhake **nacchādentī**ti ruciṃ na uppādentī.

262. **Susukā**ti samudde bhavā ekā macchajāti. Kumbhīlātipi vadanti. **Samsatṭhanti** parissāvitā. **Telaparibhogenā**ti sattāhakālikaparibhogāṃ sandhāya vuttāṃ.

263. **Piṭṭhehī**ti pisitehi. **Ubbhidā**ṃ nāma ūsarapaṃsumayaṃ.

264. **Chakaṇanti** gomayaṃ. **Pākatikacuṇṇaṃ** nāma apakkakasāvasuṇṇaṃ. Tena ṭhapetvā gandhacuṇṇaṃ sabbaṃ vaṭṭatīti vadanti.

265. **Suvaṇṇagerukoti** suvaṇṇatutthādi. **Añjanūpapisananti** añjanatthāya upapisitabbaṃ yaṃ kiñci cuṇṇajātāṃ.

268. **Sāmaṃ gahetvā**ti ettha sappadaṭṭhassa atthāya aññena bhikkhunā gahitampi sāmaṃ gahitasāṅkhameva gacchatīti veditabbaṃ.

269. **Gharadinnakābādho** nāma vasīkaraṇatthāya gharāṇiyā dinnabhesajja samuṭṭhito ābādho. Tenāha “**vasīkaraṇapāṇakasamuṭṭhitarogo**”ti. **Ghara-saddo** cettha abhedena gharāṇiyā vattamāno adhippeto. “**Akaṭayūsenā**ti anabhisaṅkhatena muggayū sena. **Kaṭākaṭenā**ti mugge pacitvā acāletvāva parissāvitena muggasūpenā”ti **gaṇṭhi padesu** vuttāṃ.

Guḷādi-anujānanakathāvaṇṇanā

272. **Guḷakaraṇanti** guḷakaraṇatṭhānaṃ, ucchusālanti vuttāṃ hoti.

274. **Avissatthā**ti¹ sāsāṅkā.

1. Avissatṭhāti (Ka)

276. **Appamattakepi pavārentīti** appamattakepi gahite pavārenti, “bahumhi gahite aññesaṃ nappahotī”ti maññamānā appamattakarāṃ gahetvā pavārentīti adhippāyo. **Paṭisañkhāpi paṭikkhipantīti** “divā bhojanatthāya bhavissatī”ti sallakkhetvāpi paṭikkhi panti.

279. Sambādhe dahanakammaṃ paṭikkhepābhāvā vaṭṭati.

280. **Ubhatopasannāti** ubhayato¹ pasannā. **Māghātoti** “mā ghāthetha paṇino”ti evaṃ māghātaghositadivaso.

Yāgumadhugoḷakādīkathāvaṇṇanā

282. **Madhugoḷakanti** sakkarādisaṃyuttapūvaṃ. **Āyurū detīti** āyudānaṃ deti. **Vaṇṇanti** sarīravaṇṇaṃ. **Sukhanti** kāyikacetāsikasukhaṃ. **Balanti** sarīrathāmaṃ. **Paṭibhānanti** yuttamuttapaṭibhānaṃ². **Vātaṃ anulometīti** vātaṃ anulometvā harati. **Vatthim sodhetīti** dhamaniyo suddhaṃ karoti. **Āmāvasesaṃ pācetīti** sace āmāvase sakaṃ hoti, taṃ pāceti. **Anuppavecchatīti** deti. Vātañca byapanetīti sambandhitabbaṃ.

283. Nanu ca “paramparabhojanena kāretabbo”ti kasmā vuttaṃ. Parampara bhojanañhi pañcannaṃ bhojanānaṃ aññatarena nimantitassa taṃ ṭhapetvā aññaṃ pañcannaṃ bhojanānaṃ aññataraṃ bhuñjantassa hoti, ime ca bhikkhū bhojjayāgum paribhuñjimsu, pañcasu bhojanesu aññataranti āha “**bhojjayāguyā hi pavāraṇā hotī**”ti. Yasmā pañcannaṃ bhojanānaṃ aññataraṃ paṭikkhipantassa vuttā pavāraṇā bhojjayāgum paṭikkhipantassapi hotiyeva, tasmā bhojjayāgupi odanagatikāyevāti adhippāyo.

284. **Sukhumojam pakkhipimsūti** “bhagavā paribhuñjissatī”ti maññamānā pakkhipimsu.

1. Ubho (Syā)

2. Yuttamattapaṭibhānaṃ (Syā)

Pāṭaligāmavattukathāvaṇṇanā

285. **Pāṭaligāmoti**¹ evaṃnāmako magadharatṭhe eko gāmo. Tassa kira gāmassa māpanadivase gāmaṅgaṇatṭhāne dve tayo pāṭalaṅkurā pathavito ubbhijjivā nikkha miṃsu. Tena taṃ “pāṭaligāmo”tveva vohariṃsu. **Tadavasari**ti taṃ pāṭaligāmaṃ avasari anupāpuṇi. **Pāṭaligāmikāti** pāṭaligāmavāsino. **Upāsakāti** te kira bhagavato paṭhama dassanena keci saraṇesu ca sīlesu ca patiṭṭhitā. Tena vuttaṃ “upāsakā”ti. **Yena bhagavā tenupasaṅkamimsūti** pāṭaligāme kira ajātasattuno licchavirājūnaṅca manussā kālena kālaṃ gantvā gehasāmike gehato nīharitvā māsampi aḍḍhamāsampi vasanti. Tena pāṭaligāmavāsino manussā niccupaddutā “etesañceva āgatakāle vasanaṭṭhānaṃ bhavissatīti ekapasse issarānaṃ bhaṇḍapaṭisāmanaṭṭhānaṃ, ekapasse vasanaṭṭhānaṃ, ekapasse āgantukānaṃ addhikamanussānaṃ, ekapasse daliddānaṃ kapaṇamanussānaṃ, ekapasse gilānānaṃ vasanaṭṭhānaṃ bhavissatī”ti sabbesaṃ aññamaññaṃ aghaṭṭetvā vasanappahonakaṃ nagaramajjhe mahatiṃ sālaṃ kāresuṃ, tassa nāmaṃ **āvasathā gāranti**. Āgantvā vasanti ettha āgantukāti āvasatho, tadeva āgāraṃ **āvasathāgāraṃ**.

Taṃ divasaṅca taṃ niṭṭhānaṃ agamāsi. Te tattha gantvā iṭṭhakakammasudhā kammacittakammādivasena supariniṭṭhitaṃ susajjitaṃ devavimānasadisamdvārakoṭṭhakato paṭṭhāya oloketvā “idaṃ āvasathāgāraṃ ativiya manoramaṃ sassirikaṃ, kena nu kho paṭhamaṃ paribhuttaṃ amhākaṃ dīgharattaṃ hitāya sukhāya assā”ti cintesuṃ, tasmim yeva ca khaṇe “bhagavā taṃ gāmaṃ anupatto”ti assosuṃ, tena te uppannapīti somanassā “amhehi bhagavā gantvāpi ānetabbo siyā, so sayameva amhākaṃ vasanaṭṭhānaṃ sampatto, ajja mayaṃ bhagavantaṃ idha vasāpetvā paṭhamaṃ paribhuñjāpessāma, tathā bhikkhusaṅghaṃ, bhikkhusaṅghe āgate teṭṭhakaṃ buddhavacanaṃ āgata meva bhavissati, satthāraṃ maṅgalaṃ vadāpessāma, dhammaṃ kathāpessāma, iti tīhi ratanehi paribhutte pacchā amhākaṃ paresaṅca paribhogo bhavissati, evaṃ no dīgha rattaṃ hitāya sukhāya bhavissatī”ti sanniṭṭhānaṃ katvā etadatthameva bhagavantaṃ upasaṅkamiṃsu. Tasmā evamāhaṃsu “**adhivāsetu no bhante**

1. Udāna-Ṭṭha 367 piṭṭhādīsipi passitabbaṃ.

bhagavā āvasathāgāraṇ”ti. **Tenupasaṅkamimsūti**¹ kiñcāpi taṃ divasameva pariniṭṭhi tattā devavimānaṃ viya susajjitaṃ supaṭijaggitaṃ, buddhārahaṃ pana katvā na paññattaṃ. Buddhā hi nāma araṇṇajjhāsaya āraṇṇārāmā, antogāme vaseyyuṃ vā no vā, tasmā bhagavato ruciṃ jānitvāva paññapessāmāti cintetvā te bhagavantaṃ upasaṅka mimsu, idāni bhagavato ruciṃ jānitvā tathā paññāpetukāmā yenāvasathāgāraṃ tenupa saṅkamimsu. **Sabbasantharim āvasathāgāraṃ santharivāti** ettha santharaṇaṃ santhari, sabbo sakalo santhari etthāti **sabbasanthari**. Atha vā santhatanti santhari, sabbaṃ santhari sabbasanthari, taṃ **sabbasantharim**.

Bhāvanapuṃsakaniddesovāyaṃ, yathā sabbameva santhataṃ hoti, evaṃ santharivāti attho. Sabbapaṭhamaṃ tāva “gomayaṃ nāma sabbamaṅgalesu vaṭṭati”ti sudhāparikkamakataṃpi bhūmiṃ allagomayena opuñjā petvā parisukkhabhāvaṃ ñatvā yathā akkantaṭṭhāne padaṃ paññāyati, evaṃ cātuṃjātiya gandhehi limpetvā upari nānāvaṇṇakaṭasārake santharivā tesam upari mahāpiṭṭhika kojave ādim katvā hatthatharaṇādīhi nānāvaṇṇehi attharaṇehi santharitabbayuttakaṃ sabbokāsaṃ santharāpesuṃ. Tena vuttaṃ “sabbasantharim āvasathāgāraṃ santharivā”ti.

Āsanānīti majjhaṭṭhāne tāva maṅgalatthambhaṃ nissāya mahārahaṃ buddhā sanaṃ paññāpetvā tatha yaṃ yaṃ mudukañca manoramañca paccattharaṇaṃ, taṃ taṃ attharivā ubhatolohitakaṃ manuññadassanaṃ upadhānaṃ upadahitvā upari suvaṇṇa rajatatārakavicittavitānaṃ bandhitvā gandhadāmapupphadāmapattadāmādīhi alaṅkarivā samantā dvādasahatthe ṭhāne pupphajālaṃ kāretvā timsahatthamattaṃ ṭhānaṃ paṭasā ñiyā parikkhipāpetvā pacchimabhittim nissāya bhikkhusaṅghassa pallaṅkapīṭha-apassaya pīṭhamuṇḍapīṭhādīni paññāpāpetvā upari setapaccattharaṇehi paccattharāpetvā sālāya pācīnapassaṃ attano nisajjāyoggaṃ kāresuṃ. Taṃ sandhāya vuttaṃ “āsanāni pañña petvā”ti.

Udakamaṇikanti mahākucchikaṃ samekhalaṃ udakacāṭim. Evam bhagavā bhikkhusaṅgho ca yathāruciya hatthapāde dhovissanti, mukhaṃ vikkhālessantīti tesu tesu ṭhānesu maṇivaṇṇassa udakassa pūretvā vāsathāya

1. Dī-Ṭṭha 3. 153; Ma-Ṭṭha 3. 12 piṭṭhādīsupi passitabbaṃ.

nānāpupphāni ceva udakavāsacuṇṇāni ca pakkhipitvā kadalipaṇṇehi pidahitvā patiṭṭhapesum. Tena vuttam “udakamaṇikam patiṭṭhāpetvā”ti.

Telapadīpam āropetvāti rajatasuvaṇṇādīmayadaṇḍasu daṇḍadīpikāsu yonaka rūpakādīnam¹ hatthe ṭhapitasuvaṇṇarajatādīmayakapallikāsu ca telapadīpe jalayitvā. **Yena bhagavā tenupasaṅkamimsūti** ettha pana te pāṭaligāmika-upāsakā na kevalam āvasathāgārameva, atha kho sakalasmimpi gāme vīthiyo sajjāpetvā dhaje ussāpetvā gehadvāresu puṇṇaghaṭe ca kadali-ādayo ca ṭhapāpetvā sakalagāmaṃ dīpamālāhi vippakiṇṇatārakam viya katvā “khīrapake dārake khīram pāyeya, daharakumāre lahum lahum bhojetvā sayāpetha, uccāsaddam mā karittha, ajja ekarattim satthā antogāme vasissati, buddhā nāma appasaddakāmā hontī”ti bherim carāpetvā sayam daṇḍadīpikā ādāya yena bhagavā tenupasaṅkamimsu.

Atha kho bhagavā nivāsetvā pattacīvaramādāya saddhim bhikkhusamghena yena āvasathāgāram tenupasaṅkamīti “yassa dāni bhante bhagavā kalam maññatī”ti evam kira tehi kāle ārocite bhagavā lākhārasena tintarattakoviḷārapupphavaṇṇam surattam dupattam kattariyā padumam kantento viya, samvidhāya timaṇḍalam paṭicchā dento nivāsetvā suvaṇṇapāmaṅgena padumakalāpam parikkhipanto viya, vijjulātāsassirikam kāyabandhanam bandhitvā rattakambalena gajakumbham² pariyanandhanto viya, ratanasatubbedhe suvaṇṇagghike pavāḷajalam khipamāno viya, mahati suvaṇṇa cetiye rattakambalakañcukam paṭimuñcanto viya, gacchantam puṇṇacandaṃ rattavalāha kena paṭicchādayamāno viya, kañcanagirimatthake supakkalākhārasam parisīncanto viya, cittakūṭapabbatamatthakam vijjulātājālena parikkhipanto viya ca sacakkavālasineruyugandharamahāpathavim cāletvā gahitanigrodhapallavasamānavāṇṇam rattavarapaṃsukulam pārupitvā vanagahanato kesarasīho viya, udayapabbatakūṭato puṇṇacando viya, bālasūriyo viya ca attanā nisinnatarusaṇḍato nikkhami.

Athassa kāyato meghamukhato vijjukalāpā viya rasmiyo nikkhamitvā suvaṇṇarasadhārāparisekapiñjarapattapupphaphalāsākhāvīṭape viya

1. Sonakarūpakādīnam (Ka)

2. Rajatakumbham(Ka)

samantato rukkhe karim̐su. Tāvadeva attano attano pattacīvaramādāya mahābhikkhu saṅgho bhagavantam̐ parivāresi. Te ca nam̐ parivāretvā ṭhitabhikkhū evarūpā ahesum̐ appicchā santuṭṭhā pavivittā asaṃsaṭṭhā āraddhavīriyā vattāro vacanakkhamā codakā pāpagarahino silasampannā samādhisampannā paññāsampannā vimuttisampannā vimutti nānadassanasampannā. Tehi parivārīto bhagavā rattakambalaparikkhito viya suvaṇṇakkhandho, rattapadumasaṇḍamajjhagatā viya suvaṇṇanāvā, pavāḷavedikāparikkhito viya suvaṇṇapāsādo virocittha. Mahākassapappamukhā pana mahātherā meghavaṇṇam̐ paṃsukūlacīvaram̐ pārūpitvā maṇivammavammitā viya mahānāgā parivārayim̐su vīta rāgā bhinnakilesā vijaṭṭitajaṭā chinnabandhanā kule vā gaṇe vā alaggā.

Iti bhagavā sayam̐ vītarāgo vītarāgehi, vītadoso vītadoshi, vītamoho vītamoheti, nittaṇho nittaṇhehi, nikkilesa nikkilesehi, sayam̐ buddho anubuddhehi parivārīto patta parivārītam̐ viya kesaram̐, kesaraparivārītā viya kaṇṇikā, aṭṭhanāgasahassaparivārīto viya chaddanto nāgarājā, navutihaṃsasahassaparivārīto viya dhataratṭho haṃsarājā, senaṅga parivārīto viya cakkavattī, marugaṇaparivārīto viya sakko devarājā, brahmagaṇapari vārīto viya hāritamahābrahmā, tārāgaṇaparivuto viya puṇṇacando asamena buddha vesena aparimāṇena buddhavigilāsena pāṭaligāmīnam̐ maggam̐ paṭipajji.

Athassa puratthimakāyato suvaṇṇavaṇṇā ghanabuddharasmiyo uṭṭhahitvā asīti hattham̐ ṭhānam̐ aggahesum̐, pacchimakāyato dakkhiṇapassato vāmapassato suvaṇṇa vaṇṇā ghanarasmiyo uṭṭhahitvā asīti hattham̐ ṭhānam̐ aggahesum̐, uparikesantato paṭṭhāya sabbakesāvattehi moragīvavaṇṇā ghanabuddharasmiyo uṭṭhahitvā gaganatale asīti hattham̐ ṭhānam̐ aggahesum̐, heṭṭhāpādālehi pavāḷavaṇṇā rasmiyo uṭṭhahitvā ghana pathaviyam̐ asīti hattham̐ ṭhānam̐ aggahesum̐, dantato akkhīnam̐ setaṭṭhānato, nakhānaṅca maṃsavanimuttaṭṭhānato odātā ghanabuddharasmiyo uṭṭhahitvā asīti hattham̐ ṭhānam̐ aggahesum̐, rattapītavaṇṇānam̐ sambhindaṭṭhānato mañciṭṭhavaṇṇā rasmiyo uṭṭhahitvā asīti hattham̐ ṭhānam̐ aggahesum̐, sabbatthakameva pabhassarā rasmiyo uṭṭhahim̐su. Evam̐ samantā asīti hatthamattam̐ ṭhānam̐ chabbaṇṇā buddharasmiyo vijjotamānā

vipphandamānā vidhāvamānā kañcanaḍḍadīpikāhi niccharitvā ākāsaṃ pakkhandamānā mahāpadīpajālā viya, cātuddīpikamahāmeghato¹ nikkhantavijjulatā viya ca disodisaṃ pakkhandimsu. Yāhi sabbadisābhāgā suvaṇṇacampakapupphehi vikiriyamānā viya, suvaṇṇaghaṭato nikkhantasuvaṇṇarasadhārāhi āsiñciyamānā viya, pasāritasuvaṇṇa paṭṭaparikkhattā viya, verambhavātasamuddhatakiṃsukakaṇikārakikirātapupphacuṇṇasamokiṇṇā viya cīnapiṭṭhacuṇṇasamparirañjītā viya ca virocimsu.

Bhagavatopi asīti-anubyañjanabyāmapabhāparikkhepasamujjalāṃ dvattimsamahāpurisalakkhaṇapaṭimaṇḍitaṃ sarīraṃ abbhamahikādi-upakkilesavimuttāṃ samujjalatārakapabhāsitaṃ viya gaganatalāṃ, vikasitaṃ viya padumavanāṃ, sabbapāliphullo viya yojanasatiko pāricchattako, paṭipāṭiyā ṭhapitānaṃ dvattimsacandānaṃ dvattimsasūri yānaṃ dvattimsacakkavattīnaṃ dvattimsadevarājānaṃ dvattimsamahābrahmānaṃ siriyā sirim abhibhavamānaṃ viya virocittha, yathā taṃ dasahi pāramīti dasahi upapāra mīhi dasahi paramatthapāramihīti sammadeva paripūritāhi samatimsāya pāramīhi alaṅkataṃ kappasatasahassādhikāni cattāri asaṅkhyeyyāni dinnena dānena rakkhitena sīlena katena kalyāṇakammena ekasmiṃ attabhāve samosaritvā vipākaṃ dātuṃ okāsaṃ alabhamānena sambādhappattena viya nibbattitaṃ nāvāsahassassa bhaṇḍaṃ ekaṃ nāvaṃ āropanakālo viya, sakaṭasahassassa bhaṇḍaṃ ekaṃ sakaṭaṃ āropanakālo viya, pañcavī satiyā gaṅgānaṃ sambhijja² mukhadvāre ekato rāsībhūtakālo viya ca ahosi.

Imāya buddharasmiyā obhāsamānassapi bhagavato purato anekāni daṇḍadīpikā sahasāni ukkhipimsu, tathā pacchato vāmapasse dakkhiṇapasse. Jātisumanacampaka vanamālikārattuppalanīluppalaḥakulasinduvārādīpupphāni ceva nīlapītādivaṇṇasugandhagandhacuṇṇāni ca cātuddīpikamahāmeghavissatṭhā salilavuṭṭhiyo viya vippakirimsu. Pañcaṅgikatūriyanigghosā ceva buddhadhammasaṅghaguṇapaṭisaṃyuttā thutighoso ca sabbā disā pūrayamānā mukharā viya akāmsu. Devasupaṇṇanāgayakkha gandhabbamanussānaṃ akkhīni amatapānaṃ viya labhimsu. Imasmiṃ pana ṭhāne ṭhatvā padasahashehi gamanavaṇṇaṃ vattuṃ vaṭṭati. Tatridaṃ mukhamattaṃ³—

1. Cātuddisikamahāmeghato (Ka), Ma-Ṭṭha 3. 15; Udāna-Ṭṭha 371 piṭṭhesu pana passitabbaṃ.

2. Pacchijja (Ka)

3. Ma-Ṭṭha 3. 16; Udāna-Ṭṭha 372 piṭṭhesu.

“Evaṃ sabbaṅgasampanno, kampayanto vasundharaṃ.
Aheṭṭhayanto pāṇāni, yāti lokavināyako.

Dakkhiṇaṃ paṭṭhamāṃ pādaṃ, uddharanto narāsabho.
Gacchanto sirisampanno, sobhate dvipaduttamo.

Gacchato buddhaseṭṭhassa, heṭṭhāpādatalaṃ mudu.
Samaṃ samphusate bhūmiṃ, rajasānupalimpati.

Ninnaṃ ṭhānaṃ unnamati, gacchante lokanāyake.
Unnatañca samaṃ hoti, pathavī ca acetanā.

Pāsāṇā sakkharā ceva, kathalā khāṇukaṇḍakā.
Sabbe maggā vivaḷḷanti, gacchante lokanāyake.

Nātidūre uddharati, nāccāsanne ca nikkhipaṃ.
Aghaṭṭayanto niyyāti, ubho jāṇū ca gopphake.

Nātisīghaṃ pakkamati, sampannacaraṇo muni.
Na cātisaṇikaṃ yāti, gacchamāno samāhito.

Uddhaṃ adho tiriyañca, disañca vidisaṃ tathā.
Na pekkhamāno so yāti, yugamattañhi pekkhati.

Nāgavikkantacāro so, gamane sobhate jino.
Cāru gacchati lokaggo, hāsayinganto sadevake.

Usabharājāva sobhanto, cātucārīva kesarī.
Tosayinganto bahū satte, gāmasēṭṭhaṃ upāgamī”ti.

Vaṇṇakālo nāma kiresa. Evaṃvidhesu kālesu bhagavato sarīravaṇṇe vā
guṇa vaṇṇe vā dhammakathikassa thāmoyeva pamāṇaṃ. Cuṇṇiyapadehi
gāthābandhehi vā yattakaṃ sakkoti, tattakaṃ vattabbaṃ, “dukkathitaṃ”ti
vā”abhitthena pakkhando”ti vā na vattabbo. Aparimāṇavaṇṇā hi buddhā
bhagavanto, tesāṃ buddhāpi anavasesato vaṇṇaṃ vattum asamattā.
Sakalampi hi kappaṃ vadantā pariyoṣāpetum na sakkonti, pageva itarā
pajāti. Iminā sirivilāsena alaṅkatapaṭiyattaṃ pāṭaligāmaṃ pavisitvā bhagavā
pasannacittena janena pupphagandhadhūmavāsacuṇṇādīhi pūjīyamāno

āvasathāgāraṃ pāvīsi. Tena vuttaṃ “atha kho bhagavā nivāsetvā pattacīvaramādāya saddhiṃ bhikkhusaṃghena yena āvasathāgāraṃ tenupasaṅkamī”ti.

Pāde pakkhāletvāti yadipi bhagavato pāde rajojallaṃ na upalimpati, tesam pana upāsakānaṃ kusalābhivuddhiṃ ākaṅkhanto paresam diṭṭhānugatiṃ āpajjanatthaṃ bhagavā pāde pakkhālesi. Apica upādinnakasarīraṃ nāma sītikātabbampi hotīti tadatthampi bhagavā nahānapādadhovanāni karotiyeva. **Bhagavantamyeva purakkha tvāti** bhagavantaṃ purato katvā. Tattha bhagavā bhikkhūnañceva upāsakānañca majjhe nisinno gandhodakena nahāpetvā¹ dukūlacumbaṭena vodakaṃ² katvā jātihiṅgulakena majjitvā rattakambalapaliveṭṭhite pīṭhe ṭhapitā rattasuvaṇṇaghanapaṭimā viya ativiya virocittha. Ayaṃ panettha porāṇānaṃ vaṇṇabhaṇanamaggo—

“Gantvāna maṇḍalamāḷaṃ, nāgavikkantacāraṇo.

Obhāsayinganto lokaggo, nisīdi varamāsane.

Tahiṃ nisinno naradammasārathi,

Devātidevo satapuññalakkhaṇo.

Buddhāsane majjhagato virocati,

Suvaṇṇanekkhaṃ viya paṇḍukambale.

Nekkhaṃ jambonadasseva, nikkhattaṃ paṇḍukambale.

Virocati vītamalo, maṇi verocano yathā.

Mahāsālova samphullo, merurājāvalaṅkato.

Suvaṇṇathūpasāṅkāso, padumo kosako yathā.

Jalanto dīparukkhova, pabbatagge yathā sikhī.

Devānaṃ pārīcchattova, sabbaphullo virocathā”ti³.

Pāṭaligāmike upāsake āmantesiti yasmā tesu upāsakesu bahū janā sīle patiṭṭhitā, tasmā paṭhamam tāva silavipattiyā ādīnavaṃ pakāsetvā pacchā sīlasampadāya ānisaṃsaṃ dassetuṃ “**pañcime gahapatayo**”ti-ādīnā dhammadesanatthaṃ āmantesi. Tattha⁴

1. Nahātvā (Syā) 2. Nirodakaṃ (Syā) 3. Ma-Ṭṭha 3. 17; Udāna-Ṭṭha 374 piṭṭhesupi.

4. Dī-Ṭṭha 2. 128; Arī-Ṭṭha 3. 79; Udāna-Ṭṭha 375 piṭṭhādīsipi passitabbaṃ.

dussīloti nissīlo. Abhāvattho hettha **du**-saddo “duppañño”ti-ādīsu viya. **Sīlavipannoti** vipannasīlo bhinnasamvaro. Ettha ca “dussīlo”ti padena puggalassa sīlābhāvo vutto. So panassa sīlābhāvo duvidho asamādānena vā samādinnessa bhedenā vāti. Tesu purimo na tathā sāvajjo, yathā dutiyo sāvajjataro. Yathādhīppetādīnavanimittam sīlābhāvam puggalādhiṭṭhānāya desanāya dassetuṃ “**sīlavipanno**”ti vuttaṃ, tena “dussīlo”ti padassa attham dasseti. **Pamādāmikaraṇanti** pamādakāraṇā. Idañca suttaṃ gahaṭṭhānam vasena āgataṃ, pabbajitānampi pana labbhateva. Gahaṭṭho hi yena yena sippaṭṭhānena jīvikam kappeti yadi kasiyā yadi vaṇijjāya yadi gorakkhena. Pāṇātipātādivasena pamatto taṃ taṃ yathākālam sampādetuṃ na sakkoti, athassa kammaṃ vinassati. Māghātakāle pāṇāti pātam pana adinnādānādīni ca karonto daṇḍavasena mahatiṃ bhogajāniṃ nigacchati. Pabbajito dussīlo pamādakāraṇā sīlato buddhavacanato jhānato satta-ariyadhanato ca jāniṃ nigacchati.

Pāpako kittisaddoti gahaṭṭhassa “asuko asukakule jāto dussīlo pāpadhammo pariccatta-idhalokaparaloko salākabhattamattampi na detī”ti catuparisamajjhe pāpako kittisaddo abbhuggacchati. Pabbajitassa “asuko nāma satthusāsane pabbajitvā nāsakkhi sīlāni rakkhituṃ, na buddhavacanam uggahetuṃ, vejjakammādīhi jīvati, chahi agāravehi samannāgato”ti evam pāpako kittisaddo abbhuggacchati.

Avisāradoti gahaṭṭho tāva “avassam bahūnam sannipātaṭṭhāne koci mama kammaṃ jānissati, atha maṃ niggaṇhissanti”ti vā, “rājakulassa vā dassanti”ti sabhayo upasaṅkamati, maṅkubhūto pattakkhandho adhomukho nisīdati, visārado hutvā kathetuṃ na sakkoti. Pabbajitopi “bahū bhikkhū sannipatitā, avassam koci mama kammaṃ jānissati, atha me uposathampi pavāraṇampi ṭhapetvā sāmāññato cāvetvā nikkadḍhi ssanti”ti sabhayo upasaṅkamati, visārado hutvā kathetuṃ na sakkoti. Ekacco pana dussīlopi samāno dappito viya vadati, sopi ajjhāsayena maṅku hotiyeva vippaṭṭisārī bhāvato.

Sammūlho kālaṃ karotīti dussīlassa hi maraṇamañce nipannassa dussīlyakammānaṃ samādāya vattitaṭṭhānāni āpāthamāgacchanti. So ummīletvā attano puttadārā didassanavasena idhalokaṃ passati, nimīletvā gatinimittupaṭṭhānavasena paralokaṃ passati, tassa cattāro apāyā kammānurūpaṃ upaṭṭhahanti. Sattisatena pahariyamāno viya aggijālāya āliṅgiyamāno viya ca hoti. So “vāretha vārethā”ti viravantova marati. Tena vuttaṃ “sammūlho kālaṃ karotī”ti.

Kāyassa bhedati upādinnakakkhandhapariccāgā. **Paraṃ maraṇā**ti tadanantaraṃ abhinibbattakkhandhaggahaṇe. Atha vā **kāyassa bheda**ti jīvitindriyassa upacchedā. **Paraṃ maraṇā**ti cutito uddham. **Apāyanti**-ādi sabbaṃ nirayavevacanaṃ. Nirayo hi saggamokkhaḥetubhūtā puññasāṅkhātā ayā apetattā, sukhānaṃ vā āyassa āgamanassa abhāvā apāyo. Dukkassa gati paṭisaraṇanti **duggati**, dosabahulatāya vā duṭṭhena kammunā nibbattā gatīti **duggati**. Vivasā nipatanti ettha dukkaṭakārinoti **vinipāto**, vinassantā vā ettha nipatanti sambhijjamānaṅgapaccāṅgāti **vinipāto**. Natthi ettha assādasāññito ayoti **nirayo**.

Atha vā apāyaggahaṇena tiracchānāyonim dīpeti. Tiracchānāyoni hi apāyo sugatito apetattā, na duggati mahesakkhānaṃ nāgarājādīnaṃ sambhavato. Duggatiggaha ṇena pettivisayaṃ dīpeti. So hi apāyo ceva duggati ca sugatito apetattā dukkassa ca gatibhūtattā, na tu vinipāto asurasadisam avinipatitattā. Petamahiddhikānaṃ vimānānipi nibbattanti. Vinipātaggahaṇena asurakāyaṃ dīpeti. So hi yathāvuttenatthena apāyo ceva duggati ca sabbasampattisamussayehi vinipātattā vinipātoti ca vuccati. Nirayaggahaṇena pana avīci-ādikaṃ anekappakāraṃ nirayameva dīpeti. **Upapajjati**ti nibbattati.

Ānisaṃsakathā vuttavipariyāyena veditabbā. Ayaṃ pana viseso— **sīlavā**ti samādānavasena sīlavā. **Sīlasampanno**ti parisuddham paripuṇṇaṅca katvā sīlassa sampādanena sīlasampanno. **Bhogakkhandhanti** bhogarāsim. **Sugatim saggam lokanti** ettha sugatiggahaṇena manussagatipi saṅgayhati, saggaggahaṇena devagati eva. Tattha sundarā gatīti **sugati**,

rūpādīhi visayehi suṭṭhu aggoti **saggo**, so sabbopi lujjanapalujjanaṭṭhena **lokoti**.

Pāṭaligāmike upāsake bahudeva rattim dhammiyā kathāyāti aññāyapi pāḷimuttāya dhammakathāya ceva āvasathānumodanakathāya ca. Tadā hi bhagavā yasmā ajātasattunā tattha pāṭaliputtanagaraṃ māpentena aññāsu gāmanigamarājadhānīsu ye sīlācārasampannā kuṭumbikā, te ānetvā dhanadhaññāni gharavatthukhettavatthādīni ceva parihārañca dāpetvā nivesiyanti, tasmā pāṭaligāmikā upāsakā ānisaṃsadassāvītāya visesato sīlagarukāti sabbaguṇānañca sīlassa adhiṭṭhānabhāvato tesam paṭhamam sīlānisaṃse pakāsetvā tato param ākāsagaṅgam otārento viya pathavojaṃ ākaḍḍhanto viya mahājambum matthake gahetvā cārento viya yojanappamāṇam mahāmadhum cakkayantena piḷetvā sumadhurarasaṃ pāyamāno viya ca pāṭaligāmikānaṃ upāsakānaṃ hitasukhāvahaṃ pakīṇṇakakatham kathentopi “āvāsadānaṃ nāmetaṃ gahapatayo mahantaṃ puññaṃ, tumhākaṃ āvāso mayā paribhutto, bhikkhusaṅghena paribhutto, mayā ca bhikkhusaṅghena ca paribhutte dhammaratanenapi paribhuttoyeva hoti, evaṃ tīhi ratanehi paribhutte aparimeyyova vipāko, apica āvāsadānasmiṃ dinne sabbadānaṃ dinnameva hoti, bhūmaṭṭhakapaṇṇasālāya vā sākhamāṇḍapassa vā saṅgham uddissa katassa ānisaṃso paricchinditurū na sakkā. Āvāsadānānubhāvena hi bhava nibbattamānassapi sampīḷitagabbhavāso nāma na hoti, dvādasahattho ovarako viyassa mātukucchi asambādho va hoti”ti evaṃ nānāyavicittaṃ bahum dhammakatham kathetvā—

“Sītaṃ uṇham paṭihanti, tato vāḷamigāni ca.

Sarīsape ca makase, sisire cāpi vuṭṭhiyo.

Tato vātātapo ghorō, sañjāto paṭihaññati.

Leṇatthañca sukhatthañca, jhāyituñca vipassitum.

Vihāradānaṃ saṅghassa, aggaṃ buddhena vaṇṇitam.

Tasmā hi paṇḍito poso, sampassaṃ atthamattano.

Vihāre kāraye ramme, vāsayettha bahussute.
 Tesam annañca pānañca, vatthasenāsanāni ca.
 Dadeyya ujubhūtesu, vippasannena cetasā.
 Te tassa dhammam desenti, sabbadukkhāpanūdanam.
 Yam so dhammam idhaññāya, parinibbāti anāsavo”ti¹—

evam ayampi āvāsādāne ānisaṃso ayampi āvāsādāne ānisaṃsoti bahudeva rattiṃ atirekadiyaḍḍhayāmaṃ āvāsādānānisaṃsaṃ kathesi. Tattha imā gāthāva saṅgahaṃ āruḷhā, pakiṇṇakadhammadesanā pana saṅgahaṃ na ārohati. **Sandassetvāti**-ādīni vuttatthāneva.

Abhikkantāti atikkantā dve yāmā gatā. **Yassadāni tumhe kālam maññathāti** yassa gamanassa tumhe kālam maññatha, gamanakālo tumhākam, gacchathāti vuttam hoti. Kasmā pana bhagavā te uyyojesīti? Anukampāya. Tiyaṃmarattiṃ² hi nisīditvā vitināmentānaṃ tesam sarīre ābādho uppajjeyya, bhikkhusaṅghopi ca mahā, tassa sayananisajjānaṃ okāsaṃ laddhum vaṭṭati, iti ubhayānukampāya uyyojesi.

Suññāgāranti pāṭiyekkam suññāgāraṃ nāma tattha natthi. Te kira gahapatayo tasseva āvasathāgārassa ekapasse paṭasāṇim parikkhipāpetvā kappiyamañcam paññāpetvā tattha kappiyapaccattharaṇāni attharivā upari suvaṇṇarajatatārakagandhamālādīdāma paṭimaṇḍitaṃ vitānaṃ bandhitvā gandhatelapadīpaṃ āropayimsu “appeva nāma satthā dhammāsanato vuṭṭhāya thokaṃ vissametukāmo idha nipajjeyya, evam no idaṃ āvasathāgāraṃ bhagavatā catūhi iriyāpathehi paribhuttaṃ dīgharattam hitāya sukhāya bhavissati”ti. Satthāpi tadeva sandhāya tattha saṅghāṭim paññāpetvā sīhaseyyaṃ kappesi. Tam sandhāya vuttam “suññāgāraṃ pāvīsī”ti. Tattha pādadhovanaṭṭhānato paṭṭhāya yāva dhammāsanā agamāsi, ettake ṭhāne gamanaṃ nipphannaṃ. Dhammā sanaṃ patvā thokaṃ aṭṭhāsi, idaṃ tattha ṭhānaṃ. Dve yāme dhammāsane nisīdi, ettake ṭhāne nisajjā nipphannā. Upāsake uyyojetvā dhammāsanato oruyha yathāvutte ṭhāne sīhaseyyaṃ

1. Vi 4. 291, 314 piṭṭhesu.

2. Dviyāmarattiṃ (Ka)

kappesi. Etam ṭhānam bhagavatā catūhi iriyāpathehi paribhuttaṃ ahoṣīti.

Pāṭaligāmaṃvatthukathāvaṇṇanā niṭṭhitā.

Sunidhavassakāravatthukathāvaṇṇanā

286. **Sunidhavassakārāti**¹ sunidho ca vassakāro ca dve brāhmaṇā. **Magadha mahāmattā**ti magadharaṇṇo matā-amaccā, magadharaṭṭhe vā mahāmattā, mahatiyā issariyamattāya samannāgatāti magadhamahāmattā. **Pāṭaligāme nagaram māpentī**ti pāṭaligāmantasaṅkhāte bhūmippadese nagaram māpentī, pubbe “pāṭaligāmo”ti laddhanāmaṃ ṭhānam idāni nagaram katvā māpentīti attho. **Vajjīnam paṭibāhāyāti** licchavirājūnam āyamukhapacchindanattam. **Vatthūnī**ti gharavatthūni gharapatiṭṭhāpanaṭṭhānāni. **Cittāni namanti nivesanāni māpetunti** raṇṇo rājamahāmattānaṅca nivesanāni māpetum vatthuvijjāpāṭhakānam cittāni namanti. Te kira attano sippānu bhāvena heṭṭhāpathaviyam timsahattamatte ṭhāne “idha nāgānam nivāsapariggaho, idha yakkhānam, idha bhūtānam nivāsapariggaho, idha pāsāṇo vā khāṇuko vā atthī”ti jānanti, te tadā sippam jappitvā tādisam sārambhaṭṭhānam pariharitvā anārambhe ṭhāne tāhi vatthupariggāhikāhi devatāhi saddhim mantayamānā viya taṃtaṃgehāni māpentī.

Atha vā nesaṃ sarīre devatā adhimuccitvā tatha tatha nivesanāni māpetum cittam nāmenti. Tā catūsu koṇesu khāṇuke koṭṭetvā vatthumhi gahitamatte paṭivi gacchanti. Saddhānam kulānam saddhā devatā tathā karonti, assaddhānam kulānam assaddhā devatā ca. Kim kāraṇā? Saddhānaṅhi evaṃ hoti “idha manussā nivesanam māpentā paṭhamam bhikkhusaṅgham nisīdāpetvā maṅgalam vadāpessanti, atha mayam sīlavantānam dassanam dhammakatham paṇhāvissajjanam anumodanaṅca sotum labhi ssāma, manussā dānam datvā amhākam pattim dassanti”ti. Assaddhā devatāpi “attano icchānurūpam tesam paṭipattim passitum kathaṅca sotum labhissāmā”ti tathā karonti.

1. Dī-Ṭṭha 2. 130; Udāna-Ṭṭha 379 piṭṭhādīsupi passitabbaṃ.

Tāvatiṃsehīti yathā hi ekasmiṃ kule ekaṃ paṇḍitaṃ manussaṃ, ekasmiṃca vihāre ekaṃ bahussutaṃ bhikkhuṃ upādāya “asukakule manussā paṇḍitā, asukavihāre bhikkhū bahussutā”ti saddo abbhuggacchati, evamevaṃ sakkāṃ devarājānaṃ vissa kammaṃca devaputtaṃ upādāya “tāvatiṃsā paṇḍitā”ti saddo abbhuggato. Tenāha “tāvatiṃsehī”ti. **Seyyathāpīti**-ādinā devehi tāvatiṃsehi saddhiṃ mantetvā viya sunidhavassakārā nagaraṃ māpentīti dasseti.

Yāvataṃ ariyaṃ¹ āyatananti yattakaṃ ariyamanussānaṃ osaraṇaṭṭhānaṃ nama atthi. **Yāvataṃ vaṇippathoti** yattakaṃ vāṇijānaṃ āhaṭabhaṇḍassa rāsivaseneva kaya vikkayaṭṭhānaṃ nāma, vāṇijānaṃ vasanaṭṭhānaṃ vā atthi. **Idaṃ agganagaraṃ**ti tesāṃ ariyāyatanavaṇippathānaṃ idaṃ nagaraṃ aggaṃ bhavissati jeṭṭhakaṃ pāmokkhaṃ. **Puṭabhedananti** bhaṇḍapuṭabhedanaṭṭhānaṃ, bhaṇḍagaṇṭhikānaṃ² mocanaṭṭhānanti vuttaṃ hoti. Sakalajambudīpe aladdhabhaṇḍampi hi idheva labhissati, aññattha vikkayaṃ agacchantampi idha vikkayaṃ gacchissati, tasmā idheva puṭaṃ bhindissatīti attho. Āyanti yāni³ catūsu dvāresu cattāri, sabhāyaṃ ekanti evaṃ divase divase pañcasatasahassāni tattha uṭṭhahissanti, tānissa bhāvīni āyāni dasseti. **Aggito vāti**-ādīsu ca-kārattho **vā**-saddo, agginā ca udakena ca mithubhedena ca nassissatīti attho. Tassa hi eko koṭṭhāso agginā nassissati, nibbāpetumpi naṃ na sakkhissati, ekaṃ koṭṭhāsaṃ gaṅgā gahetvā gamissati, eko iminā akathitaṃ amussa, amunā akathitaṃ imassa vadantānaṃ pisuṇavācānaṃ vasena bhinnānaṃ manussānaṃ aññamaññabhedena vinassissati.

Evaṃ vatvā bhagavā paccūsakāle gaṅgātīraṃ gantvā katamukhadhovano bhikkhā cāraḱālaṃ āgamayamāno nisīdi. Sunidhavassakārāpi “amhākaṃ rājā samaṇassa gotamassa upaṭṭhāko, so amhe upagate pucchissati 'satthā kira pāṭaligāmaṃ agamāsi, kiṃ tassa santikaṃ upasaṅkamittha, na upasaṅkamitthā'ti, 'upasaṅkamimhā'ti ca vutte 'nimantayittha, na nimantayitthā'ti pucchissati, 'na nimantayimhā' ca vutte amhākaṃ dosaṃ āropetvā niggaṇhissati, idaṃcāpi mayāṃ akataṭṭhāne nagara māpema, samaṇassa

1. Ariyānaṃ (Syā)

2. Bhaṇḍagaṇṭhikānaṃ (Syā)

3. Āyānampi hi (Udāna-Ṭṭha 380 piṭṭhe)

kho pana gotamassa gatagataṭṭhāne kālakaṇṇisattā paṭikkamanti, taṃ mayam nagara maṅgalaṃ vācāpessāmā”ti cintetvā satthāraṃ upasaṅkamitvā nimantayimsu. Tena vuttam”**atha kho sunidhavassakārā**”ti-ādi.

Pubbaṅhasamayanti pubbaṅhakāle. **Nivā setvāti** gāmapavesananīharena nivāsanam nivāsetvā kāyabandhanam bandhitvā. **Patta cīvaramādāyāti** pattañca cīvarañca ādiyitvā kāyapaṭibaddham katvā, cīvaram pārupitvā pattam hatthena gahetvāti attho.

Sīlavantetthāti sīlavante ettha attano vasaṇaṭṭhāne. **Saññateti** kāyavācācittehi saññate. **Tāsam dakkhiṇamādiseti** saṅghassa dinne cattāro paccaye tāsam gharadevatānam ādiseyya pattim dadeyya. **Pūjitā pūjayantīti** “ime manussā amhākam nātakāpi na honti, tathāpi no pattim dentīti ārakkham susamvihitam karothā”ti suṭṭhu ārakkham karonti. **Mānitā mānayanīti** kālanukālam balikammakaraṇena mānitā “ete manussā amhākam nātakāpi na honti, tathāpi catumāsachamāsantare no balikammaṃ karontī”ti mānenti uppannaparissayam haranti. **Tato nanti** tato nam paṇḍitajātikam manussam. **Orasanti** ure ṭhapetvā samvaddhitam¹, yathā mātā orasam puttam anakampati, uppanna parissayaharaṇatthamevassa vāyamati, evam anakampantīti attho. **Bhadrāni passatīti** sundarāni passati.

Anumoditvāti tehi tadā pasutapuññassa anumodanavasena tesam dhammakatham katvā. Sunidhavassakārāpi “yā tattha devatā āsum, tāsam dakkhiṇamādisē”ti bhagavato vacanam sutvā devatānam pattim adamsu. **Tam gotamadvāram nāma ahoṣīti** tassa nagarassa yena dvārena bhagavā nikkhami, tam gotamadvāram nāma ahoṣi. Gaṅgāya pana uttaraṇattham anotiṇṇattā gotamatittham nāma nāhoṣi. **Pūrāti** puṇṇā. **Samatittikāti** tīrasamam² udakassa tittā bharitā. **Kākapeyyāti** tīre ṭhitakākehi pātuṃ sakuṇeyya udakā. Tīhipi padehi ubhatokūlasamam paripuṇṇabhāvameva vadati. **Uḷumpanti** pāragamanatthāya lahuke dārudaṇḍe gahetvā kavāṭaphalake viya aññamaññasambandhe kātuṃ āṇiyo koṭṭetvā nāvāsankhepena kataṃ. **Kullanti** veḷunaḷādike saṅgharivā valli-ādīhi kalāpavasena bandhitvā kataṃ.

1. Obandhitam (Ka)

2. Taṭṭasamam (Syā)

Etamattham veditvāti etaṃ mahājanassa gaṅgudakamattassapi kevalaṃ taritum asamatthataṃ, attano pana bhikkhusaṃghassa ca atigambhīravatthataṃ saṃsāramaha ṇṇavaṃ taritvā ṭhitabhāvaṅca sabbākārato veditvā tadatthaparidīpanaṃ imaṃ udānaṃ udānesi. Udānagāthāya attho pana aṭṭhakathāyaṃ dassitoyeva. Tattha **udakaṭṭhānassetam adhivacanti** yathāvuttassa yassa kassaci udakaṭṭhānassa etaṃ aṇṇavanti adhivacanaṃ, na samuddassevāti adhippāyo. **Saranti** idha nadī adhippetā sarati sandatīti katvā. **Gambhīraṃ vitthatanti** agādhaṭṭhena gambhīraṃ, sakalalokattayabyāpitāya vitthataṃ. **Visajjāti** anāsajja appatvā eva pallalāni tesam ataraṇato. **Kullaṃ hi jano bandhatīti** kullaṃ bandhitum āyasaṃ āpajjati. **Vinā eva kullenāti** īdisaṃ udakaṃ kullena īdisena vinā eva. **Tiṇṇā medhāvino janāti** ariyamaggañāṇasaṅkhātāya medhāya samannāgatattā medhāvino buddhā ca buddhasāvaka ca tiṇṇā paratīre patiṭṭhitā.

Sunidhavassakāravatthukathāvaṇṇanā niṭṭhitā.

Koṭigāme saccakathāvaṇṇanā

287. **Koṭigāmoti** mahāpanādassa rañño pāsādakoṭiyam katagāmo, patitassa¹ pāsādassa thupikāya patiṭṭhitatṭhāne nivīṭṭhagāmoti attho. **Ariyasaccānanti** ye paṭivijjhanti, tesam ariyabhāvakarānaṃ saccānaṃ. **Ananubodhāti** abujjhanena ajānanena. **Appaṭi vedhāti** appaṭivijjhanena. **Anubodho** cettha pubbhāgiyañāṇaṃ, **paṭivedho** magga ñāṇena abhisamayo. Tattha yasmā anubodhapubbako paṭivedho anubodhena vinā na hoti, anubodhopi ekacco paṭivedhasambandho tadubhayābhāvahetukaṅca vaṭṭe saṃsaraṇaṃ, tasmā vuttaṃ “ananubodhā -pa- tumhākaṅcā”ti. Tattha **sandhāvanti** paṭisandhiggahaṇavasena bhavato bhavantarupagamanena sandhāvitaṃ. **Saṃsaritanti** aparāparaṃ cavanupapajjanavasena saṃsaritaṃ. **Mamañceva tumhākaṅcāti** mayā ca tumhehi ca. Atha vā **sandhāvitaṃ saṃsaritanti** sandhāvanaṃ saṃsaraṇaṃ mamañceva tumhākaṅca ahoṣīti evamettha attho veditabbo.

1. Tassa (Ka)

Saṁsītanti saṁsaritamaṁ. **Bhavanetti samūhatāti** dīgharajjuyā baddhasakuṇaṁ viya rajjuhattho puriso desantaraṁ, taṇhārajjuyā baddhasattasantānaṁ abhisaṅkhāro bhavantaraṁ neti etāyāti bhavanetti, sā bhavato bhavaṁ nayanasaṁmatthā taṇhārajju ariyamaggasatthena suṭṭhu hatā chinnā appavattikatāti bhavanetti samūhatā.

Ambapālīvatthukathāvaṇṇanā

288. **Yānassa bhūmīti** yattha sakkā hoti yānaṁ āruyha yānena gantum, ayaṁ yānassa bhūmi nāma. **Yānā paccorohitvāti** vihārassa bahidvāraakoṭṭhake yānato orohitvā.

Licchavīvatthukathāvaṇṇanā

289. **Nīlāti** idaṁ sabbasaṅgāhakavacanaṁ. **Nīlavaṇṇāti**-ādi tasseva vibhāga dassanattham¹. Tattha na tesam pakativaṇṇo nīlo, nīlavilepanavilittattā panetaṁ vuttaṁ. **Nīlavatthāti** paṭadukūlakoseyyādīnipi nesaṁ nīlāneva honti. **Nīlalaṅkāraṭi** nīlamaṇi alaṅkārehi nīlapupphehi ca alaṅkatā. Te kira alaṅkāraṭi suvaṇṇavicittāpi² indanīlamaṇi obhāsehi ekanīlā viya khāyanti, rathāpi nesaṁ nīlamaṇikhacitā nīlavatthaparikkhattā nīladhajanīlavammikehi nīlābharaṇehi nīla-assehi yuttā, patodayatṭhiyopi nīlāyevāti iminā nayena sabbapadesu attho veditabbo. **Paṭivattēsīti**³ pahari⁴. **Kissa je ambapālīti je**-ti ālapanam, bhoti ambapālī kiṁ kāraṇāti vuttaṁ hoti. **Sāhāraṇti** ettha āharaṇti imasmā rājapurisā balinti **āhāro**, tabbhuttajanapado. Tena sahitaṁ sāhāraṁ, sajanapadanti attho. **Aṅgulim phoṭesunti** aṅgulim cālesum. **Ambakāyāti** mātugāmena. Upacāravacana ṇihetaṁ, itthīsu yadidaṁ ambakā mātugāmo jananiṅkāti. **Olokethāti** passatha. **Apaloke thāti** apavattitvā oloketha, punappunam passathāti attho. **Upasamharathāti** upanetha, imam licchavīparisaṁ tumhākaṁ cittena tāvatimsasadisam upasamharatha upanetha alliyāpetha. Yatheva

1. Vibhāgadassanaṁ (Syā)

3. Paṭivattēsīti (Syā)

2. Suvaṇṇavirahitāpi (Ka)

4. Pahāresi (?)

tāvatiṃsā abhirūpā pāsādikā nīlādinānāvāṇṇā, evamime licchavīrājānopīti tāvatiṃschi samake katvā passathāti attho.

Kasmā pana bhagavā anekasatehi suttehi cakkhādīnam rūpādīsu nimittaggāhaṃ paṭisedhetvā idha mahantena ussāhena nimittaggāhe niyojetīti? Hitakāmatāya tesam bhikkhūnam yathā āyasmato nandassa hitakāmatāya saggasampattidassanattam. Tatra kira ekacce bhikkhū osannavīriyā, te sampattiyā palobhento “appamādena samaṇa dhammam karontānam evarūpā issariyasampatti sulabhā”ti samaṇadhamme ussāhajana nattham āha. Atha vā nayidaṃ nimittaggāhe niyojanaṃ, kevalaṃ pana “dibbasampatti sadisā etesaṃ rājūnaṃ issariyasampattī”ti anupubbikathāya sampattikathanam viya daṭṭhabbam. Aniccalakkhaṇavibhāvanatthañcāpi evamāha. Na cirasseva hi sabbepime ajātasattussa vasena vināsaṃ pāpuṇissanti, atha nesaṃ rajjasirisampattim disvā ṭhita bhikkhū “tathārūpāyapi nāma sirisampattiyā vināso paññāyissatī”ti aniccalakkhaṇam bhāvetvā saha paṭisambhidāhi arahattaṃ pāpuṇissantīti aniccalakkhaṇavibhāvanattham āha.

Adhivāsetūti ambapāliyā nimantitabhāvaṃ ñatvāpi kasmā nimantentīti? Asadda hanatāya ca vattasīsenā ca. Sā hi dhuttā itthī animantetvāpi “nimantesin”ti vadeyyāti tesam ahoṣi. Dhammam sutvā gamanakāle ca nimantetvā gamanaṃ nāma manussānaṃ vattameva.

Licchavīvatthukathāvaṇṇanā niṭṭhitā.

Sīhasenāpativatthukathāvaṇṇanā

290. **Abhiññātāti**¹ ñātā paññātā pākaṭā. **Santhāgāreti** mahājanassa santhambhanāgāre vissamanatthāya kate agāre. Sā kira santhāgārasālā nagaramajjhe ahoṣi, catūsu dvāresu ṭhitānaṃ paññāyati, catūhi disāhi āgatamanussā paṭhamaṃ tattha vissamitvā pacchā attano attano phāsukaṭṭhānaṃ gacchanti. Rājakulānaṃ rajjakiccasantharaṇattham²

1. Am-Ṭṭha 3. 208 piṭṭhādīsūpi passitabbam.

2. Rajjakiccasandharaṇattham (Ka)

katam̐ agārantipi vadantiyeva. Tattha hi nisīditvā licchavīrājāno rajjakiccam̐ santha ranti¹ karonti vicārenti. **Sannisinnā**ti tesam̐ nisīdanattham̐yeva² paññattesu mahāraha paccattharaṇesu samussitasetacchattesu āsanesu sannisinnā. **Anekapariyāyena buddhassa vaṇṇam̐ bhāsantī**ti rājakulakiccañceva lokatthakiriyañca vicāretvā anekehi kāraṇehi buddhassa vaṇṇam̐ bhāsanti. Paṇḍitā hi te rājāno saddhāsampannā sotāpannāpi sakadāgāminopi anāgāminopi ariyasāvaka, te sabbepi lokiyajaṭam̐ bhinditvā buddhā dīnam̐ tiṇṇam̐ ratanānam̐ bhāsanti.

Tattha tividho buddhavaṇṇo nāma cariyavaṇṇo sarīravaṇṇo guṇavaṇṇoti. Tatrime rājāno cariyāya vaṇṇam̐ ārabhim̐su—“dukkaram̐ vata katam̐ sammāsambu ddhena kappasatasahassādhikāni cattāri asaṅkhyeyyāni dasa pāramiyo dasa upapāramiyo dasa paramatthapāramiyoti samatiṃsa pāramiyo pūrentena ñātattacariyam̐ lokattha cariyam̐ buddhatthacariyam̐ matthakam̐ pāpetvā pañcamahāpariccāge pariccajantenā”ti adḍhacchakkehi jātakasatehi buddhavaṇṇam̐ kathentā tusitabhavanam̐ pāpetvā ṭhapa yim̐su. Dhammassa vaṇṇam̐ bhāsantā panete “bhagavatā dhammo desito, nikāyato pañca nikāyā honti, piṭakato tīṇi piṭakāni, aṅgato nava aṅgāni, khandhato caturāsītīdhammakhandhasahassāni”ti koṭṭhāsavasena dhammaguṇam̐ kathayim̐su. Saṅghassa vaṇṇam̐ bhāsantā “satthu dhammadesanam̐ sutvā paṭiladdhasaddhā kulaputtā bhogakkhandhañceva ñātiparivaṭṭaṇca pahāya setacchatta-uparajjasenāpatisetṭhibhaṇḍāgārikatṭhānantarādīni agaṇayitvā nikkhamma satthu varasāsane pabbajanti, setacchattam̐ pahāya pabba jītānam̐ bhaddiyamahārājamahākappinapukkusāti-ādirājpabbajitānam̐yeva buddhakāle asīti sahasāni ahesum̐, anekakoṭṭidhanam̐ pahāya pabbajitānam̐ pana yasakulaputtasoṇa setṭhiputtaraṭṭhapālaputtādīnam̐ paricchedo natthi, evarūpā ca evarūpā kulaputtā satthu sāsane pabbajanti”ti pabbajjāsāṅkhepavasena saṅghaguṇam̐ kathayim̐su.

Sīho senāpatīti evaṃnāmako senāya adhipati. Vesāliyañhi satta sahasāni satta satāni satta ca rājāno, te sabbepi sannipativā sabbesam̐ manam̐ gahetvā “raṭṭham̐ vicāretum̐ samattham̐ ekam̐ vicinathā”ti vicinantā sīharājakumārānam̐ disvā “ayam̐ sakkhissatī”ti sannitṭhānam̐ katvā

1. Santhārenti (Syā)

2. Nisīdanattham̐ passeva (Ka)

tassa rattamaṇivaṇṇakambalapariyonaddhamṃ senāpaticchattamṃ adamsu. Tam sandhāya vuttamṃ “sīho senāpatī”ti. **Nigaṇṭhasāvako**ti nigaṇṭhassa nāṭaputtassa paccayadāyako upaṭṭhāko. Jambudīpatalasmiṇhi tayo janā nigaṇṭhānam aggupatṭhākā—nāḷandāyam upāli gahapati, kapilapure vappo sakko, vesāliyam ayam sīho senāpatīti. **Nisino hotī**ti sesarājūnampi parisāya antare¹ āsanāni paññāpayimsu, sīhassa pana majjhe ṭhāneti tasmim paññatte mahārahe rājāsane nisino hoti. **Nissamsayanti** nibbicikiccham addhā ekaṃsena. Na hete yassa vā tassa vā appesakkhassa evam anekasatehi kāraṇehi vaṇṇam bhāsanti.

Yena nigaṇṭho nāṭaputto tenupasaṅkamīti nigaṇṭho kira nāṭaputto “sacāyam sīho kassacideva samaṇassa gotamassa vaṇṇam kathentassa sutvā samaṇam gotamam dassanāya upasaṅkamissati, mayham parihāni bhavissati”ti cintetvā paṭhamataramyeva sīham senāpatim etadavoca “senāpati imasmim loke 'aham buddho aham buddho'ti bahū vadanti, sace tvam kañci dassanāya upasaṅkamitukāmo ahosi, mam puccheyyāsi, aham te yuttaṭṭhānaññeva pesessāmi, ayuttaṭṭhānato nivāressāmi”ti. So tam katham anussarivā “sace mam pesessati, gamissāmi. No ce, na gamissāmi”ti cintetvā yena nigaṇṭho nāṭa putto tenupasaṅkami.

Athassa vacanam sutvā nigaṇṭho mahāpabbatena viya balavasokena otthaṭo “yattha dānissāham gamanam na icchāmi, tattheva gantukāmo jāto, hatohamasmī”ti anattamano hutvā “paṭibāhanupāyamassa karissāmi”ti cintetvā “**kiṃ pana tvan**”ti-ādimāha. Evam vadanto carantam goṇam tuṇḍe paharanto viya jalamānam paḍipam nibbāpento viya bhattabharitam pattam nikujjanto viya ca sīhassa uppannam pītim vināsesi. **Gamikābhisāṅkhāroti**² hatthiyānādīnam yojāpanagandhamālādiggahaṇavasena pavatto payogo. **So paṭippassambhī**ti so vūpasanto.

Dutiyampi khoti dutiyavārampi. Imasmiṅca vāre buddhassa vaṇṇam bhāsantā tusitabhavanato paṭṭhāya yāva mahābodhipallaṅkā dasabalassa heṭṭhā

1. Aggantare (Syā)

2. Gamiyābhisāṅkhāroti (Syā)

pādālehi upari kesaggehi paricchinditvā dvattiṃsamahāpurisalakkhaṇa-
asīti-anubyañjanabyāmapabhāvasena sarīravaṇṇaṃ kathayimṃsu.

Dhammassa vaṇṇaṃ bhāsantā “ekapadepe ekabyañjanepi avakkhalitaṃ
nāma natthī”ti sukathitavaseneva dhammaguṇaṃ kathayimṃsu. Saṃghassa
vaṇṇaṃ bhāsantā “evarūpaṃ yasaṣirivibhavaṃ pahāya satthu sāsane
pabbajitā na kosajjapakatikā honti, terasasu pana dhutaguṇesu
paripūrakārino hutvā sattu anupassanāsu kammaṃ karonti, aṭṭhatimṃsa
ārammaṇa vibhattiyo vaḷaṅjenti”ti paṭipadāvasena saṃghaguṇe kathayimṃsu.

Tatīyavāre pana buddhassa vaṇṇaṃ bhāsamānā “itipi so bhagavā”ti
suttantapariyāyeneva buddhaguṇe kathayimṃsu, “svākkhāto bhagavatā
dhammo”ti-ādinā suttanta pariyāyeneva dhammaguṇe, “suppaṭipanno
bhagavato sāvakaṣaṃgho”ti-ādinā suttantapariyāyeneva saṃghaguṇe ca
kathayimṃsu. Tato sīho cintesi “imesaṃ licchavīrājakulānaṃ tatiyadivasato
paṭṭhāya buddhadhammasaṃghaguṇe kathentānaṃ mukhaṃ nappahoti,
addhā anomaguṇasamannāgato so bhagavā, imaṃ dāni uppannaṃ pītiṃ
avijahitvāva ahaṃ ajja sammāsambuddhaṃ passissāmī”ti. Athassa “kiṃ hi
me karissanti nigaṇṭhā”ti vitakko udapādi. Tattha **kiṃ hi me karissantī**ti kiṃ
nāma mayhaṃ nigaṇṭhā karissanti. **Apalokitā vā anupalokitā vā**ti āpucchitā
vā anāpucchitā vā. Na hi me te āpucchitā yānavāhanasampatti-
issariyayasavisesaṃ dassanti, nāpi anāpucchitā māressanti¹, aphalaṃ etesaṃ
āpucchānanti adhippāyo.

Divā divassāti divassa divā majjhanhike atikkantamatte. **Vesāliyā
niyyāsīti** yathā hi gimhakāle deve vuṭṭhe udakaṃ sandamānaṃ nadiṃ
otaritvā thokameva gantvā tiṭṭhati nappavattati, evaṃ sīhassa paṭhamadivase
“dasabalaṃ passissāmī”ti uppannāya pītiyā nigaṇṭhena paṭibāhitakālo, yathā
dutiya divase deve vuṭṭhe udakaṃ sandamānaṃ nadiṃ otaritvā thokaṃ
gantvā vālikāpuñjaṃ paharivā appavattaṃ hoti, evaṃ sīhassa dutiya divase
“dasabalaṃ passissāmī”ti uppannāya pītiyā nigaṇṭhena paṭibāhitakālo, yathā
tatiya divase deve vuṭṭhe udakaṃ sandamānaṃ nadiṃ otaritvā
purāṇapaṇṇasukkhadaṇḍakanaḷakavacarādīni parikaḍḍhantaṃ vālikāpuñjaṃ
bhinditvā

1. Karissanti (Syā), harissanti (Am-Ṭṭha 3. 211 piṭṭhe)

samuddaninnameva hoti, evaṃ sīho tatiyadivase tiṇṇaṃ vatthūnaṃ guṇakathaṃ sutvā uppannepītipāmojje “aphalā nigaṇṭhā, nipphalā nigaṇṭhā, kiṃ me ime karissanti, gamissā maham satthu santikan”ti gamanam abhinīharitvā vesāliyā niyyāsi. Niyyanto ca “cirassāhaṃ dasabalassa santikaṃ gantukāmo jāto, na kho pana me yuttaṃ aññātaka vesena gantun”ti “ye keci dasabalassa santikaṃ gantukāmā, sabbe nikkhamantū”ti ghoṣanaṃ kāretvā pañca rathasatāni yo jāpetvā uttamarathe ṭhito tehi ceva pañcahi ratha satehi mahatiyā ca parisāya parivuto gandhapupphacuṇṇavāsādīni gāhāpetvā niyyāsi.

Yena bhagavā tenupasaṅkamīti ārāmaṃ pavisanto dūratova asīti-anubyañjana byāmapabbhādvattiṃsamahāpurisalakkhaṇāni chabbaṇṇā ghanabuddharasmiyo disvā “evarūpaṃ nāma purisaṃ evaṃ āsanne vasantaṃ ettakaṃ kālaṃ nāddasaṃ, vañcito vatamhi, alābhā vata me”ti cintetvā mahānidhiṃ disvā daliddapuriso viya sañjātapīti pāmojjo yena bhagavā tenupasaṅkami. **Dhammassa cānudhammaṃ byākarontīti** bhotā gotamena vuttakāraṇassa anukāraṇaṃ kathenti. Kāraṇavacano hettha **dhamma**-saddo “hetumhi nāṇaṃ dhammapaṭisambhidā”ti-ādīsu¹ viya. **Kāraṇanti** cettha tathāpavattassa saddassa attho adhippeto tassa pavattihetubhāvato. Atthappayutto hi saddappayogo. **Anukāraṇanti** ca so² evaṃ parehi tathā vuccamāno. **Sahadhammiko vādānuvādoti** parehi vuttakāraṇena sakāraṇo hutvā tumhākaṃ vādo vā tato paraṃ tassa anuvādo vā koci appamattakopi viññūhi garahitabbaṃ ṭhānaṃ kāraṇaṃ na āgacchati. Idaṃ vuttaṃ hoti—kiṃ sabbākāreṇapi tava vāde gārayhakāraṇaṃ natthīti. **Anabbhakkhātukāmāti** na abhūtena vattukāmā.

291-292. **Atthi sīha pariyāyoti-ādīnaṃ** attho verañjakaṇḍe³ āgatanayeneva veditabbo. **Paramena assāsenāti** catumaggacatuphalasaṅkhātena uttama-assāsenā. **Assā sāya dhammaṃ desetīti** assāsanatthāya santhambhanatthāya dhammaṃ deseti. Iti bhagavā aṭṭhahaṅgehi sīhasenāpatissa dhammaṃ deseti.

1. Abhi 2. 307 piṭṭhe.

2. Yo (Ka)

3. Vi-Ṭṭha 1. 103 piṭṭhe.

293. **Anuviccakāranti** anuviditvā cintetvā tulayitvā kātabbanāṃ karohīti vuttaṃ hoti. **Sādhu hotīti** sundaro hoti. Tumhādisasmiñhi maṃ disvā maṃ saraṇaṃ gacchante nigaṇṭhaṃ disvā nigaṇṭhaṃ saraṇaṃ gacchante “kim ayaṃ sīho diṭṭhadiṭṭhameva saraṇaṃ gacchatī”ti garahā uppajjati, tasmā anuviccakāro tumhādisānaṃ sādhuṃ dasseti. **Paṭākāṃ parihareyyunti** te kira evarūpaṃ sāvakaṃ labhitvā “asuko nāma rājā vā rājamahāmatto vā seṭṭhi vā amhākaṃ saraṇaṃ gato sāvako jāto”ti paṭākāṃ ukkhipitvā nagare ghosentā āhiṇḍanti. Kasmā? “Evaṃ no mahantabhāvo āvi bhavissatī”ti ca, sace panassa “kimahaṃ ete saraṇaṃ gato”ti vipphaṇṣāro uppajjeyya, tampi so “etesāṃ me saraṇagatabhāvaṃ bahū jānanti, dukkaraṃ dāni paṇinivattitun”ti vinodetvā na paṭikka missatīti ca. Tenāha “paṭākāṃ parihareyyun”ti. **Opānabhūtaṃ** paṭiyatta-udapāno viya ṭhitaṃ. **Kulanti** tava nivesanaṃ. **Dātabbanāṃ maññeyyāsīti** pubbepi dasapi vīsati paṭṭhipi jane āgate disvā natthīti avatvā desi, idāni maṃ saraṇaṃ gatakāraṇamatteneva mā imesaṃ deyyadhammaṃ upacchindittha, sampattānañhi dātabbamevāti ovadati. **Sutaṃ me taṃ bhanteti** kuto suta? Nigaṇṭhānaṃ santikā. Te kira kulagharesu evaṃ pakāsenti “mayāṃ yassa kassaci sampattassa dātabbanti vadāma, samaṇo pana gotamo 'mayhameva dānaṃ dātabbanāṃ -pa- na aññesaṃ sāvakaṇaṃ dinnāṃ mahapphala'nti evaṃ vadatī”ti. Taṃ sandhāya ayaṃ “sutaṃ me taṃ”ti-ādīmāha.

294. **Pavattamaṃsanti** pakatiyā pavattaṃ kappiyamaṃsaṃ, mūlaṃ gahetvā antarāpaṇe pariyesāhīti adhippāyo. **Sambahulā nigaṇṭhāti** pañcasatamattā nigaṇṭhā. **Thūlaṃ pasunti** thūlaṃ mahāsarīraṃ gokaṇṇamahimsasūkarasaṅkhātaṃ pasuṃ. **Uddissakatanti** attānaṃ uddisitvā kataṃ, māritanti attho. **Paṭiccekammanti** ettha kamma-saddo kammaśādhano atītakālikoti āha “attānaṃ paṭicca katan”ti. Nimittakammassetāṃ adhivacanaṃ “paṭicca kammaṃ phusati”ti-ādīsu¹ viya. **Nimittakammassāti** nimittabhāvena laddhabbakammassa, na karanakārāpanavasena. **Paṭicca kammaṃ ettha atthīti** maṃsaṃ paṭiccekammaṃ yathā “buddhaṃ etassa atthīti buddho”ti. Atha vā paṭicca kammaṃ

1. Khu 5. 102 piṭṭhe Jātake.

phusatīti pāṭhaseso daṭṭhabbo, svāyaṃ etaṃ maṃsaṃ paṭicca taṃ
pāṇavadhakakammaṃ phusatīti attho. Tañhi akusalaṃ upaḍḍhaṃ dāyakassa,
upaḍḍhaṃ paṭiggāhakassa hotīti nesaṃ laddhi. **Upakaṇṇaketi** kaṇṇamūle.
Alanti paṭikkhepavacanaṃ, hotu kiṃ imināti attho. **Na ca pana teti** ete
āyasmantā dīgharattaṃ avaṇṇakāmā hutvā avaṇṇaṃ bhāsantāpi
abbhācikkhantā na jiridanti¹, abbhakkhānassa antaṃ na gacchantīti attho.
Atha vā lajjanatthe idaṃ **jiridanti** padaṃ daṭṭhabbaṃ, na lajjantīti attho.

Sīhasenāpativatthukathāvaṇṇanā niṭṭhitā.

Kappiyabhūmi-anujānanakathāvaṇṇanā

295. **Abhilāpamattanti** desanāmattaṃ. **Āmisakhādanatthāyāti** tattha
tattha chaḍḍitassa āmisassa khādanatthāya. **Anuppageyevāti** pātoyeva.
Oravasaddanti mahāsaddaṃ. **Taṃ pana avatvāpīti** andhakatṭhakathāyaṃ
vuttanayena avatvāpi. **Pi-saddena** tathā vacanampi anujānāti. **Aṭṭhakathāsu**
vuttanayenāti sesa-aṭṭhakathāsu vuttanayena. “Kappiyakuṭiṃ karomā’ti vā,
‘kappiyakuṭi’ti vā vutte sādharmaṇalakkhaṇaṃ”ti sabba-aṭṭhakathāsu vutta-
ussāvanantikākuṭikaraṇalakkhaṇaṃ. **Cayanti** adhiṭṭhānaṃ. **Yato paṭṭhāyāti**
yato iṭṭhakato silato mattikāpiṇḍato vā paṭṭhāya. **Paṭhamiṭṭhakādīnaṃ hetṭhā**
na vaṭṭantiti bhittiyā paṭhamiṭṭhakādīnaṃ hetṭhā bhūmiyaṃ
patiṭṭhāpiyamānā iṭṭhakā dayo bhūmigatikattā “kappiyakuṭiṃ karomā”ti
vatvā patiṭṭhāpetuṃ na vaṭṭanti. Yadi evaṃ bhūmiyaṃ nikhaṇitvā
patiṭṭhāpiyamānā thambhā kasmā tathā vatvā patiṭṭhāpetuṃ vaṭṭanti āha
“**thambhā pana -pa- vaṭṭanti**”ti. **Samghasantakamevāti** vāsathāya kataṃ
samghikasenāsanāṃ sandhāya vadati. **Bhikkhusantakanti** vāsathāya eva
kataṃ bhikkhussa puggalikesenāsanāṃ. **Mukhasannidhīti** iminā
antovutthadukkaṭameva dīpitaṃ.

Kappiyabhūmi-anujānanakathāvaṇṇanā niṭṭhitā.

1. Na jīranti (Syā)

Keṇiyajaṭilavatthukathāvaṇṇanā

300. **Yena āpaṇaṃ tadavasārīti**-ādīsu **āpaṇanti** ekassa nigamassetam adhivacanaṃ. Tasmim kira nigame vīsati āpaṇamukhasahassāni vibhattāni ahesuṃ. Iti so āpaṇānaṃ ussannattā “āpaṇan”tveva saṅkham gato. Tassa pana nigamassa avidūre nadīṭire ghanacchāyo ramaṇīyabhūmibhāgo mahāvanasaṅḍo, tasmim bhagavā viharati. **Keṇiyoti** tassa nāmaṃ. **Jaṭiloti** āharimajaṭadharo tāpaso. So kira brāhmaṇamahāsālo, dhanarakkhaṇatthāya pana tāpasapabbajjāṃ samādāya rañño paṇṇākāraṃ datvā bhūmibhāgaṃ gahetvā tattha assamaṃ kāretvā pañcahi sakataṣatehi vaṇijjāṃ payojetvā kulasahassassa nissayo hutvā vasati. Assamepi cassa eko tālarukkho divase divase ekaṃ sovaṇṇamayaṃ phalaṃ muñcatīti vadanti. So divā kāsāvāni dhāreti, jaṭā ca bandhati, rattim kāmasampattim anubhavati.

Pavattāroti¹ pavattayitāro, pāvacanavasena vattāroti attho. **Yesanti** yesaṃ santakaṃ. **Mantapadanti** mantasadda² bahikatvā raho bhāsitaḥḥapāṭṭhena mantā eva taṃtaṃatthapaṭipattihetutāya padanti mantapadaṃ, vedavacanaṃ³. **Gītanti** aṭṭhakādīhi dasahi porāṇabrāhmaṇehi udāttānudāttādisarasampattivasena sajjhāyitaṃ. **Pavuttanti** pāvacanavasena aññesaṃ vuttaṃ, vācitantī attho. **Samihitanti** samupabyūḥḥam⁴ rāsikataṃ, iruvedayajuvedasāmavedādivasena tatthāpi paccekaṃ mantabrāhmaṇādivasena sajjhāyanavācākādivasena⁵ ca piṇḍaṃ katvā ṭhapitanti attho. **Tadanugāyantīti** etarahi brāhmaṇā taṃ tehi pubbe gītaṃ anugāyanti anusajjhāyanti. **Tadanubhāsantīti** taṃ anubhāsanti, idaṃ purimasseva vevacanaṃ. **Bhāsitamanubhāsantīti** tehi bhāsitaṃ sajjhāyitaṃ anusajjhāyanti. **Vācitanuvācentīti** tehi aññesaṃ vācitaṃ anuvācenti. **Seyyathidanti** te katamehi attho. **Aṭṭhakoti**-ādīni tesam nāmāni. Te kira dibbacakkhu paribhaṇḍena yathākammūpagañāṇena sattānaṃ kammassakatādīm

1. Dī-Ṭṭha 1. 244; Ma-Ṭṭha 3. 290; An-Ṭṭha 3. 65 piṭṭhādīsu taṭṭikāsu ca passitabbaṃ.

2. Suddhe (Syā), suddhe (Majjhimaṇṇāsake Caṅkīsuttaṭṭikāyaṃ)

3. Vedavacanaṃ (Syā) 4. Samupabbuḥḥam (Syā) 5. Ajjhāyānuvācākādivasena (Syā)

pubbenivāsañāṇena atītakappe brāhmaṇānaṃ mantajjhenavidhiṅca oloketvā parūpa ghātaṃ akatvā kassapasammāsambuddhassa bhagavato vaṭṭasannissitena vacanena saha saṃsanditvā mante ganthesuṃ. Aparāpare pana okkākarājakālādīsu uppannabrāhmaṇā pāṇātipātādīni pakkhipitvā tayo vede bhinditvā buddhavacanena saddhiṃ viruddhe akaṃsu. Rattibhojanaṃ ratti, tato uparatāti **rattūparatā**. Atikkante majjhanhike yāva sūriyatthaṅgamanā bhojanaṃ vikālabhojanaṃ nāma, tato viratattā **viratā vikālabhojanā**. Paṭiyādāpetvāti sappimadhusakkarādīhi ceva maricehi ca susaṅkhatam pānam paṭiyādāpetvā.

“**Mahā kho keṇiya bhikkhusaṅgho**”ti kasmā bhagavā punappunam paṭikkhipi? Titthiyānaṃ paṭikkhepapasannatāya. Titthiyā hi “aho vatāyaṃ appiccho, yo nimantiya mānopi na sādiyati”ti upanimantiyamānassa paṭikkhepe pasīdantīti keci, akāraṇaṅcetaṃ. Natthi buddhānaṃ paccayahetu evarūpaṃ kohaṅṅaṃ, ayaṃ pana aḍḍhatelasāni bhikkhu satāni disvā ettakānaṃyeva bhikkhaṃ paṭiyādessati, sveva selo brāhmaṇo tīhi purisa satehi saddhiṃ pabbajissati, ayuttam kho pana navake aññato pesetvā imeheva saddhiṃ gantum, ime vā aññato pesetvā navakehi saddhiṃ gantum. Athāpi sabbeva gahetvā gamissāmi, bhikkhāhāro nappahossati. Tato bhikkhūsu piṇḍāya carantesu manussā ujjhāyissanti “cirassampi keṇiyo samaṇam gotamaṃ nimantetvā yāpanamattaṃ dātum nāsakkhi”ti, sayaṅca vippaṭisārī bhavissati. Paṭikkhepe pana kate “samaṇo gotamo punappunam 'tvaṅca brāhmaṇesu abhippasanno'ti brāhmaṇānaṃ nāmaṃ gaṇhātī”ti cintetvā brāhmaṇepi nimantetukāmo bhavissati, tato brāhmaṇe pāṭiyekkaṃ nimantessati, te tena nimantitā bhikkhū hutvā bhuñjissanti, evamassa saddhā anurakkhitā bhavissatīti punappunam paṭikkhipi. **Kiñcāpi kho bho gotamāti** iminā idaṃ dīpeti “bho gotama kiṃ jātam, yadi ahaṃ brāhmaṇesu abhippasanno, adhivāsetu bhavaṃ gotamo, ahaṃ brāhmaṇānampi dātum sakkomi tumhākampī”ti. **Ṭhapetvā dhaññaphalarasanti** ettha taṇḍuladhovanodakampi dhaññarasoyevāti vadanti. **Anujānāmi bhikkhave ucchurasanti** ettha nikkasaṭo ucchuraso sattāhakālikoti veditabbaṃ.

Imāhi gāthāhī¹ imāhi keṇiyassa cittānukūlāhi gāthāhi. Tattha aggiparicariyaṃ vinā brāhmaṇānaṃ yaññābhāvato “**aggihuttamukhā yaññā**”ti vuttaṃ, aggihuttasetṭhā aggijuhanappadhānāti attho. Brāhmaṇā hi “aggimukhā devā”ti aggijuhanapubbakāṃ yaññāṃ vidahanti. Vede sajjhāyantehi paṭhamāṃ sajjhāyitabbato sāvittī “chandaso mukhan”ti vuttā, sāvittī vedassa pubbaṅgamāti attho taṃpubbakattā vedasavanassa². Manussānaṃ seṭṭhabhāvato rājā “mukhan”ti vutto. Ogāhantīnaṃ nadīnaṃ ādhāra bhāvato gantabbaṭṭhānabhāvena paṭisaraṇato ca sāgaro “mukhan”ti vutto. Candasaṃ yogena “ajja kattikā, ajja rohiṇī”ti saññāyanato nakkhattāni abhibhavitvā ālokakaraṇato nakkhattehi ativisesasommabhāvato³ ca “nakkhattānaṃ mukhaṃ cando”ti vuttaṃ. “Dīpasikhā aggijālā asanivicakkaṃ”ti evamādīnaṃ tapantānaṃ vijjulatānaṃ aggatā ādicco “tapataṃ mukhan”ti vutto. Dakkhiṇeyyānaṃ pana aggatā viśesena tasmīṃ samaye buddhappamukhaṃ saṃghaṃ sandhāya “puññaṃ ākaṅkhamānaṃ, saṃgho ve yajataṃ mukhan”ti vuttaṃ. Tena saṃgho puññaṃ āyamukhaṃ aggadakkhiṇeyya bhāvenāti dasseti.

Keṇiyajaṭilavatthukathāvaṇṇanā niṭṭhitā.

Rojamallavatthukathāvaṇṇanā

301. Rojavatthumhi **vihāro**ti gandhakuṭṭim sandhāya āhaṃsu. **Ataramāno**ti aturanto, saṅgikāṃ padappamāṇaṭṭhāne padaṃ nikkhipanto vattaṃ katvā susammaṭṭhaṃ muttādalaśinduvārasantharasadisāṃ vālikāṃ avināsentoti attho. **Ālindanti** pamukhaṃ. **Ukkāsivāti** ukkāśitasaddaṃ katvā. **Aggaḷanti** kavāṭaṃ. **Ākoṭehī**ti agganakhena īsakaṃ kuṅcīkachiddasaṃīpe koṭehīti vuttaṃ hoti. Dvāraṃ kira ati-upari amanussā, atihetṭhā tīracchānāṭikā koṭenti, tathā akoṭetvā majjhe chiddasaṃīpe manussā koṭenti, idaṃ dvāraḷakavattanti dīpentā vadanti.

1. Ma-Ṭṭha 3. 278; Suttanipāta-Ṭṭha 2. 177 piṭṭhesupī passitabbaṃ.

2. Vedaṭṭhapanassa (Syā)

3. Savisesacārutarabhāvato (Syā)

vivari bhagavā dvāranti na bhagavā uṭṭhāya dvāraṃ vivari, vivaratūti¹ pana hatthaṃ pasāresi. Tato “bhagavā tumhehi anekāsu kappakoṭīsu dānaṃ dadamānehi na sahatthā dvāravivaraṇakammaṃ katan”ti sayameva dvāraṃ vivaṭaṃ. Taṃ pana yasmā bhagavato manena vivaṭaṃ, tasmā “vivari bhagavā dvāraṇ”ti vuttaṃ.

Rojamallavatthukathāvaṇṇanā niṭṭhitā.

Vuḍḍhapabbajitavatthukathāvaṇṇanā

303. Ātumāvattumhi **aññataro vuḍḍhapabbajitoti** subhaddo nāma aññataro bhikkhu vuḍḍhakāle pabbajitattā “vuḍḍhapabbajito”ti vutto. **Dve dārakāti** sāmaṇera bhūmiyaṃ ṭhitā dve puttā. **Nāliyāvāpakenāti** nāliya ceva thavikāya ca. **Samharimsūti** yasmā manussā te dārake mañjubhāṇine paṭibhānavante disvā kāretukāmāpi akāretu kāmāpi kārentiyeva, katakāle ca “kiṃ gaṇhissatha tātā”ti pucchanti. Te vadanti “na amhākaṃ aññena kenaci attho, pitā pana no bhagavato āgatakāle yāgudānaṃ kātu kāmo”ti. Taṃ sutvā manussā aparigaṇetvāva yaṃ te sakkonti harituṃ, sabbaṃ denti. Yampi na sakkonti, manussehi pesenti. Tasmā te dārakā bahum loṇampi telampi sappimpi taṇḍulampi khādanīyampi samharimsu.

Ātumāyaṃ viharatīti ātumaṃ nissāya viharati. **Bhusāgāreti** bhusamaye agārake. Tattha kira mahantaṃ palālapuñjaṃ abbhantarato palālaṃ nikkaddhitvā sālāsadisam pabbajitānaṃ vasanayoggaṭṭhānasadisam kataṃ, tadā bhagavā tattha vasi. Atha bhagavati ātumaṃ āgantvā bhusāgārakam pavitṭhe subhaddo sāyanhasamayaṃ gāma dvāraṃ gantvā manusse āmantesi “upāsakā nāhaṃ tumhākaṃ santikā aññaṃ kiñci paccāsīsāmi, mayhaṃ dārakehi ānītatelādīniyeva saṃghassa pahonti, hatthakamma mattaṃ me dethā”ti. Kiṃ bhante karomāti. “Idañcidañca gaṇhathā”ti sabbūpakaraṇāni gāhetvā vihāre uddhanāni kāretvā ekaṃ kālakaṃ kāsavaṃ nivāsetvā tādisameva pārūpitvā “idaṃ karotha, idaṃ karoṭhā”ti sabbarattim vicārento satasahassam vissajjetvā

1. Vivariyatūti (Syā, Ka) Am-Ṭṭha 3. 307 piṭṭhe pana passitabbaṃ.

bhojjayāguñca madhugoḷakañca paṭiyādāpesi. **Bhojjayāgu** nāma paṭhamam bhuñjitvā pātabbayāgu, tattha sappimadhuphāṇitamacchamaṁsapapphaphalarasādi yaṁkiñci khāda nīyam nāma, sabbam pavisati, kīlitukāmānam sisamakghanayoggā hoti sugandhagandhā.

Atha bhagavā kālasseva sarīrapaṭijagganam katvā bhikkhusaṁghaparivuto piṇḍāya caritum ātumāgāmanagarābhimukho pāyāsi. Manussā tassa ārocesum “bhagavā piṇḍāya gāmaṁ pavisati, tayā kassa yāgu paṭiyādītā”ti. So yathānivatthapāruteheva tehi kāḷakakāsāvehi ekena hatthena dabbiñca kaṭacchuñca gahetvā brahmā viya dakkhiṇajānumaṇḍalam bhūmiyam paṭiṭṭhāpetvā vanditvā “paṭiggaṇhātu me bhante bhagavā yāgun”ti āha. Tena vuttam “**atha kho so vuḍḍhapabbajito tassā rattiyā accayena bahutaram yāgum paṭiyādāpetvā bhagavato upanāmesi**”ti. **Jānantāpi tathāgatā pucchantīti**-ādi vuttanayameva. **Kutāyanti** kuto ayam. Sesamettha uttānameva.

304. **Dasabhāgam datvā**ti dasamabhāgam datvā. Tenevāha “**dasa koṭṭhāse katvā eko koṭṭhāso bhūmisāmikānam dātabbo**”ti.

Vuḍḍhapabbajitavatthukathāvaṇṇanā niṭṭhitā.

Catumahāpadesakathāvaṇṇanā

305. **Parimaddantā**ti upaparikkhantā. Pattuṇṇadese sañjātavattham **pattuṇṇam**. Koseyyavisesoti hi abhidhānakose vuttam. Cīnadese somāradese ca sañjātavatthāni **cīnasomārapaṭāni**. Pattuṇṇādīni tīni koseyyassa anulomāni pāṇakehi katasuttamayattā. **Iddhimayikam** ehibhikkhūnam puññiddhiyā nibbattacīvaram. Tam khomādīnam aññataram hotīti tesamīeva anulomam. Devatāhi dinnacīvaram **devadattiyam**. Tam kapparukkhe nibbattam jālinīdevakaññāya anuruddhattherassa dinnavatthasadisam. Tampi khomādīnaññeva anulomam hoti tesu aññatarabhāvato. **Dve paṭā desanāmeneva vuttā**ti tesam sarūpadassanaparametaṁ, nāññam nivattanaparam pattuṇṇapaṭassapi desanāmeneva vuttattā. **Tumbāti**

bhājanāni. **Phalatumboti** lābu-ādi. **Udakatumboti** udakukkipanakakuṭako. **Kilañja cchattanti** veḷuvilīgehi vāyitvā katachattam. **Sambhinnarasanti** sammissitarasam. **Pānakam paṭiggahitam hotīti** ambapānādipānakam paṭiggahitam hoti, tam vikālepi kappati asambhinnarasattā. **Tena tadahupaṭiggahitena saddhinti** tena sattāhakālikena tadahupaṭiggahitena saddhim. Sesamettha suviññeyyameva.

Catumahāpadesakathāvaṇṇanā niṭṭhitā.

Bhesajjakkhandhakavaṇṇanā niṭṭhitā.

7. Kathinakkhandhaka

Kathinānujānanakathāvaṇṇanā

306. Kathinakkhandhake sīsavasenāti padhānaṅgavasena. “**Kathinanti**¹ pañcāni saṁse antokaraṇasamatthatāya thiranti attho”ti **gaṇṭhipadesu** vuttaṁ. “**So nesaṁ bhavissatī**”ti yujjātīti “so tumhākan”ti avatvā “nesan”ti vacanaṁ yujjati. **Ye atthatakathinā**ti na kevalaṁ tumhākameva, ye aññeṇi atthatakathinā, tesampi bhavissatīti attho. **Anāma ntetvā caraṇanti** cārittasiikkhāpade vuttanayena anāpucchitvā kulesu caraṇaṁ. **Mataka cīvaranti** matassa santakaṁ cīvaraṁ. **Tatruppādena ābhatanti** vihārasantakena khetta vatthu-ādinā ānītaṁ.

Paṭhamapavāraṇāya pavāritāti idaṁ vassacchedaṁ akatvā vassaṁvutthabhāva sandassanatthaṁ vuttaṁ antarāyena appavāritānampi vutthavassānaṁ kathinatthāra sambhavato. Teneva “appavāritā vā”ti avatvā “chinnavassā vā pacchimikāya upagatā vā na labhanti”ti ettakameva vuttaṁ. **Aññasmiṁ vihāre vutthavassāpi na labhanti**ti nānā sīmāya aññasmiṁ vihāre vutthavassā imasmiṁ vihāre kathinatthāraṁ na labhanti attho. **Khalimakkhitasātakoti** ahatavatthaṁ sandhāya vuttaṁ. **Dānakammavācāti** kathinadussa dānakammavācā. **Akātuṁ na labbhatī**ti iminā anādariyena akarontassa dukkaṭanti dīpeti. **Kammavācā pana ekāyeva vaṭṭatī**ti kathinatthārasātakassa dānakāle vuttā ekāyeva kammavācā vaṭṭati. Puna tassa aññasmiṁ vatthe diyyamāne kammavācāya dātabbakiccaṁ natthi, apalokanameva alanti adhippāyo.

308. **Mahābhūmikanti** mahāvisayaṁ, catuvīsati-ākāravantatāya mahāvithhārikanti vuttaṁ hoti. **Pañcakanti** pañcakaṇḍaṁ. Esa nayo sesesupi. **Paṭhamacimilikāti** kathina vatthato aññā attano pakaticimilikā. “**Kucchicimilikaṁ katvā sibbitamattenāti** thirajiṇṇānaṁ cimilikānaṁ ekato katvā sibbanassetāṁ adhivacanan”ti **gaṇṭhipadesu** vuttaṁ. **Mahāpaccariyaṁ**

1. Kathinanti (Syā)

kurundiyañca “vuttavacananidassanaṃ byañjane eva bhedo, atthe natthīti dassanatthaṃ katan”ti vadanti. **Piṭṭhi-anuvātāropanamattenā**ti dīghato anuvātassa āropanamattena. **Kucchi-anuvātāropanamattenā**ti puthulato anuvātassa āropanamattena. **Sāruppaṃ hotīti** samaṇasāruppaṃ hoti. **Rattinissaggiyenā**ti ratti-atikkantena.

Kathinānujānanakathāvaṇṇanā niṭṭhitā.

Ādāyasattakādīkathāvaṇṇanā

311. **Ayanti** āsāvachediko kathinuddhāro. **Idha na vuttoti** pāḷiyāṃ mātikāpada bhājane savanantikānantaraṃ na vutto. **Tatthāti** tasmīṃ sīmātikantike kathinuddhāre. “Sīmātikantiko nāma cīvarakālasīmātikantiko”ti **kenaci** vuttaṃ. “Bahisīmāyaṃ cīvara kālasamayassa atikkantattā sīmātikantiko”ti ayaṃ amhākaṃ khanti. Sahubbhāre “so katacīvaro”ti pāḷho dissati, evañca sati cīvarapalibodho paṭhamāṃ chijjatīti viññāyati, idha pana parivārapāḷiyañca “dve palibodhā apubbaṃ acarimaṃ chijjantī”ti¹ vacanato taṃ na sameti, tasmā vīmaṃsitabbamettha kāraṇaṃ.

312. “Samādāyavāro ādāyavārasadiso, upasaggamattamettha viseso”ti **gaṇṭhi padesu** vuttaṃ. Keci pana “sabbaṃ attano parikkhāraṃ anavasesetvā pakkamanto 'samādāya pakkamatī’ti vuccatī”ti vadanti. Puna samādāyavārepi teyeva dassitāti sambandho. Vippekatacīvare pakkamanantikassa kathinuddhārassa asambhavato “**yathāsambhavan**”ti vuttaṃ. Pakkamanantiko hi kathinuddhāro niṭṭhitacīvarasseva vasena vutto “bhikkhu atthatakathino katacīvaraṃ ādāya pakkamatī”ti vuttattā, tasmā so vippekatacīvaro na sambhavatīti chaḷeva ubbhārā tattha dassitā.

Tatrāyaṃ ādito paṭṭhāya vāravibhāvanā—ādāyavārā satta, tathā samādāyavārāti dve sattakavārā, tato pakkamanantikāṃ vajjetvā vippekatacīvarassa ādāyasamādāyavāravasena dve chakkavārā, tato

1. Vi 5. 310 piṭṭhe.

paraṃ niṭṭhānasanniṭṭhānanāsanantikānaṃ vasena tīṇi tikāni dassitāni. Tattha paṭhama ttikāṃ antosīmāyaṃ “paccessaṃ na paccessan”ti imaṃ vidhiṃ anāmasitvā bahisīmāya meva “na paccessan”ti pavattaṃ, tasmā pakkamanantikasīmātikkantika-ubbhārā tattha na yujjanti. Dutiya ttikāṃ antosīmāyaṃ “na paccessan”ti pavattaṃ. Tatiya ttikāṃ **anadhiṭṭhi ta**-padena viresetvā pavattaṃ, atthato paṭhamattikena sameti. **Anadhiṭṭhitenā**ti ca “paccessaṃ na paccessan”ti evaṃ anadhiṭṭhitena, aniyamitenāti attho. Tatiya ttikāna ntaraṃ catutthattikāṃ sambhavantaṃ antosīmāyaṃ “paccessan”ti vacanavisesena sambha vati. Tathā ca yojjyamānaṃ itarehi savanantikādīhi aviruddhaṃ hoṭīti catutthattikāṃ ahutvā chakkāṃ jātanti veditabbaṃ. Evaṃ tīṇi tikāni ekaṃ chakkañcāti paṭhamaṃ panna rasakaṃ veditabbaṃ.

316-320. Tato idameva pannarasakaṃ upasaggavisesena dutiyaṃ samādāyapanna rasakaṃ nāma kataṃ. Puna “vipakatacīvaraṃ ādāyā”ti tatiyaṃ pannarasakaṃ, “samā dāyā”ti catutthaṃ pannarasakaṃ dassitanti evaṃ cattāri pannarasakāni veditabbāni. Tattha paṭhamadutiyesu pannarasakesu sabbena sabbaṃ akatacīvaraṃ adhippettaṃ, itaresu dvīsu vipakatanti veditabbaṃ. Tato paraṃ “cīvarāsāya pakkamatī”ti-ādinā nayena niṭṭhānasanniṭṭhānanāsa-āsāvachchedikavasena eko vāroṭi idamekaṃ catukkaṃ jātāṃ, tasmā pubbe vuttāni tikāni āsāvachchedikāni tīṇi ca tikānīti etaṃ anāsāyadvādasakanti¹ veditabbaṃ. Tadanantare āsāyadvādasake kiñcāpi paṭhamaṃ dvādasakaṃ labbhati, tathāpi taṃ nibbisesanti tamekaṃ dvādasakaṃ avuttasiddhaṃ² katvā vireseto dassetuṃ ādito paṭṭhāya “antosīmāyaṃ paccessan”ti vuttaṃ. Taṃ dutiyacatukka “so bahisīmāgato suṇāti”ti-ādivacanassa tatiyacatukka savanantikādīnañca okāsakaraṇattanti veditabbaṃ. Idaṃ pana dvādasakaṃ anāsāyavasena pi labbhamānaṃ iminā avuttasiddhaṃ³ katvā na dassitanti veditabbaṃ. Evamettha dve dvādasakāni uddharitabbāni. Karaṇīyadvādasaka kepi yathā dassitaṃ anāsāyadvādasakaṃ avuttasiddhaṃ āsāyadvādasakañcāti dve dvādasakāni uddharitabbāni.

321-322. Yasmā disaṃgamikanavake “disaṃgamiko pakkamatī”ti vacaneneva “na paccessan”ti idaṃ avuttasiddhameva, tasmā taṃ na vuttaṃ.

1. Āsāyadvādasakanti (Syā) 2. Vuttasiddhaṃ (Ka) 3. Vuttasiddhaṃ (Syā, Ka)

Ettāvata ca āvāsapalibodhābhāvo dassito. **Cīvarapaṭivīsam apavilāyamānoti** iminā cīvarapalibodhasamaṅgitamassa dasseti. Tatha **cīvarapaṭivīsanti** attano pattabbacīvara bhāgam. **Apavilāyamānoti** ākaṅkhamāno. Tassa cīvaralābhe sati vassamvutthāvāse niṭṭhānasanniṭṭhānanāsanantikānam vasena ekam tikam, tesamyeva vasena antarāmagge ekam, gataṭṭhāne ekanti tiṇṇam tikānam vasena ekam navakam veditabban.

324. Tato param niṭṭhānasanniṭṭhānanāsanantikasīmātikkantikasa-
ubbhārānam vasena phāsuvihārapañcakam vuttam. Sesamettha pāḷito
aṭṭhakathāto ca suviññeyyameva.

Ādāyasattakādikathāvaṇṇanā niṭṭhitā.

Kathinakkhandhakavaṇṇanā niṭṭhitā.

8. Cīvarakkhandhaka

Jīvakavatthukathāvaṇṇanā

329-330. Cīvarakkhandhake **kammavipākanti** kammajarogaṃ. **Samyamassāti** ānisaṃsassa, upayogatthe cetam̐ sāmivacanam̐.

Pajjotarājavatthukathādivaṇṇanā

334-336. **Vicchikassa jātoti** tassa kira mātuyā utusamaye sayanagatāya vicchiko nābhīpadesaṃ āruḷho, sā tassa samphassena gabbhaṃ gaṇhi. Tam̐ sandhāya vuttam̐ “vicchikassa jāto”ti. **Ussannadosoti**¹ sañcitapittādidoso².

Varayācanakathāvaṇṇanā

337. **Itarītarenāti** itarena itarena. **Itara**-saddo pana aniyamavacano³ dvikkhattum̐ vuccamāno yaṃkiñci-saddehi samānattho hotīti vuttam̐ “**appagghenapi mahagghenapi yena kenacī**”ti. **Mahāpiṭṭhiyakojavanti** hatthipiṭṭhīsu attharitabbatāya mahāpiṭṭhiyanti laddhasamaññaṃ caturaṅgulapupphaṃ kojavam̐.

Kambalānujānanādīkathāvaṇṇanā

340. **Upacāreti** susānassa āsanne padese. **Chaddetvā gatāti** kiñci avatvāyeva chaddetvā gatā. **So eva sāmīti** akatāya katikāya yena gahitam̐, sova sāmī.

Cīvarapaṭiggāhakaṣammūti-ādīkathāvaṇṇanā

342-343. **Dhuravihāraṭṭhāneti** vihāradvārassa sammukhaṭṭhāne. **Vihāramajjhe yeva sammannitabbanti** sabbesaṃ jānanatthāya vihāramajjheyeva nisinnehi sammanni tabbam̐. **Tulābhūtoti** tulāsadiso. **Vaṇṇāvaṇṇam̐ katvāti** sabbakoṭṭhāse agghato samake katvā. Tenevāha “**same paṭivīse ṭhapetvā**”ti. **Idanti** sāmaṇerānam̐ upaḍḍhapaṭivīsassa dānam̐. **Phātikammanti**

1. Dosābhisannoti (Pāḷiyam̐) 2. Sañjātapittādidoso(Ka) 3. Yamaniyamavacano (Syā)

sammuñjanībandhanādihatthakammaṃ. **Ukkuṭṭhiṃ karontī** mahāsaddaṃ karonti. **Samapaṭivīso dātabboti** karissāmāti yācantānaṃ paṭiññāmattepi samakoṭṭhāso dātabbo.

Cīvararajanakathā vaṇṇanā

344. **Rajanakumbhiyā majjhe ṭhapetvā** antorajanakumbhiyā majjhe ṭhapetvā evaṃ vaṭṭādhārake antorajanakumbhiyā pakkhitte majjhe udakaṃ tiṭṭhati, vaṭṭādhārakato bahi samantā antokumbhiyaṃ rajanacchalli. **Rajanaṃ pakkhipitunti** rajanacchallim pakkhipitum.

Ticīvarānujānanakathāvaṇṇanā

346. **Uddhaste aruṇeti** uggate aruṇasīse. **Nandimukhiyā** ti tuṭṭhamukhiyā.

Atirekacīvarādikathāvaṇṇanā

348. **Acchupeyyanti** paṭiṭṭhapeyyaṃ. **Hatavatthakānanti** kālātītavatthānaṃ. **Uddharitvā alliyāpanakhaṇḍanti** dubbalaṭṭhānaṃ apanetvā alliyāpanavatthakhaṇḍaṃ.

Visākhāvatthukathāvaṇṇanā

349-351. Visākhāvatthumhi **kallakāyā**ti akilantakāyā pītisomanassehi phuṭasarīrā. **Gatī**ti ñāṇagati ñāṇādhigamo. **Abhisamparāyoti** ñāṇābhisamparāyo ñāṇasahito peccabhāvo.

Taṃ bhagavā byākarissatī “so bhikkhu sotāpanno sakadāgāmī”ti-ādinā tassa taṃ ñāṇagatiṃ, tato paraṃ “niyato sambodhiparāyaṇo sakideva imaṃ lokaṃ āgantvā dukkha ssantaṃ karissatī”ti-ādinā¹ ñāṇābhisamparāyaṇa āvi karissati. **Sovaggikanti** saggasamvattanikaṃ. **Sokaṃ nudati** vinodetīti **sokanudaṃ**.

1. Saṃ 3. 311 piṭṭhe.

Nisīdanādi-anujānanakathāvaṇṇanā

353. **Dukkhaṃ supatīti** nānāvidhasupinaṃ passanto dukkhaṃ supati. **Dukkhaṃ paṭibujjhatīti** paṭibujjhantopi uttasitvā salomahaṃso dukkhaṃ paṭibujjhati.

Pacchimavikappanupagacīvarādīkathāvaṇṇanā

359-362. **Aṭṭhapadakacchannena pattamukhaṃ sibbitunti** aṭṭhapadaphalakākārena pattamukhe tattha tattha gabbhaṃ dassetvā sibbitum. **Aggaḷaguttiyeva pamāṇanti** imehi catūhi nakkhepakāraṇehi ṭhapentenapi aggaḷaguttivihāreyeva ṭhapetum vaṭṭatīti adhippāyo.

Samghikacīvaruppādakathāvaṇṇanā

363. **Pañca māseti** accantasamyoge upayogavacanāṃ. **Vaḍḍhiṃ payojetvā ṭhapita-upanikkhepatoti** vassāvāsikatthāya veyyāvaccakarehi vaḍḍhiṃ payojetvā ṭhapita upanikkhepatoti. **Tatruppādatoti** nāḷikera-ārāmāditatruppādati. “Vassāvāsikalābhavasena vā matakacīvaravasena vā tatruppādavassena vā aññena vā kenaci ākārena samghaṃ uddissa uppannacīvaraṃ, sabbaṃ tasseva atthatakathinassa pañca māse, anattata kathinassa ekaṃ cīvaramāsaṃ pāpuṇāti”ti avisesato vatvāpi puna vassāvāsikalābhavasena uppanne labbhamānavisesaṃ dassetum “**yaṃ pana idan**”ti-ādi āradham. Tattha **idhāti** abhilāpamattametam. “Vassaṃvutthasamghassa demā”ti vuttepi soyeva nayo. **Anattha takathinassapi pañca māse pāpuṇāti**ti vassāvāsikalābhavasena uppannattā anattatakathi nassapi vutthavassassa pañca māse pāpuṇāti. **Kenaci** pana “idha-saddena niyamitattā”ti kāraṇaṃ vuttaṃ, taṃ akāraṇaṃ. Tathā hi idha-saddena aniyametvāpi “vassaṃvuttha samghassa demā”ti vā “vassāvāsikaṃ demā”ti vā antohemante vassāvāsikalābhavasena dīnaṃ cīvaraṃ anattatakathinassapi vutthavassassa pañca māse pāpuṇāti, teneva parato aṭṭhasu mātīkāsu “vassaṃvutthasamghassa deti”ti imassa mātīkāpadassa vinicchaye¹ “cīvaramāsaṃ paṭṭhāya yāva hemantassa pacchimo divaso, tāva

1. Vi-Ṭṭha 3. 425 piṭṭhe.

vassāvāsikaṃ demāti vutte kathinaṃ atthataṃ vā hotu anattataṃ vā, atītavassaṃvutthāna meva pāpuṇātī”ti vuttaṃ. **Tato paranti** pañcamāsato paraṃ, gimhānassa paṭhamadivasato paṭṭhāyāti attho.

“Kasmā? Piṭṭhisamaye uppannattā”ti idaṃ “udāhu anāgatavasse”ti imassā nantaraṃ daṭṭhabbaṃ. Gimhānassa paṭhamadivasato paṭṭhāya uppannameva hi piṭṭhi samaye uppannattā “kiṃ atītavasse idaṃ vassāvāsikaṃ”ti-ādinā pucchitabbaṃ, teneva paratopi vakkhati “gimhānaṃ paṭhamadivasato paṭṭhāya vutte pana mātikā āropetabbā 'atītavassāvāsassa pañca māsā atikkantā, anāgato cātumāsaccayena bhavissati, kataravassā vāsassa desī'ti. Sace 'atītavassaṃvutthānaṃ dammī'ti vadati, taṃantovassaṃvutthānameva pāpuṇātī”ti¹. Potthakesu pana “anattatakathinassapi pañca māsē pāpuṇātī”ti imassā nantaraṃ “kasmā? Piṭṭhisamaye uppannattā”ti idaṃ likhanti, taṃ na yujjati. Na hi piṭṭhi samaye uppannaṃ sandhāya “anattatakathinassapi pañca māsē pāpuṇātī”ti vuttaṃ, na ca piṭṭhisamaye uppannaṃ vutthavassasseva pāpuṇātī, sammukhībhūtānaṃ sabbesaṃ pāpuṇātī, teneva parato vakkhati “asukavihāre vassaṃvutthasaṃghassāti vadati, tatra vassaṃvutthānameva yāva kathinassubbhārā pāpuṇātī. Sace pana gimhānaṃ paṭhama divasato paṭṭhāya evaṃ vadati, tatra sammukhībhūtānaṃ sabbesaṃ pāpuṇātī. Kasmā? Piṭṭhisamaye uppannattā”ti².

Ṭhitikā pana na tiṭṭhatīti ettha aṭṭhitāya ṭhitikāya puna aññasmim cīvare uppanne sace eko bhikkhu āgacchati, majjhe chinditvā dvīhipi gahetabbaṃ. Ṭhitāya pana ṭhitikāya puna aññasmim cīvare uppanne sace navakataro āgacchati, ṭhitikā heṭṭhā gacchati. Sace vuḍḍhataro āgacchati, ṭhitikā uddhamārohati. Atha añño natthi, puna attano pāpetvā gahetabbaṃ. **Duggahitāni hontī**ti ettha saṃghikāneva hontīti adhippāyo. **Gahitameva nāmāti** “imassa idaṃ pattan”ti kiñcāpi na viditaṃ, te pana bhāgā atthato tesam pattā yevāti adhippāyo. **Itovāti** therānaṃ dātabbatoyeva.

Saṃghikacīvaruppādakathāvaṇṇanā niṭṭhitā.

1. Vi-Ṭṭha 3. 425 piṭṭhe.

2. Vi-Ṭṭha 3. 424 piṭṭhe.

Upanandasakyaputtavatthukathāvaṇṇanā

364. **Sattāhavārena aruṇameva utṭhāpetīti** etaṃ vacanamattameva ekasmim vihare sattāhakiccābhāvato. **Idanti** ekādhippāyadānaṃ. **Nānālābhehīti**-ādīsu nānā visum visum lābho etesūti nānālābhā, dve viharā, tehi **nānālābhehi**. Nānā visum visum pākārā dīhi paricchinnō upacāro etesanti nānūpacārā, tehi **nānūpacārehi**. **Ekasīmavihārehīti** ekūpacārasīmāyaṃ dvīhi viharehi.

Gilānavatthukathāvaṇṇanā

365. **Palipannoti** nimuggo, makkhitoti attho. **Uccāretvāti** ukkhipivā. **Samānā cariyakoti** ettha sacepi ekassa ācariyassa eko antevāsiko hoti, eko saddhivihāriko, etepi aññamaññaṃ samānācariyakā evāti vadanti.

366. **Bhesajjam yojetum asamatto hotīti** vejjena “idañcidañca bhesajjam gahetvā iminā yojetvā dātabban”ti vutte tathā kātum asamatthoti attho. **Nīhātunti** nīharitum, chaḍḍetunti attho.

Matasantakakathāvaṇṇanā

367-369. **Bhikkhussa kālakateti** ettha **kālakata**-saddo bhāvasādhanoti āha “**kālakiriyāyā**”ti. **Tattha tattha saṃghassāti** tasmim tasmim vihare saṃghassa.

Samghe bhinne cīvaruppādakathāvaṇṇanā

376. **Yattha pana dakkhiṇodakam pamāṇanti** bhikkhū yasmim raṭṭhe dakkhiṇo dakapaṭiggahaṇamattenapi deyyadhammassa sāmīno hontīti adhippāyo. **Parasamuddeti** jambudīpe.

378. **Matakacīvaram adhiṭṭhātīti** ettha maggaṃ gacchanto tassa kālakiriyaṃ sutvā avihāraṭṭhāne ce dvādasaratanabbhantare aññesaṃ bhikkhūnaṃ abhāvaṃ ñatvā “idaṃ cīvaram mayhaṃ pāpuṇātī”ti adhiṭṭhāti, svādhiṭṭhitam.

Aṭṭhacīvaramātikākathāvaṇṇanā

379. **Puggalādhiṭṭhānanayena vuttanti** “sīmāya dānan”ti-ādinā vattabbe “sīmāya detī”ti-ādi puggalādhiṭṭhānanayena vuttaṃ. **Parikkhepārahaṭṭhānena paricchinnā**ti iminā aparikkhittassa vihārassa dhuvasannipātaṭṭhānādito paṭhamaleḍḍupātassa anto upacārasī māti dasseti. Idāni dutiyaleḍḍupātassa antopi upacārasīmāyevāti dassetuṃ “**apicā**”ti-ādi āradham. Dhuvasannipātaṭṭhānampi pariyantagatameva gahetabbaṃ. Bhikkhunīnaṃ āramappavesanāsenāsanāpucchanādi parivāsamānattārocanavassacchedanissayāsenāsanaggāhādi vidhānanti idaṃ sabbaṃ imissāyeva upacārasīmāya vasena veditabbaṃ. Lābhatthāya ṭhapitasīmā **lābhasīmā**. Samānasānvāsa-avippavāsasīmāsu dinnassa idaṃ nānattham—“avippavāsasīmāya dammī”ti dinnam gāmaṭṭhānam na pāpuṇāti. Kasmā? “Ṭhapetvā gāmañca gāmūpacārañcā”ti vuttattā. “Samānasānvāsakasīmāya dammī”ti dinnam pana gāme ṭhitānampi pāpuṇātīti.

Buddhādhivuttho buddhena bhagavatā adhivuttho. **Ekasminti** ekasmiṃ vihāre. **Pākavattanti** dānavattam¹. **Vattatī**ti pavattati. **Paṃsukūlikānampi vattatī**ti “tuyham demā”ti avatvā “bhikkhūnam dema, therānam demā”ti vuttattā paṃsukūlikānam vattati. **Vicāritamevāti** upāhanatthavikādīnamatthāya vicāritameva.

Upaḍḍham dātabbanti yaṃ ubhato saṃghassa dinnam, tato upaḍḍham bhikkhūnam, upaḍḍham bhikkhunīnam dātabbam. Sacepi eko bhikkhu hoti ekā vā bhikkhunī, antamaso anupasampannassapi upaḍḍhameva dātabbam. “**Bhikkhusaṃghassa ca bhikkhunīnañca tuyhañcā**”ti vutte pana puggalo visum na labhatīti idaṃ aṭṭhakathā pamāṇeneva gahetabbaṃ. Na hettha visesakāraṇam upalabbhati. Tathā hi “ubhato saṃghassa ca tuyhañca dammī”ti vutte sāmāññavisesavacanehi saṅgahitattā yathā puggalo visum labhati, evamidhāpi “bhikkhusaṃghassa ca tuyhañcā”ti sāmāññavisesavacanasabbhāvato bhavitabbameva visum puggalapaṭivīsenāti viññāyati, tasmā aṭṭhakathāvacanamevettha pamāṇam. **Pāpuṇanaṭṭhānato ekameva labhatī**ti attano vassaggena pattatṭhānato

1. Pākavattanti dānavattam (Syā)

ekameva koṭṭhāsaṃ labhati. Tattha kāraṇamāha “**kasmā? Bhikkhusaṃghaggahaṇena gahitattā**”ti, bhikkhusaṃghaggahaṇeneva puggalassapi gahitattāti adhippāyo. **Bhikkhu saṃghassa¹ harāti vuttepi haritabbanti** īdisaṃ gihiveyyāvaccamaṃ na hotīti katvā vuttaṃ.

Lakkhaṇaññū vadantīti idaṃ sanniṭṭhānavacanamaṃ, aṭṭhakathāsu anāgatattā pana evaṃ vuttaṃ. **Bahi upacārasīmāyaṃ -pa- sabbesaṃ pāpuṇātī**ti yattha katthaci vuttha vassānaṃ sabbesaṃ pāpuṇātīti adhippāyo. Teneva **mātikāṭṭhakathāyaṃ**² “sace pana bahi-upacārasīmāyaṃ ṭhito 'vassaṃvutthasaṃghassa'ti vadati, yattha katthaci vuttha vassānaṃ sabbesaṃ sampattānaṃ pāpuṇātī”ti vuttaṃ. **Gaṇṭhipadesu** pana “vassāvāsassa ananurūpe padese ṭhatvā vuttattā vassaṃvutthānaṃ avutthānañca sabbesaṃ pāpuṇātī”ti vuttaṃ, taṃ na gahetabbaṃ. Na hi “vassaṃvutthasaṃghassa dammī”ti vutte avuttha vassānaṃ pāpuṇātī. **Evaṃ vadatī**ti “vassaṃvutthasaṃghassa dammī”ti vadati. **Uddesaṃ gahetuṃ āgatoti** tassa santike uddesaṃ agahitapubbassapi uddesaṃ gaṇhi ssāmīti āgatakālato paṭṭhāya antevāsikabhāvūpagamanato vuttaṃ. Sesamettha suviññeyya meva.

Aṭṭhacīvaramātikākathāvaṇṇanā niṭṭhitā.

Cīvarakkhandhakavaṇṇanā niṭṭhitā.

1. Bhikkhaṃ saṃghassa (Aṭṭhakathāyaṃ)

2. Kaṅkhā-Ṭṭha 162 piṭṭhe.

9. Campeyyakkhandhaka

Kassapagottabhikkhuvatthukathāvaṇṇanā

380. Campeyyakkhandhake **campāyanti** evaṃnāmake nagare. Tassa hi nagarassa ārāmapokkharāṇī-ādīsu tesu tesu ṭhānesu campakarukkhāva ussannā ahesuṃ, tasmā “campā”ti saṅkham agamāsi. **Gaggarāya pokkharāṇiyā tīreti** tassa campānagarassa avidūre gaggarāya nāma rājamahesiyā khaṇitattā “gaggarā”ti laddhavohārā pokkharāṇī atthi, tassā tīre samantato nīlādipaṅcavaṇṇakusumapaṭimaṇḍitaṃ mahantaṃ campaka vanaṃ, tasmim bhagavā kusumagandhasugandhe campakavane viharati. Tam sandhāya “gaggarāya pokkharāṇiyā tīre”ti vuttaṃ. **Tantibaddhoti tanti** vuccati byāpāro, tattha baddho pasuto ussukkaṃ āpannoti attho, tasmim āvāse akataṃ senāsanam karoti, jīṇṇam paṭisaṅkharoti, kate issaro hotīti adhippāyo. Tenāha “**tasmim āvāse kattabbattā tantipaṭi baddho**”ti, kattabbakamme ussāhamāpannoti attho.

Ñattivipannakammādikathāvaṇṇanā

385-387. **Paṭikkosantesūti** nivārentesu. **Hāpanam vā aññathā karaṇam vā natthīti** ñattikammassa ekāya eva ñattiyā kattabbattā tato hāpanam na sambhavati, anussāvanāya abhāvato pacchā ñattiṭhapanavasena dvīhi ñattīhi karaṇavasena ca aññathā karaṇam natthi.

Catuvaggakaraṇādikathāvaṇṇanā

389. Ukkhepanīyakammakato **kammanānāsamvāsako**, ukkhittānuvattako **laddhi nānāsamvāsako**.

Dvenissāraṇādikathāvaṇṇanā

395. **Appatto nissāraṇanti** ettha **nissāraṇakammaṃ** nāma kuladūsakānaññeva anuññātaṃ, ayaṅca “bālo hoti abyatto”ti-ādinā niddiṭṭho kuladūsako na hoti, tasmā “appatto”ti

vutto. Yadi evaṃ katham̃ sunissārito hotīti? Bāla-abyattatādiyuttassapi kammakkha ndhake “ākaṅkhamāno saṃgho pabbājanīyakammaṃ kareyyā”ti¹ vuttattā. Tenevāha “**tañcesa -pa- tasmā sunissārito hotī**”ti. Tattha **tanti** pabbājanīyakammaṃ. **Esoti** “bālo”ti-ādinā niddiṭṭho. **Āveṇikena lakkhaṇenā**ti pabbājanīyakammaṃ āveṇikabhūtena kuladūsakabhāvalakkhaṇena.

Tañce saṃgho nissāreti, sunissāritoti ettha adhippetassa pabbājanīyakammaṃ vasena attham̃ dassetvā idāni yadi “tañce saṃgho nissāretī”ti tajjanīyādikammavasena nissāraṇā adhippetā, tadā nissāraṇam̃ sampattoyeva tajjanīyādivasena sunissāritoti byatirekamukhena attham̃ dassetum̃ puna “**tañce saṃgho nissāreti**”ti ulliṅgetvā attho kathito. Natthi etassa apadānam̃ avakhaṇḍanam̃ āpattipariyantoti **anapadāno. Ekekenapi aṅgena nissāraṇā anuññātā**ti kammakkhandhake anuññātā. Sesamettha pālito aṭṭhakathāto ca suviññeyyameva.

Dvenissāraṇādikathāvaṇṇanā niṭṭhitā.

Campeyyakkhandhakavaṇṇanā niṭṭhitā.

10. Kosambakakkhandhaka

Kosambakavivādakathāvaṇṇanā

451. Kosambakakkhandhake **sace hoti, desessāmīti** subbacatāya sikkhākāmatāya ca āpattiṃ passi. **Natthi āpattīti** anāpattipakkhopi ettha sambhavatīti adhippāyenāha. Sā panāpatti eva. Tenāha “**so hassā āpattiyā anāpattidiṭṭhi ahoṣī**”ti.

453-454. **Sambhama-atthavasenāti** turitatthavasena. “**Akāraṇe tumhehi so bhikkhu ukkhitto**”ti vadeyyāti yasmā pubbe vinayadharassa vacanena “sace āpatti hoti, desessāmī”ti anena paṭiññātaṃ, idānipi tasseva vacanena “asañcicca assatiyā katattā natthettha āpattī”ti anāpattisaññī, tasmā “akāraṇe tumhehi so bhikkhu ukkhitto”ti ukkhepake bhikkhū yadi vadeyyāti adhippāyo. **Ukkhittānuvattake vā “tumhe āpattiṃ āpannā”ti vadeyyāti** yasmā vatthujānanacittenāyaṃ sacittakā āpatti, ayañca udakāvasese udakāvasesasaññī, tasmā sāpattikasessa “tumhe chandāgatiṃ gacchathā”ti adhippāyena “tumhe āpattiṃ āpannā”ti ukkhittānuvattake vadeyya.

455-456. **Kammaṃ kopetīti** “nānāsaṃvāsakacatuttho ce bhikkhave kammaṃ kareyya, akammaṃ na ca karaṇīyan”ti-ādivacanato¹ sace saṃgho taṃ gaṇapūraṇaṃ katvā kammaṃ kareyya, ayaṃ tattha nisinnopi taṃ kammaṃ kopetīti adhippāyo. **Upacāraṃ muñcitvāti** ettha **upacāro** nāma aññamaññaṃ hatthena pāpuṇanaṭṭhānaṃ.

457. **Bhaṇḍana-jātāti**-ādīsu kalahassa pubbabhāgo bhaṇḍanaṃ nāma, taṃ jātaṃ etesanti **bhaṇḍana-jātā**, hatthaparāmāsādivasena matthakaṃ patto kalaho jāto etesanti **kalahajātā**, viruddhavādabhūtaṃ vādaṃ āpannāti **vivādāpannā**. **Mukhasattīhīti** vācāsattīhi. **Vitudantāti**

1. Vi 3. 440 piṭṭhe.

vijjhantā. **Bhagavantam etadavocāti** “idha bhante kosambiyam bhikkhū bhaṇḍana jātā”ti-ādivacanam avoca, tañca kho neva piyakamyatāya, na bhedādhippāyena, atha kho atthakāmatāya hitakāmatāya. Sāmaggikārako kiresa bhikkhu, tasmāssa etadahosi “yathā ime bhikkhū vivādam āradhā, na sakkā mayā, nāpi aññena bhikkhunā samagge kātum, appeva nāma sadevake loke aggapuggalo bhagavā sayam vā gantvā attano vā santikam pakkosāpetvā etesam bhikkhūnam khantimettāpaṭisamyuttam sāraṇīyadhammadesanam kathetvā sāmaggim kareyyā”ti atthakāmatāya hitakāmatāya gantvā avoca. **Tasmā evamāhāti** atthakāmatāya evamāha, na bhagavato vacanam anādiyanto. Ye pana tadā satthu vacanam na gaṇhimṃsu, te kiñci avatvā tuṇhībhūtā maṅkubhūtā aṭṭhamṃsu, tasmā ubhayesampi satthari agāravapaṭipatti nāhosi.

Kosambakavivādakathāvaṇṇanā niṭṭhitā.

Dīghāvuvatthukathāvaṇṇanā

458. **Atha kho bhagavā bhikkhū āmantesīti**-ādīsū **bhūtapubbanti** idam bhagavā pathavīgataṃ nidhim uddharitvā purato rāsim karonto viya bhavapaṭicchannam purā vuttham dassento āha. **Aḍḍhoti** issaro. Yo koci attano santakena vibhavana aḍḍho hoti, ayam pana na kevalam aḍḍhoyeva, mahaddhano mahatā aparimāṇasaṅkhena dhanena samannāgatoti āha “**mahaddhano**”ti. Bhuñjitabbato paribhuñjitabbato visesato kāmā bhogā nāma, tasmā pañcakāmaguṇavasena mahantā ulārā bhogā assāti **mahābhogo**. Mahantaṃ senābalañceva thāmabalañca etassāti **mahabbalo**. Mahanto hatthi-assādi vāhano etassāti **mahāvāhano**. Mahantaṃ vijitaṃ raṭṭham etassāti **mahāvijito**. **Paripuṇṇa kosakoṭṭhāgāroti koso** vuccati bhaṇḍāgārasāragabbho, **koṭṭham** vuccati dhaññassa āṭṭhapanatṭhānam, koṭṭhabhūtam agāram **koṭṭhagāram**, nidahitvā ṭṭhapitena dhanena paripuṇṇakoso dhaññānañca paripuṇṇakoṭṭhāgāroti attho.

Atha vā catubbidho koso hatthī assā rathā pattīti¹. Yathā hi asino tikkhabhāvaparipālako paricchado “koso”ti vuccati, evaṃ rañño tikkhabhāvaparipālakattā caturaṅginī senā “koso”ti vuccati. Tividhaṃ koṭṭhāgāraṃ dhanakoṭṭhāgāraṃ dhañṇakoṭṭhāgāraṃ vatthakoṭṭhāgāraṃ. Tam sabbampi paripuṇṇamassāti **paripuṇṇakosakoṭṭhāgāro**. **Caturaṅginim senanti** hatthi-assarathapattisankhātehi catūhi aṅgehi samannāgataṃ senaṃ. **Sannayhitvāti** cammapaṭimuñcanādīhi sannāhaṃ kāretvā. **Abbhuyyāsīti** abhi-uyyāsi, abhimukho hutvā nikkhamīti attho. **Ekasaṅghātampīti** ekappahāraṃpi. **Dhovananti** dhovanudakaṃ. **Parinetvāti** nīharitvā. “Anatthado”ti vattabbe da-kārassa ta-kāraṃ katvā “anattato”ti vuttanti āha “**atha vā**”ti-ādi.

464. Vaggabhāvena vā puthu nānā saddo assāti **puthusaddo**. **Samajanoti** bhaṇḍane samajjhāsayo jano. **Tatthāti** tasmim janakāye. **Ahaṃ bālōti na maññitthāti** bālalakkhaṇe ṭhitopi “ahaṃ bālō”ti na maññi. **Bhiyyo cāti** attano bālabhāvassa ajānato bhiyyo ca bhaṇḍanassa upariphoṭo viya saṅghabhedassa attano kāraṇabhāvampi uppajjamānaṃ na maññittha nāññāsi.

Kalahavasena pavattavācāyeva gocarā etesanti **vācāgocarā**. **Mukhāyāmanti** vivadanavasena mukhaṃ āyāmetvā bhāṇino. **Na taṃ jānantīti** taṃ kalahaṃ na jānanti. Kalahaṃ karonto ca taṃ na jānanto nāma natthi. Yathā pana na jānanti, taṃ dassetuṃ āha “**evaṃ sādīnavo ayan**”ti, ayaṃ kalaho nāma attano paresaṅca atthahāpanato anattu ppādanato diṭṭheva dhamme samparāye ca sādīnavo sadosoti attho. (**Taṃ na jānantīti** taṃ kalahaṃ na jānanti. Kathaṃ na jānantīti āha “**evaṃ sādīnavo ayan**”ti, “evaṃ sādī navo ayaṃ kalaho”ti evaṃ taṃ kalahaṃ na jānantīti attho.)²

Akkocchi manti-ādīsu akkocchīti akkosi. **Avadhīti** pahari. **Ajinīti** kūṭasakki-otāraṇena vā vādapaṭivādena vā karaṇuttariyakaraṇena vā ajesi. **Ahāsīti** mama santakaṃ pattādīsu kiñcīdeva

1. Raṭṭhanti (Syā) 2. () Etthantare pāṭho uparipaṇṇāsake upakkilesasuttaṭīkāyaṃ natthi.

avahari. **Ye ca tanti** ye keci devā vā manussā vā gahaṭṭhā vā pabbajitā vā taṃ “akkocchi man”ti-ādivatthukaṃ kodhaṃ sakaṭadhuraṃ viya naddhinā pūtimacchādīni viya ca kusā dīhi punappunaṃ veṭhentā **upanayhanti** upanāhavasena anubandhanti, tesāṃ sakim̐ uppannaṃ veraṃ na sammatīti attho.

Ye ca taṃ nupanayhantīti assatiyā amanasikāravasena vā kammaṃpaccavekkhaṇā divasena vā ye taṃ akkosādivatthukaṃ kodhaṃ “tayāpi koci niddoso purimabhava akkuṭṭho bhavissati, paḥaṭo bhavissati, kūṭasakkhim̐ otāretvā jito bhavissati, kassaci te pasayha kiñci acchinnam̐ bhavissati, tasmā niddoso hutvāpi akkosādīni pāpuṇāsī”ti evaṃ na upanayhanti, tesu pamādena uppannampi veraṃ iminā anupanayhanena nirin dhano viya jātavedo upasammati.

Na hi verena verānīti yathā hi kheḷasiṅghāṇikādi-asucimakkhitaṃ ṭhānaṃ teheva asucīhi dhovanto suddhaṃ niggandhaṃ kātuṃ na sakkoti, atha kho taṃ ṭhānaṃ bhīyyoso mattāya asuddhataṛaṇca duggandhataṛaṇca hoti, evameva akkosantaṃ paccakkosanto paharantaṃ paṭipaharanto verena veraṃ vūpasametuṃ na sakkoti, atha kho bhīyyo verameva karoti. Iti verāni nāma verena kismiñcipi kāle na sammanti, atha kho vaḍḍhantiyeva.

Averena ca sammantīti yathā pana tāni kheḷādīni asucīni vip̐pasannena udakena dhoviyamānāni nassanti, taṃ ṭhānaṃ suddhaṃ hoti niggandhaṃ, evameva averena khantimettodakena yonisomanasikārena paṭisaṅkhānena paccavekkhaṇena verāni vūpasammanti paṭippassambhanti abhāvaṃ gacchanti. **Esa dhammo sanantanoti** esa averena verūpasamanasaṅkhāto porāṇako dhammo sabbesaṃ buddhapaccekabuddhakhīṇāsavānaṃ gatamaggo.

Na jānantīti aniccasaññaṃ na paccupaṭṭhāpentīti adhippāyo. **Tato sammanti medhagāti** tato tasmā kāraṇā medhagā kalahā sammanti vūpasamaṃ gacchanti. Kathaṃ te sammantīti āha “**evañhi**”ti-ādi. Tattha **evañhi te jānantāti** te paṇḍitā “mayaṃ maccusamīpaṃ gacchāmā”ti evaṃ jānantā yonisomanasikāraṃ uppādetvā medhagānaṃ kalahānaṃ

vūpasamāya paṭipajjanti, atha nesam tāya paṭipattiyā te medhagā sammantīti adhippāyo.

Tesampi hoti saṅgatīti ye mātāpitūnaṃ aṭṭhīni chindanti, pāṇe haranti¹, gavādīni ca pasayha gaṇhanti, evaṃ raṭṭhaṃ vilumpamānānaṃ tesampi saṅgati hoti, kimaṅgaṃ pana tumhākaṃ na siyāti adhippāyo.

Vaṇṇavaṇṇadīpanatthaṃ vuttāti “bālasahāyatāya ime bhikkhū kalahapasutā, paṇḍitasahāyānaṃ pana idaṃ na siyā”ti paṇḍitasahāyassa bālasahāyassa ca vaṇṇavaṇṇa dīpanatthaṃ vuttā. **Nipakanti** nepakkapaññāya samannāgataṃ. **Sādhuvihāri dhīranti** bhaddakavīhāriṃ paṇḍitaṃ. **Pākaṭaparissaye ca paṭicchannaparissaye ca abhibhavivāti** sīhabyagghādayo pākaṭaparissaye ca rāgabhayadosabhayādayo paṭicchannaparissaye cāti sabbeva parissaye abhibhavivā.

Ekakā carimsūti “idaṃ rajjaṃ nāma mahantaṃ pamādaṭṭhānaṃ, kiṃ amhākaṃ rajjena kāritenā”ti raṭṭhaṃ pahāya tato mahā-araññaṃ pavisitvā tāsapaṭṭhānaṃ pabba jīvā catūsu iriyāpathesu ekakā carimsūti attho.

Ekassa caritaṃ seyyoti pabbajitassa pabbajitakālato paṭṭhāya ekībhāvābhīratassa ekakasseva caritaṃ seyyoti attho. **Natthi bāle sahāyatāti** cūlasīlaṃ majjhīmasīlaṃ mahāsīlaṃ dasa kathāvattāni terasa dhutaguṇā vipassanāñānaṃ cattāro maggā cattāri phalāni tisso vijjā cha abhiññā amatamahānibbānanti ayaṃ sahāyatā nāma, sā bālaṃ nissāya adhigantaṃ na sakkāti natthi bāle sahāyatā. Mātaṅgo araññe **mātaṅgaraññīti** saralopena sandhi. “Mātaṅgarañño”tipi pāṭho, araññako mātaṅgo viyāti attho. **Mātaṅga** saddeneva hatthibhāvassa vuttattā nāgavacanaṃ tassa mahattavibhāvanatthanti āha “**nāgoti mahantādhivacanametā**”ti. Mahantapariyāyo hi **nāga**-saddo hoti “etaṃ nāgassa nāgena, īsādantassa hatthino”ti-ādīsu².

Dīghāvuvattukathāvaṇṇanā niṭṭhitā.

1. Hananti (Ka)

2. Khu 1. 127 piṭṭhe.

Bālakaloṇakagamanakathāvaṇṇanā

465. **Bālakaloṇakāragāmoti**¹ upāligahapatissa evaṃnāmako bhogagāmo. **Tenupa saṅkamī**ti dhammasenāpatimahāmoggallānattheresu vā asītimahāsāvakesu vā antamaso dhammabhaṇḍagārikaṃ ānandattherampi kañci anāmantetvā sayameva pattacīvaramādāya anīkanissaṭṭo hatthī viya yūthanissaṭṭo kāḷasiho viya vātacchinno valāhako viya ca ekakova upasaṅkami. Kasmā upasaṅkami? Gaṇe kirassa ādīnavam̐ disvā ekavīhāriṃ bhikkhum̐ passitukāmatā udapādi, tasmā sītādipīḷito uṇhādīṃ patthayamāno viya upasaṅkami. Atha vā bhagavatā so ādīnavo pageva pariññāto², na tena satthā nibbinno, tasmīṃ pana antovasse keci buddhaveneyyā nāhesuṃ, tena aññattha gamanam̐ tesam̐ bhikkhūnam̐ damanupāyoti pālīleyyakam̐³ uddissa gacchanto ekavīhāriṃ āyasmantaṃ bhaguṃ sampaham̐setuṃ tattha gato. Evaṃ gate ca satthari pañcasatā bhikkhū āyasmantaṃ ānandaṃ āham̐su “āvuso ānanda satthā ekakova gato, mayam̐ anubandhissāmā”ti. “Āvuso yadā bhagavā sāmam̐ senāsanam̐ saṃsāmetvā pattacīvaramādāya anāmantetvā upaṭṭhāke anapaloketvā bhikkhusam̐gham̐ adutiyo gacchati, tadā ekacārikaṃ carituṃ bhagavato ajjhāsayo, sāvakena nāma satthu ajjhosayānurūpam̐ paṭipajjitabbam̐, tasmā na imesu divasesu bhagavā anugantabbo”ti nivāresi, sayampi nānugañchi. **Dhammiyā kathāyā**ti ekībhāve ānisaṃsaṭṭisaṃyuttāya dhammakathāya.

Bālakaloṇakagamanakathāvaṇṇanā niṭṭhitā.

Pācīnavam̐sadāyagamanakathāvaṇṇanā

466. **Yena pācīnavam̐sadāyoti** tattha kasmā upasaṅkami? Yathā nāma jīghacchi tassa bhojane, pipāsītassa pānīye, sītena phuṭṭhassa uṇhe, uṇhena phuṭṭhassa sīte, dukkhitassa sukhe abhiruci uppajjati, evameva bhagavato kosambake bhikkhū aññamaññam̐ vivādāpanne asamaggavāsam̐ vasante,

1. Bālakaloṇakāragāmoti (Syā) Ma 3. 193 piṭṭhe passitabbam̐.

2. Apariññāto (Ka)

3. Pālīleyyakam̐ (Syā)

samaggavāsaṃ vasante āvajjentassa ime tayo kulaputtā āpāthamāgamimṃsu, atha nesaṃ¹ paggaṇhitukāmo upasaṅkami “evāyaṃ paṭipatti-anukkamena kosambakānaṃ bhikkhūnaṃ vinayanūpāyo hotī”ti. **Viharantīti** sāmaggirasāṃ anubhavamānā viharanti.

Dāyapāloti² araṇṇapālo. So araṇṇaṃ yathā icchiticchitappadesena manussā pavisitvā tattha pupphaṃ vā phalaṃ vā niyyāsaṃ vā dabbasambhāraṃ vā na haranti, evaṃ vatiyā parikkhittassa araṇṇassa yojite dvāre nisīditvā araṇṇaṃ rakkhati, tasmā “dāyapālo”ti vutto. **Attakāmarūpā viharantīti** attano hitaṃ kāmayamānasabhāvā hutvā viharanti. Yo hi imasmim̄ sāsane pabbajitvāpi vejjakammadūtakammappahīṇagamanādīnaṃ vasena ekavīsati-anesanāhi jīvikaṃ kappeti, ayaṃ na attakāmarūpo nāma. Yo pana imasmim̄ sāsane pabbajitvā ekavīsati-anesanaṃ pahāya catupārisuddhisīle paṭiṭṭhāya buddhavacanaṃ uggaṇhitvā sappāyadhutaṅgaṃ adhiṭṭhāya aṭṭhatimsāya ārammaṇesu cittaruciyaṃ kammaṭṭhānaṃ gahetvā gāmantānaṃ pahāya araṇṇaṃ pavisitvā samāpattiyo nibbattetvā vipassanāya kammaṃ kurumāno vicarati, ayaṃ attakāmo nāma. Tepi tayo kulaputtā evarūpā ahesuṃ. Tena vuttaṃ “attakāmarūpā viharantī”ti.

Mā tesāṃ aphāsumakāsīti tesāṃ aphāsukaṃ mā akāsīti bhagavantaṃ vāresi. Evaṃ kirassa ahosi “ime kulaputtā samaggā viharanti, ekaccassa ca gataṭṭhāne bhaṇḍana kalahavivādā vattanti, tikhiṇasiṅgo caṇḍagoṇo viya ovijjhanto vicarati, athekamaggena dvinnaṃ gamaṇaṃ na hoti, kadāci ayampi evaṃ karonto imesaṃ kulaputtānaṃ samagga vāsaṃ bhindeyya, pāsādiko ca panesa suvaṇṇavaṇṇo rasagiddho mañṇe, gatakā lato paṭṭhāya paṇītaḍāyakānaṃ attano upaṭṭhākānaṃ vaṇṇakathanādīhi imesaṃ kulaputtānaṃ appamādavihāraṃ bhindeyya, vasanaṭṭhānāni cāpi etesaṃ kulaputtānaṃ nibaddhāni paricchinnāni tissova paṇṇasālā tayo caṅkamā tīṇi divāṭṭhānāni tīṇi mañcapīṭhāni, ayaṃ pana samaṇo mahākāyo vuḍḍhataro mañṇe bhavissati, so akāle ime kulaputte senāsanā vuṭṭhapessati, evaṃ sabbathāpi etesaṃ aphāsu bhavissatī”ti. Taṃ anicchanto “mā tesāṃ aphāsumakāsī”ti bhagavantaṃ vāreti.

1. Ne (Syā)

2. Ma-Ṭṭha 2. 139 piṭṭhādīsupi passitabbam.

Kim panesa jānanto vāresi ajānantoti? Ajānanto. Sammāsambuddho hi nāma yadā anekabhikkhusahassaparivāro byāmapabhāya asīti-anubyañjanehi dvattimsamahāpurisalakkhaṇasiriyā ca buddhānubhāvaṃ dassento vicarati, tadā “ko eso”ti apucchitvāva jānitabbo hoti. Tadā pana bhagavā “māssu koci mama buddhānubhāvaṃ aññāsī”ti tathā rūpena iddhābhisāṅkhārena sabbampi taṃ buddhānubhāvaṃ cīvaragabbhena viya paṭicchādetvā valāhakagabbhena paṭicchanno puṇṇacando viya sayameva pattacīvara mādāya aññātakavesena agamāsi. Iti taṃ ajānantova dāyapālo vāresi.

Etadavocāti thero kira “mā samaṇā”ti dāyapālassa kathaṃ sutvā cintesi “mayam tayo janā idha viharāma, añño pabbajito nāma natthi, ayañca dāyapālo pabbajitena viya saddhim katheti, ko nu kho bhavissati”ti divāṭṭhānato utthāya dvāre ṭhatvā maggaṃ olokeno bhagavantaṃ addasa. Bhagavāpi therassa saha dassaneneva sarīrobhāsaṃ muñci, asīti-anubyañjanavirājitā byāmapabhā pasāritasuvaṇṇapaṭo viya virocittha. Thero “ayam dāyapālo phaṇakata-āsīvisaṃ gīvāya gahetuṃ hatthaṃ pasārento viya loke aggapuggalena saddhim kathentova na jānāti, aññatarabhikkhunā viya saddhim katheti”ti nivārento etaṃ “māvuso dāyapālā”ti-ādivacanaṃ avoca.

Tenupasaṅkamīti kasmā bhagavato paccuggamaṇaṃ akatvāva upasaṅkami? Evaṃ kirassa ahosi “mayam tayo janā samaggavāsaṃ vasāma, sacāhaṃ ekakova paccuggamaṇaṃ karissāmi, samaggavāso nāma na bhavissati, piyamitte gahetvāva paccuggamaṇaṃ karissāmi. Yathā ca bhagavā mayhaṃ piyo, evaṃ sahāyānampi me piyo”ti tehi saddhim paccuggamaṇaṃ kātukāmo sayam akatvā upasaṅkami. Keci pana “tesaṃ therānaṃ paṇṇasāladvāre caṅkamanakoṭiyā bhagavato āgamanamaggo hoti, tasmā thero tesaṃ saññaṃ dadamānova gato”ti vadanti. **Abhikkamathāti** ito āgacchatha. **Pāde pakkhālesīti** vikasitapadumasannitehi jālahatthehi maṇivaṇṇaṃ udakaṃ gahetvā suvaṇṇa vaṇṇesu piṭṭhipādesu udakaṃ āsiñcitvā pādena pādaṃ ghaṃsento pakkhālesi.

Buddhānaṃ kāye rajojallaṃ nāma na upalimpati, kasmā pakkhālesīti? Sarīrassa utuggaha ṇatthaṃ tesaṅca cittasampahaṃsanatthaṃ. Amhehi atihāṭena udakena bhagavā pāde pakkhālesi, paribhogam akāsīti tesam bhikkhūnaṃ balavasomanassavasena cittaṃ piṇitaṃ¹ hoti, tasmā pakkhālesi.

Āyasmantaṃ anuruddhaṃ bhagavā etadavocāti so kira tesam vuḍḍhataro, tassa saṅgahe kate sesānaṃ katova hotīti theraññeva etaṃ “kacci vo anuruddhā”ti-ādivacanaṃ avoca. **Anuruddhāti** vā ekasesanayena vuttaṃ virūpekasesassapi icchitabbatā, evañca katvā bahuvacananiddeso ca samatthito hoti. **Kaccīti** pucchanaṭṭhe nipāto. **Voti** sāmi vacanaṃ. Idaṃ vuttaṃ hoti—kacci anuruddhā tumhākaṃ khamanīyaṃ, iriyāpatho vo khamati, kacci yāpanīyaṃ, kacci vo jīvitaṃ yāpeti ghaṭṭiyati, kacci piṇḍakena na kilamatha, kacci tumhākaṃ sulabhapiṇḍaṃ, sampatte vo disvā manussā uḷṅkayāgum vā kaṭacchubhikkhaṃ vā dātabbaṃ maññantīti bhikkhācāravattaṃ pucchati. Kasmā? Yasmā paccayena akilamantena sakkā samaṇadhammo kātum, vattameva vā etaṃ pabbajitānaṃ.

Atha tena paṭivacane dinne “anuruddhā tumhe rājapabbajitā mahāpuñña, manussā tumhākaṃ araññe vasantānaṃ adatvā kassa aññassa dātabbaṃ maññissanti, tumhe pana etaṃ bhuñjitvā kiṃ nu kho migapotakā viya aññamaññaṃ ghaṭṭentā viharatha, udāhu sāmaggibhāvo vo atthī”ti sāmaggirasaṃ pucchanto “**kacci pana vo anuruddhā samaggā**”ti-ādimāha. Tattha **khīrodakībhūtāti** yathā khīraṅca udakaṅca aññamaññaṃ saṃsandati, visum na hoti, ekattaṃ viya upeti, kacci evaṃ sāmaggivasena ekattupagata cittuppādā viharathāti pucchati. **Piyacakkhūhīti** mettacittaṃ paccupaṭṭhāpetvā olokanato piyabhāvadīpakāni cakkhūni piyacakkhūni nāma, “kacci tathārūpehi cakkhūhi aññamaññaṃ passantā viharathā”ti pucchati. **Tagghāti** ekaṃsatthe nipāto, ekaṃsena mayaṃ bhanteti vuttaṃ hoti. **Yathā kathaṃ panāti** ettha **yathāti** nipātamattaṃ, **kathanti** kāraṇapucchā, kathaṃ pana tumhe evaṃ viharatha, kena kāraṇena viharatha, taṃ me kāraṇaṃ brūhīti vuttaṃ hoti.

1. Paṇitaṃ (Syā)

Mettaṃ kāyakammaṃ mettacittavasena pavattaṃ kāyakammaṃ. **Āvi ceva raho cāti** sammukhā ceva parammukhā ca. Itaresupi eseva nayo. Tattha sammukhā kāyavacī kammāni sahavāse labbhanti, itarāni vippavāse, manokammaṃ sabbattha labbhati. Yañhi saheva vasantesu ekena mañcapīṭhaṃ vā dārubhaṇḍaṃ vā mattikābhaṇḍaṃ vā bahi dunnikkhittaṃ hoti, taṃ disvā “kenidaṃ vaḷañjitaṃ”ti avaññaṃ akatvā attanā dunnikkhittaṃ viya gahetvā paṭisāmentassa paṭijaggitabbayuttaṃ vā pana ṭhānaṃ paṭijaggantassa sammukhā mettaṃ kāyakammaṃ nāma hoti. Ekasmim pakkante tena dunnikkhittaṃ senāsanaparikkhāraṃ tatheva nikkhipantassa paṭijaggitabbayuttaṃ vā pana ṭhānaṃ paṭijaggantassa parammukhā mettaṃ kāyakammaṃ nāma hoti. Sahavasantassa pana therehi saddhiṃ madhuraṃ sammodanīyakathaṃ paṭisanthārakathaṃ sāraṇīya kathaṃ dhammakathaṃ sarabhaññaṃ sākacchaṃ puñhapucchanaṃ pañhavissajjananti evamādikaraṇe sammukhā mettaṃ vacīkammaṃ nāma hoti. Theresu pana pakkantesu “mayhaṃ piyasahāyo nindiyatthero kimilatthero evaṃ sīlasampanno evaṃ ācāra sampanno”ti-ādiguṇakathane parammukhā mettaṃ vacīkammaṃ nāma hoti. “Mayhaṃ piyamitto nandiyatthero kimilatthero avero hotu abyāpajjo sukhi”ti evaṃ samannāharato pana sammukhāpi parammukhāpi mettaṃ manokammaṃ hotiyeva.

Nānā hi kho no bhante kāyāti ayañhi kāyo piṭṭhaṃ viya mattikā viya ca omadditvā ekato kātuṃ na sakkā. **Ekañca pana maññe cittaṃ** pana no attano viya aññaṃmaññaṃ hitabhāvena avirodhabhāvena bhedābhāvena samaggabhāvena ekamevāti dasseti. Kathaṃ panete sakaṃ cittaṃ nikkhipitvā itaresaṃ cittavasena vattiṃsūti? Ekassa patte malaṃ uṭṭhahati, ekassa cīvaraṃ kiliṭṭhaṃ hoti, ekassa paribhaṇḍakammaṃ hoti. Tattha yassa patte malaṃ uṭṭhitaṃ, tena “mamāvuso patte malaṃ uṭṭhitaṃ, pacituṃ vaṭṭatī”ti vutte itare “mayhaṃ cīvaraṃ kiliṭṭhaṃ dhovitabbaṃ, mayhaṃ paribhaṇḍaṃ kātabban”ti avatvā araññaṃ pavisitvā dārūni āharitvā bhinditvā pattakaṭāhe bahalatanumattikāhi lepaṃ katvā pattam pacitvā tato paraṃ cīvaraṃ vā dhovanti, paribhaṇḍaṃ vā karonti. “Mamāvuso cīvaraṃ kiliṭṭhaṃ, dhovitu vaṭṭatī”ti “mama paññasālā uklāpā, paribhaṇḍaṃ kātuṃ vaṭṭatī”ti paṭhamataraṃ ārocitepi eseva nayo.

Idāni tesam appamādalakkhāṇam pucchanto “**kacci pana vo anuruddhā**”ti-ādimāha. Tattha **voti** nipātamattam, paccattavacanam vā, kacci tumheti attho. **Ambākanti** amhesu tīsu janesu. **Piṇḍāya paṭikkamatīti** gāme piṇḍāya caritvā paccāgacchati. **Avakkārapātinti** atirekapiṇḍapātam apanetvā ṭhapanatthāya ekam samugga pātim dhovivā ṭhabeti. **Yo pacchāti** te kira therā na ekatova bhikkhācāram pavisanti. Phalasangāhāratā hete pātova sarīrapaṭijagganam katvā vattapaṭipattim pūretvā senāsanam pavisitvā kālaparicchedam katvā phalasangāhāratim appetvā nisīdanti. Tesu yo paṭhamataram nisinnō attano kālaparicchedavasena paṭhamataram uṭṭhāti, so piṇḍāya caritvā paṭinivatto bhattakiccaṭṭhānam āgantvā jānāti “dve bhikkhū pacchato, aham paṭhamataram āgato”ti. Atha pattam pidahitvā āsanapaññāpanādīni katvā yadi patte paṭivīsamattameva hoti, nisīditvā bhuñjati, yadi atirekam hoti, avakkārapātiyam pakkhipitvā pātim pidhāya bhuñjati, katabhattakicco pattam dhovivā vodakam katvā thavikāya osāpetvā pattacīvaram gahetvā attano vasanaṭṭhānam pavisati.

Dutiyopi āgantvāva jānāti “eko paṭhamam āgato, eko pacchato”ti. So sace patte bhattam pamāṇameva hoti, bhuñjati. Sace mandam, avakkārapātito gahetvā bhuñjati. Sace atirekam hoti, avakkārapātiyam pakkhipitvā pamāṇameva bhuñjitvā purimatthero viya vasanaṭṭhānam pavisati. Tatiyopi āgantvāva jānāti “dve paṭhamam āgatā, aham pacchimo”ti. Sopi dutiyatthero viya bhuñjitvā katabhattakicco pattam dhovivā vodakam katvā thavikāya osāpetvā āsanāni ukkhipitvā paṭisāmeti, pānīyaghaṭe vā paribhojanīya ghaṭe vā avasesa-udakam chaḍḍetvā ghaṭe nikujjitvā avakkārapātiyam sace avasesabhattam hoti, tam vuttanayena jahitvā¹ pātim dhovivā paṭisāmeti, bhattaggaṃ sammajjati, so kacavaram chaḍḍetvā sammajjanim ukkhipitvā upacikāhi muttaṭṭhāne ṭhabetvā pattacīvara mādāya vasanaṭṭhānam pavisati. Idam therānam bahivihāre araññe bhattakiccakaraṇaṭṭhāne bhojanasālāya vattam. Idam sandhāya “yo pacchā”ti-ādi vuttam.

1. Haritvā (Syā)

Yo passatīti-ādi pana nesaṃ antovihāre vattanti veditabbaṃ. Tattha **vaccaghaṇanti** ācamanakumbhīm. **Rittanti** rittakam. **Tucchanti** tasseva vevacanaṃ. **Avisayhanti** ukkhi pituṃ asakkuṇeyyaṃ atibhāriyaṃ. **Hatthavikārenāti** hatthasaññāya. Te kira pāṇiyaghaṭā dīsu yaṃkiñci tucchakam gahetvā pokkharaṇim gantvā anto ca bahi ca dhovitvā udakam parissāvetvā tīre ṭhapetvā aññaṃ bhikkhuṃ hatthavikārena āmantenti, odissa vā anodissa vā saddaṃ na karonti. Kasmā odissa na karonti? Tañhi bhikkhuṃ saddo bādheyāti. Kasmā anodissa na karonti? Anodissa sadde dinne “ahaṃ pure, ahaṃ pure”ti dvepi nikkhameyyuṃ. Tato dvīhi kattabbakamme tatiyassa kammacchedo bhaveyya. Saṃyatapadasaddo pana hutvā aparassa bhikkhuno divāṭṭhānasantikam gantvā tena dīṭṭha bhāvaṃ ñatvā hatthasaññaṃ karoti, tāya saññāya itaro āgacchati, tato dve janā hatthena hatthaṃ saṃsibbantā dvīsu hatthesu ṭhapetvā utṭhāpentī. Taṃ sandhāyāha “**hattha vikārena dutiyaṃ āmantetvā hatthavilaṅghakena upaṭṭhāpemā**”ti.

Pañcāhikam kho panāti cātuddase pannarase aṭṭhamiyanti idaṃ tāva pakati dhammassavanameva, taṃ akhaṇḍaṃ katvā pañcame pañcame divase dve therā nātivikāle nahāyitvā anuruddhattherassa vasanaṭṭhānaṃ gacchanti. Tattha tayopi nisīditvā tiṇṇaṃ piṭakānaṃ aññatarasmiṃ aññamaññaṃ pañhaṃ pucchanti, aññamaññaṃ vissajjenti. Tesam evaṃ karontānaṃyeva aruṇaṃ uggacchati. Taṃ sandhāyetaṃ vuttaṃ. Ettāvata therena bhagavatā appamādalakkhaṇaṃ pucchitena pamādaṭṭhānesuyeva appamāda lakkhaṇaṃ vissajjitaṃ hoti. Aññesañhi bhikkhūnaṃ bhikkhācārapavisanakālo nikkhamanakālo nivāsanaparivattanaṃ cīvarapārūpanaṃ antogāme piṇḍāya caraṇaṃ dhammakathanāṃ anumodanaṃ antogāmato nikkhamitvā bhattakiccakaraṇaṃ pattadhovanaṃ patta-osāpanaṃ pattacīvarapaṭisāmananti papañcakaraṇaṭṭhānāni etāni. Tasmā thero “amhākaṃ ettakaṃ ṭhānaṃ muñcitvā vissaṭṭhakathāpavattanena kammaṭṭhāne pamajjanaṭṭhānāni, tatthāpi mayaṃ bhante kammaṭṭhānaviruddhaṃ na paṭipajjāma”ti aññesaṃ pamādaṭṭhānesuyeva sikhāpattaṃ attano appamādalakkhaṇaṃ vissajjesi. Imināva etāni ṭhānāni muñcitvā aññattha vihārasamāpattīnaṃ avaḷaṅghanavasena pamādakālo nāma amhākaṃ natthīti dīpeti.

Pācīnavamsadāyagamanakathāvaṇṇanā niṭṭhitā.

Pālileyyakagamanakathāvaṇṇanā

467. **Dhammiyā kathāyāti** samaggavāse ānisaṃsapaṭisaṃyuttāya dhamma kathāya. **Anupubbena¹ cārikam caramānoti** anukkamena gāmanigamaṇipāṭiyā cārikam caramāno. **Yena pālileyyakam tadavasari**ti ekakova yena pālileyyakagāmo, tam avasari. Pālileyyakagāmaṃvāsiniṇopi paccuggantvā bhagavato dānam datvā pālileyyaka gāmassa avidūre rakkhita vanasaṇḍo nāma atthi, tattha bhagavato paṇṇasālam katvā “ettha bhagavā vasatū”ti yācitvā vāsayaṃsu. **Bhaddasāloti** pana tattheke manāpo laṭṭhiko sālarukkho. Bhagavā ta gāmaṃ upanissāya vanasaṇḍe paṇṇasālāya samīpe tasmim rukkhamūle vihāsi. Tena vuttam “**pālileyyake viharati rakkhitavanasāṇḍe bhaddasāla mūle**”ti.

Atha kho bhagavato rahogatassāti-ādi bhagavato vivekasukhapaccavekkhaṇa dassanam. **Ākiṇṇo na phāsu vihāsinti** sambādhappatto ākiṇṇo vihāsim. Kim pana bhagavato sambādhō atthi saṃsaggo vāti? Natthi. Na hi koci bhagavantam anicchāya upasaṅkamtum sakkoti. Durāsadā hi buddhā bhagavanto sabbattha ca anupalittā, hitesi tāya pana sattesu anukampam upādāya “mutto mocessāmī”ti paṭiññānurūpam caturogha nittharaṇattham aṭṭhannam parisānam attano santikam kālena kālam upasaṅkamanam adhivāseti, sayaṅca mahākaruṇāsamussāhito kālaññū hutvā tattha upasaṅkamīti idam sabbabuddhānam āciṇṇam. Nāyamidha ākiṇṇavihāro adhippeto, idha pana tehi kalaha kārakehi kosambakabhikkhūhi saddhim ekavihāre vāsam vihāsi, tadā vinetabbābhāvato ākiṇṇavihāram katvā vuttam “aham kho pubbe ākiṇṇo na phāsu vihāsin”ti. Tenevāha “**tehi kosambakehi bhikkhūhi bhaṇḍanakārikehi**”ti-ādi.

Daharapotatehīti daharehi hatthipotatehi, ye bhikkhātīpi vuccanti. **Tehīti** hatthi ādīhi. **Kaddamodakānīti** kaddamamissāni udakāni. **Ogāhāti** ettha “ogāhan”tipi pāli. **Assāti** hatthināgassa. **Upanighamsantiyoti** ghaṭṭentiyo. Upanighamsiyamānopi attano

1. Udāna-Ṭṭha 226 piṭṭhādīsipi passitabbam.

uḷārabhāvena na kujjhati, tena tā ghaṃsantiyeva. **Vūpakatṭho** vipakatṭho¹ dūrībhūto.

Yūthāti hatthighaṭāya. **Yena bhagavā tenupasaṅkamīti** so kira hatthināgo yūthavāse ukkaṅṅhito taṃ vanasaṅgaṃ pavitṭho. Tattha bhagavantam disvā ghaṭa sahasena nibbāpitasantāpo viya nibbuto hutvā pasannacitto bhagavato santike aṭṭhāsi, tato paṭṭhāya vattasīse ṭhatvā bhaddasālassa paṅṅasālāya ca samantato appaharitam katvā sākhābhāṅgena sammajjati, bhagavato mukhadhovanam deti, nahānodakam āharati, dantakaṭṭham deti, araṅṅato madhurāni phalāphalāni āharitvā satthu upaneti. Satthā tāni paribhuṅgati. Tena vuttam “**soṇḍāya bhagavato pānīyam paribhojanīyam upaṭṭhā peti**”ti-ādi. So kira soṇḍāya dārūni āharitvā aṅṅamaṅṅam ghaṃsitvā aggim uṭṭhāpetvā dārūni jālapetvā tattha pāsāṅkhaṅḍāni tāpetvā tāni daṅḍakehi vaṭṭetvā soṇḍiyam khipitvā udakassa tattabhāvam ṅatvā bhagavato santikam upagantvā tiṭṭhati. Bhagavā “hatthināgo mama nahānam icchatī”ti tattha gantvā nahānakiccam karoti. Pānīyepi eseva nayo. Tasmim pana sītale jāte upasaṅkamati. Tam sandhāya vuttam “**soṇḍāya bhagavato pānīyam paribhojanīyam upaṭṭhāpeti**”ti.

Attano ca pavivekam viditvāti kehici anākiṅṅabhāvaladdham kāyavivekam jānitvā. Itare pana vivekā bhagavato sabbakālam vijjantiyeva. **Imam udānam udānesīti** imam attano hatthināgassa ca vivekābhiratiyā samānājḅasayabhāvadīpanam udānam udānesi.

Gāthāya pana evamatthayojanā veditabbā²—**etaṃ isādantassa** ratha-
isāsadisadantassa hatthināgassa **cittam nāgena** buddhanāgassa **cittena sameti**
saṃsandati. Katham sameti ce? **Yadeko ramati vane**, yasmā buddhanāgo
“aham kho pubbe ākiṅṅo vihāsin”ti purimam ākiṅṅavihāram jigucchitvā
vivekam upabrūhayamāno idāni yathā **eko** adutiyo **vane** araṅṅe **ramati**
abhiramati, evam ayampi hatthināgo

1. Pavivekatṭho (Udāna-Ṭṭha 225 piṭṭhe)

2. Udāna-Ṭṭha 228 piṭṭhepi passitabbam.

pubbe attano hatthi-ādihi ākiṇṇavihāraṃ jigucchitvā idāni **eko** asahāyo vane ekavihāraṃ **ramati** abhinandati, tasmāssa **cittaṃ nāgena sameti**, tassa cittena sametīti katvā ekībhāvaratīyā ekasadisam hotīti attho.

Pālīyeyyakagamanakathāvaṇṇanā niṭṭhitā.

Aṭṭhārasavattukathāvaṇṇanā

473. **Yo paṭibāheyya, āpatti dukkaṭassāti** ettha yo senāsanārahassa senāsanam paṭibāhati, tasseva āpatti. Kalahakārakādīnam panettha “okāso natthi”ti-ādikaṃ saṃghassa katikaṃ ārocetvā na¹ paññapentassa “aham vuḍḍho”ti pasayha attanāva attano paññapetvā gaṇhantam “yuttiyā gaṇhathā”ti vatvā vārentassa ca natthi āpatti. “Bhaṇḍanakāraṃ nikkadḍhatīti vacanato kuladūsakassa pabbājanīyakammānuññāya ca idha kalahavūpasamanattham āgatānam kosambakānampi 'yathāvuḍḍha'nti avatvā 'vivitte asati vivittam katvāpi dātabba'nti vuttatā vivittam katvā dentam paṭibāhantasseva āpatti”ti **gaṇṭhipadesu** vuttam.

Upālisaṃghasāmaggīpucchāvaṇṇanā

476. **Na mūlā mūlaṃ gantvāti** mūlato mūlam agantvā. **Atthato apagatāti** sāmaggisaṃkhāta-atthato apagatā.

477. Yena nam paccatthikā vadeyyum, tam na hi hotīti sambandho. **Anapaga tanti** kāraṇato anapetaṃ, sakāraṇanti vuttam hoti.

Usūyāyāti iminā dosāgatigamanassa saṅgahitattā “**agatigamanenā**”ti avasesa agatigamanam dassitanti veditabbam. **Aṭṭhahi dūtaṅgehīti** “sotā ca hoti sāvetā ca uggahetā ca dhāretā ca

1. Āropetvāna(Syā)

viññāpetā ca kusalo ca sahitāsahitadassano ca akalahakārako cā”ti evaṃ
vuttehi aṭṭhahi dūtaṅgehi. Sesamettha pālito aṭṭhakathāto ca
suviññeyyameva.

Kosambakakkhandhakavaṇṇanā niṭṭhitā.

Iti samantapāsādikāya vinayaṭṭhakathāya sārattadīpaniyaṃ

Mahāvaggavaṇṇanā niṭṭhitā.

Cūlavagga

Namo tassa Bhagavato Arahato Sammāsambuddhassa.

1. Kammakkhandhaka

Tajjanīyakammakathāvaṇṇanā

1. Sūlavaggassa¹ paṭhame kammakkhandhake tāva “yatṭhim pavesaya, kunte pavesayā”ti-ādīsu viya sahačaraṇañāyena “mañcā ukkuṭṭhim karontī”ti-ādīsu viya nissitesu nissayavohāravasena vā paṇḍukalohitakanissitā paṇḍukalohitakasaddena vuttāti āha “**tesam nissitakāpi paṇḍukalohitakātveva paññāyanti**”ti. Paṭivadathāti paṭivacanam detha.

Adhammakammadvādasakakathāvaṇṇanā

4. **Tīhi aṅgehi samannāgatanti** paccekam samuditehi vā tīhi aṅgehi samannā gataṃ. Na hi tiṇṇam eva aṅgānam samodhānena adhammakammaṃ hoti, ekenapi hotiyeva. “Appaṭiññāya kataṃ hotīti lajjim sandhāya vuttan”ti **gaṇṭhipadesu** kathitaṃ.

Nanu ca “adesanāgāminiyā āpattiyā kataṃ hotī”ti idaṃ parato “tīhi bhikkhave aṅgehi samannāgatassa bhikkhuno ākaṅkhamāno saṅgho tajjanīyakammaṃ kareyya, adhisīle sīlavipanno hotī”ti iminā virujjhati. Adesanāgāminim āpanno hi “adhisīle sīlavipanno”ti vuccatīti? Tattha keci vadanti “tajjanīyakammaṃ hi visesena bhaṇḍana kārakattam aṅga'nti aṭṭhakathāyaṃ vuttam, tam pāliya āgatanidānena sameti, tasmā sabbatikesupi bhaṇḍanam āropetvā bhaṇḍanapaccayā āpannāpattivāsena idaṃ kammaṃ kātabbām. Tasmā 'adhisīle sīlavipanno'ti

1. Cullavaggassa (Syā)

etthāpi pubbabhāge vā parabhāge vā codanāsāraṇādikāle bhaṇḍanapaccayā āpannāpatti vaseneva kātabbāṃ, na kevalaṃ saṃghādisesapaccayā kātabban”ti. Apara pana vadanti “adesanāgāminiyāti idaṃ pārājikāpattimyeva sandhāya vuttaṃ, na saṃghādisesaṃ. Aṭṭhakathāyaṃ pana 'adesanāgāminiyāti pārājikāpattiyā vā saṃghādisesāpattiyā vā'ti vuttaṃ. Tattha saṃghādisesāpattiyā vāti atthuddhāravasena vuttaṃ, ‘adhisīle sīlavipanno'ti ca idaṃ saṃghādisesaṃyeva sandhāya vuttaṃ, na pārājikaṃ. Tasmā pārājikā pattipaccayā na tajjanīyakammaṃ kātabbāṃ payojanābhāvā, saṃghādisesapaccayā kātabbanti ayamatto siddho hoti. Sukkapakkhe ‘desanāgāminiyā āpattiyā kataṃ hoti'ti iminā virujjhatīti ce? Na ekena pariyāyena saṃghādisesassappi desanāgāminivohāra sambhavato”ti, taṃ vuttaṃ viya dissati.

Nappaṭippassambhetabba-aṭṭhārasakakathāvaṇṇanā

8. **Lomaṃ pātentīti**-ādi sammāvattanāya pariyāyavacanaṃ.

Niyassakammakathāvaṇṇanā

11. Niyassakamme “**nissāya te vatthabbanti** garunissayaṃ sandhāya vuttaṃ, na itaran”ti **kenaci** likhitaṃ. **Gaṇṭhipade** pana “niyassakammaṃ yasmā bālavasena karīyati, tasmā nissāya vatthabbanti nissayaṃ gāhāpetabbo”ti vuttaṃ, vīmaṃsitvā yuttataraṃ gahetabbaṃ. **Apissūti** ettha **su**-itī nipātamattaṃ, bhikkhū api niccabyāvaṭā hontīti vuttaṃ hoti.

Pabbājanīyakammakathāvaṇṇanā

29. Pabbājanīyakamme **tena hi bhikkhave saṃgho pabbājanīyakammaṃ paṭippassambhetūti** idaṃ tesu vibbhamantesupi pakkamantesupi sammāvattanteyeva sandhāya vuttaṃ.

Paṭisāraṇīyakammakathāvaṇṇanā

33. Sudhammavatthusmiṃ **macchikāsaṇḍeti** evaṃnāmake nagare. Tattha kira¹ citto gahapati pañcavaggiyānaṃ abbhantaraṃ mahānāmattheraṃ piṇḍāya caramānaṃ

1. Dhammapada-Ṭṭha 1. 327 piṭṭhādīsipi passitabbaṃ.

disvā tassa iriyāpathe pasīditvā pattam ādāya geham pavesetvā bhojetvā bhattakiccā vasāne dhammakatham suṇanto sotāpatti phalaṃ patvā acalasaddho hutvā ambāṭaka vanam nāma attano uyyānam saṅghārāmaṃ kātukāmo therassa hatthe udakam pātetvā niyyātesī. Tasmim khaṇe “patiṭṭhitam buddhasāsanam”ti udakapariyantam katvā mahā pathavī kampi, mahāseṭṭhi uyyāne mahāvihāram kāresi. Tatthāyam sudhammo bhikkhu āvāsiko ahoṣi. Tam sandhāya vuttam “**āyasmā sudhammo macchikāsaṇḍe cittassa gahapatino āvāsiko hotī**”ti-ādi. Tattha **dhuvabhattikoti** niccabhattiko.

Aparena samayena cittassa guṇakatham sutvā bhikkhusahassena saddhim dve aggasāvaka tassa saṅgham kattukāmā macchikāsaṇḍam agamaṃsu. Tam sandhāya vuttam “**tena kho pana samayena sambahulā therā**”ti-ādi. Citto gahapati tesam āgamanam sutvā addhaya janamattam paccuggantvā te ādāya attano vihāram pavesetvā āgantukavattam katvā “bhante thokam dhammakatham sotukāmomhī”ti dhammasenā patim yāci. Atha nam thero “upāsaka addhānenāmhā kilantarūpā, apica thokam suṇāhī”ti tassa dhammakatham kathesi. Tena vuttam “**ekamantam nisinnam kho cittam gahapatim āyasmā sārīputto dhammiyā kathāya sandassesī**”ti-ādi. So therassa dhamma katham suṇantova anāgāmi phalam pāpuṇi.

41. **Nāsakkhi cittam gahapatim khamāpetunti** so tattha gantvā “gahapati mayha meva so doso, khamāhi me”ti vatvāpi “nāham khamāmī”ti tena paṭikkhitto maṅku bhūto tam khamāpetum nāsakkhi. Punadeva satthu santikam paccāgamāsi. Satthā “nāssa upāsako khamissatī”ti jānantopi “mānathaddho esa timsayojanam gantvāva paccā gacchatū”ti khamanupāyam anācikkhitvāva uyyojesi. Athassa puna āgatakāle nihata mānassa anudūtam datvā “gaccha, iminā saddhim gantvā upāsakam khamāpetī”ti vatvā “samaṇena nāma mayham vihāro, mayham nivāsaṭṭhānam, mayham upāsako, mayham upāsikā’ti mānam vā issam vā kātum na vaṭṭati. Evam karontassa hi icchāmānādayo kilesā vaḍḍhantī”ti ovaḍanto—

“Asantaṃ bhāvanamiccheyya, purekkhāraṇca bhikkhusu.

Āvāsesu ca issariyaṃ, pujaṃ parakulesu ca.

Mameva kata maññantu, gihī pabbajitā ubho.

Mamevātivasā assu, kiccākiccesu kismici.

Iti bālassa saṅkappo, icchā māno ca vaḍḍhatī”ti—

dhammapade¹ imā gāthā abhāsi.

Sudhammattheropi imaṃ ovādaṃ sutvā satthāraṃ vanditvā uṭṭhāyāsanaṃ pada kkhīṇaṃ katvā tena anudūtena bhikkhunā saddhiṃ gantvā upāsakassa cakkhupathe āpattiṃ paṭikaritvā upāsakaṃ khamāpesi. So upāsakena “khamāmahaṃ bhante, sace mayhaṃ doso atthi, khamatha me”ti paṭikhamāpito satthārā dinna-ovāde ṭhatvā katipā heneva saha paṭisambhidāhi arahattaṃ pāpuṇi.

Āpattiyā adassane ukkhepanīyakammakathāvaṇṇanā

50. **Tassā adassaneyeva kammaṃ kātabbanti** tassā adassaneyeva ukkhepanīya kammaṃ kātabbaṃ. Tajjanīyādikammaṃ pana āpattiṃ āropetvā tassā adassane appaṭikamme vā bhaṇḍanakāraḍādi-aṅgehi kātabbaṃ. Sesamettha uttānameva.

Kammakkhandhakavaṇṇanā niṭṭhitā.

1. Khu 1. 23 piṭṭhe.

2. Pārivāsikakkhandhaka

Pārivāsikavattakathāvaṇṇanā

75. Pārivāsikakkhandhake **navakatarāṃ pārivāsikanti** attano navakatarāṃ pārivāsikaṃ. Pārivāsikassa hi attano navakatarāṃ pārivāsikaṃ ṭhapetvā aññe mūlāyapaṭikassanārahamānattārahamānattacārika-abbhānārahāpi pakatattaṭṭhāneyeva tiṭṭhanti. Tenāha “**antamaso mūlāyapaṭikassanārahādīnampī**”ti. Pāde ghaṃsenti etenāti **pādaghamsanam**, sakkharakathalādi. “Anujānāmi bhikkhave tisso pādaghamsaniyo sakkharāṃ kathalāṃ samuddapheṇakan”ti¹ hi vuttam. **Saddhivihārikādīnampi sādīyantassāti** saddhivihārikānampi abhivādanādīm sādīyantassa. “Mā maṃ gāmapavesanam āpucchathā”ti vutte anāpucchāpi gāmaṃ pavisitum vaṭṭati. **Yo yo vuḍḍhoti** pārivāsikesu bhikkhūsu yo yo vuḍḍho. **Navakatarassa sādītunti** pārivāsikanavakatarassa abhivādanādīm sādītum.

Tatthevāti saṃghanavakaṭṭhāneyeva. **Attano pāḷiyā pavāretabbanti** attano vassa ggena pattapāḷiyā pavāretabbam, na pana sabbesu pavāritesūti attho. **Yadi pana na gaṇhāti na vissajjetīti** yadi purimadivase attano na gaṇhāti gahetvā ca na vissajjeti. **Catussālabhattanti** bhojanasālāyaṃ paṭipāḷiyā diyyamānabhattam. **Hatthapāse ṭhitenāti** dāyakassa hatthapāse ṭhitenā.

76. **Añño sāmaṇero na gahetabboti** upajjhāyena hutvā añño sāmaṇero na gahe tabbo. **Upajjham datvā gahitasāmaṇerāpīti** pakatattakāle upajjham datvā gahitasāma ṇerāpi. Laddhasammutikena āṇattopi garudhammehi aññehi vā ovaditum labhatīti āha “**paṭibalassa vā bhikkhussa bhāro kātabbo**”ti. Āgatā bhikkhuniyo vattabbāti sambandho. **Savacanīyanti** sadosam. **Jeṭṭhakaṭṭhānam na kātabbanti** padhānaṭṭhānam na kātabbam. Kim tanti āha “**pātimokkhuddesakena vā**”ti-ādi.

1. Vi 4. 268 piṭṭhe.

Rajehi hatā upahatā bhūmi etissāti **rajohatabhūmi**, rajokiṇṇabhūmīti attho. **Paccayanti** vassāvāsikalābhaṃ sandhāya vuttaṃ. **Ekapasse** **ṭhatvāti** pālīṃ vihāya bhikkhūnaṃ pacchato **ṭhatvā**. **Senāsanam na labhatīti** seyyāpariyantabhāgitāya vassaggena gaṇhituṃ na labhati. **Assāti** bhaveyya. “Āgantukena ārocetabbaṃ, āgantukassa ārocetabban”ti avisesena vuttatā sace dve pārivāsikā gataṭṭhāne aññamaññaṃ passanti, ubhohipi aññamaññaṃ ārocetabbaṃ. Yathā bahi disvā ārocitassa bhikkhuno vihāraṃ āgate puna ārocanakiccaṃ natthi, evaṃ aññaṃ vihāraṃ gatenapi tattha pubbe ārocitassa puna ārocanakiccaṃ natthīti vadanti.

81. **Avisesenāti** pārivāsikassa ukkhittakassa ca avisesena. **Obaddhanti** palibuddhaṃ.

83. **Sahavāsoti** vuttappakāre channe pakatattena bhikkhunā saddhiṃ sayanameva adhippetam, na sesa-iriyāpathakappanam. Sesamettha suviññeyyameva.

Pārivāsikakkhandhakavaṇṇanā niṭṭhitā.

3. Samuccayakkhandhaka

Sukkavissatthikathāvaṇṇanā

97. Samuccayakkhandhake **vuttanayena vattaṃ samādātabbanti** pārivāsika kkhandhakavaṇṇanāyaṃ vuttanayena dvīhi padehi ekena vā samādātabbāṃ. **Vediyāmīti** cittena sampañcchitvā sukhaṃ anubhavāmi, na tappaccayā ahaṃ dukkhitoti adhippāyo. **Vuttanayeneva saṅghamajjhe nikkhipitabbanti** pārivāsikakkhandhake vuttanayena “mānattaṃ nikkhipāmi, vattaṃ nikkhipāmi”ti imehi dvīhi ekena vā nikkhipitabbāṃ. **Tassa ārocetvā nikkhipitabbanti** anārocaneṇa vattabhedadukkaṭṭaparimocanattaṃ vuttaṃ. **Dve leḍḍupāte atikkamitvāti** bhikkhūnaṃ sajjhāyanasaddasavanūpacāra vijahanattaṃ vuttaṃ, **mahāmagгато okkammāti** maggappaṭipannabhikkhūnaṃ upacāravijahanattaṃ, **gumbena vā vatiyā vā paṭicchannaṭṭhāneti** dassanūpacāra vijahanattaṃ. Anikkhittavattena anto-upacāragatānaṃ sabbesampi ārocetabbattā “**ayaṃ nikkhittavattassa parihāro**”ti vuttaṃ. Tattha **nikkhittavattassāti** vattaṃ nikkhipitvā parivasantassāti attho. Ayaṃ panettha therassa adhippāyo—vattaṃ nikkhipitvā parivasantassa upacāragatānaṃ sabbesaṃ ārocanakiccaṃ natthi, diṭṭharūpānaṃ suta saddānaṃ ārocetabbāṃ, adiṭṭha-asutānampi antodvādasahatthagatānaṃ ārocetabbāṃ. Idaṃ vattaṃ nikkhipitvā parivasantassa lakkhaṇanti.

Parivāsakathāvaṇṇanā

102. “Satiyeva antarāye antarāyikasaññī chādeti, acchannā hoti. Antarāyikassa pana anantarāyikasaññāya chādayato acchannāvā”tipi pāṭho. **Averīti** hitakāmo. **Uddhaste aruṇeti** uṭṭhite aruṇe. **Suddhassa santiketi** sabhāgasamghādisesaṃ anāpannassa santike. **Vatthunti** asucimocanādivītikkamaṃ.

Sukkavissatthīti vatthu ceva gottañcāti sukkavissatthīti idaṃ asucimocana lakkhaṇassa vītikkamassa pakāsanato vatthu ceva hoti, sajjātiyasādhāraṇavijjātiyavinivattasabhāvāya sukkavissatthiyā eva pakāsanato gottañca hotīti attho. Gaṃ tāyatīti hi gottaṃ.

Saṅghādisesoti nāmañceva āpatti cāti saṅghādisesoti tena tena vītikkamena āpannassa āpattinikāyassa nāmappakāsanato nāmañceva hoti āpattisabhāgattā āpatti ca.

Tadanurūpaṃ kammavācaṃ katvā mānattaṃ dātabbanti—

“Suṇātu me bhante saṅgho, ayaṃ itthannāmo bhikkhu ekaṃ āpattiṃ āpajji sañcetanikaṃ sukkavissatṭhiṃ ekāhapaṭicchannaṃ, so saṅghaṃ ekissā āpattiyā sañcetanikāya sukkavissatṭhiyā ekāhapaṭicchannāya ekāhaparivāsaṃ yāci. Saṅgho itthannāmassa bhikkhuno ekissā āpattiyā sañcetanikāya sukkavissatṭhiyā ekāhapaṭicchannāya ekāhaparivāsaṃ adāsi. So parivutthaparivāso. Ayaṃ itthannāmo bhikkhu ekaṃ āpattiṃ āpajji sañcetanikaṃ sukkavissatṭhiṃ appaṭicchannaṃ, so saṅghaṃ tāsāṃ āpattīnaṃ sañcetanikānaṃ sukkavissatṭhīnaṃ paṭicchannāya ca appaṭicchannāya ca chārattaṃ mānattaṃ yācati. Yadi saṅghassa pattakallaṃ, saṅgho itthannāmassa bhikkhuno dvinnaṃ āpattīnaṃ sañcetanikānaṃ sukkavissatṭhīnaṃ paṭicchannāya ca appaṭicchannāya ca chārattaṃ mānattaṃ dadeyya, esā ñatti.

Suṇātu me bhante -pa- so parivutthaparivāso. Ayaṃ itthannāmo bhikkhu ekaṃ āpattiṃ āpajji sañcetanikaṃ sukkavissatṭhiṃ appaṭicchannaṃ, so saṅghaṃ tāsāṃ -pa- yācati. Saṅgho itthannāmassa bhikkhuno dvinnaṃ āpattīnaṃ sañcetanikānaṃ sukkavissatṭhīnaṃ paṭicchannāya ca appaṭicchannāya ca chārattaṃ mānattaṃ deti. Yassāyasmato khamati itthannāmassa bhikkhuno dvinnaṃ āpattīnaṃ sañcetanikānaṃ sukkavissatṭhīnaṃ paṭicchannāya ca appaṭicchannāya ca chārattaṃ mānattassa dānaṃ, so tuṅghassa. Yassa nakkhamati, so bhāseyya.

Dutiyaṃpi etamatthaṃ vadāmi -pa-. Tatiyaṃpi etamatthaṃ vadāmi -pa-.

Dinnaṃ saṅghena itthannāmassa bhikkhuno dvinnaṃ āpattīnaṃ sañcetanikānaṃ sukkavissatṭhīnaṃ paṭicchannāya ca appaṭicchannāya ca chārattaṃ mānattaṃ, khamati saṅghassa, tasmā tuṅhī. Evametaṃ dhārayāmi—

evaṃ kammavācaṃ katvā mānattaṃ dātabbaṃ. Ciṅṅamānattassa ca imināva nayena kammavācaṃ yojetvā abbhānaṃ kātabbaṃ.

Aññasminti suddhantaparivāsavasena āpattivuṭṭhānato aññasmiṃ. Dasasataṃ āpattiyo rattisataṃ chādayitvāti yojetabbaṃ.

Parivāsakathāvaṇṇanā niṭṭhitā.

Attano sīmaṃ sodhetvā vihārasīmāyāti vihāre baddhasīmameva sandhāya vuttaṃ. **Vihārūpacāratopi dve leḍḍupātā atikkamitabbāti** bhikkhuvihāraṃ sandhāya vadati gāmūpacārātikkameneva bhikkhunīvihārūpacārātikkamassa siddhattā. **Vihārassa cāti** bhikkhuvihārassa. **Gāmassāti na vuttanti** gāmassa upacāraṃ muñcituṃ vaṭṭatīti na vuttaṃ, tasmā gāmūpacārepi vaṭṭatīti adhippāyo.

Tattheva ṭhānaṃ paccāsīsantīti bhikkhūnaṃ ṭhānaṃ paccāsīsanti. **Parivāsavattā dīnanti** parivāsanissayapaṭippassaddhi-ādīnaṃ. **Yuttataraṃ dīssatīti** iminā anikkhittavattabhikkhunā viya bhikkhuniyāpi anto-upacārasīmagatānaṃyeva ārocetabbaṃ, na gāme ṭhitānampi gantvā ārocetabbanti dīpeti. **Tasmim gāmeti** yasmim gāme bhikkhunupassayo hoti, tasmim gāme. **Bahi upacārasīmāya ṭhatvāti** upacārasīmato bahi ṭhatvā. **Sammannitvā dātabbāti** ettha sammannitvā dinnāya sahaṃvāsepi ratticchedo na hoti.

Paṭicchannaparivāsakathāvaṇṇanā

108. **Visuṃ mānattaṃ caritabbanti** mūlāyapaṭīkassanaṃ akatvā visuṃ kamma vācāya mānattaṃ gahetvā caritabbaṃ.

Sukkavissaṭṭhikathāvaṇṇanā niṭṭhitā.

Agghasamodhānaparivāsakathāvaṇṇanā

134. **Ekāpattimūlakanti** “ekā āpatti ekāhappaṭicchannā, ekā āpatti dvīhappaṭicchannā”ti-ādinā vuttanayaṃ sandhāya vadati.

Āpattivaḍḍhanakanti “ekā āpatti ekāhappaṭicchannā, dve āpattiyo dvīhappaṭicchannā”ti-ādinā vuttam āpattivaḍḍhanakanayaṃ sandhāya.

Dvebhikkhuvāra-ekādasakādikathāvaṇṇanā

181. **Thullaccayādīhi missakanti** ekavatthumhi pubbabhāge āpannathullaccayadukkaṭehi missakaṃ. **Makkhadhammo** nāma chādetukāmatā.

182. **Sambahulā saṃghādisesā āpattiyo āpajjati parimāṇampīti-**ādi jātivaseneka vacanaṃ, bhāvanapumsakaniddeso vā. Sesamettha pāḷito aṭṭhakathāto ca suviññeyyameva.

Samuccayakkhandhakavaṇṇanā niṭṭhitā.

4. Samathakkhandhaka

Sammukhāvinayakathāvaṇṇanā

187. Samathakkhandhake **saññāpetī**ti ettha **sarī**-saddūpapado ñā-saddo tosana visiṭṭhe avabodhane vattaṭī āha “**paritoseṭvā jānāpetī**”ti.

Sativinayādikathāvaṇṇanā

195-200. **Desanāmattamevetanti** “pañcimānī”ti etaṃ desanāmattam. Sativepullappattassa khīṇāsavassa dātabbo vinayo **sativinayo**. Amūḷhassa dātabbo vinayo **amūḷhavinayo**. Paṭiññātena karaṇaṃ **paṭiññātakaraṇaṃ**.

212. **Tiṇavatthāra**kasadisattāti taṃsadisatāya tabbohāroṭi dasseti yathā “esa brahmadatto”ti.

Adhikaraṇakathāvaṇṇanā

216. **Vivādādhikaraṇassa kiṃ mūlanti**-ādīsu **vivādamūlānī**ti vivādassa mūlāni. **Kodhanoti** kujjhanalakkhaṇena kodhena samannāgato. **Upanāhī**ti vera-appaṭinissaggalakkhaṇena upanāhena samannāgato. **Agāravoti**¹ gāravavirahito. **Appatissoti** appatissayo anīcavutti. Ettha pana yo bhikkhu satthari dharamāne tīsu kālesu upaṭṭhānaṃ na yāti, satthari anupāhane caṅkamante sa-upāhano caṅkamati, nīce caṅkame caṅkamante ucce caṅkamati, heṭṭhā vasante upari vasati, satthu dassanaṭṭhāne ubho amse pārupati, chattam dhāreti, upāhanaṃ dhāreti, nahāyati, uccāraṃ vā passāvaṃ vā karoti, parinibbute vā pana cetiyaṃ vanditum na gacchati, cetiyassa paññāyanaṭṭhāne satthu dassanaṭṭhāne vuttam sabbam karoti, aññehi ca bhikkhūhi “kasmā evaṃ karosi, na idaṃ vaṭṭati, sammāsambuddhassa nāma lajjitum vaṭṭatī”ti vutte “tuṇhī hoti, buddho buddhoti vadasi, kiṃ buddho nāmā”ti bhaṇati, ayaṃ **satthari agāravo** nāma.

1. Dī-Ṭṭha 3. 217; Ma-Ṭṭha 4. 27 piṭṭhādīsupi passitabbam.

2. Hoti (Ka)

Yo pana dhammasavane saṅghuṭṭhe sakkaccaṃ na gacchati, sakkaccaṃ dhammaṃ na suṇāti, niddāyati vā sallapanto vā nisīdati, sakkaccaṃ na gaṇhāti na vāceti, “kiṃ dhamme agāravam karosī”ti vutte “tuṇhī hoti, dhammo dhammoti vadasi, kiṃ dhammo nāmā”ti vadati, ayaṃ **dhamme agāravo** nāma. Yo pana therena bhikkhunā anajjhīṭṭho dhammaṃ deseti uddisati pañhaṃ katheti, vuḍḍhe bhikkhū ghaṭṭento gacchati tiṭṭhati nisīdati, dussapallatthikaṃ vā hatthapallatthikaṃ vā karoti, saṅghamajjhe ubho aṃse pārupati, chattupāhanam dhāreti, “bhikkhusaṅghassa lajjitum vaṭṭati”ti vuttepi “tuṇhī hoti, saṅgho saṅghoti vadasi, kiṃ saṅgho, migasaṅgho ajasaṅgho”ti-ādīni vadati, ayaṃ **saṅghe agāravo** nāma. Ekabhikkhusmimpi hi agārave kate saṅghe katoyeva hoti. Tisso sikkhā pana apūrayamāno **sikkhāya na paripūrakārī** nāma.

Ahitāya dukkhāya devamanussānanti¹ ekasmim vihare dvinnam bhikkhūnam uppannavivādo katham devamanussānam ahitāya dukkhāya samvattati? Kosambaka kkhandhake viya hi dvīsu bhikkhūsu vivādam āpannesu tasmim vihare tesam antevāsikā vivadanti, tesam ovādam gaṇhanto bhikkhunisaṅgho vivadati, tato tesam upatṭhākā vivadanti, atha manussānam ārakkhadevatā dve koṭṭhāsā honti. Tattha dhammavādīnam ārakkhadevatā dhammavādīniyo honti, adhammavādīnam adhammavādīniyo. Tato ārakkhadevatānam mittā bhummadevatā bhijjanti. Evaṃ paramparāya yāva brahmalokā ṭhapetvā ariyasāvake sabbe devamanussā dve koṭṭhāsā honti. Dhammavādīhi pana adhammavādīnova bahutarā honti. Tato “yaṃ bahukehi gahitaṃ, taṃ tacchan”ti² dhammam viṣṣajetvā bahutarā adhammam gaṇhanti. Te adhammam purakkhatvā viharantā apāyesu nibbattanti. Evaṃ ekasmim vihare dvinnam bhikkhūnam uppanno vivādo bahūnam ahitāya dukkhāya hoti. **Ajjhattam vāti** attani vā attano parisāya vā. **Bahiddhā vāti** parasmim vā parassa parisāya vā. **Āyatim anavassavāyāti** āyatim anuppādāya.

Makkhīti paresam guṇamakkhanalakkhaṇena makkhena samannāgato. **Paḷāsīti** yugaggāhalakkhaṇena paḷāsena samannāgato. **Issukīti** parasakkārādīnam

1. Dī-Ṭṭha 3. 217; Ma-Ṭṭha 4. 24; Am-Ṭṭha 3. 107 piṭṭhādīsipi passitabbam.

2. Gaṇhāti (Syā, Ka) Dī-Ṭṭha 3. 218 piṭṭhe pana passitabbam.

issāyanalakkhaṇāya issāya samannāgato. **Maccharīti** āvāsamacchariyādīhi samannāgato. **Saḥoti** kerāṭiko. **Māyāvīti** katapāpapaṭicchādako. **Pāpicchoti** asantasambhāvanicchako dussīlo. **Micchādīṭṭhīti** natthikavādī ahetukavādī akiriyavādī. **Sandiṭṭhiparāmāsīti** sayam diṭṭhameva parāmasati gaṇhāti. **Ādhānaggāhīti**¹ dalhaggāhī. **Duppaṭinissaggīti** na sakkā hoti gahitam nissajjāpetum. Ettha ca **kodhano hoti upanāhīti**-ādinā puggalādhiṭṭhānanayena kodhūpanāhādayo akusaladhammā vivādamūlānīti dassitāni, tathā **duṭṭhacittā vivadantīti**-ādinā lobhadosamohā. **Aduṭṭhacittā vivadantīti**-ādinā ca alobhā dayo vivādamūlānīti dassitāni.

217. **Dubbaṇṇoti** paṁsupisācako viya jhāmakhāṇuvaṇṇo. **Duddassikoti** vijātamātuyāpi amanāpadassano. **Okotimakoti** lakunḍako. **Kāṇoti** ekakkhikāṇo vā ubhayakkhikāṇo vā. **Kuṇṇīti** ekahatthakuṇī vā ubhayahatthakuṇī vā. **Khañjoti** ekapādakhañjo vā ubhayapādakhañjo vā. **Pakkhahatoti** hatapakkho piṭhasappī.

220. **Vivādādhikaraṇam kusalam akusalam abyākatanti** vivādādhikaraṇam kiṁ kusalam akusalam udāhu abyākatanti pucchati. **Vivādādhikaraṇam siyā kusalanti**-ādi vissajjanam. Esa nayo sesesupi. Vivadanti etenāti **vivādoti** āha “yena vivadanti, so cittuppādo vivādo”ti. Katham pana so cittuppādo adhikaraṇam nāmāti āha “**samathehi ca adhikaraṇīyatāya adhikaraṇam**”ti, samathehi sametabbatāya adhikaraṇanti attho. Vivādahetubhūtaassa hi cittuppādassa vūpasamena tappabhavassa saddassapi vūpasamo hotīti cittuppādassa samathehi adhikaraṇīyatā² pariyāyo sambhavati.

222. **Āpattādhikaraṇam siyā akusalam siyā abyākatanti** ayam vikappo paññatti vajjamyeva sandhāya vutto, na lokavajjanti dassetum “**sandhāyabhāsitavasenā**”ti-ādimāha. Kasmā panettha sandhāyabhāsitavasena attho veditabboti āha “**yasmim hi**”ti-ādi. **Pathavīkhaṇanādiketī** ettha **ādi**-saddena bhūtagāmapātabyatādipaññattivajjam

1. Ādānaggāhīti (Syā)

2. Adhikaraṇīyatāya (Syā)

sikkhāpadaṃ saṅgaṇhāti. Yo vinaye apakataññutāya vattasīsena sammuñjani-ādinā pathavīkhaṇanādīni karoti, tadā tassuppannacittaṃ sandhāya vuttaṃ “**kusalacittaṃ aṅgaṃ hotī**”ti. **Aṅgaṃ hotī**ti ca vattasīsena karontassapī “imaṃ pathaviṃ khaṇāmī”ti-ādinā vītikkamajānavasena pavattattā taṃ kusalacittaṃ āpattādhikaraṇaṃ, kusalacittaṃ āpattiyā kāraṇaṃ hotīti attho. Na hi vītikkamaṃ ajānantassa pathavīkhaṇanādīsu āpatti sambhavati. **Tasmiṃ satī**ti tasmiṃ kusalacitte āpattibhāvena gahite satīte adhippāyo. **Tasmā**ti yasmā kusalacitte āpattibhāvena gahite satī “natthi āpattādhikaraṇaṃ kusalan”ti na sakkā vuttuṃ, tasmā. **Nayidaṃ aṅgappahonakacittaṃ sandhāya vuttanti** “āpattādhī karaṇaṃ siyā akusalaṃ siyā abyākataṃ, natthi āpattādhikaraṇaṃ kusalan”ti idaṃ āpattisamuṭṭhāpakabhāvena aṅgappahonakaṃ āpattiyā kāraṇabhūtaṃ cittaṃ sandhāya na vuttaṃ. Kim pana sandhāya vuttanti āha “**idaṃ panā**”ti-ādi. Bhikkhumhi kammaṭṭhānagatacittena nipanne niddāyante vā mātugāmo ce seyyaṃ kappeti, tasmiṃ khaṇe seyyākārena vattamānarūpameva āpatti, na kusalādivasappavattaṃ cittanti āha “**asañcicca -pa- sahaseyyādivasena āpajjato¹ abyākataṃ hotī**”ti. Tasmiñhi khaṇe utṭhātabbe jāte anuṭṭhānato tadākārapavatto rūpakkhandhova āpatti.

“Āpattim āpajjanto kusalacitto vā āpajjati akusalābyākatacitto vā”ti² vacanato kusalampi āpattādhikaraṇaṃ siyāti ce? Na. Yo hi āpattim āpajjati vuccati, so tīsu cittesu aññataracittasamaṅgī hutvā āpajjati, na aññathāti dassanattamaṃ “**kusalacitto vā**”ti-ādi vuttaṃ. Ayañhettha attho— pathavīkhaṇanādīsu kusalacittakkhaṇe vītikkamādivasena pavattarūpasambhavato kusalacitto vā tathāpavattarūpasāṅkhātāṃ abyākatāpattim āpajjati, tathā abyākatacitto vā abyākatarūpasāṅkhātāṃ abyākatāpattim āpajjati. Pāṇātipātādim akusalacitto vā akusalāpattim āpajjati, rūpaṃ panettha abbohārikāṃ. Supinante ca pāṇātipātādim karonto sahaseyyādivasena āpajjitabbāpattim āpajjanto akusalacitto abyākatāpattim āpajjati.

1. Āpajjanato (Syā)

2. Vi 5. 217 piṭṭhe atthato samānaṃ.

Kusalacittam āpajjeyyāti eḷakalomam gahetvā

kammaṭṭhānamanasikārena tiyojanam atikkamantassa paññattim ajānitvā padaso dhammam vācentassa ca āpajjitabbā pattiyā kusalacittam āpajjeyya.

Na ca tattha vijjamānampi kusalacittam āpattiyā aṅganti tasmim

vijjamānampi kusalacittam āpattiyā aṅgam na hoti, sayam āpatti na hotīti attho. **Calitappavattānanti** calitānam pavattānañca. Calito kāyo, pavattā vācā. **Aññatarameva aṅganti** kāyavācānam aññatarameva āpattīti attho.

Tañca rūpakkhanda pariyāpannattā abyākatanti iminā

abyākatamāpattādhikaraṇam, nāññanti dasseti.

Yadi evam “sāpattikassa bhikkhave nirayam vā vadāmi tiracchānayonim vā”ti vacanato abyākatassapi vipākadhammatā āpajjeyyāti? Nāpajjeyya. Asañcicca āpannā hi āpattiyo yāva so na jānāti, tāva anantarāyakarā, jānitvā chādentō pana chādanappaccayā aññam dukkaṭasaṅkhātā akusalamāpattādhikaraṇamāpajjati, tañca akusalasabhāvattā saggamokkhānam antarāyakaraṇanti sāpattikassa apāyagāmitā vuttā. Abyākatam pana āpattādhikaraṇam avipākadhammamevāti niṭṭhamettha gantabbam. Teneva **porāṇa gaṅṭhipadesupī** “puthujjano kalyāṇaputhujjano sekkho arahāti cattāro puggale dassetvā tesu arahato āpattādhikaraṇam abyākatameva, tathā sekkhānam, tathā kalyāṇaputhu jjanassa asañcicca vītikkamakāle abyākatameva. Itarassa akusalampi hoti abyākatampi. Yasmā cassa sañcicca vītikkamakāle akusalameva hoti, tasmā vuttam 'natthi āpattādhikaraṇam kusala'nti. Sabbattha evam abyākatanti vipākābhāvamattam¹ sandhāya vuttan”ti likhitam. Yañca āpattādhikaraṇam akusalam, tampi desitam vuṭṭhitam vā anantarāyakaram. Yathā hi ariyūpavādakamma akusalampi samānam accayam desetvā khamāpanena payogasampattiṭṭhāhitattā avipākadhammatam āpannam ahosikamma hoti, evamidampi desitam vuṭṭhitam vā payogasampattiṭṭhāhitattā avipākadhammatāya ahosikammabhāvena anantarāyakaram jātam. Teneva “sāpattikassa bhikkhave nirayam vā vadāmi tiracchānayonim vā”ti sāpattikasēva apāyagāmitā vuttā.

1. Kusalanti, evam sabbattha. Evam abyākatanti vipākābhāvappattam (Ka)

Adhikaraṇavūpasamanasamathakathāvaṇṇanā

228. Vivādasāṅkhāte atthe paccatthikā **atthapaccatthikā**.

229. **Sammukhāvinayasminti** sammukhāvinayabhāve.

230. **Antarenāti** kāraṇena.

231. Ubbāhikāya khīyanake pācitti na vuttā tattha chandadānassa natthitāya.

236. **Tassa kho tanti** ettha **kho tanti** nipātamattham.

238. “Kā ca tattha tassapāpiyasikāyā”ti potthakesu likhanti. “Kā ca tassapāpiya sikā”ti evaṃ panettha pāḥo veditabbo.

242. **Kiccādhikaraṇam ekena samathena sammatīti** ettha “kiccameva kiccādhi karaṇam”ti¹ vacanato apalokanakammādīnametaṃ adhivacanam. Taṃ vivādādhikaraṇā dīni viya samathehi sametabbam na hoti, kintu sammukhāvinayena sampajjati, tasmā **sammattīti** ettha sampajjatīti attho gahetabbo. Sesamettha suviññeyyameva.

Samathakkhandhakavaṇṇanā niṭṭhitā.

1. Vi-Ṭṭha-2-179 piṭṭhe.

5. Khuddakavatthukkhandhaka

Khuddakavatthukathāvaṇṇanā

243. Khuddakavatthukkhandhake **aṭṭhapadākārenā**ti aṭṭhapadaphalakākārena, jūtaphalakasadisanti vuttaṃ hoti. **Mallakamūlasaṅṭhānenā**ti kheḷamallaka mūlasaṅṭhānena.

245. **Muttolambakādīnanti ādi**-saddena kuṇḍalādīṃ saṅgaṇhāti. **Palambaka suttanti** yaññopacitākārena olambakasuttaṃ.

246. **Cikkalenā**ti silesena.

248. **Sādhugītanti** aniccatādipaṭisaṃyuttaḡitaṃ.

249. **Caturassena vattenā**ti paripuṇṇena uccāraṇavattena. Taraṅgavattādīnaṃ uccāraṇavidhānāni naṭṭhappayogāni¹. **Bāhiralominti** bhāvanapumsakaniddeso, yathā tassa uṇṇapāvārassa bahiddhā lomāni dissanti, tathā dhārentassa dukkaṭanti vuttaṃ hoti.

251. **Imāni cattāri ahirājakulānī**² idaṃ daṭṭhavise sandhāya vuttaṃ. Ye hi keci daṭṭhavisā, sabbe te imesaṃ catunnaṃ ahirājakulānaṃ abbhantaragatāva honti. **Attaguttiyā**ti attano guttatthāya. **Attarakkhāyā**ti attano rakkhaṇatthāya. **Attaparittaṃ kātunti** attano parittāṇatthāya attaparittaṃ nāma kātuṃ anujānāmīti attho.

Idāni yathā taṃ parittaṃ kātappaṃ, taṃ dassetuṃ “**evaṇca pana bhikkhave**”ti-ādimāha. Tattha³ **virūpakkhehī**ti virūpakkhanāgakulehi. Sesesupi eseva nayo. Saha yoge cetāṃ karaṇavacanaṃ, etehi saha mayham mittabhāvoti vuttaṃ hoti **apādakehī**ti apādakasattehi. Sesesupi eseva nayo. **Sabbe sattā**ti ito pubbe ettakena

1. Diṭṭhappayogāni (Syā)

2. Am-Ṭṭha 2. 316 piṭṭhepi passitabbaṃ.

3. Jātaka-Ṭṭha 2. 133 piṭṭhepi passitabbaṃ.

ṭhānena odissakamettaṃ kathetvā idāni anodissakamettaṃ kathetuṃ idamāraddhaṃ. Tattha **sattā pāṇā bhūtā**ti sabbānetāni puggalavevacanāneva. **Bhadrāni passantū**ti bhadrāni ārammaṇāni passantu. **Mā kañci pāpamāgamā**ti kañci sattaṃ pāpakaṃ lāmakaṃ mā agacchatu.

Appamāṇo buddhoti ettha **buddho**ti buddhaguṇā veditabbā, te hi appamāṇā nāma. Sesadvayesupi eseva nayo, **pamāṇavantaṇī**ti guṇappamāṇena yuttāni. **Uṇṇanā**ti lomasaṇbhiko makkaṭako. **Sarabū**ti gharagoḷikā. **Katā me rakkhā kataṃ me parittanti** mayā ettakassa janassa rakkhā ca parittāṇaṅca kataṃ. **Paṭikkamantu bhūtā**ni sabbepi me kataparittāṇā sattā apagacchantu, mā maṃ viheṭṭhayimsūti attho. **Sohanti** yassa mama etehi sabbehipi mettaṃ, so ahaṃ bhagavato namo karomi, vipassī-ādīnaṅca sattannaṃ sammāsambuddhānaṃ namo karomīti sambandho.

Aññamhi chetabbamhīti rāgānusayaṃ sandhāya vadati. **Tādisaṃ vā dukkhanti** muṭṭhi-ādīhi dukkhaṃ uppādentassa.

252. **Jālāni parikkhipāpetvā**ti parissayamocanattaṅceva pamādena gaḷitānaṃ ābharaṇādīnaṃ rakkhaṇatthaṅca jālāni karaṇḍakākāreṇa parikkhipāpetvā. **Candanagaṇṭhi āgantvā jāle laggā**ti eko kira rattacandanarukkho gaṅgāya uparītire jāto gaṅgodakena dhotamūlo pativā tattha tattha pāsāṇesu sambhijjamaṇo vippakiri. Tato ekā ghaṭappamāṇā ghaṭikā pāsāṇesu ghaṃsiyamānā udaka-ūmīhi pothiyamānā maṭṭhā hutvā anupubbena vuyhamānā sevālapariyonaddhā āgantvā tasmim jāle laggi. Taṃ sandhāyetaṃ vuttaṃ. **Lekhanti** likhitagahitaṃ cuṇṇaṃ. **Uḍḍitvā**¹ veḷuparamparāya uddhaṃ pāpetvā, uṭṭhāpetvāti vuttaṃ hoti. **Oharatū**ti iddhiyā otāretvā gaṇhatu.

Pūraṇakassapādayo **cha satthāro**. Tattha² **pūraṇoti** tassa satthupaṭiṇṇassa nāmaṃ. **Kassapoti** gottaṃ. So kira aññatarassa kulassa ekūnadāsasataṃ pūrayamaṇo jāto. Tenassa “pūraṇo”ti nāmaṃ akaṃsu. Maṅgaladāsattā cassa kataṃ “dukkaṭaṇ”ti vattā natthi, akataṃ vā “na

1. Vāhitvāti (Syā)

2. Dī-Ṭṭha 1. 130; Ma-Ṭṭha 2. 136 piṭṭhādīsipi passitabbaṃ.

katan”ti. So “kimahaṃ ettha vasāmi”ti palāyi. Athassa corā vatthāni acchindiṃsu. So paṇṇena vā tiṇena vā paṭicchādetumpi ajānanto jātārūpeneva ekaṃ gāmaṃ pāvīsi. Manussā taṃ disvā “ayaṃ samaṇo arahā appiccho, natthi iminā sadiso”ti pūvabhaddāni gahetvā upasaṅkamanti. So “mayhaṃ sātakaṃ anivatthabhāvena idaṃ uppannaṃ”ti tato paṭṭhāya sātakaṃ labhitvāpi na nivāsesi, tadeva pabbajjaṃ aggahesi. Tassa santike aññepi aññepīti pañcasatā manussā pabbajiṃsu. Evamayaṃ gaṇācariyo hutvā “satthā”ti loke pākaṭo ahoṣi.

Makkhalīti tassa nāmaṃ. Gosālāya jātattā **gosālō**ti dutiyanāmaṃ. Taṃ kira sakaddamāya bhūmiyā telaghaṭaṃ gahetvā gacchantāṃ “tāta mā khalī”ti sāmiko āha. So pamādena khalitvā patitvā sāmikassa bhayena palāyitum āraddho. Sāmiko upadhāvitvā sātakakaṇṇe aggahesi, so sātakaṃ chaḍḍetvā acelako hutvā palāyi. Sesāṃ pūraṇasadisa meva.

Ajītoti tassa nāmaṃ. Kesakambalaṃ dhāretīti **kesakambalo**. Iti nāmadvayaṃ saṃsanditvā “ajito kesakambalo”ti vuccati. Tattha **kesakambalo** nāma manussānaṃ kesehi katakambalo. Tato paṭikiṭṭhataraṃ vatthaṃ nāma natthi. Yathāha “seyyathāpi bhikkhave yāni kānici tantāvutānaṃ vatthānaṃ, kesakambalo tesāṃ paṭikiṭṭho akkhāyati. Kesakambalo bhikkhave sīte sīto uṇhe uṇho dubbaṇṇo duggandho dukkhasamphasso”ti¹.

Pakudhoti tassa nāmaṃ. **Kaccāyanoti** gottāṃ. Iti nāmagottāṃ saṃsanditvā “pakudho kaccāyano”ti vuccati. Sītūdakapaṭikkhattako esa, vaccaṃ katvāpi udakakiccaṃ na karoti, uṇhodakaṃ vā kaññiyaṃ vā labhitvā karoti, nadim vā maggodakaṃ vā atikkamma “sīlaṃ me bhinnā”ti vālikathūpaṃ katvā sīlaṃ adhiṭṭhāya gacchati. Evarūpanissirikaladdhiko esa.

Sañcayoti tassa nāmaṃ. Belaṭṭhassa putto **belaṭṭhaputto**. “Amhākaṃ gaṇṭhanakilesa palibundhanakilesa natthi, kilesagaṇṭhirahitā

1. Am 1. 290 piṭṭhe.

mayan”ti evaṃvāditāya laddhanāmasena **niḅaṇṭho**. Nāṭassa puttoti **nāṭaputto**.

Piṇḍolabhāradvājoti¹ piṇḍaṃ ulamāno pariyesamāno pabbajitoti **piṇḍolo**. So kira pariṇṇabhogo brāhmaṇo hutvā mahantaṃ bhikkhusaṃghassa lābhāsakkāraṃ disvā piṇḍatthāya nikkhamitvā pabbajito. So mahantaṃ kapallapattaṃ “pattaṃ”ti gahetvā carati, kapallapūraṃ yāguṃ pivati, bhattaṃ bhuñjati, pūvakhajjakaṅca khādati. Athassa mahagghasabhāvaṃ satthu ārocayimsu. Satthā tassa pattatthavikaṃ nānujāni. Thero heṭṭhāmaṅce pattaṃ nikujjitvā ṭhapeti. So ṭhapentopi ghaṃsentova paṇāmetvā ṭhapeti, gaṇhantopi ghaṃsentova ākaḍḍhitvā gaṇhāti. Taṃ gacchante gacchante kāle ghaṃsa nena parikkhīṇaṃ nālikodanamattasseva gaṇhanakaṃ jātaṃ. Tato satthu ārocesuṃ. Athassa satthā pattatthavikaṃ anujāni. Thero aparena samayena indriyabhāvaṇaṃ bhāvento aggaphale arahatte patiṭṭhāsi. Iti so pubbe savisesaṃ piṇḍatthāya-ulatīti **piṇḍolo**. Gottena pana **bhāradvājoti** ubhayaṃ ekato katvā “piṇḍolabhāradvājo”ti vuccati.

“Atha kho āyasmā piṇḍolabhāradvājo -pa- etadavocā”ti kasmā evamāhaṃsu? So kira² seṭṭhi neva sammādiṭṭhi, na micchādiṭṭhi, majjhattadhātuko. So cintesi “mayhaṃ gehe candanaṃ bahu, kiṃ nu kho iminā karissāmi”ti. Athassa etadahosi “imasmim loke 'mayam arahanto, mayam arahanto'ti vattāro bahū, aham ekaṃ arahantampi na jānāmi, gehe bhamaṃ yojetvā pattaṃ likhāpetvā sikkāya ṭhapetvā veḷuparamparāya saṭṭhihatthamate ākāse olambāpetvā 'sace arahā atthi, ākāsenāgantvā gaṇhātū'ti vakkhāmi. Yo taṃ gahessati, tassa saputtadāro saraṇaṃ gamissāmi”ti. So cintitaniyāmeneva pattaṃ likhāpetvā veḷuparamparāya ussāpetvā “yo imasmim loke arahā, so ākāse āgantvā imaṃ pattaṃ gaṇhātū”ti āha.

1. Udāna-Ṭṭha 228 piṭṭhepi passitabbaṃ.

2. Dhammapada-Ṭṭha 2. 130 piṭṭhādisupi passitabbaṃ.

Tadā cha satthāro “amhākaṃ esa anucchaviko, amhākameva naṃ dehi”ti vadiṃsu. So “ākāsenāgantvā gaṇhathā”ti āha. Chaṭṭhe divase nigaṇṭho nāṭaputto antevāsike pesesi “gacchatha seṭṭhiṃ evaṃ vadetha 'amhākaṃ ācariyasseva anucchaviko, mā appamattakassa kāraṇā ākāsenā āgamanam kari, dehi kira te pattan'ti”. Te gantvā seṭṭhiṃ tathā vadiṃsu. Seṭṭhi “ākāsenāgantvā gaṇhituṃ samatthova gaṇhātū”ti āha. Nāṭaputto sayam gantukāmo hutvā antevāsikānam saññaṃ adāsi “ahaṃ ekaṃ hatthañca pādañca ukkhipitvā uppatitukāmo viya bhavissāmi, tumhe maṃ 'ācariya kiṃ karotha, dārumayapattassa kāraṇā paṭicchannaṃ arahattaguṇaṃ mahājanassa mā dassayitthā'ti vatvā maṃ hatthesu ca pādesu ca gahetvā ākaḍḍhantā bhūmiyaṃ pāteyyāthā”ti. So tatha gantvā seṭṭhiṃ āha “mahāseṭṭhi ayaṃ patto aññesaṃ nānucchaviko, mā te appamattakassa kāraṇā mama ākāse uppatanaṃ rucci, dehi me pattan”ti. Bhante ākāsenā uppatitvāva gaṇhathāti. Tato nāṭaputo “tena hi apetha apethā”ti antevāsike apantvā “ākāse uppatissāmi”ti ekaṃ hatthañca pādañca ukkhipi. Atha naṃ antevāsikā “ācariya kiṃ nāmetaṃ karotha, chavassa dārumayapattassa kāraṇā paṭicchannaguṇena tumhehi mahājanassa dassitena ko attho”ti taṃ hatthapādesu gahetvā ākaḍḍhitvā bhūmiyaṃ pātesuṃ. So seṭṭhiṃ āha “mahāseṭṭhi ime me uppatituṃ na denti, dehi me pattan”ti. Uppatitvāva gaṇhatha bhanteti. Evaṃ titthiyā cha divasāni vāyavitvāpi pattam na labhiṃsuyeva.

Atha sattame divase āyasmato ca moggallānassa āyasmato ca piṇḍolabhāra dvājassa “rājagahe piṇḍāya carissāmā”ti gantvā ekasmiṃ piṭṭhipāsāṇe ṭhatvā cīvaram pārupanakāle dhuttakā katham samuṭṭhāpesuṃ “hambho pubbe cha satthāro 'mayam arahantāmhā'ti vicariṃsu, rājagahaseṭṭhino pana ajja sattamo divaso pattam ussāpetvā ṭhapyato 'sace arahā atthi, ākāsenāgantvā gaṇhātū'ti vadantassa, ekopi 'ahaṃ arahā'ti ākāse uppatanto natthi, ajja no loke arahantānam natthibhāvo ñāto”ti. Tam katham sutvā āyasmā mahāmoggallāno āyasmantaṃ

piṇḍolabhāradvājam āha “sutaṃ te āvuso bhāradvāja imesaṃ vacanaṃ, ime buddha sāsanaṃ pariggaṇhantā viya vadanti, tvañca mahiddhiko mahānubhāvo, gacchetaṃ pattam ākāseṇa gantvā gaṇhāhi”ti. “Āvuso moggallāna tvaṃ 'iddhimantānaṃ aggo'ti pākato, tvaṃ etaṃ gaṇha, tayi pana aggaṇhante ahaṃ gaṇhissāmi”ti āha. Atha āyasmā mahāmoggallāno “gaṇhāvuso”ti āha. Iti te lokassa arahantehi asuññabhāvadassanattam evamāhamsu.

Tikkhattum rājagaham anupariyāyīti tikkhattum rājagaham anugantvā paribbhami. “Sattakkhattun”tipi vadanti. Thero kira abhiññāpādakam jhānam samāpajjitvā utthāya tigāvutaṃ piṭṭhipāsāṇam antantena paricchindanto tūlapicu viya ākāse utthāpetvā rājagahanagarassa upari sattakkhattum anupariyāyī. So tigāvutappamaṇassa nagarassa apidhānam viya paññāyī. Nagaravāsino “pāsāṇo no avattharivā gaṇhāti”ti bhīta suppadāni matthake katvā tattha tattha nilīyimsu. Sattame vāre thero piṭṭhipāsāṇam bhinditvā attānam dasseti. Mahājano theram disvā “bhante piṇḍolabhāradvāja tava pāsāṇam gālham katvā gaṇha, mā no sabbe nāsayī”ti āha¹. Thero pāsāṇam pādantena khipitvā vissajjesi. So gantvā yathāṭhāneyeva patitthāsi. Thero seṭṭhissa gehamatthake aṭṭhāsi. Tam disvā seṭṭhi urena nipajjitvā “otara sāmī”ti vatvā ākāsatō otiṇṇam theram nisīdāpetvā pattam gahetvā catumadhurapuṇṇam katvā therassa adāsi. Thero pattam gahetvā vihārābhimukho pāyāsi. Athassa ye araññagatā pāṭihāriyam nāddasamsu, te sannipatitvā “bhante amhākampi pāṭihāriyam dasseti”ti theram anubandhimsu. So tesam tesam pāṭihāriyam dassento vihāram agamāsi. Sathā tam anubandhitvā unnādentassa mahājanassa saddam sutvā “ānanda kasseso saddo”ti pucchi. Tena vuttam “**assosi kho bhagavā -pakiriṃ nu kho so ānanda uccāsaddo mahāsaddo**”ti.

Vikubbaniddhiyā pāṭihāriyam paṭikkhittanti ettha **vikubbaniddhi** nāma “so pakativaṇṇam vijahitvā kumārakavaṇṇam vā dasseti nāgavaṇṇam vā, vividhampi senābyūham dasseti”ti² evamāgatā pakativaṇṇavijahanavikāravasena

1. Gaṇhamāno sabbe mā nāsayīti (Syā)

2. Khu 9. 388 piṭṭhe.

pavattā iddhi. **Adhiṭṭhāniddhi** pana “pakatiyā eko bahukaṃ āvajjati sataṃ vā sahasaṃ vā satasahasāṃ vā, āpajjitvā ñāṇena adhiṭṭhāti 'bahuko homī'ti¹” evaṃ vibhajitvā dassitā adhiṭṭhānavasena nipphannā iddhi.

253-254. Na **acchupiyantī**ti na suphassitāni² honti. **Rūpakākiṇṇānī**ti itthirūpā dīhi ākiṇṇāni. **Bhūmi-ādhāraketi** valayādhārake. **Dāru-ādhārakadaṇḍādhārakesūti** ekadā runā kata-ādhārake bahūhi daṇḍakehi kata-ādhārake vāti attho, tīhi daṇḍehi kato pana na vaṭṭati. **Bhūmiyaṃ pana nikkujjitvā ekameva ṭhapetabbanti** ettha dve ṭhapentena upari ṭhapitapattāṃ ekena passena bhūmiyaṃ phusāpetvā ṭhapetum vaṭṭatīti vadanti. **Ālindaka miḍḍhikādīnanti** pamukhamiḍḍhikānaṃ. **Parivattitvā tattheva patiṭṭhātīti** ettha “parivattitvā tatiyavāre tattheva miḍḍhiyā patiṭṭhātī”ti **gaṇṭhipadesu** vuttāṃ. **Paribhaṇḍaṃ** nāma gehassa bahi kuṭṭapādassa thirabhāvattaṃ katā tanukamiḍḍhikā vuccati. **Tanukamiḍḍhikāyāti** khuddakamiḍḍhikāya. Miḍḍhantepi ādhārake ṭhapetum vaṭṭati. “Anujānāmi bhikkhave ādhārakan”ti hi vacanato miḍḍhādīsu yattha katthaci ādhārakaṃ ṭhapetvā tattha pattāṃ ṭhapetum vaṭṭati ādhārake ṭhapanokāsassa aniya mitattāti vadanti. “Pattamaḷo nāma vaṭṭetvā pattānaṃ agamanattaṃ vaṭṭaṃ vā caturassaṃ vā iṭṭhakādīhi parikkhipitvā kato”ti **gaṇṭhipadesu** vuttāṃ.

255. **Ghaṭikanti** upari yojitaṃ aggaḷaṃ. **Tāvakālikaṃ paribhuñjitum vaṭṭatīti** sakideva gahetvā tena āmisāṃ paribhuñjitvā chaḍḍetum vaṭṭatīti adhippāyo. **Ghaṭi kaṭāheti** bhājanakapāle. **Abhūṃ meti** ettha bhavatīti **bhū**, vaḍḍhi. Na bhūti **abhū**, avaḍḍhi. Bhayavasena pana sā itthī “abhun”ti āha, vināso mayhanti attho. **Chavasīsassa pattanti** chavasīsamayaṃ pattāṃ. Pakativikārasambandhe cetāṃ sāmivacanāṃ, abhedepi vā bhedūpacārenāyaṃ vohāro “silāputtakassa sarīraṃ”ti-ādīsu viya.

Cabbetvāti³ khādītva. **Ekaṃ udaka gaṇḍusaṃ gahetvāti** vāmahattheneva pattāṃ ukkhipitvā mukhena gaṇḍusaṃ gahetvā. **Ucchiṭṭhahatthenāti** sāmisenā hatthena. **Ettāvatāti** ekagaṇḍusagahaṇamattena. **Luñcivāti** tato

1. Khu 9. 385 piṭṭhe.

2. Na phusitāni (Syā)

3. Vammētvaṭi (Syā)

maṁsaṁ uddharitvā. Etesu sabbesu paṇṇattim jānātu vā mā vā, āpattiyeva.

256. **Kiṇṇacunṇenā**ti surākiṇṇacunṇena. “**Anuvātaṁ paribhaṇḍanti** kilañjādīsu karontī”ti **gaṇṭhipadesu** vuttam. **Bidalakanti** duguṇakaraṇasaṅkhātassa kiriyāvisesassa adhivacanaṁ. Kassa duguṇakaraṇaṁ? Yena kilañjādīnā mahantaṁ kathinaṁ atthataṁ, tassa. Tañhi daṇḍakathinappamāṇena pariyaṇṭe saṁharitvā duguṇaṁ kātabbam. **Paṭiggahanti** aṅgulikañcukaṁ.

257-259. **Pāti** nāma paṭiggahaṇasaṅghānena kato bhājanaviseso. **Na sammatī**ti nappahoti.

260-262. **Nīcavatthukaṁ cinitunti** bahikuṭṭassa samantato nīcavatthukaṁ katvā cinitum. **Arahaṭaghaṭiyantaṁ** nāma sakatacakkasaṅghānaṁ are are ghaṭikāni bandhitvā ekena dvīhi vā paribbhamiyamaṇaṁ yantaṁ.

263. **Āviddhapakkhapāsakanti** kaṇṇikamaṇḍalassa samantā ṭhapitapakkhā pāsakaṁ. **Maṇḍaleti** kaṇṇikamaṇḍale. **Pakkhapāsake ṭhapetvā**ti samantā pakkhapāsaka phalakāni ṭhapetvā.

264. “Namatakaṁ santhatasadisaṇ”ti **gaṇṭhipadesu** vuttam. **Cammakhaṇḍa parihārena paribhuñjitabbanti** anadhiṭṭhahitvā paribhuñjitabbam. **Ettheva pavitṭhānī**ti maḷorikāya eva antogadhāni. Pubbe pattasaṅgopanatthaṁ ādhārako anuññāto, idāni bhūñjanatthaṁ.

265. **Nikkujjitabboti** tena dinnassa deyyadhammassa appaṭiggahaṇatthaṁ pattanikkujjanakammavācāya nikkujjitabbo, na adhomukhaṭhapanena. Tenevāha “**evañca pana bhikkhave nikkujjitabbo**”ti-ādi. **Alābhāyā**ti catunnaṁ paccayānaṁ alābhatthāya. **Anatthāyā**ti upaddavāya avaḍḍhiyā.

266. **Pasādessāmā**ti āyācissāma. **Etadvocā**ti “appatirūpaṁ mayā kataṁ, bhagavā pana mahanteṇi aguṇe acintetvā mayhaṁ accayaṁ paṭiggaṇhissatī”ti maññamāno etaṁ “accayo maṁ bhante”ti-ādivacanaṁ

avoca. Tattha nāyapaṭipattiṃ aticca eti pavattatīti **accayo**, aparādho. **Maṃ accagamāti** maṃ atikkamma abhibhavitvā pavatto. Purisena madditvā abhibhavitvā pavattitopi hi aparādho atthato purisaṃ aticca abhibhavitvā pavatto nāma hoti. **Paṭiggaṇhātūti** khamatu. **Āyatiraṃ saṃvarāyāti** anāgate saṃvaraṇatthāya puna evarūpassa aparādhassa dosassa khalitassa akaraṇatthāya. **Tagghāti** ekamsena. **Yathādhammaṃ paṭikarosi**ti yathā dhammo ṭhito, tatheva karosi, khamāpesīti vuttaṃ hoti. **Taṃ te mayaṃ paṭigga ṇhāmāti** taṃ tava aparādhaṃ mayaṃ khamāma. **Vuḍḍhi hesā āvuso vaḍḍha ariyassa vinayeti** esā āvuso vaḍḍha ariyassa vinaye buddhassa bhagavato sāsane vuḍḍhi nāma. Katamā? Accayaṃ accayato disvā yathādhammaṃ paṭikarivā āyatiraṃ saṃvarāpajjanā. Desanaṃ pana puggalādhiṭṭhānaṃ karonto “**yo accayaṃ accayato disvā yathā dhammaṃ paṭikaroti, āyatiraṃ saṃvaram āpajjati**”ti āha.

268. Bodhirājakumāravatthumhi¹ **kokanadoti kokanadaṃ** vuccati padumaṃ, so ca maṅgalapāsādo olokanapadumaṃ dassetvā kato, tasmā “kokanado”ti saṅkhaṃ labhi. **Yāva pacchimasopānakaḷevarāti** ettha **pacchimasopānakaḷevaranti** paṭhamasopāna phalakaṃ vuttaṃ tassa sabbapacchā dussena santhatattā. Uparimasopānaphalakato paṭṭhāya hi sopānaṃ santhatam. **Addasā khoti** olokanatthamyeva dvārakoṭṭhake ṭhito addasa.

Bhagavā tuṅhī ahoṣīti “kissa nu kho atthāya rājakumārena ayaṃ mahāsakkāro kato”ti āvajjento puttapatthanāya katabhāvaṃ aññāsi. So hi rājaputto aputtako. Sutañcā nena ahoṣi “buddhānaṃ kira adhikāraṃ katvā manasā icchitaṃ labhanti”ti. So “sacāhaṃ puttaṃ labhissāmi, sammāsambuddho imaṃ celapaṭikaṃ akkamissati. No ce labhissāmi, na akkamissati”ti patthanaṃ katvā santharāpesi. Atha bhagavā “nibbattissati nu kho etassa putto”ti āvajjetvā “na nibbattissati”ti addasa. Pubbe kira so ekasmim dīpe

1. Ma-Ṭṭha 3. 222 piṭṭhādīsupi passitabbaṃ.

vasamāno samānacchandena sakuṇapotate khādi. Sacassa mātugāmo puññavā bhaveyya, puttaṃ labheyya. Ubho hi pana samānacchande hi hutvā pāpakammaṃ kataṃ, tenassa putto na nibbattissatīti aññāsi. Dusse pana akkante “buddhānaṃ adhikāraṃ katvā patthitaṃ labhantīti loke anussavo, mayā ca mahā-adhikāro kato, na ca puttaṃ labhāmi, tucchāṃ idaṃ vacanaṃ”ti micchāgahaṇaṃ gaṇheyya. Tittiyāpi “natthi samaṇānaṃ akattabbaṃ nāma, celapaṭikaṃ maddantā āhiṇḍantī”ti ujjhāyeyyūṃ. Etarahi ca akkamantesu bahū bhikkhū paracittaviduno, te bhabbataṃ jānitvā akkamissanti, abhabbataṃ jānitvā na akkamissanti. Anāgate pana upanissayo mando bhavissati, anāgataṃ na jānissanti, tesu akkamantesu sace patthitaṃ ijjhissati, iccetaṃ kusalaṃ. No ce ijjhissati, “pubbe bhikkhusaṃghassa adhikāraṃ katvā icchiticchitaṃ labhanti, idāni na labhanti, teyeva maññe bhikkhū paṭipattipūrakā ahesuṃ, ime pana paṭipattiṃ pūretuṃ na sakkontī”ti manussā vippaṭisārino bhavissantīti imehi tīhi kāraṇehi bhagavā akkamituṃ anicchanto tuṇhī aho si. **Pacchimaṃ janataṃ tathāgato anukampatīti** idaṃ pana thero vuttesu kāraṇesu tatiyaṃ kāraṇaṃ sandhāyāha. Maṅgalaṃ icchantīti **maṅgalikā**.

269. **Bijaninti** caturassabjaniṃ. **Tālavaṇṭanti** tālapattādīhi kataṃ maṅḍalika bijaniṃ.

270-275. “**Ekapaṇṇacchattaṃ** nāma tālapattan”ti **gaṇṭhipadesu** vuttaṃ. **Kamma satenāti** ettha **sata**-saddo anekapariyāyo, anekena kammenāti attho, mahatā ussāhenāti vuttaṃ hoti. **Rudhīti** khuddakavaṇaṃ.

278. “Akāyabandhanena sañcicca asañcicca vā gāmappavesane āpatti. Saritaṭṭhānato bandhitvā pavisitabbaṃ nivattitabbaṃ vā”ti **gaṇṭhipadesu** vuttaṃ. **Murajavattī saṅṭhānaṃ veṭhetvā katanti** bahū rajjuge ekato katvā nānāvaṇṇehi suttehi veṭhetvā murajavattīsadisāṃ kataṃ. Teneva **dutiyaṃ pārajikavaṇṇanāyaṃ**¹ vuttaṃ “bahū rajjuge ekato katvā

1. Vi-Ṭṭha 1. 253 piṭṭhe.

ekena nirantaram veḥetvā kataṃ bahurajjukanti na vattabbaṃ, taṃ vaṭṭati'ti. Tattha yaṃ vattabbaṃ, taṃ heṭṭhā vuttameva.

Muddikakāyabandhanaṃ nāma caturassaṃ akatvā sajjitaṃ. **Pāmaṅgadasā** caturassā. **Mudiṅgasaṅṭhānenāti**¹ varakasīsākārena. **Pāsantoti** dasāmūlaṃ.

280-282. **Muṇḍavattīti** mallakammakarādayo. **Pamāṅgulenāti** vaḍḍhakī-aṅgulaṃ sandhāya vuttaṃ. Sesametta pālito aṭṭhakathāto ca suviññeyyameva.

Khuddakavatthukkhandhakavaṇṇanā niṭṭhitā.

1. Muddikasaṅṭhānenāti (Syā)

6. Senāsanakkhandhaka

Vihārānujānanakathāvaṇṇanā

294. Senāsanakkhandhake **senāsanam apaññattam hotīti** vihārasenāsanam sandhāya vuttam. Catubbidhañhi¹ senāsanam vihārasenāsanam mañcapīṭhasenāsanam santhatsenāsanam okāsasenāsananti. Tattha “mañcopi senāsanam, pīṭhampi bhisipi bimbohanampi vihāropi aḍḍhayogopi pāsādopi hammiyampi guhāpi aṭṭopi māḷopi leṇampi veḷugumbopi rukkhamūlampi maṇḍapopi senāsanam. Yattha vā pana bhikkhū paṭikkamanti, sabbametaṃ senāsanam”²ti vacanato vihāro aḍḍhayogo pāsādo hammiyam guhāti idam **vihārasenāsanam** nāma. Mañco pīṭham bhisipi bimbohananti idam **mañca pīṭhasenāsanam** nāma. Cimilikā cammakhaṇḍo tiṇasanthāro paṇṇasanthāroṭi idam **santhatsenāsanam** nāma. Yattha vā pana bhikkhū paṭikkamantīti idam **okāsasenāsanam** nāma.

Rukkhamūleti-ādīsu **rukkhamūlasenāsanam** nāma yaṃkiñci sandacchāyam vivittam rukkhamūlam. **Pabbato** nāma selo. Tattha hi udakasoṇḍīsu udakakiccaṃ katvā sītāya rukkhaḥchāyāya nisinnā nānādisāsu khāyamānāsu sītena vātena bījīyamānā samaṇadhammam karonti. **Kandareti kam** vuccati udakam, tena dārito udakena bhinnam pabbatappadeso **kandaram**. Yam “nitamban”³tipi “nadiḷkuñjan”³tipi vadanti. Tattha hi rajatapaṭṭasadisā vālikā hoti, matthake maṇivittānam viya vanagahanam, maṇikkhandha sadisam udakam sandati, evarūpam kandaram oruyha pānīyam pivtvā gattāni sītam katvā vālikam ussāpetvā paṃsukūlacīvaram paññāpetvā tattha nisinnā te bhikkhū samaṇadhammam karonti. **Giriguhā** nāma dvinnam pabbatānam antarā, ekasmīmyeva vā umaṅgasadisam mahāvīvaram.

“Vanapatthanti dūrānametaṃ senāsanānam adhivacanam”²ti-ādivacanatoti² yattha na kasanti na vapanti, tādisam manussānam upacāraṭṭhānam atikkamitvā ṭhitam araññakasenāsanam “vanapatthan”²ti vuccati. **Ajjhokāso**¹ nāma

1. Ma-Ṭṭha 2. 118 piṭṭhādīsopi passitabbarā.

2. Abhi 2. 260 piṭṭhe.

3. Nadītumbantipi (Ka, Dī-Ṭṭha 1. 188; Ma-Ṭṭha 2. 119 piṭṭhesu ca) Sam-Ṭṭha 2. 51; Am-Ṭṭha 2. 223; Abhi-Ṭṭha 2. 350 piṭṭhesu pana passitabbarā.

4. Abbhokāso (Syā)

kenaci acchanno padeso. Ākaṅkhamānā panettha cīvarakuṭim katvā vasanti. **Palāla puñjeti** palālarāsimhi. Mahāpalālapuñjato hi palālam nikkadḍhitvā pabbhāraḷasādise ālaye karonti, gacchagumbādīnampi upari palālam parikkhipitvā¹ heṭṭhā nisinnā samaṇadhammaṃ karonti, taṃ sandhāyetam vuttam. **Pañca leṇānīti** pañca līyanaṭṭhānāni. Nilīyanti ettha bhikkhūti leṇāni, vihārādīnametaṃ adhivacanaṃ. **Supaṇṇavaṅkagehanti** garuḷapakkhasaṇṭhānena katageham.

295. Anumodanagāthāsu **sītanti** ajjhattadhātukkabhavasena vā bahiddha-utu vipariṇāmasasena vā uppajjanakasītam. **Uṇhanti** aggisantāpaṃ, tassa vanadāhādīsu vā sambhavo daṭṭhabbo. **Paṭihantīti** bādhati. Yathā tadubhayavasena kāyacittānaṃ bādhanam na hoti, evam karoti. Sītuṇhabbhāhate hi sarīre vikkhittacitto bhikkhu yoniso padahitum na sakkoti. **Vāḷamigānīti** sīhabyagghādīvāḷamige. Guttasenāsanañhi pavisitvā dvāram pidhāya nisinnassa te pariṣsayā na honti. **Sarīsapeti** ye keci sarante gacchante dīghajāṭike. **Makaseti** nidassanamattametaṃ, ḍamsādīnampi eteneva saṅgaho daṭṭhabbo. **Sisireti** sisirakālavasena sattāhavaddhalikādivasena ca uppanne sisira samphasse. **Vuṭṭhiyoti** yadā tadā uppannā vassavuṭṭhiyo.

Vātātapo ghoroti rukkhagacchādīnaṃ ummūlabhañjanādivasena pavattiyā ghero saraja-araḷādibhedo vāto ceva gimhapariḷāhasamayesu uppattiyā ghero sūriyātapo ca **paṭihaññati** paṭibāhīyati. **Leṇatthanti** nānārammaṇako cittaṃ nivattetvā paṭisallānā rāmattham. **Sukhatthanti** vuttaparissayābhāvena phāsuviḥarattham. **Jhāyitunti** aṭṭhatimsārammaṇesu yattha katthaci cittaṃ upanijjhāyitum. **Vipassitunti** aniccadito saṅkhāre sammasitum.

Vihāreti patissaye. **Kārayeti** kārāpeyya. **Rammeti** manorame nivāsasukhe. **Vāsayettha bahussuteti** kāretvā pana ettha vihāresu bahussute sīlavante kalyāṇadhamme nivāseyya. Te nivāsentō pana tesam bahussutānaṃ yathā paccayehi kilamatho na hoti, evam

1. Ukkhipitvā (Syā)

annañca pānañca vatthasenāsanāni ca dadeyya ujubhūtesu
ajjhāsayasampannesu kamma phalānam ratanattayaḡaṇānañca saddahanena
vippasannena cetasā.

Idāni gahaṭṭhapabbajitānaṃ aññamaññupakāritaṃ dassetuṃ “**te tassā**”ti
gātha māha. Tattha **teti** te bahussutā. **Tassāti** upāsakassa. **Dhammaṃ**
desentīti sakalavaṭṭa dukkhāpanūdanaṃ saddhammaṃ desenti. **Yaṃ so**
dhammaṃ idhaññāyāti so puggalo yaṃ saddhammaṃ imasmim̄ sāsane
sammā paṭipajjanena jānitvā aggamaggādhigamena anāsavo hutvā
parinibbāyati.

So ca sabbadado hotīti āvāsadānasmim̄ dinne sabbadānaṃ dinnameva
hotīti katvā vuttaṃ. Tathā hi¹ dve tayo gāme piṇḍāya caritvā kiñci aladdhā
āgatassapi chāyūdakasampannaṃ ārāmaṃ pavisitvā nahāyitvā patissaye
muhuttaṃ nipajjitvā uṭṭhāya nisinnassa kāye balaṃ āharitvā pakkhittaṃ viya
hoti, bahi vicarantassa ca kāye vaṇṇadhātu vātātapehi kilamati, patissayaṃ
pavitvā dvāraṃ pidhāya muhuttaṃ nipannassa visabhāgasantati
vūpasammati, sabhāgasantati patiṭṭhāti, vaṇṇadhātu āharitvā pakkhittā viya
hoti, bahi vicarantassa ca pāde kaṇṭako vijjhati, khāṇu paharati, sarīsapādi
parissayā ceva corabhayañca uppajjati, patissayaṃ pavitvā dvāraṃ
pidhāya nipannassa sabbe parissayā na honti, sajjhāyantassa
dhammapītisukhaṃ, kammaṭṭhānaṃ manasi karontassa upasamasukhañca
uppajjati bahiddhāvikkhepābhāvato, bahi vicarantassa ca sedā muccanti,
akkhīni phandanti, senāsanāṃ pavisanakkhaṇe mañcapīṭhāni na paññā yanti,
muhuttaṃ nisinnassa² pana akkhipasādo āharitvā pakkhitto viya hoti,
dvāravāta pānamañcapīṭhādīni paññāyanti, etasmiñca āvāse vasantaṃ disvā
manussā catūhi paccayehi sakkaccaṃ upaṭṭhahanti. Tena vuttaṃ “so ca
sabbadado hoti, yo dadāti upassayan”ti.

296. **Āviñchanacchiddanti** yattha aṅgulim̄ pavesetvā dvāraṃ ākaḍḍhantā
dvāra bāhaṃ phusāpentī, tassetāṃ adhivācanaṃ. **Āviñchanarajjunti**
kavāṭeyeva chiddaṃ katvā tattha pavesetvā yena rajjukena kaḍḍhantā
dvāraṃ phusāpentī, taṃ āviñchanarajjukaṃ. Senāsanaparibhoge
akappiyacammaṃ nāma

1. Saṃ-Ṭṭha 1. 78 piṭṭhādīsupi passitabbaṃ.

2. Nipannassa (Ka)

natthīti dassanattamā “**sacepi dīpinaṅguṭṭhena katā hoti, vaṭṭatiyevā**”ti vuttamā. **Cetiye vedikāsadisanti** vātapānabāhāsu cetiye vedikāya viya paṭṭikādīhi dassetvā kathamā. **Thambhakavātapāna** nāma tiriyaṃ dārūni adatvā ujukamā ṭhitehi eva veṇusalākādīhi kathamā.

Vihārānujānanakathāvaṇṇanā niṭṭhikā.

Mañcapīṭhādi-anujānanakathāvaṇṇanā

297. **Poṭakitūlanti** erakatiṇatūlamā. Poṭakigahaṇaṅcetha tiṇajātīnam nidassana mattanti āha “**yesam kesaṅci tiṇajātīkānan**”ti. **Pañcavidham unṇādītūlampi vaṭṭatīti** etthāpi “bimbohane”ti ānetvā sambandhitabbarā. “Tūlapūritam bhisim apassayitum apassayitum na vaṭṭatī”ti keci vadanti, vaṭṭatīti apare. **Upadahantīti** ṭhapenti. **Sīsappamāṇanti** yattha galavāṭakato paṭṭhāya sabbasāsam upadahanti, tam sīsappamāṇam. Tañca ukkaṭṭhaparicchedato tiriyaṃ muṭṭhiratanam hotīti dassetum “**yassa vitthārato tisu kaṇṇesū**”ti¹ ādimāha. **Majjhaṭṭhānam muṭṭhiratanam hotīti** bimbohanassa majjhaṭṭhānam tiriyaṃ muṭṭhiratanappamāṇam hoti. **Masūra**keti cammamayabhisiyaṃ. **Phusitāni dātuntī** saññākaraṇattamā bindūni dātum.

298. Na nibandhatīti **anibandhanīyo**, na allīyatīti attho. **Paṭibāhetvāti** maṭṭham² katvā.

Iṭṭhakācayādi-anujānanakathāvaṇṇanā

300. **Rukkham vijjhivāti** rukkhadārum vijjhivā. **Khāṇuke ākoṭevāti** dve dve khāṇuke ākoṭevā. **Tam āharimam³ bhittipādanti** vuttanayena khāṇuke ākoṭevā kathamā yeva sandhāya vuttamā. **Bhūmiyaṃ patiṭṭhāpetuntī** mūlena bhūmiyaṃ patiṭṭhāpetvā bhittipādassa upatthambhanavasena ussāpetvā khāṇukehi bhittipādamaṃ ussāpetvā⁴ ṭhāpetuntī adhippāyo. **Ubhato kuṭṭam nīharitvā katapadesassāti** yathā

1. Koṇesūti (Syā)

3. Kathamā asamhārimam (Syā)

2. Aṭṭam (Ka)

4. Ḍamsāpetvā (Syā)

antodvārasamīpe nisinnehi ujukaṃ bahi oloketuṃ na sakkā hoti, evaṃ ubhohi passehi kuṭṭaṃ nīharitvā abhimukhe bhittim upaṭṭhapetvā katapadesassa. **Samantā pariyaḅāroti** samantato āviddhapamukhaṃ. **Ugghāṭanakīṭikanti** daṇḍehi ukkhipitvā ṭhapanakapadarakīṭikaṃ.

Anāthapiṇḍikavatthukathāvaṇṇanā

304. Anāthapiṇḍikasetṭhivatthumhi¹ **kenacideva karaṇīyenāti** vāṇijjakammaṃ adhippetam. Anāthapiṇḍiko kira rājagahasetṭhi ca aññamaññaṃ bhaginipatikā honti. Yadā rājagahe uṭṭhānakabhaṇḍaṃ samagghaṃ hoti, tadā rājagahasetṭhi taṃ gahetvā sakaṭasatehi sāvattim gantvā yojanamatte ṭhito attano āgatabhāvaṃ jānāpeti. Anāthapiṇḍiko paccuggantvā tassa mahāsakkāraṃ katvā ekaṃ yānaṃ āropetvā sāvattim pavisati. So sace bhaṇḍaṃ lahukaṃ vikkīyati, vikkiṇāti. No ce, bhaginighare ṭhapetvā pakkamati. Anāthapiṇḍikopi tatheva karoti. Svāyaṃ tadāpi teneva karaṇīyena agamāsi. Taṃ sandhāyetam vuttam.

Taṃ divasaṃ pana rājagahasetṭhi yojanamatte ṭhitena anāthapiṇḍikena āgata bhāvajānanatthaṃ pesitaṃ paṇṇaṃ na suṇi, dhammassavanatthāya vihāraṃ agamāsi. So dhammakathaṃ sutvā svātanāya buddhappamukhaṃ bhikkhusaṃghaṃ nimantetvā attano ghare uddhanakhaṇāpanadārurphālanādīni kāresi. Anāthapiṇḍikopi “idāni mayhaṃ paccuggamaṃ karissati, idāni karissati”ti gharadvārepi paccuggamaṃ alabhitvā antogharaṃ pavitṭho paṭisanthāraṃ na bahum alatta. “Kim mahāsetṭhi kusalaṃ dārakarūpānaṃ, nasi magge kilanto”ti ettakova paṭisanthāro ahoṣi. Tena vuttam “**atha kho anāthapiṇḍikassa gahapatissa etadahosī**”ti-ādi.

Buddhoti tvaṃ gahapati vadesīti tassa kira mukhato buddhasaddaṃ sutvā anāthapiṇḍiko pañcavaṇṇaṃ pītim paṭilabhati, sā tassa sīse uṭṭhahitvā yāva pādapiṭṭhiyā, pāda piṭṭhiyā uṭṭhāya yāva sīsā gacchati, ubhato uṭṭhāya majjhe osarati, majjhe uṭṭhāya ubhato gacchati. So pītiyā nirantaraṃ phuṭo “buddhoti tvaṃ gahapati vadesī”ti evaṃ tikkhattuṃ pucchi. **Akālo kho gahapati imaṃ kālaṃ taṃ**

1. Saṃ-Ṭṭha 1. 285 piṭṭhādīsopi passitabbaṃ.

bhagavantam dassanāya upasaṅkamtuntī “buddhā nāma durāsadā āsīvisasadisā hontī, sathā ca sivahikāya samīpe vasati, na sakkā tattha imāya velāya iminā gantun”ti mañña māno evamāha. **Buddhagatāya satiyā nipajjī**ti aññaṃ kiñci acintetvā buddhagatāya eva satiyā nipajjī. Tam divasaṃ kirassa bhaṇḍasakaṭesu vā upaṭṭhākesu vā cittampi nuppajjī, sāyamāsampi na akāsi. Sattabhūmikaṃ pana pāsādaṃ āruyha supaññattālaṅkatavarasayane “buddho buddho”ti sajjhāyaṃ karontova nipajjitvā niddaṃ okkama. **Tikkhattuṃ uṭṭhāsi pabhātaṃ maññaṃ**noti paṭhamayāme tāva vītivatte uṭṭhāya buddhaṃ anussari, athassa balavappasādo udapādi, pīti-āloko ahosi, sabbatamaṃ vigacchi, dīpasahassu jjalanam viya canduṭṭhānasūriyuṭṭhānaṃ viya ca jātaṃ. So “pamādaṃ āpannomhi, vañci tomhi, sūriyo uggato”ti uṭṭhāya ākāsatale ṭhatvā candaṃ oloketvā “ekova yāmo gato, aññe dve atthī”ti puna pavisitvā nipajjī, etenupāyena majjhimayāmāvasānepi pacchima yāmāvasānepi tikkhattuṃ uṭṭhāsi. Pacchimayāmāvasāne pana balavapaccūseyeva uṭṭhāya ākāsatalaṃ āgantvā mahādvārābhimukho ahosi, sattabhūmikadvāraṃ sayameva vivaṭaṃ ahosi, pāsādā oruyha antaravīthim paṭipajjī.

305. **Amanussāti** adhigatavisesā devatā. Tathā hi tā seṭṭhissa bhāvinisampattim paccakkhato sampassamānā “ayaṃ mahāseṭṭhi ‘buddhupaṭṭhānaṃ gamissāmī’ti nikkhanto paṭhamadassaneneva sotāpattiphale paṭiṭṭhāya tiṇṇaṃ ratanānaṃ aggupaṭṭhāko hutvā asadisam saṃghārāmaṃ katvā cātuddisassa ariyasamghassa¹ anāvaṭadvāro bhavissati, na yuttamassa dvāraṃ pidahitun”ti cintetvā dvāraṃ vivarimsu.

Antaradhāyīti rājagahaṃ kira ākiṇṇamanussaṃ, antonagare nava koṭiyo bahinagare navāti taṃ upanissāya aṭṭhārasa manussakoṭiyo vasanti. Avelāya matamanusse bahi nīharitum asakkontā aṭṭālake ṭhatvā bahidvāre khipanti. Mahāseṭṭhi nagarato bahi nikkhantamattova allasarīraṃ pādena akkama, aparampi piṭṭhipādena pahari, makkhikā uppatitvā pakirimsu, duggandho nāsāpuṭaṃ abhīhani, buddhappasādo tanuttaṃ gato. Tenessa āloko antaradhāyi andhakāro pāturahosi pītivegassa tanubhāve taṃsamuṭṭhitarūpānaṃ

1. Ariyagaṇassa (Syā)

paridubbalabhāvato. **Saddamanussāvesī**ti “seṭṭhissa ussāhaṃ janessāmī”ti suvaṇṇakiṅkiṇikāṃ ghaṭṭento viya madhurassarena saddaṃ anussāvesi.

Sataṃ kaññāsahassānīti purimapadānīpi imināva sahasa-padena saddhiṃ sambandhitabbāni. Yatheva hi sataṃ kaññāsahassāni, evaṃ sataṃ sahasāni hatthī, sataṃ sahasāni assā, sataṃ sahasāni rathāti ayamettha attho, iti ekekaṃ sataṃ sahasaṃ dīpitaṃ hoti. **Padavītiḥārassāti** padaṃ vītiharati etthāti **padavītiḥāro**. So dutavilambitaṃ akatvā samagamane dvinnāṃ padānaṃ antare muṭṭhiratanamattaṃ. **Kalaṃ nāgghanti soḷasinti** taṃ ekaṃ padavītiḥāraṃ soḷasa bhāge katvā tato eko koṭṭhāso puna soḷasadhā, tato eko soḷasadhāti evaṃ soḷasa vāre soḷasadhā bhinnassa eko koṭṭhāso soḷasī kalā nāma, taṃ soḷasiṃ kalaṃ etāni cattāri sataṃ sahasāni na agghanti. Idaṃ vuttaṃ hoti—sataṃ hatthisahassāni sataṃ assasahassāni sataṃ rathasahassāni sataṃ kaññāsaha ssāni, tā ca kho āmukkamaṇikuṇḍalā sakalajambudīparājadhītarovāti imasmā ettakā lābhā vihāraṃ gacchantassa tasmīṃ soḷasikalāsankhāte padese laṅghanasādhanavasena pavattacetanāva uttaritarāti. Padaṃ vā vītiharati etenāti **padavītiḥāro**, tathāpavattā kusalacetanā, tassā phalaṃ soḷasadhā katvāti ca vadanti. Idaṃ pana vihāragamaṇaṃ kassa vasena gahitanti? Vihāraṃ gantvā anantarāyena sotāpattiṃphale patiṭṭhahantassa vasena gahitaṃ. “Gandhamālādīhi pūjaṃ karissāmi, cetiyaṃ vandissāmi, dhammaṃ sossāmi, dīpapūjaṃ karissāmi, saṃghaṃ nimantetvā dānaṃ dassāmi, sikkhāpadesu vā saraṇesu vā patiṭṭhahissāmī”ti gacchatopi vasena vaṭṭatiyeva.

Andhakāro antaradhāyīti so kira cintesi “ahaṃ ekakoti saññaṃ karomi, amanussā ca me anugāmino saḥāyā atthi, kasmā bhāyāmī”ti sūro ahosi. Athassa balavā buddhappasādo udapādi, tasmā andhakāro antaradhāyī. Sesavāresupi eseva nayo. **Āloko pāturaḥosī**ti purimabuddhesu cirakālaparicayasambhūtaṃ pasādassa vasena uppannāya uḷārāya buddhāraṃmaṇāya pītiyā

samuṭṭhāpito vipassanobhāsasadiso sātisayo cittapaccaya-utusamuṭṭhāno āloko pāturahosi. Devatāhi katotipi vadanti, purimoyevettha yuttataro. **Ehi sudattā**ti so kira seṭṭhi gaccha mānova cintesi “imasmim loke bahū pūraṇakassapādayo titthiyā 'mayam buddhā, mayam buddhā'ti vadanti, katham nu kho aham satthu buddhabhāvaṃ jāneyyan”ti. Athassa etadahosi “mayham guṇavasena uppannam nāmaṃ mahājano jānāti, kuladattiyam pana me nāmaṃ aññatra mayā na koci jānāti, sace buddho bhavissati, kuladattikanāmena mam ālapissati”ti. Sathā tassa cittaṃ ñatvā evamāha.

Parinibbutoti kilesaparinibbānena parinibbuto. **Āsattiyoti** rūpādīsu āsañjanaṭṭhena āsattiyo, taṇhāyo. **Santinti** kilesavūpasamaṃ. **Pappuyyāti** aggamaggena patvā. Sesamettha pāḷi-anusārenea veditabbaṃ. Yañcetha anuttānamattham, tam aṭṭha kathāyaṃ vuttameva.

306. Vayameva **veyyāyikanti** āha “**veyyāyikanti vayakaraṇam vuccatī**”ti.

Anāthapiṇḍikavatthukathāvaṇṇanā niṭṭhitā.

Aggāsanādi-anujānanakathāvaṇṇanā

310-311. **Dakkhiṇodakanti** aggato upanīyamānaṃ dakkhiṇodakaṃ. **Atha kho bhagavā bhikkhū āmantesīti**¹ tehi bhikkhūhi attano attano rucivasena aggāsanādi rahānaṃ kathitakāle “na bhikkhave mayham sāsane aggāsanādīni patvā khattiyakulā pabbajito pamāṇam, na brāhmaṇakulā, na gahapatikulā pabbajito, na vinayadharo, na suttantiko, na ābhidhammiko, na paṭhamajjhānādilābhino, na sotāpannādayo pamāṇam, atha kho bhikkhave imasmim sāsane yathāvuddham abhivādanaṃ paccuṭṭhānaṃ añjalikammaṃ sāmīcikkammaṃ kattabbaṃ, aggāsaṇam aggodakaṃ aggapiṇḍo laddhabbo, idamettha pamāṇam, tasmā vuḍḍhataro bhikkhu etesaṃ anucchaviko. Idāni kho pana bhikkhave sārīputto mayham aggasāvako

1. Jātaka-Ṭṭha 1. 234 piṭṭhepi passitabbaṃ.

anudhammacakkappavattako mamānantarāsenāsanāṃ laddhuṃ arahatī. So imaṃ rattim̄ senāsanāṃ alabhanto rukkhāṃḷe vītināmesī. Tumhe idāneva evaṃ agāravā appatissā, gacchante gacchante kāle kinti katvā viharissathā”ti vatvā atha nesāṃ ovādadānatthāya “pubbe bhikkhave tiracchānagatāpi 'na kho panetaṃ amhākaṃ patirūpaṃ, yaṃ mayaṃ aññaṃaññaṃ agāravā appatissā asabhāgavuttino vihareyyāma, amhesu mahallakatarāṃ jānitvā tassa abhivādanādīni karissāma”ti sādhukaṃ vīmaṃsitvā 'ayaṃ mahallako'ti ñatvā tassa abhivādanādīni katvā devapathaṃ pūrayamānā gatā”ti vatvā atītaṃ āharitvā dassetuṃ bhikkhū āmantesi.

Ye vuḍḍhamapacāyantīti jātivuḍḍho vayovuḍḍho guṇavuḍḍhoti tayo vuḍḍhā. Tesu jātisampanno **jātivuḍḍho** nāma, vaye ṭhito **vayovuḍḍho** nāma, guṇasampanno **guṇavuḍḍho** nāma. Tesu guṇasampanno vayovuḍḍho imasmiṃṭhāne vuḍḍhoti adhippeto. **Apacāyantīti** jeṭṭhāpacāyikakammena pūjenti. **Dhammassa kovidāti** jeṭṭhāpacāyanadhammassa kovidā kusalā. **Diṭṭheva dhammeti** imasmiṃyeva attabhāve. **Pāsaṃsāti** pasaṃsārahā. **Samparāye**¹ **ca suggatīti** samparetabbe² imaṃ lokaṃ hitvā gantabbe paralokepi³ tesāṃ sugatiyeva hotīti attho. Ayaṃ panettha piṇḍattho— bhikkhave khattiyā vā hontu brāhmaṇā vā vessā vā suddā vā gahaṭṭhā vā pabbajitā vā tiracchānagatā vā, ye keci sattā jeṭṭhāpacitikamme chekā kusalā guṇasampannānaṃ vayovuḍḍhānaṃ apacitīm karonti, te imasmiṃca attabhāve jeṭṭhāpacitikārakāti pasaṃsaṃ vaṇṇanaṃ thomaṇaṃ labhanti, kāyassa ca bhedaṃ sagge nibbantantīti.

Aggāsanādi-anujānanakathāvaṇṇanā niṭṭhitā.

Āsanappaṭibāhanādīkathāvaṇṇanā

313-4-6. **Uddissakatanti** gihīhi saṃghaṃ uddissa kataṃ. **Gihivikatanti** gihīhi kataṃ paññattaṃ, gihisantaṃ vuttaṃ hoti. **Atisamīpaṃ agantvāti** bhikkhūnaṃ āsannatarāṃ ṭhānaṃ agantvā.

1. Samparāyo (Syā)

2. Samparetabbo (Syā)

3. Gantabbo paralokopi (Syā) Jātaka-Ṭṭha 1. 236 piṭṭhe pana passitabbaṃ.

Senāsanaggāhāpakasammutikathāvaṇṇanā

318. **Paccayeneva hi taṃ paṭijagganaṃ labhissatīti** tasmim̐ senāsane mahātherā tassa paccayassa kāraṇā aññattha agantvā vasantāyeva naṃ paṭijaggissantīti attho. **Ubbha ṇḍikā bhavissantīti** ukkhittabhaṇḍā bhavissantī, attano attano parikkhāre gahetvā tattha tattha vicarissantīti attho. **Dīghasālāti** caṅkamanasālā. **Maṇḍalamālo** upaṭṭhānasālā. **Anudahatīti** pīleti. **Jambudīpe panāti** ariyadese bhikkhū sandhāya vuttaṃ. Te kira tathā paññāpentī. **Na gocaragāmo ghaṭṭetabboti** vuttamevatthaṃ vibhāveti “**na tattha manussā vattabbā**”ti-ādinā. **Vitakkaṃ chinditvāti** “iminā nīhārena gacchantaṃ disvā nivāretvā paccaye dassantī”ti evarūpaṃ vitakkaṃ anuppādetvā. **Tesu ce ekoti** tesu manussesu eko paṇḍitapuriso. **Bhaṇḍapaṭicchādananti** paṭicchādanakabhaṇḍaṃ, sarīra paṭicchādanaṃ cīvaranti attho.

Paṭijaggitabbānīti sammajjanādīhi paṭijaggitabbāni. **Muṇḍavedikāyāti** cetiyassa hammiyavedikāya. **Hammiyavedikāti** ca cetiyassa upari caturassavediyo¹ vuccati. **Paṭikkammāti** vihārato apasakkitvā. **Upanikkhepanti** khettaṃ vā nāḷikerādi-ārāmaṃ vā kahāpaṇādīni vā ārāmikādīnaṃ niyyātetvā “ito uppannā vaḍḍhi vassāvāsikatthāya hotū”ti dīnaṃ. **Vattaṃ katvāti** tasmim̐ senāsane kattabbavattaṃ katvā.

Puggalavaseneva kātabbanti parato vakkhamānanayena “bhikkhū cīvarena kilamanti, ettakaṃ nāma taṇḍulabhāgaṃ bhikkhūnaṃ cīvaraṃ kātum ruccatī”ti-ādinā puggalaparāmāsavaseneva kātabbaṃ, “saṅgho cīvarena kilamatī”ti-ādinā pana saṅgha parāmāsavasena na kātabbaṃ. **Cīvarapaccayanti** cīvarasaṅkhātaṃ paccayaṃ. **Vuttanti** mahā-aṭṭhakathāyaṃ vuttaṃ. Kasmā evaṃ vuttanti āha “**evaṃ hi navako vuḍḍhatarassa, vuḍḍho ca navakassa gāhessatī**”ti, yasmā attanāva attano pāpetum na sakkā, tasmā dvīsu sammatesu navako vuḍḍhatarassa, vuḍḍho ca navakassāti ubho aññamaññaṃ gāhessantīti adhippāyo. Sammatasenāsanaggāhāpakassa āṇattiyā aññena gāhitepi gāto rutatīyevāti veditabbaṃ. **Aṭṭhapi soḷasapi**

1. Caturassacayo (Syā), caturassavedikā(?)

jane sammannitum vaṭṭatīti kiṃ visum visum sammannitum vaṭṭati, udāhu ekatoti? Ekatopi vaṭṭati. Niggahakammameva hi saṃgho saṃghassa na karoti, sammutidānaṃ pana bahūnampi ekato kātum vaṭṭati, teneva sattasatikakkhandhake ubbāhika sammutiyaṃ aṭṭhapi janā ekato sammatāti.

Maggoti magge katadīghasālā. **Pokkharanī**ti nahāyantānaṃ pokkharanīyaṃ katasālā. **Rukkhamūlā**dayo channā kavāṭabaddhāva senāsanam. **Vijaṭetvā**ti viyojetvā, visum visum katvāti attho. **Āvāsesūti** senāsanesu. **Pakkipitvā**ti ettha **pakkipanam** nāma tesu vasantānaṃ ito uppannavassāvāsikadānaṃ. **Pavisitabbanti** aññehi bhikkhūhi tasmiṃ mahālābhe pariveṇe vasitvā cetiye vattaṃ katvāva lābho gahettabboti adhippāyo.

Paccayaṃ vissajjetīti cīvarapaccayaṃ nādhivāseti. **Ayampī**ti tena vissaṭṭha paccayopi. **Upanibandhitvā gāhetabbanti** “imasmiṃ rukkhe vā maṇḍape vā vasitvā cetiye vattaṃ katvā gaṇhathā”ti evaṃ upanibandhitvā gāhetabbaṃ. “Kattha nu kho vasissāmi, kattha vasantassa phāsu bhavissati, kattha vā paccayo bhavissatī”ti evaṃ uppanna vitakkena caratīti **vitakkacāriko**. Araññavihāresu parissayavijānanatthaṃ icchitabbatā “**pañca pañca ukkā koṭṭetabbā**”ti vuttaṃ.

Vattanti katikavattaṃ. **Tividhampī**ti pariyattipaṭipattipaṭivedhavasena tividhampi. **Sodhetvā pabbājethā**ti bhabbe ācārakulaputte upaparikkhitvā pabbājetha. **Dasavattukakathā** nāma appicchakathā santuṭṭhikathā pavivekakathā asaṃsaggakathā vīriyārambhakathā silakathā samādhikathā paññākathā vimuttikathā vimuttiñāṇadassanakathā.

Viggahasaṃvattanikavacanaṃ **viggāhikaṃ**. **Caturārakkhaṃ ahāpentā**ti buddhānussati mettā asubhaṃ maraṇassatīti imaṃ caturārakkhaṃ aparihāpentā. **Dantakaṭṭha khādanavattaṃ ācikkhitabbanti** ettha **dantakaṭṭhakhādanavattaṃ** yo devasikaṃ saṃgha majjhe osarati, tena sāmaṇerādīhi āharitvā bhikkhūnaṃ yathāsukhaṃ paribhuñjanatthāya dantakaṭṭhamālake nikkhittesu dantakaṭṭhesu divase divase ekameva dantakaṭṭhaṃ gahetabbaṃ.

Yo pana devasikaṃ na osarati, padhānaghare vasitvā dhammassavane vā¹ uposathagge vā dissati, tena pamāṇaṃ sallakkhetvā cattāri pañca dantakaṭṭhāni attano vasanaṭṭhāne ṭhapetvā khāditabbāni. Tesu khīṇesu sace punapi dantakaṭṭhamāḷake bahūni hontiyeva, punapi āharitvā khāditabbāni. Yadi pana pamāṇaṃ asallakkhetvā āharati, tesu akhīṇesuyeva māḷake khīyati, tato keci therā “yehi gahitāni, te paṭiharantū”ti vadeyyum, keci “khādantu, puna sāmaṇerā āharissantī”ti. Tasmā vivādaparihāratthaṃ pamāṇaṃ sallakkhetabbaṃ. Gahaṇe pana doso natthi, maggaṃ gacchantenapi ekaṃ vā dve vā thavikāya pakkhipitvā gantabbanti. **Bhikkhācāravattaṃ** vattakkhandhake piṇḍacārikavatte āvi savissati.

Pattaṭṭhāneti vassaggena āgantukabhikkhuno pattaṭṭhāne. Tesam chinnavassattā “sādiyantāpi hi te neva vassāvāsikassa sāmino”ti vuttaṃ, paṭhamamyeva katikāya katattā khīyantāpi ca āvāsikā neva adātum labhantīti vuttaṃ. **Bhatiniviṭṭhanti** bhatim katvā viya nivṭṭham pariyaṭṭham. **Samghikaṃ pana apalokanakammaṃ katvā gāhitanti** tatruppādaṃ sandhāya vuttaṃ. **Paccayavasena gāhitanti** dāyakānaṃ vassāvāsikapaccaya vasena gāhitaṃ sandhāya vuttaṃ. “Idha bhikkhave vassaṃvuttho bhikkhu vibbhamati, samghassevetan”ti² vacanato “**gataṭṭhāne -pa- samghikaṃ hoti**”ti vuttaṃ. **Manusseti** dāyakamanusse. **Varabhāgaṃ sāmaṇerassāti** paṭhamabhāgassa gāhitattā vuttaṃ.

Senāsanaggāhāpakasammutikathāvaṇṇanā niṭṭhitā.

Upanandavatthukathāvaṇṇanā

319. **Yaṃ tayā tattha senāsanam gahitam -pa- idha muttam³ hoti**ti yaṃ tayā tattha gāmakāvāse pacchā senāsanam gahitam, tam te gaṇhanteneva idha sāvattiyam paṭhamagahitasenāsanam muttam³ hoti **idha**

1. Dhammāsane vā (Ka)

2. Vi 3. 424 piṭṭhe.

3. Mukkam (Syā)

dānāhaṃ -pa- tatrāpi muttanti “idānāhaṃ āvuso imasmiṃ gāmakāvāse gahitasenā sanam muñcāmi”ti vadantena tatrāpi gāmakāvāse gahitasenāsanam muttam.

320. **Dīghāsanam** nāma pañcapīṭhavinimuttam yaṃ kiñci ekato sukham nisīditum pahoti. Hatthimhi nakho assāti **hatthinakho**. “Pāsādassa nakho nāma heṭṭhimaparicchedo, so ca hatthikumbe patiṭṭhito”ti **gaṇṭhipadesu** vuttam. **Gihivikatanīhārena labbhantīti** gihivikatanīhārena paribhuñjitum labbhanti, tehi attharivā dinnāneva nisīditum labbhanti, na sayam atthātāni attharāpitāni vā.

Avissajjiyavattukathāvaṇṇanā

321. **Arañjaro**ti baha-udakagaṇhanakā mahācāṭi. Jalam gaṇhitum alanti **arañjaro**. “Vaṭṭacāṭi viya hutvā thokam dīghamukho majjhe paricchedam dassetvā kato”ti **gaṇṭhipadesu** vuttam. **Pañcanimmalalocanoti** maṃsadibbadhammabuddha samantacakkhavasena pañcalocano.

Thāvarena ca thāvaram garubhaṇḍena ca garubhaṇḍanti ettha pañcasu koṭṭhā sesu purimadvayam thāvaram, pacchimattayam garubhaṇḍanti veditabbanam. **Jānāpetvāti** bhikkhusamgham jānāpetvā. **Kappiyamañcā sampatīcchitabbāti** “samghassa demā”ti dinnam sandhāya vuttam. Sace pana “vihārassa demā”ti vadanti, suvaṇṇarajatamayādi akappiyamañcepi sampatīcchitum vaṭṭati. **Na kevalam -pa- parivattetum vaṭṭantīti**¹ iminā athāvarena thāvarampi athāvarampi parivattetum vaṭṭatīti dasseti. Thāvarena athāvareva hi parivattetum na vaṭṭati. **Akappiyam vā mahaggham kappiyam vāti** ettha **akappiyam** nāma suvaṇṇamayamañcādi akappiyabhisibimbohanāni ca. **Mahaggham kappiyam** nāma dantamayamañcādi pāvārādikappiya-attharaṇādīni ca.

Pārāhāriyam na vaṭṭatīti attano santakam viya gahetvā pariharitum na vaṭṭati. “Gihivikatanīhāreneva paribhuñjitabban”ti iminā sace āramikādayo paṭisāmetvā paṭidenti, paribhuñjitum vaṭṭatīti dasseti. **Pañnasūci** nāma lekhanī”ti **mahāgaṇṭhipade** vuttam.

1. Vaṭṭatīti(Syā)

“**Aḍḍhabāhūti** kapparato paṭṭhāya yāva aṃsakūtan”ti **gaṇṭhipadesu** vuttaṃ. **Aḍḍhabāhu** nāma vidatthacaturāṅgulantipi vadanti. **Tatthajātakāti** saṃghikabhūmiyaṃ jātā. **Aṭṭhaṅgulasūcidaṇḍamattoti** dīghato aṭṭhaṅgulamatto pariṇāhato paṇṇasūcidaṇḍamatto. Muñjapabbajānaṃyeva pāliyaṃ visuṃ āgatattā “**muñjaṃ pabbajaṃca ṭhapetvā**”ti vuttaṃ. **Aṭṭhaṅgulappamaṇoti** dīghato aṭṭhaṅgulappamaṇo. **Ghaṭṭanaphalakaṃ** nāma yattha ṭhapetvā rajitacīvaraṃ hatthena ghaṭṭenti. **Ghaṭṭanamuggaro** nāma anuvātā dighaṭṭanatthaṃ katoti vadanti. **Ambaṇanti** phalakehi pokkharāṇīsadisaṃ katapāṇiyabhājanāṃ. **Rajanadoṇīti** yattha pakkarajanaṃ ākiritvā ṭhapenti. **Bhūmattharaṇaṃ kātum vaṭṭatīti** akappiyacammaṃ sandhāya vuttaṃ. **Paccattharaṇagatikanti** iminā pañcapīṭhepi attharituṃ vaṭṭatīti dīpeti. Pāvārādipaccattharaṇampi garubhaṇḍanti eke, noti apare, vīmaṃsitvā gahetabbaṃ. **Muṭṭhipaṇṇanti** tālapaṇṇaṃ sandhāya vuttaṃ.

Navakammadānakathāvaṇṇanā

323. **Kaṅcideva samādapetvā kāressatīti** sāmikoyeva kaṅci bhikkhuṃ samādapetvā kāressati. **Utukāle paṭibāhituṃ na labhatīti** hemantagimhesu aññe sampatta bhikkhū paṭibāhituṃ na labhati. **Tibhāganti** tatiyabhāgaṃ. **Sace saddhivihārikānaṃ dātukāmo hotīti** sace so saṃghassa bhaṇḍakaṭhapanatṭhānaṃ vā navakānaṃ vā vasanaṭṭhānaṃ dātum na icchati, attano saddhivihārikānaññeva dātukāmo hotīti attho. **Etañhi saddhivihārikānaṃ dātum labhatīti** etaṃ tatiyabhāgaṃ upaḍḍhabhāgaṃ vā dātum labhati. **Akataṭṭhāneti** senāsanato bahi cayādīnaṃ akataṭṭhāne. **Bahikuṭṭeti** kuṭṭato bahi.

Aññatraparibhogapaṭikkhepādīkathāvaṇṇanā

324. **Cakkalikanti** kambalādīhi veṭhetvā cakkasaṅṭhānena pādapuñchanayoggaṃ kataṃ. **Paribhaṇḍakatā bhūmi** nāma saṅghamattikāhi katā kāḷavaṇṇādibhūmi. **Senā sanāṃ** mañcapīṭhādi. **Tatheva vaḷaṅṅjetuṃ vaṭṭatīti** aññehi āvāsikabhikkhūhi paribhuttanīhārena paribhuñjituṃ vaṭṭati. “Nevāsikā pakatiyā anattatāya bhūmiyā ṭhapenti ce, tesampi anāpattiyevā”ti **gaṇṭhipadesu** vuttaṃ. **Dvārampīti**-ādinā vuttadvāravātapānādayo aparikkammakatāpi na apassayitabbā. **Lomesūti** lomesu phusantesu.

Samṅhabhattādi-anujānanakathāvaṇṇanā

325. Uddesabhattam nimantananti imam voharam pattānīti ettha itisaddo ādi-attho, “uddesabhattam nimantanam”ti-ādivoharam pattānīti ayamettha attho. **Tampi anto katvāti** āyatim bhikkhūnam kukkuccavinodanattāya tampi samṅhabhattam anto katvā.

Uddesabhattakathāvaṇṇanā

Attano viharadvāreti viharassa dvārakoṭṭhakasamīpaṃ sandhāya vuttam. **Bhojanasālāyāti** bhattuddesaṭṭhānabhūtāya bhojanasālāya. “**Dinnam panā**”ti vatvā yathā so dāyako deti, tam vidhim dassetum “**saṃghato bhante**”ti-ādimāha. **Antaraghareti** antogehe. **Anto-upacāragatānanti** ettha gāmadvāravīthicatukkesu dvādasahatthabbhantaram anto-upacāro nāma. Antaragharassa upacāre pana labbhamānavisesam dassetum “**gharūpacāro cetthā**”ti-ādimāha. **Ekavaḷaṅjanti** ekena dvārena vaḷaṅjitabbaṃ. **Nānānivesanesūti** nānākulassa nivesanesu. Lajjī pesalo agatigamanam vajjetvā medhāvī ca upaparikkhitvā uddisissatīti āha “**pesalo lajjī medhāvī icchitabbo**”ti. **Nisinnassapi niddāyantassapīti** anādare sāmivacanam. **Ticīvaraparivāranti** ettha “udakapattalābhī¹ viya aññopi uddesabhattam alabhivā vatthādīmanekappakāram labhati ce, tasseva tan”ti **gaṇṭhipadesu** vuttam. Attano rucivasena yam kiñci vatvā āharitum vissajjitattā **vissatṭhadūto** nāma. **Yam icchatīti** “uddesapattam dethā”ti-ādīni vadanto yam icchati. **Pucchāsabhāgenāti** pucchāsadisena.

“**Ekā kūṭaṭṭhitikā nāma hotī**”ti vatvā tameva ṭhitikam vibhāvento “**rañño vā hī**”ti-ādimāha. Aññehi uddesabhattehi amissetvā visumyeva ṭhitikāya gahetabbattā “**ekacārikabhattānī**”ti vuttam. **Theyyāya harantīti** pattahārakā haranti. **Gīvā hotīti** āṇāpakassa gīvā hoti. “**Manussānam vacanam kātum vaṭṭatī**”ti **gacchantīti** “manussānam vacanam kātum vaṭṭatī”ti tena bhikkhunā vuttā gacchanti. **Akatabhāgo nāmati** āgantukabhāgo nāma. “**Sabbo saṃgho**

1. Udakamattalābhī (Syā)

Paribhuñjatū”ti vutteti ettha “paṭhamameva 'sabbaṃ saṃghikaṃ pattāṃ dethā'ti vatvā pacchā 'sabbo saṃgho paribhuñjatū'ti avuttepi bhājetvāva paribhuñjitabban”ti **gaṇṭhipadesu** vuttam.

Nimantanabhattachakathāvaṇṇanā

“Ettake bhikkhū saṃghato uddisitvā dethā”ti-ādīni avatvā “ettakānaṃ bhikkhūnaṃ bhattaṃ gaṇhathā”ti vatvā dinnam **saṃghikaṃ nimantanam** nāma. **Piṇḍapāṭikānampi vaṭṭatīti** bhikkhāpariyāyena vuttatā vaṭṭati. **Paṭipāṭiyāti** laddhapaṭipāṭiyā. **Vicchindi tvāti** “bhattaṃ gaṇhathā”ti padaṃ avatvā. Tenevāha “**bhattanti avadantenā**”ti. **Ālopa saṅkhepenāti** ekekapiṇḍavasena. Ayañca nayo nimantaneyeva, na uddesabhatte. Tattha hi ekassa pahonakappamāṇameva bhājetabbaṃ, tasmā uddesabhatte ālopaṭṭhitikā nāma natthi. **Acchatīti** tiṭṭhati. “**Ekavāranti** yāva tasmim āvāse vasanti bhikkhū, sabbe labhanti”ti **gaṇṭhipadesu** vuttam. Ayaṃ panettha adhippāyo—ekavāranti na ekadivasam¹ sandhāya vuttam, yattakā pana bhikkhū tasmim āvāse vasanti, te sabbe. Ekasmim divase gahitabhikkhū aññadā aggahetvā yāva ekavāram sabbe bhikkhū bhojitā honti, tāva ye jānanti, te gahetvā gantabbanti.

Salākabhattachakathāvaṇṇanā

Upanibandhitvāti likhitvā. **Niggahena datvāti** anicchantampi niggahena sampaṭi cchāpetvā. **Ekagehavasenāti** ekāya gharapāṭiyā vasena. **Uddisitvāti** “tuyhañca tuyhañca pāpuṇātī”ti vatvā. Dūrattā niggahetvāpi vārena gāhetabbagāmo **vāragāmo**. Vihāravāre niyuttā **vihāravārikā**, vārena vihārarakkhaṇakā. **Aññathattanti** pasādaññathattam. **Phāti kammameva bhavantīti** vihārarakkhaṇatthāya saṃghena dātabba-atirekalābhā honti. **Samghanavakena laddhakāleti** divase divase ekekassa pāpitāni dve tīṇi ekacārika bhattāni teneva niyāmena attano pāpuṇanaṭṭhāne saṃghanavakena laddhakāle. **Yassa kassaci sammukhībhūtassa pāpetvāti** ettha “yebhuyyena ce bhikkhū bahisīmagatā honti,

1. Ekavāranti ekadivasam (Ka)

sammukhībhūtaṣṣa yassa kassaci pāpetabbaṃ sabhāgattā¹ ekena laddhaṃ sabbesaṃ hoti, tasmimpi asati attano pāpetvā dātabbaṃ”ti **gaṇṭhipadesu** vuttaṃ. **Rasasalākanti** ucchura sasalākāṃ.

“Saṃghato nirāmisasalākāpi vihāre pakkabhattampi vaṭṭatiyevā”ti sādharmaṇaṃ katvā **visuddhimagge**² vuttattā “evaṃ gāhite sāditaṃ, evaṃ na sāditaṃ”ti visesetvā avuttattā ca bhesajjādisalākāyo cettha kiñcāpi piṇḍapātikānampi vaṭṭanti, salākavasena gāhitattā pana na sāditaṃ ettha adhippāyo vīmaṃsitabbo. Yadi hi bhesajjādisalākā salākavasena gāhitā na sāditaṃ siyā, saṃghato nirāmasasalākā vaṭṭatiyevāti na vadeyya, “atirekalābho saṃghabhattaṃ uddesabhattaṃ”ti-ādivacanato³ “atirekalābhaṃ paṭikkhipāmi”ti salākavasena gāhetabbaṃ bhattameva paṭikkhittaṃ, na bhesajjaṃ. Saṃghabhattādīni hi cuddasa bhattāniyeva tena na sāditaṃ vuttāni, khandhakabhāṇakānaṃ vā matena idha evaṃ vuttanti gāhetabbaṃ. Aggato dātabba bhikkhā **aggabhikkhā**. **Laddhā vā aladdhā vāti** labhitvā vā alabhitvā vā. Nibaddhāya⁴ aggabhikkhāya appamattikāya eva sambhavato labhitvāpi punadivase gaṇhituṃ vuttaṃ. **Aggabhikkhāmattanti** hi ettha **matta**-saddo bahubhāvaṃ nivatteti.

Salākabhattaṃ nāma vihāreyeva uddisīyati vihārameva sandhāya diyyamānattāti āha “**vihāre apāpitaṃ panā**”ti-ādi. **Tatra āsanāsālāyāti** tasmim gāme āsanāsālāya. **Vihāraṃ ānetvā gāhetabbanti** tathā vatvā tasmim divase dinnabhattaṃ vihārameva ānetvā ṭhitikāya gāhetabbaṃ. **Tatthāti** tasmim disābhāge. **Taṃ gāhetvāti** taṃ vāragāmasalākāṃ attanā gāhetvā. **Tenāti** yo attano pattaṃ vāragāmasalākāṃ disaṃgamikassa adāsi, tena. **Anatikkanteyeva tasmim tassa salākā gāhetabbāti** yasmā upacārasīmaṭṭhasseva salākā pāpuṇāti, tasmā tasmim disaṃgamike upacārasīmaṃ anatikkanteyeva tassa disaṃgamikassa pattasalākā attano pāpetvā gāhetabbā.

1. Pāpetabbasabhāvattā(Ka)

3. Vi 3. 133 piṭṭhe.

2. Visuddhi 1. 63 piṭṭhe.

4. Anibaddhāya. (Ka)

Anāgatadivaseti ettha kathaṃ tesāṃ bhikkhūnaṃ āgatānāgatabhāvo viññāyatīti ce? Yasmā tato tato āgatā bhikkhū tasmim̃ gāme āsanāsālāya sannipatanti, tasmā tesāṃ āgatānāgatabhāvo sakkā viññātum. **Amhākaṃ gocaragāmeti** salākabhattadāyakānaṃ gāme. **Bhuñjiturū āgacchantīti** “mahāthero ekakova vihāre ohīno avassaṃ sabbasalākā attano pāpetvā ṭhito”ti maññamānā āgacchanti.

Pakkhikabhattādīkathāvaṇṇanā

Abhilakkhitesu catūsu pakkhadivasesu dātābhabhattaṃ **pakkhikaṃ**. **Abhilakkhitesūti** ettha **abhīti** upasaggamattaṃ, lakkhaṇīyesu icceva attho, uposathasamādānadhammassavanapūjāsakkārādīkaraṇatthaṃ lakkhitābhesu sallakkhetābhesu upalakkhetābhesūti vuttaṃ hoti. **Sve pakkhoti** “ajja pakkhikaṃ na gāhetabban”ti pakkhikassa aniyamattā vuttaṃ. “Sve amhākaṃ ghare lūkhabhattaṃ bhavissatī”ti potthakesu likhanti, “pakkhabhattaṃ bhavissatī”ti pāṭhena bhavitābbaṃ. Uposathe dātābbaṃ bhattaṃ **uposathikaṃ**. **Nibandhāpitanti**¹ “asukavihārassā”ti niyamitaṃ. **Gāhetvā bhuñjitābanti** tasmim̃ senāsane vasantehi ṭhītikāya gāhetvā bhuñjitābbaṃ. **Taṇḍulādīnipesenti -pa- vaṭṭatīti** abhihaṭṭabhikkhattā vaṭṭati. **Tathā paṭiggahitattāti** bhikkhānāmena paṭiggahitattā. **Pattaṃ pūretvā thaketvā dinnanti** “guḷakabhattaṃ demā”ti dinnāṃ. **Guḷapiṇḍepi -pa- dātābhoti** ettha **guḷapiṇḍaṃ** tālapakkappamāṇanti veditābbaṃ. Sesametta suviññeyyamevāti.

Senāsanakkhandhakavaṇṇanā niṭṭhitā.

1. Nibaddhāpita(Syā)

7. Saṅghabhedakakkhandhaka

Chasakyapabbajjākathāvaṇṇanā

330. Saṅghabhedakakkhandhake **anupiyāyanti**-ādīsu “anupiyā nāmā”^{ti} vattabbe ākāraṣṣa rassattaṃ anuṇāsikassa ca āgamaṃ katvā “**anupiyāṃ nāmā**”^{ti} vuttaṃ. **Mallānanti** mallarājūnaṃ. **Na heṭṭhā pāsādā orohatī**ti uparipāsādato heṭṭhimatalaṃ na orohati, “heṭṭhāpāsādan”^{ti} paṭhanti. Anuruddho vā pabbājeyyāti yojetabbaṃ. **Gharāvāsattanti** gharāvāsassa anucchavikaṃ kammaṃ. **Udakaṃ abhinettanti** udakaṃ āharitabbaṃ. **Ninnetanti** ābhatamudakaṃ puna nīharitabbaṃ. **Niddhāpetanti** antarantarā uṭṭhitatiṇāni uddharitvā apantabbaṃ. **Lavāpetanti** paripakkakāle lavāpe tabbaṃ. **Ubbāhāpetanti** khalamaṇḍalaṃ harāpetabbaṃ. **Ujūm¹ kārapetanti** puñjaṃ kārapetabbaṃ. **Palālāni uddharāpetanti** palālāni apantabbaṃ. **Bhusikā uddharāpetanti** gunnaṃ khuragehi sañchinnā bhusasaṅkhātā nāḷadaṇḍā apantabbaṃ. **Opunāpetanti²** vātamukhe opunāpetvā³ palālaṃ apantabbaṃ. **Atiharāpetanti** antokoṭṭhāgāraṃ upantabbaṃ. **Na kammāti** na kammāni. **Gharāvāsattenti** upayo gatte karaṇavacanaṃ. **Upajānāhīti** ca upasaggamatto **upa**-saddo. Tenāha “**gharāvā satthaṃ jānāhī**”^{ti}. **Jānāhīti** cettha paṭipajjāti attho veditabbo. **Akāmakāti** anicchamānā.

331-332. **Yaṃ na nivattoti** yasmā na nivatto. **Suññāgāragatoti⁴** “ṭhapetvā gāmaṇca gāmūpacāraṇca avasesaṃ araṇṇaṃ”^{ti}⁵ vuttaṃ araṇṇaṃ rukkhamūlaṇca ṭhapetvā aṇṇaṃ pabbatakandarādi pabbajitasārappaṃ nivāsattānaṃ janasaṃbādhabhāvato idha “suññāgāraṃ”^{ti} adhippettaṃ. Atha vā jhānaṇḍakānaṃ saddānaṃ abhāvato vivittaṃ yaṃ kiñci agāraṃpi “suññāgāraṃ”^{ti} veditabbaṃ. Taṃ suññāgāraṃ upagato. **Abhikkhaṇanti** bahulaṃ. **Udānaṃ udānesīti** so hi āyasmā araṇṇe divāvihāraṃ upagatopi rattivāsūpagatopi yebhuyyena phalasaṃpattisukhena nirodhasaṃpattisukhena ca vītināmesi,

1. Puñjaṃ (Pāḷiyam)

2. Ophunāpetanti (Syā)

3. Ophunāpetvā (Syā)

4. Udāna-Ṭṭha 143 piṭṭhādīsipi passitabbaṃ.

5. Vi 1. 57 piṭṭhe.

tasmā taṃ sukhaṃ sandhāya pubbe attanā anubhūtaṃ sabhayaṃ sapaṇḍāhaṃ rajja sukhaṃ jigucchitvā “aho sukhaṃ aho sukhaṃ”ti somanassasahitañāṇasamuṭṭhānaṃ pītisamuggāraṃ samuggirati. **Te bhikkhū bhagavantaṃ etadavocunti** te sambahulā bhikkhū ullumpanasabhāvasaṇḍhitā tassa anuggaṇhanādhippāyena bhagavantaṃ etadavocunṃ, na ujjhānavasena. **Nissarṃsayanti** asandehena, ekantenāti attho. Te kira bhikkhū puthujjanā tassa āyasmato vivekasukhaṃ sandhāya udānaṃ ajānantā evamāhaṃsu. **Samanussarantoti** ukkaṇṭhanavasena anussaranto.

Aññataranti nāmagottena apākaṭaṃ ekaṃ bhikkhuṃ. **Āmantesi**ti añāpesi te bhikkhū saññāpetukāmo. **Evanti** vacanasampañjiggahe, sādhuṃti attho. **Evam bhanteti** ettha pana **evam**-saddo paṭiññāyaṃ. “Abhikkhaṇaṃ 'aho sukhaṃ aho sukhaṃ'ti imaṃ udānaṃ udānesi”ti yathā te bhikkhū vadanti, taṃ evaṃ tathevāti attano udānaṃ paṭijānāti. “**Kim pana tvaṃ bhaddiyā**”ti kasmā bhagavā pucchati, kim tassa cittaṃ na jānātīti? No na jānāti, teneva pana tamatthaṃ vadāpetvā te bhikkhū saññāpetuṃ pucchati. Vuttañhetarṃ “jānantāpi tathāgatā pucchanti, jānantāpi na pucchanti”ti-ādi¹. **Atthavasanti** kāraṇaṃ.

Antopi antepureti² itthāgārassa sañcaraṇaṭṭhānabhūte rājagehassa abbhantare, yattha rājā nahānabhojanasayanādīm kappeti. **Rakkhā susaṃvihitā**ti ārakkhādikata purisehi gutti suṭṭhu samantato vihitā. **Bahipi antepureti**³ aṭṭakaraṇaṭṭhānādike antepurato bahibhūte rājagehe. **Evam rakkhito gopito santoti** evaṃ rājageharājadhānīrajadesesu anto bahi ca anekesu ṭhānesu anekasatehi susaṃvihitarakkhāvaraṇaguttiyā mameva nibbhayatthaṃ phāsuvihāratthaṃ rakkhito gopito samāno. **Bhītoti**-ādīni padāni aññamaññavevacanāni. Atha vā **bhītoti** pararājūhi bhāyamāno. **Ubbiggoti** sakarajjepi pakatikkhobhato uppajjanakabhayubbegena ubbiggo calito. **Ussaṅkīti** “raññā nāma sabbakālaṃ avissatthena bhavitabban”ti vacanato sabbattha avissāsanavasena tesam tesam kiccakaraṇīyānaṃ accayato uppajjanakaparisaṅkāya ca uddhamuddhaṃ saṅkamāno. **Utrāsīti** “santikāvacaṛehipi ajānantasseva me

1. Vi 1. 7, 114 piṭṭhādīsu.

2. Anto antepureti (Syā)

3. Bahi-antepureti (Syā)

kadāci anatto bhavēyyā”ti uppanna sarīrakampampi uppādanasamatthena tāsena utrāsī. “Utrasto”ti paṭhanti. **Viharāmī**ti evambhūto hutvā viharāmi.

Etarahīti idāni pabbajitakālato paṭṭhāya. **Ekoti** asahāyo. Tena vivekaṭṭha kāyataṃ dasseti. **Abhī**toti-ādīnaṃ padānaṃ vuttavipariyāyena attho veditaḅbo. Bhayādi nimittassa pariggahassa taṃnimittassa ca kilesagahanassa abhāvenevassa abhītādītīti etena cittavivekaṃ dasseti. **Appossukkoti** sarīraguttiyaṃ nirussukko. **Pannalomoti** lomahaṃsuppādakassa chambhitattassa abhāvena anuggatalomo. Padadvayenapi serivihāraṃ dasseti. **Paradattavuttoti**¹ parehi dinnena cīvarādīnā vattamāno. Etena sabbaso saṅgābhāvadīpanamukhena² anavasesabhaya hetuviraḅaṃ dasseti. **Migabhūtena cetasī**ti vissatthavihāritāya migassa viya jātena cittena. Migo hi amanussapathe araṅṅe vasamāno vissattho tiṭṭhati nisīdati nipajjati yena kāmaṅca pakkamati appaṭihatacāro, evaṃ ahampi viharāmīti dasseti. Vuttaṅhetāṃ paccekasambuddhena—

“Migo araṅṅamhi yathā abaddho,
Yenicchakaṃ gacchati gocarāya.
Viṅṅū naro serita pekkhamāno,
Eko care khaggavisāṅakappo”ti³.

Imaṃ kho ahaṃ bhante atthavasanti bhagavā yadidaṃ mama etarahi paramaṃ vivekasukhaṃ phalasaṃpattisukhaṃ, idameva kāraṇaṃ sampassamāno “aho sukhaṃ, aho sukhaṃ”ti udānemi. **Etamatthanti** etaṃ bhaddiyattherassa puthujjanavisayātītaṃ vivekasukhasaṅkhātaṃ atthaṃ sabbākārato veditvā. **Imaṃ udānanti** imaṃ sahetuka bhayasokavigamānubhāvadīpakaṃ udānaṃ udānesi.

Yassantarato na santi kopāti yassa ariyapuggalassa antarato abbhantare attano citte cittakālussiyakaraṇato

1. Paradavuttoti (Syā)

2. Saṅgābhāvadīpanamukhena (Syā) Udāna-Ṭṭha 145 piṭṭhe pana passitabbaṃ.

3. Khu 1. 285; Khu 3. 9 piṭṭhesu.

cittappakopā rāgādayo āghātavatthu-ādikāraṇabhedato anekabhedā dosakopā eva vā na santi, maggena pahīnattā na vijjanti. Ayañhi **antara**-saddo kiñcāpi “mañca tvañca kimantaran”ti-ādīsu¹ kāraṇe dissati, “antarattṭhake himapātasamaye”ti-ādīsu² vemajjhe, “antarā ca jetavanam antarā ca sāvattin”ti-ādīsu³ vivare, “bhayamantarato jātan”ti-ādīsu⁴ citte, idhāpi citte eva daṭṭhabbo. Tenevāha “**yassa citte kopā na santi**”ti.

Abhava-saddassa **vibhava**-saddena atthuddhāre kāraṇamāha “**vibhavoti ca abhavoti ca atthato ekan**”ti. **Iti**-saddo pakāravacanoti āha “**iti anekappakārā bhavā bhavatā**”ti. **Vītivattoti** atikkanto. Ettha ca “yassā”ti idaṃ yo vītivattoti vibhattivipariṇāmasena yojetabbaṃ. **Tam vigatabhayanti** tam evarūpaṃ yathāvuttagaṇasamannāgataṃ khīṇāsavaṃ cittakopābhāvato itibhavābhavasamatikkamanato ca bhayahetu vigamena vigatabhayam. Vivekasukhena aggaphalasukhena ca **sukhim**, vigatabhayattā eva **asokam**. **Devā nānubhavanti dāsanāyāti** adhigatamagge ṭhapetvā sabbepi upapatti devā vāyamantāpi cittacāradassanavasena⁵ dāsanāya daṭṭhum nānubhavanti na abhisambhuṇanti na sakkonti, pageva manussā. Sekkhāpi hi puthujjanā viya arahato cittappavattim na jānanti. **Tassa dāsanam devānampi dullabhanti** etthāpi cittacāra dāsanavasena tassa dāsanam devānampi dullabham alabbhānīyam, devehipi tam dāsanam na sakkā pāpuṇitunti evamattho gahetabbo. Abhāvattho hettha **du**-saddo “duppañño”ti-ādīsu viya.

333. **Bhattābhihāroti** abhiharitabbabhattam. Tassa pana pamāṇam dassetuṃ “**pañca ca thālīpākasatāni**”ti vuttam. Tatha eko thālīpāko dasannam purisānam bhattam gaṇhāti. **Lābhasakkārasilokenāti** ettha **lābho** nāma catupaccayalābho. **Sakkāroti** tesamyeva sukatānam susaṅkhatānam lābho. **Silokoti** vaṇṇaghoso. **Manomayam kāyanti** jhānāmanena nibbattam brahmakāyam. **Upapannoti** upagato. **Attabhāvappaṭi lābhoti** sarīrapaṭṭilābho. **Dve vā tīni vā māgadhakāni**⁶

1. Saṃ 1. 203 piṭṭhe.

2. Vi 3. 401 piṭṭhe.

3. Khu 1. 89, 137 piṭṭhesu.

4. Khu 1. 252; Khu 7. 12 piṭṭhesu.

5. Cittavāradassanavasena (Syā), cittacāradassanavasena (Ka)

6. Māgadhikāni (Syā)

vā attho. **Madoti** mānamado. **Pamādoti** pamattabhāvo. **Paṭikuṭṭoti** saṅkuṭṭo. **Alakkhikoti** ahiriko¹. **Yatra hi nāmāti** yo nāma.

Pañcavatthuyācanakathāvaṇṇanā

343. **Tikabhojananti** tīhi bhuñjitabbabhojanam, tiṇṇam ekato paṭiggahetvā bhuñjitum paññapessāmīti attho. **Kokālikoti**-ādīni catunnam devadattapakkiyānam gaṇapāmokkhānam nāmāni. **Āyukappanti** ekaṃ mahākappam asītibhāgam katvā tato ekabhāgamattam kalam antarakappasaññitam kalam.

Āyasmantam ānandam etadavocāti² devadatto sabbam saṅghabhedassa pubbhāgam nippādetvā “ekamseneva ajja āveṇikam uposatham saṅghakammaṇca karissāmī”ti cintetvā etam “**ajjatagge**”ti-ādivacanam avoca. Tattha **aññatreva bhagavatāti** vinā eva bhagavantam, tam sathhāram akatvāti attho. **Aññatra bhikkhusaṅghā uposatham karissāmi saṅghakammāni cāti** bhagavato ovādakāram bhikkhusaṅgham vinā maṃ anuvattantehi bhikkhūhi saddhim āveṇikam uposatham saṅghakammāni ca karissāmi. **Ajjatagge bhante devadatto saṅgham bhindissatīti** bhedakāranam sabbesam devadattena sajjitattā “ekamseneva devadatto ajja saṅgham bhindissatī”ti maññamāno evamāha. **Bhindissatīti** dvidhā karissati.

Etamattham viditvāti etam avīcimahānirayuppattisamvattaniyam kappatṭhiyam atekiccham devadattena nibbattiyamānam saṅghabhedakammam sabbākārato viditvā. **Imam udānanti** kusalākusalesu yathākkamam sappurisāsappurisānam sukarā paṭipatti, na pana nesam akusalakusalesūti idamatthavibhāvanam udānam udānesi.

Tattha **sukaram sādhunā sādhu**ti attano paresaṇca hitam sādhetīti **sādhu**, sammā paṭipanno. Tena sādhunā sārīputtādinā sāvakena paccakasambuddhena sammāsambuddhena aññena vā lokiyasādhunā sādhu sundaram bhaddakam attano paresaṇca hitasukhāvaham sukaram sukhena kātum sakkā. **Sādhu pāpena dukkaranti** tadeva pana vuttalakkhaṇam sādhu pāpena

1. Nissiriko (Syā)

2. Udāna-Ṭṭha 287 piṭṭhādīsupi passitabbarā.

devadattādinā pāpapuggalena dukkaram kātuṃ na sakkā, na so taṃ kātuṃ sakkotīti attho. **Pāpaṃ pāpena sukaranti** pāpaṃ asundaram attano paresaṅca anathāvahaṃ pāpena yathāvuttapāpapuggalena sukaram sukkena kātuṃ sakkuṇeyyaṃ. **Pāpamariyehi dukkaranti** ariyehi pana buddhādīhi taṃ pāpaṃ dukkaram durabhisambhavaṃ. Setughātoyeva hi tesam tatthāti dīpeti.

Saṃghabhedakathāvaṇṇanā

345. **Atha kho āyasmā sārīputto ādesanāpāṭihāriyānusāsaniyāti**-ādīsu parassa cittaṃ ñatvā kathanam **ādesanāpāṭihāriyam**, sāvakānaṅca buddhānaṅca satataṃ dhamma desanaṃ **anusāsani pāṭihāriyam**, iddhividham **iddhipāṭihāriyam**. Tattha iddhipāṭihāri yena saddhiṃ anusāsani pāṭihāriyam mahāmogallānattherassa āciṇṇam, ādesanāpāṭihāri yena saddhiṃ anusāsani pāṭihāriyam dhammasenāpatissa. Tena vuttam “āyasmā sārīputto ādesanāpāṭihāriyānusāsaniyā bhikkhū dhammiyā kathāya ovadī”ti-ādi. Tadā hi dvīsu aggasāvakesu dhammasenāpati tesam bhikkhūnaṃ citta cāram ñatvā dhammaṃ desesi, mahāmogallānatthero vikubbanam dassetvā dhammaṃ desesi, pāḷiyañcetta dvinnampi therānaṃ desanāya dhammacakkhupaṭilābhova dassito. Dīghabhāṅakā pana evam vadanti “bhagavatā pesitesu dvīsu aggasāvakesu dhammasenāpati tesam citta cāram ñatvā dhammaṃ desesi, therassa dhammadesanaṃ sutvā pañcasatāpi bhikkhū sotāpattiphale patiṭṭhahimsu. Atha nesaṃ mahāmogallānatthero vikubbanam dassetvā dhammaṃ desesi, taṃ sutvā sabbe arahattaphale patiṭṭhahimsū”ti. **Devadattam utṭhāpesīti** jaṇṇukena hadayamajjhe paharivā utṭhāpesi.

346. **Sarasīti** saro. **Suvikkhālīti** suṭṭhu vikkhālītam, suvisodhitam katvāti attho. **Samkhādīti** suṭṭhu khādītvā. **Mahim vikubbatoti** mahim dantehi vilikhantassa. Nadīsu bhisam ghasānassāhi yojetabbanam. **Nadīti** cettha mahāsaro adhippeto. **Jaggatoti** hatthiyūtham pālentassa. **Bhīnkovāti** hatthipotako viya. **Mamānukubbanti** maṃ anukaronto.

347. **Dūteyyanti**¹ dūtakammaṃ. **Gantumarahatīti** dūteyyasaṅkhātāṃ sāsanaṃ haritum dhāretvā haritum arahati. **Sotāti** yaṃ assa² sāsanaṃ denti, tassa sotā. **Sāvetāti** taṃ uggaṇhitvā “idaṃ nāma tumhehi vuttan”ti paṭisāvetā. **Uggahetāti** su-uggahitaṃ katvā uggahetā. **Dhāretāti** sudhāritaṃ katvā dhāretā. **Viññātāti** attanā tassa atthaṃ jānitā. **Viññāpetāti** paraṃ vijānāpetā. **Sahitāsahitassāti** “idaṃ sahitaṃ, idaṃ asahitaṃ”ti evaṃ sahitāsahitassa **kusalo** upagatānupagatesu cheko sāsanaṃ ārocento sahitāsahitaṃ sallakkhetvā āroceti. **Na byathatīti**³ na vedhati na chambhati. **Uggavādininti** pharusava canena samannāgataṃ. **Pucchitoti** paṭiññatthāya pucchito.

348. **Aṭṭhahi bhikkhave asaddhammehīti-ādīsu asaddhammehīti**⁴ asataṃ dhammehi, asantehi vā asobhanehi vā dhammehi. **Abhibhūtoti** ajjhotthaṇo. **Pariyādinnaṇṇacittoti** khepitaṇṇacitto lābhādihetukena icchācārena mānamadādinā ca khayāṃ pāpitakusalacitto. Atha vā **pariyādinnaṇṇacittoti** parito ādinnaṇṇacitto, vuttappakārena akusalakoṭṭhāsena yathā kusalaṇṇacittassa uppattivāro na hoti, evaṃ samantato gahitaṇṇacittasantaṇṇoti attho. Apāye nibbattaṇṇarahatāya **āpāyiko**. Tatthapi avīcisaṅkhāte mahāniraye uppajjātīti **nerayiko**. Ekaṃ antarakappaṃ paripuṇṇameva katvā tattha tiṭṭhatīti **kappaṭṭho**. **Atekkiccho**ti buddhehi anivattaṇṇiyattā avīcinibbattiyā tikkicchābhāvato atekiccho, atekicchanīyoti attho. **Lābhenāti** lābhena hetubhūtena. Atha vā lābhahetukena mānādinā. Lābhaṇṇhi nissāya idhekacce puggalā pāpicchā icchāpakatā icchācāre ṭhatvā “lābhaṃ nibbattessāmā”ti anekavihitaṃ anesanaṃ appatirūpaṃ āpajjitvā ito cutā apāyesu nibbattanti. Apare yathā lābhaṃ labhitvā taṇṇimittaṃ mānātimānamadamacchariyādivasena pamādaṃ āpajjitvā ito cutā apāyesu nibbattanti, ayaṅca tādiso. Tena vuttaṃ “lābhena bhikkhave abhibhūto pariyādinnaṇṇacitto devadatto āpāyiko”ti-ādī. **Asakkārenāti** hīletvā paribhavitvā parehi attani

1. Am-Ṭṭha 3. 216 piṭṭhādīsopi passitabbaṃ. 2. Aparassa (Ka) 3. Na byādhatīti (Syā)
4. Itivuttaka-Ṭṭha 265 piṭṭhādīsopi passitabbaṃ.

pavattitena asakkārena, asakkārahetukena vā mānādinā.

Asantaguṇasambhāvanādhippāyena pavattā pāpā icchā etassāti pāpiccho, tassa bhāvo **pāpicchatā**, tāya. “Ahaṃ buddho bhavissāmi, bhikkhusaṅghaṃ pariharissāmi”ti hi tassa icchā uppannā. Kokālikādayo pāpā lāmakā mittā etassāti pāpamitto, tassa bhāvo **pāpamittatā**, tāya.

349. **Abhibhuyyāti** abhibhavitvā madditvā.

350. **Tīhi bhikkhave asaddhammehīti**-ādi vuttanayameva. **Oramattakena visesādhigamena antarā vosānaṃ āpādīti** ettha pana ayamatto.

Oramattakenāti appamattakena jhānābhiññāmattena. **Visesādhigamenāti** uttarimanussadhammādhigamena. **Antarāti** vemajjhe. **Vosānaṃ āpādīti** akatakiccova samāno “katakiccomhī”ti maññamāno samaṇadhammato vigamaṃ¹ āpajji. Idaṃ vuttaṃ hoti—jhānābhiññāhi uttarikaraṇīye adhigantabbe maggaphale anadhigate satiyeva taṃ anadhigantvā samaṇa dhammato vigamaṃ¹ āpajjīti. Iti bhagavā iminā suttana visesato puthujjanabhāve ādīnavaṃ pakāseti “bhāriyo puthujjanabhāvo, yatra hi nāma jhānābhiññāpariyosānā sampattiyo nibbattetvāpi anekānatthāvahaṃ nānāvidhadukkhahetu-asantaguṇasambhāvanaṃ asappurisasāmsaggaṃ ālasiyānuyogañca avijahanto avīcisaṃvattanikaṃ kappatṭhiyaṃ atekicchaṃ kibbisāṃ pasavatī”ti.

Gāthāsu **māti** paṭisedhe nipāto. **Jātūti** ekaṃsena. **Kocīti** sabbasaṅgāhaka vacanaṃ. **Lokasminti** sattaloke. Idaṃ vuttaṃ hoti—imasmiṃ sattaloke koci puggalo ekaṃsena pāpiccho mā hotūti. **Tadamināpi jānātha, pāpicchānaṃ yathā gatīti** pāpicchānaṃ puggalānaṃ yathāgati yādisī nibbatti yādiso abhisamparāyoti imināpi kāraṇena jānāthāti devadattaṃ nidassento evamāha.

Paṇḍitoti samaññātoti pariyattibāhusaccena paṇḍitoti nāto. **Bhāvitattoti sammatoti** jhānābhiññāhi bhāvitacittoti sambhāvito. Tathā hi so “mahiddhiko godhiputto, mahānubhāvo

1. Virāmaṃ (Syā)

godhiputto”ti dhammasenāpatināpi pasamsito ahoṣi. **Jalaṃva yasaṣā atṭhā, devadattoti vissutoti** attano kittiyā parivārena ca jalanto viya obhāsanto viya ṭhito devadattoti evaṃ vissuto pākaṭo ahoṣi. “Me sutan”tipi pāḥo, mayā sutam sutamattam, katipāheneva atathābhūtattā tassa tam paṇḍiccādisavanamattamevāti attho.

So pamādaṃ anuciṇṇo, āsajja naṃ tathāgatanti so evambhūto devadatto “buddhopi sākiyaputto, ahampi sākiyaputto, buddhopi samaṇo, ahampi samaṇo, buddhopi iddhimā, ahampi iddhimā, buddhopi dibbacakkhuko, dibbasotacetopariyaṇāḷabhī, buddhopi atītānāgatapaccuppanne dhamme jānāti, ahampi te jānāmī”ti attano pamāṇaṃ ajānitvā sammāsambuddhaṃ attanā samasamaṭṭhapanena pamādaṃ āpajjanto “idānāhaṃ buddho bhavissāmi, bhikkhusaṃghaṃ pariharissāmi”ti abhimārapayojanādinā tathāgataṃ āsajja āsādetvā viheṭhetvā. “Pamādamanujiṇṇo”tipi paṭhanti. Tassattho—pamādaṃ vuttanayena pamajjanto pamādaṃ nissāya bhagavatā saddhiṃ yugaggāhacittuppādena saheva jhānābhiññāhi anujiṇṇo parihīnoti. **Avīcinirayaṃ patto, catudvāraṃ bhayānakanti** jālānaṃ tattha uppannasattānaṃ vā nirantaratāya “avīcī”ti laddhanāmaṃ catūsu passesu catumahādvārayogena catudvāraṃ atibhayānakaṃ mahānirayaṃ paṭisandhiggahaṇavasena patto. Tathā hi vuttaṃ—

“Catukkaṇṇo catudvāro, vibhatto bhāgasō mito.

Ayopākārapariyanto, ayasā paṭikujjito.

Tassa ayomayā bhūmi, jalitā tejasā yutā.

Samantā yojanasataṃ, pharivā tiṭṭhati sabbadā”ti¹.

Aduṭṭhassāti aduṭṭhacittassa. Dubbheti dusseyya. Tameva pāpaṃ phusatīti tameva aduṭṭhadubbhiṃ pāpapuggalaṃ pāpaṃ nihīnaṃ pāpaphalaṃ phusati pāpuṇāti abhibhavati. **Bhesmāti** vipulabhāvena gambhīrabhāvena ca bhimsāpano, bhimsāpento viya vipulagambhīroti attho. **Vādenāti** dosena. **Upahimsatīti** bādhati āsādeti. **Vādo tamhi na rūhatīti** tasmim

1. Ma 3. 205, 222; Am 1. 140 piṭṭhesu.

tathāgate parena āropiyamāno doso na ruhati na tiṭṭhati, visakumbho viya samuddassa na tassa vikāraṃ janetīti attho.

Evam chahi gāthāhi pāpicchatādisamannāgatassa nirayūpagabhāvadassanena dukkhato aparimuttim dassetvā idāni tappaṭipakkhadhammasamannāgatassa dukkha kkhayaṃ dassento “**tādisaṃ mittan**”ti osānagāthamāha. Tassattho—**yassa** sammā paṭipannassa **maggānugo** paṭipattimaggam anugato sammā paṭipanno appicchatādiguṇa samannāgamaena sakalassa vaṭṭadukkhassa **khayaṃ** pariyosānam pāpuṇeyya, tādisaṃ buddham buddhasāvakaṃ vā **paṇḍito** sappañño attano **mittam kubbetha** tena mettim kareyya, **tañca sevetha** tameva payirupāseyyāti.

Kim panetaṃ suttaṃ devadattassa nirayūpapattito pubbe bhāsitaṃ, udāhu pacchāti? **Itivuttakaṭṭhakathāyaṃ**¹ tāva—

“Devadatte hi avīcimahānirayaṃ paviṭṭhe devadattapakkhikā aññatitthiyā 'samaṇena gotamena abhisapito devadatto pathaviṃ paviṭṭho'ti abbhācikkhimsu. Taṃ sutvā sāsane anabhippasannā manussa 'siyā nu kho etadevaṃ, yathā ime bhaṇantī'ti āsaṅkaṃ uppādesuṃ. Taṃ pavattim bhikkhū bhagavato ārocesuṃ. Atha kho bhagavā 'na bhikkhave tathāgatā kassaci abhisapaṃ denti, tasmā na devadatto mayā abhisapito, attano kammeneva nirayaṃ paviṭṭho'ti vatvā tesam micchāgāhaṃ paṭisedhento imāya aṭṭhuppattiyā idam suttaṃ abhāsi”ti—

vuttaṃ, tasmā tesam matena tassa nirayūpapattito pacchāpi bhagavā idam suttamabhāsīti veditabbaṃ, idha pana tassa nirayūpapattito paṭhamameva uppanne vatthumhi bhāsitaṃ pāli-āruḷhanti daṭṭhabbaṃ. Teneva “avīcinirayaṃ patto”ti idam pana āsaṃsāyaṃ atītavacananti vuttaṃ, **āsaṃsāti** cetttha avassambhāvinī atthasiddhi adhippetā. Avassambhāvinīhi atthasiddhimapekkhitvā anāgatampi bhūtaṃ viya voharanti, tañca saddalakkhaṇānusāreṇa veditabbaṃ.

Saṃghabhedakathāvaṇṇanā niṭṭhitā.

1. Itivuttaka-Ṭṭha 265 piṭṭhe.

Upālīpañhakathāvaṇṇanā

351. Upālīpañhe yaṃ vattabbaṃ, taṃ aṭṭhakathāyaṃ dassitameva. Tattha **anunayantoti** anujānāpento, bhedassa anurūpaṃ vā bodhento, yathā bhedo hoti, evaṃ bhinditabbe bhikkhū viññāpentoti attho. Tenāha “**na tumhākan**”ti-ādi.

352. Aṭṭhārasabhedakaravatthumhi dasa akusalakammaṃpathā saṃkiliṭṭhadhammatāya vodānadhammapaṭipakkhattā “adhammo”ti dassitā, tathā upādānādayo, bodhipakkhiyadhammānaṃ ekantānavajjabhāvato natthi adhammabhāvo, bhagavatā pana desitākārena hāpetvā vaḍḍhetvā vā kathanāṃ yathādhammaṃ akathananti katvā adhammabhāvoti dassento āha “**tayo satipaṭṭhānā**”ti-ādi. **Niyyānikanti** sapāṭihīraṃ appaṭihataṃ hutvā pavattatīti attho. **Tathevāti** iminā “evaṃ amhākan”ti-ādinā vuttamatthaṃ ākaḍḍhati. **Kātabbaṃ kammaṃ dhammo nāmāti** yathādhammaṃ karaṇato **dhammo** nāma, itaraṃ vuttavipariyāyato **adhammo** nāma.

Rāgavinayo -pa- ayaṃ vinayo nāmāti rāgādīnaṃ vinayanato saṃvaraṇato pajahanato paṭisaṅkhānato ca **vinayo** nāma, vuttavipariyāyena itaro **avinayo**. Vatthusampatti-ādivasena sabbesaṃ vinayakammānaṃ akuppatāti āha “**vatthusampatti -pa- ayaṃ vinayo nāmā**”ti. Tappaṭipakkhato **avinayo** veditabbo. Tenāha “**vatthuvipatti**”ti-ādi. Yāsaṃ āpannassa pabbajjā sāvasesā, tā āpattiyo **sāvasesā**.

354. **Āpāyikoti-ādigāthāsu**¹ saṃghassa bhedasaṅkhāte vagge ratoti **vaggarato**. Adhammikātāya adhamme bhedakaravatthumhi saṃghabhedasaṅkhāte eva ca adhamme ṭhitoti **adhammaṭṭho**. **Yogakkhemā padhamsatīti** hitato² parihāyati, catūhipi yogehi anupaddutattā **yogakkhemā** nāma arahattaṃ nibbānañca, tato panassa dhammsane vattabbameva natthi. Diṭṭhisīlasāmaññato saṃghataṭṭhena **saṃghaṃ**, tato

1. Itivuttaka-Ṭṭha 66 piṭṭhepi passitabbaṃ.

2. Hi tato (Syā, Ka)

eva ekakammādividhānayogena **samaggaṃ** sahitaṃ **bhinditvā**¹ pubbe vuttalakkhaṇena saṃghabhedena bhinditvā. **Kappanti** antarakappasaṅkhātaṃ āyukappaṃ. **Nirayamhīti** avīcimahānirayamhi.

Sukhā saṃghassa sāmaggīti² sukhassa paccayabhāvato sāmaggī “sukhā”ti vuttā yathā “sukho buddhānamuppādo”ti³.

Samaggānañcanuggahoti samaggānaṃ sāmaggī anumodanena anuggaṇhaṇaṃ sāmaggī-anurūpaṃ vā, yathā te sāmaggim na vijahanti, tathā gahaṇaṃ ṭhapaṇaṃ anubalappadānanti attho. **Samaggaṃ katvānāti** bhinnaṃ saṃghaṃ saṃgharājippattaṃ vā samaggaṃ sahitaṃ katvā. **Kappanti** āyukappameva. **Saggamhi modatīti** kāmāvacaradevaloke aññe deve dasahi ṭhānehi abhibhavitvā dibbasukhaṃ anubhavanto icchitanibbattiyā ca modati pamodati laḷati kīḷati.

355. **Siyā nu kho bhante saṃghabhedakoti**-ādi pāḷi-anusāreṇeva veditabbaṃ. “Pañcahi upāli ākārehi saṃgho bhijjati kammena uddesena voharanto anussāvanena salā kaggāhenā”ti evaṃ **parivāre**⁴ āgatampi saṃghabhedalakkhaṇaṃ idha vuttena kiṃ nānākaraṇanti dassetuṃ “**parivāre panā**”ti-ādimāha. Ettha ca sīmaṭṭhakasaṃghe asannipatite visuṃ parisāṃ gahetvā katavohārānussāvanasālākaggāhassa kammaṃ vā karontassa uddesaṃ vā uddisantassa bhedo ca hoti ānantariyakammaṅca. Samaggasaññāya pana “vaṭṭatī”ti saññāya vā karontassa bhedova hoti, na ānantariyakammaṃ. Tato ūnāparisāya karontassa neva saṃghabhedo na ānantariyaṃ. Sabbantimena hi paricche dena navannaṃ janānaṃ yo saṃghaṃ bhindati, tassa ānantariyakammaṃ hoti, anuvattakānaṃ adhammavādīnaṃ mahāsāvajjaṃ kammaṃ, dhammavādino anavajjā. Sesamettha uttānamevāti.

Upālīpañhakathāvaṇṇanā niṭṭhitā.

Saṃghabhedakakkhandhakavaṇṇanā niṭṭhitā.

1. Bhettvāna (Syā, Khu 1. 203 piṭṭhepi.)

2. Itivuttaka-Ṭṭha 67 piṭṭhepi passitabbaṃ.

3. Khu 1. 42 piṭṭhe.

4. Vi 5. 349 piṭṭhe.

8. Vattakkhandhaka

Āgantukavattakathāvaṇṇanā

356-357. Vattakkhandhake **uparipiṭṭhitoti** piṭṭhisāṅghāṭassa¹ uparibhāgato, dvārabāhassa uparipadesatoti attho. **Vissajjetabbanti** sukkhāpanatthaṃ ātape vissajji tabbaṃ. **Abhivādāpetabboti**² tassa vasse pucchite yadi daharo hoti, sayameva vandissati, tadā imināva vandāpito nāma hoti. **Nilloketabboti** oloketabbo. **Yathā bhāganti** pubbe paññattaṃ padesabhāgaṃ anatikkamitvā. **Santānakanti** uṇṇanābhi suttaṃ. **Ullokāti** gehassa uparibhāgato paṭṭhāya, paṭṭhamāṃ uparibhāgo sammajjitabboti vuttaṃ hoti.

Āvāsikavattakathāvaṇṇanā

359. **Mahā-āvāseti** mahāvihārasadise mahā-āvāse.

Anumodanavattakathāvaṇṇanā

362. **Pañcame nisinneti** anumodanattāya nisinne. **Upanisinnakathā** nāma bahūsu sannipatitesu parikathākathanāṃ.

Bhattaggavattakathāvaṇṇanā

364. **Manussānaṃ parivisanatṭhānanti** yattha manussā saputtadārā āvasitvā denti. **Hatthadhovana-udakaṃ sandhāyāti** bhuttāvissa bhojanāvasāne hatthadhovana udakaṃ sandhāya. Tenevāha “**antarā pipāsitena pana -pa- hatthā na dhovitabbā**”ti. Potthakesu pana “pānīyaṃ pivitvā hatthā na dhovitabbā”ti likhanti, “hatthā dhovitabbā”ti pāṭhena bhavitabbanti amhākaṃ khanti. Aññathā “na tāva udakanti idaṃ hatthadhovana udakaṃ sandhāya vuttaṃ”ti vatvā “antarā pipāsitena panā”ti-ādinā vuttaviseso na upalabbhati. Atha mataṃ “**na tāva therena udakaṃ paṭiggahetabbanti** idaṃ kiṃ pānīya paṭiggahaṇaṃ sandhāya vuttaṃ, udāhu hatthadhovana-udakagahaṇaṃ sandhāyāti āsaṅkānivattanatthaṃ ‘idaṃ hatthadhovana-udakaṃ

1. Uparipiṭṭhatoti piṭṭhasāṅghāṭassa (?)

2. Abhivādāpetabbanti (Syā, Ka)

sandhāya vutta'nti-ādi kathitan”ti, tañca na, tattha āsaṅkāya eva asambhavato. Na hi bhagavā “yāva aññe na bhuttāvino honti, tāva pānīyaṃ na pātabban”ti vakkhatīti sakkā viññātum. Yadi cetam pānīyapaṭiggahaṇaṃ sandhāya vuttaṃ, “na tāva therena udakaṃ paṭiggahetabban”ti udakasaddappayogo ca na kattabbo siyā, aṭṭhakathāyañca “idaṃ hatthadhovana-udakaṃ sandhāya vuttan”ti vatvā tena nivattitabbamattham dassentena “antarā pipāsitena pana gale vilaggāmisena vā pānīyaṃ pivitabban”ti ettakameva vattabban, “pānīyaṃ pivitvā hatthā na dhovitabbā”ti evaṃ pana na vattabbanti. Dhure¹ nisinnā hontīti dvārasamīpe nisinnā honti.

Piṇḍacārikavattakathāvaṇṇanā

366. **Parāmasatīti** gaṇhāti. **Ṭhapeti vāti** “tiṭṭhatha bhante”ti vadantī ṭhapeti nāma.

Ārañṇikavattakathāvaṇṇanā

367. **Kenajja bhante yuttanti** kena nakkhattena ajja cando yuttoti evaṃ vadantena nakkhattam pucchitam hoti.

Senāsanavattakathāvaṇṇanā

369-370. **Aṅgaṇeti**² abbhokāse. **Na vuḍḍham anāpucchāti** ettha tassa ovarake tadupacāre ca āpucchitabbanti vadanti. **Bhojanasālādīsupi evameva paṭipajjitabbanti** bhojanasālādīsupi uddesadānādi āpucchitvāva kātabbanti attho.

Vaccakuṭivattakathāvaṇṇanā

373-374. **Idam ativivaṇṇanti** idam ṭhānaṃ gumbādīhi appaṭicchannattā ativiya pakāsanam. **Nibaddhagamanatthāyāti** attano nibaddhagamanatthāya. **Puggalikatṭhānam vāti** attano vihāram sandhāya vuttaṃ. Sesamettha suviññeyyameva.

1. Dūre (Syā)

2. Paṅgaṇeti (Syā)

Imasmim vattakkhandhake āgatāni
 āgantukāvāsikagamiyānumodanabhattagapiṇḍacārikāraññikasena-
 jantāgharavaccakuṭi-upajjhācariyasaddhivihārika-antevāsikavattāni **cuddasa**
mahāvattāni nāma, ito aññāni pana kadāci tajjanīyakammakatādikāle yeva
 caritabbāni **asīti khandhakavattānī**ti veditabbāni. **Gaṇṭhipadesu** pana
 “imāniyeva cuddasa mahāgattāni aggahitaggahaṇena gahiyamānāni asīti
 khandhakavattānī”ti vuttam, taṃ na gahetabbam.

Vattakkhandhakavaṇṇanā niṭṭhitā.

9. Pātimokkhaṭṭhapanakkhandhaka

Pātimokkhuddesayācanakathāvaṇṇanā

383. Pātimokkhaṭṭhapanakkhandhake **tadahūti**¹ tasmim̐ ahani tasmim̐ divase. **Uposatheti** ettha upavasanti etthāti **uposatho, upavasantīti** sīlena vā anasanena vā upetā hutvā vasantīti attho. Ayañhi **uposatha**-saddo “aṭṭhaṅgasamannāgataṃ uposathaṃ upavasāmī”ti-ādīsu² sīle āgato. “Uposatho vā pavāraṇā vā”ti-ādīsu³ pātimokkhuddesādi vinayakamme. “Gopālakūposatho nigaṇṭhūposatho”ti-ādīsu⁴ upavāse. “Uposatho nāma nāgarājā”ti-ādīsu⁵ paññattiyam̐. “Ajjuposatho pannaraso”ti-ādīsu⁶ divase. Idhāpi divase yeva daṭṭhabbo. Tasmā **tadahuposatheti** tasmim̐ uposathadivasabhūte ahanīti attho. **Nisinno hotīti** mahābhikkhusam̐ghaparivuto ovādapātimokkham̐ uddisitum̐ upāsikāya ratanapāsāde nisinno hoti. Nisajja pana bhikkhūnam̐ cittāni olokeno ekam̐ dussīla puggalam̐ disvā “sacāham̐ imasmim̐ puggale idha nisinneyeva pātimokkham̐ uddisissāmi, sattadhāvassa muddhā phalissatī”ti tasmim̐ anukampāya tuṇhīyeva ahoṣi.

Abhikkantāti atikkantā parikkhīṇā. **Uddhaste aruṇeti** uggate aruṇasīse. **Nandi mukhiyāti** tuṭṭhimukhiyā. **Uddhastam̐ aruṇanti** aruṇuggamanam̐ patvāpi “uddisatu bhante bhagavā bhikkhūnam̐ pātimokkhan”ti thero bhagavantam̐ pātimokkhuddesam̐ yāci tasmim̐ kāle “na bhikkhave anuposathe uposatho kātabbo”ti⁷ sikkhāpadassa apaññattattā. **Aparisuddhā ānanda parisāti** tikkhattum̐ therena pātimokkhuddesassa yācitattā anuddesassa kāraṇam̐ kathento “asukapuggalo aparisuddho”ti avatvā “aparisuddhā ānanda parisā”ti āha. Kasmā pana bhagavā tiyāmarattim̐ tathā vītināmesi? Tato paṭṭhāya ovādapātimokkham̐ anuddisitukāmo tassa vatthum̐ pākaṭam̐ kātum̐.

1. Udāna-Ṭṭha 268 piṭṭhādīsupi passitabbam̐.

3. Vi 3. 156 piṭṭhe (atthato samānam̐.)

5. Dī 2. 142; Ma 3. 212 piṭṭhesu.

7. Vi 3. 190 piṭṭhe.

2. Am̐ 1. 213; Am̐ 3. 321 piṭṭhesu.

4. Am̐ 1. 206 piṭṭhe.

6. Vi 3. 167 piṭṭhe.

Addasāti katham addasa. Attano cetopariyañāṇena tassaṃ parisati bhikkhūnaṃ cittāni pariḷānanto tassa purisassa dussīlacittaṃ passi. Yasmā pana citte diṭṭhe taṃsamaṅgīpuggalo diṭṭho nāma hoti, tasmā “**addasā kho āyasmā mahāmogallāno taṃ puggalaṃ dussīlan**”ti vuttaṃ. Yatheva hi anāgate sattu divasesu pavattaṃ paresaṃ cittaṃ cetopariyañāṇalābhī pajānāti, evaṃ atītepi. **Dussīlanti** nissīlam, sīlavirahitanti attho.

Pāpadhammanti dussīlattā eva hīnajiḥāsayaṭāya lāmakasabhāvaṃ. **Asucinti** aparisuddhehi kāyakammādīhi samannāgatattā na sucim.

Saṅkassarasamācāranti kiñcideva asārappaṃ disvā “idaṃ iminā kataṃ bhavissati”ti evaṃ paresaṃ āsaṅkanīyatāya saṅkāya saritabbasamācāraṃ. Atha vā kenacideva karaṇīyena mantayante bhikkhū disvā “kacci nu kho ime mayā katakammaṃ jānitvā mantenti”ti attanoyeva saṅkāya saritabbasamācāraṃ. Lajjitabbatāya paṭicchādetabbassa karaṇato paṭicchannaṃ kammantaṃ etassāti **paṭicchannakammantaṃ**.

Kucchitasamaṇavesadhāritāya na samaṇanti **assamaṇaṃ**. Salākaggahaṇādīsu “kittakā samaṇā”ti gaṇanāya “ahampi samaṇomhī”ti micchāpaṭi ññāya **samaṇapaṭiññaṃ**. Aseṭṭhacāritāya **abrahmacāriṃ**. Aññe brahmacāriṇo sunivatthe supārute kusumbhakapaṭadhare gāmanigamādīsu piṇḍāya caritvā jīvikaṃ kappente disvā abrahmacārī samāno sayampi tādisena ākārena paṭipajjanto uposathādīsu ca sandissanto “ahampi brahmacārī”ti paṭiññaṃ dento viya hotīti **brahmacāripaṭiññaṃ**. Pūtinā kammaṃ sīlavipattiyā anto anupavīṭṭhattā **antopūtiṃ**. Chahi dvārehi rāgādikilesā vassavena tintattā **avassutaṃ**. Sañjātarāgādikacavarattā sīlavantehi chaḍḍetabbattā ca **kasambujātaṃ**. **Majjhe bhikkhusaṃghassa nisinnanti** saṃghapariyāpanno viya bhikkhusaṃghassa anto nisinnaṃ.

Diṭṭhosīti “ayaṃ na pakatatto”ti bhagavatā diṭṭho asi. Yasmā ca evaṃ diṭṭho, tasmā natthi te tava bhikkhūhi saddhim ekakammādisaṃvāso. Yasmā pana so saṃvāso tava natthi, tasmā uṭṭhehi āvusoti evamettha padayojanā veditabbā. **Tatiyampi kho so puggalo tuṅhī ahoṣīti** anekavāraṃ vatvāpi “thero sayameva nibbinno oramissati, idāni imesaṃ paṭipattiṃ jānissāmī”ti vā adhippāyena

tuṅhī ahoṣi. **Bāhāyaṃ gahetvāti** “bhagavatā mayā ca yāthāvato diṭṭho, yāvataṭṭhiyaṃ ‘uṭṭhehi’ti ca vutto na uṭṭhāti, idānissa nikkadḍhanakālo, mā saṃghassa uposathantarāyo ahoṣī”ti bāhāyaṃ aggahesi. **Bahi dvārakoṭṭhakā nikkhāmetvāti** dvārakoṭṭhakā dvārasālato nikkhāmetvā, **bahīti** pana nikkhāmitaṭṭhānadassanaṃ. Atha vā **bahidvāra koṭṭhakāti** bahidvārakoṭṭhakatopi nikkhāmetvā, na antodvārakoṭṭhakato eva. Ubhayathāpi vihārato bahikatvāti attho. **Sūciḥaṭṭikāṃ datvāti** aggaḷasūciṅca upariḥa ṭikaṅca ādahitvā, suṭṭhu kavāṭaṃ thaketvāti attho. **Yāva bāhāgahaṇāpi nāmāti** “apari suddhā ānanda parisā”ti vacanaṃ sutvā eva hi tena pakkamitabbaṃ siyā, evaṃ apakka mitvā yāva bāhāgahaṇāpi nāma so moghapuriso āgamissati, acchariyamidanti dasseti. Idaṅca garaḥaṇacchariyamevāti veditabbaṃ.

Mahāsamudde aṭṭhacchariyakathāvaṇṇanā

384. **Aṭṭhime bhikkhave mahāsamuddeti**¹ ko anusandhi? Yvāyaṃ apari suddhāya parisāya pātimokkassa anuddeso, so imasmiṃ dhammavinaye acchariyā abbhuto dhammoti taṃ aparehi sattahi acchariya-abbhutadhammehi saddhim vibhajitvā dassetukāmo paṭṭhamaṃ tāva tesāṃ upamābhāvena mahāsamudde acchariya-abbhuta dhamme dassento satthā “**aṭṭhime bhikkhave mahāsamudde**”ti-ādīmāha. **Asurāti** devā viya na suranti na īsanti na virocantīti asurā. Surā nāma devā, tesāṃ paṭipakkhāti vā **asurā**, vepacittipahārādādayo. Tesāṃ bhavanaṃ sinerussa heṭṭhābhāge, te tattha pavisantā nikkhamantā sinerupāde maṇḍapādīni nimminivā kīḷantāva abhiramanti. Sā tattha tesāṃ abhirati ime guṇe disvāti āha “**ye disvā disvā asurā mahāsamudde abhiramantī**”ti. Tattha² **abhiramantīti** ratim vindanti, anukkaṇṭhamānā vasantīti attho.

Anupubbaninnoti-ādīni sabbāni anupaṭipāṭiyā ninnabhāvasseva vevacanāni. **Na āyatakeneva papātoti** nacchinnataṭamahāsobbho viya

1. Udāna-Ṭṭha 271 piṭṭhādīsipi passitabbaṃ.

2. Am-Ṭṭha 3. 218 piṭṭhādīsipi passitabbaṃ.

ādito eva papāto. So hi tīradesato paṭṭhāya
 ekaṅguladvaṅgulavidatthiratanayaṭṭhi-usabha
 aḍḍhagāvutagāvutaṃaḍḍhajojanayojanādivasena gambhīro hutvā gacchanto
 gacchanto sinerupādāmūle caturāsītiyojanasahassagambhīro hutvā ṭhitoti
 dasseti.

Ṭhitadhammoti ṭhitasabhāvo avatṭhitasabhāvo. **Kuṇapenāti** yena kenaci
 hatthi-assādikaḷevarena. **Vāhetīti** hatthena gahetvā viya vīcippahāreneva
 thale khipati. **Gaṅgā yamunāti** anotattadahassa dakkhiṇamukhato
 nikkhantanadī pañcadhārā hutvā pavattaṭṭhāne gaṅgāti-ādinā pañcadhā
 saṅkhaṃ gatā. Tattha **nadī ninnagāti**-ādikaṃ gottam, **gaṅgā yamunāti**-
 ādikaṃ nāmaṃ. **Savantiyoti** yā kāci savamānā sandamānā gacchantiyo
 mahānadiyo vā kunnadiyo vā. **Appentīti** allīyanti osaranti. **Dhārāti**
 vuṭṭhidhārā. **Pūrattanti** puṇṇabhāvo. Mahāsamuddassa hi ayam dhammatā—
 “imasmim kāle devo mando jāto, jālakkipādīni ādāya macchakacchape
 gaṇhissāmī”ti vā “imasmim kāle atimahantā vuṭṭhi, labhissāma nu kho
 piṭṭhipasāraṇaṭṭhānan”ti¹ vā na sakkā vattum. Paṭhamakappikakālato
 paṭṭhāya hi tīraṃ bhassitvā sinerumekhalaṃ āhacca udakaṃ ṭhitam, tato
 ekaṅgulamattampi udakaṃ neva heṭṭhā otarati, na uddham uttarati.
Ekarasoti asambhinnaraso.

Muttāti khuddakamahantavaṭṭadīghādibhedā aneka vidhamuttā. **Maṇīti**
 rattanīlā dibhedo aneka vidho maṇi. **Veḷuriyoti**
 vamsavaṇṇasirīsapupphavaṇṇādīsaṇṭhānato aneka vidho. **Saṅkhoti**
 dakkhiṇāvattakatumbakucchidhamanasāṅkhādibhedo aneka vidho. **Silāti**
 setakālamuggavaṇṇādibhedā aneka vidhā. **Pavālampi**
 khuddakamahantarattaghana rattādibhedam aneka vidham. **Lohitako**
 padumarāgādibhedo aneka vidho. **Masāragallaṃ** kabaramaṇi.
 Cittaphalikantipi vadanti. **Mahatam bhūtānanti** mahantānam sattānam. **Timi**
timiṅgalo timitimiṅgaloti tisso macchajātiyo. Timim gilanasamattho
timiṅgalo, timiṅca timiṅgalaṅca gilanasamattho timitimiṅgaloti vadanti.
Nāgāti ūmipiṭṭhivāsinopi vimānaṭṭhakanāgāpi.

1. Piṭṭhipaharaṇanti (Syā)

Imasmim̄ dhammavinaye aṭṭhacchariyakathāvaṇṇanā

385. **Evameva khoti** kiñcāpi satthā imasmim̄ dhammavinaye soḷasapi bāttim̄sapi tato bhiiyopi acchariyabbhutadhamme vibhajitvā dassetuṃ sakkoti, upamābhāvena pana gahitānaṃ aṭṭhannaṃ anurūpavasena aṭṭheva te upametabbadhamme vibhajitvā dassanto “**evameva kho bhikkhave imasmim̄ dhammavinaye aṭṭha acchariyā abbhutā dhammā**”ti āha. Tattha **anupubbāsikkhāya** tisso sikkhā gahitā, **anupubbakiriyāya** terasa dhutadhammā, **anupubbapaṭipadāya** satta anupassanā aṭṭhārasa mahāvipassanā aṭṭhatimsa ārammaṇavibhattiyo sattatimsa bodhipakkhiyadhammā ca gahitā. **Na āyatakeneva aññāpaṭivedhoti** maṇḍūkassa uppatitvā gamanaṃ viya āditova sīlapūraṇādīni akatvā arahattapaṭivedho nāma natthi, paṭipāṭiyā pana sīlasamādhapaññāyo pūretvāva arahattappattīti attho.

Mama sāvakāti sotāpannādike ariyapuggale sandhāya vadati. **Na samvasatīti** uposathakammādivasena samvāsam̄ na karoti. **Ukkhipatīti** apanehi. **Ārakāvāti** dūre eva. **Tathāgatappavediteti** tathāgatena bhagavatā sāvakesu desite akkhāte pakāsīte. **Na tena nibbānadhātuyā unattaṃ vā pūrattaṃ vāti** asaṅkhyeyyepi mahākappe buddhesu anuppajjantesu ekasattopi parinibbātuṃ na sakkoti, tadāpi “tucchā nibbānadhātū”ti na sakkā vattuṃ, buddhakāle pana ekekasmim̄ samāgame asaṅkhyeyyāpi sattā amataṃ ārādhenti, tadāpi na sakkā vattuṃ “pūrā nibbānadhātū”ti. **Vimuttirasoti** kilesehi vimuccanaraso. Sabbā hi sāsanasampatti yāvadeva anupādāya āsavehi cittassa vimuttīti attho.

Ratanānīti ratijananatṭhena ratanāni. Satipaṭṭhānādayo hi bhāviyamānā pubbabhāgepi anekavidhaṃ pītipāmojjaṃ nibbattenti, pageva aparabhāge. Vuttañhetam̄—

“Yato yato sammāsati, khandhānaṃ udayabbayaṃ.
Labhatī pītipāmojjaṃ, amataṃ taṃ vijānatan”ti¹.

1. Khu 1. 67 piṭṭhe.

Lokiyaratananimittam̐ pana pītipāmojjam̐ na tassa kalabhāgampi agghati.

Apica—

Cittīkatam̐ mahagghañca, atulam̐ dullabhadassanam̐.

Anomasattaparibhogam̐, ratananti pavuccati¹.

Yadi ca cittīkatādībhāvena ratanam̐ nāma hoti, satipaṭṭhānādīnaññeva bhūto ratanabhāvo. Bodhipakkhiyadhammānañhi so ānubhāvo, yam̐ sāvakā sāvakapāramī ñāṇam̐, paccekasambuddhā paccekabodhiñāṇam̐, sammāsambuddhā sammāsambodhim̐ adhigacchanti āsannakāraṇattā. Paramparakāraṇañhi dānādi-upanissayoti evam̐ ratijananatṭhena cittīkatādi-atthena ca ratanabhāvo bodhipakkhiyadhammānam̐ sātisayo. Tena vuttam̐ “**tatrimāni ratanāni, seyyathidam̐? Cattāro satipaṭṭhānā**”ti-ādi.

Ārammaṇe okkanditvā upaṭṭhānatṭhena paṭṭhānam̐, satiyeva paṭṭhānam̐ **satipaṭṭhānam̐**. Ārammaṇassa pana kāyādivasena catubbidhattā vuttam̐ “**cattāro satipaṭṭhā nā**”ti. Tathā hi kāyavedanācittadhammesu subhasukhanicca-attasaññānam̐ pahānato asubhadukkhāniccānattabhāvaggahaṇato ca nesam̐ kāyānupassanādībhāvo vibhatto.

Sammā padahanti etena, sayam̐ vā sammā padahati, pasattham̐ sundaram̐ vā padahananti **sammappadhānam̐**, puggalassa vā sammadeva padhānabhāvakarāṇato **sammappadhānam̐**, vīriyassetam̐ adhivacanam̐. Tampi anuppannuppannānam̐ akusalānam̐ anuppādanapahānavasena anuppannuppannānam̐ kusalānam̐ uppādanaṭṭhāpanavasena ca catukiccasādhakattā vuttam̐ “**cattāro sammappadhānā**”ti.

Ijjhatīti **iddhi**, samijjhati nipphajjatīti attho. Ijjhanti tāya vā sattā iddhā vuddhā ukkaṃsagatā hontīti **iddhi**. Paṭhamena atthena iddhi eva pādo **iddhipādo**, iddhikoṭṭhā soti attho. Dutiyena atthena iddhiyā pādo patitṭhā adhigamupāyoti **iddhipādo**. Tena hi uparūparivisesasaṅkhātam̐ iddhim̐ pajjanti pāpuṇanti. Svāyam̐ iddhipādo yasmā chandā dīke cattāro adhipatidhamme dhure jeṭṭhake katvā nibbattiyati, tasmā vuttam̐ “**cattāro iddhipādā**”ti.

1. Dī-Ṭṭha 2. 35 piṭṭhepi.

Pañcendriyānīti saddhādīni pañca indriyāni. Tattha assaddhiyaṃ abhibhavitvā adhimokkhalakkhaṇe indaṭṭhaṃ kāretīti **saddhā indriyaṃ**. Kosajjaṃ abhibhavitvā paggalalakkhaṇe, pamādaṃ abhibhavitvā upaṭṭhānalakkhaṇe, vikkhepaṃ abhibhavitvā avikkhepalakkhaṇe, aññāṇaṃ abhibhavitvā dassanalakkhaṇe indaṭṭhaṃ kāretīti **paññā indriyaṃ**.

Tāniyeva assaddhiyādīhi anabhibhavanīyato akampiyaṭṭhena sampayutta dhammesu thirabhāvena ca **balāni** veditabbāni.

Satta bojjaṅgāti bodhiyā, bodhissa vā aṅgāti **bojjaṅgā**. Yā hi esā dhammasāmaggī, yāya lokuttaramaggakkhaṇe uppajjamānāya līnuddhaccapatiṭṭhānā yūhanakāmasukhattakilamathānuyoga-ucchedasassatābhīnivesādīnaṃ anekesaṃ upaddavānaṃ paṭipakkhabhūtāya satidhammavicayavīriyapītipassaddhisamādhi-upekkhā saṅkhātāya dhammasāmaggiyā ariyasāvako bujjhati kilesaniddāya uṭṭhahati, cattāri vā ariyasaccāni paṭivijjhati, nibbānameva vā sacchikarotīti “**bodhī**”ti vuccati, tassā dhammasāmaggisāṅkhātāya bodhiyā aṅgāti **bojjaṅgā** jhānaṅgamaggaṅgādayo viya. Yopesa vuttappakārāya dhammasāmaggiyā bujjhatīti katvā ariyasāvako “**bodhī**”ti vuccati, tassa bodhissa vā aṅgātipi **bojjaṅgā** senaṅgarathaṅgādayo viya. Tenāhu porāṇā “bujjhanakassa puggalassa aṅgāti bojjaṅgā”ti¹, “bodhāya samvattantīti bojjaṅgā”ti-ādinā² nāyēnapi bojjaṅgaṭṭho veditabbo.

Ariyo aṭṭhaṅgiko maggoti taṃ taṃmaggavajjhehi kilesehi ārakattā ariyabhāvakarattā ariyaphalapaṭilābhakarattā ca **ariyo**. Sammādiṭṭhi-ādīni aṭṭhaṅgāni assa atthi, aṭṭha ṅāniyeva vā **aṭṭhaṅgiko**. Mārento kilese gacchati, nibbānatthikehi vā maggīyati, sayāṃ vā nibbānaṃ maggatīti **maggoti** evametesāṃ satipaṭṭhānādīnaṃ atthavibhāgo veditabbo.

Sotāpannoti maggasāṅkhātāṃ sotaṃ āpajjitvā pāpuṇitvā ṭhito, sotāpattiphalatṭhoti attho. **Sotāpattiphalasacchikiriyāya patipannoti** sotāpattiphalassa attapaccakkhakarāṇatthāya paṭipajjamāno

1. Saṃ-Ṭṭha 3. 176; Abhi-Ṭṭha 2. 296; Paṭisaṃ-Ṭṭha 1. 118 piṭṭhesu.

2. Khu 9. 302 piṭṭhe.

paṭhamamaggaṭṭho, yo aṭṭhamakotipi vuccati. **Sakadāgāmī**ti sakideva imaṃ lokam paṭisandhiggahaṇavasena āgamanasīlo dutiyaphalaṭṭho. **Anāgāmī**ti paṭisandhiggahaṇa vasena kāmaloḥam anāgamanasīlo tatiyaphalaṭṭho. Yo pana saddhānusārī dhammānusārī ekabījīti evamādiko ariyapuggalavibhāgo, so tesamyeva bhedoti. Sesam vuttanayameva.

Etamattham viditvāti etam attano dhammavinaye matakuṇapasadisena dussīla puggalena saddhim samvāsābhāvasaṅkhātam attham viditvā. **Imam udānanti** imam asaṃvāsārahasaṃvāsārahabhāvānam kāraṇaparidīpanam udānam udānesi.

Tattha **channamativassatī**ti āpattim āpajjitvā paṭicchādentō aññam navam āpattim āpajjati, tato aparanti evam āpattivassam kilesavassam ativiya vassati. **Vivaṭam nātivassatī**ti āpattim āpanno tam appaṭicchādetvā vivaranto sabrahmacārīnam pakāsentō yathādhammam yathāvinayam paṭikaronto desentō vuṭṭhahantō aññam navam āpattim nāpajjati, tenassa tam vivaṭam puna āpattivassam kilesavassam na vassati. Yasmā ca etadeva, tasmā **channam** chāditaṃ āpattim vivaretha. **Evam tam nātivassatī**ti evam sante tam āpattim āpajjanapuggalānam atabhāvam ativiḥhitvā kilesavassanena na vassati na temeti, evam so kilesehi anavassuto parisuddhasīlo samāhito hutvā vipassanam paṭṭhapetvā sammasantō anukkamena nibbānam pāpuṇātīti adhippāyo.

Imasmim dhammavinaye aṭṭhacchariyakathāvaṇṇanā niṭṭhitā.

Pātimokkhasavanārahakathāvaṇṇanā

386. Atha bhagavā cintesi “idāni bhikkhusaṅghe abbudo jāto, aparisuddhā puggalā uposatham āgacchanti, na ca tathāgato aparisuddhāya parisāya uposatham uddisati, anuddisante ca bhikkhusaṅghassa uposatho pacchijjati, yannūnāham ito paṭṭhāya bhikkhūnaññeva pātimokkhuddesam anujāneyyan”ti, evam pana cintetvā bhikkhūnaññeva pātimokkhuddesam

anujāni. Tena vuttaṃ “**atha kho bhagavā -pa- pātimokkhaṃ uddiseyyāthā**”ti. Tattha **nadānāhanti** na idāni ahaṃ. Uposathaṃ na karissāmi, pātimokkhaṃ na uddisissāmīti paccekaṃ **na**-kārena sambandho. Duvidhaṃ pātimokkhaṃ āṇāpātimokkhaṃ ovādapāti mokkhanti. Tesu “suṇātu me bhante”ti-ādikaṃ **āṇāpātimokkhaṃ**, taṃ sāvakaṃ uddisanti, na buddhā, yaṃ anvaddhamāsaṃ uddisīyati. “Khaṇṭī paramaṃ -pa-. Sabbapāpassa akaraṇaṃ -pa-. Anupavādo anupaghāto -pa- etaṃ buddhāna sāsanaṃ”ti¹ imā pana tisso gāthā **ovādapātimokkhaṃ** nāma, taṃ buddhāva uddisanti, na sāvakaṃ. Channampi vassānaṃ accayena uddisanti. Dīghāyukabuddhānañhi dharamānakāle ayameva pātimokkhuddeso, appāyukabuddhānaṃ pana paṭhamabodhiyaṃyeva, tato paraṃ itaro, tañca kho bhikkhū eva uddisanti, na buddhā. Tasmā amhākampi bhagavā vīsativassamattaṃ imaṃ ovādapātimokkhaṃ uddisitvā imaṃ antarāyaṃ disvā tato paraṃ na uddisi.

Aṭṭhānanti akāraṇaṃ. **Anavakāso**ti tasseva vevacanaṃ. Kāraṇaṃhi tiṭṭhati ettha phalaṃ tadāyattavuttitāyāti “ṭhānaṃ”ti vuccati, evaṃ “avakāso”tipi vuccati. **Yanti** kiriyā parāmasanaṃ. **Na ca bhikkhave sāpattikena pātimokkhaṃ sotabbanti**-ādi padatthato suviññeyyaṃ. Vinicchayato panettha yaṃ vattabbaṃ, taṃ aṭṭhakathāya vuttameva. Tattha **pure vā pacchā vā**ti ñattito pubbe vā pacchā vā.

Dhammikādhammikapātimokkhaṭṭhapanakathāvaṇṇanā

387. **Katañca akatañca ubhayaṃ gahetvā**ti yassa ekantena katāpi atthi, akatāpi atthi, tassa tadubhayaṃ gahetvā.

Dhammikapātimokkhaṭṭhapanakathāvaṇṇanā

389. **Parisā vuṭṭhātī**ti yasmiṃ vatthusmiṃ pātimokkhaṃ ṭhapitaṃ, taṃ vatthuṃ avinicchinitvā kenaci antarāyena vuṭṭhātī.

393. **Paccādiyātī**ti pati ādiyati, “akataṃ kamman”ti-ādinā puna ārabhatīti attho.

1. Dī 2. 42; Khu 1. 41 piṭṭhesu.

Attādāna-aṅgathāvaṇṇanā

398. Paraṃ codetuṃ attanā ādāttabbaṃ gahettabbaṃ adhikaraṇaṃ attādānaṃ. Tenāha “sāsaṇaṃ sodhetukāmo”ti-ādi. Vassārattoti vassakālo.

Codakena paccavekkhitabbadhammakathāvaṇṇanā

399. Paṭimāsītunti parāmasitūṃ. Palibodhe chinditvā -pa- adhigataṃ mettacittanti iminā appanāpattaṃ mettābhāvaṇaṃ dasseti. Tenevāha “vikkhambhana vasena vihatāghātan”ti.

Codakena upaṭṭhāpetabbadhammakathāvaṇṇanā

400. No dosantaroti ettha cittapariyāyo antara-saddoti āha “na duṭṭhacitto hutvā”ti.

Codakacuditakapaṭisaṃyuttakathāvaṇṇanā

401. Karuṇanti appanāpattaṃ karuṇajjhānaṃ. Karuṇāpubbabhāganti parikammupacārasappavattaṃ karuṇaṃ. Mettañca mettāpubbabhāgañcāti etthāpi eseva nayo. Sesamettha suviññeyyamevāti.

Pātimokkhaṭṭhapanakkhandhakavaṇṇanā niṭṭhitā.

10. Bhikkhunikkhandhaka

Mahāpajāpatigotamīvatthukathāvaṇṇanā

402. Bhikkhunikkhandhake **sakkesu viharatī**¹ paṭhamagamanena gantvā viharati. **Mahāpajāpati gotamī**ti ettha **gotamī**ti gottamī. Nāmakaraṇadivase panassā laddhasakkārā brāhmaṇā lakkhaṇasampattim diṣvā “sace ayaṃ dhītaraṃ labhissati, cakka vattirañño mahesī bhavissati. Sace puttāṃ labhissati, cakkavattirājā bhavissatīti ubhayathāpi mahatīyevassā pajā bhavissatī”ti byākarimsu, tasmā puttapajāya ceva dhītupajāya ca mahantatāya “mahāpajāpatī”ti nāmaṃ akaṃsu, idha pana gottena saddhim saṃsanditvā “mahāpajāpati gotamī”ti vuttam. **Yena bhagavā tenupasaṅkamī**ti bhagavā kapilapuraṃ gantvā paṭhamameva nandaṃ pabbājesi, sattame divase rāhulakumāraṃ. **Cumbaṭakakalahe**² pana ubhayanagaravāsikesu yuddhatthāya nikkhantesu satthā gantvā te rājāno saññāpetvā **attadaṇḍasuttam**³ kathesi. Rājāno pasīditvā aḍḍhateyyasate aḍḍhateyyasate dārake adamsu. Tāni pañca kumārasatāni satthu santike pabbajimsu. Atha nesaṃ pajāpatiyō sāsanaṃ pesetvā anabhiratiṃ uppādayimsu. Satthā tesam anabhi ratiyā uppanabhāvaṃ ñatvā te pañcasate daharabhikkhū kuṇāladahaṃ netvā attano kuṇālakāle nisinnapubbe pāsānatale nisīditvā **kuṇālaṭṭakakathāya**⁴ tesam anabhiratiṃ vinodetvā sabbepe te sotāpattiphale patiṭṭhāpesi, puna mahāvanaṃ ānetvā arahattaphale. Tesam cittajānanattham punapi pajāpatiyō sāsanaṃ paṇiṇimsu. Te “abhabbā mayam gharāvāsassā”ti paṭisāsanaṃ paṇiṇimsu. Tā “na dāni amhākaṃ paragharaṃ gantuṃ yuttam, mahāpajāpatiyā santikaṃ gantvā pabbajjam anujānāpetvā pabbajissāmā”ti pañca satāpi mahāpajāpatiṃ upasaṅkamitvā “ayye amhākaṃ pabbajjam anujānāpethā”ti āhaṃsu. Mahāpajāpati ca tā itthiyo gahetvā yena bhagavā tenupasaṅkami, setacchattassa heṭṭhā rañño parinibbutakāle upasaṅkamītipi vadantiyeva. **Pakkāmī**ti puna kapilapurameva pāvīsi.

1. Am-Ṭṭha 3. 235 piṭṭhādīsipi passitabbaṃ.

3. Khu 1. 424 piṭṭhe.

2. Cumbatakalahe (Syā, Ka)

4. Khu 6. 113 piṭṭhe.

Yathābhirantaṃ viharitvāti bodhaneyyasattānaṃ upanissayaṃ olokeno yathājjhāsayena viharitvā. **Cārikaṃ pakkāmī**ti mahājanasaṅgahaṃ karonto uttamāya buddhasiriyā anopamena buddhaviḷāsena aturitacārikaṃ pakkāmi. **Sambahulāhi sākiyānihi saddhinti** antonivesanasmiṃyeva dasabalaṃ uddissa pabbajjāvesaṃ gahetvā tāpi pañcasatā sākiyāniyo pabbajjāvesaṃyeva gāhāpetvā sabbāhipi tāhi sambahulāhi sākiyā nihi saddhim. **Pakkāmī**ti gamanaṃ abhinīhari. Gamanābhiniharaṇakāle panassā “sukumārā rājittihyo padasā gantuṃ na lakkhissantī”ti sākiyakoliyarājāno suvaṇṇasivikāyo upaṭṭhāpayiṃsu, tā pana “yāne āruyha gacchantīhi satthari agāravo kato hotī”ti ekapaṇṇāsayojanikaṃ maggaṃ padasāva paṭipajjiṃsu. Rājānopi purato ca pacchato ca ārakkhaṃ saṃvidahāpetvā taṇḍulasappitelādīnaṃ sakaṭāni pūretvā “gatagataṭṭhāne āhāraṃ paṭiyādethā”ti purise pesayiṃsu. **Sūnehi pādehī**ti tāsāṃ hi sukhumālattā pādesu eko phoṭo uṭṭheti, eko bhijjati, ubho pādā kaṭakaṭṭhisamparikiṇṇā viya hutvā uddhumātā. Tena vuttaṃ “sūnehi pādehī”ti. **Bahidvārakoṭṭhake**ti dvārakoṭṭhakassa bahi. Kasmā panevaṃ ṭhitāti? Evaṃ kirassā ahosi “aham tathāgatena anuññātā sayameva pabbajjā vesāṃ aggahesiṃ, evaṃ gahitabhāvo ca pana me sakalajambudīpe pākato jāto, sace satthā pabbajjaṃ anujānissati, iccetaṃ kusalaṃ. Sace nānujānissati, mahatī garahā bhavissati”ti vihāraṃ pavisitum asakkontī rodamānā aṭṭhāsi. **Kim nu¹ tvaṃ gotamī**ti kim nu rājakulānaṃ vipatti uppannā, kena nu tvaṃ kāraṇena evaṃ vivaṇṇabhāvaṃ pattā sūnehi pādehi -pa- ṭhitāti.

Aññenapi pariyāyenāti aññenapi kāraṇena. **Āpādikāti** saṃvaḍḍhikā, tumhākaṃ hatthapādesu hatthapādakiccaṃ asādhentesu hatthe ca pāde ca vaḍḍhetvā paṭijaggikāti attho. **Posikāti** divasassa dve tayo vāre nahāpetvā bhojetvā pāyetvā tumhe posesi. **Thaññaṃ pāyesī**ti nandakumāro kira bodhisattato katipāheneva daharataro. Tasmim jāte mahāpajāpati attano puttaṃ dhātīnaṃ

1. Kissa (Pāliyam) Am 3. 102 piṭṭhe passitabbaṃ.

datvā sayam bodhisattassa dhātikiccam sādhayamānā attano thaññaṃ pāyesi. Tam sandhāya thero evamāha. **Sādhu bhanteti** “bahukārā”ti-ādīhi tassā guṇam kathetvā puna pabbajjam yācanto evamāha.

Mahāpajāpatigotamīvatthukathāvaṇṇanā niṭṭhitā.

Aṭṭhagarudhammakathāvaṇṇanā

403. Satthāpi “itthiyo nāma parittasaddhā¹, ekāyācitamatteyeva pabbajjāya anuññātāya na mama sāsanaṃ garuṃ katvā gaṇhissanti”ti tikkhattuṃ paṭikkhipitvā idāni garuṃ katvā gāhāpetukāmatāya “**sace ānanda mahāpajāpati gotamī aṭṭha garudhamme paṭiggaṇhāti, sāvassā hotu upasampadā**”ti-ādimāha. Tattha **sāvassāti** sā eva assā pabbajjāpi upasampadāpi hotu.

Tadahupasampannassāti taṃ divasampi upasampannassa. **Abhivādanam paccuṭṭhānam añjalikammaṃ sāmīcikkammaṃ kātabbanti** mānatimānam akatvā pañcapaṭiṭṭhitena abhivādanam, āsanā uṭṭhāya paccuggamanavasena paccuṭṭhānam, dasanakhe samodhānetvā añjalikammaṃ, āsanapaññāpanabijanādikaṃ anucchavikakammasaṅkhātam sāmīcikkammaṃ kattabbaṃ. **Abhikkhuke āvāseti** yattha vasantiyā anantarāyena ovādatthāya upasaṅkamanārahe ṭhāne ovādadāyako ācariyo natthi, ayaṃ abhikkhuko āvāso nāma, evarūpe āvāse vassam na upagantabbaṃ. **Anvaddhamāsanti** anuposathikaṃ. **Ovādūpasaṅkamananti** ovādatthāya upasaṅkamanam. **Diṭṭhenāti** cakkhunā diṭṭhena. **Sutenāti** sotena sutena. **Parisaṅkāyāti** diṭṭhasutavasena parisaṅki tena. **Garudhammanti** garukaṃ saṅghādisesāpattim. **Pakkhamānattanti** anūnāni pannarasa divasāni mānattam. **Chasu dhammesūti** vikālabhojanacchaṭṭhesu sikkhā padesu. **Sikkhitasikkhāyāti** ekasikkhampi akhaṇḍam katvā pūritasikkhāya.

Na akkositabbo na paribhāsitabboti dasannaṃ akkosavatthūnam aññātarena akkosavatthunā na akkositabbo, bhayupadaṃsanāya²

1. Parittasattā (Syā), parittapaññā (Am-Ṭṭha 3. 236 piṭṭhe.)

2. Bhassaparamparāya (Ka)

kāyaci paribhāsāya na paribhāsitaḅbo. **Ovaṭo bhikkhunīnaṃ bhikkhūsu vacanapathoti** ovādānusāsānidhammakathāsāṅkhāto vacanapatho bhikkhunīnaṃ bhikkhūsu ovaṭo pihito, na bhikkhuniyā koci bhikkhu ovaditabbo vā anusāsitaḅbo vā, “bhante porāṇakattherā idaṅcīdaṅca vattaṃ pūrayimsū”ti evaṃ pana paveṇivasena kathetuṃ vaṭṭati. **Anovaṭo bhikkhūnaṃ bhikkhunīsūti** bhikkhūnaṃ pana bhikkhunīsu vacanapatho anivārito, yathāruciya ovadantu anusāsantu dhammakathaṃ kathentūti ayamettha saṅkhepo, vitthārato panesā garudhammakathā mahāvibhaṅge¹ vuttanayeneva veditabbā.

Ime pana aṭṭha garudhamme satthu santike uggahetvā therena attano ārociyamāne sutvā mahāpajāpatiya tāvamahantaṃ domanassaṃ khaṇena paṭippassambhi. Anotattadahato āhaṭena sītudakassa ghaṭasatena matthake parisittā viya vigataparilāhā attamanā hutvā garudhammapaṭiggahaṇena uppannapītipāmojjaṃ āvi karontī “**seyyathāpi bhante**”ti-ādikaṃ udānaṃ udānesi. Tattha **daharoti** taruṇo. **Yuvāti** yobbaññabhāve ṭhito. **Maṇḍanakajātikoti** alaṅkārasabhāvo. Tattha koci taruṇopi yuvā na hoti yathā atitaruṇo. Koci yuvāpi maṇḍanakajātiko na hoti yathā upasantasabhāvo ālasiyabyasānā dīhi vā abhibhūto, idha pana daharo ceva yuvā ca maṇḍanakajātiko ca adhippeto, tasmā evamāha. Uppalādīni lokasammatattā vuttāni. Ito paraṃ yaṃ yaṃ vattabbaṃ, taṃ taṃ aṭṭhakathāyaṃ dassitameva.

Tattha **mātugāmassa pabbajitattāti** idaṃ pañcavassasatato uddhaṃ aṭṭhatvā pañcasuyeva vassasatesu saddhammaṭṭhitiyā kāraṇanidassanaṃ. **Paṭisambhidāpabheda ppattakhīṇāsavavaseneva vuttanti** ettha “paṭisambhidāpattakhīṇāsavaggahaṇena jhānānīpi gahitāneva honti. Na hi nijjhānakānaṃ sabbappakārasampatti ijjaṭṭi”ti **gaṇṭhi padesu** vuttaṃ. **Sukkhavipassakakhīṇāsavavasena vassasahassanti-ādinā** ca yaṃ vuttaṃ. Taṃ khandhakabhāṇakānaṃ matena vuttanti veditabbāṃ. **Dīghanikāyaṭṭhakathāyaṃ**² pana evaṃ vutta—

1. Vi-Ṭṭha 3. 58 piṭṭhādīsu.

2. Dī-Ṭṭha 3. 83 piṭṭhe.

“Paṭisambhidāpattehi vassasahassam aṭṭhāsi, chaḷabhiññehi vassasahassam, tevijjehi vassasahassam, sukkhavipassakehi vassasahassam, pātimokkhena vassasahassam aṭṭhāsi”ti.

Aṅguttaranikāyaṭṭhakathāyampi¹—

“Buddhānam hi parinibbānato vassasahassameva paṭisambhidā nibbattetum sakkonti, tato param cha abhiññā, tato tāpi nibbattetum asakkontā tisso vijjā nibbattenti, gacchante gacchante kāle tāpi nibbattetum asakkontā sukkhavipassakā honti. Eteneva upāyena anāgāmino sakadāgāmino sotāpannā”ti—

vuttam.

Saṃyuttanikāyaṭṭhakathāyam² pana—

“Paṭhamabodhiyam hi bhikkhū paṭisambhidāpattā ahesum. Atha kāle gacchante paṭisambhidā pāpuṇitum na sakkhimsu, chaḷabhiññā ahesum, tato cha abhiññā pattum asakkontā tisso vijjā pāpuṇimsu. Idāni kāle gacchante tisso vijjā pāpuṇitum asakkontā āsavakkhayamattam pāpuṇissanti, tampi asakkontā anāgāmi phalam, tampi asakkontā sakadā gāmi phalam, tampi asakkontā sotāpatti phalam, gacchante kāle sotāpatti phalampi pattum na sakkhissanti”ti—

vuttam.

Yasmā cetam sabbam aññamaññapaṭiviruddham, tasmā tesam tesam bhāṇakānam matameva ācariyena tattha tattha dassitanti gahetabbam. Aññathā hi ācariyasveva pubbā paravirodhappasaṅgo siyāti.

Tānīyevāti tānīyeva pañca vassasahassāni. Pariyattimūlakam sāsanti āha “**na hi pariyattiyā asati paṭivedho atthi**”ti-ādi. Pariyattiyā hi antarahitāya paṭipatti antaradhāyati, paṭipattiyā antarahitāya adhigamo antaradhāyati. Kim kāraṇā? Ayañhi

1. Am-Ṭṭha 1. 67 piṭṭhe.

2. Saṃ-Ṭṭha 2. 187 piṭṭhe.

pariyatti paṭipattiyā paccayo hoti, paṭipatti adhigamassa, iti paṭipattitopi pariyattiyeva pamāṇaṃ. Tattha paṭivedho ca paṭipatti ca hotipi na hotipi. Ekasmiñhi kāle paṭivedha karā bhikkhū bahū honti, “esa¹ bhikkhu puthujjano”ti aṅgulim pasāretvā dassetabbo hoti, imasmiṃyeva dīpe ekavāraṃ puthujjanabhikkhu nāma nāhosi. Paṭipattipūrakāpi kadāci bahū honti, kadāci appā, iti paṭivedho ca paṭipatti ca hotipi na hotipi. Sāsanaṭṭhitiyā pana pariyattiyeva pamāṇaṃ. Paṇḍito hi tepiṭakaṃ sutvā dvepi pūreti. Yathā amhākaṃ bodhisatto āḷārassa santike pañcābhiññā satta ca samāpattiyō nibbattetvā nevasaññānā saññāyatanasamāpattiyā parikammaṃ pucchi, so “na jānāmi”ti āha, tato udakassa santikaṃ gantvā adhigatavisesaṃ saṃsanditvā nevasaññānāsaññāyatanassa parikammaṃ pucchi, so ācikkhi, tassa vacanasamanantameva mahāsatto taṃ sampādesi, evameva paññavā bhikkhu pariyattim sutvā dvepi pūreti, tasmā pariyattiyā ṭhitāya sāsanaṃ ṭhitaṃ hoti. Yathāpi mahato taḷākassa pāliyā thirāya udakaṃ na ṭhassatīti na vattabbaṃ, uduke sati padumādīni pupphāni na pupphissantīti na vattabbaṃ, evameva mahātaḷākassa thirapāḷisadise tepiṭake buddhavacane sati mahātaḷāke udakasadisā paṭipattipūrakā kulaputtā natthīti na vattabbaṃ, tesu sati mahātaḷāke padumādīni pupphāni viya sotāpannādayo ariyapuggalā natthīti na vattabbaṃ. Evaṃ ekantato pariyattiyeva pamāṇaṃ.

Pariyattiyā antarahitāyāti ettha pariyattīti² tepiṭakaṃ buddhavacanaṃ sāṭṭhakathā pāḷi. Yāva sā tiṭṭhati, tāva pariyatti paripuṇṇā nāma hoti. Gacchante gacchante kāle kaliyugarājāno adhammikā honti, tesu adhammikesu tesampi amaccādayo adhammikā honti, tato raṭṭhajanapadavāsinoti tesaṃ adhammikātāya na devo sammā vassati, tato sassāni na sampajjanti, tesu asampajjantesu paccayadāyakā bhikkhu saṃghassa paccaye dātuṃ na sakkonti, bhikkhū paccayehi kilamantā antevāsike saṅga hetuṃ na sakkonti. Gacchante gacchante kāle pariyatti parihāyati, atthavasena dhāretuṃ na sakkonti,

1. Na esa (Syā)

2. Am-Ṭṭha 1. 68 piṭṭhādīsūpi passitabbaṃ.

pāḷivaseneva dhārenti. Tato kāle gacchante pāḷimpi sakalaṃ dhāretuṃ na sakkonti, paṭhamam abhidhammapiṭakam parihāyati, parihāyamānam matthakato paṭṭhāya parihāyati. Paṭhamameva hi mahāpakaraṇam parihāyati, tasmim parihīne yamakam, kathāvatthu, puggalapaññatti, dhātukathā, vibhaṅgo, dhammasaṅgahoti.

Evam abhidhammapiṭake parihīne matthakato paṭṭhāya suttantapiṭakam parihāyati. Paṭhamañhi aṅguttaranikāyo parihāyati, tasmimpi paṭhamam ekādasaka nipāto -pa- tato ekakanipātoti. Evam aṅguttaranikāye parihīne matthakato paṭṭhāya saṃyuttanikāyo parihāyati. Paṭhamañhi mahāvaggo parihāyati, tato saḷāyatanavaggo, khandhakavaggo, nidānavaggo, sagāthāvaggoti. Evam saṃyuttanikāye parihīne matthakato paṭṭhāya majjhimanikāyo parihāyati. Paṭhamañhi uparipañṇāsako parihāyati, tato majjhimapañṇāsako, tato mūlapañṇāsakoti. Evam majjhimanikāye parihīne matthakato paṭṭhāya dīghanikāyo parihāyati. Paṭhamañhi pāthikavaggo parihāyati, tato mahāvaggo, tato sīlakkhandhavaggoti. Evam dīghanikāye parihīne suttantapiṭakam parihīnam nāma hoti. Vinayapiṭakena saddhim jātakameva dhārenti. Vinayapiṭakam hi lajjino dhārenti, lābhakāmā pana “suttante kathitepi sallakkhentā natthi”ti jātakameva dhārenti. Gacchante kāle jātakampi dhāretuṃ na sakkonti. Atha nesam paṭhamam vessantara jātakam parihāyati, tato paṭilomakkamena puṇṇakajātakam, mahānāradaajātakanti pariyo sāne apañṇakajātakam parihāyati, vinayapiṭakameva dhārenti.

Gacchante kāle tampi matthakato paṭṭhāya parihāyati. Paṭhamañhi parivāro parihāyati, tato khandhako, bhikkhunīvibhaṅgo, mahāvibhaṅgoti anukkamena uposathakkhandhakamattameva dhārenti. Tadāpi pariyatti anantarahitāva hoti. Yāva pana manussesu catuppadikagāthāpi pavattati, tāva pariyatti anantarahitāva hoti. Yadā saddho pasanno rājā hatthikkhandhe suvaṇṇacaṅkoṭakamhi sahasatthavikam ṭhapāpetvā “buddhehi kathitam catuppadikam gātham jānanto imam sahasam gaṇhatū”ti nagare bherim carāpetvā gaṇhanakam alabhitvā “ekavāram carāpite nāmam suṇantāpi honti asuṇantāpi”ti yāvatatiyam carāpetvā gaṇhanakam alabhitvā

rājapurisā sahasatthavikaṃ puna rājakulaṃ pavesenti, tadā pariyatti antarahitā nāma hoti.

Ciraṃ pavattissatīti pariyattiyā antarahitāyapi liṅgamattaṃ addhānaṃ pavattissati. Kathaṃ? Gacchante gacchante hi kāle cīvaraggahaṇaṃ pattaggahaṇaṃ samiñjanapasāraṇaṃ ālokitavilokitaṃ na pāsādikaṃ hoti, nigaṇṭhasamaṇā viya alābu pattaṃ bhikkhū pattaṃ aggabāhāya parikkhipitvā ādāya vicaranti, ettāvatāpi liṅgaṃ anantarahitameva hoti. Gacchante pana kāle aggabāhato otāretvā hatthena vā sikkāya vā olambetvā¹ vicaranti, cīvarampi rajanasārappaṃ akatvā oṭṭhatṭhivaṇṇaṃ katvā rajanti. Gacchante kāle rajanampi na hoti, dasacchindanaṃ ovaṭṭikāvijjanaṃ kappamattañca katvā vaḷañjanti, puna ovaṭṭikaṃ vijjhivā kappam na karonti. Tato ubhayampi akatvā dasā chetvā paribbājakā viya caranti. Gacchante kāle “ko iminā amhākaṃ attho”ti khuddakaṃ kāsāvakaṇḍaṃ hatthe vā gīvāyaṃ vā bandhanti, kesesu vā alliyāpenti, dārabharaṇaṃ karontā kasitvā vapitvā jīvikaṃ kappetvā vicaranti, tadā dakkhiṇaṃ dento jano saṃghaṃ uddissa etesampi deti. Idaṃ sandhāya bhagavatā vuttaṃ “bhavissanti kho panānanda anāgatamaddhānaṃ gotrabhuno kāsāvakaṇṭhā dussilā pāpadhammā, tesu dussilesu saṃghaṃ uddissa dānaṃ dassanti, tadāpāhaṃ ānanda saṃghagataṃ dakkhiṇaṃ asaṅkhyeyyaṃ appameyyaṃ vadāmi”ti². Tato gacchante kāle nānāvīdhāni kammāni karontā “papañco esa, kiṃ iminā amhākaṃ”ti kāsāvakaṇḍaṃ chinditvā araṇṇe khipanti, tasmim kāle liṅgaṃ antarahitaṃ nāma hoti. Kassapadasabalassa kira kālato paṭṭhāya yonakānaṃ setavatthāni pārūpitvā caraṇacārittaṃ jātaṃ. Evaṃ pariyattiyā antarahitāyapi liṅgamattaṃ ciraṃ pavattissatīti vedītabbaṃ.

Aṭṭhagarudhammakathāvaṇṇanā niṭṭhitā.

1. Olambitvā (Syā)

2. Ma 3. 299 piṭṭhe.

Bhikkhunī-upasampannānujānanakathāvaṇṇanā

404-405. **Yadaggenāti** yaṃ divasaṃ ādiṃ katvā. **Tadevāti**¹ tasmiññeva divase. **Anuññattiyāti**² anuññāya. **Ekāhaṃ bhante ānanda bhagavantam varam yācāmīti** “evameva kho ahaṃ bhante ānanda ime aṭṭha garudhamme paṭiggaṇhāmi yāvajjivam anatikkamanīye”ti paṭijānitvā idāni kasmā varam yācatīti ce? Parūpavādavivajjanattham. Evañhi keci vadeyyum “mahāpajāpatiyā paṭhamaṃ sampaṭicchitattā bhikkhūnaṃ bhikkhunīnañca yathāvuddham abhivādanam nāhosi, sā ce varam yāceyya, bhagavā anujāneyyā”ti.

406. **Sarāgāyāti** sarāgabhāvāya kāmarāgabharāgaparibrūhanāya. **Saññogāyāti** vaṭṭe saṃyojanatthāya. **Ācayāyāti** vaṭṭassa vadḍhanatthāya. **Mahicchatāyāti** mahicchabhāvāya. **Asantuṭṭhiyāti** asantuṭṭhibhāvāya. **Saṅgaṇikāyāti** kilesasaṅgaṇaṅaṇasaṅgaṇavihārāya. **Kosajjāyāti** kusītabhāvāya. **Dubbharatāyāti** dupposatāya. **Virāgāyāti** sakalavaṭṭato virājanatthāya. **Visaññogāyāti** kāmarāgādīhi viśaṃyujjanatthāya. **Apacayāyāti** sabbassapī vaṭṭassa apacayatthāya, nibbānāyāti attho. **Appicchatāyāti** paccayappicchatādivasena sabbaso icchāpagamāya. **Santuṭṭhiyāti** dvādasavidhasantuṭṭhibhāvāya. **Pavivekāyāti** pavivittabhāvāya kāyavivekāditadaṅgavivekādivivekasiddhiyā. **Vīriyārambhāyāti** kāyikassa ceva cetāsikassa ca vīriyassa paggaṇhanatthāya. **Subharatāyāti** sukhaṇṇasanatthāya³. Evaṃ yo pariyattidhammo uggaṇṇadhāraṇaparipucchāmanasikāravasena yoniso paṭipajjantassa sarāgādibhāvaparivajjanassa kāraṇam hutvā virāgādibhā vāya saṃvattati, ekaṃsato **eso dhammo, eso vinayo** sammadeva apāyādīsu apatanavasena dhāraṇato kilesānaṃ vinayanato, satthu sammāsambuddhassa ovādānusiṭṭhibhāvato **etaṃ satthusāsananti dhāreyyāsi jāneyyāsi**, avabujjheyyāsitī attho. Imasmiṃsutte paṭhamavāreṇa vaṭṭam, dutiyavāreṇa vivaṭṭam kathitam.

1. Tadāvāti (Syā) 2. Anupaññattiyāti (Aṭṭhakathāyam) 3. Suṭṭhuposanatthāya (Ka)

409-410. **Vimānetvā** aparajjhivā. **Kammappattāyopī**ti kammārahāpi. **Āpatti gāminiyopī**ti āpatti-āpannāyopi. **Vuttanayeneva kāretabbatam āpajjantī**ti tathākaraṇassa paṭikkhittatā dukkaṭena kāretabbatam āpajjanti.

413-5-7. **Dve tisso bhikkhuniyoti** dvīhi tīhi bhikkhunihi. **Na ārocentī**ti pātimokkhuddesakassa na ārocenti. **Na paccāharantī**ti bhikkhunīnam na paccāharanti. **Visesa kanti** vattabhaṅgam¹.

420. **Tena ca bhikkhu nimantetabboti** sāmīcidassanametaṃ, na pana animantiyā āpatti.

425. **Tayo nissayeti**² senāsananiṣṣayaṃ apanetvā apare tayo nissaye³. Rukkha mūlasenāsanañhi sā na labhati.

428. **Anuvādam paṭṭhapentī**ti issariyaṃ pavattenti.

430. **Bhikkhudūtena upasampādentī**ti bhikkhuyeva dūto bhikkhudūto, tena bhikkhudūtena, bhikkhudūtaṃ katvā upasampādentīti attho.

431. **Na sammatī**ti nappahoti. **Navakammanti** navakammaṃ katvā “ettakāni vassāni vasatū”ti apaloketvā saṃghikabhūmidānaṃ.

432. **Sannisinnagabbhāti** patiṭṭhitagabbhā.

434. **Pabbajjampi na labhatī**ti titthāyatanaśāṅkantāya abhabbhāvūpagamanato na labhati. **Idam odissa anuññātam vaṭṭatī**ti ekato vā ubhato vā avassave satipi odissa anuññātattā vaṭṭati. Sesametha pāḷito aṭṭhakathāto ca suviññeyyamevāti.

Bhikkhunī-upasampannānujānanakathāvaṇṇanā niṭṭhitā.

Bhikkhunikkhandhakavaṇṇanā niṭṭhitā.

1. Pattabhaṅgam (Syā)

2. Nissayāti (Syā)

3. Nissayā (Syā)

11. Pañcasatikakkhandhaka

Saṅgītinidānakathāvaṇṇanā

437. Pañcasatikakkhandhake **pāvāya kusināranti**¹ pāvānagare piṇḍāya caritvā kusināraṃ gamissāmīti addhānamaggappaṭipanno.

Mandāravapupphaṃ gahetvāti mahācāṭippamaṇaṃ pupphaṃ āgantukadaṇḍake ṭhapetvā chattaṃ viya gahetvā. **Addasaṃ khoti** āgacchantaṃ dūratova addasaṃ. Disvā ca pana “pucchissāmi naṃ bhagavato pavattin”ti cittaṃ uppādetvā “sace kho pana nisinnakova pucchissāmi, satthari agāravo kato bhavissati”ti uṭṭhahitvā ṭhitaṭṭhānato apakkamma chaddanto nāgarājā maṇicammaṃ viya dasabaladattiyam meghavaṇṇapaṃsukūlacīvaraṃ pārupitvā dasana khasamodhānasamujjalaṃ aṅjalim sirasmiṃ patiṭṭhāpetvā satthari katena gāravena ājīva kassa abhimukho hutvā “apāvuso amhākaṃ satthāraṃ jānāsī”ti āha. Kim pana satthu parinibbānaṃ jānanto pucchi ajānantoti? Āvajjanappaṭibaddhaṃ khīṇāsavānaṃ jānanaṃ. Anāvajjitatta pana a jānanto pucchīti eke. Thero samāpattibahulo rattiṭṭhāna divāṭṭhānalenamaṇḍapādīsū niccaṃ samāpattiphaleneva yāpeti. Kulasantakampi² gāmaṃ pavisitvā dvāre samāpajjitvā samāpattito vuṭṭhitova bhikkhaṃ gaṇhāti. Thero kira “iminā me pacchimena attabhāvena mahājanānuggahaṃ karissāmi, ye mayhaṃ bhikkhaṃ vā denti, gandhamālādīhi vā sakkāraṃ karonti, tesāṃ taṃ mahapphalaṃ hotū”ti evaṃ karoti. Tasmā samāpattibahulatāya na jāni. Iti ajānantova pucchīti vadanti, taṃ na gahetabbaṃ. Na hettha ajānanakāraṇaṃ atthi. Abhilakkhitaṃ satthu parinibbānaṃ ahosi dasasahassilokadhātukampanādīhi nimittehi. Therassa pana parisāya kehici bhikkhūhi bhagavā diṭṭhapubbo, kehica na diṭṭhapubbo. Tattha yehi diṭṭhapubbo, tepi passitukāmāva. Yehipi adiṭṭhapubbo, tepi passitukāmāva. Tattha yehi na diṭṭhapubbo, te abhidassanakāmatāya gantvā “kuhiṃ bhagavā”ti pucchantā “parinibbuto”ti sutvā sandhāretuṃ na sakkhissanti. Cīvaraṃ chaddetvā ekavattā vā dunnivatthā vā urāni paṭipisantaṃ parodissanti. Tattha manussā “mahākassapena saddhiṃ āgatapaṃsukū likā sayampi itthiyo viya parodanti,

1. Dī-Ṭṭha 2. 189 piṭṭhādīsūpi passitabbaṃ.

2. Kulasatikampi (Syā)

te kiṃ amhe samassāsenti”ti mayhaṃ dosaṃ dassanti. Idaṃ pana suññaṃ mahāraññaṃ, idha yathā tathā rodantesu doso natthi. Purimataraṃ sutvā nāma sokopi tanuko hotīti bhikkhūnaṃ satuppādalābhatthaṃ jānantova pucchi.

Ajja sattāhaporinibbutoti ajja divasato paṭilomato sattame ahani parinibbuto. **Tato me idanti** tato samaṇassa gotamassa parinibbutaṭṭhānato. **Avītarāgāti** puthujjanā ceva sotāpannasakadāgāmino ca. Tesañhi domanassaṃ appahīnaṃ, tasmā tepi bāhā paggayha kandanti, ubho hatthe sīse ṭhapetvā rodanti. **Chinnapātaṃ papatantīti** chinnānaṃ pāto viya chinnapāto, taṃ chinnapātaṃ, bhāvanapumsakaniddeso yaṃ, majjhe chinnā viya hutvā yato vā tato vā patantīti attho. **Āvaṭṭantīti** abhimukhabhāvena vaṭṭanti. Yattha patitā, tato katipayaratanatṭhānaṃ vaṭṭanavaseneva gantvā puna yathā patitameva ṭhānaṃ vaṭṭanavasena āgacchanti. **Vivaṭṭantīti** yattha patitā, tato nivaṭṭanti, patitaṭṭhānato parabhāgaṃ vaṭṭamānā gacchantīti attho. Apica purato vaṭṭanaṃ **āvaṭṭanaṃ**, passato pacchato ca vaṭṭanaṃ **vivaṭṭanaṃ**. Tasmā dve pāde pasāretvā sakiṃ purato sakiṃ pacchato sakiṃ vāmato sakiṃ dakkhiṇato samparivaṭṭamānāpi āvaṭṭanti vivaṭṭantīti vuccanti. **Vītarāgāti** pahīnadomanassā iṭṭhāniṭṭhesu nibbikāratāya silāthambhasadisā anāgāmikhīṇāsavā. Kāmañhi domanasse asatipi ekacco rāgo hotiyeva, rāge pana asati domanassassa asambhavoyeva. Tadekaṭṭhabhāvato hi rāgappahānena pahīna domanassā vuttā, na khīṇāsavā eva.

Sabbeheva piyehīti -ādīsu piyāyitabbato **piyehi** manavaḍḍhanato **manāpehi** mātā pitābhātābhaginī-ādikehi. **Nānābhāvoti** jātiyā nānābhāvo, jāti-anurūpagamanena¹ visuṃ bhāvo, asambaddhabhāvoti attho. **Vinābhāvoti** maraṇena vinābhāvo, cutiyā tenattabhā vena apunapavattanato vippayogoti attho. **Aññathābhāvoti** bhavena aññathābhāvo, bhavantaraggahaṇena

1. Jāti-antarūpagamanena (Ka)

“kāmāvacarasatto rūpāvacaro hotī”ti-ādinā tatthāpi “manusso devo hotī”ti-ādinā ca purima kārato aññākāratāti attho. **Tanti** tasmā. **Kutettha labbhāti** kuto kuhiṃ kasmim nāma ṭhāne ettha etasmim khandhappavatte yaṃ taṃ jātāṃ -pa- mā palujjīti laddhum sakkā, na sakkā eva tādisassa kāraṇassa abhāvato. Idāṃ vuttāṃ hoti—yasmā sabbeheva piyehi manāpehi nānābhāvo, tasmā dasa pāramiyo pūretvāpi sambodhiṃ patvāpi dhammacakkaṃ pavattetvāpi yamakapāṭihāriyaṃ dassetvāpi devorohaṇaṃ katvāpi yaṃ taṃ jātāṃ bhūtaṃ saṅkhatāṃ palokadhammaṃ, taṅca tathāgatassapi sarīraṃ mā palujjīti netaṃ ṭhānaṃ vijjati, rodantenapi kandantenapi na sakkā taṃ kāraṇaṃ laddhanti.

Tena kho paṇāvuso samayena subhaddo nāma vuḍḍhapabbajitoti-ādīsu yaṃ vattabbaṃ, taṃ **nidānavañṇanāyaṃ**¹ vuttanayameva.

Saṅgītinidānakathāvāṇṇanā niṭṭhitā.

Khuddānukhuddakasikkhāpadakathāvāṇṇanā

441. **Samūhaneyyāti** ākaṅkhamāno samūhanatu, yadi icchati, samūhaneyyāti attho. Kasmā pana “samūhanathā”ti ekaṃseneva avatvā “ākaṅkhamāno samūhaneyyā”ti vikappavacaneneva bhagavā ṭhapesīti? Mahākassapassa nāṇabalassa diṭṭhattā. Passati hi bhagavā “samūhanathāti vuttepi saṅgītikāle kassapo na samūhanissatī”ti, tasmā vikappe neva ṭhapesi. Yadi asamūhananaṃ diṭṭhaṃ, tadeva ca icchitaṃ, atha kasmā bhagavā “ākaṅkhamāno samūhanatū”ti avocāti? Tathārūpapuggalajjhāsayavasena. Santi hi keci khuddānukhuddakāni sikkhāpadāni samādāya vattitum anicchanta, tesāṃ tathā avucca māne bhagavati vighāto uppajjeyya, taṃ tesāṃ bhavissati dīgharattaṃ ahitāya dukkhāya. Tathā pana vutte tesāṃ vighāto na uppajjeyya, amhākamevāyaṃ doso, yato amhesuyeva keci samūhananaṃ na

1. Sārattha-Ṭī 1. 29 piṭṭhādīsu.

icchantīti. Keci “sakalassa pana sāsanaṃ saṃghāyattabhāvakarapaṭṭhaṃ tathā vuttan”ti vadanti. Yaṃ kiñci satthārā sikkhāpadaṃ paññattaṃ, taṃ samaṇā sakyaputtiyā sirasā sampaṭicchitvā jīvitā viya rakkhanti. Tathā hi te “khuddānukhuddakāni sikkhāpadāni ākaṅkhamāno saṃgho samūhanatū”ti vuttepi na samūhanimsu. Aññadatthu purato viya tassa accayepi rakkhimsuyevāti satthu sāsanaṃ saṃghassa ca mahantabhāvavadassanattampi tathā vuttanti daṭṭhabbāni. Tathā hi āyasmā ānando aññepi vā bhikkhū “katamaṃ pana bhante khuddakaṃ, katamaṃ anukhuddakaṃ”ti na pucchimsu samūha najjhāsayasessa abhāvato, teneva ekasikkhāpadampi apariccajitvā sabbesaṃ anuggahetabbabhāvavadassanattamaṃ “cattāri pārājikāni ṭhapetvā avasesāni khuddānukhuddakāni”ti-ādimaṃsu. Evañhi vadantehi “khuddānukhuddakā ime nāma”ti avinicchittā sabbesaṃ anuggahetabbabhāvo dassito hoti.

442. **Atha kho āyasmā mahākassapo saṃghaṃ nāpesīti** ettha pana keci vadanti “bhante nāgasena katamaṃ khuddakaṃ, katamaṃ anukhuddakanti milindaraññā pucchite ‘dukkaṭaṃ mahārāja khuddakaṃ, dubbhāsitaṃ anukhuddaka’nti¹ vuttattā nāgasenatthero khuddānukhuddakaṃ jāni, mahākassapatthero pana taṃ ajānanto ‘suṇātu me āvuso’ti-ādinaṃ kammavācaṃ sāvesī”ti, na taṃ evaṃ gahetabbāni. Nāgasenatthero hi paresaṃ vādapathopacchedanattamaṃ saṅgītikāle dhammasaṅgāhakamahātherehi gahitakoṭṭhāsessa antimakoṭṭhāsameva gahetvā milindarājānaṃ saññāpesi, mahākassapatthero pana ekasikkhāpadampi asamūhanitukāmatāya tathā kammavācaṃ sāvesi.

Tattha **gihigatānīti** gihipaṭisaṃyuttānīti vadanti. Gihīsu gatāni, tehi nātāni **gihigatānīti** evaṃ panettha attho daṭṭhabbo. Dhūmakālo etassāti **dhūmakālikam** citaka dhūmavūpasamato paraṃ appavattanato. **Appaññattanti-ādīsu**² navam adhammikaṃ katikavattam vā sikkhāpadaṃ vā bandhantā **appaññattam paññapenti** nāma purāṇa santhatavattusmim sāvatthiyam bhikkhū viya. Uddhamaṃ ubbinayam sāsanaṃ dīpentā **paññattam samucchindanti** nāma vassasatapariniibute

1. Khu 11. 146 piṭṭhe. 2. Dī-Ṭṭha 2. 115; Am-Ṭṭha 3. 158 piṭṭhesupi passitabbam.

bhagavati vesālikā vajjiputtakā viya. Khuddānukhuddakā pana āpattiyo sañcicca vītikka mantā **yathāpaññattesu sikkhāpadesu samādāya na vattanti** nāma assajjipunabbasukā viya. Navamā pana katikavattamā vā sikkhāpadamā vā abandhantā, dhammato vinayato sāsanaṃ dīpentā, khuddānukhuddakampi ca sikkhāpadamā asamūhanantā **appaññattamā na paññapenti, paññattamā na samucchindanti, yathāpaññattesu sikkhāpadesu samādāya vattanti** nāma āyasmā upaseno viya āyasmā yaso kākaṇḍakaputto viya ca.

443. **Bhagavatā oḷārike nimitte kayiramāneti** vesālim nissāya cāpāle¹ cetiye viharantena bhagavatā—

“Ramaṇīyā ānanda vesālī, ramaṇīyam udenacetiyam, ramaṇīyam gotamakacetiyam, ramaṇīyam sattambacetiyam, ramaṇīyam bahuputtacetiyam, ramaṇīyam sārandaacetiyam, ramaṇīyam cāpālacetiyaṃ. Yassa kassaci ānanda cattāro iddhipādā bhāvitā bahulikā yānikā vatthukatā anuṭṭhitā paricitā susamāraddhā, so ākaṅkhamāno kappamā vā tiṭṭheyya kappāvasesamā vā. Tathāgatassa kho pana ānanda cattāro iddhipādā bhāvitā bahulikā yānikā vatthukatā anuṭṭhitā paricitā susamāraddhā, so ākaṅkhamāno ānanda tathāgato kappamā vā tiṭṭheyya kappāvasesamā vā”²—

evam oḷārike nimitte kayiramāne.

Mārena pariyuṭṭhitacittoti mārena ajjhotthatacitto. Māro hi yassa sabbena sabbam dvādasa vipallāsā appahīnā, tassa cittaṃ pariyuṭṭhāti. Therassa ca cattāro vipallāsā appahīnā, tenassa māro cittaṃ pariyuṭṭhāsī. So pana cittapariyuṭṭhānam karonto kim karotīti? Bheravam rūpārammaṇam vā dasseti, saddārammaṇam vā sāveti, tato sattā tam disvā vā sutvā vā satim vissajjtvā vivaṭamukhā honti, tesam mukhena hattham pavesetvā hadayam maddati, tato visaññāva hutvā

1. Pāvāle (Syā)

2. Dī 2. 86 piṭṭhe.

tiṭṭhanti. Therassa panesa mukhena hatthaṃ pavesetuṃ kiṃ sakkhissati, bheravā rammaṇaṃ pana dassesi, taṃ disvā thero nimittobhāsaṃ na paṭivijjhi.

Khuddānukhuddakasikkhāpadakathāvaṇṇanā niṭṭhitā.

Brahmaḍaṇḍakathāvaṇṇanā

445. **Ujjavanikāyā**ti paṭisotaḡāminiyā. **Rajoharaṇanti** rajopuñchanī. **Na kulavaṃ gamenti**ti niratthakavināsaṇaṃ na gamenti. Kucchito lavo **kulavo**, anayavināsoṭi vuttaṃ hoti. “Dhammavinayaṇḡītiyā”ti vattabbe ṇḡītiyā vinayappadhānattā “**vinayaṇḡītiyā**”ti vuttaṃ. Vinayappadhānā ṇḡīti **vinayaṇḡīti**. Sesamettha suviññeyyamevāti.

Pañcasatikakkhandhakavaṇṇanā niṭṭhitā.

12. Sattasatikakkhandhaka

Dasavatthukathāvaṇṇanā

446. Sattasatikakkhandhake **nikkhittamaṇisuvaṇṇā**ti rūpiyasikkhāpadeneva paṭikkhittamaṇi suvaṇṇā. Tattha maṇiggahaṇena sabbam dukkaṭavatthu, suvaṇṇaggahaṇena sabbam pācittiyavatthu gahitaṃ hoti. **Bhikkhaggenā**ti bhikkhugaṇanāya.

447. **Upakkilesā**ti virocitum adatvā upakkiliṭṭhabhāvakaṇaṇena upakkilesā. **Mahikā**ti himam. Dhūmo ca rajo ca **dhūmarajo**. Ettha purimā tayo asampatta-upakki lesā, rāhu pana sampatta-upakkilesavasena kathitoti veditabbo. **Samaṇabrāhmaṇā na tapanti na bhāsanti na virocantī**ti guṇapatāpena¹ na tapanti guṇobhāsenā na bhāsanti guṇavirocanaṇaṇa na virocanti. **Surāmerayapānā appaṭiviratā**ti pañcavidhāya surāya catubbidhassa ca merayassa pānato aviratā.

Avijjānivuṭṭāti avijjāya nivāritā pihitā. **Piyarūpābhinandinoti** piyarūpaṃ sātārūpaṃ abhinandamānā tussamānā. **Sādiyantī**ti gaṇhanti. **Aviddasū**ti andhabālā. **Sarajā**ti sakilesarajā. **Magā**ti migasadisā. Tasmim tasmim visaye bhava vā netīti netti, taṇhā yetam adhivacanaṃ. Tāya saha vattantīti **sanettikā**.

448. **Tam parisam etadavocā**ti² tassa kira evam ahosi “kulaputtā pabbajantā puttadāraṇceva jātarūparajataṇca pahāyeva pabbajanti, na ca sakkā yaṃ pahāya pabba jita³ tam etehi gāhetun”ti nayaggāhe ṭhatvā etaṃ “**mā ayyā**”ti-ādivacanaṃ avoca. **Ekam senetanti** etaṃ pañcakāmaguṇakappaṇaṃ “assamaṇadhammo asakyaputtiyadhammo”ti ekamsena dhāreyyāsi.

Tiṇanti senāsanacchadanatiṇaṃ. **Pariyesitabbanti** tiṇacchadane vā iṭṭhakaccha dane vā gehe palujjante yehi tam kāritaṃ, tesam santikaṃ

1. Guṇapakāsenā (Ka)

2. Sam-Ṭṭha 3. 144 piṭṭhādīsupi passitabbaṃ.

3. Appahāya pabbajitum (Ka)

gantvā “tumhehi kāritaṃ senāsanāṃ ovassati, na sakkā tattha vasitun”ti ācikkhitabbaṃ. Manussā sakkontā karissanti, asakkontā “tumhe vaḍḍhakī gahetvā kārapetha, mayāṃ te saññāpessāmā”ti vakkhanti. Evaṃ vutte kāretvā tesāṃ ācikkhitabbaṃ, manussā vaḍḍha kīnaṃ dātabbaṃ dassanti. Sace āvāsasāmikā natthi, aññesampi bhikkhācāravattena āro cetvā kāretuṃ vaṭṭati. Imaṃ sandhāya “pariyesitabban”ti vuttaṃ.

Dārūti senāsane gopānasi-ādīsu palujjamānesu tadatthāya dārūpariyesitabbaṃ. **Sakaṭanti** gihivikaṭaṃ vā tāvakālikaṃ vā katvā sakaṭaṃ pariyesitabbaṃ. Na kevalaṅca sakaṭameva, aññampi vāsipharasukudālādi-upakaraṇaṃ evaṃ pariyesituṃ vaṭṭati. **Purisoti** hatthakammavasena puriso pariyesitabbo. Yaṃ kañci hi purisaṃ “hatthakammaṃ āvuso dassasi”ti vatvā “dassāmi bhante”ti vutte “imasmiṃ idaṅcidaṅca karohī”ti yaṃ icchati, taṃ kāretuṃ vaṭṭati. **Na tvevāhaṃ gāmaṇi kenaci pariyāyenāti** jātarūparajataṃ paṇāhaṃ kenacipi kāraṇena pariyesitabbanti na vadāmi.

449. **Pāpakam katanti** asundaraṃ kataṃ.

450. **Ahogaṅgoti** tassa pabbatassa nāmaṃ.

451. **Paṭikacceva gaccheyyanti** yattha taṃ adhikaraṇaṃ vūpasametūṃ bhikkhū sannipatanti, tattha paṭhamameva gaccheyyaṃ. **Sambhāvesunti** pāpuṇiṃsu.

452. **Aloṇakam bhavissatīti** aloṇakam bhattaṃ vā byañjanaṃ vā bhavissati. **Āsutāti** sabbasambhārasajjitā. “Asuttā”ti vā pāṭho.

453. **Ujjaviṃsūti** nāvaṃ āruyha paṭisotena gacchiṃsu. **Pācīnakāti** pācīnadesa vāsino.

454. **Nanu tvaṃ āvuso vuḍḍho vīsativassosīti** nanu tvaṃ āvuso vīsativasso, na nissayapaṭibaddho, kasmā taṃ thero paṇāmetīti dīpentī. **Garunissayaṃ gaṇhāmāti** kiñcāpi mayāṃ mahallakā, etaṃ pana therāṃ garuṃ katvā vasissāmāti adhippāyo.

455. Mettāya rūpāvaccarasamādhimattabhāvato **“kullakavihārenā”**ti vuttaṃ, khuddakena vihārenāti attho, khuddakatā cassa agambhīrabhāvatoti āha **“uttānavihārenā”**ti. **Suññatāvihārenāti** suññatāmukhena adhigataphalasangāhāyā vuttaṃ.

457. **Suttavibhaṅgeti** padabhājanīye. **Tena saddhinti** purepaṭiggahitaloṇena saddhim. **Na hi ettha yāvajīvikam tadahupaṭiggahitanti** “kappati siṅgiloṇakappo”ti ettha vuttasiṅgiloṇaṃ sandhāya vuttaṃ. Tañhi pure paṭiggahetvā siṅgena parihaṭaṃ na tadahupaṭiggahitaṃ. **Yāvakālikameva tadahupaṭiggahitanti** siṅgiloṇena missetvā bhuñji tabbaṃ aloṇāmisam sandhāya vuttaṃ. **Uposathasamnyutteti** uposathapaṭisamyutte, uposathakkhandhaketī vuttaṃ hotī. Atisaraṇaṃ atisāro, atikkamo. Vinayassa atisāro **vinayātisāro**. **Tam pamāṇam karontassāti** dasāya saddhim nisīdane yaṃ pamāṇaṃ vuttaṃ, dasāya vinā taṃ pamāṇaṃ karontassa. Sesamettha suviññeyyameva.

Sattasatikakkhandhakavaṇṇanā niṭṭhitā.

Dvivaggasaṅgahāti cūlavaggamahāvaggasaṅkhātehi dvīhi vaggehi saṅgahitā. **Dvāvīsatiṭṭhapādanāti** mahāvagge dasa, cūlavagge dvādasāti evaṃ dvāvīsatiṭṭhapādanā. **Sāsaneti** satthusāsane. Ye khandhakāvuttāti yojetabbaṃ.

Iti samantapāsādikāya vinayaṭṭhakathāya sārattadīpaniyaṃ

Cūlavaggavaṇṇanā niṭṭhitā.

Parivāra

Namo tassa Bhagavato Arahato Sammāsambuddhassa.

Soḷasamahāvāra

Paññattivāraṇṇanā

Visuddhaparivārassāti sabbaso parisuddhakhīṇāsavaparivārassa.

Dhammakkhandhasarīrassāti

sīlasamādhipaññāvīmuttivimuttiñāṇadassanasāṅkhāta

dhammakkhandhasarīrassa sāsāneti sambandho. **Tassāti** “parivāro”ti yo saṅgahaṃ āruḷho, tassa. **Pubbāgataṃ nayanti** pubbe āgataṃ vinicchayaṃ.

1. Pakatathapaṭṭiniddeso ta-saddoti tassa “bhagavatā”ti-ādīhi padehi samānādhī karaṇabhāvena vuttatthassa yāya vinayapaññattiyā bhagavā pakato adhikato supākato ca, taṃ vinayapaññattim saddhim yācanāya atthabhāvena dassento “yo so -pa- vinaya paññattim paññapesī”ti āha. Tattha **vinayapaññattinti** vinayabhūtaṃ paññattim.

“Jānatā passatā”ti imesaṃ padānaṃ vinayassa adhiatattā tattha vuttanayena tāva atthaṃ yojetvā idāni suttantanayena dassento satipi ñāṇadassana-saddānaṃ paññāvevacanabhāve tena tena vīsesena tesam vīsayavīsesapavattidassanattarāṃ vījjattayavasena abhiññānāvāraṇāñāvasena sabbaññūtaññāṇamaṃsacakkhūvasena paṭivedhadesanāñāvasena ca atthaṃ yojetvā dassento “apicā”ti-ādīmāha. Tattha **pubbenivāsādīhīti** pubbenivāsāsavakkhayañāṇehi.

Paṭivedhapaññāyāti ariyamaggapaññāya. **Desanāpaññāya passatāti** desetabbadhammānaṃ desetabbappakāraṃ bodhaneyyapuggalānaṃ āsayānu sayacaritādhimutti-ādibhedam dhammam desanāpaññāya yāthāvato passatā. **Arahatāti** arīnaṃ, arānaṃca hatattā, paccayādīnaṃca arahattā arahatā. **Sammāsambuddhenāti** sammā sāmāṇca saccānaṃ buddhattā sammāsambuddhena. Atha vā

antarāyikadhamme **jānatā**, niyyānikadhamme **passatā**, kilesārīnaṃ hatattā **arahatā**, sammā sāmaṃ sabbadhammānaṃ buddhattā **sammāsambuddhenāti** evaṃ catuvesārajja vasenapettha yojanā veditabbā.

Apica ṭhānāṭṭhānādivibhāgaṃ **jānatā**, yathākammūpage satte **passatā**, savāsana āsavānaṃ chinnattā **arahatā**, abhiññeyyādibhede dhamme abhiññeyyādito aviparītāvabodhato **sammāsambuddhena**. Atha vā tīsu kālesu appaṭihatañānatāya **jānatā**, kāyakammādivasena tiṇṇampi kammānaṃ ñāṇānuparivattito sammā kāritāya **passatā**, davādīnaṃ abhāvasādhikāya pahānasampadāya **arahatā**, chandādīnaṃ ahānihetubhūtāya¹ akkhayapaṭibhānasāmikāya sabbaññutāya **sammāsambuddhenāti** evaṃ dasabala-aṭṭhārasā veṇikabuddhadhammavasenapi yojanā kātabbā.

2. **Pucchāvissajjane**ti pucchāya vissajjane. **Etthāti** etasmim pucchāvissajjane. **Majjhimadeseyeva paññattīti** tasmimyeva dese yathāvuttavattuvītikkame āpattisambhavato. **Vinītakathāti** vinītavattukathā, ayameva vā pāṭho.

Kāyena pana āpattim āpajjatiti pubbhāge sevanacittam aṅgaṃ katvā kāya dvārasaṅkhātaviññattim janayitvā pavattacittuppādasāṅkhātam āpattim āpajjati. Kiñcāpi hi cittena samuṭṭhāpitā viññatti, tathāpi cittena adhippetassa atthassa kāyaviññattiyā sādhi tattā “kāyadvārena āpattim āpajjati”ti vuccati. **Imamattham sandhāyāti** āpannāya āpattiyā anāpattibhāvāpādanassa asakkuṇeyyatāsaṅkhātamattham sandhāya, na bhaṇḍanā divūpasamaṃ.

3. **Porāṇakehi mahātherehīti** sihaḷadīpavāsīhi mahātherehi. **Ṭhapitāti** potthaka saṅgahārohanakāle ṭhapitā. Catutthasaṅgītisadisā hi potthakārohasaṅgīti. Ubhatovibhaṅge dvattimsa vārā suviññeyyāva.

1. Pahānahetubhūtāya (Ka)

Samuṭṭhānasāvannaṇā

257. Samuṭṭhānakathāya pana karuṇāsītalabhāvena candasadisattā “**buddhacande**”ti vuttam, kilesatimirapahānato “**buddhā dicce**”ti vuttam. **Piṭake tīṇi desayīti** yasmā te desayanti, tasmā aṅgirasopi piṭakāni tīṇi desayi. Tāni katamānīti āha “**suttantan**”ti-ādi. **Mahāguṇanti** mahānisaṃsaṃ. **Evam nīyati saddhammo, vinayo yadi tiṭṭhatīti** yadi vinayapariyatti anantarahitā tiṭṭhati pavattati, evam sati paṭipattipaṭivedhasaddhammo nīyati pavattati. Vinayapariyatti pana katham tiṭṭhatīti āha “**ubhato cā**”ti-ādi. Parivārena ganthitā tiṭṭhantīti yojetabbam. **Tasseva parivārassāti** tasmimyeva parivāre.

Niyatakatanti kataniyatam, niyamitanti attho. **Aññehi saddhinti** sesasikkhā padehi saddhim. **Asambhinna samuṭṭhānānīti** asaṅkarasamuṭṭhānāni.

Tasmā sikkheti yasmā vinaye sati saddhammo tiṭṭhati, vinayo ca parivārena ganthito tiṭṭhati, parivāre ca samuṭṭhānādīni dissanti, tasmā sikkheyya parivāram, uggaṇheyyāti attho.

Ādimhi tāva purimanayeti “channaṃ āpattisamuṭṭhānānaṃ katihi samuṭṭhānehi samuṭṭhātīti ekena samuṭṭhānena samuṭṭhātī, kāyato ca cittato ca samuṭṭhātī”ti-ādinā paññattivāre¹ sakim āgatanayam sandhāyetam vuttam.

258. **Nānubandhe pavattininti** “yā pana bhikkhunī vuṭṭhāpitam pavattinim dve vassāni nānubandheyyā”ti² vuttasikkhāpadam.

270. **Akatanti** aññehi amissīkatam, niyatasamuṭṭhānanti vuttam hoti.

1. Vi 5. 83 piṭṭhe.

2. Vi 2. 431 piṭṭhe.

Antarapeyyāla

Katipucchāvāraṇṇanā

271. **Veram̐ maṇatīti** rāgādiveram̐ maṇati vināseti. **Etāyāti** viratiyā. **Niyyā nanti** maggam̐. **Kāyapāgabbiyanti** kāyapāgabbiyavasena pavattam̐ kāyaduccaritam̐.

274. **Sāraṇīyāti** saritabbayuttā anussaraṇārahā¹ addhāne atikkantepi na sammussi tabbā. Mijjati siniyhati etāyāti mettā, mittabhāvo. Mettā etassa atthīti **mettam̐** kāya kammaṃ, tam̐ pana yasmā mettāsahagatacittasamuṭṭhānam̐, tasmā vuttam̐ “**mettacittena kataṃ kāyakammaṃ**”ti. **Āvīti** pakāsam̐. Pakāsabhāvo cettha yaṃ uddissa tam̐ kāyakammaṃ karīyati, tassa sammukhabhāvatoti āha “**sammukhā**”ti. **Rahoti** apakāsam̐. Apakāsatā ca yaṃ uddissa tam̐ kammaṃ karīyati, tassa apaccakkhabhāvatoti āha “**para mmukhā**”ti. **Ubhayehīti** navakehi therehi ca. Piyam̐ piyāyitabbam̐ karotīti **piyakaraṇo**. Garum̐ garuṭṭhānyam̐ karotīti **garukaraṇo**. **Saṅgahāyāti** saṅgahavatthuvisesabhāvato sabrahmacārīnam̐ saṅgahaṇatthāya. **Avivādāyāti** saṅgahavatthubhāvato eva na vivādāya. Sati ca avivādahetūbhūtasāṅgahakatte tesam̐ vasena sabrahmacārīnam̐ samaggabhāvo bhedābhāvo siddhoyevāti āha “**samaggabhāvāyā**”ti-ādi.

Paggayha vacananti kevalam̐ “devo”ti avatvā “devatthero”ti guṇehi thirabhāva jotanam̐ paggaṇhitvā uccam̐ katvā vacanam̐. Mamattabodhanavacanam̐ **mamāyana vacanam̐**. Ekantatirokkhassa manokammassa sammukhatā nāma viññattisamuṭṭhāpanavaseneva hoti, tañca kho loka kāyakammanti pākaṭam̐ paññātam̐ hatthavikārādīm̐ anāmasitvāyeva dassento “**nayanāni ummīletvā**”ti-ādimāha. Kāmañcettha mettāsinehasiniddhānam̐ nayanānam̐ ummīlanā pasannena mukhena olokanañca mettam̐ kāyakamma meva, yassa pana cittassa vasena nayanānam̐ mettāsinehasiniddhatā mukhassa ca pasannatā, tam̐ sandhāya vuttam̐ “**mettam̐ manokammaṃ nāmā**”ti.

1. Anussavārahā (Syā)

Imāni¹ ca mettakāyakammādīni pāliyaṃ bhikkhūnaṃ vasena āgatāni gihīsupi labbhantiyeva. Bhikkhūnañhi mettacittena ācariyupajjhāyavattādi-ābhisamācārikadhammapūraṇaṃ mettaṃ kāyakammaṃ nāma. Sabbañca anavajjakāyakammaṃ ābhisamācārikakammantogadhamevāti veditabbaṃ. Gihīnaṃ cetiyavandanatthāya bodhivandanatthāya saṃghanimantanatthāya gamanaṃ, gāmaṃ vā piṇḍāya pavitṭhe bhikkhū disvā paccuggamaṃ, pattapaṭiggahaṇaṃ, āsanapaññāpanaṃ, anugamanaṃti evamādikam mettaṃ kāyakammaṃ nāma. Bhikkhūnaṃ mettacittena ācārapaññattisikkhāpanakammaṭṭhānakathanadhammadesanāparipucchana-aṭṭhakathākathanavasena pavattiyamānaṃ tepīṭakampi buddhavacanaṃ mettaṃ vacīkammaṃ nāma. Gihīnaṃ “cetiyaṃvandanatthāya gacchāma, bodhivandanatthāya gacchāma, dhammassavanaṃ karissāma, dīpamālāpupphapūjaṃ karissāma, tīṇi sucaritāni samādāya vattissāma, salākabhaddāni dassāma, vassāvāsikaṃ dassāma, ajja saṃghassa cattāro paccaye dassāma, saṃghaṃ nimantetvā khādanīyādīni saṃvidahatha, āsanāni paññapetha, pānīyaṃ upaṭṭhāpetha, saṃghaṃ paccuggantvā ānetha, paññattāsane nisīdāpetha, chandajātā ussā hajātā veyyāvaccam karothā”ti-ādīkathanakāle mettaṃ vacīkammaṃ nāma. Bhikkhūnaṃ pātova uṭṭhāya sarīrapaṭijjaggaṇaṃ cetiyaṅgaṇavattādīni ca katvā vivittāsane nisīditvā “imasmiṃ vihāre bhikkhū sukhī hontu averā abyāpajjā”ti cintanaṃ mettaṃ manokammaṃ nāma. Gihīnaṃ “ayyā sukhī hontu averā abyāpajjā”ti cintanaṃ mettaṃ manokammaṃ nāma.

Lābhāti cīvarādayo laddhapaccayā. **Dhammikāti** kuhanādibhedam micchājīvaṃ vajjetvā dhammena samena bhikkhācariyavattena uppannā. **Antamaso pattapariyāpanna mattampīti** pacchimakoṭiyā patte pariyāpannaṃ pattassa antogataṃ dvattikaṭacchubhikkhāmattampi. Deyyaṃ dakkhiṇeyyañca appaṭivibhattaṃ katvā bhuñjati **appaṭivibhattabhogī**. Ettha hi dve paṭivibhattāni nāma āmisapaṭivibhattaṃ puggalapaṭivibhattaṃ. Tattha “ettakaṃ dassāmi, ettakaṃ na dassāmi”ti evaṃ cittena vibhajaṇaṃ **āmisapaṭivibhattaṃ** nāma. “Asukassa dassāmi, asukassa na dassāmi”ti evaṃ cittena vibhajaṇaṃ pana **puggalapaṭivibhattaṃ** nāma. Tadubhayampi akatvā yo appaṭivibhattaṃ bhuñjati, ayaṃ **appaṭivibhattabhogī** nāma. Tenāha “**neva āmisam paṭivibhajitvā bhuñjati**”ti-ādi. **Adātumpīti**

1. Dī-Ṭṭha 2. 121; Ma-Ṭṭha 2. 292; Am-Ṭṭha 3. 89 piṭṭhādīsipi passitabbaṃ.

pi-saddena dātumpi vaṭṭatīti dasseti. Dānañhi nāma na kassaci nivāritam, tena dussīlassapi atthikassa sati sambhave dātabbam, tañca kho karuṇāyanavasena, na vattapūraṇavasena. Sāraṇīyadhammapūrakassa appaṭivibhattabhogitāya “**sabbesaṃ dātabbamevā**”ti vuttam. Gilānādīnam pana odissakam katvā dānam appaṭivibhāgapakkhikam “asukassa na dassāmī”ti paṭikkhepassa abhāvato. Byatirekappadhāno hi paṭivibhāgo. Tenāha “**gilānagilānupaṭṭhāka -pa- viceyya dātumpi vaṭṭatī**”ti.

Sādhāraṇabhogī ettha sādharmaṇabhogino idam lakkhaṇam—yam yam paṇitam labhati, tam tam neva lābhena lābham nijjīsanamukhena gihīnam deti attano ājīvasuddhim rakkhamāno, na attanāva paribhuñjati “mayham asādhāraṇabhogitā mā hotū”ti. Tam paṭiggaṇhanto ca “saṃghena sādharmaṇam hotū”ti gahetvā ghaṇṭim paharivā paribhuñjitabbam saṃghasantakam viya passati. Iminā ca tassa lābhassa tīsupi kālesu sādharmaṇato ṭhapanam dassitam. “Tam paṭiggaṇhanto ca saṃghena sādharmaṇam hotū”ti iminā paṭiggahaṇakālo dassito, “gahetvā -pa- passatī”ti iminā paṭiggahitakālo. Tadubhayaṃ pana tādisena pubbabhāgena vinā na hotīti atthasiddho purimakālo. Tayidampi paṭiggahaṇato pubbevassa hoti ‘saṃghena sādharmaṇam hotūti paṭiggahessāmī’ti, paṭiggaṇhantassa hoti “saṃghena sādharmaṇam hotūti paṭiggaṇhāmī”ti, paṭiggahetvā hoti “saṃghena sādharmaṇam hotūti paṭiggahitam mayā”ti evam tilakkhaṇasampannam katvā laddhalābham osānalakkhaṇam avikopetvā paribhuñjanto sādharmaṇabhogī appaṭivibhattabhogī ca hoti.

Imam¹ pana sāraṇīyadhammam ko pūreti, ko na pūreti? Dussīlo tāva na pūreti. Na hi tassa santakam sīlavanto gaṇhanti. Parisuddhasīlo pana vattam akhaṇḍento pūreti. Tatridam vattam—yo odissakam katvā mātu vā pitu vā ācariyupajjhāyādīnam vā deti, so dātabbam detu, sāraṇīyadhammo panassa na hoti, palibodhajagganam nāma hoti. Sāraṇīyadhammo hi muttapalibodhasseva vaṭṭatī. Tena

1. Dī-Ṭṭha 2. 123; Ma-Ṭṭha 2. 294; Am-Ṭṭha 3. 90 piṭṭhādīsupi passitabbam.

pana odissakam dentena gilānagilānupaṭṭhāka-āgantukagamikānañceva navapabbajitassa ca saṅghāṭipattaggahaṇam ajānantassa dātabbam. Etesam datvā avasesam therāsanato paṭṭhāya thokam thokam adatvā yo yattakam gaṇhāti, tassa tattakam dātabbam. Avisiṭṭhe asati puna piṇḍāya caritvā therāsanato paṭṭhāya yaṃ yaṃ paṇītam, tam tam datvā sesam bhuñjitabbam.

Ayam pana sāraṇīyadhammo sāraṇīyadhammapūraṇavidhimhi susikkhitāya parisāya supūro hoti. Susikkhitāya hi parisāya yo aññato labhati, so na gaṇhāti. Aññato alabhantopi pamāṇayuttameva gaṇhāti, na atirekam. Ayañca pana sāraṇīyadhammo evam punappunam piṇḍāya caritvā laddham laddham dentassapi dvādasahi vassehi pūrati, na tato oram. Sace hi dvādasamepi vasse sāraṇīyadhammapūrako piṇḍapāta pūram pattam āsanasālāyam ṭhapetvā nahāyitum gacchati, saṅghatthero ca “kasseso patto”ti vatvā “sāraṇīyadhammapūrakassā”ti vutte “āharatha nan”ti sabbam piṇḍapātam vicāretvā bhuñjitvāva rittapattam ṭhapeti. Atha so bhikkhu rittapattam disvā “mayham anavasesetvāva paribhuñjimsū”ti domanassam uppādeti, sāraṇīyadhammo bhijjati, puna dvādasā vassāni pūretabbo hoti. Titthiyaparivāsasadiso hesa, sakim khaṇḍe jāte puna pūretabbova. Yo pana “lābhā vata me, suladdham vata me, yassa me pattagatam anāpucchāva sabrahmacārino paribhuñjanti”ti somanassam janeti, tassa puṇṇo nāma hoti.

Evam pūritasāraṇīyadhammassa pana neva issā, na macchariyam hoti, manu ssānam piyo hoti sulabhapaccayo, pattagatamassa diyyamānampi na khīyati, bhājanīyabhaṇḍaṭṭhāne aggabhaṇḍam labhati, bhaye vā chātake vā sampatte devatā ussukkam āpajjanti.

Tatrimāni vatthūni—leṇagirivāsī tissatthero kira mahākhīragāmam upanissāya vasati. Paññāsamattā therā nāgadīpam cetiyavandanatthāya gacchantā khīragāme piṇḍāya caritvā kiñci aladdhā nikkhamimsu. Thero pavisanto te disvā pucchi “laddham bhante”ti. Vicarimha āvusoti. So aladdhabhāvam ṇatvā āha “bhante yāvāham āgacchāmi, tāva idheva

hothā”ti. Mayam āvuso paññāsa janā pattatemanamattampi na labhimhāti. Bhante nevā sikā nāma paṭibalā honti, alabhantāpi bhikkhācāramaggasabhāgam jānantīti. Therā āgamimsu. Thero gāmaṃ pāvīsi. Dhurageheyeva mahā-upāsikā khīrabhattam sajjetvā theram olokayamānā ṭhitā therassa dvāram sampattasseva pattam pūretvā adāsi. So tam ādāya therānam santikam gantvā “gaṇhatha bhante”ti saṃghattheram āha. Thero “amhehi ettakehi kiñci na laddham, ayam sīghameva gahetvā āgato, kim nu kho”ti sesānam mukham olokesi. Thero olokanākāreneva ñatvā “bhante dhammena samena laddho piṇḍapāto, nikkukkuccā gaṇhathā”ti-ādito paṭṭhāya sabbesam yāvadattham datvā attanāpi yāvadattham bhujji. Atha nam bhattakiccāvasāne therā pucchimsu “kadā āvuso lokuttaradhammam paṭivijjhī”ti. Natthi me bhante lokuttaradhammoti. Jhānalābhīsi āvusoti. Etampi me bhante natthīti. Nanu āvuso paṭihāriyanti. Sāraṇīyadhammo me bhante pūrito, tassa me pūritakā lato paṭṭhāya sacepi bhikkhusatasahassam hoti, pattagatam na khīyatīti. Sādhu sādhu sappurisa anucchavikamidam tuyhanti. Idam tāva **pattagatam na khīyatīti** ettha vatthu.

Ayameva pana thero cetiyapabbate giribhaṇḍamahāpūjāya dānaṭṭhānam gantvā “imasmiṃ dāne kim varabhaṇḍan”ti pucchi. Dve sātakā bhanteti. Ete mayham pāpuṇi ssantīti. Tam sutvā amacco rañño ārocesi “eko daharo evam vadati”ti. “Daharassa evam cittam, mahātherānam pana sukhumā sātakā vaṭṭanti”ti vatvā “mahātherānam dassāmī”ti ṭhapesi. Tassa bhikkhusaṃghe paṭipāṭiyā ṭhite dentassa matthake ṭhapitāpi te sātakā hattham nārohanti, aññeva ārohanti. Daharassa dānakāle pana hattham āruḷhā. So tassa hatthe ṭhapetvā amaccassa mukham oloketvā daharam nisīdāpetvā dānam datvā saṃgham vissajjetvā daharassa santike nisīditvā “bhante imam dhammam kadā paṭivijjhithā”ti āha. So pariyāyēnapi asantam avadanto “natthi mayham mahārāja lokuttaradhammo”ti āha. Nanu bhante pubbeva avacutthāti. Āma mahārāja, sāraṇīyadhammapūraho aham, tassa me dhammassa pūritakā lato paṭṭhāya bhājanīyaṭṭhāne aggabhaṇḍam pāpuṇātīti. “Sādhu sādhu bhante, anucchavikamidam

tumhākan”ti vanditvā pakkāmi. Idam **bhājanīyaṭṭhāne aggabhaṇḍam pāpuṇāṭī**ti ettha vatthu.

Caṇḍālatissabhayena pana bhātaragāmaṇḍasino nāgattheriyā anārocetvāva palāyimsu. Therī paccūsasamaye “ati viya appanigghoso gāmo, upadhāretha tāvā”ti daharabhikkhuniyo āha. Tā gantvā sabbesaṃ gatabhāvaṃ ñatvā āgamma theriyā ārocesuṃ. Sā sutvā “mā tumhe tesam gatabhāvaṃ cintayittha, attano uddesaparipucchā yonisomanasikāresuyeva yogaṃ karoṭhā”ti vatvā bhikkhācāraṇḍāyaṃ pārupitvā attadvādasamā gāmadvāre nigrodhamūle aṭṭhāsi. Rukkhe adhivatthā devatā dvādasannampi bhikkhunīnaṃ piṇḍapātaṃ datvā “ayye aññattha mā gacchatha, niccaṃ idheva ethā”ti āha. Theriyā pana kaniṭṭhabhātā nāgatthero nāma atthi, so “mahantaṃ bhayaṃ, na sakkā yāpetuṃ, paratīraṃ gamissāmi”ti attadvādasamo attano vasaṇṭṭhānā nikkhanto “theriṃ disvā gamissāmi”ti bhātaragāmaṃ āgato. Therī “therā āgatā”ti sutvā tesam santikaṃ gantvā “kiṃ ayyā”ti pucchi. So taṃ pavattiṃ ācikkhi. Sā “ajja ekadivasam vihare vasitvā sveva gamissathā”ti āha. Therā vihāraṃ āgamamsu.

Therī punadivase rukkhamūle piṇḍāya caritvā theram upasaṅkamitvā “imaṃ piṇḍapātaṃ paribhuñjathā”ti āha. Thero “vaṭṭissati therī”ti vatvā tuṇhī aṭṭhāsi. Dhammiko tāta piṇḍapāto, kukkucam akatvā paribhuñjathāti. Vaṭṭissati therīti. Sā pattam gahetvā ākāse khipi. Patto ākāse aṭṭhāsi. Thero “sattatālamatte ṭhitampi bhikkhu nībhattameva therī”ti vatvā “bhayaṃ nāma sabbakālam na hoti, bhaye vūpasante ariyavaṃsam kathayamāno 'bho piṇḍapātika bhikkhunībhattaṃ bhuñjitvā vītināmayitthā”ti cittena anuvadiyamāno santhambhituṃ na sakkhissāmi, appamattā hotha theriyō”ti maggaṃ āruhi. Rukkhadavatāpi “sace thero theriyā hatthato piṇḍapātaṃ paribhuñjissati, na naṃ nivattessāmi, sace na paribhuñjissati, nivattessāmi”ti cintayamānā ṭhatvā therassa gamanaṃ disvā rukkḥā oruyha “pattam bhante dethā”ti pattam gahetvā theram rukkhamūlamyeva ānetvā āsanaṃ paññāpetvā piṇḍapātaṃ datvā katabhattakiccaṃ paṭiññam kāretvā dvādasā bhikkhuniyo dvādasā ca bhikkhū satta vassāni

upaṭṭhahi. Idam **devatā ussukkam āpajjantī**ti ettha vatthu. Tatra hi therī sāraṇīya dhammapūrikā ahosi.

Natthi etesaṃ khaṇḍanti **akhaṇḍāni**, taṃ pana nesaṃ khaṇḍaṃ dassetuṃ “**yassā**”ti-ādi vuttaṃ. Tattha upasampannasīlānaṃ uddesakkamena ādi-antā veditabbā. Tenāha “**sattasū**”ti-ādi. Anupasampannasīlānaṃ pana samādānakkamenapi ādi-antā labbhanti. **Pariyante chinnaśāṭako viyāti** vatthante¹ dasante vā chinnavatthaṃ viya. Visadisudāharaṇaṅceta “akhaṇḍāni”ti imassa adhi-katattā. Evaṃ sesānipi udāharaṇāni. **Khaṇḍanti** khaṇḍavantaṃ, khaṇḍitaṃ vā. **Chiddanti**-ādīsupi eseva nayo. Visabhāga vaṇṇena gāvī viyāti sambandho. Visabhāgavaṇṇena upaḍḍhuṃ tatiyabhāgaṃ vā sambhi nnavāṇṇaṃ **sabalaṃ**, visabhāgavaṇṇeheva pana bindūhi antarantarā vimissaṃ **kammāsaṃ**. Ayaṃ imesaṃ viseso.

Bhujissabhāvakaraṇatoti taṇhādāsabyato mocetvā bhujissabhāvakaraṇato. Sīlassa ca taṇhādāsabyato mocanaṃ vivaṭṭūpanissayabhāvāpādanaṃ, tenassa vivaṭṭūpanissayatā dassitā. “Bhujissabhāvakaraṇato”ti ca iminā bhujissakarāni **bhujissānī**ti uttarapadalopenāyaṃ niddesoti dasseti. Yasmā ca taṃsamaṅgīpuggalo serī sayamvasī bhujisso nāma hoti, tasmāpi bhujissāni. Suparisuddhabhāvena pāsamsattā **viññūpasatthāni**. Aviññūnaṃ pasaṃsāya appamāṇabhāvato viññūgahaṇaṃ kataṃ. **Taṇhādiṭṭhīhi aparāmaṭṭhattā**ti “imināhaṃ sīlena devo vā bhavissāmi devaññataro vā”ti taṇhāparāmāseṇa “imināhaṃ sīlena devo hutvā tattha nicco dhuvo sassato bhavissāmi”ti diṭṭhiparāmāseṇa ca aparāmaṭṭhattā. Atha vā “ayaṃ te sīlesu doso”ti catūsu vipattīsu yaṃ vā taṃ vā vipattim dassetvā “imaṃ nāma tvaṃ āpannapubbo”ti kenaci parāmaṭṭhuṃ anuddhaṃ setuṃ asakkuṇeyyattā **aparāmaṭṭhānī**ti evamettha attho daṭṭhabbo. Sīlaṃ nāma avipatti sārādīpārampariyena² yāvadeva samādhisampādanatthanti āha “**samādhisamvattanikānī**”ti. Samādhisamvattanappayojanāni **samādhisamvattanikāni**.

1. Tatrante (Syā)

2. Avipatti-sārādīpāraparicayena (Syā)

Samānabhāvo sāmāññaṃ, paripuṇṇacatupārisuddhibhāvena majjhe bhinna suvaṇṇassa viya bhedābhāvato sīlena sāmāññaṃ sīlasāmāññaṃ, taṃ gato upagatoti **sīlasāmāññagato**. Tenāha “**samānabhāvūpagatasīlo**”ti, sīlasampattiyā samānabhāvaṃ upagatasīlo sabhāgavuttikoti attho. Sotāpannādīnañhi sīlaṃ samuddantarepi devalokepi vasantānaṃ aññesaṃ sotāpannādīnaṃ sīlena samānameva hoti, natthi maggasīle nānattaṃ. Kāmañhi puthujjanānampi catupārisuddhisīle nānattaṃ na siyā, taṃ pana na ekantikanti idha nādhippetam, maggasīlam pana ekantikam niyatabhāvatoti tameva sandhāya “**yāni tāni sīlāni**”ti-ādi vuttaṃ.

Yāyanti yā ayaṃ mayhañceva tumhākañca paccakkhabhūtā. **Diṭṭhī**ti maggasammādiṭṭhi. **Niddosā**ti niddhutadosā, samucchinnarāgādīpāpadhammāti attho. **Niyyāṭī**ti vaṭṭadukkhato nissarati nigacchati. Sayam niyantīyeva hi taṃmaggasamaṅgī puggalam vaṭṭadukkhato niyyāpetīti vuccati. Yā satthu anusīṭhi, taṃ karotīti **takkaro**, tassa, yathānusiṭṭham paṭipajjanakassāti attho. **Diṭṭhisāmāññagatoti** saccasampaṭivedhena samānadiṭṭhibhāvaṃ upagato.

Katipucchāvāraṇṇanā niṭṭhitā

Cha-āpattisamuṭṭhānavārakathāvaṇṇanā

276. **Paṭhamena āpattisamuṭṭhānenāti**-ādi sabbam uddesaniddesādivasena pavattapāḷim anusārenea sakkā viññātum.

Samathabheda

Adhikaraṇapariyāyavārakathāvaṇṇanā

293. **Lobho pubbaṅgamoti-ādīsu** pana lobhahetu vivadanato “lobho pubba ṅgamo”ti vuttaṃ. Evaṃ sesesupi. **Ṭhānānīti** kāraṇāni. Tiṭṭhanti etthāti **ṭhānaṃ**. Ke tiṭṭhanti? Vivādādhikaraṇādayo. Vasanti etthāti **vatthu**. Bhavanti etthāti **bhūmi**. Kusalākusalābyākatacittasamaṅgino vivadanato “**nava hetū**”ti vuttaṃ. **Dvādasa mūlānīti** “kodhano hoti upanāhī”ti-ādīni dvādasa mūlāni.

294-295. Imāneva dvādasa kāyavācāhi saddhim “**cuddasa mūlānī**”ti vuttāni. **Satta āpattikkhandhā ṭhānānīti** ettha āpattim āpajjitvā paṭicchādentassa yā āpatti, tassā pubbe āpannā āpattiyo ṭhānānīti veditabbaṃ. “Natthi āpattādhikaraṇaṃ kusalan”ti vacanato āpattādhikaraṇe akusalābyākatavasena cha hetū vuttā. Kusalacittaṃ pana aṅgaṃ hoti, na hetu.

296. **Cattāri kammāni ṭhānānīti** ettha “evaṃ kattabbaṃ”ti itikattabbatādassana vasena pavattapāli **kammaṃ** nāma, yathāṭṭhitapālivasena karontānaṃ kiriyā **kiccādhī karaṇaṃ** nāma. Ñattiñattidutiyañatticatutthakammāni ñattito jāyanti, apalokanakammaṃ apalokanatovāti āha “**ñattito vā apalokanato vā**”ti. Kiccādhikaraṇaṃ etena samathena **sammati**, sampajjatīti attho. Tehi sametabbatā “vivādādhikaraṇassa sādharmaṇā”ti vuttaṃ.

Tabbhāgiyavārakathāvaṇṇanā

298. **Vivādādhikaraṇassa tabbhāgiyāti** vivādādhikaraṇassa vūpasamato tappa kkhikā.

Samathā samathassa sādharmaṇavārakathāvaṇṇanā

299. Ekam adhikaraṇaṃ sabbe samathā ekato hutvā sametuṃ sakkonti na sakkontīti pucchanto “**samathā samathassa sādharmaṇā**,

samathā samathassa asādhāraṇā”ti āha. Yebhuyyasikāya samanāṃ sammukhāvinayaṃ vinā na hotīti āha “**yebhuyyasikā sammukhāvinayassa sādharmaṇā**”ti. Sativinayādīhi samanassa yebhuyyasikāya kiccaṃ natthīti āha “**sativinayassa -pa- asādhāraṇā**”ti. Evaṃ sesesupi. Tabbhāgiyavārepi eseva nayo.

Vinayavāraṅkathāvaṇṇanā

302. Sabbesampi samathānaṃ vinayapariyāyo labbhatīti “**vinayo sammukhā vinayo**”ti-ādīnā vinayavāro uddhaṭo. **Siyā na sammukhāvinayoti** ettha sammukhā vinayaṃ ṭhapetvā sativinayādayo sesasamathā adhippetā. Esa nayo sesesupi.

Kusalavāraṅkathāvaṇṇanā

303. Saṅghassa sammukhā paṭiññāte taṃ¹ paṭijānaṇaṃ saṅghasammukhatā nāma. Tassa paṭijānaṇacittaṃ sandhāya “**sammukhāvinayo kusalo**”ti-ādī vuttanti vadanti. **Natthi sammukhāvinayo akusaloti** dhammavinayapuggalasammukhatāhi tivaṅgiko sammukhāvinayo etehi vinā natthi. Tattha kusalacittehi karaṇakāle kusalo, arahantehi karaṇakāle abyākato. Etesaṃ saṅghasammukhatādīnaṃ akusalapaṭipakkhattā akusalassa sambhavo natthi, tasmā “natthi sammukhāvinayo akusalo”ti vuttaṃ. “Yebhu yyasikā adhammavādīhi vūpasamanakāle², dhammavādīnampi adhammavādīmi salāka ggāhāpake jāte akusalā. Sativinayo anarahato sañcicca sativinayādāne akusalo. Amūḷha vinayo anumattakassa dāne, paṭiññātakaraṇaṃ mūḷhassa ajānato paṭiññāya karaṇe, tassapāpiyasikā suddhassa karaṇe, tiṇavatthāraṇaṃ mahākalahe sañcicca karaṇe ca akusalaṃ. Sabbattha arahato vaseneva abyākatan”ti sabbametaṃ **gaṇṭhipadesu** vuttaṃ.

Samathavāra vissajjanāvāraṅkathāvaṇṇanā

304-305. **Yattha yebhuyyasikā labbhati, tattha sammukhāvinayo labbhatīti-ādī** pucchā. **Yasmīṃ samaye sammukhāvinayena cāti-ādī**

1. Paṭiññā tesaṃ (Ka)

2. Adhammavādīhi vūpasamanakāle, dhammavādīhi vūpasamanakāle (Syā)

tassā vissajjanam, yasmim samaye sammukhāvinayena ca yebhuyyasikāya ca adhikaraṇam vūpasammati, tasmim samaye yattha yebhuyyasikā labbhati, tattha sammukhāvinayo labbhatīti evam sabbattha sambandho. **Yattha paṭiññātakaraṇam labbhati, tattha sammukhāvinayo labbhatīti** ettha ekaṁ vā dve vā bahū vā bhikkhū “imaṁ nāma āpattim āpannosi”ti pucchite sati “āmā”ti paṭijānane dvepi paṭiññātakaraṇasammukhāvinayā labbhanti. Tattha “saṁghasammukhatā dhammavinayapuggalasammukhatā”ti evam vuttasammukhāvinaye saṁghassa purato paṭiññātam ce, saṁghasammukhatā. Tattheva desitam ce, dhammavinayasammukhatāyopi laddhā honti. Atha vivadantā aññamaññam paṭijānanti ce, puggalasammukhatā. Tasseva santike desitam ce, dhamma vinayasammukhatāyopi laddhā honti. Ekasseva vā ekassa santike āpattidesanakāle “passasi, passāmī”ti vutte tattha dhammavinayapuggalasammukhakāsaññito sammukhā vinayo ca paṭiññātakaraṇaṅca laddham hoti.

Saṁsatṭhavārakathāvaṇṇanā

306. Adhikaraṇānam vūpasamova **samatho** nāma, tasmā adhikaraṇena vinā samathā natthīti āha “**mā hevantissa vacanīyo -pa- vinibbhujitvā nānākaraṇam paññā petun**”ti.

Samathādhikaraṇavārakathāvaṇṇanā

309-310. **Samathā samathehi sammantīti-ādi** pucchā. **Siyā samathā samathehi sammantīti-ādi** vissajjanam. Tattha **samathā samathehi sammantīti** ettha **sammantīti** sampajjanti, adhikaraṇā¹ vā pana sammanti vūpasamam gacchanti, tasmā **yebhuyyasikā sammukhāvinayena sammatīti** ettha sammukhāvinayena saddhim yebhuyyasikā sampa jjati, na sativinayādīhi saddhim tesam tassā anupakārattāti evamattho daṭṭhabbo.

311. “Sammukhāvinayo vivādādhikaraṇena sammatī”ti pāḷho. “Sammukhāvinayo na kenaci sammatī”ti hi avasāne vuttattā

1. Adhikaraṇena(Ka)

sammukhāvinayo sayam samathena vā adhikaraṇena vā sametabbo na hoti.

313. **Vivādādhikaraṇam -pa- kiccādhikaraṇena sammatīti** ettha “suṇātu me bhante -pa- paṭhamam salākam nikkhipāmī”ti evam vivādādhikaraṇam kiccādhikaraṇena sammatīti daṭṭhabbam.

Samuṭṭhāpanavārakathāvaṇṇanā

314. **Vivādādhikaraṇam na katamam adhikaraṇam samuṭṭhāpetīti** “nāyam dhammo”ti vuttamatteneva kiñci adhikaraṇam na samuṭṭhāpetīti attho.

Bhajativārakathāvaṇṇanā

318-9. **Katamam adhikaraṇam pariyāpananti** katamādhikaraṇapariyāpanam, ayameva vā pāṭho. **Vivādādhikaraṇam vivādādhikaraṇam bhajatīti** paṭhamuppannavivādam pacchā uppanno bhajati. **Vivādādhikaraṇam dve samathe bhajatīti** “mam vūpasametum samatthā tumhe”ti vadantam viya bhajati. **Dvīhi samathehi saṅgahitanti** “mayam tam vūpasamessāmā”ti vadantehi viya dvīhi samathehi saṅgahitam.

Khandhakupucchāvāra

Pucchāvissajjanāvaṇṇanā

320. **Nidānena ca niddesena ca saddhinti** ettha **nidānenāti** sikkhāpadapaññattidesasaṅkhātena nidānena. **Niddesenāti** puggalādiniddesena. Ubhayenapi tassa tassa sikkhāpadassa vatthu dassitam, tasmā vatthunā saddhim khandhakaṃ pucchissāmīti ayamettha attho. **Tatthāti** tasmim upasampadakkhandhake. **Uttamāni padāni vuttānīti** “na bhikkhave ūnavīsativasso puggalo upasampādetabbo”ti-ādinā¹ nayena uttamapadāni vuttāni. **Cammaṣaṃyutteti** cammakhandhake.

1. Vi 3. 109, 129 piṭṭhesu.

Ekuttarikanaya

Ekakavāraṇṇanā

321. **Mūlavisuddhiyā antarāpattī**ti antarāpattim āpajjitvā mūlāyapaṭikassanaṃ katvā ṭhitena āpannā. “**Agghavisuddhiyā antarāpattī**ti sambahulā āpattiyo āpajjitvā tāsu sabbacirapaṭicchannavasena agghasamodhānaṃ gahetvā vasantena āpannāpattī”ti **gaṇṭhi padesu** vuttaṃ. **Sa-ussāheneva cittenā**ti “punapi āpajjissāmī”ti sa-ussāheneva cittena. Bhikkhunīnaṃ aṭṭhavatthukāya vasena cetam vuttaṃ. Tenevāha “**aṭṭhame vatthusmim bhikkhuniyā pārājikameva hotī**”ti. “**Dhammikassa paṭissavassa asaccāpane**”ti vuttattā adhammikapaṭissavassa viśāmvāde dukkaṭam na hoti. “Tumhe vibbhamathā”ti hi vutte suddhacitto “sādhū”ti paṭissuṇitvā sace na vibbhamati, anāpatti. Evaṃ sabbattha. **Pañca dasasu dhammesūti** “kālena vakkhāmi, no akālenā”ti-ādinā vuttapañcadasadhammesu. Āpattim āpajjitum bhabbatāya **bhabbāpattikā**.

Ekakavāraṇṇanā niṭṭhitā.

Dukavāraṇṇanā

322. Dukesu **nidahanti** ātape aticiraṃ ṭhapetvā nidahane. Vatthusabhāgaṃ desento **desento āpajjati**, āpannaṃ āpattim na desessāmīti dhuraṃ nikkhipanto **na desento āpajjati**. Romajanapade jātaṃ **romakaṃ**. **Pakkālakanti**¹ yavakkhāraṃ. Anuññātaḷaṇṇattā ḷaṇṇānipi dukesu vuttāni.

Dukavāraṇṇanā niṭṭhitā.

1. Pakkhallakanti (Syā)

Tikavāraṇṇanā

323. Tikesu **vacīsampayuttaṃ kāyakiriyaṃ katvāti** kāyena nipaccakāraṃ¹ katvā. **Mukhālambarakaraṇādibhedoti** mukhabherivādanādippabhedo. Yassa sikkhāpadassa vītikkame kāyasamuṭṭhānā āpattiyo, tam kāyadvāre paññattasikkhāpadam. **Upaghātetīti** vināseti. **Na ādātābanti** “imasmā vihārā parampi mā nikkhama, vinayadharānaṃ vā santikaṃ āgaccha vinicchayaṃ dātun”ti vutte tassa vacanaṃ na gahetābanti attho.

Akusalāni ceva mūlāni cāti akkosallasambhūtaṭṭhena ekantākusalabhāvato akusalāni, attanā sampayuttadhammaṇaṃ suppatiṭṭhitabhāvasādhanato mūlāni, na akusalabhāvasādhanato. Na hi mūlato akusalānaṃ akusalabhāvo, kusalādīnaṃ vā kusalādibhāvo. Tathā ca sati momūhacittadvayamohassa akusalabhāvo na siyā.

Duṭṭhu caritānīti paccayato sampayuttadhammato pavatti-ākārato ca na suṭṭhu asammāpavattitāni. **Virūpānīti** bībhacchāni sampati āyatiṅca anīṭṭharūpattā. **Suṭṭhu caritānīti**-ādīsu vuttavipariyāyena attho veditabbo. Dvepi cete tikā paṇṇattiyā vā kamma-pathēhi vā kathetabbā. Paṇṇattiyā tāva kāyadvāre paññattasikkhāpadassa vītikkamo kāyaduccaritaṃ, avītikkamo kāyasucaritaṃ. Vacīdvāre paññattasikkhāpadassa vītikkamo vacīduccaritaṃ, avītikkamo vacīsucaritaṃ. Ubhayattha paññattasikkhāpadassa vītikkamo manoduccaritaṃ manodvāre paññattasikkhāpadassa abhāvato. Tayidaṃ dvāradvaye akiriyasamuṭṭhānāya² āpattiyā vasena veditabbaṃ. Yathāvuttāya āpattiyā avītikkamova manosucaritaṃ. Ayaṃ **paṇṇattikathā**.

Pāṇātipātādayo pana tisso cetanā kāyadvāre vacīdvārepi uppannā kāyaduccaritaṃ dvārantare uppannassapi kammaṃ sanāmāpariccāgato yebhuyyavuttiyā tabbahulavuttiyā ca. Tenāhu aṭṭhakathācariyā—

“Dvāre caranti kammāni, na dvārā dvārācārino.

Tasmā dvārehi kammāni, aññamaññaṃ vavatthitā”ti³.

1. Nisajjākāraṃ (Ka)

2. Kiriyasamuṭṭhānāya (Syā)

3. Abhi-Ṭṭha 1. 126 piṭṭhe.

tathā catasso musāvādādicetanā kāyadvārepi vacīdvārepi uppannā vacīduccaritaṃ, abhiḥhā byāpādo micchādiṭṭhīti tayo manokammabhūtāya cetanāya sampayuttadhammā manoduccaritaṃ, kāyavacīkammabhūtāya pana cetanāya sampayuttā abhiḥhādayo taṃtaṃpakkhikā vā honti abbohārikā vā. Pāṇātipātādīhi viramantassa uppannā tisso cetanāpi viratiyopi kāyasucaritaṃ kāyikassa vītikkamassa akaraṇavasena pavattanato. Kāyena pana sikkhāpadānaṃ samādiyamāne sīlassa kāyasucaritabhāve vattabbameva natthi. Musāvādādīhi viramantassa catasso cetanāpi viratiyopi vacīsucaritaṃ vācasikassa vītikkamassa akaraṇavasena pavattanato. Anabhiḥhā abyāpādo sammādiṭṭhīti tayo cetanāsampayuttadhammā manosucaritanti ayaṃ **kammapathakathā**.

Tikavāraṇaṇṇā niṭṭhitā.

Catukkavāraṇṇā

324. Catukkesu **anariyavohārā**ti anariyānaṃ lāmakānaṃ vohārā saṃvohārā abhilāpavācā. **Ariyavohārā**ti ariyānaṃ sappurisānaṃ vohārā. **Diṭṭhavāditā**ti “diṭṭhaṃ mayā”ti evaṃvādītā. Ettha ca taṃtaṃsamuṭṭhāpakacetanāvasena attho veditabbo.

Paṭhamakappikesu paṭhamāṃ purisaliṅgameva uppajjātīti āha “**paṭhamāṃ uppannavasena**”ti. **Purimāṃ purisaliṅgaṃ pajahatī**ti yathāvuttenatthena pubbaṅgama bhāvato purimasaṅkhātāṃ purisaliṅgaṃ jahati. **Sataṃ tiṃsaṅca sikkhāpadānī**ti tiṃsādhikāni sataṃ sikkhāpadāni.

Bhikkhussa ca bhikkhuniyā ca catūsu pārājikesūti sādharmaṇesuyeva catūsu pārājikesu. **Paṭhamo pañho**ti “atthi vatthunānattatā, no āpattinānattatā”ti ayaṃ pañho. “Atthi āpattisabhāgatā, no vatthusabhāgatā”ti ayaṃ idha dutiyo nāma.

Anāpattivassacchedassāti natthi etasmim vassacchede āpattīti anāpatti vassacchedo, tassa, anāpattikassa vassacchedassāti attho.

mantābhāsāti matiyā upaparikkhitvā bhāsanato asamphappalāpavācā idha “mantābhāsā”ti vuttā.

Navamabhikkhunito paṭṭhāya upajjhāyāpi abhivādanārahā no paccuṭṭhānārahāti yasmā “anujānāmi bhikkhave bhattagge aṭṭhannaṃ bhikkhunīnaṃ yathāvuddhaṃ avasesānaṃ yathāgatikaṃ”ti vadantena bhagavatā bhattagge ādito paṭṭhāya aṭṭhannaṃ yeva bhikkhunīnaṃ yathāvuddhaṃ anuññātaṃ, avasesānaṃ āgatapaṭipāṭiyā¹, tasmā navamabhikkhunito paṭṭhāya sace upajjhāyāpi bhikkhunī pacchā āgacchati, na paccuṭṭhā nārahā, yathānisinnāhiyeva sīsaṃ ukkhipitvā abhivādetabbattā abhivādanārahā. Ādito nisinnāsu pana aṭṭhasu yā abbhantarimā aññā vuddhatarā āgacchati, sā attano navakatarāṃ vuṭṭhāpetvā nisīdituṃ labhati. Tasmā sā tāhi aṭṭhahi bhikkhunīhi paccuṭṭhānārahā. Yā pana aṭṭhahi navakatarā, sā sacepi saṭṭhivassā hoti, āgatapaṭipāṭiyāva nisīdituṃ labhati.

Idha na kappantīti vadantoti paccantimajanapadesu ṭhatvā “idha na kappantī”ti vadanto vinayātisāraddukkaṭaṃ āpajjati. Kappiyañhi “na kappatī”ti vadanto paññattaṃ samucchindati nāma. **Idha kappantīti**-ādīsupi eseva nayo.

Catukkavāraṇṇanā niṭṭhitā.

Pañcakavāraṇṇanā

325. Pañcakesu “nimantito sabhatto samāno santaṃ bhikkhuṃ anāpucchā”ti² vacanato akappiyanimantanaṃ sādiyantasseva anāmantacāro na vaṭṭatīti “**piṇḍapātikassa kappantī**”ti vuttaṃ. **Gaṇabhojanā**disupi eseva nayo. **Adhiṭṭhahitvā bhojananti** “gilāna samayo”ti-ādinā ābhogaṃ katvā bhojanaṃ. **Avikappanā**ti “mayhaṃ bhattapaccāsaṃ itthannāmassa dammī”ti evaṃ avikappanā.

Ayasato vā garahato vāti ettha parammukhā aguṇavacanaṃ **ayaso**. Sammukhā **garahā**. Viyasatīti **byasanaṃ**, hitasukhaṃ khipati viddhaṃsetīti attho.

1. Āgatapaṭipāṭi(Syā)

2. Vi 2. 132, 133 piṭṭhesu.

ñātīnaṃ byasanaṃ **ñātibyasanaṃ**, corarogabhayādīti ñātivināsoti attho. Bhogānaṃ byasanaṃ **bhogabyasanaṃ**, rājacorādivasena bhogavināsoti attho. Rogo eva byasanaṃ **rogabyasanaṃ**. Rogo hi ārogyaṃ byasati vināsetīti byasanaṃ. Silassa byasanaṃ **sīlabyasanaṃ**, dussīlyassetam nāmaṃ. Sammādiṭṭhiṃ vināsayamānā uppannā diṭṭhiyeva byasanaṃ **diṭṭhibyasanaṃ**. **Ñātisampadā**ti ñātīnaṃ sampadā pāripūri bahubhāvo. **Bhogasampadā**yapi eseva nayo. Ārogyassa sampadā **ārogyasampadā**. Pāripūri digharattaṃ arogatā. **Sīladiṭṭhisampadā**supi eseva nayo.

Vattaṃ paricchindīti tasmim divase kātābavattaṃ niṭṭhāpesi. **Aṭṭha kappe anussarī**ti-ādinā tasmim khaṇe jhānaṃ nibbattetvā pubbenivāsaññaṃ nibbattesīti dīpeti. **Ñātiyā kammappatto hutvā**ti ñātiyā ṭhapitāya anussāvanakammappatto hutvāti attho.

Mandattā momūhattāti neva samādānaṃ jānāti, na ānisaṃsaṃ, attano pana mandattā momūhattā aññāneva āraññiko hoti. **Pāpiccho icchāpakatoti** “araññe me viharantassa 'ayaṃ āraññiko'ti catuppaccayasakkāraṃ karissanti, 'ayaṃ bhikkhu lajjī pavivitto'ti-ādīhi ca guṇehi sambhāveṣṣanti”ti evaṃ pāpikāya icchāya ṭhatvā tāya eva icchāya abhibhūto hutvā āraññiko hotīti attho. Tenāha “**araññāvāsena paccayalābhaṃ patthayamāno**”ti. Ummādasena araññaṃ pavisitvā viharanto **ummādā cittakkhepā āraññiko** nāma hoti. **Vaṇṇitanti** idaṃ āraññikaṅgaṃ nāma buddhehi buddhasāvakehi ca vaṇṇitaṃ pasatthanti āraññiko hoti.

Pañcakavāraṇṇanā niṭṭhitā.

Chakkavāraṇṇanā

326. Chakkesu **chabbassaparamatā dhāretabbanti** padabhājanaṃ dassitaṃ. Sesam uttānameva.

Chakkavāraṇṇanā niṭṭhitā.

Sattakavāraṇṇanā

327. Sattakesu **chakke vuttāniyeva sattakavasena yojetabbānīti** chakke vutta cuddasaparamāni dvidhā katvā dvinnam sattakānam vasena yojetabbāni.

Āpattim jānātīti āpattimyeva “āpatti”ti jānāti. Sesapadesupi eseva nayo. **Ābhicetasikānanti** ettha¹ **abhicetoti** pākatikakāmāvacaracittehi sundaratāya paṭipakkhato visuddhattā ca abhikkantaṃ visuddhacittaṃ vuccati, upacārajjhānacittassetam adhivacanam. Abhicetasi jātāni **ābhicetasikāni**, abhicetosannissitānīti vā **ābhicetasikāni**. **Diṭṭhadhammasukhavihārānanti** diṭṭhadhamme sukhavihārānam. **Diṭṭhadhammoti** paccakkho attabhāvo vuccati, tatha sukhavihārabhūtānanti attho. Rūpāvacarajjhānānametaṃ adhivacanam. Tāni hi appetvā nisinnā jhāyino imasmiññeva attabhāve asaṃkiliṭṭham nekkhammasukham vindanti, tasmā “diṭṭhadhammasukhavihārānī”ti vuccanti. **Nikāmalābhīti** nikāmena lābhī, attano icchāvasena lābhī, icchiticchitakkhaṇe samāpajjitum samatthoti vuttaṃ hoti. **Akicchalābhīti** sukheneva paccanīkadhamme vikkhambhetvā samāpajjitum samatthoti vuttaṃ hoti. **Akasiralābhīti** akasirānam lābhī vipulānam, yathāparicchedeneva vuṭṭhātum samatthoti vuttaṃ hoti. Ekacco hi lābhīyeva hoti, na pana sakkoti icchiticchitakkhaṇe samāpajjitum. Ekacco sakkoti tathā samā pajjitum, pāripanthike pana kicchena vikkhambheti. Ekacco tathā ca samāpajjati, pāripanthike ca akiccheneva vikkhambheti, na sakkoti kāmānanālikayantaṃ viya yathā paricchedeyeva vuṭṭhātum.

Āsavānam khayāti arahattamaggena sabbakilesānam khayā. **Anāsavanti** āsava virahitaṃ. **Cetovimuttim paññāvimuttinti** ettha **ceto**-vacanena arahattaphalasampayutto samādhi, **paññā**-vacanena taṃsāmpayuttā ca paññā vuttā. Tatha ca samādhi rāgato vimuttattā cetovimutti, paññā avijjāya vimuttattā paññāvimuttīti veditabbā. Vuttañhetam bhagavatā “yo hissa bhikkhave samādhi, tadassa samādhindriyam². Yā hissa bhikkhave paññā, tadassa

1. Am-Ṭṭha 3. 267; Ma-Ṭṭha 1. 165 piṭṭhādīsipi passitabbam. 2. Sam 3. 198 piṭṭhe.

paññindriyaṃ¹. Iti kho bhikkhave rāgavirāgā cetovimutti avijjāvirāgā paññāvimutti”ti². Apicettha samathaphalaṃ cetovimutti, vipassanāphalaṃ paññāvimuttīti veditabbāti. **Diṭṭheva dhammeti** imasmiṃ yeva attabhāve. **Sayaṃ abhiññā sacchikatvāti** attanāyeva³ paññāya paccakkhaṃ katvā, aparappaccayena ñatvāti attho. Sutamayaññādinā viya parappaccayataṃ nayaggāhañca muñcitvā paratoghosānugatabhāvanādhigama bhūtāya attanoyeva paññāya paccakkhaṃ katvā, na sayambhūññābhūtāyāti adhippāyo. **Upasampajja viharatīti** pāpuṇitvā sampādetvā viharati.

Sattakavāraṇṇanā niṭṭhitā.

Aṭṭhakavāraṇṇanā

328. Aṭṭhakesu **aṭṭhānisamse sampassamānenāti**—

“Idha⁴ pana bhikkhave bhikkhu āpattiṃ āpanno hoti, so tassā āpattiyā anāpattidiṭṭhi hoti, aññe bhikkhū tassā āpattiyā āpattidiṭṭhino honti, te ce bhikkhave bhikkhū taṃ bhikkhuṃ evaṃ jānanti 'ayaṃ kho āyasmā bahussuto āgatāgamo dhammadharo vinayadharo mātikādharo paṇḍito byatto medhāvī lajji kukkuccako sikkhākāmo, sace mayaṃ imaṃ bhikkhuṃ āpattiyā adassane ukkipissāma, na mayaṃ iminā bhikkhunā saddhiṃ uposathaṃ karissāma, vinā iminā bhikkhunā uposathaṃ kari ssāma, bhavissati saṃghassa tatonidānaṃ bhaṇḍanaṃ kalaho viggaho vivādo saṃghabhedo saṃgharāji saṃghavavatthānaṃ saṃghanānā karaṇa'nti, bhedagarukehi bhikkhave bhikkhūhi na so bhikkhu āpattiyā adassane ukkipitabbo”ti—

ādinā vutta-aṭṭhānisamse sampassamānena. Tena hi saddhiṃ uposathādi-akaraṇaṃ ādīnava bhedāya saṃvattanato, karaṇaṃ

1. Saṃ 3. 195 piṭṭhe. 2. Am 1. 62 piṭṭhe. 3. Attanoyeva (Syā) 4. Vi 3. 482 piṭṭhe.

ānisaṃso sāmaggiyā saṃvattanato. Tasmā ete aṭṭhānisaṃse sampassamānena na so bhikkhu ukkhipitabboti attho.

Dutiya-aṭṭhakepi **aṭṭhānisaṃse sampassamānenāti**—

“Idha¹ pana bhikkhave bhikkhu āpattiṃ āpanno hoti, so tassā āpattiyā anāpattidiṭṭhi hoti, aññe bhikkhū tassā āpattiyā āpattidiṭṭhino honti, so ce bhikkhave bhikkhu te bhikkhū evaṃ jānāti 'ime kho āyasmanto bahussutā āgatāgamā dhammadharā vinayadharā mātikādharā paṇḍitā byattā medhāvino lajjino kukkucakā sikkhākāmā, nālaṃ mamaṃ vā kāraṇā aññesaṃ vā kāraṇā chandā dosā mohā bhayā agatiṃ gantuṃ, sace maṃ ime bhikkhū āpattiyā adassane ukkhipissanti, na mayā saddhiṃ uposathaṃ karissanti, vinā mayā uposathaṃ karissanti, bhavissati saṃghassa tatonidānaṃ bhaṇḍanaṃ kalaho viggaho vivādo saṃghabhedo saṃgharāji saṃghavavatthānaṃ saṃghanānākaṇa'nti, bhedagarukena bhikkhave bhikkhunā paresampi saddhāya sā āpatti desetabbā”ti—

Ādinā vutta-aṭṭhānisaṃse sampassamānenāti attho.

Pāliyaṃ āgatehi sattahīti “pubbevassa hoti 'musā bhaṇissa'nti, bhaṇantassa hoti 'musā bhaṇāmī'ti, bhaṇitassa hoti 'musā mayā bhaṇita'nti vinidhāya diṭṭhiṃ, vinidhāya khantiṃ, vinidhāya ruciṃ, vinidhāya bhāvan”ti² evamāgatehi sattahi.

Abrahmacariyāti³ aseṭṭhacariyato. **Rattiṃ na bhuñjeyya vikālabhojananti** uposathaṃ upavuttho rattibhojanañca divāvikaḷabhojanañca na bhuñjeyya. **Mañce chamāyaṃva sayetha santhateti** kappiyamañce vā sudhādiparikammakatāya bhūmiyaṃ vā tiṇapaṇṇapalālādīni santharivā kate santhate vā sayethāti attho. **Etañhi aṭṭhaṅgika māhuposathanti** etaṃ pāṇātipātādīni asamācarantena upavutthā-uposathaṃ aṭṭhahi aṅgehi samannāgatattā “aṭṭhaṅgikan”ti vadanti.

1. Vi 3. 483 piṭṭhe. 2. Vi 1. 137 piṭṭhe. 3. Am-Ṭṭha 3. 199 piṭṭhepi passitabbam.

“Akappiyakataṃ hoti appaṭiggahitakan”ti-ādayo **aṭṭha anātirittā** nāma. **Sappi-**ādi aṭṭhame aruṇuggamane nissaggiyaṃ hoti. **Aṭṭhakavasena yojetvā veditabbānī**ti puri māni aṭṭha ekaṃ aṭṭhakaṃ, tato ekaṃ apanetvā sesesupi ekekaṃ pakkhipitvāti evamā dinā nayena aññānīpi aṭṭhakāni kātābbānīti attho.

Aṭṭhakavāraṇṇanā niṭṭhitā.

Navakavāraṇṇanā

329. Navakesu **āghātavatthūnī**ti¹ āghātakāraṇāni. **Āghātaṭṭhāvinayānī**ti āghā tassa ṭṭhāvinayakāraṇāni. **Taṃ kutettha labbhāti** “taṃ anāthacāraṇaṃ mā ahoṣī”ti etasmiṃ puggale kuto labbhā kena kāraṇena sakkā laddhuṃ. “Paro nāma parassa attano cīttaruciyaṃ anātham karoti”ti evaṃ cintetvā āghātaṃ ṭṭhāvinodeti. Atha vā sacāhaṃ ṭṭhākkopam kareyyam, taṃ kopakāraṇaṃ ettha puggale kuto labbhā, kena kāraṇena laddhabbam niratthakabhāvatoti attho. Kammassakā hi sattā, te kassa ruciyaṃ dukkhitā sukhitā vā bhavanti, tasmā kevalam tasmim mayham kujjhanamattamevāti adhippāyo. Atha vā taṃ kopakāraṇaṃ ettha puggale kuto labbhā paramatthato kujjhitabbassa kujjhanakassa ca abhāvato. Saṅkhāramattañhetam yadidaṃ khandhapañcakaṃ yaṃ “satto”ti vuccati, te ca saṅkhārā ittarakālā khaṇikā, kassa ko kujjhatīti attho. “Kuto lābhā”tipi pāṭho, sacāhaṃ ettha kopam kareyyam, tasmim me kopakāraṇe kuto lābhā, lābhā nāma ke siyūṃ aññatra anāthupattitoti attho. Imasmiṃca atthe **tanti** nipātamattameva hoti.

Taṇham paṭiccāti² dve taṇhā esanataṇhā esitataṇhā ca. Yāya taṇhāya ajapathasāṅkupathādīni ṭṭhāpajjitvā bhoge esati gavesati, yaṃ **esanataṇhā** nāma. Yā tesu esitesu gavesitesu

1. Dī-ṭṭha 3. 228; Am-ṭṭha 3. 276 piṭṭhesupi passitabbam.

2. Dī-ṭṭha 2. 89; Am-ṭṭha 3. 273 piṭṭhādīsipi passitabbam.

paṭiladdhesu taṇhā, ayaṃ **esitatanḥā** nāma. Idha esitatanḥā daṭṭhabbā. **Pariyesanā**ti rūpādi-ārammaṇapariyesanā. Sā hi esatananḥāya sati hoti. **Lābhoti** rūpādi-ārammaṇappaṭilābho. So hi pariyesanāya sati hoti. **Vinicchayo** pana nānatanḥādiṭṭhivittakkavasena catubbidho. Tattha “sukhavinicchayaṃ jaññā, sukhavinicchayaṃ ñatvā ajjhattaṃ sukha manuyujjheyyā”¹ ayaṃ **ñānavinicchayo**. “Vinicchayoti dve vinicchayā taṇhāvinicchayo ca diṭṭhivinicchayo cā”² evaṃ āgatāni aṭṭhasatatanḥāvicarītāni **taṇhāvinicchayo**. Dvāsattḥi diṭṭhiyo **diṭṭhivinicchayo**. “Chando kho devānaminda vitakkanidāno”³ imasmim̐ pana sutte idha **vinicchayoti** vutto **vitakkoyeva** āgato. Lābham̐ labhitvā hi iṭṭhāniṭṭham̐ sundarāsundarañca vitakkena vinicchinati “ettakam̐ me rūpārammaṇatthāya bhavissati, ettakam̐ saddārammaṇatthāya, ettakam̐ mayham̐ bhavissati, ettakam̐ parassa, ettakam̐ paribhuñjissāmi, ettakam̐ nidahissāmi”³ti. Tena vuttam̐ “**lābham̐ paṭicca vinicchayo**”³ti.

Chandarāgoti evaṃ akusalavitakkena vitakkite vatthusmim̐ dubbalarāgo ca bala varāgo ca uppajjati. **Ajjhosānanti** “aham̐, maman”³ti balavasanniṭṭhānam̐. **Pariggahoti** taṇhādiṭṭhivasena pariggahakaraṇam̐. **Macchariyanti** parehi sādharmaṇabhāvassa asahanatā. Tenevassa porāṇā evaṃ vacanattham̐ vadanti “idaṃ acchariyaṃ mayheva hotu, mā aññassa acchariyaṃ hotūti pavattattā macchariyanti vuccatī”³ti. **Ārakkhoti** dvārapidahanamañjūsāgopanādivasena suṭṭhu rakkhaṇam̐. Adhikarotīti **adhikaraṇam̐**, kāraṇassetam̐ nāmam̐. **Ārakkhādhikaraṇanti** bhāvanapumsakam̐, ārakkhahetūti attho. Daṇḍādānādīsu paranisedhanattham̐ daṇḍassa ādānam̐ **daṇḍādānam̐**. Ekatodhārādino satthassa ādānam̐ **satthādānam̐**. **Kalahoti** kāyakalahopi vācāalahopi. Purimo purimo virodho **viggaho**, pacchimo pacchimo **vivādo**. Tuvam̐ tuvanti agāravavasena “**tuvam̐ tuvan**”³ti vacanam̐.

Adhiṭṭhitakālato paṭṭhāya na vikappetabbānīti vikappentena adhiṭṭhānato pubbe vā vikappetabbam̐, vijahitādhiṭṭhānam̐ vā pacchāvikkappetabbam̐.

1. Ma 3. 273 piṭṭhe.

2. Khu 7. 205 piṭṭhe.

3. Dī 2. 221 piṭṭhe.

Avijahitādhiṭṭhānaṃ pana na vikappetabbanti adhippāyo. **Dukkaṭavasena vuttānīti** “vaggam bhikkhunisaṃgham vaggasaññī ovadatī”ti-ādinā¹ nayena adhammakamme dve navakāni dukkaṭavasena vuttāni.

Navakavāraṇṇanā niṭṭhitā.

Dasakavāraṇṇanā

330. Dasakesu **natthi dinnanti-ādivasena veditabbāti** “natthi dinnam, natthi yiṭṭham, natthi hutam, natthi sukata dukkaṭānam kammānam phalam vipāko, natthi ayaṃ loko, natthi paro loko, natthi mātā, natthi pitā, natthi sattā opapātikā, natthi loke samaṇa brāhmaṇā sammaggatā sammāpaṭipannā, ye imaṅca lokam paraṅca lokam sayam abhiññā sacchikatvā pavedenti”ti² evamāgataṃ sandhāya vuttam. **Sassato lokoti-ādivasenāti** “sassato lokoti vā, asassato lokoti vā, antavā lokoti vā, anantavā lokoti vā, taṃ jīvaṃ taṃ sarīranti vā, aññaṃ jīvaṃ aññaṃ sarīranti vā, hoti tathāgato param maraṇāti vā, na hoti tathāgato param maraṇāti vā, hoti ca na ca hoti tathāgato param maraṇāti vā, neva hoti na na hoti tathāgato param maraṇāti vā”ti³ evamāgataṃ saṅgaṇhāti.

Micchādiṭṭhi-ādayo micchāvimutti-pariyosānāti “micchādiṭṭhi micchāsaṅkappo micchāvācā micchākammanto micchā-ājīvo micchāvāyāmo micchāsati micchāsamādhi micchāñāṇam micchāvimutti”ti⁴ evamāgataṃ sandhāya vadati. Tatha **micchāñāṇanti** pāpakiriyāsu upāyacintāvasena pāpakam katvā “sukataṃ mayā”ti paccavekkhaṇākārena ca uppanno moho. **Micchāvimutti**ti avimuttasseva sato vimuttisaññitā. **Samathakkha ndhake niddiṭṭhāti** “oramattakam adhikaraṇam hoti, na ca gatigataṃ, na ca sarita sāritan”ti-ādinā⁵ niddiṭṭhā. Samathakkhandhake vuttehi samannāgato

1. Vi 2. 75 piṭṭhe.

2. Ma 2. 63, 182; Ma 3. 72, 99; Saṃ 2. 169 piṭṭhesu.

3. Ma 1. 212 piṭṭhe.

4. Abhi 2. 405 piṭṭhe.

5. Vi 4. 205 piṭṭhe.

hotīti sambandho. Māturakkhitādayo **dasa itthiyo**. Dhanakkīkādayo **dasa bhariyāyo**.

Dasakavāraṇṇanā niṭṭhitā.

Ekādasakavāraṇṇanā

331. Ekādasakesu **na vodāyantīti** na pakāsanti. **Suyuttayānasadisāya katāyāti** icchiticchitakāle sukkena pavattetabbattā yuttayānam viya katāya. **Yathā patiṭṭhā hotīti** sampattīnam yathā patiṭṭhā hoti. **Anu anu pavattitāyāti** bhāvanābahulīkārehi anu anu pavattitāya.

Sukham supatīti-ādīsu¹ yathā sesajanā samparivattamānā kākacchamānā dukkham supanti, evam asupitvā sukham supati, niddam okkantopi samāpattim samāpanno viya hoti. **Sukham paṭibujjhatīti** yathā aññe nitthunantā vijambhantā samparivattantā dukkham paṭibujjhanti, evam appaṭibujjhitvā vīkasamānamiva padumam sukham nibbikāram paṭibujjhati. Anubhūtapubbavasena devatūpasamhāravasena cassa bhaddakameva supinam hoti, na pāpakanti āha “**pāpakameva na passatī**”ti-ādi. Dhātukkhobhahetukampi cassa bahulam bhaddakameva siyā yebhuyyena cittajarūpānugūṇatāya utu-āhārajarūpānam. Tattha **pāpakameva na passatīti** yathā aññe attānam corehi samparivāritam viya, vālehi upaddutam viya, papāte patantam viya ca passanti, evam pāpakameva supinam na passati. **Bhadrakam pana vuḍḍhikāraṇabhūtam passatīti** cetiyam vandanto viya, pūjam karonto viya, dhammam suṇanto viya ca hoti.

Manussānam piyo hotīti ure āmukkamuttāhāro viya, sīse piḷandhamālā viya ca manussānam piyo hoti manāpo. **Amanussānam piyo hotīti** yatheva ca manussānam piyo, evam amanussānampi piyo hoti visākhathero viya. **Nāssa aggi vā visam vā sattham vā kamatīti** mettāvihārissa kāye uttarāya upāsikāya viya aggi vā,

1. Am-Ṭṭha 3. 345; Visuddhi 1. 305 piṭṭhādīsupi passitabbam.

saṃyuttabhāṇakacūlasivattherasseva visaṃ vā, saṃkiccasāmaṇerasseva satthaṃ vā na kamati na pavisati, nāssa kāyaṃ vikopetīti vuttaṃ hoti. Dhenuvatthumpi cettha kathayanti, ekā kira dhenu vacchakassa khīradhāraṃ muñcamānā aṭṭhāsi. Eko luddako “taṃ vijjhissāmi”ti hatthena samparivattetvā dīghadaṇḍakaṃ sattim muñci. Sā tassā sarīraṃ āhacca tālapaṇṇaṃ viya vivaṭṭamānā gatā, neva upacārabalena na appanābalena, kevalaṃ pana vacchake balavahitacittatāya. Evaṃ mahānubhāvā mettā. **Khippaṃ samādhiyatīti** kenaci paripanthena parihīnajjhānassa byāpādassa dūrasamanussaritabhāvato khippameva samādhiyati. **Mukhavaṇṇo vipasīdatīti** bandhanā pamuttatālapakkaṃ viya cassa vipasannaṇṇaṃ mukhaṃ hoti. **Asammūlho kālaṃ karotīti** mettāvihārino sammohamaṇaṇaṃ nāma natthi, asammūlhova niddaṃ okkamanto viya kālaṃ karoti.

Ekādasakavāraṇṇanā niṭṭhitā.

Ekuttarikanayaṇṇanā niṭṭhitā.

Uposathādipucchāvissajjanāvaṇṇanā

332. “Saṃghaṃ bhante pavāremīti-ādi pavāraṇākathā nāma”ti gaṇṭhipadesu vuttaṃ.

Atthavasapakaraṇaṇṇanā

334. **Paṭhamapārājikavaṇṇanāyameva vuttanti** “saṃghasuṭṭhutāyā”ti-ādīnaṃ atthavaṇṇanaṃ sandhāya vuttaṃ. **Dasakkhattuṃ yojanāya padasataṃ vuttanti** ekamūlakanaye dasakkhattuṃ yojanāya katāya saṅkhalikanaye vuttapadehi saddhiṃ padasataṃ vuttanti evamattho gahetabbo. Aññathā ekamūlake eva naye na sakkā padasataṃ laddhuṃ. Ekamūlakanayehi purimacchimapaḍāni ekato katvā ekekasmim vāre nava nava paḍāni vuttānīti dasakkhattuṃ yojanāya navuti paḍāniyeva labbhanti. Tasmā tāni navuti paḍāni saṅkhalikanaye baddhacakkavasena yojite dasa paḍāni labbhantīti tehi saddhiṃ padasatanti sakkā vuttuṃ. Ito aññathā pana

ubhosupi navesu visum visum atthasataṃ dhammasatañca yathā labbhati, tathā paṭhamapārājikasamvaṇṇanāyameva¹ amhehi dassitaṃ, taṃ tattha vuttanayeneva gahetabbaṃ. Purimapacchimapaḍāni ekattena gahetvā “padasatan”ti vuttatā **“tattha pacchimassa pacchimassa padassa vasena atthasataṃ, purimassa purimassa vasena dhamma satan”**ti vuttaṃ. Tasmim padasate “saṃghasutthū”ti-ādinā vuttapurimapadānaṃ vasena dhammasataṃ, “saṃghaphāsū”ti-ādinā vuttapacchimapaḍānaṃ vasena attasatanti adhippāyo.

Mahāvaggavaṇṇanā niṭṭhitā.

1. Sārattha-Ṭī 2. 38 piṭṭhe.

Paṭhamagāthāsaṅgaṇika

Sattanagaresu paññattasikkhāpadavaṇṇanā

335. **Aḍḍhuḍḍhasatānī**ti tīṇi satāni paññāsaṅga sikkhāpadāni. **Viggahanti** manussaviggahaṃ. **Atirekanti** dasāhaparamaṃ atirekacīvaram. **Kāḷakanti** “suddhakāḷakānaṃ”ti vuttakāḷakaṃ. **Bhūtanti** bhūtārocanaṃ. **Paramparabhantanti** paramparabhojanaṃ. **Bhikkhunīsu ca akkosoti** “yā pana bhikkhunī bhikkhuṃ akkoseyya vā paribhāseyya vā”¹ti vuttasikkhāpadaṃ. **Antaravāsakanti** aññātikāya bhikkhuniyā cīvarapaṭiggaṇhanaṃ. **Rūpiyanti** rūpiyaṃvohāraṃ. **Suttanti** “sāmaṃ suttaṃ viññāpetvā tantavāye hi”²ti vuttasikkhāpadaṃ. **Ujjhāpanaketi** ujjhāpanake khiyyanake pācittiyam. **Pācītipiṇḍanti** bhikkhunīparipācītaṃ. **Cīvaram datvā**ti “samaggena saṃghena cīvaram datvā”³ti vuttasikkhāpadaṃ. **Vosāsanti**ti “bhikkhū paneva kulesu nimantitā bhuñjanti, tatra cesā bhikkhunī”⁴ti vuttapāṭidesanīyam. **Giragganti** “yā pana bhikkhunī naccaṃ vā gītaṃ vā”⁵ti vuttasikkhāpadaṃ. **Cariyā**ti “antovassaṃ cārikaṃ careyyā”⁶ti ca, “vassaṃvutthā cārikaṃ na pakkameyyā”⁷ti ca vuttasikkhāpadadvayaṃ. **Chandadānenā**ti pārivāsikena chandadānena.

Pārājikāni cattārīti bhikkhunīnaṃ cattārī pārājikāni. **Kuṭṭi**ti kuṭṭikārasikkhā padaṃ. **Kosiyanti** kosiyamissakasikkhāpadaṃ. **Seyyā**ti anupasampanna saḥaseyyasikkhāpadaṃ. **Khaṇanti**ti pathavīkhaṇanaṃ. **Gaccha devateti** bhūtagāmasikkhāpadaṃ. **Siñcanti**ti sappānaka-udakasiñcanaṃ. **Mahāvihāro**ti mahallakavīhāro. **Aññanti**ti aññavā dakaṃ. **Dvāranti**ti yāva dvāraḥkosā. **Sahadhammoti**ti sahadhammikaṃ vuccamāno. **Payo pānanti**ti surusurukāraṃ. **Elakalomānī**ti elakalomadhovāpanaṃ. **Pattoti**ti ūnappañca bandhanapatto. **Ovādoti**ti bhikkhunupassayaṃ upasaṅkamitvā ovādo. **Bhesajjanti**ti taduttaribhesajjavīññāpanaṃ. **Sūcī**ti aṭṭhimayādisūcigharaṃ. **Āraññikoti**ti “yāni kho pana tāni āraññakāni senāsānāni”⁸ti-ādinā⁸

1. Vi 2. 406 piṭṭhe.

4. Vi 2. 230 piṭṭhe.

7. Vi 2. 391 piṭṭhe.

2. Vi 1. 369 piṭṭhe.

5. Vi 2. 350 piṭṭhe.

3. Vi 2. 202 piṭṭhe.

6. Vi 2. 390 piṭṭhe.

8. Vi 2. 235 piṭṭhe.

vuttapāṭidesanīyaṃ. **Ovādoti** “yā pana bhikkhunī ovādāya vā saṃvāsāya vā na gacchyyā”¹ti¹ vuttasikkhāpadam.

Pārājikāni cattārīti-ādinā chasu naguesu paññattam ekato sampiṇḍitvā sāvatthiyā paññattam visum gaṇetvā sabbāneva sikkhāpadāni dvīhi rāsīhi saṅgaṇhāti.

Sattanaguesu paññattasikkhāpadavaṇṇanā niṭṭhitā.

Catuvipattivaṇṇanā

336. **Ekatimsa garukā** nāma ubhato aṭṭha pārājikā, bhikkhūnam terasa, bhikkhunīnam dasasaṅghādisesā. **Aṭṭhettha anavasesāti** etesu yathāvuttagarukesu sādharmaṇāsādhāraṇavasena aṭṭha pārājikā anavasesā nāma.

Asādhāraṇādivaṇṇanā

338. “Dhovanañca paṭiggaho”^{ti} gāthā aṭṭhakathācariyānam. Tattha **dhovanañca paṭiggahoti** aññātikāya bhikkhuniyā cīvaradhovāpanam cīvarapaṭiggahaṇaṇca. **Koseyya -pa- dve lomāti** eḷakalomavagge ādito satta sikkhāpadāni vuttāni. **Vassikāti** vassikasāṭikasikkhāpadam. **Āraññakena cāti** sāsaṅkasikkhāpadam vuttam. **Paṇīṭanti** paṇītabhojanaviññatti. **Ūnanti** ūnavāsativassasikkhāpadam. **Nisīdane ca yā sikkhā, vassikā yā ca sāṭikāti** nisīdanavassikasāṭikānam pamāṇāṭikkamo.

Āpattikkhandhā ceva uposathādīni ca “pārājikasamghādisesā”^{ti}-ādinā vibhattattā **“vibhattiyo”**^{ti} vuttāni. **Tevīsati samghādisesāti** bhikkhunīnam āgatāni dasa, bhikkhūnam terasāti tevīsati. **Dve cattālīsa nissaggiyāti**-ādīsipi eseva nayo. **Dvīhi -pa- kiccam ekena sammatīti** dvīhi vivādādhikaraṇam, catūhi anuvādādhikaraṇam, tīhi āpattādhikaraṇam, ekena kiccādhikaraṇam sammatīti attho.

339. **Niraṅkatoti** samghamhā apasārito.

Adhikaraṇabhedavaṇṇanā

340. Yasmā adhikaraṇaṃ ukkoṭento samathappattameva ukkoṭeti, tasmā “vivādādhikaraṇaṃ ukkoṭento kati samathe ukkoṭetī”ti-ādi vuttaṃ.

341. Pāḷimuttakavinicchayenevāti vinayalakkhaṇaṃ vinā kevalaṃ dhamma desanāmettavasenevāti attho. Yenāpi vinicchayenāti pāḷimuttakavinicchayameva sandhāya vuttaṃ. Khandhakato ca parivārato ca suttenāti khandhakarivārato ānītasuttena. Nijjhāpentīti paññāpentī.

342. Kiccaṃ nissāya uppajjanakakiccānanti pubbe kata-ukkhepanīyādikiccaṃ nissāya uppajjanakakiccānaṃ. Kīdisānaṃ? Yāvataṭṭhāsamānubhāsanādīnaṃ.

343. Taṃ hīti taṃ vivādādhikaraṇaṃ.

344. Adhikaraṇesu yena adhikaraṇena sammanti, taṃ dassetuṃ vuttanti yadā adhikaraṇehi sammanti, tadā kiccādhikaraṇeneva sammanti, na aññehi adhikaraṇehīti dassanattamaṃ vuttanti adhippāyo.

353. “Sattannaṃ samathānaṃ katame chattiṃsa samuṭṭhānā”ti pucchitvāpi “kammaṃ kiriyā karaṇaṃ”ti-ādinā sammukhāvinayassa samuṭṭhānāni avibhajitvāva sativinayādīnaṃ channaññeva cha samuṭṭhānāni vibhattāni, taṃ kasmāti āha “kiñcāpi sattannaṃ samathānaṃ”ti-ādi. Sativinayādīnaṃ viya saṃghasammukhatādīnaṃ kiccayatā nāma natthīti āha “kammaṃsaṅgahābhāvenā”ti.

Dutiyagāthāsaṅgaṇikavaṇṇanā

359. Mantaggahaṇanti aññamaññaṃ saṃsandanaṃ. Anu anu sandhānaṃ anusandhitanti bhāvasādhano anusandhitasaddoti āha “anusandhitanti kathānusandhī”ti.

Saṅgāmadvayaṇṇanā

365. **Ṭhānanisajjavattādinissitāti** “evam ṭhātabbam, evam nisīditabban”ti evamā dikā. **Saññājananatthanti** cuditakacodakānaṃ saññuppādanattham. **Anuyogavattam kathāpetvāti** “kim anuyogavattam jānāsī”ti pucchitvā teneva kathāpetvā.

375. **Nīlādivaṇṇāvaṇṇavasenāti** nīlādivaṇṇavasena ārogyatthādi-avaṇṇavasena ca.

Kathinabhedavaṇṇanā

404. **Purejātapaccaye panaesa uddiṭṭhadhammesu ekadhammampi na labhati**ti esa udakāharaṇādipayogo attano purejātapaccayabhāve pubbakaraṇavasena uddiṭṭhesu dhovanādiddhammesu ekadhammampi na labhati attano purejātassa pubbakaraṇasaṅgahitassa dhammassa natthitāya.

412. **Rūpādīsu dhammesūti** vaṇṇagandhādīsu suddhaṭṭhakadhammesu.

416. **Purimā dveti** imasmim adhikāre paṭhamam vuttā antarubbhārasahubbhārā, na pakkamanantikādayo dve uddhārā.

Upālīpañcakavaṇṇanā

420-421. **Omaddakārakoti** omadditvā abhibhavitvā kārako. **Upatthambho na dātābhoti** sāmaggivināsāya anubalam na dātābham. **Diṭṭhāvīkammampi katvāti** “na metam khamatī”ti diṭṭhim āvi katvāpi.

Vohāravaggavaṇṇanā

424. **Kāyappayogena āpajjitabbā kāyappayogā.** Vacīpayogena āpajjitabbā **vacīpayogā.** **Navasu ṭhānesūti** osāraṇādīsu navasu ṭhānesu. **Dvīsu ṭhānesūti** ñattidutiyañatticatutthakammesu. **Tasmāti** yasmā mahā-aṭṭhakathāyam vuttanayena ubhatovibhaṅgā asaṅgahitā, tasmā. Yam kurundiyaṃ vuttam, tam gahetabbanti sambandho.

Dit̥hāvīkammavaggavaṇṇanā

425. “Catūhi pañcahī”ti vacanato dvīhi vā tīhi vā ekato desetum vaṭṭati, tato param na vaṭṭati. **Mālakasīmāyā**ti khaṇḍasīmāya. **Avippavāsasīmāyā**ti mahāsīmāya.

Musāvādavaggavaṇṇanā

444. **Pariyāyena jānantassa vuttamusāvādoti** yassa kassaci jānantassa pariyāyena vuttamusāvādoti attho.

446. **Anuyogo na dātābhoti** tena vuttaṃ anādiyitvā tuṅhi bhavitābanti attho.

Bhikkhunovādavaggavaṇṇanā

454. **Ekūnavīsati bhedāyā**ti maggapaccavekkhaṇādivasena ekūnavīsati bhedāya.

Adhikaraṇavūpasamavaggavaṇṇanā

458. **Pañcahi kāraṇehī**ti idaṃ atthanipphādanakāni tesam pubbabhāgāni ca kāraṇabhāvasāmaññena ekajjhaṃ gahevā vuttaṃ, na pana sabbesam pañcannaṃ samānayogakkhemattā. **Anussāvanenā**ti bhedassa anurūpasāvanena. Yathā bhedo hoti, evaṃ bhinditābbānaṃ bhikkhūnaṃ attano vacanassa sāvanena viññāpanenāti attho. Tenāha “**nanu tumhe**”ti-ādi. **Kaṇṇamūle vacībhedaṃ katvā**ti etena pākaṭaṃ katvā bhedakaravattudīpanaṃ voharaṇaṃ. Tattha attanā vinicchitamattaṃ rahassavasena viññāpanaṃ anussāvananti dasseti. **Kammameva uddeso vā pamāṇanti** tehi saṃghabhedasiddhito pamāṇaṃ, itare pana tesam sambhārabhūtā. Tenāha “**vohārā**”ti-ādi. **Tatthā**ti voharaṇe.

Kathinatthāravaggavaṇṇanā

467. **Antarā vuttakāraṇenā**ti taṃ hi vandantassa mañcapādādīsupi nalāṭaṃ paṭihaññeyyā”ti-ādinā vuttakāraṇena.

Samuṭṭhānavaṇṇanā

470. **Pubbe vuttamevā**ti sahaseyyādipaṇṇattivajjam. **Itaranti** sacittakaṃ. **Bhimsāpanādīni katvā**ti bhimsāpanādinā āpattim āpajjitvāti adhippāyo.

Aparadutiyagāthāsangaṇika

Kāyikādi-āpattivaṇṇanā

474. Vinaye garukā **vinayagarukā**. Kiñcāpi idam dvīsu gāthāsu āgataṃ, aññchi pana missetvā vuttabhāvato nānākaraṇaṃ paccetabbaṃ.

Desanāgāminiyādivaṇṇanā

475. **Dve sarivāsakabhūmiyoti** ettha **bhūmī**ti avatthā. Aṅgahīnatā kāraṇave kallavasenapi veditabbāti āha “**apicetthā**”ti-ādi. **Esa nayoti** “apicetthā”ti-ādinā vuttanayo. **Vanappatiṃ chindantassa pārājikanti** adinnādāne vanappatikathāya āgataṃ parasa ntakaṃ sandhāya vuttaṃ. **Vissatṭhichaddaneti** sukkavissatṭhiyā mocane. **Dukkaṭā katā**ti dukkaṭaṃ vuttaṃ. **Paṭhamasikkhāpadamhiyevā**ti bhikkhunovādakavaggassa paṭhamasikkhāpadeyeva. Āmakadhaññaṃ viññāpetvā bhujjantiyā pubbapayoge dukkaṭaṃ, ajjhohāre pācittiyaṃ.

Pācittiyavaṇṇanā

476. **Abbhūhasī**loti abhinavasīlo.

478. **Asuttakanti** suttavirahitaṃ, suttato apanītaṃ natthīti attho.

Sedamocanagāthā

Avippavāsādīpañhavaṇṇanā

479. Sedamocanagāthāsu **taḥinti** tasmim puggale. “Akappiyasambhogo nāma methunadhammādī”ti **gaṇṭhipadesu** vuttam. **Esā pañhā kusalehi cintitāti** liṅgavipallā savasenetaṃ vuttam, eso pañho kusalehi cintitoti attho.

Dasāti avandiye dasa. **Ekādasāti** paṇḍakādayo ekādasa. **Ubbhakkhake na vadā mīti** iminā mukhe methunadhammābhāvaṃ dīpeti. **Adhonābhim vivajjiyāti** iminā vaccamaggapassāvamaggesu.

Gāmantarapariyāpannam nadīpāram okkanta bhikkhunim sandhāyāti ettha nadī bhikkhuniyā gāmapariyāpannā, paratīram gāmantarapariyāpannam. Tattha paratīre paṭhamaleḍḍupātappamāṇo gāmūpacāro nadīpariyantena paricchinnō, tasmā paratīre ratanamattampi araññam natthi, paratīrañca tiṇādīhi paṭicchannattā dassanūpacāravirahitam karoti. Tattha attano gāme āpatti natthi, paratīre pana paṭhamaleḍḍupātasankhāte gāmūpacāreyeva pādam ṭhapeti. Antare **abhidhamme**¹ vuttanayena araññabhūtam sakagāmaṃ atikkamati nāma, tasmā gaṇamhā ohīyanā nāma hotīti veditabban.

Bhikkhūnam santike ekato-upasampannā nāma mahāpajāpatipamukhā pañcasatasākiniyo bhikkhuniyo. Mahāpajāpatipi hi ānandattherena dinna-ovādassa paṭiggahitattā bhikkhūnam santike upasampannā nāma.

Pārājikādīpañhavaṇṇanā

480. Saha dussena methunavīttikamassa sakkuṇeyyatāya “**dussakuṭi-ādīni sandhāyā**”ti vuttam. **Liṅgaparivattam sandhāya vuttāti** “liṅgaparivatte sati paṭiggahaṇassa vijahanato sāmam gahetvā bhujjituṃ na vaṭṭatī”ti liṅgaparivattanam sandhāya vuttā.

481. **Suppatiṭṭhitanirodhasadisanti** yojanadvijojanādiparamam mahānigrodham sandhāya vuttam.

Sedamocanagāthāvaṇṇanā niṭṭhitā.

1. Abhi 2. 260 piṭṭhe.

Pañcavagga

Kammavaggavaṇṇanā

483. Kammavagge ummattakassa bhikkhuno ummattakasammuti ummattake yācitvā gate¹ asam mukhāpi dātuṃ vaṭṭati, tattha nisinnepi na kuppati niyamābhāvato. Asammukhā kate pana dosābhāvaṃ dassetuṃ “**asammukhākataṃ sukataṃ hotī**”ti vuttaṃ. Dūtena upasampadā pana sammukhā kātuṃ na sakkā kammavācānā mattsambhavato. Pattanikkujjanādayo hatthapāsato apanītamattepi kātuṃ vaṭṭanti. **Saṃghasammukhatā**ti-ādīsu yāvaticā bhikkhū kammappattā, te āgatā honti, chandārahānaṃ chando āhaṭo hoti, sammukhībhūtā na paṭikkosanti, ayaṃ **saṃghasammukhatā**. Yena dhammena yena vinayena yena satthusāsanena saṃgho kammaṃ karoti, ayaṃ **dhammasammukhatā**. Tattha **dhammoti** bhūtāṃ vatthu. **Vinayoti** codanā ceva sāraṇā ca. **Satthusāsanā** nāma ñattisampadā ceva anussāvanasampadā ca. Yassa saṃgho kammaṃ karoti, tassa sammukhabhāvo **puggalasammukhatā**. Kattikamāsassa pavāraṇamāsattā “**ṭhapetvā kattikamāsan**”ti vuttaṃ. **Paccukkaḍḍhitvā ṭhapitadivaso cāti** kāla pakkhe cātuddasiṃ vā pannarasim vā sandhāya vuttaṃ. **Dve ca puṇṇamāsiyoti** paṭhamapacchimavassūpagatānaṃ vasena vuttaṃ.

485. Ṭhānakaraṇāni sithilāni katvā uccāretabbaṃ akkharaṃ **sithilaṃ**, tāniyeva dhanitāni asithilāni katvā uccāretabbaṃ akkharaṃ **dhanitaṃ**. Dvimattakālaṃ **dīghaṃ**, ekamattakālaṃ **rassa**. **Dasadhā byañjanabuddhiyā pabhedoti** evaṃ sithilādivasena byañjanabuddhiyā akkharuppādakacittassa dasappakārena pabhedo. Sabbāni hi akkharāni cittasamuṭṭhānāni yathādhippetatthabyañjanato byañjanāni ca. Saṃyogo paro etasmāti saṃyogaparo, na saṃyogaparo **asaṃyogaparo**. **Āyasmato buddharakkhithatherassa yassa na khamatīti** ettha **ta-kāra na-kārasahitākāro**² asaṃyogaparo. **Karaṇānīti** kaṇṭhādīni.

1. Ummattakena yācitvā kate(Ka)

2. Takārakakārasahitābhāvo (Syā)

488. Anukkhittā pārājikaṃ anāpannā ca pakatattāti āha “**pakatattā anukkhī ttā**”ti-ādi. Tattha **anissāritāti** purimapadasseva vevacanaṃ. **Parisuddhasīlāti** pārājikaṃ anāpannā. **Na tesam chando vā pārisuddhi vā etīti** tīsu dvīsu vā nisinnesu ekassa vā dvinnam vā chandapārisuddhi āhaṭāpi anāhaṭāva hotīti adhippāyo.

Apalokanakammakathāvaṇṇanā

495-496. **Kāyasambhogasāmaggīti** sahaseyyapaṭiggahaṇādi. **Soratoti** subhe rato. Suṭṭhu oratoti vā **sorato**. **Nivātavuttīti** nīcavutti. **Paṭisaṅkhāti** paṭisaṅkhāya ñāṇena upaparikkhitvā. Yam tam avandiyakammaṃ anuññātanti sambandho. **Imassa apalokanakamma** **ṭhānaṃ hotīti** evampi apalokanakammaṃ pavattatīti attho. Kammameva lakkhaṇanti **kammalakkhaṇaṃ**. Osāraṇanissāraṇabhaṇḍukammādayo viya kammaṅca hutvā aññaṅca nāmaṃ na labhati, kammameva hutvā upalakkhiyātīti “kamma lakkhaṇaṃ”ti vuccati. **Etampi kammalakkhaṇamevāti** vuttakammalakkhaṇaṃ dassetuṃ “**acchinnacīvarajīṇṇacīvaranaṭṭhacīvarānaṃ**”ti-ādi vuttaṃ. **Īṇapalibodhampīti** iṇameva palibodho iṇapalibodho, tampi dātuṃ vaṭṭati. Sace tādisaṃ bhikkhuṃ iṇāyikā palibundhanti, tatruppādatopi tassa iṇaṃ sodhetuṃ vaṭṭatīti adhippāyo.

Chattaṃ vā vedikaṃ vāti ettha **vedikāti** cetiyassa upari caturassacayo vuccati. **Chattanti** tato uddhaṃ valayāni dassetvā kato aggacayo vuccati. **Cetiyassa upanikkhe patoti** cetiye navakammattāya upanikkhittato, cetiyasantakatoti vuttaṃ hoti. **Añña katikā kātabbāti** purimakatikāya asaṅgahitattā vuttaṃ. **Tehīti** yesaṃ puggalikaṭṭhāne tiṭṭhanti, tehi. **Dasabhāganti** dasamabhāgaṃ. **Tatthāti** tasmiṃ vihāre. **Mūleti** pubbe. “**Īto paṭṭhāya bhājetvā khādantū**”ti vacaneneva yathāsukhaṃ paribhogo paṭikkhitto hotīti āha “**purimakatikā paṭippassambhatī**”ti.

Anuvaritvāti pacchato pacchato gantvā. **Apaccāsīsentenāti** tesam santikā paccayaṃ apaccāsīsentena. **Mūlabhāganti** vuttamevattham vibhāveti “**dasabhāga mattan**”ti. **Akatavāsaṃ vā katvāti** tato

uppanna-āyena katvā. **Jaggitakāle ca na vāretabbā**ti jaggitānaṃ
pupphaphalabharitakāle na vāretabbā. **Jagganakāleti** jaggitum āradhakāle.
Ñattikammaṭṭhānabhedeti ñatti kammaṣṣa ṭhānabhede.

Kammavaggavaṇṇanā niṭṭhitā.

Apaññatte paññattavaggavaṇṇanā

500. Satta āpattikkhandhā paññattaṃ nāmāti sambandho.
Kakusandhakoṇā gamanakassapā eva satta āpattikkhandhe paññapesuṃ,
vipassī-ādayo pana ovādapāti mokkhaṃ uddisimsu, na sikkhāpadaṃ
paññapesunti āha “**kakusandhañca -pa- antarā kenaci apaññatte
sikkhāpade**”ti. Sesamettha suviññeyyameva.

Iti samantapāsādikāya vinayaṭṭhakathāya sārattadīpaniyaṃ

Parivāraṭṭhakathāvaṇṇanā samattā.

Nigamanakathāvaṇṇanā

Avasānagāthāsu pana ayamattho. **Vibhattadesananti** ubhatovibhaṅgakhandhaka parivārehi vibhattadesanam vinayapiṭakanti yojetabbam. **Tassāti** tassa vinayassa.

Tatridanti-ādi paṭhamapārājikavaṇṇanāyam vuttanayameva.

Satthumahābodhivibhūsitoti satthunā paribhuttamahābodhivibhūsito maṇḍito, tassa mahāvihārassa dakkhiṇabhāge uttamam yam padhānagharanti sambandho. Tattha **padhānagharanti** taṁnāmakam pariveṇam.

Sucicārittasilena, bhikkhusamghena sevitanti idampi padhānagharavisesanam.

Tatthāti tasmim padhānaghare. **Cārupākārasañcitantī** manāpena pākārena parikkhittam. **Sītacchāyatarūpetanti** ghananicitapattasañchannasākhāpasākhātāya sītacchāyehi rukkhehi upetam. **Vikasitakamalakuvalayapuṇḍarīkasogandhikādipuppha** sañchannamadhurasītaludakapuṇṇatāya sampannā salilāsāyā assāti **sampannasalilāsāyo**. **Uddisitvāti** buddhasirim nāma theram nissāya, tassa ajjhesanam nissāyāti vuttam hoti. **Iddhāti** atthavinicchayādīhi iddhā phītā paripuṇṇā.

Sirinivāsassāti siriya nivāsattānabhūtassa. **Jayasamvacchareti** jayappattasamvacchare. **Ayanti** theram buddhasirim uddissa yā vinayavaṇṇanā āradhā, ayam. **Dhammūpasamhitāti** kusalasannissitā. Idāni sadevakassa lokassa accantasukhādhigamāya attano puññam pariṇāmento “**ciraṭṭhitattam dhammassā**”ti-ādimāha. Tattha **samācitantī** upacitam. **Sabbassa ānubhāvenāti** sabbassa tassa puññassa tejena. **Sabbepi pāṇinoti** kāmāvacarādibhedā sabbe sattā. **Saddhammarasasevinoti** yathāraham bodhittayādhigamavasena saddhammarasasevino bhavantu. Sesamettha suviññeyyameva.

Nigamanakathāvaṇṇanā niṭṭhitā.

Nigamanakathā

Ettāvatā ca—

Vinaye pāṭavattthāya, sāsanaṣṣa ca vuḍḍhiyā.
 Vaṇṇanā yā samāradḍhā, vinayaṭṭhakathāya sā.
Sāratthadīpanī nāma, sabbaso pariniṭṭhitā.
 Timsasaḥassamattehi, ganthehi parimāṇato.
 Ajjhesito narindena, sohaṃ **parakkamabāhunā**.
 Saddhammaṭṭhitikāmena, sāsanaṃjotakāriṇā.
 Teneva kārite ramme, pāsādasatamaṇḍite.
 Nānādumagaṇākiṇṇe, bhāvanābhiraṭālaye.
 Sītalūdakasampanne, vasaṃ **jetavane** imaṃ.
 Atthabyañjanasampannaṃ, akāsiṃ suvinicchayaṃ.
 Yaṃ siddhaṃ iminā puññaṃ, yaṃ caññaṃ pasutaṃ mayā.
 Etena puññaḥkammaṇa, dutiye attasambhave.
 Tāvatiṃse pamodento, sīlacāraguṇe rato¹.
 Alaggo pañcakāmesu, patvāna paṭhamaṃ phalaṃ.
 Antime attabhāvamhi, metteyyaṃ munipuṅgavaṃ.
 Lokaggapuggalaṃ nāthaṃ, sabbasattahite rataṃ.
 Disvāna tassa dhīrassa, sutvā saddhammadeṣanaṃ.
 Adhigantvā phalaṃ aggaṃ, sobheyyaṃ jinasānaṃ.
 Sadā rakkhantu rājāno, dhammeneva imaṃ pajaṃ.
 Niratā puññaḥkammesu, jotentu jinasānaṃ.
 Ime ca pāṇino sabbe, sabbadā nirupaddavā.
 Niccaṃ kalyāṇasaṅkappā, pappontu amataṃ padanti.

Sāratthadīpanī nāma vinayaṭṭhikā niṭṭhitā.

1. Sīlacārasamāhito (Ka)

Sāratthadīpanītikāya tatiyabhāge

Samvaṇṇitapadānaṃ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Akaṭayūsena	304	Aggabhikkhā	408
Akataṃ	457	Aggasamajjo	65
Akataṭṭhāne	405	Aggaḷaṃ	331
Akatabhāgo	406	Aggaḷaguttiyeva	341
Akatvā	27	Aggito	318
Akappiya-aṭṭo	116	Aggisālamhi	204
Akappiyakataṃ	64	Aggihutamissaṃ	208
Akaraṇīyo	285	Aggihuttaṃ	214
Akallako	70	Aggihuttamukhā	331
Akasiralābhī	476	Agyāgāre	204
Akāmakā	410	Aṅgaṃ	378
Akicchalābhī	476	Aṅgaṇe	424
Akiriya	12	Aṅgappahonakacittam	378
Akupanabhāvo	150	Aṅgamagadhā	205
Akuppā	180	Aṅgulim	321
Akkocchi	350	Acittakāni	128
Akkharasamūho	5	Acelako	241
Akkhitārakā	264	Accagamā	389
Akkhitto	97	Accayaṭā	291
Akhaṇḍāni	464	Accayena	143
Agataṃ	273	Accāraddham	291
Agadappayogo	127	Accuggamma	158
Agamanapathe	275	Acchati	407
Agāravo	375	Acchiddakagaṇanā	3
Agārasmā	167	Acchupiyanti	387
Agganagaram	318	Acchupeyyaṃ	340

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Ajapadake	264	Aññuddisikena	122
Ajapālo	144	Aññenaññaṃ	23
Ajito	183	Aṭṭhakavaggikāni	301
Ajinacammehi	295	Aṭṭhaṅgikaṃ	478
Ajinapaveṇī	295	Aṭṭhaṅgiko	170, 432
Ajini	350	Aṭṭhaṅgulasūcidaṇḍamatto	405
Ajjaṇḥo	77, 204	Aṭṭhapadakacchannena	341
Ajjatagge	196	Aṭṭhapadākārena	381
Ajjhattaṃ	376	Aṭṭhā	419
Ajjhabhāsi	203	Aṭṭhānaṃ	434
Ajjhārāme	126	Aṭṭhikaṅkalamā	87
Ajjhesanaṃ	157	Aṭṭhikalyānatā	249
Ajjhesi	301	Aṭṭhisirācammasarīro	264
Ajjhokāse	300	Aḍḍhakuṭṭake	7
Ajjhokāso	392	Aḍḍhabāhū	405
Ajjhogāhetvā	204	Aḍḍhayogo	235
Ajjhosānaṃ	480	Aḍḍhuḍḍhasatāni	405
Añjanūpapisanaṃ	304	Aṇaṇo	157
Añjalikammaṃ	438	Aṇu	154
Aññaṃ	485	Atakkāvacarō	151
Aññatitthiyapubbo	236	Ataramāno	331
Aññathattamā	407	Atikaḍḍhiyamānena	12
Aññathābhāvo	447	Atirekaṃ	485
Aññavādakaṃ	23	Atirekalābho	234
Aññassatthāya	122	Atilahumā	236
Aññā	168	Atilīnaṃ	291
Aññāṇaṃ	90	Ativassati	433
Aññāṇatā	90	Ativivaṭṭamā	424
Aññātakamā	281	Atisamīpaṃ	400
Aññāpaṭivedho	430	Atisithilā	291

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Atiharāpetabbam	410	Adhiṭṭhahitvā	277
Atekiccho	417	Adhiṭṭhātabbam	32
Attakāmarūpā	354	Adhiṭṭhānidhi	387
Attakilamathānuyogo	169	Adhiṭṭhāhi	291
Attaguttiyā	381	Adhimutto	292
Attapaccatthikā	90	Adhivāsetu	197
Attapaṭikkhepaṭṭho	183	Anagāriyam	167
Attaparittam	381	Anacchariyā	153
Attabhāvappaṭilābho	413	Anattā	183
Attamanā	190	Anatthatakathinassa	341
Attarakkhāya	381	Anatthasamhito	169
Attā	183	Anatthāya	388
Attādānaṃ	435	Anadhiṭṭhitena	337
Atthato	362	Ananubodhā	320
Atthapaccatthikā	380	Ananussutesu	179
Atthasamhitam	235	Anantajjino	165
Atthassa	301	Anapagatam	362
Atthikehi	226	Anapadāno	347
Adinnaṃ	251	Anapalokitā	325
Adinnādānaṃ	251	Anapekkhagamanena	282
Aduṭṭhassa	419	Anabbhakkhātukāmā	326
Addāriṭṭhakavaṇṇā	294	Anariyapaṇḍake	115
Addhānamaggaṃ	164	Anariyavohārā	473
Addhāvasena	185	Anariyo	169
Adhammaṭṭho	421	Anavassavāya	376
Adhammo	421	Anāgāmī	433
Adhikaraṇam	377, 480	Anāthasarīrāni	199
Adhikāram	234	Anāpattivassacchedassa	473
Adhikuṭṭanaṭṭhena	88	Anāmaṭṭhapinḍapatam	264
Adhigato	151	Anāmantetvā	335

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Anālayo	178	Anupekkhitā	39
Anāsavaṃ	476	Anuppageyeva	328
Aniccamaṃ	184	Anuppattaṃ	300
Anibandhanīyo	395	Anuppattasadattho	292
Animantitena	282	Anuppavecchati	305
Animisehi	143	Anubodho	320
Anissāritā	493	Anubhavanti	413
Anukāraṇaṃ	326	Anubhāsanti	329
Anukkhittā	493	Anumoditvā	319
Anugāyanti	329	Anuyuñja	298
Anuggaho	422	Anuruddhā	356
Anuciṇṇo	419	Anulomapaṭilomaṃ	135
Anuññattiyā	444	Anulometi	305
Anuññāta-upasampadā	203	Anuvācenti	329
Anuttaraṃ	180	Anuvādaṃ	445
Anudahati	401	Anuvaritvā	493
Anudhanaṭṭhena	87	Anuviccakāraṃ	327
Anudhammaṃ	326	Anusañcaraṇajanassa	223
Anunayanto	421	Anusandhitaṃ	487
Anupakuṭṭho	97	Anusāsanīpāṭihāriyaṃ	206, 416
Anupajjhāyakā	231	Anūpalitto	164
Anupadhāretvā	2	Anekadhātuṃ	222
Anupavisitvā	30	Anekappakāraṃ	105
Anupasampannaṃ	73	Anekapariyāyena	323
Anupubbakiriya	430	Anelagalāya	301
Anupubbanna	428	Anelagaḷāya	42
Anupubbapaṭipadāya	430	Anottappī	240
Anupubbasiṅghāya	430	Anovaṭo	439
Anupubbim kathaṃ	192	Anovassakaṃ	125
Anupubbena	360	Antaṃ	148

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Antaggāhikā	240, 288	Aparicchinnāya	274
Antaragharaṃ	43	Aparo	277
Antaraghare	233, 406	Apalokitā	325
Antarato	412	Apaloketha	321
Antaradhāyi	160	Apavāhanaṃ	259
Antaravāsakaṃ	485	Apavilāyamāno	338
Antarā	12, 418	Apādakehi	381
Antarāyikā	86	Apāpuṇitvā	5
Antarena	380	Apāpura	156
Antalikkhacaro	200	Apāyaṃ	314
Antā	168	Apārutā	159
Antimā	180	Apissu	153
Anto-upacāragatānaṃ	406	Apubbasamuṭṭhānasīsaraṃ	127
Antonimuggaposīni	158	Appa	32
Antopūtim	427	Appagghena	339
Antosattāhe	286	Appaṭicchannadukkhaṃ	172
Antohatthapāsaraṃ	274	Appaṭivibhattabhogī	459
Antosāramissakānaṃ	270	Appaṭiviratā	452
Andhakāre	196	Appaṭivedhā	320
Anvaddhamāsaraṃ	438	Appaṭisso	375
Apagatakālakaraṃ	195	Appabhikkhuko	298
Apacayāya	444	Appamattakesu	38
Apacāyanti	400	Appamattena	83
Apaccuddhāraṇaṃ	82	Appamatto	291
Apaññāte	25	Apparajakkhajātikā	155, 199
Apaṭikkhipitvā	134	Apparajakkhajātikō	160
Aparajju	282	Apparajakkhā	158
Aparappaccayo	182	Appavattamānā	270
Aparāmaṭṭhāni	464	Appaharite	32, 287
Aparicchinnagabbhūpacāre	8	Appāṇake	287

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Appicchatāya	444	Abhidosaḱālakato	161
Appenti	429	Abhidhamme	40
Appossukkatāya	154	Abhinandum	190
Appossukko	412	Abhinivissa	88
Aphāsum	354	Abhinissāya	296
Abījaṃ	22	Abhinetabbaṃ	410
Abbhugacchanti	258	Abhippahārinī	142
Abbhūḥasīlo	490	Abhibhavitvā	352
Abbhuyyāsī	350	Abhibhūto	417
Abyāpajjaṃ	292	Abhiramanti	428
Abyāpajjādhimutto	292	Abhivādanam	438
Abrahmacariyaṃ	251	Abhivinaye	40
Abrahmacariyā	478	Abhisaṅkharesi	196
Abrahmacāriṃ	427	Abhisamparāyo	340
Abhabbo	46	Abhum	387
Abhavo	100	Amatadundutiṃ	165
Abhāvako	256	Amatassa	156, 159
Abhāsi	301	Amanussā	397
Abhi	409	Amissīkataṃ	293
Abhikkantavaṇṇā	204	Amūḥhavinayo	375
Abhikkantā	316, 426	Ambakāya	321
Abhikkantāya	204	Ambaṇam	405
Abhikkantena	226	Ayaso	474
Abhikkamatha	355	Araṅjaro	404
Abhikkhaṇam	410	Arahaṭaḡhaṭiyantam	388
Abhiceto	476	Arahataṃ	292
Abhiḱīvanikaṃ	294	Arahatā	456
Abhiñṅā	167	Arahanto	191
Abhiñṅātā	322	Ariyadhanam	250
Abhiñṅāya	169	Ariyamaggassa	98

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Ariyavohārā	473	Avivādāya	458
Ariyasaccaṃ	171	Avisayhaṃ	287, 359
Ariyasaccānaṃ	320	Avisārado	313
Ariyo	170, 302	Avisesena	124
Aruṇaṃ	282	Avissatthā	304
Aruṇe	340	Avīcinirayaṃ	419
Alaṃ	328	Avītarāgā	447
Alakkhiko	415	Avīmamsitvā	2
Alajjitā	90	Avuṭṭhitāya	288
Alamariyañānadassana-		Averī	371
viseso	167	Asaṃyogaparo	492
Alābhāya	388	Asaṃhārime	70
Aloṇakaṃ	453	Asakkārena	417
Alliyanti	151	Asañcicca	107
Alliyāpanakhaṇḍaṃ	340	Asaddhammehi	417
Avakkārapātim	287, 358	Asantuṭṭhiyā	444
Avatthutāya	60	Asappāyaṃ	103
Avadhi	350	Asambhinnasamuṭṭhānāni	457
Avayā	218	Asambhinnena	81
Avasari	306	Asammoho	292
Avasavattanaṭṭho	183	Asāmikaṭṭho	183
Avasesanimittāni	271	Asucim	427
Avassante	275	Asuttakaṃ	490
Avassutaṃ	427	Asurā	428
Avijjā	135	Asekkhasilaṃ	240
Avijjānivuṭṭā	452	Asekkhena	239
Avijjāpaccayā	136	Asenāsanikena	284
Aviddasu	452	Asesanirodhā	136
Avinayo	421	Asesavirāganirodho	178
Avippavāsasīmāya	489	Asokaṃ	413

Padānukkamo	Piṭṭhaṅko	Padānukkamo	Piṭṭhaṅko
[A]		[Ā]	
Assatarī	414	Āthabbaṇamanto	127
Assatiyā	107	Ādātabbam	472
Assadūte	196	Ādāya	38, 319
Assaddho	240	Ādi	50
Assamaṇam	427	Ādikalyāṇam	199
Assavanatā	155	Ādittam	210
Assasi	208	Ādibrahmacariyakā	241
Assāsāya	326	Ādise	319
Ahāsi	350	Ādīnavam	302
Ahiriko	240	Ādīnavo	194, 302
[Ā]		Ādesanāpāṭihāriyam	206, 416
Ākārehi	235	Ādhānaggāhī	377
Ākāro	281	Ādheyyo	92
Ākāsapabbhāram	272	Ānantariyadhammā	86
Ākiṇṇo	360	Ānantariyā	86
Ākoṭehi	331	Ānubhāvena	495
Āghātapatiṅvinayāni	479	Āneñjappattam	293
Ācayāya	444	Āpaṇam	329
Ācare	115	Āpatti	372
Ācārasaṅṭhānam	281	Āpattigāminiyopi	445
Ācikkheyya	196	Āpattiyā	4
Āciṇṇam	235	Āpattiyō	87
Āciṇṇasamāciṇṇo	150	Āpattivaḍḍhanakam	374
Ājānissati	160	Āpannā	87
Ājīvako	241	Āpādi	418
Āṇacakke	87	Āpāyiko	417
Āṇāpātīmokkham	434	Ābhataṃ	335
Ātāpī	292	Ābhetasikāni	476
Ātumāyam	332	Ābhisamācārikā	240
		Āmantesi	183

Padānukkamo	Piṭṭhaṅko	Padānukkamo	Piṭṭhaṅko
[Ā]		[Ā]	
Āmāvasesaṃ	305	Āvajjantassa	39
Āmisakiñcikkhasampadānaṃ	241	Āvaṭṭanaṃ	447
Āmisakhādanatthāya	328	Āvaṭṭanti	447
Āmisapaṭivibhattaṃ	459	Āvatto	167
Āmisasaṃsaṭṭhāni	64	Āvasathāgāraṃ	306, 307
Āyatanaṃ	236	Āvasatho	98
Āyatanaṣabbhaṃ	209	Āvāsesu	402
Āyatanuppādaṃ	293	Āvāhamaṅgalaṃ	248
Āyatim	389	Āvi	458
Āyuma	305	Āviñchanacchiddaṃ	394
Āyukappaṃ	415	Āviñchanarajjuma	394
Ārakāva	430	Āviddhapakkhapāsakaṃ	188
Ārakkhādhikaraṇaṃ	480	Āvuṭṭā	154
Ārakkho	480	Āveṇikena	347
Āraññakena	281, 386	Āsaṃsā	420
Āraññiko	475	Āsajja	419
Āraddhavīriyā	290	Āsattiyo	399
Āraddhavīriyo	240	Āsanāni	307
Ārammaṇūpanijjhāna-		Āsane	195
lakkhaṇena	137	Āsavānaṃ	476
Ārogyasampadā	475	Āsittakasadisāva	243
Āropenti	243	Āsīsanā	214
Ālayarāmā	151	Āsutā	453
Ālayā	151	Āsumbhitvā	123
Ālasiyavirahitā	111	Āhaṃsu	243
Ālāpo	287	Āhañchaṃ	165
Ālindakamiḍḍhikādīnaṃ	387	Āhareyya	70
Ālokasandhi	32	Āhāraṃ	70
Ālokitena	226	Āhāro	321
Āloko	179	Āhu	478
Ālopaṣaṅkhepena	407		

Padānukkamo	Piṭṭhaṅko	Padānukkamo	Piṭṭhaṅko
	[Ā]		[U]
Āḷambaram	192	U	176
Āḷāro	160	Ukkaḍḍhanti	85
Āḷindam	331	Ukkāsivā	331
	[I - Ī]	Ukkujjeyya	196
Īṅgha	298	Ukkuṭṭhim	340
Icchāpakato	475	Ukkhipati	430
Īṅgalibodhampi	493	Ukkhepimam	270
Iti	100	Uggavādinim	417
Itibhavābhavakathā	100	Uggahetā	417
Ittarapaccupaṭṭhānaṭṭhena	88	Ugghāṭanakiṭikam	396
Itthattāya	190	Uccā	254
Itthikathā	99	Uccāraṇamattam	70
Idappaccayatā	152	Uccāletvā	15
Iddhā	495	Uccāsayanam	254
Iddhābhisāṅkhāram	196	Uccāsayanamahāsayanam	254
Iddhi	431	Ucchiṭṭhahatthena	387
Iddhipāṭihāriyam	205	Ujjavanikāyā	451
Iddhipādo	431	Ujjavimsu	453
Iddhimayikam	333	Ujjhānasaññī	107
Idha	282	Uñchācariyāya	250
Indriyaparopariyattam	222	Uṭṭhehi	157
Iriyati	37	Udditvā	382
Iriyāpathasampanno	226	Uṇṇanābhi	382
Iriyāya	167	Uṇṇapāvāraṇam	290
Iva	17	Uṇṇāmayattharaṇo	294
Isipatane	163	Uṇṇāhi	294
Issāso	83	Uṇhīsam	245
Issukī	376	Uṇhīsato	245
Īsādantassa	361	Utuvasseyyeva	278
		Uttamadamathasamatham	380

Padānukkamo	Piṭṭhaṅko	Padānukkamo	Piṭṭhaṅko
[U]		[U]	
Uttaracchaddo	295	Upacāravasena	56
Uttānā	131	Upacāre	339
Uttiṭṭhe	247	Upaññātaṃ	226
Utrāsī	411	Upaṭṭhahimsu	161
Udakatumbo	334	Upaṭṭhāpetabbo	239
Udakamaṇikaṃ	307	Upaṭṭhāpeti	361
Udakavāhako	207	Upaṭṭhāpeyya	287
Udakasaṅṭhānakappadese	83	Upaṭṭhāpesuṃ	168
Udakukkhepasīmākammaṃ	274	Upaṭṭhitassati	240
Udakukkhepo	275	Upaḍḍhaṃ	344
Udakena	15	Upaḍḍhacchannaṃ	10
Udagacittaṃ	195	Upaḍḍhupaḍḍhaṃ	243
Udapādi	160	Upadahanti	395
Udānaṃ	302	Upadhīsu	214
Udicchare	204	Upanayhanti	351
Uddalomī	295	Upanāhī	375
Uddisitvā	407	Upanikkhepaṃ	401
Uddissakataṃ	327, 400	Upanikkhepato	493
Uddesabhattaṃ	234	Upanighamaṃsantiyo	360
Uddeso	281	Upanibandhitvā	407
Uddhaccāya	291	Upanisinnakathā	423
Uddharitvā	340	Upapajjati	314
Uddhastāṃ	426	Upapanno	413
Uddhaste	340, 371, 426	Upaparikkhitabbaṃ	73
Upakaṭṭho	233	Uparamanti	243
Upakaṇṇake	328	Uparipiṭṭhito	423
Upakkilesā	452	Uparimuddhani	148
Upagantum	283	Upavasanti	426
Upaghātetī	472	Upasaṃharatha	321
Upacāraṃ	6, 117	Upasaṅkamimsu	306

Padānukkamo	Piṭṭhaṅko	Padānukkamo	Piṭṭhaṅko
[U]		[U]	
Upasamāya	169	Ubbhidaṃ	304
Upasampajja	167	Ubhato anavassutā	119
Upasampadā	182	Ubhato upasampannā	111
Upasampadācariyo	238	Ubhatopasampannā	305
Upassuti	94, 95	Ubho	109
Upahiṃsati	419	Ummāre	70
Upajjhā	267	Ummīletvā	458
Upādānaṃ	136	Ummujjananimujjanaṃ	207
Upādānakkhayo	292	Ummujjanti	207
Upāyāso	136	Urago	18
Upāsakā	306	Ullokā	423
Upāsako	296	Ussaṅkī	411
Upāhanatthavikādiṃ	50	Ussannadoso	339
Upeto	36	Uḷumpani	319
Uposathaṃ	281, 478	[Ū]	
Uposathakammaṃ	276, 277	Ūnaṃ	486
Uposathantarāyo	281	[E]	
Uposathappamukhaṃ	273	Ekakā	352
Uposathasaṃyutte	454	Ekato	5
Uposathikaṃ	234, 409	Ekato upasampannā	111
Uposatho	279	Ekato upasampannāya	43
Uppaṇḍuppaṇḍukajāto	234	Ekadesena	70
Uppatitaṃ	17	Ekaddhānamaggaṃ	50
Uppatitvā	275	Ekantalomī	295
Uppaliniyaṃ	158	Ekaparicchedāni	95
Uppāṭitāni	20	Ekapallaṅkena	133
Uppādato	341	Ekapaṇṇacchattaṃ	390
Ubbāhāpetabbaṃ	410		
Ubbiggo	411		
Ubbhaṇḍikā	401		

Padānukkamo	Piṭṭhaṅko	Padānukkamo	Piṭṭhaṅko
[E]		[O]	
Ekabhattaṃ	298	Odanasurā	79
Ekaraso	429	Odahitvā	204
Ekavaḷaṅṅaṃ	406	Odhim	107
Ekavihāre	31	Onaddhako	26
Ekavīsativasso	85	Onītapattapāṇim	198
Ekasaṅghātampi	350	Opātetī	6
Ekasālasanniveso	9	Opānabhūtaṃ	327
Ekasīmavihārehi	343	Opāyikaṃ	232
Ekaseyyaṃ	298	Opilāpeyya	287
Ekānussāvanā	267	Opunāpetabbari	410
Ekāpattimūlakaṃ	374	Obaddhaṃ	370
Ekārakkho	214	Obhāsetvā	205
Ekindriyaṃ	14	Obhāso	181
Ekūnavīsatiḥedāya	489	Omakacātumāsāṃ	15
Ekūpacāro	7	Omaddakārako	488
Eko	291	Oraṃ	18
Esanataṅhā	479	Orako	198
Esitataṅhā	480	Orato	275
Ehi	182	Oramattakena	418
Eḷakalomāni	485	Oravasaddaṃ	328
Eḷamukho	264	Orasaṃ	319
[O]		Orimante	273
Okāro	194	Orenaddhamāsāṃ	81
Okāsasenāsaṃ	392	Orohati	106
Okoṭimako	377	Oloketvā	238
Okkamma	371	Oloṇī	105
Okkhittacakkhu	226	Ovaṭo	439
Ogāhā	360	Ovādatthāya	44
Ottappī	240	Ovādapātimokkhaṃ	434
		Ovādūpasāṅkamaṃ	438

Padānukkamo	Piṭṭhaṅko	Padānukkamo	Piṭṭhaṅko
	[O]		[Ka]
Ovādo	485	Kammaṃ	368
Osadhehi	17	Kammaññā	291
Osāraṇaṃ	277	Kammanānāsamaṃvāsako	346
Osāretvā	277	Kammantānuṭṭhānena	258
Oharatu	382	Kammappattā	279
Ohitabhāro	292	Kammappattāyopi	445
	[Ka]	Kammappatto	475
Kaṅkhā	90	Kammalakkaṇaṃ	493
Kaccāyano	383	Kammavācaṃ	273
Kaṅjikaṃ	71	Kammavipākaṃ	339
Kaṭākaṭena	304	Kammasamādānānaṃ	220
Kataṃ karaṇīyaṃ	190	Kammāsaṃ	464
Katakaraṇīyo	292	Karaṇāni	492
Kataññaṇaṃ	180	Karabako	62
Katañño	234	Karuṇaṃ	435
Katapādukā	294	Kaṅkala	87
Katavedino	234	Kalahajātā	4, 348
Kativasso	302	Kalaho	480
Kattabbattā	346	Kallaṃ	184
Kathanāṃ	277	Kallakāyā	340
Kathinaṃ	335	Kallacittaṃ	195
Kaddamodakāni	360	Kallo	138
Kandare	392	Kalyāṇavākkaraṇo	42
Kappaṃ	422	Kalyāṇavāco	40
Kappagatikaṃ	117	Kalyāṇiyāpi	301
Kappaṭṭho	417	Kasambujātāṃ	427
Kappanahutehi	226	Kasirena	299
Kappasīso	264	Kassapo	382
Kamati	482	Kākacchamānā	6
		Kākapeyyā	319

Padānukkamo	Piṭṭhaṅko	Padānukkamo	Piṭṭhaṅko
[Ka]		[Ka]	
Kāṇo	377	Kiṇṇā	252
Kāmaguṇehi	192	Kittāvata	147
Kāmatanḥā	176	Kittisaddo	313
Kāmasukhallikānuyogo	169	Kilañjacchattam	334
Kāmesu	302	Kilamatho	152, 153
Kāyaṁ	413	Kisakovadāno	214
Kāyakammaṁ	357	Kiso	234
Kāyakiriyam	472	Kiḷana-upavanam	126
Kāyaparihāriyāni	258	Kiḷanuyyānam	126
Kāyapāgabbiyam	458	Kukkucapakatānam	90
Kāyappayogo	488	Kucchi-anuvātāropanamattena	336
Kāyabalaṁ	219	Kucchicimilikam	335
Kāyassa bhedā	314	Kuṭi	485
Kāyikavācasiko	36	Kuṭigehe	271
Kāyiko	36	Kuṭehi	15
Kāraṇam	326	Kuṇapena	429
Kālaṁ maññatha	316	Kuṇī	377
Kālakate	343	Kumbhaṭṭhānakathā	99
Kālakiriyāya	343	Kumbhathūṇam	126
Kālayuttam	298	Kumbhathūṇikā	126
Kāḷakam	485	Kulam	273, 327
Kāḷasīho	303	Kulanagare	245
Kāḷāmo	160	Kulaputtā	167
Kāḷāvakaṁ	218	Kulavam	451
Kāḷudāyim	244	Kulavo	451
Kiccañāṇam	180	Kullam	319, 320
Kiccādhikaraṇam	466	Kullakavihārena	454
Kicchena	153, 299	Kullena	320
Kiṇṇacuṇṇena	388	Kusalatā	291
Kiṇṇapakkhittā	79, 252	Kusalo	417

Padānukkamo	Piṭṭhaṅko	Padānukkamo	Piṭṭhaṅko
[Ka]		[Kha]	
Kusīto	240	Khañjo	377
Keṇi	124	Khaṇane	485
Kevalakappaṃ	205	Khaṇavasena	187
Kevalaparipuṇṇaṃ	199	Khaṇitvā	274
Kevalassa	136	Khaṇḍaṃ	464
Kesakambalo	383	Khandhako	131
Kesamassuṃ	198	Khandhakovidā	131
Kesavissajjanaṃ	248	Khamanīyaṃ	235
Kokanado	389	Khayaṃ	420
Kokanudaṃ	46	Khādanīyatthaṃ	65
Koṭṭigāmo	320	Khāri	208
Koṭṭakakammaṃ	3	Khārikājaṃ	208
Koṭṭhaṃ	349	Khiyyati	24
Koṭṭhakāni	31	Khīrodakībhūtā	356
Koṭṭhāgāraṃ	349	Khīlanamanto	127
Kodaṇḍo	108	Khuddakānaṃ	1
Kodhaṃ	17	Khuppiṭṭhā	142
Kodhano	375	Kho	133
Kopeti	274	[Ga]	
Komodā	286	Gaggarāya	346
Komodiyā	286	Gaṅgā yamunā	429
Kolaññā	257	Gaṇento	259
Kolaṭṭhimattako	242	Gaṇhāma	453
Kovidā	400	Gaṇhāhi	291
Kosajjāya	291, 444	Gati	340
Kosambakehi	360	Gatigataṃ	116
Kosiyam	485	Gantuṃ	417
Koseyyakaṭṭissamayam	295	Gandhaṃ	253
Koso	349	Gandhikaseṇi	117

Padānukkamo	Piṭṭhaṅko	Padānukkamo	Piṭṭhaṅko
[Ga]		[Ga]	
Gabbhavīso	85	Gehassitapemaṃ	233
Gamanapariyantassa	275	Gocarappasutā	25
Gamanuppādanaṃ	115	Gocarā	153
Gamikābhisāṅkhāro	324	Gotama	147
Gambhīraṃ	320	Gotamadvāraṃ	319
Gambhīro	34, 151, 154	Gotamī	436
Gammo	169	Gottam	371
Gayāsīse	208	Gosālo	383
Garahā	474	[Gha]	
Garukaṃ	120	Ghaṭikaṃ	387
Garukaraṇo	458	Ghaṭikaṭāhe	387
Garukehi	43	Ghaṭṭanaphalakaṃ	405
Garudhammaṃ	438	Ghaṭṭanamuggaro	405
Garunissayaṃ	453	Ghanapuppako	294
Gahitameva	342	Ghanabaddho	70
Gahitāvasesaṃ	75	Gharaṇī	11
Gāmakathā	99	Gharadinnakābādho	304
Gāme	233	Gharamaṅgalaṃ	248
Giraṃ	269	Gharāvāsattamaṃ	410
Giriguhā	392	Ghoro	393
Giribajanagaraṃ	231	[Ca]	
Gihigatāni	449	Cakkalikaṃ	405
Gihivikataṃ	400	Cakkasamāruḷhā	50
Gītamaṃ	329	Cakkhum	179
Guṇavuḍḍho	400	Cakkhukaraṇī	169
Guttaṃ	300	Cakkhuvasena	2
Guhā	235	Cakkhuvīññāṇaṃ	210
Guḷakaraṇaṃ	304	Cakkhusamphasso	210
Guḷāsavo	79, 252		
Guḷhapaṭicchanno	53		

Padānukkamo	Piṭṭhaṅko	Padānukkamo	Piṭṭhaṅko
[Ca]		[Ca]	
Catukkam	50	Cikkalena	381
Catudvāraṃ	419	Ciraṃ	302, 443
Caturāṅginīṃ	350	Cirapaṭikā	208
Caturassa-ambaṇakatāḷaṃ	126	Cirassa	292
Caturassena	381	Cīnasomārapaṭāṇi	333
Caturāpasseno	217	Cīvarapaccayaṃ	401
Caturārakkhaṃ	402	Cīvarapaṭivīsaṃ	338
Catussālabhattaṃ	369	Cīvaralābhaṃ	125
Cattāni	217	Cūḷakacchannaṃ	10
Candanagaṇṭhi	382	Cetaso	293
Cabbetvā	387	Cetovimuttiṃ	476
Cammakāraṇīlaṃ	82		
Cammāyaṃ	346	[Cha]	
Cayaṃ	328	Chakaṇaṃ	304
Cara	89	Chaḍḍitamodakaṃ	275
Caraṇaṃ	36	Chaḍḍetvā	339
Carati	37	Chattaṃ	493
Caratha	199	Chattapādukāya	108
Caritaṃ	352	Chattamaṅgalaṃ	248
Carimaṃ	108	Chadanānaṃ	283
Carukena	71	Chandadānena	485
Calitappavattānaṃ	379	Chandarāgo	480
Cātuddasikā	289	Channaparibbājakassa	225
Cātuddiso	40	Chamāyaṃ	478
Cātumāsiniyā	286	Chavasīsassa	387
Cāpo	108	Chavikalyāṇatā	249
Cārikaṃ	199, 360, 437	Chinditvā	401
Cārupākārasaṅcitaṃ	495	Chinnapātamaṃ	447
Cāresuṃ	2	Chejjaṃ	115
Cāleti	74	Chedanakaṃ	101

Padānukkamo	Piṭṭhaṅko	Padānukkamo	Piṭṭhaṅko
[Ja]		[Ṭa - Ṭha]	
Jaggato	416	Ṭaṅkitamaṅco	284
Jagganakāle	494	Ṭhapita-upanikkhepato	341
Jaṭilo	204, 329	Ṭhapitā	456
Janapadakalyāṇī	248	Ṭhapeti	424
Jayasamvacchare	495	Ṭhānaṃ	152, 466
Jarā	136	Ṭhanantaram	124
Jalamva	419	Ṭhānāni	292, 466
Jaḷattā	2	Ṭhitam	293
Jātarūpaṃ	254	Ṭhitadhammo	429
Jāti	136, 171	Ṭhitikā	342
Jānatā	456	[Ta]	
Jātivuddho	400	Takaṃ	66
Jātissaro	123	Takapaṇṇim	66
Jātu	418	Takkaro	465
Jālāni	382	Taggha	356, 389
Jiridanti	328	Tacchakakammaṃ	3
Jeṭṭhakaṭṭhānaṃ	369	Tajjetvā	42
Jotikaraṇe	81	Taṇhakkhaye	164
[Jha]		Taṇhakkhayo	152, 292
Jhāyitum	393	Taṇhā	136
Jhe	24	Taṇhāvinicchayo	480
[Ña]		Tatīyāya	33
Ñattikammaṭṭhānabhede	494	Tatthajātakadaṇḍake	108
Ñānaṃ	160, 179	Tatthajātakā	405
Ñānadassanaṃ	167, 180	Tathāgatappavedite	430
Ñānavinicchayo	480	Tadavasari	360
Ñātībyasanaṃ	475	Tadahu	426
Ñāto	201	Tadahupasampanna	438
		Tadahuposathe	426

Padānukkamo	Piṭṭhaṅko
[Ta]	
Tanukakaddamo	15
Tanukamiddhikāya	387
Tanti	346
Tantibaddho	346
Tantissare	291
Tabbahulanayena	113
Tabbhāgiyā	466
Tādisaṃ	66
Tārakagaṇassa	118
Tālamūlakapabbate	272
Tālavaṇṇaṃ	390
Tāluyyāne	213
Tāvakālikaṭṭhena	88
Tāvatiṃsehi	318
Tiṃsakavaṇṇanāyaṃ	82
Tikabhojanaṃ	415
Tikkhindriyā	158
Ticittaṃ	117
Tiṭṭhati	342
Tiṇaṃ	452
Tiṇavatthāraśadisattā	375
Tiṇṇavicikiccho	182
Tiṇṇā	320
Titthaṃ	269
Titthāyatanāṃ	236
Titthiyasamādānaṃ	287
Titthiyasāvaka	236
Tiparivaṭṭaṃ	179
Tibhāgaṃ	405
Timiṅgalo	429

Padānukkamo	Piṭṭhaṅko
[Ta]	
Timitimiṅgalo	429
Tiracchānakathā	98
Tiracchānagato	279
Tiracchānabhūtaṃ	34, 98
Tissitthiyo	115
Tīre	346
Tucchaṃ	359
Tumbā	333
Tulābhūto	339
Tuvaṭṭaṃ	249
Tejodhātūsu	204
Telapadīpaṃ	308
[Tha]	
Thambhakavātapānaṃ	395
Thāmasā	88
Thālipākasatāni	413
Thūlaṃ	327
Theyyasaṃvāsako	257
Therassa	6
Thero	277
[Da]	
Dakkhanti	154
Dakkhiṇaṃ	319
Dakkhiṇodakaṃ	399
Daṇḍakammaṃ	255
Daṇḍādānaṃ	480
Dadhimatthu	123
Dantaṃ	300

Padānukkamo	Piṭṭhaṅko	Padānukkamo	Piṭṭhaṅko
[Da]		[Da]	
Dasabalo	218	Dīpakasikharaṃ	273
Dasabhāgaṃ	333, 493	Du	413
Dasabhāgamattaṃ	493	Dukkhaṃ	136
Dasavatthukakathā	402	Dukkhakkhandhassa	136
Dassanasīlo	38	Dukkhadukkhaṃ	172
Dassanāya	413	Dukkhanirodhaṃ	177
Daharapotahehi	360	Dukkhamatā	184
Daharo	439	Dukkhamānaṃ	84
Dātabbhaṃ	327	Dukkhavatthukatā	184
Dānakathā	192	Duggati	314
Dānakammavācā	335	Duggahitāni	342
Dāne	124	Duṭṭhacittena	261
Dāyapālo	354	Duṭṭhulla-ajjhācāro	84
Dāru	453	Duṭṭhullasaddattha-	
Dārumayapīṭhaṃ	28	dassanatthaṃ	13
Diṭṭhadhammasukha-		Duddaso	151, 154
vihārānaṃ	476	Duddassiko	377
Diṭṭhadhammo	182, 476	Duppaṭinissaggī	377
Diṭṭhavādītā	473	Dubbaṇṇo	377
Diṭṭhāvīkammampi	488	Dubbharatāya	444
Diṭṭhibyasaṇaṃ	475	Dubbhe	419
Diṭṭhivinicchayo	480	Duranubodho	151
Diṭṭhisampannānaṃ	12	Durāgatānaṃ	84
Diṭṭhisāmaññagato	465	Duruttānaṃ	84
Diṭṭhena	438	Dullabhaṃ	413
Dibbacakkhu	209	Dussikaseṇi	117
Divā divassa	325	Dussīlaṃ	427
Dīghaṃ	492	Dussīlo	313
Dīghalomako	294	Dūtaṅgehi	362
Dīghasālā	401	Dūteyyaṃ	417
Dīghāsaṇaṃ	404	Devadattiyaṃ	333

Padānukkamo	Piṭṭhaṅko	Padānukkamo	Piṭṭhaṅko
[Da]		[Dha]	
Deve	275	Dhammūpasamhitā	495
Devo	149	Dhammo	421
Desanāpaññāya	255	Dhātā	39
Desanāmattam	375	Dhāraṇam	253
Desessāma	236	Dhārā	429
Domanassam	136	Dhāretā	417
Dvādasākāram	180	Dhāreyyāsi	444
Dvāram	156	Dhiratthu	109
Dvārakoṭṭhakā	428	Dhuravihāraṭṭhāne	339
Dvivaggasaṅgahā	454	Dhuvabhattiko	367
Dvīhatīham	286	Dhūmakālikam	449
[Dha]		Dhūmarajo	452
Dhaññaphalarasam	330	Dhotavālikāya	233
Dhanitam	492	Dhovanam	350, 486
Dhanuggahācariyo	83	[Na]	
Dhamanisanthatagatto	234	Nakhapiṭṭhippamāṇam	241
Dhammakiccam	122	Nagaranigghosasaddena	223
Dhammakkhandhasarīrassa	455	Naccagītavādita-visūka-	
Dhammagaṇo	117	dassanam	253
Dhammacakke	181	Nacchādenti	304
Dhammacakkhum	181, 226	Najjā	132
Dhammacakkhu	158, 181, 209	Naṭanāṭakāni	65
Dhammamayaṃ	156	Nadim	270
Dhammasammukhatā	492	Nadī	416
Dhammā	210	Nandimukhiyā	340, 426
Dhammācariyo	238	Nandīragasahagatā	176
Dhammikam	126	Namati	154
Dhammikā	459	Nayanāni	458
Dhammiyā	360	Navakatarassa	369
		Navakammādhiṭṭhāyikam	111

Padānukkamo	Piṭṭhaṅko	Padānukkamo	Piṭṭhaṅko
[Na]		[Na]	
Nasseyya	29	Niggahetum	16
Nahārukalyāṇatā	249	Niccāletum	74
Nāgaṃ	300	Nicchandarāgo	87
Nāga	352	Nijjhāpenti	487
Nāgamaṇḍalaṃ	127	Nidahane	471
Nāgā	429	Nidānena	470
Nāgo	352	Niddesena	470
Nāṭaputto	384	Niddosā	465
Nānattakathā	99	Niddhāpetabbaṃ	410
Nānā	357	Ninnetabbaṃ	410
Nānādhātum	222	Nipakaṃ	352
Nānādhimuttikataṃ	222	Nipuṇo	151
Nānānivesanesu	406	Nippakhumakki	264
Nānābhāvo	447	Nippariyāyadukkaṃ	172
Nānālābhehi	343	Nippurisehi	192
Nānāsaṃvāsakabhāvaṃ	281	Nibaddhagamanatthāya	424
Nānūpacārehi	343	Nibandhāpitaṃ	409
Nāmaṃ	136, 372	Nibbaṭṭabijaṃ	22
Nāyako	204	Nibbānaṃ	152
Nārāyaṇaṃ	218	Nibbānāya	169
Nāsanavatthu	255	Nibbiṭṭho	124
Nāḷiyā	332	Nibbidā	189
Nikāmayamāno	292	Nibbindati	189
Nikkaṅkhā	85	Nibbutiṃ	129
Nikkujjitaṃ	196	Nibbuto	164
Nikkujjitabbo	388	Nimantaṇaṃ	234
Nikkhittamaṇisuvaṇṇā	452	Nimittaṃ	281, 291
Nikkhittavattassa	371	Nimittakamma	327
Nigaṇṭhasāvako	324	Nimujjanti	207
Nigaṇṭho	384	Niyatakataṃ	457

Padānukkamo	Piṭṭhaṅko	Padānukkamo	Piṭṭhaṅko
[Na]		[Na]	
Niyatamicchādiṭṭhidhammā	87	Nekkhammaṃ	292
Niyyāti	465	Netthāravatte	118
Niyyānam	458	Nerañjarāya	132
Niyyānikaṃ	421	Nerayiko	417
Niraṅkato	486	[Pa]	
Nirayamhi	422	Pakati-āmise	68
Nirayo	314	Pakatihūlikā	294
Nirāsaṅkaṭṭhānesu	273	Pakativacanena	77
Nirūpadhiṃ	302	Pakativañṇe	242
Nirodham	177	Pakāsetha	199
Nirodho	152	Pakudho	383
Nilloketabbo	423	Pakkāmi	436
Nivattantassa	286	Pakkālakam	471
Nivātavutti	493	Pakkhapaṇḍako	256
Nivāsetvā	319	Pakkhapāsake	388
Nissamsayam	324	Pakkhamānattam	438
Nissayā	234	Pakkhahato	377
Nissāmikadāso	243	Pakkhāletvā	312
Nissāraṇakammaṃ	346	Pakkhālesi	355
Nissāraṇīyo	116	Pakkhikam	409
Nihato	200	Pakkhipanam	402
Nīlapaṇṇavaṇṇe	21	Paggayha	458
Nīlavaṇṇā	321	Paccagge	150
Nīlavatthā	321	Paccaññāsīm	180
Nīlālaṅkāra	321	Paccayākāram	134
Nīlādivaṇṇāvaṇṇavasena	488	Paccayena	401
Nīhātum	343	Paccayo	135
Nīhārabhatto	182	Paccāgacchanto	292
Nu	147	Paccādiyati	434
Nuṇṇāni	217		

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Paccuṭṭhānaṁ	438	Paṭiggahetabbo	72
Paccesi	3	Paṭiggaho	486
Paccorohitvā	321	Paṭicayaṁ	292
Pacchimasopānakaḷevaram	389	Paṭicarati	23
Pajahati	473	Paṭicca	134
Pañcakaṁ	335	Paṭiccakammaṁ	327
Pañcanimalalocano	404	Paṭiccasamuppādo	135, 152
Pañca māse	341	Paṭicco	135
Pañcāhikaṁ	359	Paṭicchannaṁ	196
Paññatte	290	Paṭicchannakammantaṁ	427
Paññapessāma	236	Paṭicchannadukkhaṁ	172
Paññā	179	Paṭicchannaparissaye	352
Paññā indriyaṁ	432	Paṭicchanno	108
Paññācakkhu	209	Paṭijaggantā	199
Paññāvimuttim	476	Paṭiññātakaraṇaṁ	375
Paṭaṅgamaṇḍūko	264	Paṭinissatṭhāni	217
Paṭākamaṁ	327	Paṭipadaṁ	220
Paṭikacceva	453	Paṭipadā	169, 207
Paṭikuṭito	415	Paṭipadāya	167
Paṭikkantena	226	Paṭipanno	432
Paṭikkamati	358	Paṭipādentō	226
Paṭikkamane	233	Paṭippassambhi	298, 324
Paṭikkamantu	382	Paṭibandhituṁ	274
Paṭikkami	238	Paṭibāhāya	317
Paṭikkameyya	287	Paṭibujjhati	341
Paṭikkosantesu	346	Paṭibhātu	301
Paṭiggaṇhātu	389	Paṭibhānaṁ	305
Paṭiggaṇheyya	195	Paṭimāsituṁ	435
Paṭiggahaṁ	388	Paṭimukkaṁ	108
Paṭiggahaṇūpagaṁ	73	Paṭiyādāpetvā	330

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Paṭiyāditaṃ	52	Paṇṇattivītikkamaṃ	234
Paṭiyālokaṃ	58	Paṇṇasūci	404
Paṭivaṭṭesi	321	Paṭiṭṭhā	35, 248
Paṭivadatha	365	Patirūpaṃ	232
Paṭivīse	339	Pattakallaṃ	279
Paṭivedhapaññāya	455	Pattacīvaram	258, 319
Paṭivedho	320	Pattadhammo	182
Paṭisaṃharitvā	150	Pattapariyāpannamattampi	459
Paṭisaṅkhāpi	305	Pattamukhaṃ	341
Paṭisandhidhammā	87	Pattasaññī	105
Paṭisevati	217	Pattuṇṇaṃ	333
Paṭisotagāmiṃ	154	Patte	3
Paṭissave	285	Patto	485
Paṭihaññati	393	Pathesu	46
Paṭihanti	393	Padagaṇanāya	5
Paṭṭabandho	248	Padabyañjanaṃ	40
Paṭhamaṃ	132, 133	Padavītihārassa	398
Paṭhamacimilikā	335	Padavītihāro	232
Paṭhamābisambuddho	132	Padumapuṇḍarīka-	
Paṭhamiṭṭhakādīnaṃ	328	pattavaṇṇaṃ	242
Paṭṭhapenti	445	Padesaṃ	275
Paṇavasanaṭṭhāno	272	Padesasabbaṃ	209
Paṇītaṃ	486	Padhānagharaṃ	495
Paṇītabhojanāni	68	Padhānapahitattaṃ	161
Paṇītena	197	Padhānavibbhanto	167
Paṇīto	151	Panuṇṇapaccekasacco	217
Paṇḍitavedanīyo	151	Panuṇṇāni	217
Paṇḍito	160	Pannalomo	412
Paṇṇaṃ	243	Papatake	296
Paṇṇattivajjāni	128	Papāto	428
		Pappuyya	399

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Pabbajanti	167	Parābhavāya	414
Pabbajitena	169	Parāmasati	424
Pabbajjācariyo	238	Parāmāsā	88
Pabbajjābhisaṅkhāro	298	Parikkhārena	122
Pabbato	392	Parikkhipitvā	148
Pabhedagatā	2	Parikkhīṇabhavasamīyojano	292
Pamāṇaṁ	9	Parikkhepaṁ	117
Pamāṇaṅgulena	391	Parikkhepārahaṭṭhānena	344
Pamāṇavantāni	382	Pariggaho	480
Pamādaṭṭhānaṁ	252	Paricārayamānassa	192
Pamādādihikaraṇaṁ	313	Paricchindi	475
Pamādo	415	Parittaṁ	382
Pamuñcantu	159	Paridevo	136
Pamokkhaṁ	36	Parinibbuto	399
Payogagaṇanāya	88	Parinetvā	350
Payojetvā	341	Paripūrakārī	376
Payopānaṁ	485	Paribbājako	236
Paraṁ maraṇā	314	Paribhaṇḍaṁ	387
Paratīre	272	Paribhogatthāya	72
Parato	34	Paribhojanīyaṁ	361
Paradattavutto	412	Parimaddantā	333
Parapuggalānaṁ	222	Parimaṇḍalaṁ	40
Parabhāge	270	Parimaṇḍalapadabyañjanāya	40
Paramena assāsenā	326	Pariyatti	441
Paramparabhattaṁ	485	Pariyāgāro	396
Paramparabhojanaṁ	57	Pariyādinnaṅgā	417
Paralokavajjabhaya-		Pariyādiyanti	293
dassāvino	158	Pariyāyadukkhaṁ	172
Paravitāraṇā	90	Pariyāyena	437, 453
Parasamudde	343	Pariyuṭṭhitacitto	450

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Pariyesanā	480	Pavāḷam	429
Pariyesitabbaṃ	452	Pavijjhi	53
Pariyogāḷhadhammo	182	Paviṭṭham	273
Pariyodāto	164	Paviṭṭhāni	388
Parivajjeti	217	Pavivekaṃ	361
Parivaṭumo	264	Pavivekādhimutto	292
Pariveṇaṃ	29	Pavivekāya	444
Parivesanāya	61	Pavisanadvāraṃ	283
Parisāṅkāya	438	Pavisitabbaṃ	402
Parisuddhaṃ	199	Paviveko	292
Parisuddhasīlā	493	Pavuttaṃ	329
Parisuddho	164	Pasannacittaṃ	195
Pariharissāmi	414	Pasādacakkhu	210
Parihareyyuṃ	327	Pasādanīyaṃ	300
Parihāyanti	200	Pasādessāma	388
Parihīnāni	282	Pasāritena	226
Parūpahāravādā	90	Pasuṃ	327
Palipanno	343	Pasūro	236
Palujjati	29, 282	Passatā	456
Pavattamaṃsaṃ	327	Pahiṇanti	282
Pavattāro	329	Pahitatto	292
Pavattitaṃ	181	Pahīnāni	217
Pavattiniṃ	457	Paḷāsī	376
Pavattiyā	135	Pākaṭaparissaye	352
Pavatteti	181	Pākatikacuṇṇaṃ	304
Pavāritabbaṃ	288	Pākavaṭṭaṃ	344
Pavāritamatte	288	Pācitapiṇḍaṃ	485
Pavāritā	58	Pācīnakā	453
Pavārito	59	Pācīnavamaṃsadāyo	353
Pavārenti	305	Pāceti	305

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Pāṭaṅkiṃ	294	Pāpuṇanaṭṭhānato	344
Pāṭaligāmikā	306	Pāmaṅgadasā	391
Pāṭaligāmo	306	Pāraṃ	18
Pāṭipadadivase	85	Pārayati	272
Pāṭipadikaṃ	234	Pārā	272
Pāṭihāriyaṃ	206	Pārimante	273
Pāṭekkā	123	Pārisuddhidānapaññāpanena	280
Pāṇātipātā	251	Pālileyyakam	360
Pāṇātipāto	251	Pāleti	37
Pāṇino	495	Pāvārikassa	122
Pāṇo	251	Pāsamsā	400
Pāti	388	Pāsanto	391
Pātimokkhaṃ	277	Pāsādikaṃ	300
Pātimokkhānaṃ	131	Pāsādikena	44, 232
Pātimokkho	34	Pāsādo	235
Pāturaḥosi	155, 290	Pāḷiyā	369
Pāto	46	Pāḷivinimuttakesu	129
Pādakathalikaṃ	28	Pi	11
Pādaghamaṃsaṃ	369	Piṭṭhasaṅghāto	76
Pādaṭṭhānābhimukhā	26	Piṭṭhasurā	79
Pāde	355	Piṭṭhehi	304
Pāṇiyam	361	Piṇḍāya	358
Pāpaṃ	382	Piṇḍiyālopabhojanaṃ	234
Pāpakam	453	Piṇḍolabhāradvājo	384
Pāpako	313	Piṇḍolo	384
Pāpadhammaṃ	427	Pitāmahayugā	97
Pāpamittatā	418	Piyakaraṇo	458
Pāpicchatā	418	Piyacakkhūhi	356
Pāpiccho	377, 475	Piyarūpābhinandino	452
Pāpimā	200		

Padānukkamo	Piṭṭhaṅko	Padānukkamo	Piṭṭhaṅko
	[Pa]		[Pa]
Piyehi	447	Pūjāya	124
Piyo	482	Pūjitā	319
Pire	89	Pūtimuttaṃ	235
Pilotikakhaṇḍaṃ	46	Pūraṇo	382
Pisācillikā	287	Pūrattaṃ	429
Piṭhakasivikaṃ	294	Pūrā	319
Puggalasammukhatā	492	Pūvavaṭaṃsakaṃ	106
Puggalādhiṭṭhānanayena	344	Pūvasurā	79, 252
Pucchāsabhāgena	406	Pesuññaṃ	4
Pucchito	417	Pokkharavassaṃ	245
Puṭabhedanaṃ	318	Pokkharāṇī	402
Puttapemaṃ	250	Poṭakitūlaṃ	101
Puthu	350	Potthanikaṃ	414
Puthupaccekasaccāni	217	Pothujjaniko	169
Puthusamaṇabrāhmaṇānaṃ	217	Ponobbhaviḱā	176
Pupphāsavo	79, 252	Porī	41
Pubbakaraṇaṃ	278	Posikā	437
Pubbakiccaṃ	278		[Pha]
Pubbaṇhasamayaṃ	319	Pharanti	65
Pubbapetakathā	99	Phalatumbo	334
Pubbāgataṃ	455	Phalāsavo	79, 252
Pubbe	3	Phasso	136
Pubbenivāsādīhi	455	Phaḷubījaṃ	20
Purakkhatvā	312	Phātikammaṃ	339
Purassa	41	Phāsu	269
Purimikā	285	Phusati	419
Purisayuttaṃ	294	Phusitāni	395
Puriso	451	Phoṭesuṃ	321
Pure	434		
Pūjayanti	319		

Padānukkamo	Piṭṭhaṅko	Padānukkamo	Piṭṭhaṅko
[Ba]		[Ba]	
Badarasāḷavaṃ	123	Byañjanabuddhiyā	492
Bandhati	320	Byañjanasmim	115
Balaṃ	305	Byatto	160
Balāni	432	Byathati	417
Bahi	428	Byasanaṃ	474
Bahikuṭṭe	405	Byākarissati	340
Bahiddhā	376	Byākaronti	326
Bahidvārakoṭṭhake	437	Brahmacariyaṃ	182, 190, 199
Bahukaraṇīyo	302	Brahmacāripaṭiññaṃ	427
Bahukicco	302	Brahmarūpavaṇṇaṃ	250
Bahuraso	34	Brahmujugatto	264
Bādhayimsu	86	Brāhmaṇā	217
Bālakaloṇakāragāmo	353	[Bha]	
Bāhāgahaṇāpi	428	Bhagavantam	153
Bāhāyaṃ	428	Bhaggā	81
Bāhiralomim	381	Bhaññaṃāne	180
Bāhum	16	Bhaṭiputtagaṇo	117
Bāhulliko	166	Bhaṇato	6
Bidalakaṃ	388	Bhaṇeyya	269
Bijaṃ	20	Bhaṇḍakaṃ	282
Bījanim	390	Bhaṇḍanakārakehi	360
Buddhacakkhu	157, 209	Bhaṇḍanaajātā	4, 348
Buddhacakkhunā	157	Bhaṇḍapaṭicchādanaṃ	401
Buddhacande	457	Bhatini viṭṭhaṃ	403
Buddhattakarā	143	Bhattābhihāro	413
Buddhādhivuttho	344	Bhaddasālamūle	360
Buddho	382	Bhaddasālo	360
Belatṭhaputto	383	Bhadraṇi	319
Bodhi	132, 180, 432	Bhabbarūpo	201
Byañjanaṃ	262		

Padānukkamo	Piṭṭhaṅko	Padānukkamo	Piṭṭhaṅko
[Bha]		[Bha]	
Bhabbāpattikā	471	Bhūtaṃ	485
Bhayānakam	419	Bhūtapubbarṃ	349
Bhavataṇhā	176	Bhūtānaṃ	19, 429
Bhavanetti	321	Bhūtāni	382
Bhavo	100	Bhūmi	321
Bhāram	73	Bhūmiyaṃ	27
Bhāvitatto	418	Bhūmi-ādhārake	387
Bhāvitabhāvano	202	Bhedanakam	100
Bhāsassu	226	Bhesakaḷā	81
Bhāsitaṃ	190	Bhesajjam	485
Bhikkhaggena	452	Bhesmā	419
Bhikkhācāro	247	Bhogabyasanaṃ	475
Bhikkhugatiko	282	Bhogasampadā	475
Bhikkhudūtena	445	Bhojjayāguyā	305
Bhikkhuniyo	241		
Bhikkhusantakam	328	[Ma]	
Bhikkhusabhāgatā	265	Maṃsakalyāṇatā	249
Bhiṅko	416	Maṃsūpasecanaṃ	109
Bhindissati	415	Makase	393
Bhīto	411	Makkhadhammo	374
Bhīru	142	Makkhali	383
Bhujissabhāvakaraṇato	464	Makkhī	376
Bhujissāni	464	Magadhamahāmattā	317
Bhuttāvim	197	Maggānugo	420
Bhuttāvī	58	Maggo	170, 402
Bhumā	181	Maṅgalikā	390
Bhusā	293	Maccharasaṃ	61
Bhusāgāre	332	Macchariyaṃ	480
Bhusikā	410	Maccharī	377

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ma]	
Macchikavāraṇatthaṁ	73	Mantentaṁ	95
Macchikāsaṇḍe	366	Mandāravapupphaṁ	446
Majjama	252	Mando	90
Majjhimā	169	Mamāyanavacanaṁ	458
Mañcapīṭhasenaṣanaṁ	392	Mammaṇaṁ	265
Mañce	478	Maraṇaṁ	136, 174
Maññittha	350	Mallakamūlasaṅṭhānena	381
Maññe	357	Mallagaṇo	117
Maññeyyāsi	327	Mallānaṁ	410
Maṇati	458	Masāragallaṁ	429
Maṇi	429	Mahagghena	339
Maṇḍanaṁ	253	Mahaddhana	349
Maṇḍanakajāṭiko	439	Mahabbalo	349
Matakacīvaraṁ	335, 343	Mahā-āvāse	423
Mado	415	Mahā-upadhānaṁ	295
Madditasankhāro	202	Mahā-upāsako	57
Madhugolaḷakaṁ	305	Mahākojavo	294
Madvāsavo	79, 252	Mahāguṇaṁ	457
Manasi	135	Mahājāniyo	160
Manāpehi	447	Mahāpajāpati	436
Manāpo	42	Mahāpiṭṭhiyakojavaṁ	339
Manusse	403	Mahābandhanabaddho	200
Mano	210	Mahābhitāpanaṭṭhena	87
Manomayaṁ	413	Mahābhūtesu	75
Manoviññāṇaṁ	210	Mahābhūmikaṁ	335
Manosamphasso	210	Mahābhogo	349
Mantaggahaṇaṁ	487	Mahārajakkhā	158
Mantapadaṁ	329	Mahālatam	97
Mantābhāsā	474	Mahāvāhana	349
Manteti	124	Mahāvijito	349

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ma]	
Mahāvihāro	485	Mukhālambarakaraṇādibhedo	472
Mahāvelā	132	Mucalindo	148
Mahāsayanam	254	Muṭṭhassati	240
Mahikā	452	Muṭṭhipannam	405
Mahicchatāya	444	Muṭṭhippamāṇā	14
Māgamā	382	Muṭṭhiratanam	395
Māghātasamayo	107	Muṇḍavedikāya	401
Māghāto	305	Muṇḍavaṭṭi	391
Mātaṅgaraṇṇe	352	Muttā	429
Mānayananti	319	Muttāni	217
Mānaso	201	Muttolambakādīnam	381
Mānitā	319	Mudīṅgasaṅṭhānā	271
Māpentī	317	Mudīṅgasaṅṭhānena	391
Māyāvī	377	Mudindriyā	158
Mārapāsena	203	Muducittam	195
Māro	200	Muddikakāyabandhanam	390
Mālā	253	Munāti	46
Māḷakasīmāya	489	Murajavaṭṭisaṅṭhānam	390
Migadāye	163	Musā	1, 252
Migabhūtena	412	Musāvādo	252
Migāranattā	111	Mūlā	362
Migāramātā	111	Mūsikukkuraṃ	15
Micchājīvapaṭisedhakena	37	Mūḷhassa	196
Micchāñṇam	481	Mettaṃ	357, 458
Micchādīṭṭhi	377	Medhagā	351
Micchāvimutti	481	Medhāvino	320
Mittam	420	Medhāvī	160
Mukhadvāram	70	Merayam	252
Mukhadvārikam	255		

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ya]	
Mokkhaṃ	36	Yobbanappattā	241
Moggallāno	224	Yobbanātītā	241
Modati	422	[Ra]	
Momūho	90	Rakkhā	411
[Ya]		Rakkhitavanasañḍe	360
Yakkhena	11	Rajataṃ	254
Yaññā	331	Rajanaṃ	195
Yatindriyaṃ	300	Rajanakumbhiyā	340
Yathābhāgaṃ	423	Rajanadoṇi	405
Yathābhirantaṃ	437	Rajohatabhūmi	370
Yathādhammaṃ	389	Rajoharaṇaṃ	451
Yathārutaṃ	20	Raṭṭhabhede	50
Yadaggena	444	Ratanaṃ	96
Yamakaṃ	121	Ratanacaṅkame	144
Yasasā	419	Ratanāni	430
Yasassī	201	Ratā	152
Yānassa	321	Rattacitto	93
Yāpanīyaṃ	235	Rattavitānena	295
Yāpeti	37	Rattim	478
Yāvakīvaṅca	179	Ratticchedo	282
Yāvata	318	Rattinissaggiyena	336
Yāvatikā	279	Rattiyā	133
Yiṭṭhe	214	Rattūparatā	330
Yuddhe	99	Ramati	362
Yuvā	439	Ramanti	151
Yūthā	361	Ramme	393
Yebhuyyenacchannaṃ	10	Rassaṃ	492
Yo	17		
Yogakkhemaṃ	421		

Padānukkamo	Piṭṭhaṅko	Padānukkamo	Piṭṭhaṅko
[Ra]		[La]	
Rahassakiriyaṭṭhāniyaṃ	223	Labheyya	182
Raho	357	Lahu	232
Rahogatassa	360	Lābhasakkārasilokaṃ	292
Rāgaggi	211	Lābhasīmā	344
Rāgadosaparetehi	153, 154	Lābhā	459
Rāgarattā	154	Lābhena	417
Rāsi	19	Lābho	413
Rittam	287, 359	Liṅgam	281
Rukkhaṭṭhakavimānaṃ	16	Luñcitvā	387
Rukkhadhamme	17	Lekham	382
Rukkhamūlasenāsaṇaṃ	392	Leṇattham	393
Rudhi	390	Leṇāni	393
Rūpaṃ	136	Lokaṃ	222
Rūpakākiṇṇāni	387	Lokakkhāyikā	99, 100
Rūpasuttaṃ	84	Lokavajjāni	128
Rūpiyaṃ	485	Lokasmiṃ	418
Rūhati	419	Lokassādamitta-	
Reṇuhatāya	207	santhavavasena	115
Rogabyasaṇaṃ	475	Loko	315
Romakaṃ	471	Loṇasovīraṇaṃ	79
[La]		Lohitako	429
Lakkhaṇaṅṅū	345	[Va]	
Lakkhaṇūpanijjhānaṃ	137, 138	Vaggaṃ	276
Lakkhaṇūpanijjhāna-		Vaggabandhanena	199
lakkhaṇena	137	Vaggarato	421
Lakkhāni	78	Vacanapathānaṃ	84
Laggā	382	Vacanapatho	439
Laddhalābho	109	Vacīpayogā	488
Laddhinānāsaṃvāsako	346		

Padānukkamo	Piṭṭhaṅko	Padānukkamo	Piṭṭhaṅko
[Va]		[Va]	
Vaccaghaṭaṃ	287, 359	Valeti	55
Vajjanīyā	279	Vassaṃvutthassa	299
Vajjappaṭicchādikā	120	Vassāratto	435
Vajjāvajjaṃ	231	Vassikā	486
Vajjīnaṃ	317	Vaḷaṇḅjetuṃ	405
Vañcetaṃ	49	Vā	318
Vaṭṭabhayena	42	Vācasikaṃ	269
Vaṭṭānugataṃ	250	Vācasiko	36
Vaḍḍhiṃ	341	Vācā	2, 269
Vaṇippatho	318	Vācāgocārā	350
Vaṇṇaṃ	305	Vācāya	301
Vaṇṇāvaṇṇaṃ	339	Vācitaṃ	329
Vaṇṇāvaṇṇo	115	Vācuggatavasena	7
Vaṇṇitaṃ	475	Vācuggatā	39
Vatīyā	79	Vātaṇḅiko	264
Vatthiṃ	305	Vātuvuṭṭhi	293
Vatthum	300	Vātātapo	393
Vatthu	371	Vādānuvādo	326
Vatthujjhācārā	116	Vādo	252
Vatthupuggalo	84	Vānacitro	294
Vatthusabhāgā	279	Vāragāmo	407
Vatthusmiṃ	105	Vāritā	256
Vatthūni	317	Vāreyyaṃ	282
Vane	361	Vāsaggāhāpanatthaṃ	79
Vantāni	217	Vāsaye	393
Vandanaṃ	257	Vāsijaṭe	101
Vapayanti	140	Vāḷamigāni	393
Vayakalyāṇatā	249	Vāḷarūpāni	294
Vayaṅca	293		
Vayovuddho	400		

Padānukkamo	Piṭṭhaṅko	Padānukkamo	Piṭṭhaṅko
[Va]		[Va]	
Vikappadvaye	68	Viditvā	302
Vikālabhojanam	478	Vinayagarukā	490
Vikālabhojanā	252, 330	Vinayapaññattiṃ	455
Vikubbato	416	Vinayapariyatti	90
Vikubbaniddhiyā	386	Vinayasaṅgītiyā	451
Vikūjamānā	6	Vinayātisāro	454
Vikesikaṃ	192	Vinaye	389
Vikkhambhetvā	75	Vinayo	421
Vikkhelikaṃ	192	Vinābhāvo	447
Vigatakathamkatho	182	Vināyako	204
Viggahaṃ	485	Vinipātanahetunā	109
Viggaho	480	Vinipāto	314
Viggāhikaṃ	402	Vinivijjhanaṭṭhena	88
Viggāhikakathā	4	Viniveṭhetvā	149
Vicāreti	55	Vinītakathā	456
Vicchikassa	339	Vinīvaraṇacittam	195
Vicchinditvā	407	Vinetum	40
Vijaṭetvā	402	Vinodeti	217
Vijahitvā	274	Vipariṇāmadukkham	172
Vijāta	20	Vipassitum	393
Vijitasāṅgāmo	157	Vippakirati	283
Vijjā	179	Vippalapantiyo	192
Viññāṇam	136	Vippasannāni	164
Viññāpaniyā	301	Vippasīdati	483
Viññāpetā	417	Vibhattadesanaṃ	495
Viññūpasatthāni	464	Vibhattiyo	486
Vitakkacāriko	402	Vibhavataṇhā	176
Vitthataṃ	320	Vibhūsanam	254
Vitthāro	135	Vimalena	156
Viditadhammo	182	Vimānetvā	445

Padānukkamo	Piṭṭhaṅko	Padānukkamo	Piṭṭhaṅko
	[Va]		[Va]
Vimutti	133, 180, 203	Visesakaṃ	445
Vimuttiraso	430	Visesādhigamena	418
Vimutte	228	Vissajjeti	402
Vimutto	292	Vissaṭṭhadūto	406
Virajaṃ	180	Vissaṭṭhāya	41, 301
Virāgāya	444	Vissaṭṭhichaḍḍane	490
Virāgo	136, 152	Vissuto	419
Virūpakkhehi	381	Vihacca	149
Virūpāni	472	Vihārapacchāyāyaṃ	290
Vilīvacchattam	108	Vihāravārikā	407
Vilepanaṃ	253	Vihārasīmaṃ	275
Vilokitena	226	Vihārasīmāya	373
Vivaṭaṃ	433	Vihārasenāsaṇaṃ	392
Vivaṭṭanaṃ	447	Vihāre	393
Vivaṭṭanti	447	Vihāro	235
Vivari	332	Vītamalaṃ	180
Vivareyya	196	Vītarāgattā	292
Vivādamūlāni	375	Vītarāgā	447
Vivādāpannā	4, 348	Vītināmetvā	300
Vivādo	377, 480	Vītivatto	413
Vivekānurūpaṃ	223	Vīriyasamathaṃ	291
Visaṃvādanaṃ	2	Vīriyārambhāya	444
Visajja	320	Vīro	157
Visaññogāya	444	Vuṭṭhānaṃ	222
Visaṭaṃ	17	Vuṭṭhāpentiyā	117
Visārado	90	Vuṭṭhitāya	288
Visikhākathā	99	Vuṭṭhiyo	393
Visibbetvā	125	Vuddhataro	288
Visuddhaparivārassa	455	Vuddhapabbajito	332
Visūkāyikavipphandibhānaṃ	300	Vusitaṃ	190

Padānukkamo	Piṭṭhaṅko	Padānukkamo	Piṭṭhaṅko
[Va]		[Sa]	
Vusitavā	292	Saṁvarāya	389
Vūpakaṭṭho	291, 361	Saṁvasati	430
Vedanā	136	Saṁvaro	35
Vedayitaṁ	210	Saṁvuto	35, 36
Vedikā	493	Saṁveṭhetvā	27
Vedikāsadisam	395	Saṁsaṭṭham	304
Vediyāmi	371	Saṁsanditvā	87
Veyyākaraṇasmim	180	Saṁsaritaṁ	320
Veyyāyikaṁ	399	Saṁsitaṁ	321
Verajjakā	54	Saṁsuddhagahaṇiko	96
Veramaṇi	251	Sakaṭam	453
Vesārajjappatto	182	Sakadāgāmī	433
Vesiyāgocaro	241	Sakabhavanā	148
Veḷuriyo	429	Sakaraṇīyo	285
Vo	358	Sakalassa	137
Vodānaṁ	222	Sakkāyasabbaṁ	209
Vosānaṁ	418	Sakkāro	413
Voharati	88	Sakkhissanti	274
[Sa]		Sagāravā	231
Saṁ	176	Saggo	315
Saṁkilesa	194	Saṅkampeyya	293
Saṁkhāditvā	416	Saṅkassarasamācāraṁ	427
Saṁgha-uposathādibhedena	277	Saṅkhalikhitaṁ	297
Saṁghato	111	Saṅkhāya	217
Saṁghabhattaṁ	234	Saṅkhāradukkhaṁ	172
Saṁghasantakameva	328	Saṅkhārā	136
Saṁghasammukhatā	492	Saṅkho	429
Saṁyamassa	339	Saṅgaṇikāya	444
Saṁyamo	36	Saṅgati	352
		Saṅgahāya	458

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sacittakāni	128	Saddhammarasasevino	495
Saccañāṇaṁ	179	Saddhā-indriyaṁ	432
Sacchikatvā	167	Saddhāmattakaṁ	292
Sajjhāyaṁ	277	Saddhāsampannakulādinā	38
Sañcayo	383	Saddho	240
Saññate	319	Sanantano	351
Saññājananatthaṁ	488	Sanettikā	452
Saññāpeti	375	Santacittassa	293
Saññogāya	444	Santativasena	186
Saṭho	377	Santappetvā	197
Saṅghapesuṁ	166	Santamānaṣaṁ	300
Satipaṭṭhānaṁ	431	Santānakaṁ	423
Satipubbaṅgamā	111	Santāpo	184
Sativinayo	375	Santindriyaṁ	300
Sattavirahitassa	137	Santuṭṭhiyā	444
Sattādhikaraṇavhayā	129	Santo	151
Sattāham	133	Santhataṣeṇāsaṁ	392
Sattāhapaṇinibbuto	447	Sandiṭṭhiparāmāsī	377
Sattāhavārena	283	Sandhāvitaṁ	320
Sattumodako	60	Sannisinnagabbhā	445
Satthakena	72	Sannisinnā	323
Satthavāho	157	Sannayhitvā	350
Satthādānaṁ	480	Sapadānaṁ	106
Satthāro	414	Sappatissā	232
Satthumahābodhivibhūsito	495	Sappavisāṁ	17
Satthuladdhūpasampadā	111	Sabalaṁ	464
Satthusāsaṁ	492	Sabbakappiyāni	65
Satthe	283	Sabbaṅgapaccaṅga-	
Saddaṁ	181	palibhaṅjanaṭṭhena	88
Saddāyantiyā	118	Sabbaṅjaho	164
		Sabbatthagāminīṁ	220

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sabbadado	394	Samantacakkhu	157, 209
Sabbapāsaṇḍiyabhattāni	258	Samannāharatha	277
Sabbapāsehi	200	Samapaṭivīso	340
Sabbavidū	164	Samapuṇṇaṃ	106
Sabbasaṅkhārāsamatho	152	Samappitassa	192
Sabbasattā	4	Samabharitaṃ	106
Sabbasantharim	307	Samayavasena	186
Sabbasabbaṃ	209	Samayehi	155
Sabbābhibhū	164	Samācitaṃ	495
Sabbāsavapahaṃ	129	Samādhimhā	143
Sabbūpadhipaṭinissaggo	152	Samānācariyako	343
Sabyañjanaṃ	199	Samiñjitena	226
Sabhāgataṃ	238	Samiddho	34
Sabhāgāpattiyo	279	Samihitaṃ	329
Sabhāvavasena	187	Samuggapāti	287
Sabhāveneva	123	Samudācareyyāma	414
Sabhāsaṅkhepena	7	Samuddakkhāyikā	100
Samaggaṃ	422	Samuppādo	135
Samaggabhāvāya	458	Samūhatā	321
Samaggā	356	Samūhanitabbā	274
Samaṅgībhūtassa	192	Samūhanitum	274
Samajano	350	Samūhaneyya	448
Samaññāto	418	Same	339
Samaṇakappehi	22	Same guṇe	291
Samaṇapaṭiññaṃ	427	Sameti	362
Samaṇā	217	Sampakampeyya	293
Samatittikā	319	Sampajānamusāvāde	1
Samatho	468	Sampaṭicchanaṃ	232
Samanantarā	234	Sampannasalilāsayo	495
Samanussaranto	411	Samparāye	400

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sampavāretvā	197	Sammāvimutti	223
Sampavedheyya	293	Sammāsaṅkappo	171
Sampavesetvā	55	Sammāsaṭi	171
Sampādehi	232	Sammāsamādhi	171
Sambahulā	327	Sammāsaṁbuddhena	455
Sambodhāya	169	Sammāsaṁbuddho	164
Sambhama-atthavasena	348	Sammāsaṁbodhiṁ	180
Sambhavanti	136	Sammukhāvinayasmiṁ	380
Sambhārasaṁyuttā	79, 252	Sammūḷho	314
Sambhārasaṁyutto	79, 252	Sayaṁ	167
Sambhāvesuṁ	453	Saraṁ	320
Sambhinnarasam	334	Sarajā	452
Sambhoge	267	Sarabū	382
Sammati	466	Sarabhaññaṁ	277
Sammato	418	Sarabhaññaṁpariyosāne	301
Sammadañña	292	Saravatī	291
Sammantanam	4	Sarasi	416
Sammanti	351, 468	Sarāgāya	444
Sammannati	414	Sarīsape	393
Sammannitabbam	339	Sarena	301
Sammappadhānam	431	Salākabhattam	234
Sammasanacāro	229	Sallāpo	287
Sammā	38	Savacanīyam	369
Sammā-ājīvo	171	Savantiyo	429
Sammākammanto	171	Savarabhayaṁ	276
Sammāññaṁ	223	Saviḡhātam	250
Sammādiṭṭhi	170, 223	Sasaṁbhāracakkhu	210
Sammāvattanā	232	Sahatthā	197
Sammāvācā	171	Sahadhammikam	236
Sammāvāyāmo	171	Sahadhammena	90

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sahadhammo	485	Sikkhitasikkhena	104
Sahampatissa	155	Singīnikkham	214
Sahavāso	370	Singhāṭakam	50
Sahāyatā	352	Singhāṭakasaṇṭhānā	271
Sahite	134	Siñcam	485
Sākasūpeyya	105	Sithilam	492
Sāttham	199	Sithilakaraṇam	3
Sāditum	369	Sibbitum	341
Sādiyantassa	369	Sirinivāsassa	495
Sādiyanti	452	Silakabuddho	107
Sādīnavo	350	Silā	429
Sādhāraṇabhogī	460	Siluccayaleṇam	29
Sādhu	327	Siloko	413
Sādhugītam	381	Sisire	393
Sādhuvihāradhīram	352	Sītam	393
Sāmikā	124	Sītacchāyatarūpetam	495
Sāmīcikammaṃ	438	Sītībhūto	164
Sāmukkaṃsīkā	195	Sītīkato	107
Sāraṇīyā	458	Sīmantarikatthāya	275
Sārato	292	Sīmasodhanam	275
Sāriputto	224	Sīmāsaṅkaram	275
Sāvasesā	421	Sīmāsaṅkhyameva	273
Sāvetā	417	Sīmāmāḷake	272
Sāsaṅkasappaṭibhayaṭṭhena	88	Sīlakathā	193
Sāsane	454	Sīlabbataparāmāsam	292
Sāhāram	312	Sīlabyasanam	475
Sāhu	232	Sīlavante	319
Sikkhāpadāni	250	Sīlavā	314
Sikkhāpade	65	Sīlavipanno	313
Sikkhitasikkhāya	438	Sīlasāmaññagato	465

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sīlasampanno	314	Suttaṃ	485
Sīsappamāṇaṃ	395	Suttanto	282
Sīsavasena	335	Suttānulomaṃ	80
Sīho	323	Suddhaṃ	46
Su	366	Suddhakoseyyaṃ	295
Sukaraṃ	416	Suddhassa	371
Sukhaṃ	142, 305	Suniggahitaṃ	90
Sukhatthaṃ	393	Sunidhavassakārā	317
Sukhumojaṃ	305	Supaṇṇavaṅkakathaṃ	393
Sugati	314	Supati	341
Sugutto	90	Subharatāya	444
Suggahitāni	301	Sumanamaso	204
Suci	302	Sumanasikatāni	301
Suchaviṃ	242	Suyuttayānasadisāya	482
Sujāta	96	Surā	252
Suññatattṭho	183	Surāmerayapānā	452
Suññatāvihārena	454	Surāmeraya-	
Suññāgāraṃ	316	majjappamādatṭhānā	252
Suññāgāragato	410	Suvaṇṇageruko	304
Suṭṭhu	152	Suvikkhālitāṃ	416
Suṇanti	289	Suviññāpayā	158
Suṇhā	11	Susaṃvihitā	411
Sutaṃ	39	Susukā	304
Sutadhammassa	150	Susumāragire	81
Sutadharo	39	Sūciḡhaṭikaṃ	428
Sutapariyattisīlaguṇaṃ	12	Sūcidaṇḍakappamāṇo	270
Sutavā	189	Sūpadhāritāni	301
Sutasannicayo	39	Sūrakathā	99
Sutasamīpaṃ	94	Sekkhapaṇṇattiyāṃ	241
Sutena	438	Seti	247
		Setu	235

Padānukkamo	Piṭṭhaṅko	Padānukkamo	Piṭṭhaṅko
[Sa]		[Ha]	
Senānigamo	200	Hatthapāsūpagamanameva	281
Senāpati	323	Hatthapāse	369
Senāsanam	405	Hatthamuddāgaṇanā	3
Seyyā	7, 485	Hatthavaṭṭakam	294
Seyyo	352	Hatthavikārena	287, 359
Seleyyakam	21	Hatthavilaṅghakena	287, 359
Sevitabbā	169	Hatthinakho	404
Seve	115	Hatthippamāṇo	270
Sokanudam	340	Hatthukkhepakena	287
Sokā	46	Hammiyam	235
Soko	136	Hammiyavedikā	401
Soṇḍāya	361	Have	137
Sotā	417	Hasanīyasmim	105
Sotāpanno	432	Hāpanam	346
Sodheti	305	Hiṅgu	65
Sorato	493	Hiṅgujatu	66
Sovaggikam	340	Hiṅgusipāṭikam	66
Sosabyādhi	242	Hiyyo	50
Soḷasa	138	Hirimā	240
Svākārā	158	Hīno	169
Svātanāya	206	Hīleti	42
[Ha]		Hute	214
Hatavatthakānam	340	Hupeyya	165
Hattham	107	Heṭṭhārukkhe	3
Hatthakukkuccena	21	Hemantiko	191
Hatthadhovana-udakam	423		